

ACTA ERVEDITORVM

A N N O
M D C C X V
publicata.

*Cum S. Cæsareæ Majestatis & Regis Pol.
atque Elect. Sax. Privilegiis.*

L I P S I Æ,
Prostant apud JOH. GROSSII Hæredes,
JOH. FRID. GLEDITSCH & FIL.
THOMAM FRITSCHIUM
&
FRID. GROSCHUF.

TYPIS JOH. CASP. MULLERI,
A. M D C C X V.



N. I.
A C T A
ERUDITORUM,

publicata Lipsia

Calendis Januarii Anno M'DCC XV.

HADRIANI RELANDI PALÆSTINA EX
monumentis veteribus illustrata.

Tomi II.

Trajecti Batav. ex libraria Guil. Broedelet, 1714, 4.

Alph. 6 pl. 7½ Tab. æn. 14.

Palæstinæ accuratiorem descriptionem, quam eruditi dudum desiderarunt, Clar. Relandus, cujus labores utilissimos alibi laudavimus, elucubravit, & publico eruditorum usui dedit. Dividitur opus in tres Libros, quorum primus de Palæstinæ nominibus, situ, terminis, partitione, aquis, montibus & campis agit: secundus intervalla præcipuorum locorum exponit: tertius ordine, ut vocant, alphabetico urbes & vicos recenset & prolixè describit. Ne existimes, antiquam aliquam & vulgatam mappam hic illic correctam ab eodem proferri: ipsa enim res docet, omnes tabulas veluti dubias atque ambiguas ab eo sepositas, ea vero omnia quæ ad situm & intervalla quicquam facere sunt visa, ex veterum Latinorum, Græcorum, Hebræorum item & Arabum scriptis esse collecta. Ex his pauca adducemus, quæ Clar. Autoris studium in hoc opere adhibitum evidenter monstrabunt. In Libri I capite primo annotavit, terram Canaan non comprehendere regionem a duodecim tribubus occupatam, quia Num. XXXIII, si de Israelitis castra metantibus dicitur: *mox ibitis trans Jordanem in terram Canaan.* Quod quoque colligitur ex Josue XII, 11, ubi de Rubenitis, Gaditis & Menasim trans Jordanem habitantibus refertur, eos ex-

A struxisse

p. 2.

4

- struxisse altare **כנען מול ארץ כנען** *ex adverso terra Canaan*, quod uti versu 10 scriptum, **על הירדן** ad Jordanem fuit. Plura ibi testimonia ex Jud. XXII, 9 & 32 & Judæorum scriptis producta legas, quæ confirmant, Jordanem terminum orientalem terræ Canaan fuisse, secus ac Bochartus & Lightfootus vulgari loquendi consuetudine abrepti scripserunt. Prætermisissis, quæ a Judæis ex more ipsius de terræ totius divisione & Israeliticæ sanctitate traduntur & hic collecta leguntur, ad caput V progredimur, in quo occasione vocis **ארץ** regioni Israelitarum assertæ, quæstionem de tenebris Christo patiente super **πᾶσαν** (& **ὅλην**) **τὴν γῆν** exortis movet, phrasinque eam Matth. XXVII, 45, Marc. XV, 33, Luc. XXIII, 34 occurrentem de universa terra interpretatur, quia eodem sensu Luc. XXI, 35 **πρόσωπον, πᾶσης τῆς γῆς**, Apoc. XIII, 3 **ὅλη ἡ γῆ**, Rom. IX, 17 & X, 18 adhibita. Situm porro Palæstinæ indagaturus, eum a Judæis in medio orbis positum prædicari observat; sed collatis pluribus locis, quæ veteres in eodem situ fuisse dixerunt, negat vel Judææ, vel Athenis, vel ulli alii urbi illud elogium competere. Frequenter quoque mendosa Auctorum loca emendat, uti in Cyrillo p. 58, & Josepho p. 59 & p. 61, quæ conjecturæ, uti videtur, non sunt rejiciendæ. Dum Palæstinæ terminos inquit, Ægyptumque Palæstinæ conterminam esse negat, sententiam celebris Bocharti sub examen vocat, qui vocem **מצרים**, quæ Ægypto nomen dedit, non hominis, sed regionis nomen fuisse contendit in Geograph. Sac. L, IV, 24. Ejus rationem, quod forma dualis id non patiat, convellit Noster, adducens dualia plura, v. gr. Ephraim, Schaccharaim 1 Chron. VIII, 8, & pluralia Muppim, Schuppiim 1 Chron. VI, 15, aliaque Nehem. VII, 52, Gen. XLVI, 21, 1 Chron. XXIV, 8 occurrentia, quæ omnia non regionum, sed personarum nomina esse contextus convincit. Quæ observatio utique necessaria est: si enim a Bocharti sententia stare, & nulla pluralia vel dualia pro personarum nominibus habere volueris, frequenter regiones in filiorum locum non sine errore substitutes. Dum Cap. XVII Nabothæ describit, ex Josepho Suidæ locum, quem corruptum esse interpretes monent, illustrat. Scripsit Suidas **αἰγείρας ὁ χωλὸς**, ubi quidam **πτωχὸς**, alius **ὀχλογωγὸς** substituit;

mit; sed Noster ex Josepho Lib. VI de B. J. cap. 12 probat, Nabathzi cujusdam filio nomen ἀγείρας fuisse, ὡς περ σημαίνες χωλός: cujusmodi loca a Nostro restituta plura observavimus. In capite XXVIII inquit, quæ urbes in partitione terræ singulis tribubus datæ sint. Primo loco posuit urbes Judæ in tractu Australi sitas & Jos. XV, 21--32 descriptas. Refert Autor libri Josue v. 32, urbes omnes ibidem nominatas esse numero 29, quarum tamen nomina, si in codice numeres, vel 36 vel 38 esse cognoveris. Ut hoc dubium tollatur, LXX confert, qui omissis quibusdam Hebræi codicis nominibus 30 exhibent, & sic proxime ad 29 accedunt. Cum hoc non satisfaceret, removendas esse putabat urbes, quas Simeonitæ acceperunt, quibus deimptis numerus 29 minor exsurgit: quare tandem ex Scripturæ locis probat, quædam adesse urbium Simeoniticarum nomina pluribus aliis communia. Non improbamus hanc methodum, fortasse tamen res intricata expediretur, si aliquot nomina conjungamus, maxime quæ a LXX sunt omissa. Nam nostris æque ac antiquis temporibus contigit, ut unius urbis diversæ partes diversis nominibus appellentur. Sic quoque LXX cum codice Hebræo conveniunt, si supponamus, eos addidisse quandoque nomina, quæ partes urbium denotarent. Inter reliquas urbes Judæis accersitas Jos. XV v. 60 in LXX codice urbes undecim adducuntur, quarum nomina in Hebræo codice non leguntur, quæ Hieronymus a nostro Cl. Autore L. III p. 643 adductus Judæorum malitia erasa esse putavit. Sed recte negavit hoc Cl. Vir, rationibus non spernendis suffultus. Superest tamen questio, qua occasione illæ urbes, quas inter & Ephrata, quæ est Bethlehem, refertur, codici Græco accesserint. Non videtur probabile, LXX illas addidisse; non enim apparet, quo fine hoc fecissent. Ni fallor majori ratione quis assereret, illa urbium nomina a Sacerdotibus vel Scribis addita esse circa nostri Sosipitatoris tempora, cum Herodes principes Sacerdotum interrogaret, ubi Christus nasciturus sit? Cui responderunt, in Bethlehem Judææ, provocantes ad Mich. V, 2. Non dubito, eo tempore Judæos inquisivisse omnia, quæ de illa urbe sacris literis erant tradita. Et cum Bethlehemum in urbium Judææ apud

p. 150.

- Josua recensio non invenirent, addiderunt eam cum aliis ejusdem tractus locis, ut Salvatoris urbs natalis celebrior redderetur. Reliqua singularum tribuum loca prolixè in hoc capite traduntur, & cum LXX senibus, aliisque Scripturæ locis conferuntur, ut numerus a Josua dictus sibi constet. Mittimus Kedarenos, Madianitas, Ammonitas, Ituræos aliosque plures Orientis populos Israelitis vicinos, quos Noster ex antiquorum scriptis fide & doctè delineavit. Cap. LII de monte olivifero agens ex Quaresmio annotat, eundem trium luminum montem esse nuncupatum, & in veteri editione Act. cap. I pro eo, quod nunc legitur *a monte*, qui vocatur *Olivet*, lectum fuisse, *a monte trium luminum*. Quia illuminabatur a parte Occidentis igne jugi, qui erat in altari, & a parte Orientis primos radios Solis excipiebat, antequam hi urbem collustrarent, & denique copiam olearum producebat, unde fomentum est lumini. Sed Noster mavult legere montem trium culminum, quia totidem habuit, unum in medio, e quo ascendit Sospitator, alterum ad Austrum, quod mons offensionis dicitur ab imaginibus numinum a Salomone illic collocatis, tertium ad Septentrionem, quod omnium est altissimum. In Libro secundo, qui locorum distantias metitur, conqueritur de erroribus in Palæstinæ mappis, nec illa Adrichomii excepta, hic illic obviis, asseritque laborem incredibilem imo & invidiosum in se suscipere, qui errores omnes indicare & menda tollere in animum induceret. Ne vero quicquam eorum omitteret, quæ lucem affundunt, milliaria Romana, stadia &c. explicat, ad eaque reliquas mensuras refert. Nec signa intervallorum sive lapides intactos relinquit, qui in viis publicis Palæstinæ collocati fuerunt. In primis ex tribus vetustissimis itinerariis Romanis, Hierosolymitano Anno æræ Christianæ 333 conscripto, Antonini, & tabula Peutingeriana, ea collegit, quæ ad descriptionem nostræ terræ faciunt. Adjecta est etiam tabula nova, quæ intervalla multorum locorum indicat, quotquot ex antiquorum scriptorum monumentis tam sacris quam profanis habentur. In explicatione hujus tabulæ cap. VI observat duplicem fuisse Emmatuntem, aliam a Luca commemoratam & 60 stadiis ab Hierosolymis distantem, aliam in campestribus sitam & de-

& deinde Nicopolin dictam. Prolixiores esse nolumus in recensione, ex his enim facile judicium fertur, quo studio & labore Cl. Vir Geographiam Sacram excoluerit. Et quamvis multa supersint dubia & ambigua, quæ posteris dilucidanda relinquuntur, gratias tamen debemus Cl. Viro, quod multa, imo plurima certa vel probabilia reddiderit, antea dubia vel falsa.

REMARKS UPON A LATE DISCOURSE
of Free-Thinking.

i. e.

ANIMADVERSIONES IN NUPERUM DISCURSUM
de Cogitandi libertate, in Epistola ad F. H. D. D. Autorem
PHILELEUTHERO LIPSIENSI.

Pars II.

Londini, apud Joh. Morphew & E. Curl, 1713, 8.
Plag. dimidiat. II.

PERgit Celeberrimus Bentlejus, sub Phileleutheri Lipsienfis nomine, hac secunda Animadversionum suarum parte (primam A. 1714 p. 312 seqq. enarravimus) Discursum, *Tolando* hactenus vulgo tributum, sed rectius, ut nonnulli putant, *Collierio* vindicandum, pro more suo, hoc est, false & erudite excutere. Clerum in vertenda Scriptura sacra pia fraude uti, Anonymus probaverat exinde, quod ἐκκλησία aliquando reddatur *Church*, aliquando *Assembly*, & ἐπίσκοποι aliquando *Bishops*, aliquando *Overseers*. Sed Cl. Bentlejus in genere illi non solum in memoriam revocat, quæ in fine Præfationis Bibliorum Anglicanorum eam in rem dicuntur, sed etiam, quod in omnibus linguis vox moralis vel politicæ significationis, diversas ideas arbitrarie conjunctas in se continens, raro in alia lingua vocem sibi penitus respondentem habeat. Imo quod in una eademque lingua plurimæ vocēs morales successu temporis, & usus communis instantia, modo strictiori modo latiori significatu veniant. In specie vero ostendit, Act. XIX, 32 vocem ἐκκλησία bene redditam esse *Assembly*, cum ibi intelligatur multitudo gentilium in theatris urbis congregatorum: bene itidem redditam esse vocem

p. 2.

3.

4.

7.

- ἐπίσκοποι* *Overseers, Inspectores*, cum *Bishop*, vel ut Lutherus habet, *Bischoff* illiterato Anglo vel Germano non aliam ideam quam moderni Episcopi, atque adeo erroneam & falsam suppetit. *ἐπισκόπος* Scripturæ eisdem esse, qui sint *πρεσβύτεροι*, prius nomen esse ætatis & ordinis, posterius officii. Neque hoc causæ modernorum Episcoporum detrimento esse, quippe qui cum omni antiquitate Christiana nunquam putaverint, se & ordinem ipsorum succedere *ἐπισκόποις* Scripturæ, sed *ἀποστόλοις*.
6. Summam rei hanc esse. Nomen *ἐπίσκοπος*, cujus generalis idea sit *inspector*, longe ante Christianorum tempora in usu fuisse, universalem relationem ad res Oeconomicas, Civiles, Militares, Navales, Forenses & Religiosas habens. Illud postea assumptum esse ad significandos Rectores Ecclesiarum, ut *διάκονος*, nomen pariter vulgare & diffusæ alias usurpationis, ad notandos earundem Ministros. Presbyteros itaque, viventibus Apostolis, fuisse *ἐπισκόπους, inspectores*. Apostolos vero martyria sua prævidentes successores suos in variis locis constituisse, ut Paulum Ephesi Timotheum, & in Creta Titum; hos vero pro modestia sua non *ἀποστόλους* se appellari voluisse. Hinc nomen *ἐπισκόπων* illis ceu proprium tributum & ab hoc tempore nomen illud, quod antea Presbyterorum fuerit, ad superiore ordinem restrictum esse. Porro piæ fraudis Anonymus Clerum accusaverat, quod Act. VII, 59 Stephanum *ἐπικαλέμενον* vertant *calling upon God, invocantem Deum*. Sed primo reponit Noster, quod *God, Deus* in versione Anglica literis Italicis impressum sit, deinde, quod Θεὸν textus authenticus manifeste subintelligat, cumque verba ibi juxta nostra exemplaria hæc sint, ΕΠΙΚΑΛΟΥΜΕΝΟΝ ΚΑΙ ΛΕΓΟΝΤΑ, videatur, quod vel ΘΝ *Deum* præcedenti syllaba ON, vel ΚΝ *Dominum* per sequentem ΚΑΙ absorptum sit, quodque Interpretes Anglicani ejusdem fuerint sententiæ, perpendentes, quod *ἐπικαλεῖσθαι τὸν Θεὸν & τὸν κύριον* frequenter apud LXX inveniatur. Verba Hieronymi, quem exempli loco produxerat Anonymus, quod Patres corruperint & truncaverint Autores, minus illum intellexisse, ostendit doctissimus Bentlejus. Observat nimirum, Hieronymum, a Vigilantio tanquam fautorem Origenis hæresium accusatum, se ita defendisse, quod

quod studiorum suorum natura ad legendos varios libros, ut O-
rigenis, Apollinarii, Eusebii, ipsum ducat, quodque aliquos li-
brorum istorum Latine verterit in gratiam eorum, qui Græca
non intelligerent, non vero ad hæreses illorum propagandas; si-
quidem mala, quæ imperitum lectorem offendere possint, vel
omiserit, vel amputaverit, vel refutaverit. Et sic etiam Anony-
mum pervertisse verba Hieronymi, non minus solide Noster de-
clarat. Animadvertit etiam, illum in Sectione Tertia a p. 99
usque ad p. 110 *cogitandi libertatem* pro communi rationis &
judicii usu perperam accepisse, postea vero rursus pro Sce-
pticismo, incredulitate & Atheismo usurpasse. Sacerdotes a-
lere, onus esse innuerat Anonymus ante tempora Christiano-
rum incognitum; sed in Græcia, Italia, Ægypto, & ceteris regioni-
bus omnibus, in quibus humanitas & litteræ locum habuerint, an-
te nativatem Salvatoris sacerdotes & numero plures, & digni-
tate majores, & reddituum copia feliciores fuisse, imo ipsum Jose-
phum, Plutarchum, Catonem, Ciceronem &c. quos ille libere
cogitantibus adscripsit, extitisse sacerdotes, docet Cl. Bentlejus.
Infinitas opinionum, religionum, & cultuum varietates nullas
turbas excitasse, scripserat Anonymus. Contrarium vero pro-
bat Noster ex eo, quod Socrates propter opiniones suas mortem
pertulerit, Aristoteles fuerit accusatus & profugus, Stilpo exter-
minatus, Diagoras proscriptus: quod Epicuræi e variis civitati-
bus fuerint ejecti, omnes Philosophi ab Antiocho e regno ipsius,
& a Domitiano Roma & universa Italia expulsi: quod denique
Galli, vagabundi Cybeles sacerdotes, in urbe & agro motus pro-
duxerint, Romani sæpius peregrinam religionem interdixerint,
Bachanalia totam Remp. Romanam periculo objecerint, & in
Ægypto immanis commissa sit crudelitas inter duas civitates,
quarum una coluerit crocodilos, quos altera occisos comederit.
Historiam Zosimi, cujus verba ad conversionem Constantini
spectantia pro scopo suo Anonymus adduxerat, tantum prodere
odii contra Christianos, quantum superstitionis paganæ, judi-
cat Noster, & Anonymum præterea pessime quædam in illa
vertisse; imo & eundem verba Juliani, quibus satyricè illum
perstrinxisse dixerat Christianam religionem propter Baptismum,
magis

p. 11, 12.

13.

14.

15.

19.

20.

21.

22.

23 sq.

- magis ex ore Celsi Epicuræi profecta esse, quam Juliani, huncque vel maxime superstitioni fuisse deditum, & inde Apostatam factum declarat. Inter illos, quos Anonymus *Libere Cogitantium* civitate donavit, vix duos esse, qui ad illam pertineant, Cl. Bentlejus pronuntiat; illudque primo quidem de Socrate, Platone, Aristotele, Plutarcho, Varrone, Catone Censore, & Cicerone, vindicatis maxime illorum locis a pravis explicationibus & detorsionibus Anonymi, demonstrat, Epicurum libenter illi & Sectæ ipsius relinquens. Quæ tamen singula hic enarrare nimis prolixum foret, præcipuas autem observationes inde ut seligamus, merito quodam suo ipsæ postulant. Observat ergo eruditissimus Autor noster, Socratem, quem Anonymus Deos patrios rejecisse dixerat, Poeticæ religioni quidem difficulter assensum præbuisse, vel certe obiter illam negasse, civilem autem semper & sermonibus & exemplo suo esse tuitum. Præceptum ipsius circa cultum eo tendisse, ut regeret discipulos suos νόμον πόλεως more gentis. Illum domi forisq; ut in publicis aris sacrificasse, & in omnibus rebus, quæ alicujus momenti fuerint, amicos suos misisse Delphos ad consulendum Oraculum. Eundem *ἑρᾶνια cælestia*, juxta Xenophontem, non Christiano sensu inquirere vetasse, sed corpora potius cælestia, & ab illis ad bene vivendum Philosophos suos avocasse. Amelium Platonicum Gentilem, apud Eusebium Præp. p. 540, Theodorum Græc. Affect. p. 33, Cyrillum c. Julian. p. 233, Johannem Evangelistam non per contentum, sed respectu Palæstinæ, & quod extra Græciam vixerit, βαίεβαρον appellasse, ejusque Evangelii exordium veneratum & admiratum esse. Imo & eundem forsitan esse, cujus effatum de initio Evangelii Johannis referat Augustinus de Civ. D. X, 29. Epistolam Platonis ad Dionysium, quæ est decima tertia in ordine, quamque Anonymus ex Cudworthi System. Intell. p. 403 a Christianis ipsi suppositam scripserat, tam genuinam esse quam reliquas. Laertium Epicuræum, & Suidam in *εὐπραγίῃ* tredecim Epistolarum Platonis mentionem facere, & has inter quatuor ad Dionysium. His si dematur illa, tantum remanere tres. Omnes tredecim, quas hodie hebeamus, & nominibus & numero Catalogo Laertii responde-

spondere, nisi quod exigua variatio sit in Epistola decima ad *Aristoderum*, quem Laertius *Aristodemum* appellet. Laertium uti potuisse exemplaribus ducentorum annorum, adeoque, si decima tertia epistola in illis reperta fuerit, non potuisse non illam ante nativitatem Christi scriptam esse. At, quod magis adhuc notandum, Laertium recensionem Operum Platonis suppeditare ex Thrasylo, qui tempore Augusti floruerit, imo aliam adhuc citare Aristophanis Grammatici, qui ducentis ante æram Christianam annis scripserit. Ipsam præterea Epistolam omnia *γυναικέντες* habere indicia. Non locum aliquem communem illam pertractare, ut alias quam plurimas a Sophistis suppositas, sed inagna rerum & personarum varietate tam Autori quam temporis conveniente plenam esse. A nemine ergo, multo minus a Christiano quodam confictam esse. Platonem in illa scribere, se statuiam Apollinis fabricandam curasse a Leochare statuaria juvene sed eximio, qui postea ut celebris statuarius Plinio & Pausanio memoratus sit. In loco Platonis apud Eusebium Præp. p. 530 & Theodoritum Affect. p. 27, qui fundamentum suspitionis Cudwortho dederit, symbolum illud Epistolæ seriz, *Θεός*, & minus seriz, *Θεοί*, non Epistolæ aliquam partem constituisse, neque primam periodum inchoasse (hoc enim in omnibus tredecim hodie non comparere) sed in summitate ejus forsitan fuisse scriptum his verbis, *Σὺν Θεῷ*, si Epistola seria fuerit, vel *Σὺν Θεοῖς*, si minus seria; quemadmodum & Philosophi & Poetæ eadem verba, promiscuo tamen usu, in initio scriptorum suorum, quæ fuerint alicujus momenti, posuerint. De Aristotele non Laertium referre, quod Athenis ab Eurymedonte impietatis accusatus, ac si Philosophicas notiones introduxerit cum religione Atheniensium pugnantes, Chalcidem concesserit; sed apud Origenem vestigia quædam ejus rei occurrere. Laertium vero & Athenæum accusatum illum memorare tanquam impium, & in Hermiz memoriam componentem Præana, & quotidie canentem. Neque dubium esse, quin propter hanc solam causam Aristoteles delatus fuerit; siquidem, si doctrinas ejus Eurymedon criminatus esset, non opus fuerit inveterata illa consuetudine, quæ tum per viginti annos invaluerit, morte Hermiz in quadragesimum,

P. 40.

41.

43.

44.

- gesimum, & hac accusatione in sexagesimum primum vitæ Aristotelis annum incidente. De Epicuro Laertii testimonium exiguae autoritatis esse, eique facile contraria aliorum testimonia opponi posse. Platonicos, Peripateticos, Stoicos longe diutius floruisse quam Epicuræos. Testimonium illud de amicitia Epicuro culta non Ciceronis esse, ut vult Anonymus, sed Torquati Epicuræi a Cicerone saltem de Fin. I, 20 relatum, & postea refutatum. Reliquas sectas omnes statuisse, quod Epicuræus, amicitiam colere suæ voluptatis causa professus, verus & fidelis amicus esse nequeat. Ita docuisse Ciceronem libro II de Fin. Offic. I, 1, III, 33, de Amic. c. 13, Academ. II, 46, de Nat. Deor.
47. I, 44. Verum esse, quod ille agnoscat, multos sectæ illius amicos ipsius esse, & homines virtuti & gloriæ deditos; illum tamen hoc naturæ non disciplinæ illorum tribuisse. Inter Græcos Plutarchum, notiones Epicuræas non solum amicitiam tollere, sed amorem quoque naturalem, docuisse contra Colot. p. 2037, 2041, 2058, & characterem illorum his verbis complexum esse, Ἀφιλία, ἀπραξία, ἀθεότης, ἡδυπάθεια, ὀλιγωρία, ibid. p. 2018. Impudenti & profano ore dici, religionem Christianam speciatim amicitiam non eo gradu, quo Epicurus, requirere. In V. T. illam & præceptis & exemplis celebratam, in N. T. ad tantum fastigium evectam esse, ut nomen amiserit, & pro φιλία audierit φιλαδελφία & ἀγάπη. Gentilium notione amicitiam, juxta Ciceronem de Amic. c. V, fuisse *inter duos & inter paucos*, & propterea Aristotelis effatum applausum meruisse, ὧ φίλοι, ὃ φίλος, *qui amicos habet, amicum non habet*, sed Christianorum amicitiam vel charitatem uno eodemque amoris gradu ad totam fidei œconomiam, bona voluntate vero & beneficentia ad totum genus humanum extendi. Plutarchi in libro de superstitione scopum esse, ut ostendat deplorandam superstitionis, si ad summum gradum pervenerit, miseriam. Eundem in aliis locis, ut contra Colotem, in Atheismum tam severe animadvertere quam in superstitionem, imo moderatam superstitionem Atheismo longe præferre. Male Anonymum asserere, *superstitionem* idem Græcis & Romanis fuisse, quod *timorem Deorum*: & verba illa Plutarchi, quibus molesti maxime & anxii superstitionis actus describuntur, ὠβάρεχρ, ἐξευρόντες ἑλληες κακὰ, τῇ δεισιδαιμονία

νία, πηλώσεις, καταβορβορώσεις, βαπτισμὺς, (sic enim pro σαβ-
 βατισμὺς legendum esse, erudite conjicit κριτικώτατος Bentle- p. 56.
 jus) ὁψείεις ἐπὶ πρόσωπον, ἀνχρὰς προσκαθίσεις, ἀδονότους προσ-
 κυνήσεις, in libro alterius cujusdam Anonymi *Characteristicks* di-
 cto pessime, si cum Græcis conferantur, at pro scopo ipsius be-
 ne versa Anglice produxisse, iisdemque *humiliationem & con-* 57.
tristionem, verba in Liturgia Anglicana solennia, traduxisse.
 Varronem quidem libere perstrinxisse Theologiam Mythicam, 58, 59.
 ad civilem autem sive Romanam diligenter hortatum esse: & hoc 61.
 quidem ex ratione Politica, & ne offensam daret populo, non
 vero quod ipse superstitiosus fuerit; siquidem, teste Augustino
 de C. D. IV, 31 dixerit, castius Deos sine simulacro observari, &
 Hirporum, quorum mentio apud Plinium Hist. VII, 2, religio- 62.
 sam imposturam, Servio autore ad Æn. XI, 786, detexerit. Ver-
 ba Ciceronis de Catone Div. II, 24: *Vetus autem illud Cato-* 64.
nis admodum scitum est, qui mirari se agebat, quod non videret,
haruspicem cum vidisset; & quæ parallela illis Noster observat
 ex Lib. I de Nat. Deor. c. 26, scopo Anonymi minime inservire.
 Nempe, præter Collegium Augurum Romæ a Numa institutum, 65.
 extra Romam quoque Haruspices Etruscos exortos esse, qui Ro-
 manis sæpe auguribus contraria responsa dederint; ut pateat ex
 historia quadam apud Ciceronem de Nat. Deor. II, 4, quæ A. U.
 C. 591, quo Terentii *Heautontimorumenos* acta, & ipse Cato in 66.
 vita fuerit, acciderit. Catonem ergo, qui ipse augur Romanus,
 & peregrinorum rituum inimicus, non potuisse non Etruscos
 vates pro impostoribus habere, atque inde verba ejus apud Cice-
 ronem fluxisse. Illum præterea vel maxime superstitiosum fuisse. 67.
 librum ipsius de Re Rustica c. 83, 132, 134, 139, 141, 166, & Plini-
 um N. H. XVII, fin. satis probare. In Quæstionibus Ciceronis 72.
 Tusculanis A. non denotare Atticum, sed Adolescentem, eas 73.
 demque Tusculanas fuisse Scholas, sive Sermones sine Antago- 78, 79
 nista. Opiniones Ciceronis in persona Academici sisti mini-
 me posse. Academiam enim Platonicam, non minus ac Peripa-
 teticos & Stoicos, doctrinas suas pro fixis & certis tradidisse. Cice-
 ronem autem, prouti erat ambitiosus, amplexum esse placita
 Carneadis, qui innovationem fecerit in Academia, certa quædam
 perspicui posse, negaverit, probabilia concesserit; non quod mi-

- norem fidem habuerit probabilibus suis, quam reliqui certis, sed quod sic pro omnibus Sectis, & contra omnes dicendi occasionem nactus esset. Ciceronem ergo pariter non longius quam ad probabilia defendenda progressum esse. Ex his principiis nos omnia Ciceronis scripta recte interpretari posse, & patere, quod objectiones Academicorum, quæ in Philosophicis ipsius Dialogis contra alias Sectas identidem asserantur, veras opiniones ejus non complectantur. Sic in libr. de Natura Deorum, cum Balbus Stoicus pro existentia Deorum & providentia præclare dixisset, Cottam Academicum contrariam defendisse sententiam, finita tamen disputatione fassum esse Balbo, se ea, quæ disputaverit, differere maluisse, quam dijudicare, & Ciceronem ipsum disputationis auditorem, quamvis eidem, cui Cotta, Sectæ addictum, declarasse, sibi Balbi Stoici sermonem pro divina providentia ad veritatis similitudinem videri propensiolem; eademque illum repetere de Divin. l. 5. Sique Cicero innuat, Stoicorum doctrinam de Providentia probabiliorē sibi videri, hoc idem esse, ac si Stoicus dicat, certam illam esse, & demonstrari posse. Academiæ saltem novæ legem ita loqui ipsum postulasse. Propriam ergo Ciceronis sententiam non debere quæri in Disputationibus contra alios, quibus licuerit ipsi dicere quædam opponendi causa, sed in libris, quibus ipse dogmata proponat, & quibus, si modo dicta de *probabili* concedamus, omnem spiritum & medullam Platoniorum, Peripateticorum, & Stoicorum Systematum inveniamus; in libris videlicet de Officiis, Quæstionibus Tusculanis, de Amicitia, de Senectute, de Legibus. In his, ut & fragmentis aliorum hodie deperditorum illum essentiam & providentiam Dei, immortalitatem animæ, & omnia, quæ ad
80. Christianorum dogmata accedant, asserere, illasque tres sectas pro solis Philosophiæ ornamentis habere, reliquas contemnere, & Epicuræos penitus damnare. Et hanc laudem ipsi tribuendam esse, quod, cum libertatem a secta sua habuerit optima & probabilia e variis systematibus eligendi, in singulis id elegerit, quod doctum virum ac probum decet. Sed hic rursus Vir eruditissimus filum abrumpit. Spes tamen est, fore, ut & tertiam Partem addat. Quod optabunt omnes, qui mirificam ejus in vindicandis autoribus, quibus Anonymus abusus est, dexteritatem exploratam habent.

**HENRICI DODWELLI DE PARMA EQU-
stri Woodwardiana Dissertatio. Accedit THOMÆ NELI
Dialogus de Academiæ Oxoniensis ædificiis. Recensuit
ediditque THO. HEARNE, A. M. Oxoniensis.**

Oxonii, e theatro Sheldoniano, 1713, 8.

Constat plag. u⁷/₈.

CUM A. 1709 editionem Livii a Cl. Hearnio adornatam re-
censeremus, non solum mentionem p. 246 fecimus clypei
vetusti, in Woodwardiano museo asservati, sed ejus etiam effi-
giem ære expressam exhibuimus. Accidit ex illo tempore, ut
Vir doctissimus & magnum in hisce nostris Actis nomen, Hen-
ricus Dodwellus, in explicandis hujus clypei figuris ingenii vim
sui exerceret, singularemque componeret dissertationem: qua
tamen nondum plane ad umbilicum perducta, anno ætatis se-
ptuagesimo, ære Christianæ 1711 d. 7 Junii rebus humanis ereptus
est. Orbi hujus parente suo libelli curam suscepit Hearnius, a-
lias quoque de Dodwello bene merendi studiosus, quippe cujus
& Vitam descripsit, in quinto volumine Jo. Lelandi Itinerarii
nuper editam, & operum ab eo compositorum (sunt ea nu-
mero LVII) catalogum præsentî Dissertationi præfixit, additis
nonnullis præclaris summorum virorum de eodem Dodwello
testimoniis. Nos repetemus solius Hearnii de eo elogium, quod
in hisce prolegomenis p. 18 legimus. *Fuit, inquit, ex illis viris
probis, qui fidem, Regi per juramentum datam, violare nefas esse
ducerent, plurimis eo nomine contumeliis divexatus, injuriisque
multiplicibus affectus, pulsusque (proh dolor!) munere Professo-
rio, quo in Academia Oxoniensi fruebatur, Camdeniano, & vitam
eremiticam agere coactus: ubi ad alia studia, utilia sane, sed ec-
clesiæ non æque profutura, animum applicuit.*

Quod ad Dodwellianam Dissertationem attinet, §. 1 ratio-
nes exponit, cur clypeus hic pro pervetusto sit monumento ha-
bendus: ac speciatim, eum prima Julii Cæsaris dictatura esse
antiquiorem non posse, ex eo §. 2 concludit, quod eadem arma
gerentes Romani & Galli conspiciantur: nec eundem Trajano
Imp. recentiorem esse, ex vexillorum equestrium hic apparen-

tium figura §. 3 colligit. Porro §. 4 animalium motus, ad vivum hic repræsentati, ipsi sunt argumento, post Augustum Imp. hunc clypeum esse fabricatum. Qua occasione, quæ de Dædali statuis semet ipsas moventibus Poetæ narrant, in fabularum censum refert, ratus, inde ortam istam historiolum, quod Dædalus, eximius statuarius, oculos statuarum aperuisse creditus sit, ac manus pedesque, corpori prius jungi solitos, primus a corpore ita sejunxisse, uti sejungi necesse est, dum motus sibi proprios exsequuntur. Denique §. 5 contendit, verosimile esse, clypeum hunc attingere Neronis Imp. ætatem. Interferta hinc ex Plinio Disputatione §. 6, quibus veteres usi sint artibus ad ferrum indurandum, lentum reddendum, & a rubigine defendendum; §. 7 ex rotunditate & brevitate ostensum it, hunc non esse clypeum peditis. sed parmam equestrem. Inde ostensurus, quibus gradibus ad hanc formam pervenerint parmx equestres, §. 8 docet, apud Romanos ad Polybii usque tempora non fuisse in usu clypeos metallicos, sed primum e corio, deinde ex ligno factos. Facto §. 9 excursu, quo, Cangium secutus, *bucculam* ostendit dictum esse & clypeum integrum & umbonem clypei, quod *buccæ* inflatæ tumorem repræsentaret umbo; §. 10 edisserit, coriaceis parmis successisse ligneas, quarum interiorem partem constituerint crates vimineæ: postea umbones ex ferro factos esse, nondum integros clypeos. §. 11 de variis modis ornandi clypeos disserit, ac §. 12 docet, vetustiores Romanos usos esse *paleis* ex corio: *casidum* metallicarum usum sub Hadriano Imp. demum receptum esse: cassides equitum fuisse proprias, galeas peditum. Artifices in ornandis armis occupati vocabantur *barbaricarii*, cujus nominis causam investigat, & ejus originem ad tempora Constantii Imp. refert §. 13. Hinc §. 14 & sequentibus ad finem usque præsentem parmam docto perlustrat oculo, singula eius explicans, simulque illustrans historiam Camilli, Gallorum Senonum victoris, in hacce parma elegantissime descriptam. Hac occasione variis armorum ac vestitus Romani antiquitatibus lucem affundit, agens pererudite §. 17, 18, 19 de crista equina, ducum bellicorum insigni: §. 20 & 21 de varietate gladiatorum: §. 22 de hastis: §. 23 & 24 de loricis: §. 32, 33, 35 & 36

27 & 36 de fago & fagulo, §. 37--40 de caligis. Subnexa est huic Dissertationi Dialogus Tho. Neli seculo XVI scriptus, quo Elisabetha Regina & Dudlejus, Academiae Oxoniensis Cancellarius, inducuntur Latinis versibus colloquentes de collegiis & scholis publicis hujus Academiae. De hoc Dialogo, ex Bodlejana bibliotheca nunc primum vulgato, adjectis figuris illorum collegiorum ac scholarum xri incisus, nihil addere opus est, nisi quod in Praefatione Hearnius testatur, ædificia illa hodie longe elegantiora esse pariter & magnificentiora.

OCTAVII FERRARIi DE PANTOMIMIS ET MIMIS
*Dissertatio, nunc primum edita, cum IO. FABRICII ad non
 neminis dubia de orthographia Latina re-
 sponsonibus.*

Wolffenbuttelii, sumtibus Godofr. Freytagii, 1714, 8.

Pl. 4.

Octavii Ferrarii varia opera, una cum Vita ipsius, paucis abhinc annis a Summe Reverendo Io. Fabricio Tomis duobus edita esse, non sine laude utriusque nominis ad posteritatis memoriam retulimus A. 1711 M. Aprili p. 153. Eidem lucem jam publicam debet Ferrarianum *de Mimis & Pantomimis* Schediasma, cum ipso communicatum a V. C. Jacobo Facciolato, Seminarii Patavini Praefecto, cujus Orationem perelegantem superiori mense Decembri p. 563 commemoratam, Cl. Walchius nuper apud nos recudi curavit. Paucis, quid illud complectatur, lectores nostros docebimus. §. 2 describit artem Pantomimorum, quæ a tragædo vel comædo canebantur, solis gestibus exprimentium. §. 3--8 per exempla hunc morem describit. §. 9--11, quantum favoris popularis, quantumque divitiarum lucrati sint hi histriones, exemplis probat. §. 12 docet, cur ab Impp. aliquot relegati, a Trajano plane sublatis sint. §. 13 contra Lipsium, eorum originem ad Augusti tempora referentem, demonstrat, eos pæne cum ipsa Rep. ortos esse. §. 14 ostendit, etiam in conviviis adhibitos fuisse pantomimos. Singulare eorum artificium §. 15 edisseritur, quo solis cruribus ac pedibus utebantur, & quidem inverso corpore, capitique ac manibus incumbente. §. 16 & 17 docet, hodieque hujus artis vestigia superesse in eo saltatorum genere,

genere, qui in Gallia Cisalpina *Mattacini* vocentur. Hinc ad Mimos digressus §. 88 ostendit, non saltatione ac gestu, sed voce ac verbis res ridiculas in scena representasse Mimos, turpes vero plerumque & obscœnas, ut adulteria & maritorum deceptiones; id quod §. 19 edisserit: adjiciens §. 20 discrimen inter mimos & comœdos. *Planipedes* dictos esse, quod planis incederent pedibus, non, ut tragici actores, cum cothurnis, nec, ut comici, cum foccis, discere est ex §. 23. Quodnam histrionum genus fuerint *Atellani* & *Exodiarii*, §. 24; *aretalogi* & *coprea*, §. 25; *buffones*, §. 26; *sanniones* §. 27 docet, ac differendi finem facit.

P. 39.

Sequitur Jo. Phil. Slevogtii, Jcti Jenensis & Polyhistoris celeberrimi, Epistola ad Fabricium, in qua judicium fert de Ferrarii dicendi genere, quod mirifice extollit, ita ut eum recentioribus præponat omnibus. Sunt, qui tumorem & alia vitia notant in Ferrario. Sed hunc ab istorum criminationibus defendit Slevogtius, arbitratus, eum omnino regnare in sublimi dicendi genere. Ceterum ex omnibus oratoriis ejus argumentis principem locum mereri judicat *panegyricum Ludovico M. Galliarum regi dictum*, nec eum Pliniano anteferre dubitat.

Ultimo loco procedunt Fabricii theses aliquot orthographiæ, in quibus p. 52 pro *Cbristoph. Schubartus* lege *Georgius Schubartus*. Meminimus, hæc Theses a doctissimo Autore jam A. 1709 (in 4) Helmstadii seorsim, sed *ἀνωρύμως*, publicatas fuisse sub titulo: *Osculum Theologiæ & Philologiæ*. Nam in ista editione primum & postremum folium erat theologiæ argumenti: in iis quippe methodus concionandi apostolica commendabatur Studiofis.

C. A. H. MEDITATIO ORTHOGRAPHICA AD DIS- sertationem Fabricianam modo recensitam.

PACE Viri Summe Reverendi unam alteramque quæstionem orthographicam & mihi liceat expendere. Primum disputatur, in minutiore scriptura, utrum literæ diphthongorum sint divellendæ, an una figura exprimendæ. Prius videtur Fabricio p. 51. Ego crediderim, distinctione aliqua opus esse. Scilicet quando typis scriptura exprimitur, scribendum est *ae*, *oe*,
non

non *æ*, *æ*, ut elegantiam veterum imitemur, qui AE & OE scribebant. *divise*. At cum aliquid manu exaramus, compendium scripturæ sectari licebit velocitatis causa.

P. 56 super adverbiiis ponendos accentus esse, super ablativis tectula, simpliciter negat. Equidem & hic distinguendum arbitror. Ubi nempe sententia sermonis lectoribus linguæ satis penitis nihil difficultatis facessere potest, Cl. Fabricio subscribo, Verum, sæpe est, ubi vel doctissimi, hoc adminiculo destituti, labi queunt atque errare. Ac tunc quidem illæ notulæ ut apponantur, suadet ratio. In promptu sunt exempla. En locum Taciti de moribus Germ. cap. XXXI, 1: *Et aliis Germanorum populis usurpatum rarâ & privatâ cujusque audentiâ, apud Catos in consensum vertit.* Colero illo ablativus pro nominativo habitus audentiam fecit locum hunc undiquaque sanum emendandi dicam an pervertendi? Hæc enim est Taciti sententia: *quod in aliis quoque populis Germaniæ fieri solet, verum non instituto aliquo aut communi consuetudine, sed prout quisque privato arbitrio & ausu id facit: quod tamen a paucis fit; hoc, inquam, apud Catos communi & inveterata fit consuetudine.* In ejusdem Taciti cap. XXXIV, 2 recte in Conringiana editione scriptum est: *Ipsam quin etiam Oceanum illâ tentavimus.* Recordor hac occasione, Lipsium Var. lect. lib. III cap. XI observasse, in quodam Gellii loco (qui exstat Noct. Attic. lib. III cap. 7) male legi *post illam* pro *postillâ*, antiquo verbo, idemque, quod *postea*, significanti. Sic apud Ciceronem lib. 1 de Offic. cap. 1 plerique omnes legunt in imperativo modo: *de rebus ipsis utere tuo judicio.* Sed futurum tempus esse, *utere*, jam observavi in Parerg. Crit. p. 170. Ita in tersissima illa Ciceronis epistola, quæ est libri V ad Famil. duodecima, scribendum censeo: *quò mihi acciderit optatius, si &c. Quò optatius* dixit pro *co optatius*. Male igitur quidam libri habent *quod* pro *quo*. In eadem scribo sic: *Atque hoc præstantius mihi fuerit. Hoc præstantius pro co præstantius.* Cave enim, *tò hoc* capias casu nominativo. Pari modo apud Curtium IX, 7, 18 ad evitandum in interpretando errorem scribi oportere puto: *cum etiam acrius certamen exposcerent.* Ceterum ne quis solum me diversum a præstantif-

563.

finis philologis hac in re sentire objiciat, advocabo Criticum, eumque altioris cavæ, *Clericum*, quem relegisse juvabit *Art. Crit. P. III sect. I cap. XI §. 21* in editione quidem novissima.

Ad p. 62 Daumius *epist. ad Hekelium* p. 31 sq. contendit, scribendum esse *ff*, non *sf*: sed rationibus quidem certe ineptis usus. Posteriores scripturam probam esse, priorem minus, inde probo, quod in fine syllabæ omnes scribimus *s* breve, non *j* longum. Atqui in *sf* semper prius est finalis litera syllabæ, e. g. *confer-sus*. Ceterum si quis forte rixam hanc esse de lana caprina criminetur, ei suavis sum, ut ne succenseat hominibus ad minutias usque, sed sine stomacho, accuratis, sed audiat *Fabricium* nostrum, in Præfatione ita scribentem: *Orthographia non est res vilis ac puerilis, quamvis & pueros ea imbui necesse sit, sed ab eruditissimis viris magni semper aestimata, studiose culta, & sollicite observata.*

**CATALOGUS CODICUM MANUSCRIPTORUM BL-
bliothecæ Gothanæ, autore ERNESTO SALOMONE
CYPRIANO.**

Lipsiæ, apud Jo. Frid. Gleditsch & Fil, 1714, 4.

Alph. I.

Multum in Serenissimo Duce Gothano præsidii habent literæ, qui inter alia sui in illas affectus documenta a nummophylacio Arnstadiensi, & numerosa bibliotheca, quæ ex Thumbs-hirni, Fergeni & Feustkingii libraria supellectile crevit, insigne splendidissimæ aulæ ornamentum conciliavit. MSCtos codices, qui in illa asservantur, non omnes exhibet hic Catalogus. Ultra 200 enim omisit Cl. Editor, quod partim editi essent, partim parum illorum interesse publico videretur. Exhibet vero 531 volumina, quorum quidem major pars ad rerum in Germania religionis instaurandæ causa gestarum, disfidiorumque Theologicorum historiam pertinet, ac præter alia innumeras clarissimorum illius temporis Theologorum literas, multa quoque Principum autographa complectitur. Sunt tamen & qui omni rei Germanicæ prodesse queant, codices. Ita n. 54 inter *membr. maj.* est Codex legum antiquarum populorum Germaniæ, dignus qui cum editis

editis conferatur. Est enim antiquissimis hujus generis codicibus annumerandus, scriptusque, ut doctissimus Tenzelius judicavit, initio seculi X. Primum locum obtinent capitula Regum Francorum ab Ansigiso collecta. N. 162-169 *chart. maj. f.* Bohemica acta, n. 182-188 ib. varia, præter Laurentii Frisii chronicon, quod nuper inter rerum Herbipolensium Scriptores editum, superiori Anno p. 496 commemoravimus, rerum Herbipolensium documenta habentur, ex quibus speciminis loco titulum n. 185 damus: *Sachen der Bischöffe zu Würzburg mit den Päpsten, Kaysern und Römischen Königen, Sachen mit Maynz, Sulda, Teutschmeister, mit Brandenburg als Burggrafen zu Nürnberg, Hessen, Leuchtenberg, Baiern, Mänderscheid, Wertheim, Eberstein, Leonstein, mit den Freyherrn zu Knichingen &c.* N. 195 ib. occurrit vita Landgravii Hermanni, Ludovici fratris, & S. Elisabethæ, rhythmis germanicis, & sequuntur n. 197-200 multa Hennebergica, quorum ultimis duobus voluminibus familiarum nobilium oppidorumque jura, quæ A. 1531 fuerunt, studiose describuntur. N. 205-208 ib. Chronica & collectanea varia Erfurtensia implent, ac n. 216 ib. exstant exempla multorum diplomatum, variarum in Franconia ecclesiarum jura confirmantium. Adsunt præterea & S. Scripturæ, Patrumque nonnulla, & Justinique quoque, Virgilii, Juvenalis, & Persii codices, Ciceronis Officia, libri rhetoricorum ad Herennium, Senecæ tragædiæ, & Ovidii heroides, de quorum quidem ætate ac bonitate nihil adjicitur. De Justinique codice notat Cl. Editor, eum e bibliotheca Pii III Gotham translatum esse, qui sua manu passim quædam margini allevit, annoque 1494 die VII Decembris nonnulla inscripsit de sua legatione ad Carolum VIII Galliarum Regem, Italiam cum exercitu ingressum. Inter alia hæc ibi legere est: *Nunc de urbe Roma & fortuna Alexandri (VI) pont. max. agitur, qui me legatum, ut Regi usque ad civitatem Astensem occurrerem, misit.* Jucunda erunt lectoribus, quæ passim ex ipsis MSC. specimina, aut ad ipsorum illustrationem notæ adjiciuntur. Codex antiquissimus inter *membr. maj. 53* categoriarum S. Augustini, & librorum Augustini de civitate Dei, jussu Villigisi Antistitis Moguntini scriptus creditur,

datur, atque inde nata est proluxa Christiani Schlegelii epistola de codice Willigifano, catalogo adjuncta, qua vitam ipsius accurate describit. N. 82 *ib.* specimen habes lectionarii ecclesie Græcæ, cujus edendi quondam spem fecit B. Tenzelius, & in quo tituli dierum Dominicarum differunt ab illis, quos Leo Allatius de hebdomadibus Græcorum commemorat. P. 64-66 exponitur historia Jo. Michaelis Wanslebi Erfurtenfis. Miserat illum piissimus Princeps Ernestus in Abesyniam, sed in Ægypto substitit, ac inde in Italiam reversus, deserta religione avita, patriæque ac optimi Domini ratione posthabita, monasterium Romæ ingressus est, posteaque obtenta peregrinandi copia Parisios profectus, Colberto innotuit, qui illum denno in Orientem coemendis Orientalis literaturæ monumentis misit. P. 83 describitur magnum opus XXXI Voluminum, quo Jacobus de Strada, Mantuanus, numos Imperatorum a J. Cæsare usque ad Carolum V collegit. Illorum XXIV Gothæ servantur, & ultimus in Licinio definit. Sequuntur n. 169 inter *chart. maj.* autores Græci *περὶ γεωγραφίας*, & subjicitur digna lectu de iis Th. Reinesii diatribe vernacula. Occurrunt alia multa doctis grata, ut concilii Constantiensis codex optimæ notæ; autographum Pacificationis a Saxonis & Wurtembergensibus cum Victorino Strigelio institutæ; Aurifabri literæ, de conjugio Io. Guilielmi Saxonie Ducis cum Angliæ Regina contrahendo; restituta lectio genuina judicii, quod Thuanus de Jo. Friderici Sax. Electoris filiis tulerat; narratio de pseudo-regina Angliæ ex autographis; Achillis Pirminii Gassari annales reip. Augstburgensis; catalogus bibliothecæ G. Spalatini ipsius manu scriptus; narratio de Io. Campano, qui anno 1530 Ariana dogmata Vitebergæ sparfit, itemque de Val. Weigeli studiis & ordinatione Eberi senioris testimonium autographum; nonnulla de Tegenharti Pfeffingeri, Bavarie Marscalci, collectione numerorum, ac pluribus præterea rebus, quæ ad illustrandam historiam literariam pertinent, imprimis cum non nudum MStorum Codicum Syllabum sistat Summe Reverendus Editor, verum observationibus elegantissimis passim librum distinguat.

C.L.A.

CLARORUM VIRORUM EPISTOLÆ CXVII E BI-
bliothecæ Gothanæ Autographis, cum Præf. ERN.
SAL. CYPRIANI.

Lipsiæ apud Io. Frid. Gleditsch & Fil. 1714, 4-
 Alph. 1 plag. 3.

Non tam domesticis autorum suorum minutius plenæ sunt hæc epistolæ, aut criminationibus, quæ eruditæ affectu quodam aut rumore seductis de aliis excidere solent; (neque enim deberent talia, quod in Præfatione evincitur, publicari) sed cum pleræque ad Piscatorem, & Ludovicum Saynium Comitem de Wittgenstein, Palatinatus inferioris præfectum, a clarissimis illorum temporum, illiusque communionis Theologis scriptæ sint, multa continent, quibus illorum controversiæ illustrantur. Invenias tamen & alienas ab hoc argumento passim insertas: ut n. 6 Henrici IX Angliæ Regis verbosas literas ad Fridericum Electorem, & Johannem ac Georgium Duces Saxonæ, d. 20 Januar. 1523 datas, quibus illos adversus Lutherum, qui duriuscule ipsi responderat, accendere conatur: & n. 110, 111 Justii Lipsii epistolæ duas, ex quarum priori patet, illum non clam, quod perperam crediderunt nonnulli, Jena abiisse. Rogat enim consiliarios Vinarienses, ut discessuro sibi trimestre stipendium persolvant. Ex reliquis speciminis loco attingimus ep. 37, qua Beza ipsi Piscatori *ἀντιβία* ejus sibi aliisque merito suspectam esse fatetur. Ep. 47 Piscator adversus Bezæ censuram Logicam Rameam defendit, in qua lucem veritatis, perspicuitatis, ordinis, ac genuini differendi usus invenerit. Suspectus ille erat Beza Grynzo, Tossano aliisque, quod cum Altenhövio collega faceret, qui illos hæreticos appellabat, quod totam obedientiam Christi imputari nobis credebant. Sed purgat se epistola 44. Utrum justitia Christi passiva vel activa nobis imputetur, magnis tum motibus animorum, autore Piscatore, disputabatur, eoque multæ admodum epistolæ spectant. Notabilis est ep. 66 Dav. Parei, qua disputationem illam in logomachiam desinere judicat. Idem ep. 61 in Contr. Vorssium invehitur, tanquam Socini vestigia legentem, & ep. 64, quam male exceptum sit Irenicum suum,

queritur. Ad Wittgensteinium plurimæ sunt Tossani. Ep. 95 concernit turbas Ambergenses, cum Augustanæ Confessionis al-seclæ oppido ejicerentur. Ep. 103 sinistrum esse restituendæ religionis consilium judicat, nisi ab illorum moribus incipiatur, qui reipublicæ, quique sacris, & scholis præsunt. Ex ep. 106 videmus, Johannem Nassovium seniore[m] arctiorem inter eadem sacra sequentes amicitiam stabilire voluisse, verum intra vota id consilium substitisse. Ejusd. Tossani judicium ep. 102 de consilio Piscatoris adornandi novam S. Scripturæ versionem, haud favet operi. Queritur, id inconsultis Theologis Heidelbergensibus, Basileensibus, & Bremensibus, nec non D. Junio suscipi. Improbat notas Piscatoris, & retineri versionem Lutheri, ac tantum conferri denuo cum Ebraico textu satius putat. Nec tamen dissimulabimus, Tossanum alibi in his epistolis plura alieni a Piscatore animi indicia dedisse. Ceterum ut in Catalogo pariter & Epistolis his edendis egregiam operam præstitit Summe Reverendus Editor, ita ignorare Lectores nostros nolumus, in impressione ipsa, sive typi sive chartæ elegantiam spectes, nihil fuisse intermissum, quo allicere Lectorum oculos valeat.

Die Teutsche Reichs-Canzlen.

h. e.

*CANCELLARIA IMPERII GERMANICI, COLLECTA
a JOH. CHRISTIANO LUNIG.*

Volumina IIX.

Lipsiæ, apud Jo. Frid. Gleditsch & Fil. 1714, 8.

Alph. 25.

EGregie meretur de orbe erudito Cl. Lunigius noster, qui ut in aliis scriptis, Archivo imprimis Imperii, quod XIII Voluminibus nuper absolvit, quibus accedet insuper Index copiosus, ita in hoc pariter, quod exhibemus, opere non pauca quæ & statum Germaniæ publicum & jura ac res gestas ipsamque linguam vernaculam illustrent, & partim in magnatum thesauris partim a privatis magna cura custodita fuerunt, publici juris fecit. Collegit hic Autor diversorum Imperatorum, Regum, Electorum, Princ-

Principum , Comitum , Collegiorum , Ministrorum , Civitatum &c. literas, quas vernacula lingua conscriptas a tempore Pacis Osnabrugensis & Monasteriensis usque ad Pacem Rastadiensem superiori anno feliciter initam ad se invicem miserunt, quod studium eo majori potest esse emolumento , quod plurimæ earum , quas exhibet, nunc primum lucem adspiciunt.

Tomus primus continet eas, quæ ab anno 1648 usque 1659 exaratae fuerunt. Priores spectant ad ipsam Pacis Westphalicæ historiam. Nam quum quidam Germaniæ procerum urgerent ejusdem sanctionem , alii autem differrent , factum est , ut multa per literas acta fuerint , quæ hic magno numero comparent. Occurrunt etiam hac in parte multæ literæ, in quibus de statu religionis differitur , & notatu digna sunt , quæ in Epistola LXXXII, d. 29 Aug. 1651 data, Ernestus Landgravius Hassiæ Rheinfelsensis ad Augustum Ducem Brunsvico-Luneburgensem scribit. Fatetur hic, exiisse rumorem, quasi de mutanda evangelica fide cogitaret; verum quum judicaret, haud fieri posse, ut improbæ famæ alio modo consuleret, sibi propositum esse scribit, Colloquium inter utriusque religionis Theologos peritissimos instituire, cui negotio peragendo Francofurtum ad Mœnum aptissimum credidisset. Dubium sibi excitasse monet P. Valeriani Magni judicium de A catholicorum & Catholicorum regula credendi, quare futuro Colloquio vellet, ut Pontificii probent, Vicarium constitutum fuisse Petrum a Christo, atque doceant, ejusdem legitimos successores esse Episcopos Romanos, & gaudere illos immunitate errorum, quum in rebus fidei aliquid tradant. Evangelicis, ex quibus Calixtum, Haberkornium & Crocium elegerat, imponit quæstionis interpretationem: num unquam aliquis homo vel ecclesia fuerit, quæ Sacram Scripturam ad Spiritus S. mentem recte explicare potuerit, ita ut reliqui teneantur ejusdem subscribere explicationi? Quumque Calixtus Augusto esset a servitiis, rogat, ipsi permitti, ut huic colloquio intersit, quod ideo instituisse scribit, ne a quoquam ullius præjudicii in rebus fidei accusari possit. Ad religionis negotia spectant quoque frequentes intercessiones Electoris Saxonie & Legatorum Statuum Imperii Protestantium religioni ad-

dicto-

dictorum, & in comitiis degentium, quibus pro Evangelicis, in hæreditariis Imperatoris regionibus habitantibus, supplicant, ne propter religiosum cultum affligantur; nec non literæ Ioannis Comitis de Nassau Idstein, ad filium Gustavum Adolphum d. 19 Septembris 1653 datæ, in quibus quam gravissime de apostasia ejus ad fidem catholicam queritur, atque validis argumentis ei persuadere allaborat, ut Dei patrisque memor ad pristina revertatur sacra. Spectat etiam ad res religionis epistola Corporis Evangelici Legatorum ad Io. Georgium I Saxonie Electorem piæ memoriæ, qua submisit rogant, velit Elector interdicere suis Theologis, ne cum Helmstadiensibus, inprimis Calixto, lites in damnum totius nostræ ecclesiæ motas, continuare audeant. In secundo Tomo ex reperiuntur literæ, quæ ab anno 1659 usque 1673 scriptæ fuerunt. Agitur in illis de translatione diætæ deputationis Francofurtanæ Ratisbonam, facienda, quam maxime postulabant Imperator & diversi Principes Imperii, sed contradicebant Jo. Philippus Elector Moguntinus & nonnulli Germaniæ Proceres, qui ab ipsius partibus erant; de sedando bello in Polonia orto; de bello cum Turcis gesto; de convocatione Comitiorum; de Iure Wildfangiatus, de occupatione urbis Brunsvicensis aliisque rebus, quæ eodem tempore contigerunt. Tertius Tomus comprehendit epistolas, quæ ab anno 1673 usque ad annum 1682 conscriptæ sunt. Merentur inprimis legi literæ Ferdinandi Mariæ Electoris Bavarie, ad Leopoldum Imperatorem A. 1673 datæ, quibus submisit rogat, velit prospicere, ne, dum ipsi animus esset libertati Confœderatorum Belgii providendi, atque Europæ tranquillitatem procurandi, magno periculo sacrum Romanum Imperium exponat. Suadet potius, ne ulla prætermittatur occasio, qua Germania cum Gallie Rege conciliari, atque quieti ipsius prospici possit. His quidem Cæsar respondit; sed non destitit Elector novis literis priora repetere, & periculum, quod Imperio immineret, exponere, quibus tamen nova responsione satisfacere suamque pro Germaniæ commodis curam testari Leopoldus voluit. Inierant Fœderati Belgæ anno 1678 Noviomagi pacem cum Gallie Rege; sed quum hoc ægre ferret Fridericus Wilhelmus Brandenburgicus Elector,

Electoꝛ, qui plurima in illorum fecerat commodum, maxime reprehendit in iis inconstantiam atque ingratum animum; quas literas cum responsione atque exultatione Belgarum exhibet Lunigius. Quartus Tomus progreditur ab an. 1682 usque 1699. Continet is multas epistolas, quæ ad translationem Cameræ Imperialis pertinent, & propter violationem armistitii vicennalis a parte Gallorum, ac bellum ideo gestum, nec non pacem subsequutam conscriptæ sunt. Edidit quoque Tomo hoc Lunigius diversa, quæ occasione voti atque sessionis in comitiis, quod quærebant immediati Imperii Nobiles, acta fuere. Favebat ipsorum petitis Electoꝛ Moguntinus Anshelmus Franciscus, qui causas illorum coram Cæsare perorabat, cui plurimi Episcopi & nonnulli Principes seculares adsentiebantur, quorum hic literas videas. Interim caruit res successu, quia liberæ Imperii Civitates maxime repugnabant, uti ex iis patet quæ anno 1687 Civitas Francofurtana Noribergensi transcripsit, quæ & sub n. CXVI inveniuntur. Tomus quintus comprehendit anno 1699 & sequentibus usque ad 1703 gesta. Occurrunt hic controversiæ diversæ ratione noni Electoratus, advocatiæ Quedlinburgensis, mutationis calendarii Juliani, turbarum in Holsatia ortarum, belli cum Gallis gesti, & visitationis Cameralis subortæ. Reperiuntur quoque Epistolæ nonnullæ, quibus varii Proceres Frederico I Borussicæ Regi de Regali dignitate gratulantur; ut alia quæ ad religionis negotia spectant, taceamus. In sexto Tomo inveniuntur, quæ ad annum 1703 & sequentes usque 1710 pertinent. Multa ibi sunt, quæ ad bellum cum Gallis gestum spectant, & frequentes adhortationes de continuando bello a Batavis reliquisque Fœderatis ad Imperii comitia missæ occurrunt. Nondum hoc tempore cessarunt controversiæ in Camera Imperii subortæ. Accedebat Divi Leopoldi mors, & his etiam temporibus religionis dissidia varias in Germania lites ciebant, de quibus ubique volumen hoc testatur. Septimus ab anno 1710 usque ad annum 1713 scriptas, ultimus vero currentis anni literas exhibet; quibus accessit supplementum omnium Partium & copiosissimus Index: nam quum hujus generis libri Indice imprimis opus habeant, effecit utique Lunigius noster, ne hac quo-

que in parte quicquam desiderari possit. Duplex vero Index hic reperitur, & prior quidem Historica continet, posterior in curialibus, ut vocant, versatur; ut vel ex eo de stylo curiæ, quo Principes invicem utuntur, cognosci possit. Plura pro instituti nostri ratione non addimus; illud tamen haud dissimulamus, ita comparatam esse hanc collectionem, ut historiarum & juris publici cupidis apprime se commendet.

**HISTORIA ET EXAMEN BULLÆ CLEMENTIS XI
P. R. contra novum Testamentum P. QUESNELLII emissæ;
Autore GOTTLOB FRID. JENICHEN, Theol. Lic.
Moral. & Polit. P. P.**

Lipsiæ, apud Jo. Frid. Gleditsch & Fil. 1714, 4.
Pl. 8.

Nondum deferbuit contentio magnis animorum motibus hoc & superiori anno in Ecclesia Gallicana excitata, occasione *Constitutionis dogmaticæ*, quam sub *Bullæ* forma *Clementis XI P. R. contra Novum Testamentum P. Quesnellii* die XII Sept. A. MDCCXIII publicavit & emisit. Distraxit hæc Bulla, CI propositiones, ex Quesnellii meditationibus & adnotationibus in N. T. moralibus excerptas, anathemate notans, Clerum Gallicanum in duas partes, quarum altera & major quidem cum *Robanio Cardinale* Bullam illam Pontificis pure & simpliciter recipiendam esse decreto sanxit, ut non tam Papæ, quam Regis Christianissimi, Ludovici XIV, voluntati satisfaceret; altera vero cum *Noallio Cardinale* & aliis quibusdam Episcopis doctioribus Bullam illam non absque explicationibus propositionum damnatarum planioribus adjectis recipi posse urget, ne sive veritas sive libertas Ecclesiæ Gallicanæ periclitetur. Et res eo etiam devenit, ut pars bene multa eorum, qui vel a Noallii partibus stant, vel neutrius sunt partis, Concilii Nationalis in Gallia convocationem vehementer urgeat, quo de modo legitimo & opportuno Bullam prædictam in Gallia recipiendi deliberari possit, qui nec auctoritati Pontificis, nec libertati Ecclesiæ Gallicanæ oblit. Perinovit controversiæ hujus illustrioris dignitas Viros doctos

doctos tum in Gallia, tum in Belgio plures, ut scriptis editis aut historiam controversiæ hujus enarrarent, aut examen Bullæ Clementinæ instituerent. Quorum numero merito nunc accensimus trigam scriptorum Latino idiomate haut ita pridem in Germania nostra editorum, quorum unum Cl. *Jenichium*, Collegum nostrum honoratissimum, alterum *Jagerum*, Theologum & Cancellarium Tubingensem, de quo in Supplem. T. VI Sect. I, & tertium denique de quo pariter brevi dicemus, *Frichium*, Theologum Ulmensensem, autorem agnoscit.

Et quod ad Jenichii quidem scriptum præsens, jam mense Julio hujus anni orbi literario expositum, attinet, in eo tum *historia*, tum *examen Bullæ Clementis XI contra Novum P. Quesnellii Testamentum* succincta quadam commentatione traditur. Auspicatur autem Jenichius historiam Bullæ a prima Testamenti Novi Gallicani, notis Quesnellii moralibus illustrati, editione, quam jam A. MDCLXXI typis excusam meminit. Complectebatur vero prior hæc editio quatuor saltim N. Test. Evangelia; quibus demum A. LXXXVII superioris seculi, cum nova excuderetur IV istorum Evangeliorum editio, additi sunt reliqui Novi Testamenti libri, Quesnellii itidem notis moralibus illustrati; cujus tamen nomen nulla editio præfert. Postmodum pluribus vicibus recusum est integrum Quesnellii Testamentum Novum, adeo ut præter primam & alteram editionem, modo commemoratam, septem adhuc, teste Jenichio, prostant editiones, quas inter quædam hunc præfixum habent titulum: *Compendium doctrinæ moralis Evangelii, Actuum Apostolorum, Epistolarum D. Pauli, Epistolarum Canoniarum & Apocalypses*, seu *Cogitationes Christianæ super textibus librorum N. T.* Prodierunt hæc editiones omnes sub Vialarti, Harlæi, Noallii, Urfæi, Bossueti, Archi-Episcoporum & Episcoporum Galliarum, nec non sub ipsius Sorbonæ publica approbatione, cui etiam privilegium Regis Christianissimi accessit. Quæ tamen omnia non oblitere, quo minus Testamentum Novum Quesnellii, per plures quam XL annos sine scandalo & offensione lectum, nunc demum tanquam hærescos pestiferæ plenum a Judice contro-

versiarum Romano damnatum fuerit decreto solenniori. His observatis, de Autore Notarum moralium in Testamentum illud damnatarum, *Paschasio Quesnellio*, Oratorii Berulliani & Dioceseos Parisiensis quondam Presbytero, varia singularia annotat, utpote quem senem nunc octogenarium, & laica indutum veste, Amstelodami, velut in asylo tutiori commorari refert Nomen senis hujus perdocti & variam vitæ fortunam experti orbi literario dudum innotuit ex *Dissertationibus* ejusdem *Ecclesiasticis*, quibus *Leonis M. Opera* a se olim edita illustravit. Præter has dissertationes librum etiam *de traditione Ecclesiæ Romanæ* edidit; ac immo multum operæ quoque contulisse fertur ad *Historiam congregationum de auxiliis gratiæ divinæ* ab Augustino le Blanc editam. Demum vero autor quoque extitit *Notarum Moralium in Novum Testamentum* Bullæ Pontificiæ nuperæ fulmine percussarum, ceu id quidem Quesnellius in epistola sua ad Clementem XI P. R. A. MDCCXII scripta non dissimulat. Scriptis his Quesnellii enarratis ad fata ejus singularia Autor noster transit. Usus vero esse dicitur Quesnellius, per plures olim annos, convictu & familiaritate Antonii Arnaldi, post cujus mortem velut alterum Jansenianorum caput ac defensor præcipuus cultus fuit. Effecit res illa, ut A. MDCCIII Quesnellius Bruxellis, quorsum se variis Anti-Jansenianorum telis petitus e Gallia receperat, in captivitatem detrusus & in curia Ecclesiastica Mechliniensi variis e capitibus accusatus fuerit. Postquam vero sub finem anni MDCCIII carcere noctu effracto, se hostibus iterum surripuisset, & in Belgium inde fœderatum aufugisset, jam die XIII Febr. A. MDCCIV doctrina Quesnellii, velut errorum multorum, a Pontificibus summis dudum damnatorum, farrago, in curia Ecclesiastica Mechlinensi proscripta, & ipse demum Quesnellius die X Nov. ejusdem anni, velut Bajismi & Jansenismi reus & excommunicationem commeritus, damnatus fuit. Capita accusationis contra Quesnellium institutæ præcipua enarrantur in *Motivo Juris* pro Procuratore Curiæ Ecclesiasticæ Mechlinensis A. MDCCIV Bruxellis edito. Cui vero libro Quesnellius alium, eumque apologeticum, sub *idea universalis motivi juris* A. MDCCV opposuit, in quo falsa pluri-

ma

ma sibi imputari Quesnellius queritur. Post hæc fata novo consilio novoque ausu lacesitus fuit Quesnellius exul a Societatis Jesu Patribus versutissimis, qui A. MDCC X Jo. Franciscum & Stephanum, illum Lucionensem, hunc Rupellensem, Episcopos eo suasionibus & technis suis pellexisse dicuntur, ut hi sub nominibus suis & sigillorum suorum autoritate prodire permitterent *Mandatum* quoddam *Episcopale*, instructioni cuidam Pastoralis præfixum, quo lectio Novi Testamenti P. Quesnellii partim severius interdicebatur, partim ipse Quesnellius Bajisni & Jansenismi publice postulabatur. Fomes & causa fuit Mandatum hocce Episcopale, quod die XV Jun. & MDCC X publicatum fuit, motuum istorum omnium, quibus in partes scissa fuit nupera Congregatio Cleri Gallicani; tametsi id quoque eventus comprobaverit, quod motibus istis, a P. Tellierio, Regi Galliarum hodie a confessionibus, & Jesuitarum coryphæo, primum concitatis, non tam Quesnellius, dudum ex Gallia exul, quam Noallius, Cardinalis & Archi-Episcopus hodie Parisiensis, petitus fuerit. Promulgari nimirum jusserant Episcopi, Lucinensis & Rupellensis, prædictum mandatum suum, a Jesuitis fabricatum, non in suis saltim, ut par erat, diocesis, sed id etiam Lutetiis Parisiorum ad compita Ecclesiæ Metropolitanæ & in valvis palatii Archi-Episcopalis affigi curaverant, contra jus & consuetudinem, per duos ex fratribus suis nepotes qui in Seminario S. Sulpicii, quod Lutetiis est, studiis tunc operam dabant, & mandatum istud patruorum suorum palam disseminabant. Mira & inusitata res habebatur omnibus, quod mandatum Episcoporum Lucionensis & Rupellensis in aliena & ad ipsos nullo modo spectante diocesi affixum deprehenderetur, contra canones Ecclesiasticos & jura Episcoporum. Proinde Noallius, qui Patrum Societatis Jesu odium & indignationem jam antea incurerat per duorum librorum, a Jesuitis disseminatorum, proscriptionem, id consilii capiebat, ut nepotes istos duos confestim e Seminario S. Sulpicii ejiceret, qui vero, antequam abibant, rem omnem prius ad Tellierium, velut facti, omnis autorem, referebant. Docuit id etiam plenius intercepta paulo post *Abbat* *is Bochar* *di* ad Episcopum Claromontanum *Epistola*, quod P.

Tellierius, cum Societate sua, non solum autor, fax & tuba esset motuum omnium, contra Noallium in causa Quesnelliana hucusque suscitatorum; sed quod etiam *Instructio* illa *Pastoralis*, quæ cum mandato Episcoporum Lucionensis & Rupellensis in lucem emittebatur, non Episcopos hosce, sed ipsos Patres Societatis Jesu autores & parentes agnosceret. Hæc dum Parisiis gerebantur, eodem tempore in lucem prodibat *Mandatum Episcopi Gapensis*, quo lectio Novi Testamenti P. Quesnellii, gravi censura notati, Parochis æque ac Laicis omnibus diocæses Gapensis interdicebatur; quod vero mandatum pariter pro Jesuitarum fœtu habitum est ab aliis. Permovebant hi motus omnes demum Noallium, non tam Quesnellium, quam se ipsum peti mandatis trium istorum Episcoporum, intelligentem, ut triennio abhinc, die III Maji A. M DCC XI novum publicaret mandatum in diocæsi sua, qua lectionem mandatorum & instructionis Pastoralis Episcoporum illorum trium quam severissime prohibebat. Applausum reportabat hoc Noallii mandatum penes viros Ecclesiasticos non minus ac Seculares fere communem, nisi quod Jesuitarum Societas novo odio novaque indignatione commota rem omnem demum per literas Regis Christianissimi, Tellierii artibus & consilio impetratas, ad Pontificem Rom. Clementem XI deferret, qui post multas deliberationes in pluribus congregationibus sancti, ut vocatur, Officii A. M DCC XII & XIII Romæ institutas, demum die VIII Sept. A. M DCC XIII *Constitutionem* illam *Apostolicam* solemnibus Bullæ promulgavit, de cujus receptione & acceptatione tanta cum animorum contentione actum fuit in *Congregatione Cleri Gallicani*, autoritate Regis Christianissimi die XVI Oct. anni superioris in palatio Noallii Archi-Episcopali, quod Parisiis est, inchoata, & sub finem Febr. hujus anni Regis jussu iterum dimissa. Hac origine motuum contra P. Quesnellii Novum Testamentum suscitatorum detecta, jam ad enarrationem & examen ipsius Constitutionis Pontificiæ se Cl. Jenichius noster accingit, quam ad quinque in universum capita revocat. Primo loco titulum & inscriptionem Constitutionis Papalis, contra Novum Testamentum Quesnellii emissæ, expendit. Deinceps exordium ejus-

dem breviter enarrat. Tum ipsas propositiones CI. damnatas ad X classes revocat, easdemque hunc in modum excutit, ut in aliis ad Basilium & Jansenismum, in aliis ad Lutheranismum & Calvinismum deflectere Quesnellium, sententiis diligenter collatis ostendat; nonnunquam vero ipsa Spiritus S. aut verba aut dogmata a Papa, fallibili nunc facto controversiarum iudice, damnata demonstret. Quarto loco sanctionem Bullæ Papalis discutit. Et quinto demum loco conclusionem & subscriptionem ejus summam recenset. Subjicit porro Autor seriem scriptorum occasione Bullæ Anti-Quesnellianæ huc usque editorum, quorum XX sunt numero; & simul continuationem historiæ & examinis Bullæ ejusdem promittit, in qua inter cetera Instructionem Pastoralem Congregationis Cleri Galliani cum Bulla Clementis nuper emissam, tum Epistolam Pastoralem Cardinalis Noallii illi oppositam, Latine redditas & notis illustratas, juxta cum aliis documentis, ad momentum controversiæ hujus spectantibus, est exhibiturus.

ANIMADVERSIONES IN JOACHIMI HOPPII EXAMEN Institutionum Juris.

Lipsiæ, apud Joh. Frid. Braunium, 1715, 12.

Plag. 9½.

Consultiss. Autor, qui nomen suum latere voluit, ex Hoppii Examine Institutionum ultra trecentas theses selegit, quibus singulis antitheses ex sua sententia veriores subjunxit. In his non solum Hoppii, sed frequenter etiam communes JCtorum sententias ab Hoppio approbatas expendit & refutat. Sæpe etiam ipsum Jus civile & canonicum naturæ & moribus Germaniæ adversari, adeoque his casibus non esse sequendum contendit. Speciminis loco ex singulis libris Institutionum animadversionem unicam exhibemus. Ad titulum libri primi de nuptiis asseritur, jus canonicum, quando matrimonium errore circa statum vel conditionem commisso vitari statuit, vix sibi constare, quia status & conditio pertinent ad bona fortunæ, ob quæ matrimo-

p. 25.

nium

nium dissolvendum esse ipsi canones negant. Multos casus emergere posse, quibus iniquitas eorum, quæ jure canonico de errore circa statum vel conditionem commissio generaliter constituta sunt, manifeste in oculos incurrit. Ut si fingatur, conjuges discrimine conditionis propius a se mutuo abesse, si exempli gratia maritus servus sit, uxor vero libera quidem, sed mendica, inprimis si ille non dolose egerit, sed mulier credens, quod esset liber, nuptias illius ipsa expetierit, & consensum impetraverit. Hoc enim casu nullam prorsus rationem esse, cur error & culpa mulieris non huic potius noceat, quam viro, qui bona fide & innocua voluntate eam duxit. Non tamen Autor asserere vult, nunquam ob errorem in conditione matrimonium dirimi posse: p. 64 sqq. sed relinquendum hoc esse existimat arbitrio sapientis judicis. Ad titulum libri secundi de rerum divisione ostendit, modos acquirendi per accessionem a jure Romano constitutos multum iniqui habere: cujus rei complura exempla adducit. Regula vero generalis, quæ naturæ dictamine & moribus nostris, quamvis hoc juris civilis subtilitas multis locis infecerit, in his controversiis locum habere ipsi videtur, hæc est: ut ille concedat alteri, qui id facere minima læsione potest. Ex hoc principio regulas alias specialiores deduci, vix tamen omnes casus sub his comprehendi posse: sed interdum rem arbitrio judicis esse reliquendam. 145. Ad titulum libri tertii, quibus modis re contrahitur obligatio, ubi de restitutione pecuniæ mutuo acceptæ in eadem forma & materia agitur, Autor notat, debitores, dum jus canonicum in hac quæstione sequimur, sæpissime non parum lædi. Jus Canonicum quidem per se hac in re non iniquum esse, quia secundum illud omnes usuræ sunt vetitæ, adeoque creditor, si numos in cista retinuisse, posset jam illos majori pretio expendere. Non itaque ipsi debere beneficium collatum damno esse. At cum quis usuras accipit, ex sententia Autoris nostri non debet id lucrum captare, quod habiturus erat, si species mutuo datas servasset, simulque illud, quod tum nullo modo habiturus erat. Atque uti, si pecunia mutuo data levior fuit, non reddi debet æstimatio ejus, quæ nunc est, ita nec si melior fuit. Si exempli gratia mutuo dati fuerint

fuerint mille thaleri in Saxonia eo tempore, quo moneta thalerorum, in quibus angelus telamo scutum Electorale tenet, vel minuta moneta sex paningorum nondum erat devaluata: nunc non tenetur creditor accipere tertiam partem, ad quam species illæ postea fuerunt reductæ. Contrariorum vero eadem est ratio. Cautelæ loco affertur, si non expresse conventum, restitutionem in moneta majore esse faciendam, ut debitor grossos, qui tempore contractus initi valuerunt, & quorum interdum sufficiens copia nullo vel exiguo lagio haberi potest, conquirat, & his restitutionem faciat: id enim a creditore recusari non posse, cum eorum viginti quatuor tempore initi contractus valuerint thalerum. Ita usum fori, quo triginta duo grossi requiruntur, eludi posse. Ad titulum libri quarti de publicis judiciis iniquitas eorum, quæ leges Romanæ de raptu constituerunt, notatur. Secundum has enim raptor, quamvis mulier dolo persuasa in raptum faciendum consenserit, ultimo supplicio afficitur. Cum vero, muliere sola in alium locum stupri gratia se conferente, tantummodo pœna carceris in dies quatuordecim stupratori dictetur, durissimum videtur Auctori, priori casu pœnam mortis irrogari; quia certissimum est, sceminam, postquam in raptum consensit, paratissimam esse, ut sola etiam eat. Ingentem esse inter hæc duo genera pœnæ differentiam, cumque cetera omnia sint eadem, solum actum comitandi in abducente tam graviter puniri.

p. 220.

JOHANNIS GOTTLIEB BOETTICHERI, U. M.
*Doct. Hafn. Morborum Malignorum, imprimis Pestis &
 Pestilentiae, brevis & genuina explicatio, sanis prin-
 cipiis & propriis Observationibus super-
 structa.*

Hamburgi, impensis Viduæ Benj. Schilleri, 1713, 8.

Plag. 9.

SI, quod decet, omnes Medici ex suis, propriis videlicet, scriberent Observationibus, res Medica, circa morborum præcipue historiam atque curam majora indices sumeret

E

incre-

- incrementa, nec tantis incertitudinibus exposita maneret. At vero condonandum nobis est in hoc morbi summi genere, cui nec omnibus superesse, suaque observata communicare licet, nec cuivis placet, immo nec oportet suam suorumque fortunam atque vitam in ancipiti locare apud homines nostri ævi ingratiarum plenos. Nos ex Nostro, cui post mille pericula vita frui (licet, quod passim indigitare videtur, præmiis condignis non affecto) contigit, potiora delibabimus, quæ aliis, simili periculo expositis usui esse possunt. Pestilentiam primum in eo a Peste differre, statuit, quod illa major hujus gradus sit, quæ distinctio, paucis usitata, tolerari tamen potest, si pestem febrem pestilentialem, quæ, ut curiosiores Practici notant, pestem ipsam extra ejus terminos (qui sunt Mens. Jun. Jul. Aug. Sept. Octobr. Nov. p. 14, 15, 16. & Decembris pars) tum antecedit, tum sequitur, intelligat. Pestis causam proximam in sanguinis turbatione & spirituum animalium ataxia consistere existimat, quæ producat a particulis alcalicis, unde non coagulatio, sed fusio & effluxiones humorum, sanguinis præcipue, qui, ut ipse observavit, a venæsectione rutilus
18. cum impetu instar aquæ ferventis exsilit, contingant. Volatilia ex aromatibus & radicibus aromaticis, theriacalibus, & laxantibus, ceu in theriaca, simul mixta, & spiritu vini extracta, nullum commodum tulisse, quin potius mortem ipsam accelerasse, recte advertit. Theriacam & mithridatium in peste Hamburgensi olim nocuisse, a Majore in Chir. Infus. notatum refert; licet cum aceto acidisque aliis tum a Bartholino, tum ab aliis proficius eorum usus notatus fuerit. Fuisse pergit opinione satis claros, qui febre maligna conflictantibus volatilia propinarint, verum ægros, volatiles inde factos, in cælum ex Medicorum ergastulis avolasse. Lunæ in sublunaria non omnem prorsus effectum denegat, ultra ter centum enim mulieres abortum circa novi- & plenilunium esse passas: decresciente Luna sexui sequiori pestem stragem multo majorem intulisse, & primis tribus Mensibus Junii, Julii & Augusti maximam emortuorum partem e sexu fuisse sequiori: secundum Quercetani confessionem Luna decresciente senes & vetulas, plethoricos & juvenes circa plenilunium occubuisse: Diemerbrokium & Paræum notasse, haud au-
- fugisse

fugisse virus, quæ veneri litarint, quin potius cymba Charontis ad Elyfios deductas fuisse campos, & e sua observatione cives Hafnienses, qui suo suafu uxoribus per omne pestis tempus debitum renuerint conjugale, adhuc dum fospites & incolumes esse plerosque. Hypochondriacos, natura sua meticulosos licet, ab infectione tamen liberos & salvos mansisse: alios biliosos & sanguineos solo terrore & metu peste tactos; quæ multis postea exemplis confirmat, quibus, constat plerosque mortuos, non paucos tamen evasisse. Sine miasmatis pestiferi præsentia metum & imaginationem non nocere statuit. Porro quid tempestas valeat in augendo miasmate, edocet, & aerem Septentrionalium salinum maxime efferare contagium, & labe scorbutica tactos omnes horrenda symptomata expertos: quid aer tepidus & humidus austrinus, ex Sydenhamio, quod post hiemem siccam, ver vero pluviosum & australe æstate febres acutæ sequantur, & Hippocrate, quod post tempora mutata & totum annum calidum humidumque pestilentia sequatur, ex eodem & Galeno, ex aliis, quod expirationibus putridis contaminatus aer pestilens evadat, notat, ex Plempio vero docet, aerem magis levem, quam crassum & nebulosum ad pestilentiam conferre, hinc secundum observatores Julio & Augusto morbi statum esse. Ipse hoc tempore in fine nempe æstatis ob exhaustas calore vires corpora ad suscipienda miasmata pestifera aptiora statuit. Austrina tempestate anni 1712 & quidem mense Junio febribus catarrhalibus omnes fere incolas Hafnienses correptos, cum tum pestis Holsatiam affligeret: interdum hyeme cœpisse pestem, quæ æstate media vel autumno soluta iterum sit, dicit. Amstelodamum ante 45 circiter annos peste infectum esse navibus duabus Smyrna peste tum infecta advenientibus, quæ tamen duorum mensium spatio per mare iverint, notat occasione quæstionis: quomodo & quamdiu contagium hære innoxie queat? quod Sennerius recte per 14 dierum spatium delitescere posse dixerit; & ex Trincavellio observat, quod in funibus sepulcralibus per 30 annos delituerit, ex Diemberbrokio vero, virum nobilem ab obitu sororis per tres menses circumtulisse contagium. Ipse exemplum delitescentis diu contagii producit, & de se ipso notat,

- vestimenta sua, quibus per 6 menses ægrotos visitarit, fomite pestifero scatentia filiolarum suarum unicarum, cum mense Sept. ea cum capillitio apportare niteretur, infecisse, ut quarto inde die vitam cum morte commutarit, quæ ipse tamdiu innoxie gestarat. Pro naturarum diversitate symptomata variasse: morbos familiares, passiones hystericas, colicam, stranguriam, dysuriam, nephritidem, asthma hoc tempore non conquievisse, sed cum peste ipsa atrociter exacerbata fuisse: omnes phthisicos mense Sept. & Octobri peste correptos malo veteri & novo i. e. utrisque succubuisse. Ibidem signa pestis imminentis ex Autoribus recenset.
- Hyeme ante invadentem pestem in febre acuta exanthemata comparuisse miliaria per totum corpus cum anxietate præcordiorum, cephalalgia insigni & ceteris mali moris symptomatibus. Tum symptomata pestis Hafnienfis enarrat: causam esse determinatam, & determinate non in quosvis, & quævis bruta, immo nationes & species etiam & individua secundum ætatem & sexum, sed in subjecta disposita agere recte monet. Sequitur graphica & exacta symptomatum, (quæ pag. 4 rudius enarrat) qualis adhuc dum nusquam alibi prostat, delineatio, ubi præcipue notabile, quod cum horrore hora sexta vespertina potissimum adoriatur. Tum symptomatum rationes dat, ubi more Cartesianorum multus est de æthere, poris & particulis, & prognosin tradit, ubi de vomitu notat, quod, quibus viridis ad quintum diem perduravit, isti in diarrhœam sexto die maxime foetidam inciderint, aut singultu vexati (quem tamen lethalem in antecedentibus notarat) fuerint, qui autem materiam atram vomitu ejecerint, omnes periisse. Tandem curam qua præservatoriam qua curatoriam aggreditur: laudat acida & de V.S. memorat, nullum evasisse, cui peractis jam duodecim horis V.S. administrata, multos vero, quibus sanguis, ubi necesse, ante decem horarum spatium detractus fuerit. Vomitoria (quæ in spasmus definant, nec tenue & subtile fixis figendum, aut diaphoreticis eliminandum, miasma expellere valeant) rejicit, etiam principio morbi adhibita; & sane adeo brevis & præceptum est in hoc morbo occasio, ut diu huic evacuationi immorari consultum non videatur. Alexipharmaca & sudorifera suadet, nimium

miam tamen sudorem non probat, maxime volatilibus extor-
 tum. In ariditate sudorisque defectu plantis pedum lateres cali-
 dos, aut inguinibus axillisque vesicam suillam aqua calente re-
 pletam applicat. Acida blanda cum & post sudorifera exhibet,
 & curiose notat, ea Julio, Aug. & Sept. præcipuo fuisse auxilio,
 postea Oct. Nov. & Decembri non adeo tuta priore ac plena do-
 si, sed minore exhibenda fuisse, & cum granis aliquot campho-
 rz vel salis succini volat. commiscenda. Sic & Junio, Julio & Au-
 gusto certis subjectis bezoard. min. optimum tulisse levamen, at
 sequenti tempore vomitum & anxietates præcordiorum sine
 ullo alio bono movisse successu. Circa vesicatoriorum usum
 distinguit. Fonticulos reprobat præservatorios. Hinc suam
 speciatim methodum recenset, quæ post V. Snem in fixiorum
 adhibitione consistit, quibus postea decoctum calidum Thee
 aut aliud alexipharmaca vi tinctum superbibere jussit. Octo-
 bri, Nov. & Dec. advertit, dolores vagos arthriticis similes per
 totum corpus atrocissimos sensisse ægros, quibus antispasmodi-
 ca, ut specif. ceph. *Michaelis*, vel pulverem epil. *Ludovici* cum a-
 lexipharmacis opposuerit. Ad extremum bubonum & carbun-
 culorum curationem subnectit, quos scite & experte solis dia-
 phoreticis, demptis cantharidibus, ranunculo acri, emplastro
 magn. cucurbitulis, ad tumorem perduxit, cujus maturationem
 emollientibus & nonnullis antidotis promovit. Laudat ideo
 cataplasma e radice altheæ, liliorum alborum, floribus chamae-
 meli, farina fœnu græci, semine lini, & sicibus cum lacte & croco
 paratum. Item sequens e radice scabiosæ, bulbis liliorum albo-
 rum, radice valerianæ, aut cepas coctas sub cineribus cum vitello
 ovorum & oleo liliorum imponi jussit. Ante pepasimum &
 perfectam maturationem cum Minderero aperire bubones dis-
 suadet; educto pure ulcus balsamo sulphuris, unguento basili-
 conis, succo plantaginis, melle, terebinthina veneta & aloe
 mundat. Quosdam bubonibus bufones vivos bono successu ap-
 plicasse refert, bufonibus veneno turgidis mortuis. Carbuncu-
 los circulo ducto butyro antimonii festinanter separari curavit,
 vel & scarificari, & cum exciderunt, cavernis mundificantibus
 sarcoticisque bene prospexit. Ceterum observatu dignum,

p. 122.

124.

125.

126.

137.

139.

quod notat, tempore tonitruali mitiorem factam fuisse pestem, quod humiditati aeris, feritatem & acutiem morboſi contagii obtendenti, tribuit.

**CHRISTOPHORI CELLARII EPISTOLÆ
selectiores & Præfationes. Collegit JO. GEORGIUS
WALCHIUS, qui & copiosiore Diatriben de Dedi-
cationibus librorum veterum Latinorum præmiſit.**

Lipſiæ, ſunt. Jo. Lud. Gleditſchii & M. G. Weidmanni, 1714, 8.
Alph. 1 plag. 5½.

NON ingratum erit purioris Latinæ linguæ cultoribus, quod Cl. Editor has celeberrimi Cellarii epistolæ selectiores collegerit: cui Dissertationes quoque academicae, item Orationes Cellarii, uno fasciculo junctas, debemus. Præmiſit copiosiore diatriben *de Dedicationibus librorum veterum Romanorum*, qua argumentum hoc, ab aliis non satis illuminatum explicatumque, pluribus persecutus fuit. Primo capite de antiquitatibus rei literariæ veterum Romanorum diſſerit, quo ſingula rei hujus momenta attingit & opere juſtiori interpretari ea pollicetur. Ibi diſputabit de literaturæ veteris Latii origine, auctibus, quibus glifcente bello Punico ſecundo altius fuit eveſta; partibus, quas amplexa eſt, diſciplina quippe ſacra, forenſi, medica & philoſophiæ alimentis, quæ ſunt libri & bibliothecæ; cultura, gymnafiis & magiſtris literarum; peregrinatione literaria, de modo literas ad uſum publicum transferendi, privilegiis literatorum, cetera. In antiquitatibus librorum multa collegit, de Romanorum quippe literis, charta, ſcribendi inſtrumento, atramento; librorum titulis, præſationibus, dedicationibus, partibus, indicibus, ornamentis, imaginibus & aliis ſatis, quæ libris ſæpe impenderunt. Hac diatriben multa dat de *Dedicationibus*; ac capite II agit de illarum origine atque ætate, quam ex Græcia derivat, in qua id quoque moris fuit; de Catone vero monet, quod hic quoque, ſcriptor antiquiſſimus, monimenta quædam dicaverit filio ſuo. Cap. III, IV, V, VI diſſerit de Patronis, amicis, liberis, mulieribus & filialibus, quibus conſecraverunt

. ve.

veteres Romani factus ingenii sui; & cap. VII agit de eo, num Diis quoque sacraverint monimenta literarum; item, quod veteres diversas operis cujusdam partes diversis quoque personis dicatas esse jusserint; quod quidam plures libros ab eodem Autore dedicatos acceperint; quod dedicationes permutaverint; quot numero veteres nuncupaverint dedicationibus, & quæ reliqua sunt. Cap. IIX de forma ipsarum dedicationum monet, alias esse copiosiores, alias breviores; illustrat quoque inscriptiones, quas ipsis dedicationum epistolis præmittere moris fuit. Quod ad ea vero pertinet, quæ proposuerunt dedicationibus, varii generis ea sunt: laudarunt quippe illos, quos nuncupabant, quod etiam medio & extremo operis fiebat; extenuabant studium & operam ingenii, quam autores præstiterunt; attingebant occasionem, quæ iis oblata fuerat de argumento quædam differendi atque ingenii factum transferendi in usum publicum; ipsis dedicationibus addebant præfationes & denique extremo libri ad eum, qui subierat nuncupationem, verba faciebant. Cap. IX de nuncupatione, quæ sæpe loco integræ dedicationis fuit, & dedicendi formula, qua usi sunt in dedicationibus, disputatur. Veterum dedicationum aliæ sunt integræ epistolæ; aliæ speciem epistolarum præ se habent; aliæ sola fere consistuuntur nuncupatione. Istum igitur, cui monumentum erat dicandum, allocuti sunt modo operis principio; modo parte ejus media, modo extremo illius. Omnia momenta, quæ heic breviter attingimus, Autor verbose illustravit; vindicavitque multas dedicationes; emendavit istas & quæ digna fuerunt subnotari, collegit singulari studio. Cap. X de fine veterum dedicationum librorum; cap. XI de ornamentis librorum, quos obtulerunt; & cap. XII de præmiis, quæ de dedicationibus acceperunt, privato studio ejus relinquimus, qui animum suum his antiquitatum literis mancipavit. Ipsæ epistolæ plenæ sunt bonarum rerum, inprimis præclaræ & puræ latinitatis, qua Cellarii ingenium mire excelluit. Quod ad ordinem pertinet temporis, quo conscriptæ sunt, nullam rationem Editor habuit; nec distribuit eas secundum illos, ad quos datæ sunt, sed ordinavit, prout fortuna in manus suas traditæ fuerunt.

Meklenburgische Kirchen-Historie.

h. e.

HISTORIA ECCLESIASTICA MEGALOPOLITANA,
autore GEORGIO FRIDERICO STIEBERO,
Sereniss. Ducissæ Megalopolitano-Gustroviensis
Vidue a Concionibus aulicis.

Gustrovix, typis Jo. Lembken, 1714, 8.

Alph. I.

præf.

QUum ecclesiasticam tractus Megalopolitani historiam pauci attigerint, qui aliquam Germaniæ sacræ notitiam literis consignarunt, Autor Rever. ipsa Adami Bremensis, Helmoldi, Kranzii, Ditmari, Scriptorum Septentrionalium ab Erpoldo Lindenbrogio editorum & aliorum ex antiquioribus monumenta adiit, quibus ex recentioribus adjunguntur Lambecii Origines Hamburgenses, Crameri historia Eccl. Pomeraniæ, & Frid. Thomæ Analecta Gustroviensia. Accedunt pauca quædam MSS. ab amicis communicata, ex quibus hanc historiæ seriem deducere Noster annisus est.

6. 1. Partes complectitur quinque, quarum *prima* de laboris hujus usu quædam præfata istarum terrarum populos describit,
2. qui generali voce *Slavi* vel *Wendi* audiebant, pro situs autem diversitate Werli, Wagrii, Polabi, Cissini, Varini &c. vocabantur. Quæ singula, quia ad dignoscenda rerum momenta spectant, accurate Noster persequitur. Isti populi, quum idololatriæ essent dediti (de quorum idolis alibi memorabimus) & duro præterea vitæ generi adsueti, facile exinde quis conjicere potest non facilem ipsorum fuisse conversionem, præcipue quum accesserint impedimenta varia, ut sunt, perversi Christianorum mores, Saxoniz Ducum & Brandenburgensium Marchionum avaritia, & ipsorum quoque verbi divini ministrorum negligentia. Qua occasione Arnoldus quoque refutatur, qui tradit, illos, qui gentes ad veram regionem perduxerunt, suis potius commodis & gloriæ, quam honori divino litasse: quos Noster, si non in omnibus puri fuerunt & perfecti, excusandos tamen potius, quam inculpandos esse judicat.
- 7.

Pars secunda recenset initia conversionis Seculo IX, ubi §. 1.
 primo Caroli M. conatus laudantur, qui varios Episcopatus in
 vicinia fundavit, præcipue Hamburgensem, sed eam Ecclesiam
 & civitatem Wilsi a. 808 biennio postquam condita esset, deva- 2.
 starunt. Ludovicus Pius Corbeienſe monasterium, & Ham-
 burgenſem Archi-Episcopatum condidit, ubi Anſcharius partes 3.
 ſuas agebat ſtrenue. Sed poſt ipſius obitum Normanni Ham-
 burgum ſecunda & tertia vice deſolarunt, & vicinas quoque
 gentes, chriſtianas præcipue, continuis bellis infeſtarunt. Parum
 ergo, aut nihil fere, huc uſque proſecerant Chriſtianorum in Ve-
 nedis convertendis ſtudia.

Par tertia. Seculo X ineunte Dani cum Slavis Nordal- §. 1.
 bingos ſubjugant, & Hamburgenſem urbem quartum deſciant.
 Henricus Auceps Venedos prælio vincit, inque ipſarum regione
 Saxones collocat, Wormonem vero Daniz Regem tributarium
 ſibi facit, adeo ut per ejus quoque regnum religio chriſtiana di-
 vulgaretur. Eadem ratione Otto M. per Geronem Obotrites 2.
 & Slavos ſubjugavit, Havelbergenſem Episcopatum conſtituit,
 & Haraldo Rege devicto in Hoſſatia & Jutia veram religionem
 propagavit. Aldenburghi quoque in Wagria (quæ hodie Olden-
 burgum dicitur) alium Episcopatum crexit, quem Havelber-
 genſis ſecutus eſt, imo Megalopolitanus quoque, ſed tamen 3.
 Obotritorum reguli huic cultui ſubinde adverſabantur.

Parte quarta pertractantur fata Evangelii Seculo XI, ubi §. 1.
 Miſſevoius, Venedorum regulus, a Saxoniz Ducibus contem-
 tui habitus, ingentem contra Chriſtianos perſecutionem excita-
 vit, in qua duriter habiti Chriſtiani, urbeſque pariter & eccleſia-
 rum bona diruta. Poſtea Godeſchalcus, Miſſevoii nepos, in- 2.
 ter Chriſtianos primum educatus, poſt eorundem oſor & perſe-
 cutor, ad meliora ſe convertit, cujus exemplum plurimi Vene-
 dorum ſecuti ſunt, adeo ut templâ quædam exſtruerentur, &
 Chriſtiana religio non mediocria caperet incrementa. Ex Al-
 denburgenſi quoque Episcopatu tres oriebantur, Aldenburgen-
 ſis, Megalopolitanus & Ratzeburgenſis. Sed nec hæc halcyo- 3.
 nia diu durarunt, dum duræ Venedorum cervices ſuave Serva-
 toris jugum abnuerunt. Hi enim Chriſtianos acerbè admodum
 vexarunt, Hamburgum ſexta vice igne cremarunt, Godeſchal-
 cum interemerunt, conjuges ipſius maxima injuria afficientes,


liberos vero a Regni successione excludentes. Sed ultimi fuere isti paganorum contra Christianismum insultus.

- Seculo enim XII, quod parte *quinta* narratur, tandem aliquando abolita est pagana superstitio, regnumque Christi nostri altiores apud Venedos radices egit. Ubi ex Kanzovii chronico Pomeraniæ MS. prolixè traditur, quamam methodo istis temporibus in convertendis gentibus usi fuerint. Ipsa vero historia docet, quod sub Henrico, Zuentepolco, Suenone & Canuto regibus sensim succreverit vera Religio, præcipue vero in urbe GUSTROVIENSI: cui rei novum HOLFATIZ monasterium & VICELINI, ejus Præpositi, opera plurimum contulerunt. Sub PRIBISLAO I & NICOLOTO regibus videbatur gentilismus caput erigere, sed prædicti Vicelini, monasterii Segebergensis, & urbis Lubecensis merita Christianam veritatem magis magisque amplificaverunt. Expulsio vero sacra contra Venedos a quibusdam suscepta parva, ut nihil proficiebat. Porro restaurati quoque sunt Episcopatus ante dicti, eisque Lubecensis additus est. Tandem Henrici Leonis opera ejecti sunt Venedi, eorumque loco Christiani urbes habitarunt, sicque tota Megalopolitanorum ora Christianam religionem amplexa est.

EXAMEN COROLLARII TERTII AD PROPOSITIONEM septimam Tractatus de Quadratura Circuli & Hyperbolæ per infinitas Parabolas & Hyperbolas geometricè exhibita a R. P. D. GUIDONE GRANDO, Magni Hetruriæ Ducis Theologo & Mathematico ac Philosophiæ Professore in Academia Pisana, in quo Corollario quantitatem ex infinitis nullitatibus componi, statuitur.

POSTEAQUAM insignis Geometra P. Grandus in Prop. VII Elegantissimi Tractatus de Quadratura Circuli & Hyperbolæ aggregatum ex infinitis terminis geometricè proportionalibus finui verso alicujus arcus æquari, accurate demonstravit, ex hac sua propositione sequentem elicit consequentiam; Seriem scilicet infinitarum linearum signis $+$ & $-$ alternatim affectarum dimidiæ linearum æqualem esse, vel, ut Autor ipse mentem suam explicat: *Eandem lineam infinities positam & infinities subtraham relinquere sui medietatem.* In novissima laudati tractatus editione in 4, post hoc Corollarium hanc instantiam asterisco si-

TAB. I ad A. 1715. M. Ian. pag. 43.



gnatam, apposit. „Aggregatum ex infinitis differentiis infinitarum linearum *bV* sive continue sive alterne sumptarum est demum summa ex infinitis nullitatibus seu 0, quomodo ergo quantitatem notabilem aggreget? At repono, subdit, eam infiniti vim agnoscendam, ut etiam, quod per se nullum est, multiplicando in aliquid commutet, sicuti finitam magnitudinem dividendo in nullam degenerare cogit, unde per infinitam Dei creatoris potentiam omnia ex nihilo facta, omniaque in nihilum redigi posse: neque adeo absurdum esse, quantitatem aliquam, ut ita dicam, creari per infinitam multiplicationem vel additionem ipsius nihili, aut quodvis quantum infinita divisione, aut subductione in nihilum redigi. In sequenti postea Scholio hanc responsionem ac Corollarium ipsum similitudine quadam illustrare atque adversus cujusdam Censoris Stricturas defendere conatur doctissimus Autor.

Etsi vero tum ex hoc libro de Quadratura Circuli, tum ex aliis præclaris speciminibus Autoris doctissimi ingenium plurimum suspicio, impetrare tamen a me non potui, ut prædicto Corollario assensum præberem, quanquam necessariam id Propositionis veræ sequelam esse videatur, quia semper nescio quis scrupulus animum pungebat, quo minus pro evidenti veritate id admitterem. Inito vero examine connexionis Corollarii controverſi cum sua Propositione ex qua deductum est, humani quid Autori alioqui perspicacissimo accidisse mihi vidisse visus sum. Et cum Cl. Grandum veritatis amantem sciam, non ægre ipsum laturum confido si erroris fontem tum ipsi tum aliis breviter hoc loco atque modeste aperuero, ad id vero Propositionem ipsam cum subjuncto Corollario tertio, de quo solo agitur, duobus præcedentibus tanquam veris nunc silentio prætermisſis.

Super latus *KI* quadrati *KB* descripto semicirculo *KHI*, du- TAB. L
catur ex puncto *I* quælibet recta *IHG* semicirculum in *H* rectam Fig. 1.
vero *IK* in *G* secans, demissaque *HL* normali ad *KI*, si in recta
GN diametro semicirculi *KI* æquidistante ac per punctum *G*
ducta sumatur ubique *GD* æqualis sinui versò *IL* arcus *IH*, pun-
ctum *D* erit in quadam curva *IDS*, cujus ordinata *GD* etiam æ-
quabitur omnibus differentiis alternis *Y1, 23, 45, &c.* infinitorum
terminorum in geometricæ progressionis *YG, 1G, 2G, 3G, 4G, 5G, &c.*
existentibus curvis *K1b, K2b, K3b, K4b, K5b, &c.* Parabolis pri-

mi, secundi, tertii, quarti, quinti, &c. gradus & sic in infinitum per omnes reliquos, quadrato V i priori KB æquali inscriptis. Hæc est Propositio septima Cl. Grandi in Libro supra laudato de Quadratura Circuli & Hyperbolæ; ejus ingeniosa demonstratio breviter huc redit: Quod, quia ipsæ $YG, 1G, 2G, \&c.$ sunt in progressionem geometrica, earum differentiæ etiam ut $Y1, 12, 23, 34, 45, \&c.$ futuræ sint continue proportionales, tum etiam earum termini alterne sumti $Y1, 23, 45, \&c.$ Hinc vi ejus secundæ propositionis est series infinita $Y1 + 12 + 23 + 34 + \&c.$ ad seriem $Y1 + 23 + 45 + \&c.$ Sicut $Y1 - 23$ ad $Y1 - 12$ quam posteriorem rationem ostendit æquari rationi $1G^2$ ad $1K^2$ seu $1G$ ad $1H$ aut $1K$ ad $1L$, atque adeo, quia prior series $Y1 + 12 + 23 + 34 + \&c. = YG$ (nam hæc linea æquatur omnibus partibus simul sumtis quæ partes sunt omnes seriei hujus infinitæ termini) ideo etiam series $Y1 + 23 + 45 + \&c. = 1L = GD$. Quod erat demonstrandum.

Cum ergo nulla habita ratione positionis puncti G in radio KV generaliter probatum sit, quod $1L = GD = Y1 + 23 + 45 + \&c.$ vel quod idem est, $= YG - 1G + 2G - 3G + 4G - 5G + \&c.$ si punctum G ponatur in V adeo ut linea YG cadat super rectam bV , erit etiam YG hoc casu $= bV - bV + bV - bV + bV - bV + \&c.$ singulis $YG, 1G, 2G, 3G, 4G, 5G,$ abeuntibus in bV . Sequi ergo videtur ex Propositione Autoris, *Quod linea bV infinities posita & infinities subtracta sui medietatem relinquat*, ut habet toties jam nominatum Grandi Corollarium. Fateor quidem libenter consequentiam istam obiter inspectam ex propositione legitime deductam videri, adeo quidem ut, superaccedente plausu Mathematicorum illorum non vulgarium de quibus Cl. Grandus pag. 30 refert, ipsos Corollarii hujus novitate percussos, atque in luminam tam inauditæ inexpectatæque veritatis admirationem adductos fuisse, cum nihil huic stupendo paradoxo simile in tota Geometria se uspiam legisse testarentur, difficile fuerit Cl. Autori consequentiæ nævum animadvertere, qui tamen ultro in oculos ejus incurrisset, si indifferenti animo rem totam expendere voluisset; sed ostendendum est id atque ob oculos ponendum quod ejus perspicaciam fugisse videtur.

Galilæus olim per jocum, ut puto, probare conabatur ex eo quod Superficies in Cylindro Spharæ circumscripto ubique æqualis

qualis ostenditur superficiei portionis Sphæræ æquealtæ, *Circumferentiam Circuli puncto æquari*. Jam si ex Cl. Grando quærerem, in quonam Galilæi ratiocinium deficere arbitretur? nullus dubito quin hanc responsionem reportaturus sim: Lynceum Philosophum in hoc errasse, *quod ab uno genere magnitudinis transitum fecerit in conclusionem ad aliud diversumque genus*. Quod ab æqualitate duarum superficierum rerumque adeo homogenearum argumentatus sit ad æqualitatem rerum heterogenearum lineæ cum puncto. Nam etsi superficies illæ cylindrica & portionis hemisphærii semper æquales sint quæcunque æqualis utriusque altitudo fuerit, non tamen sequitur hanc æqualitatem adhuc subsistere posse aut debere cum communis utriusque altitudo est nulla seu 0, adeo ut Cylindrus in Circulum, hemisphærii vero portio in punctum abeant; quia cylindrus nullius altitudinis non est cylindrus & portio hemisphærii altitudine destituta non est solidum, atque principium æqualitatis superficierum duntaxat valet de Cylindrica & portionis æquialtæ sphæræ. Non est quod dubitem Cl. Grandum ad hunc ferme sensum Galileani ratiocinii defectum detecturum. Huic jam simillimam responsionem suo corollario potuisset applicare. Nam ad probandam æqualitatem seriei infinitæ $Y_1 + 23 + 45$ &c. cum ordinata GD vel sinu IL , usus est principio æqualitatis seriei $Y_1 + 12 + 23 + 34 + 45 +$ &c. cum recta YG . Sed omnes termini hujus seriei infinitæ nequeunt *exhaustire* rectam YG nisi termini $YG, 1G, 2G, 3G, 4G$ &c. sint in progressionem Geometricam *descendente* ita ut infinitesimus terminus primo YG sit inassignabilis, hoc enim solo casu prædicta series æquabit lineam YG . Pone jam YG ex hoc situ transferri super bV , & quid hac transpositione fiet? Scilicet progressio geometrica descendens $YG, 1G, 2G, 3G$ &c. migrabit in progressionem terminorum æqualium bV, bV, bV , &c. illiusque differentiarum $Y_1, 12, 23, 34$, &c. abibunt in differentias hujus quæ omnes in punctum b contrahuntur, ac proinde juxta Cl. Grandum sequeretur punctum b , (quod translata YG in bV continet omnes differentias $Y_1, 12, 23, 34, 45$, &c.) æquari rectæ YG . Ergo ex eo quod Cl. Grandus a progressionem infinitam & descendente saltum fecit ad progressionem infinitam terminorum æqualium, scilicet ab una re ad aliam diversæ naturæ, ideo perinde ac Galileus fecit concludere debuisse punctum

b totilineæ bV æquale esse, ita ut, si hanc consequentiam neget, ei etiam necessario negandum sit seriem infinitam terminorum $Y_1 + 23 + 45 + \&c.$ puncto b applicatam, scilicet $bV - bV + bV - bV + bV - bV + \&c.$ æquari ordinatæ VG quæ est semissis ipsius VB . Cum igitur nullum superfit dubium, quin Cl. Autor noster tanquam falsum atque illegitimum principium rejecturus sic æqualitatem puncti seu termini b lineæ bV cum hac linea; sic etiam Corollarium suum *quod linea infinites posita & infinites ablata sui semissem relinquat*, falsum esse agnosceret atque ex vera Propositione male deductum, quod amore veritatis unice demonstrare nunc placuit.

NOVA LITERARIA MATHEMATICA DE PERPETUOMOBILI, Longitudine Maris & Quadratura Circuli.

Licet irrito per tot secula conatu Mathematicorum ingenia defatigaverint perpetuum mobile, longitudo maris & circuli quadratura, non tamen defuere anno proxime præterito, qui problematum hætenus desperatorum solutionem giganteo ausu denuo aggressi sunt. Perpetuum mobile construxit *Orffreus*, Misnicus, vir in arte Medica, quam profitetur, & in Chymia atque Mechanica versatissimus; Longitudinem Maris inveniendi methodum excogitarunt *Dittonus* atque *Whistonus* Angli, eruditionis fama præstantes; Circuli Quadraturam publicavit *Daniel Wacyvvel* Batavus, Orbi erudito hætenus ignotus. Præstanda præstitit Germanus; ingenio suo non prorsus indigna dedere Angli; infelix in demonstrando fuit Batavus.

Perpetuum mobile, quod *Orffreus* noster construxit, viderunt hominum myriades, & rerum Mathematicarum atque Mechanicarum peritissimi admirati sunt. Structura, quam inventor inventi præmium expectans studiose celat, simplicissima esse colligitur, quia nonnisi unica rota cum axe suo circumeunte constat. Diameter ejus quinque ulnas Lipsienses non excedit, crassities 6 digitos non superat. Intervallo unius minuti horarii quinquaginta revolutiones absolvuntur & rota libere pendula nec ulla motore externo sensibili impulsa obstaculo remoto motum inchoat, eumque perenniter & æquabiliter admodum continuans pondus 60 immo 70 & amplius librarum ad aliquot orgyarum altitudinem attollere valet. Tam nobile inventum hætenus spectandum exhibuit inventor in pago quodam *Dresch.*

Dreschwig/ non procul ab oppido Ciza sito; sed nunc locum mutare cogitur.

Sua de longitudine maris cogitata anno superiori in peculiari scripto Londini sermone patrio publicarunt *Whiston* usque *Dittonus* sub titulo: *A new Method for discovering the Longitude both at Sea and Land*, in 8. Nimirum notum est, longitudinem maris seu meridianum, ad quem navis in mari pervenit, haberi, quamprimum hujus meridiani distantia a meridiano quodam alio notæ longitudinis innotescit. Quare cum experientia ipsos edocuerit, granatam majorem (quam bombam vulgo vocant) e mortario perpendiculariter ejaculatam ad 6440 pedum altitudinem ascendere & hinc in maxima elevatione ad 28 vel 30 milliaria Anglica videri; ad longitudinem maris inveniendam perquam commodum censent, si passim per mare naves in situ suo anchorarum ope firmentur & ipso mediz noctis momento ex mortario in ipsis collocato quotidie bomba perpendiculariter ejaculetur. Quod si ergo loca illa, unde bombæ ascendunt, in mappis hydrographicis notentur, ut a nautis ope pyxidis magneticæ explorata plaga reperiri possint, longitudo loci, ad quem navis pervenit, latere amplius nequit, quoniam ex hora, quæ est in navi per mare lata, differentia meridianorum horaria nota est. Sed non hoc unico modo, verum adhuc aliis eidem fundamento superstructis problema solvi posse docent. Ceterum quia *Dittonus* hanc methodum invenit primus, *Whiston*us postea cum ipso inventum ulterius perfecit; ille sub suo solo nomine alium adhuc de eodem tractatum prelo subjecit, qui propediem in publicum proditurus.

Denique *Daniel Waeyvvel* aliquot plagulas idiomate Batavo de quadratura circuli Amstelodami sub titulo: *Demonstratie voegens de quadratura circuli* in 4 edidit. Rationem diametri ad peripheriam ut 1683 ad 5288 esse contendit. Singulari methodo se in his numeris investigandis usum profitetur, quam mysterii instar celat, cum ipsi sufficiat ostendisse, non aliam diametri ad peripheriam rationem esse posse quam 1683 ad 5288. Videamus, quomodo propositum suum exequatur. Circulo *ADBE* circumscribit quadratum *HXZI* alterumque *ADBE* inscribit. Assumit *CK* tantæ magnitudinis, ut peripheria *CTAO* sit diametro *DE* æqualis. Denique circa diametros *PK*

TAB. I.
Fig. 2.

&

& ED ellipsin $DPEK$ & circa PK circulum $PLKG$ describit. Ponit jam diametrum $AB = 2r$, peripheriam $DAEB = c$, diametrum $CK = f$, circumferentiam $GPLK = d$. Quare cum sit $CK : DE = PK : PGKL$; reperietur $d = 4r$, & hinc porro area circuli $PGKL$ seu $\frac{1}{2}fd = 2rs = QPKV$. Similiter quia $CK : DE = AB : ADBE$; reperietur $c = 4rr : f$, & hinc ulterius area circuli $ADBE = 2r^3 : f$. Quoniam itaque ellipsis PDK $EP = z^2$ media proportionalis inter circulos circumscriptum $ADBE$ & inscriptum $PGKL$; erit $Z^4 = \frac{1}{4}crds = 4r^4$, adeoque $z^2 = \sqrt{\frac{1}{4}crds} = 2r^2 = \square ADBE$. Manifestum quoque, lunulas ellipticas $PGKDP$ & $PLKEB$ esse rectangulis $APQH$ & $KBIV$ æquales, imo $AcDA = ACFA = AcDgPH$ & $DCPD = \Delta ADCA$ & circulum $COKT = \Delta CDK$. His conditionibus non alios numeros, quam suos satisfacere, sic ostendere conatur. Jubet CK assumi $s \pm a$ & inde eodem, quo ante, modo elicit $Z^2 = \frac{1}{2}\sqrt{(crds \pm crad)} = 2r^2$. Cum vero in calculo precedente fuerit $z^2 = \frac{1}{2}\sqrt{crds}$; contradictionem involvere ipsi videtur, quod nunc sit $Z^2 = \frac{1}{2}\sqrt{crds} \pm \frac{1}{2}\sqrt{crad}$ (perperam enim $\frac{1}{2}\sqrt{(crds \pm crad)}$ & $\frac{1}{2}\sqrt{crds} \pm \frac{1}{2}\sqrt{crad}$ pro una eademque quantitate habet.) Enimvero quomodo hinc concludi possit, CK esse debere s , non vero $s \pm a$ nulla sane ratione apparet, quoniam valores indeterminati ad arbitrium assumi possent. Subjicit demonstrationem, quam vocat, in numeris, ponens $2r = 50$: unde ob rationem diametri ad peripheriam $1683 : 5288$ $CK = f = \frac{41975}{2644}$, $ADBE = \frac{1}{2}cr = \frac{3305000}{1683}$, $PGKL = \frac{1}{2}fd = \frac{2103750}{2644}$, tandemque $Z^2 = \sqrt{\frac{1}{4}crds} = 1250 = 2rr = 50.25$. Quod si hoc demonstratio valet, eodem prorsus modo ostenditur, rationem diametri ad peripheriam esse ut numerum quemvis ad quemcunque alium. Ponamus enim eam esse $= 1:3$ & ut ante $AB = 50$, erit $ADBE = 1875$, $PGKL = \frac{2500}{3}$, tandemque prorsus ut ante $Z^2 = 1250$. Ponamus eandem rationem esse $= 1:100$, $AB = 50$, erit $ADBE = 62500$, $PGKL = \frac{100}{4}$, tandemque denuo ut ante $Z^2 = 1250$, & sic in infinitum.

ACTA ERUDITORUM,

publicata Lipsiæ

Calendis Februarii Anno MDCC XV.

FOEDERA, CONVENTIONES, LITERÆ ET
cujuscunque generis Acta publica inter Reges Angliæ, &
alios quosvis Imperatores, Reges, Pontifices, Principes vel
communitates ab ineunte seculo duodecimo &c. ex autogra-
phis infra secretiores Archivorum Regionum thesaurarias
per multa secula reconditis, fideliter exscripta, in lucem mis-
sa de mandato Regine, accurante THOMA RYMER,
ejusdem Regine Historiographo.

Tomus XII.

Londini, per A. & J. Churchill, 1711, fol.

Alph. 9.

O Peris augustissimi & scriptoribus, qui res Angliæ con-
textent impostero, maximo usui futuri Tomus præ-
iens rerum ab A. post Christum natum c10 cccc lxxv
usque ad c10 lxi gestarum complectitur monimenta
æque recondita nec minoris ad temporum illorum faciem per-
noscendam momenti, quam cetera, quæ suis adhuc locis perlu-
stravimus. Qua quidem de re ut plenius constet, historiz An-
glorum huc spectantis repræsentabimus particulam atque osten-
demus, quantum vel confirmari vel illustrari illa possit, si cum
tabulis istis diligentius conferatur. Sed quando attingere omnia
haud licet brevitatem sectantibus, propositum nobis est, intra ro-
rum cum Gallis & Scotis, domesticarumque limites cogere di-
cenda & reliquorum pervestigationem Lectorum diligentiz re-
linquere.

Quod ad res Gallicas attinet, haud impune Warwickii, no-
vis in Anglia rebus studentis, partes susceperat Ludovicus XI.

Tanto enim hinc facilius adduci se Eduardus IV patiebatur ab Duce Burgundiæ, ut ei se jungeret Galliæ interitum minanti, Ludovicoque bellum, una, si totius regni possessione cederet, conditione redimendum, denuntiaret. Nec diu moratus, maximo coacto exercitu, Caletum trajecit. Enimvero ut suis unius viribus nihil unquam tentandum putarat, ita parum tamen auxilii sive Burgundus sive, qui illi addictus cupiebat videri, Comes S. Pauli ferebat, quod alter novum sibi hostem excitarat, alter nolebat quidquam ante consilii capere, quam, qui successus tantarum esset rerum futurus, cerneret. Quocirca difficile haud fuit Ludovico, neque persuasionibus blandissimis parcenti neque argento, potentissimum hostem, sine suarum rerum damno, domum ab se dimittere. Eduardus ingentem argenti summam, quam, partim illo ipso tempore partim quotannis solvendam, offerebat Ludovicus, spemque matrimonii inter filiam suam & Carolum Delphinum sanciti incertis belli prætulit eventibus septemque adeo annorum inducias cum Gallis fecit. Cumque animadverteret, spem posthac ponendam asserendi armis sibi juris in provincias Galliæ, pactus simul est, ut controversiæ illæ, intra triennium componendæ, arbitris permitterentur. Ex partes ex Anglis Thomæ, Archi-Episcopo Cantuariensi & Georgio, Duci Clarentiæ, ex Gallis Carolo, Archi-Episcopo Lugdunensi & Joanni, Comiti Dunesiæ delatæ sunt, ea lege, ut primo in Anglia, deinde & in Gallia deliberaturi de iis convenirent. Quorum sententia ut rata esset, multa ingens sancita, solvenda ei, qui illi obtemperasset, ab eo qui nollet illi morem gerere. Enimvero remanserunt nihilominus controversiæ: arbitri, cum præterlapsum prope triennium esset, necdum coierant, novumque inde triennium ei rei dicere oportuit. Quin etiam dum induciæ primo ad vitæ tempus & annum ultra, ac post ad integri seculi intervallum protraherentur, cautum est, ut si lites nec isto triennio finiri possent, in aliud subinde atque aliud rejicerentur. Qua ratione visi sunt Angli sensim sensimque decedere jure, cui persequendo tantum effuderant sanguinis tantumque sanctorum fecerant. Neque vero matrimonii spes eodem illo fœdere sanciti Eduardum minus fefellit; subinde is urgere, ut filia Elisabet

tha

tra in Galliam accerferetur, Ludovicus de die id in diem differre contra, dum opportuniorem filio nuptam Margaretham, Maximiliani & Mariæ filiam, obtinuisset. Quam injuriam vel gravissime ulturus fuisset Eduardus, nisi mors consilia turbasset, quod factum A. CIO IO LXXXIII. Eduardi V regnum bimestre nihil rerum ad Galliam spectantium suppeditat; nec successori Richardo III vix contra cives se biennium tuenti externa multum licuit respicere. Oratores eum ad Ludovicum ablegasse, sed cum interea de cæde filiorum Eduardi IV fama percerebuisset, non esse admissos, scriptores tradunt. Nihilominus coisse utrinque, qui de prorogatione induciarum, quibusdam ultro citroque illatis turbatarum injuriis, agerent, fidem hæc monumenta nostra faciunt. Minus certe alienum se ab Richardo præbuit Carolus successor Ludovici, veritus fortasse, ne Duci Britanniz, in quo opprimendo laborabat, suppetias ille ferret. Nactus tamen occasionem Henricum Comitem Richmondiz suis sibi beneficiis devinciendi, non dimittendam eam putavit, sed insidias Petri Landesii in Britannia fugientem recepit suppeditavitque & naves & copias, quibus viam sibi ad regnum Angliz, deturbato Richardo, munire posset. Qui proinde, simul rerum potitus est, inducias primo annuas, deinde triennium duraturas cum Carolo iniit, cum ut gratum ei animum testaretur, tum ut res suas domi stabilire commodius posset. Interea desiderium Britanniz Francisco II heredibusque eripiendæ magis magisque prodidere Galli; cui ut obviam iret Henricus, legatos misit, qui lites inter Carolum & Franciscum ortas componerent. Sed promptum potius auxilium quam pacis consilia sibi ab Henrico pollicitus Franciscus, eos vix auditos ab se dimisit, quod intelligebat rebus ita suis parum consultum iri: dum enim de pace ageretur occasionem arrepturos Gallos esse omnem sibi Britanniam subjiciendi. Henricus tamen, quanquam prudentissimus ceteroqui princeps, verba dari sibi passus dirimendis dissidiis operam constanter dedit, callidis, ut id faceret, precibus a Carolo adductus. Sed post prælium ad fanum S. Albini, cum jam non occulte ad opprimendam Britanniam grassarentur Galli, fœdus cum Anna, filia Francisci, pepigit contraque eos auxili-

um se laturum recepit. Qui vero nihil inde magnopere deteriti sunt, quo minus destinata exequerentur; quin etiam, cum longiores sese ambages offerrent viam apertam adhibentibus, breviorē viam vota sua explendi ingressi sunt, ad matrimonium cum Carolo alliciendo Annam, utcunque Maximiliano jam desponsatam. Quod facientes tanto facilius Henricum fefellerē, quod cum Margareta filia Maximiliani matrimonium sanxerat Carolus, quæ & ineundi illius causa jamdiu in Gallia morabatur. Facile autem intelligitur, quam indigne juxta cum Maximiliano Henricus id tulerit, maxime, quod nulla remedia ei malo avertendo susseclura cerneret. Neque tamen plane ultam hanc ferre prædam Gallos passus est; coegit exercitum & Caletum transnisi, sed destitutus ab Maximiliano, vix Bononia obsessa, de pace, exemplum Eduardi IV secutus, cum Carolo egit. Sed non minoris eam, atque ille, dedit redimendam. Pactus enim sibi est centum & viginti quinque millia ducatorum, Eduardo IV adhuc debita & sexcenta & viginti millia profumtibus in exercitum, quem in Britanniam transmiserat impensis, ea lege, ut quotannis primo die Maji viginti & primo Novembris totidem solverentur. Summa ea est septingentorum quadraginta quinque millium ducatorum, quam quod representatam, atque insuper quotannis viginti quinque millia ducatorum oblata tradunt Verulamius & qui eum sequuntur, veritati minime consonum est. Neque verius illud, quod summæ annuatim solvendæ terminum præfixum esse nullum contendunt, rati tributi eam habuisse rationem, cum solvenda tantum esset, usque dum septingenta illa quadraginta quinque millia ducatorum, de quibus diximus, Henricus accepisset. Ceterum ante, quam satis illi facere posset, extinctus est Carolus; sed pactiōnem cum Henrico ratam habuit successor Ludovicus XII, recepitque se soluturum quidquid adhuc nominis superesset.

Monimenta jam vel evincendis hisce vel illustrandis inventia potiora hæc sunt: 1) Litteræ variæ Eduardi IV ad expeditionem Gallicam suscipiendam spectantes p. 1 sq. 2) *Appuntamenti a cum adversario Francia pro abstinentia Guerra & exercitu retrahendo*, p. 14. 3) Litteræ Eduardi de *Querelis com-*
pro-

promittendis, de pecuniis solvendis p. 15. 4) *Appunctuamenta de treugis per septennium duraturis* p. 19. it. *de amicitia cum consanguineo Franciæ & de matrimonio* p. 19. 5) *Exemplificatio literæ annui census ab Ludovico XI solvendi* p. 23. atque eum solutum reapse esse litteræ Eduardi *de acquietando* hinc inde fidem faciunt. 6) *Confirmatio Eduardi treugarum ad vitæ terminum & annum ultra prolatarum* p. 46. 7) *Litteræ Eduardi de termino, pro Querelis inter Angliæ & Franciæ Reges pendentibus per arbitros decidendis prolongando* p. 52, & prorogationis ejus termini confirmatio p. 63. 8) *Procuratorium Ludovici XI pro Episcopo Elvensi, Legato Franciæ*, cui ille inducias centum post mortem annos duraturas ea conditione, ut quinquaginta illa millia ducatorum, quæ tum solvebantur, toto illo tempore solverentur, faciendi potestatem concedit p. 86. Huc spectant & litteræ Eduardi *de tractando cum Ambassiatore Franciæ super elongatione & extensione conventionum* p. 97, ut & *litera Episcopi Elvensis de annuo censu continuando* p. 101. 9) *Litteræ Eduardi de tractando super sponsalibus & filia regis dotatione in Franciâ* p. 89 & 139. 10) *Litteræ Richardi III de reformatione attemptatorum contra treugas Franciæ* p. 193, litteræ ejusdem *de tractando cum commissariis Franciæ* p. 195. 11) *Litteræ ejusdem de credentia ad Carolum VIII* p. 221, & *de tractando cum eodem* p. 223. 12) *Litteræ Caroli VIII de induciis triennium duraturis* p. 281. 13) *Litteræ Henrici VII, quibus Christophoro Urswickio, Thoma Warde, & Stephano Fryon, legatis, negotium dat, ut lites inter Gallos ac Britannos componant* p. 347. 14) *Litteræ ejusdem de tractando cum Ducissa Britannia*, p. 348, huc spectat itidem *conventionum cum Ducissa Britannia ratificatio* p. 362. 15) *Conventiones Henrici cum Rege Romanorum super bello inferendo contra Cardinalem Franciæ* p. 397 & 405 sq. Præter Maximilianum cum Ferdinando quoque, Hispaniæ Rege, convenerat Henrico, ut Gallos aggrederetur. Ejus rei tabulæ sunt p. 411 sq. Ferdinandus Ruscinonis comitatu, quem tenebant Galli, recepto, pactione ea se liberum solutumque putabat. 16) Inter media monimenta ad bellum Henrici cum Gallis spectantia inseruntur litteræ Henrici *de potestatibus ad tractandum cum sanguineo Franciæ datæ legatis*

tis, *Richardo Episcopo Bathoniensi & Wellensi, Ægidio d' Aubeney* atque aliis. Patet inde, quam serio rem regerit Henricus, cum bellum illud susciperet. 17) *The requests and Supplications of the Capitaynes of Englande made unto King Henry the Seventh for a peace to be concluded betvveen France and England.* Supra has litteras, quibus pacem Anglorum primores ab Henrico petunt, uti eam non sua unius voluntate fecisse videretur, verba leguntur: „Super communicatis & oblatis per Dominum des Querdes Marefcallum & alios Ambaffiatores ex parte Franciæ, concilio Guerræ convocato, habita matura deliberatione, hyme jam instante, & post tot elapfos dies nemine confœderatorum comparente ac aliis bonis considerationibus bene multis, moventibus, nec non contemplatione tot millionum auri Scutorum, summæ tantæ, quantæ nunquam perantea in Angliam apportatæ, a Dominis Capitaneis & confiliariis consultum advisatum & supplicatum est Regi ad componendum cum consanguineo Franciæ & pacem faciendum. „ 18) *Caroli Franciæ confirmatio tractatus cum Henrico* p. 497, *juramentum ejusdem de eodem servando* p. 505 & *confirmatio super obligatione Domini de Querdis* p. 506, confirmatio item trium regni statuum per omnes provincias, p. 592 & sqq. passim. Notatu hic cum primis dignum est *Instrumentum autenticum super obligatione Regis Charoli Franciæ facta sub pœna Nili, coram Vicario Generali Archi-Episcopi Turonensis Johanne Brete*, qui monet & injungit Carolo, ut solvat quotannis summam quinquaginta millium Francorum, donec & quousque summa septingentarum & quadraginta quinque millium coronarum auri plene & integre persoluta & contenta fuerit; & hoc sub pœna excommunicationis. 19) *Litteræ Henrici de conventionibus cum nuper Carolo appunctuatis cum Ludovico, Principe moderno, renovandis, & alia huc spectantia* p. 681 sq. inter quæ simile est instrumentum, ubi Johannes, Episcopus Parisiensis sententiam excommunicationis fert in Ludovicum XII, nisi ille residuam summam, de qua cum Carolo VIII convenerat, penderet, p. 683, uti & confirmatio pacis per Alexandrum Papam p. 736.

Ad res cum Scotis gestas pergimus. Scotia Jacobo III Rege
suis

fuis ipsa motibus quassata non ita multum Anglis turbarum dedit. Equidem Henrico VI & Eduardo IV de regno concertantibus irruptionem Scoti in Angliam, late omnia populati, fecerunt, Henrici etiam partes, Berwici arce ab eo accepta, tueri sunt aggressi, sed induciæ paulo post factæ in pacem etiam potestremo coaluerunt. Qua occasione consilia cœpta sunt agitari de inimicitiiis inter utramque gentem matrimonio tollendis, quo filius Jacobi Cæciliam, Eduardi filiam, duceret uxorem, quod cum a rationibus suis non alienum Eduardus crederet, repræsentare etiam partem dotis, Jacobo id postulante, non gravatus est. Sed ægri ex superioribus bellis animi sanari tam subito non potuere, quin injuriis mutuis exstimulati novo adversus se invicem bello coorirentur, Anglos Alexandro Jacobi fratre, profugo, Scotos Ludovico XI Galliarum rege sollicitantibus. Quanquam diuturnum illud haud fuit, quod intestinæ turbæ Scotos pacem quavis redimere conditione cogeant. Reddidere hinc Berwicum atque una dotis partem, quam repræsentatam acceperant, Eduardo id postulante, quod Jacobo, summo suorum laboranti odio deque securo & ad posteros transmittenda regni possessione periclitanti, conjungi arctius nollet. Ab eodem ille adeo abalienatus est, ut Alexandrum, ejus fratrem, in fidem reciperet atque ad regnum Scotiæ aspiranti auxilium ferre polliceretur. Sed hoc atque alia morte occupatus haud potuit perficere. Post breve Eduardi V regnum rerum in Anglia potitus Richardus III, quod ab civibus parum tutus aliunde sibi auxilia paranda cerneret, Jacobum sibi induciis factis junxit, matrimonium etiam inter Jacobi filium, heredem regni & Annam, neptem ex Elisabetha sorore pactus. Quod idem fecit postea Henricus VII aliisque matrimoniis Jacobi animum delinivit. At interea Jacobus pessima regnandi ratione procures jamdiu ei infestus eo furoris adegit, ut filium vel invitum in partes trahentes, arma adversus eum caperent & nequicquam externa circumspicientem auxilia regno vitæque privarent. Angli, ea usi occasione, levioribus concertationibus Scotos sunt adorti, quin & Henricus cum Johanne Bothwello & Thoma Todde egit, ut Jacobum IV captum in manus suas traderent. Quocum vero,

cum

cum consilia illa parum procederent fortasse, inducias iniit, subinde renovatas postea, qua occasione & de matrimonio Jacobi cum Catharina, filia Ducis Somersetensis actum, sed irrito successu. Nempe arctius Jacobus Henrico jungendus erat, filia ipsa Henrici fatis illi debita, quæ res felicissimæ postea Angliæ ac Scotiæ conjunctioni viam patefecit. Quod antequam fieret, Petrus Warbeck, personatus Richardus nova dissidia excitavit. Ille enim delatus in Scotiam, frustra alibi tentata fortuna, Jacobum adduxit, ut causam ejus susciperet, atque adeo Catharinam Gordoniam & genere & forma spectatam fœminam, uxorem daret. Iterata hinc vice Angliam ingressus cum milite suo est; veruntamen intra populationes conatus omnis sublitit. Nemo Anglorum obtrusum a Jacobo agnoscere Richardum, Henricus contra, post sedatos Cornubiorum tumultus in Scotiam vicissim ingredi & injuriarum ultionem repetere. Inde ad pacis consilia, Ferdinando Hispaniæ Rege id operam navante, rediit Jacobus, induciisque factis Warbeckium ab se dimisit. Verum vix his extinctis dissidiis nova oborta sunt, juvenibus aliquot Scotis per rixam ab Anglis interentis, qua de injuria satisfacere Jacobo, quorum id erat, longius cunctabantur. Quæ res ut turbatura de integro omnia videbatur initio, ita causa arctioris inde conjunctionis extitit. Richardi enim Foxii Episcopi Dunelmensis, cui partium Angliæ versus Scotiam vergentium curam demandaverat Henricus, prudentia factum, ut pacis non tantum, verum & necessitudinis cum Henrico conjungendæ consilia caperet, & capta, eodem Episcopo interprete, Henrico declararet. Quæ quidem res ut grata illi haud dubie accidit, ita nova aut inexpectata non potuit videri, quandoquidem duabus jam antea vicibus, cum inimicitia inter Anglos atque Scotos intercederent, suis negotium dederat, ut Margareta filia uxore oblata meliorem Jacobo rebusque Anglorum propensorem mentem injicere conarentur. Tanto facilius Jacobus votorum suorum summam tulit, cui Margareta illa iisdem fere diebus, quibus Arthuro Catharina, Ferdinandi Hispaniæ Regis filia desponsa est: nuptiæ insequenti anno celebratæ omnes & in præsens & in futurum causas inimicitiarum, hodiernum id eventu feliciter comprobante, sustulerunt.

Huc

Huc spectant ex actis nostris 1) *acquietantia Regis Scotorum*, Jacobi III qua testatur solutam sibi ab Eduardo IV esse *duorum millium marcarum summam* nomine dotis & matrimonii causa inter filium primogenitum Jacobi & Cæciliam Eduardi filiam sanciti p. 23 & p. 40 sq. 2) *Literæ Eduardi*, quibus Richardo fratri milites contra Scotos conscribere præcipit. p. 115 sq. 3) *Conventiones Ducis Albanie*, Alexandri fratris Jacobi, *assunto sibi titulo Regis Scotia*, inter ipsum & Eduardum p. 256. 4) *Literæ*, quibus *Præpositus, tota societas Mercatorum & Communitas Edinburgi se obligant ad satisfaciendum Regi Angliæ super facto matrimonii & pecuniæ solvendæ* p. 163. 5) *Literæ Eduardi*, quibus matrimonium filię cum Jacobi filio rescindit dotemque repetit, p. 165. 6) *Conventiones cum Duce Albanie* p. 173. 7) *Literæ Richardi III Salvi conductus causa* legatis Scotiæ datæ p. 230. 7) *Commissio Regis Scotorum super matrimonio inter primogenitum & Annam neptem Regis* p. 232. 8) *Indentura Treugarum inter Reges Angliæ & Scotiæ* p. 235 & matrimonii modo dicti p. 244. 9) *Appunctuamenta Henrici VII cum Rege Scotorum* p. 285. 10) *Conventionum de treugis Scotiæ prorogandis & diversis matrimoniis contrahendis, confirmatio* p. 318. 11) *Obligatio, qua Johannes Bothwell & Thomas Todde maxime recipiunt, Jacobum IV in manus Eduardi se tradituros* p. 440. 12) *Conventionum Scotiæ ratificatio* p. 465. conf. p. 483 & inde pasim. 13) *Literæ Henrici*, quibus facultatem concedit legatis suis agendi cum Jacobo de matrimonio cum Margareta filia ineundo, p. 572. conf. p. 635. 14) *Literæ ejusdem ad Thomam Dacre Militem locum tenentem Westmarchiarum versus Scotiam de arraiatione faciendâ adversus invasionem Scotorum* p. 647. 15) *Literæ ejusdem de tractando cum Rege Scotorum* p. 670. it. *Literæ de attemptatis Scotia*, arbitrio Regis & Reginæ Hispaniarum commisisis p. 672. 16) *Tractatus facti apud Aytoun per Regem Scotorum ratificatio* p. 673, quam sequitur p. 722 *ratificatio tractatus facti apud Stryveling*. 17) *Literæ Henrici*, quibus Richardo Foxo Episcopo Dunelmensi potestatem defert de matrimonio cum Margareta ab Jacobo Rege Scotiæ ineundo agendi p. 729. 18) *de matrimonio cum primogenita Henrici contrahendo commissio Regis*

Scotorum p. 776. 19) indentura tractatus de matrimonio eodemp. 787.

Res domesticæ denique paucis sunt perlustrandæ. Eduardus IV igitur composito cum Ludovico XI Gallix Rege, bello, sibi ut regi possessionem, de qua necdum timere desierat, firmaret, operam dedit. De comite hinc Richmondix, qui post Henrici VII, Rex factus, nomen gessit, quemque jura familiæ Lancastriensis resuscitaturum divino quasi instinctu monitus prævidebat, ex Britannia adducendo consilium cepit; sed & contra Georgium, Ducem Clarentiæ, fratrem suum, sibi existimavit prospiciendum. Nempe vaticinium quoddam circumferebatur, quo successoris nomen primam literam G habiturum fama erat; id cum ad Glocestriensem Ducem Richardum potius, nisi prorsus vanum fuit, quam ad Georgium illum pertineret, ad eundem nihilo minus perversa interpretatione trahebatur. Ipse loco suo fretus plusculum sibi sumebat, quam ferre aut regina cum suis aut ipse Eduardus posset, qui ab Warwickii olim partibus eum stetisse memor ex præteritis conjecturam de futuris capiebat. Auxit invidiam ejus delatum ab Maria Burgundica conjugium, quæ & vincula ei & mortem ipsam, illiso capite in vini Cretici dolium, ut fama est, peperit. Verisimile tamen est secreto id supplicium habitum & rumorem disseminatum, naturæ eum vi ex vita excessisse, ne suorum animos Eduardus crudeli facinore ab se abalienaret. Enimvero non ita multo post fratrem secutus est, pœnas in liberis luiturus quas ipse non luisset. Filius, Eduardus V, ad quem ut regnum transmitteret, tantopere laboraverat, nihilo eidem longius præfuit. Regina, quæ suis eum cognatis munitum periculi omnis crediderat expertem, hoc ipso inimicis suis occasionem præbuit in suam eum sibi potestatem asserendi. Quo facto coactus est Richardo Patrueli regni administrationem & nomen protectoris, mox ipsum regnum titulumque Regis concedere. Neque id miseriarum satis; ne vitam quidem, qua regia dignitate privato ut frui per Patruelem liceret, optaverat, vel ipse vel frater Richardus retinuit. Quanquam nec Richardo III, quem patruelem paulo ante liberorum Eduardi diximus, diuturna felicitas fuit, ad quam sibi

sibi tot sceleribus viam muniverat. Factum, Deo res ita moderante, est, ut ille ipse, qui unus ei maximus adjutor ad regnum grassanti fuerat, Dux Buckinghamiæ facti sui poenitentia percussus, prima ad interitum ejus fundamenta jaceret. Equidem in ipso conatu tyrannum opprimendi comprehensus ille plexusque capite est; sed consilia, quæ ceperat, ad Richmondiæ comitem regnum deferendi, ut ille ducta in matrimonium Elisabetha Eduardi filia dissidiis inter duas potentissimas familias finem tandem faceret, nihilominus felici Numen eventu beavit. Repetita ille vice navibus in Angliam profectus victo ad Bosworthum ab se Richardo successor datus est. Regnavit feliciter, nisi quod, qui partibus favebant familiae Eboracensis, cernentes, uxorem Elisabetham Eboracensem contentim ab eo haberi, negotium subinde facessabant. Inde concitatio primum multitudinis in partibus Angliæ Borealibus, inde tota illa scena de Lamberto Simnello, qui Eduardi Comitis Warwiciæ personam indutus in Hibernia pariter & Anglia Henrico turbas excitavit. Quade causa ille de sanandis Eboracensium animis coepit cogitare, Reginamque post biennium denique solenni coronandam ritu curavit. Sed illud eo haud valuit, quo minus Petrus quidam Warbekius dictus, Eduardi IV Filium alterum Richardum mentitus, plurimorum animos sibi conciliaret sive Hibernorum sive Anglorum, postquam Regibus adeo Galliarum Scotiarumque approbati eum vidissent. Veruntamen & eam tempestatem feliciter Henricus superavit: Petrus ille conatibus suis nihil aliud profecit, nisi ut captus daret ludibrium suspendioque vitam postremo finiret. Non dissimilem rerum suarum exitum habuere Michael Joseph & Thomas Flammock, in Cornubia tributorum exactionem in seditionis causam vertentes, quam flammam vixdum coortam ex voto resinxit Henricus. Neque aliis in rebus minus propensam sibi fortunam expertus est, utpote omnes ei orbis tum incogniti divitias offerentem, quandoquidem Christophorus Columbus nullis ab Rege Lusitaniarum impetratis auxiliis Bartholomæum fratrem ad Henricum miserat, uti ejus auspiciis iter in partes orientales susciperet. At ille a piratis captus moratusque nimium ante, quam cum Henrico agere posset, occasionem fratri dedit Fer-

dinando Hispaniæ regi operam suam offerendi, eique vindicandi terras, unde hodiernum tantam vim auri argentique quotannis Hispani colligunt. Quas sibi destinatas a fortuna præripi ab Ferdinando ægre tulit Henricus, illud damnum missis subinde, quæ novas terras detegerent, navibus sancire nequicquam conatus. Hæc de rebus civilibus: de Ecclesiasticis jam quædam dicenda essent, sed præterquam quod nihil illæ singulare complectuntur, quod quidem ex monumentis hisce illustrari possit, diutius jam fatigasse lectoris patientiam videmur, quam ut plura liceat adjicere.

Ceterum cum iis, quæ diximus, sequentia monumenta ex Actis nostris contulisse non pœnituerit. 2) variæ literæ, quæ de pace atque amicitia inter Ducem Britannicæ atque Eduardum IV. agunt, p. 23 sq. 2) literæ Eduardi *de Injuriis per nuper Ducem Clarentiæ perpetratis*, p. 95. 3) *de proclamationibus faciendis pro morum reformatione literæ Richardi III*, p. 204. 4) Bulla contra *Hibernicos Prælatos qui Lambertum Symnell præensum de jure, de facto in Regem coronarunt*, p. 332; consimilis contra Episcopum Assaphensem p. 333. 5) bulla contra *tumultum excitantes, super Jure succedendi* p. 341. 6) literæ Henrici VII *pro Johanne Caboto & fitiis suis super terra incognita investiganda* p. 595. 7) literæ eiusdem *pro adhaerentibus Michaeli Joseph, & euidum Idolo, nomine Petro Wardeck de gratia Regis*. 8) literæ ejusdem *super rebellionem Petri Warbeck, de intendendo* p. 766. Cetera, nam non ita multa sunt, monumenta facile in ipso Volumine invenientur.

EXPLICATION NOUVELLE DE

l'Apotheose d'Homere.

h. e.

EXBLICATIO NOVA APOTHEOSEOS HOMERI exhibita in marmore quodam antiquo; de usu tripodis Delphici & de officio engastrimythorum; autore JO. CAR.

SCHOTTO, Seren. Regi Prussæ a consiliis, bibliotheca & antiquitatibus,

Amstelodami apud, Jo. Boor, 1714, 4.

Plag. 18.

MArmor in Ferentino agro inventum, quod consecrationem celebrat Homeri, ut explicarent, Viri docti complures operam



ram dederunt. Ære illud exprimendum curavit primum Kircherus in Latio suo, quam delineationem postea Cl. Fabretti hinc inde correxit. Qui quidem viri, quibus voculis usurpare monumentum ipsum licuit, omnium sane optime, quid eo contineatur, potuisse videntur exponere. Sed alter festinantiùs rem gessit, fecitque, ut, quæ ad interpretationem lapidis attulit, perinde ac delineatio ejus, correctione opus habere videantur, alter negotiis aliis præpeditus non potuit suis ei commentationibus lucem affundere. Quocirca exteri in eo periclitari vires cœperunt usi delineatione, quam Kircherus edidit correxitque Cl. Fabretti, utut corrigenda etiamnum in ea crederent superesse atque adeo pares negotio suscepto se omni ex parte haud esse vel taciti faterentur. Enimvero non una illi ratione aggressi rem sunt, ut Archelai, cui artificii hoc marmor debet antiquitas, mentem recte assequerentur, id quod Cl. Schottus productis, post Kircheri, clarissimique Fabretti observationes, ill. Gisb. Cuperi, Ezech. Spanhemii, Nicolai Heinſii, Jacobi Gronovii, Jo. Rodolphi Westeini, qui omnes vel in parte ejus vel in toto explicando posuerunt operam, & sententiis & verbis vberius demonstrat. Nobis in campum hunc ingredi nunc non libet, præsertim, cum de sententia ill. Cuperi, qui fuisse omnia excutus est, rationem lectori jam olim Anno MDCC LXXXIII Mense Decembri p. 538 reddiderimus. Nemo vero eorum satis Cl. Schotto potuit adeo facere, quin, quæ est in monumentis veterum dilucidandis diligentia, novam omnia commodius interpretandi viam circumspiceret, inventamque eruditis indicaret. Quæ de re ut rectius constare possit, delineationem licet jam olim exhibitam, hic denuo sistere non incongruum putavimus, quandoquidem sine illa judicium de dicendis ferri non potest.

Cl. Autor igitur arcum, pharetram & lyram, quæ omnia in antro conspiciuntur, non tantum symbola, ut Nic. Heinſius, Apollinis interpretatur, verum & ipsum Apollinem cum novem Musis hic deprehendi existimat, & juxta eum cortinam ac Pythiam, non pileum, signum Iliadis, atque Odyſſeam, quæ inferius representantur. Montem hinc ipsum non Olympum, sed Parnassum credit, quantumvis uno tantum vertice gaudeat.

Nam necessum non esse, ut utroque ille exhibeatur conspiciendus, cum vel ista repræsentio satis consilio artificis esse potuerit; quin & bicipitem montem declarare viam, quæ supra antrum cernitur. Rem vero dubiam minime relinquere antrum illud, cujusmodi Parnassus, in quo antrum Corycium notissimum est, non item Olympus, quantum ea de re constat, agnoscit. Figuram in vertice montis non Homerum (neque enim arbitratur Cl. Schottus unam eandemque rem bis in marmore exhiberi) sed Jovem interpretatur, eumque non *κεραυνόφορον*, quod Addisonus, scriptor Anglicus, voluit, sed *μελιχίον* benignum, quemadmodum Athenis atque alibi colebatur, vel potius Heliconium, dictum ita, quod in Helicone moraretur ac Musarum velut filiarum curam gereret. Figura ad sinistram antri partem, utrum sacerdotem Apollinis, an, quod ill. Spanhemius malebat, Biantem, civem Archelai artificis, designet, dubitat Vir doctus, certus interea, machinam, quæ a tergo illius cernitur, tripodem esse. Quanquam in posteriorem potius, quam priorem sententiam pronus Biantem tanto libentius hic agnoscit, quod imaginem ejus nullum aliud antiquum sistit monumentum. Nam quod ad numos attinet, qui vultum ejus præferentes circumferuntur, quorum delineationem aliquam & Cl. Schottus exhibet, & hic exhibitam nuper in scripto quodam meminimus, cusi illi ab impostore Italo sunt, neminique adeo nisi incautis harum rerum æstimatoribus possunt imponere. Ejus generis numorum amplius quadringentos delineavit Cl. Schottus, ut est summus ea in re artifex, quos si in lucem emiseric aliquando, quemadmodum liberaliter pollicetur, fraudes in re numaria sane quam luculenter ob oculos ponet.

His præmissis & consilium nobis Archelai, & rationem qua illud exsequitur, curatius explicare aggreditur. Consilium ejus credit esse, non ut unam apotheosin, sed uti &, quæ eam processerunt, & modum causasque honoris tanti adipiscendi indicaret. Hinc eum Musas introducere agentes cum Apolline primo deinde & Jove, repræsentationemque suam velut in tres actus distinguere. Primus, quem in medio marmore putat repræsentari Cl. Schottus, tres nobis primo Musas sistit, quarum priores

rum priores duz, Clio cum volumine ac lyra, & Uranie, quæ globum digito designat, de Homeri laudibus velut colloquentes, dignum eum, qui in numerum Divorum recipiatur, pronuntiant. Tertia hinc Calliope de consecratione Homeri ad Apollinem refert. Apollinis benigno illi vultu annuentis oraculum scripto consignatum Pythia tenere videtur, ac roganti velle porrigere. Actus alter in suprema marmoris parte exhibetur, ubi Polymnia Jovem, in supremo montis vertice positum, obtestatur, ut Homerum inter Deos receptum venerari liceat. Juxta Polymniam Erato, ubi Jovem in preces sororis facilem cerneret, summo gaudio perfusa saltantis vel subsilientis speciem præbet; lyram ei adjunctam, quasi quæ ex manibus subsilienti excidisset, Noster arbitrat. Sed fortasse rectius ill. Cuperus, qui lyram ibi positam petere Musam tripudiantem existimat; alias enim non recta staret lyra, sed in latus inclinata casum distinctius declararet. Hinc Euterpe sequitur cum tibiis, quarum inventrix fertur; post Terpsichore alterius manus digito silentium, ut cantantes ante se Musæ exaudiri possent, imperat, altera citharam tenet, quam male utique in delineatione expressum dolet occasionem adimere discrimen inter citharam & lyram antiquorum quodnam sit, clarius explicandi. Super sunt Melpomene & Thalia, quæ nomina ut figuris residuis sigillatim sint applicanda, non expedire se posse Cl. Schottus fatetur, veritus proinde ne & hoc loco minus exacta marmoris sit delineatio. Tertium jam actum voces figuris subscriptæ satis explicant. Homerus ibi sistitur in templo, quod ex columnis, quarum pars superior prominet, cetera velo tectis colligitur, sedens, ut Deum decet, ad aram litteris adhuc non animadversis A. A. quas *Ἀρχέλαος* & *Ἀπολλωνίης* sc. υἱὸς interpretatur Cl. Autor, notatam. Terra *οἰκισμένη*, (ita enim legendum non *ἐν μέλει*) & tempus *χρόνος* eundem coronant; Ilias, quam bipennem, non gladium, cum ill. Spanhemio in nota manuscripta ad Apotheosin Homeri Cuperianam tenere existimat, & Odyssea latus ei stipant. Mures ad pedes observantur, unde Batrachomyomachiam Homero vindicare viri docti sunt aggressi. Sed alio spectare ista animalcula vel istud fidem facit, quod rana nulla adest, non abfutura, si poema illud certamen inter mures ac

ranas complexum designaretur, Noster, quod rodere ei libros Homeri videntur, quanquam nihil se tale deprehendere posse Gronovius affirmabat, ad invidos ea trahere nihil veretur. De ceteris figuris uberrime ab ill. Cupero explicatis nihil monet, excepta illa, quæ *μνήμης* appellationem fert, quamque ut ab historia distinguat, traditionem interpretatur.

Ita generatim Cl. Schottus sententiam suam de marmore isto declarat; hinc pergit ad ea, quæ singularia illa complectitur, dilucidanda. Primo loco de Apolline fœmineas vestes induto, nam ita in monumento nostro exhibetur, luculenter differit. Rem ipsam dubiam omnium minime relinquunt numi, in quibus Apollo & diserte nominatur & fœmineum in morem vestitus comparet, cujusmodi aliquot ex Museo Berolinensi delineatos dedit, quorum duos & ipsi ære exprimendos curavimus. Non minus exquisita sunt, quæ de cortina docet, quam pileum credidit ill. Cuperas, minus ex sententia Cl. Schotti, probabiliter, quod nulla illi utpote grandiori proportio intercedit cum capitibus figurarum, quæ in marmore exhibentur. Digni cum primis sunt qui considerentur, numi, quibus & ista illustrat, ex quibus & nos eos, qui solam cortinam sistunt, delineatos dedimus. Fate-mur tamen, utique videri nobis aliquid discriminis, inter figuram quæ in marmore conspicitur & cortinas illas intercedere. Est enim illa oblonga, cum cortinæ in numis repræsentatæ ad semicircularem figuram quam proxime, accedant. Hinc vero de tripode pone hominem palliatum posito dicta ulterius confirmat. Ejus jam ill. Spanheimio in mentem venerat. *Tripodem quidem ancum*, inquit in literis ad ill. Cuperum datis, quas iste Apotheosi suæ inseruit, *memorant autores, cui nomen SAPIENTIS aut SAPIENTISSIMI, inscriptum singulari munere Bianti concessum. Sed*, pergit, *neque machinæ illi cum tripode convenit, neque tripus supra caput, sed ad pedes in monumentis apponi consuetus.* Sed Cl. Schotto secus videtur; faces enim, quas hic quæsi-verunt Viri docti & basin literæ Tauticæ, tres ille pedes tripodis, ductum superiorem literæ illius, marginem crateris, circulum minorem, ansam tripodis, (ansatos enim tripodes numi, ut exemplis Noster probat, nonnunquam exhibent) globum vero, qui

qui supra caput hominis palliati conspicitur, craterem, qui γά-
 ρος dictus, cum cortina conjunctum interpretatur. Quæ partes
 tripodis ut rectius intelligantur, digressionem de usu ejus tracta-
 tioni suæ inseruit, non ingratam utique futuram omnibus, qui
 studium antiquitatis sectantur. Usus ille in eo, maxime consti-
 tit, ut per Tripodem loqueretur Apollo murmur in eo, flatu sub-
 terraneo, excitans, cum responsum redderet, qua de causa cortina
 pariter cum cratere ita subtilis erat ac tenuis, ut flatus iste, si ve-
 hementior esset, per foramen crateris, quod umbilicum dixere,
 ingressus strepitum maximum cumque tonitru exæquandum
 ederet. Quod vero similis reddidit Vir doctus conjectat, oc-
 culto alio quodam artificio sonitum auctum fuisse, ideoque præ-
 vocat ad ψήφους μαρτυράς, quas in cratere tripodis latuisse con-
 stat. Pythia vero in cortina, non cratere, sedebat, partim ut
 flatus vim nimiam cortinam alias ablaturi cohiberet pondere
 suo, partim ut sonitum in eas voces pararet, quas respondisse
 Apollinem consulentibus oraculum persuadebant. Hæc omnia
 erudite persecutus e diverticulo ad tripodem, quem in marmo-
 re nostro credit representatum, Cl. Schottus redit fateturque
 altiore eum esse, quam in aliis monumentis observatur. Sed
 illa justam neglexisse altitudinem existimat, hic recte, expressam,
 nititurque verbo ἀναστάσεων usurpato scriptoribus, quando in-
 fedisse Pythiam tripodi referunt. Veruntamen ex hac una vo-
 ce eam altitudinem tripodis, quæ ipsam viri staturam supergredi-
 atur, non facile evicerit Vir doctus, cum locus illi esse possit, eti-
 am si tripodes non altiores, quam eos vetera plerumque moni-
 menta exhibent, fuisse credantur. Remanet igitur difficultas
 illa, cui alia, quam & ipse Cl. Schottus animadvertit probe, ac-
 cedit, quod altitudini tripodis hujus cum peripheria nulla est
 proportio. Equidem negligentia hominis, qui monumentum
 illud primus delineavit, illud tribuit Vir eruditissimus; sed illud
 subterfugium ei nemo facile toties largietur. Sane illustris Fa-
 bretti, qui, excusso denuo marmore, ex facibus apices nobis
 tornatiles reddidit, multo indicasset magis, si laxiorem tripodis
 formam incuria delineantis in angustiorem eam, quam
 delineatio præfert, coegisset. Neque vero hæc eo monemus,

ut novæ Viri, cujus eruditionem colimus, sententiæ periculum creetur, sed uti pateat, nihil adeo certi in ejus generis rebus excogitari posse, quod infirmare nulla prorsus ratione liceat. Observationibus de tripode conjectura nova de engastrimythis subjuncta est. Sunt illi Cl. Schotto homines, non qui verbis ex ventre prodeuntibus, ut plerique credidere adhuc, vel per vascula vitrea aliave ex materia parata, γάστραι dicta, ut Hermol. Barbarus & G. J. Vossius contenderunt, vaticinati sunt; sed qui vel recitabant vel explicabant distinctius ea, quæ per craterem tripodis, qui γάστρα dicebatur, ab Apolline profecta confusiori sono audiebantur. Officium illud fœminæ primo, postea viri obiere, qualem & esse palliatum hominem, qui juxta tripodem adstat, postremo, relicta fere de Biante sententia, conjectat Cl. Schottus. Sub finem explicationem numi, quam ex Pedrusii Numismatum Parmensium Tomo quinto anno MDCCC XIII mense Julio p. 295 attulimus, & in qua ille consecrationem Homeri existimavit celebrari, sub examen revocat. Circa quam observata prouti suo loco, autorique suo defendenda relinquimus, ita monemus tamen, eundem plane numum illum haud esse cum eo, quem Cl. Molinet ex Museo S. Geneviève & Cl. Schottus ex Berolinensi delineatum nobis dederunt. Eum hic exhibemus, quem una cum aliis ex Pedrusiani operis Tomo, quem diximus, speciminis loco ære exprimendum chalcographus cum alio juxta posito, ut postea animadvertimus, male commutaverat.

TAB. IV.
Fig. 4

*DE VERO USU VERBORUM MEDIORUM
apud Græcos, eorumque differentia a verbis activis, & passivis. Annexa est epistola de verbo cerno ad Virum Cl. J. P.
Autore LUDOLPHO KUSTERO, Regiæ Inscriptionum Academia Socio.*

Parisiis, apud Ioannem Bapt. Delespine, 1714, 8.
Alph. 1.

Vulgo Grammaticorum est regula: Verba apud Græcos media dicuntur, cum quod terminatione, partim activa, partim passiva gaudeant; tum quod interdum active, interdum passive significant. In hoc accusat erroris, ex negligentia orti,
Gram-

Grammaticos Vir celeberrimus, qui intima naturæ Græcæ linguæ perscrutatus est, Ludolphus Kusterus, & aliam huic opponit regulam: Græcorum medii generis verba actionem cum passione mixtam denotant, & inter verba activa & passiva re vera medie sese habent, utrique autem formæ ita affinia sunt, ut ab utraque discrepent. Hoc novum auctoris inventum est, circa quod observari convenit, non omnia verba pro vere mediis agnosci, quæ terminationem mediam, significationem vero activam habent, & Latinorum deponentibus similia sunt; neque præterita perfectæ, & plusquam perfectæ, heic locum invenire, quia cum terminatione significationem mediam exuunt: sed quædam verba media supponi, quibus constans usus certam confirmavit significationem, quæ in activa eorum forma non conspicitur, & quorum significatio potius ex actione, & passione mixta est. Ipsa vero mixtio in eo ponitur, quod verborum mediorum, actionem designantium, actio non transeat in alium, sed ad ipsum agentem redeat, ita ut agens & patiens certa ratione idem sit; hac quidem differentia, ut vel agens sibi aliquid ipsi præstet, & a se immediate patiatur aliquid, vel actio alterius ita in patientem abeat, ut huic certo modo deberatur illa, ut cuius auctoritate & jussu facta est. Prioris generis verba cum illis Latinorum congruunt, quibus adduntur pronomina reciproca, *se sibi*; vel additis propositionibus, *ad se, in se, inter se* & alia, ut quando Latine dicunt, se lavare, Græci illud constanter medio efferunt, *λῴεσθαι*; sibi ducere, *ἀγείδειν*, in se tollere *ἀίρειν*, inter se pugnare *μάχεσθαι*, pro se acquirere *προσποιεῖν* & similia. Posterioris generis sunt, quando aliquis aliquid fieri curat, ut medium *ἀπογράφειν* nomen suum in tabulas referendum curare, *κείρειν* tonderi se facere & reliqua: ex quibus intelligitur, quomodo verba media ab activis & passivis, certo modo, diversa sint, & vim, neque mere activam, neque mere passivam obtineant; sed ex utroque commixtam, quod ideo parum fuisse animadversum vulgo, auctor ingeniosus statuit, quod in plerisque verbis mediis Græcorum interpretandis, ad usum magis Latini sermonis, & aliorum, interpretes respexerint, quam ad proprietatem notionum Græcorum

corum verborum; unde, quando ἐπείγουσαι Græcum medium Latinum fecerunt, per festinare illud reddiderunt, recte quidem, sed non quo primam & vocis propriam vim exprimerent, qua festinare nihil est, quam se ipsum in agendo impellere, & promovere, quod græce, reflexione remota, ἐπείγειν dicitur. Exposita hoc modo sua sententia, Autor doctissimus ad eam confirmandam progreditur, & in accessu hanc sibi dari conditionem postulat, non velle se teneri autoritate recentiorum illorum scriptorum, Plutarchi, Æliani, Herodiani, Heliodori, & his æqualium, (quamvis horum testimonia pro sua sententia stabilienda in subsidium sæpe vocet) sed stare suum inventum exemplis, ex Demosthene & florentis Græciæ scriptoribus principibus petitis, ex quibus, quicquid sibi opponendum vult, peti debeat; ea quidem iterum lege, ut propter unum alterumve contrarium sibi testimonium, non velit loco cedere, cum paucis locis haut tuto credi debeat, ubi infinita exemplorum copia opinionem aliquam suffulciat. In tres vero classes omnium verborum mediorum numerus divisus est, & ideo tribus sectionibus universa eorum tractatio absolvitur. In prima sistuntur illa verba, quæ actionem notant, quæ ad agentem quasi ipsum reflectitur; in secunda illa proponuntur, quorum actio ab alio in aliam transfertur, patientis ad agendum collata opera; tertia sectio eorum est, quæ formam quidem, sed non vim tenent mediam. Pro singularum classium illustratione exemplorum conflatur series, ex quorum multitudine quædam seligere nostrum erit. In prima sectione § 3 est ἀπομύξασθαι, quod valet se emungere, cum ἀπομύττειν alium sit emungere, ἀποψᾶσθαι, notat se abstergere, & idem ἀπομόρξασθαι §. 4. cum, ἀπομορξαι sit alium abstergere; λῆειν lavare est, λῆσασθαι significat se lavare §. 5; λύειν dicitur, qui solvit aliquid, quod cum alio colligatum est; λύεσθαι vero medium ille, qui sibi aliquid in suo solvit corpore §. 7. ἀπάγξαι strangulare medium habet ἀπάγξασθαι sibi fauces præcludere §. 9; qui percutitur passively dicitur κόπιεσθαι, qui vero se ipsum percutit, vel plangit, medie κόπτεται §. 10; ἵστημι est statuo, medium ἵσταμαι sto, vel me constituo §. 13. φυλάττω custodio, medium φυλάττομαι me custodio

διο, mibi caveo; πέμπω mitto, deduco, medium πέμπομαι ad me deduci curo, arcesso §. 20; θέσθαι ἄλοχον uxorem est sibi ducere, θέναι alii dare §. 25, & plura alia heic conquesta, quibus junguntur verba pleraque pugnandi, quia inutuum ab utraque parte & actionem & passionem supponunt §. 40 & 41; quod equidem non in omnibus valet, quæ nempe ab altera tantum parte agentem ponunt, in iis tamen, ubi actio est mutua, ut πολεμῶν nude quidem dicitur, quando quis alium invadit, bello impetit, sed quando inter se mutuo diversi manus conferunt, dicuntur μάχεται. Verba etiam repellendi, rejiciendi, repudiandi in hunc censum veniunt §. 44. quæ per præpositionem Latinam *a se* exponenda sunt, ut ἀπώσεται, ἀποβάλλεται, & similia, quibus opinionem suam doctissimus Kusterus firmare conatus est; quo peracto monet §. 46, illa, de reciproco verborum mediorum usu, eo extendenda non esse, quasi verbis mediis, ubicunque sensus est reciprocus, uti conveniat, cum sæpe id propter consuetudinem contrariam, non liceat, nam et si ἀπαύξειται recte dicatur de illo, qui se suspendit, non ideo in eadem sere re licet dicere ἀποσφάττειται medie, vel ἀποκτείνεται, qui se occidit, & sic in aliis. Præterea dantur verba, ubi adhibetur medium, nec adeo aperta est ad agentem reflexio, & tamen occulta quædam, in eo latens, quod agens aliquid in proprio transfigat negotio, ut in διαλύσασθαι, καίλαπρξαι usu venit, quando propriam rem peragere, tollere, significant, ubi e contrario activum usurpatur; quando in aliena re quisquam occupatus est. Quamquam igitur id pro firmo habetur, non licere verbis vere mediis uti, quum quis alteri aliquid præstare fertur; non tamen id æque constans est, semper in usum venire medium, quando actioni reflexæ locus est, cui optimæ notæ scriptores Græci morem servant contrarium. Et quamvis usu verba media ab activis sæpe parum differre videantur significatione, monet tamen doctissimus Auctor p. 104, hoc saltem esse discrimen, quod ancipitem illam relationem ad se, vel ad alterum, quæ activis inesse solet, non admittant, & sic sensum in suspensio non reliquant, ut in exemplo, quando quis κομίζειν χρύσου dicitur, ignoratur, an sibi, an alii, aurum ferat, qui nexus ex-

peditur, si in medium sit adhibitum, ubi manifestum est, rem por-
 tare agentem pro se, vel propriam, quæ quidem utilitas certe
 est egregia, si agnoscat ab omnibus; major tamen illa foret,
 si verborum mediorum hac virtute pollentium certus esset con-
 stitutus numerus. Sed huic usui verborum mediorum subnectit
 Autor adhuc alium §. 59, quod si nec illa differentia inter acti-
 va & media, quod ad sensum reflexum, & non reflexum, appa-
 reat, statuendum esse ambiguitatis vitandæ causa, in quibusdam
 loquendi generibus, verba media potius, quam activa adhiberi,
 in illis nimirum casibus, ubi vel in verbo, vel in nomine est am-
 biguitas, ut quando Latini dicunt, obsignare epistolam, Græcis
 scribere convenit *σημῖνασαι ἐπιστολήν*, ad confusionem evi-
 tandam, quæ in activò *σημαίνεσθαι* est; sic *μνήμην ποιῆσαι* lo-
 quuntur, quando mentionem faciunt rei, non vero *ποιεῖν*, quod
 memoriam conservare, potest valere. Tandem observat Autor
 §. 63, quandoque mediis addi pronomen reciprocum *ἑαυτὸν*, non
 quod significatio reflexa mediis per se non inest; sed id vel neces-
 sitate addi, ut tollatur ambiguitas, in sensu ipso reciproco, ut in
 verbo *κόπτεσθαι*, quod & se ipsum plangendo lugere, & alium,
 notare potest, quod tollitur si pronomen adjectum sit; vel pro-
 pter emphasin, quæ orationem elevat; vel per pleonasmum, quan-
 do quid, non necessarium, in eadem abundat. Hoc enim subla-
 to, quod reflexio per se mediis verbis non inesset, omne discrim-
 men inter activa & media collapsum iri notat, & ideo hanc suam
 pro norma constituit regulam: Verba media significationem
 reciprocam habent per se, & ex se; at activa eandem extrinsecus
 assumunt, ope pronominis reciproci, sive expressi, sive subau-
 diti. Ita ad secundam classem verborum mediorum cum Au-
 tore progredimur, in qua illa exhibentur, quæ significationem
 habent activam, qua actio in alium ita transfertur, ut patiens in
 actionem, aliqua ratione, influat, vel agentem movendo, vel mi-
 nimum non resistendo, ubi facultas datur; exempli loco esse po-
 test medium *κείρεσθαι*, quo Græci utuntur, quando de homine
 agunt; quando vero de animali sermo, cui renitendi non est po-
 tentia, passivo *κείρεσθαι* locus est, homo namque, si tondetur,
 præbet se tonsori, in ove vero actio invita perficitur: sic ἀπε-
 γρά-

γράφειν (quod in S. Luca legitur) non est nude cenferi, sed iponte sua in tabulas referri; διδάσκειν non est nude doceri, sed se docendum tradere, unde διδάσκειν τέχνην propter artem docendam se cuidam committere, & in multis aliis, heic collatis. In tertio verborum mediorum ordine, de verbis agitur, formam quidem, sed non vim mediam habentibus, quorum alia active tantum significant; alia passive tantum: prioris generis comparantur cum Latinorum deponentibus, qualia sunt ἐργάζομαι, εὖομαι, δέχομαι, & reliqua, itemque futura media, quorum præsentia activa sunt, ut φεύξομαι, κρύψομαι, καταβήσομαι, quæ medio-activa dici queant; ubi tamen notandum, quædam medio-activa videri, quæ re altius perpensa vere media sunt, quod verbo χεῖσθαι probatum est: posterioris classis verba, quæ sub forma media mere passivum significant, medio-passiva appellata sunt, in quibus nullum tempus formæ mediz frequentius passive usurpatur, quam futurum, quod exemplis confirmatum est, rarius ex prozæ, frequentius ex ligatz orationis scriptoribus petitis; Aoristi vero primi medii in significatione passiva usus observatur rarissimus. Quid sentiendum de invento hoc novo, ultra vulgus industrii & sagacis autoris sit, aliorum judicio relinquitur, quorum diligentiam, non leviter juvare poterat, si eorum verborum mediorum indicem subnectere libuisset, quæ nova methodo explicare suscepit, præcipue, cum nec certo numero, nec classe quadam, illa adhucdum comprehensa sint, suppleri tamen hoc poterit levi Lectoris studio. Ex epistola de verbo *cerno* nihil visum est decerpere, quoniam illa inter dissentientes criticos disceptatio jam latius extenditur, & nemini, non est cognita.

PHYSICO-CHIRURGICAL TREATISES OF
the Gout, the Kings-Evil, and the Lues Venerea.

i. e.

TRACTATUS MEDICO-CHIRURGICI DE AR-
thritide, Strumis, & Lue Venerea; Autore
RICHARDO BOULTON.

Lon-

Londini, apud M. Brand & I. Kent, 1714, 8.

Alph. 1 plag. 3.

CUM non pauca proflent scripta, in quibus Viri, supra vulgus alias sapientes, nec minori experientia clari, in horum morborum naturam inquisiverunt; non immerito miratur Auctor Clariss. cur plures hactenus iidem non fecerint progressus in eis debellandis; operæ igitur pretium duxit, in veras eorum causas inquirere, & super has legitimas struere indicationes.

In Tractatu *de Arthritide*, recensita ejus historia & natura, conjunctam causam acrem corrosivum humorem cum pituita mixtum esse statuit, qui oleosæ mucilaginis, quum articuli suppeditant, crasin invertit. Idque vitium vel hereditarium est, vel adscititium; in hoc modo ventriculus, modo succus pancreaticus, modo bilis, modo alimenta tam esculenta quam potulenta, modo defectus motus aut somni, modo veneris abusus in culpa esse possunt; quoniam autem non omnes, qui ejusmodi errores committunt, aut chylicationis defectus patiuntur, arthritidi sunt expositi, necessario sequitur, peculiarem propensionem seu dispositionem ad colligendos ejusmodi humores præternaturales requiri, quæ in diverso hominum temperamento radicata est; putat igitur Noster, homines temperamenti melancholici præ aliis ad contrahendum hunc morbum esse aptos; siquidem humores in hac constitutione minus balsamici crudisque salibus referti quibusvis causis morbificis valide satis se opponere nesciunt, sed ab his magis supprimuntur, & subiguntur. His positis dum salia acida, acria, lixiviosa, cum sanguine circulata exaltantur, & attenuantur, per renes equidem aliaque corporis emunctoria secernuntur, reliqua tamen oleaginosam sanguinis substantiam consumunt, & ut reliquis humoribus, ita etiam menstruo stomachali communicantur, & fermenti instar se multiplicant. Humores hinc salini præternaturales in glandulas articulorum se insinuant, & inter ligamenta membranacea deponuntur, unde sequitur non solum motus abolitus, quia oleaginosæ mucilago, fibras humectans, deficit, & acres particulæ harum interstitiis se interposuerunt, verum etiam dolor exquisitissimus a spiculis salinis, sensibiles has partes vellicantibus, productus

ductus. Quod si igitur humores hi acidi, & acres cum lixivialibus salibus permixti ad glandulas articularum depositi fuerint, motum intestinum sensim sensimque amittunt, hinc crassiores evadunt, minusque apti, qui per vasa iterum possint reduci, imprimis cum frigus, quod extrema artuum ambit, ad majorem coagulationem eos disponat. Sin vero ob dolorem calor aliquis extraordinarius & fermentatio præternaturalis oritur, humor hic antea condensatus iterum attenuatur, & per reductoria vasa denuo resorbetur, donec paroxysmus penitus cessaverit. Quoad therapiam curatoriam 1) humorum vitiorum, qui antecedentem constituunt causam, incrementum est inhibendum; 2) humorum jam collectorum in partem influxus est sistendus; 3) causa conjuncta tollenda; & 4) Symptomata mitiganda sunt. Ut de Indicatione tertia quædam dicamus, causa conjuncta seu humor ille crassus partim debet attenuari, ut extra membranas & fibras ligamentosas expellatur, partim ita corrigi, ne ad massam sanguineam reversus ullam noxam inferre queat. Ab internis autem medicamentis parum subsidii expectandum est, 1) quia ob humorem nimis crassum, vascula & fibrillas obstruentem, nihil de medicamento illuc penetrare potest, & si tantillum illuc feratur, prius a fermento peregrino in suam naturam verteretur, quam aliquam correctionem humoribus concedere posset; 2) quia medicamenta in fibras membranosas, ubi motus humorum progressivus multo debilior est quam in vasis sanguineis, non nisi tarde ingrediuntur; hinc nulla proportio erit inter id, quod in glandulis separatur, & materiam peccantem corrigendam; 3) si humores crassi attenuarentur a medicamento, & ad massam sanguineam remearent, metuendum esset, ne idem humor per arterias ad locum affectum adductus pristinam iterum luderet scenam, & paroxysmum de novo produceret. Verum enim vero si quis dolorem per interna medicamenta ad tempus per opiata consopire prætenderet, sciendum, opiata non solum in partem affectam, sed & in cerebrum suam operationem exercere, adeoque metuendum esse, ne hoc ad recipiendam materiam morbificam disponatur, & sic metastasis ad partem nobiliorem promoveatur. Externa vero re-

media quod attinet, & primo quidem lenientia & emollientia, hæc conducunt, quia 1) viam & locum parant, in quo causa antecedens possit recipi, ne tam copiose in articulos internos influat; 2) symptoma externum, dolorem scilicet, assopiant; nec nocere possunt hæc, siquidem materiam peccantem una cum causa antecedente ad partem externam aliquam derivant, antequam hæc ulli parti intimius fuerit affixa, & sic præcavent, ne vel in affectam vel aliam partem irruat; quanquam autem ad interiorum usque articulorum non adigantur, adeoque causam conjunctam non attingant, cessat nihilominus metus, ne eadem attenuata ad sanguinem reversa huic noceat, aut ad aliam nobiliorem partem transferatur. Narcotica externe parti affectæ applicata per poros corporis effluviis suis subtilioribus penetrant, & nervosas papillas in cutis superficie positas afficiendo sensationem doloris a tumore & inflammatione productam ad tempus tollunt, modo abusum eorum caveamus; nec tamen putandum est, eorum sphaeram activitatis ad membranas usque articulorum sese extendere. Repellentia mitiora externe admodum calorem quidem & inflammationem temperant, non autem tantæ sunt efficaciam, ut humorem ad sanguinem iterum repellant; adeoque causam conjunctam non attingunt. Sin fortiora in usum vocentur, metus est, ne contrahendo partes & humorum, materiæ morbificæ attenuationem juvantium, influxum arcendo, materiamque peccantem, per se crassam, magis inspissando, magis obsint quam prosint. Discutientia quidem calidis & subtilioribus suis effluviis materiam morbificam attenuant, & in motum rapidiorem cient, sicque a loco affecto expellunt, quoniam autem eandem ex corpore non proscribunt, sed ad vasa iterum urgent, verendum omnino est, ne per vasa adductoria illa iterum ad locum pristinum deponatur, sicque recidivam efficiat, aut nobiliori cuidam parti adhæreat. Quod si igitur ab externo quodam præsidio causa conjuncta tolli debeat, illud hanc non solum attenuabit, & ad vasa repellet, verum etiam pravam ejus constitutionem ita alterabit, & corriget, ut corpori nullam amplius noxam inferre queat. Quæ requisita in emplastro de ranis cum quadruplici mercurio invenit Autor clariss.

riss. imprimis si illud, cum tantillo boli Armenæ vel minii roboretur, sub cuius usu laxantia, diaphoretica vel diuretica interna vias præparabunt, ut per eas hostis hic ex corpore sensim sensimque exturbetur. Quoad curam præservatoriam monita salubria suppeditat Noster, quomodo partim causæ antecedentis incrementum inhibendum, partim materia morbifica in massa sanguinea congesta corrigenda & eliminanda veniat, aliquotque subnectit observationes.

Scrophula cum sint morbus variis stipatus symptomatibus, genuina earum subministrari definitio vix poterit; sufficit jam ex Autore annotasse, consistere hunc affectum in crasi depravata habituali humorum. Subjectum non solum glandulæ sunt, sed & interstitia musculorum, viscera, tendines & ipsa ossa. Causam conjunctam constituunt humores crassi, visceri, obstruendo humores excitantes, & quoniam cum acrimonia conjuncti sunt, fibras erodentes. Differt hæc a podagræ causa conjuncta in eo, quod materia morbifica strumarum ex cruditate non adeo austera conflatur, nec cum salibus acerbis ejusdem generis sit complicata. Quanquam enim humores sint indigesti, & acres, sulphureæ tamen partes magis sunt exaltatæ, & minus depressæ ab acidis, minusque infectæ ab acerbis. Malum hoc sæpe numero hæreditarium est, ab humoribus matris depravatis ortum ducens. Præcavendum igitur, ne infans, in utero matris ejusmodi strumis defædatæ hærens, eodem modo afficiatur. Propinanda itaque gravidæ sunt, quæ cruditatibus primarum viarum præveniant, massæ sanguineæ cruditates corrigant & fœtum roborent. Si vero in lucem editus fuerit infans, atque subsit metus, ne tincturam aliquam vitiatæ ejusmodi intemperiei per hæreditatem conceperit, opera danda, ut confortetur idem, atque incrementum fomitis morborum intercipiatur, donec illos annos attigerit, sub quibus validiora pro eradicando malo remedia assumere valeat. In adultioribus colluvies cruditatum viscidarum in ventriculo & primis viis, imo in massa sanguinea per evacuationes universales est eliminanda, diætæ probe observanda, digestio promovenda, vitiosi humores, qui in sanguine adhuc hærent, corrigendi, glandulæ tumentes per topica discuti-

tiendæ, supparandæ vel extirpandæ, & symptomata mitiganda sunt. Hinc venæsectio commendatur in corporibus plethoricis, vel ubi symptomata atrophix eandem non contraindican-
 Purgantia validiora requiruntur ob tenacitatem materiæ, & talia seligantur, quæ attenuando materiam ad sui excretionem disponant. Massa sanguinea digeritur & humores vitiosi corriguntur per martialia & decocta liquorum in robustis subjectis, in imbecillioribus per blandiora. In malo habituali ex corpore proscribitur causa morbifica per salivationem imprimis in cholericis & phlegmaticis ægris, qualem tamen melancholici non æque bene ferunt. Ejus potius loco in his mercurius dulcis est propinandus & per purgantia corpus evacuandum. Quod discussionem attinet, hæc felicius succedit in constitutione sanguinea, quam phlegmatica, & in hac citius quam melancholica. Cystici vero tumores admodum difficulter discutuntur. Reliquis remediis emplastrum de ranis cum mercurio, cum vitriolo Romano mixtum, præfertur. Si partes sulphureæ in ægris maxime exaltatæ & sanguis admodum calidus extiterit, ad suppurationem tendunt istiusmodi tumores, qui, postquam plenissime fuerunt digesti, vel per incisionem vel causticum sunt aperiendi. Extirpantur denique iidem, vel per excisionem, quando non adeo profundum situm habent, nec vasis majoribus adjacent; vel per escharotica, quando basis eorum magna, & in vasorum majorum vicinia sit. Quoniam autem inter alios Scrophularum effectus spina ventosa, ophthalmia & lippitudo observatur, de his seorsim agere instituit Autor clarissimus.

Lues Venerea dependet a fermento præternaturali, massæ humorum communicato, occasione volatilium, oleosarum, acrium particularum seminis corrupti. Quemadmodum igitur venæsectio in hoc morbo convenit pro attenuandis humoribus, ut eo commodius mediante salivatione isti queant evacuari; ita purgantia locum inveniunt, ad evacuandos humores crudos partim in primis viis, partim in massa sanguinea stabulantes. Imo requiruntur etiam ea non solum, quando salivatio nimis augetur, quatenus per alvum excretio humorum determinatur, qui alias ad os confluxissent; verum etiam quando eadem non rite succedit,

succedit, quatenus, dum crassiores humores per secessum ejiciuntur, qui relinquuntur, tenuiores eo felicius sub salivæ schemate prodeunt. Quid? quod eadem in declinatione salivationis maxime necessaria sint, partim pro humorum vitiosorum reliquiis, partim pro particulis mercurialibus eliminandis. Emetica locum inveniunt in principio, quando humores mercurialibus particulis sunt referti, nec tamen salivatio prospere succedit. Nec opiata contemnenda sunt, quatenus præcavent diarrhœam, nimium humorum effluxum moderantur, & acrimoniam humorum temperando prohibent, ne particulæ eorum corrosivæ partes solidas exulcerent. Sic clysmata obstructum alvum non solum referant, sed & nimiam salivationem mitigant. Salivatione finita diaphoretia nullo modo sunt negligenda.

De cetero monendus est B.L. hisce tractatibus tentamen *de febribus intermittentibus* esse annexum, quarum rationem causamque veram ab acidis nitrosis particulis cum sanguinis volatilibus salinis & sulphureis fermentantibus, cutisque fibras corrugantibus & papillas nerveas vellicantibus Autor deducit. Diversæ vero species febrium intermittantium producuntur, prout materia morbifica plus minus crassa & acida, particulæ vero salinæ plus minus exaltatæ vel depressæ sunt, ita ut vel breviori vel longiori tempore illa subigatur, corrigatur & exterminetur. Earum specificum Cortex Peruvianus est, quatenus particulis amaris, adstringentibus & aromaticis constat.

Beschreibung des Vieh-Prestens.

i. e.

CAROLI NICOLAI LANGII, PHIL. ET MED.
D. Acad. Cæs. Leopold. Societ. Reg. Pruss. & Physico-Crit.
Sen. atque Reipublicæ Lucernensis Senatoris, Descriptio
Contagii bovini, ab Anno 1711 ad 1714 in principalioribus
orbis Christiani Provinciis atrociter
grassati.

Lucernæ, apud Henricum Rennward Wyssing, 1714, 8.

Plag. 14.

K 3

Non

Non solum in Italia extitisse Medicos, quos in Actis his A. 1713 Mens. Martio p. 111 & sqq. & in Supplem. Tom. V Sect. X p. 461 & sqq. commendavimus, verum etiam in Helvetia re-
 pertos fuisse, qui commodi publici gratia de Epidemia conta-
 giosa bouum scripserunt, præter alios præsens tractatus satis te-
 statur, qui in tres tomos dispescitur, quorum I in originem &
 causas inquirat contagii hujus, II therapiam curatoriam, III præ-
 servatoriam describit. Ex clarissimi Langii mente, cujus tracta-
 tus de origine lapidum figuratorum in Actis A. 1710 Mens. Fe-
 bruar. p. 81 & de Historia eorundem Anno 1709 Mens. Januar.
 p. 17 laudavimus, ut cujusvis pestis, ita hujus etiam contagii es-
 sentia in sale quodam volatili, subtili & spirituofo consistit, quod
 facile hinc inde dispergitur, ubique adhæret, & in poros corpo-
 rum sese insinuat, spiritibusque ad illud suscipiendum dispositis
 se immiscet, ac inde motum horum naturalem vel sufflaminat,
 vel aliter determinat. Ad concipiendum autem hoc miasma
 requiritur conformitas spirituum, propter quam sympathetico
 quasi quodam modo talem unionem & miscelam inire queant.
 Quodsi autem venenum pestilentielle sensum atque sensim sum-
 mum vigorem adeptum est, non solum consimiles ejusdem ge-
 neris spiritus aggreditur, sed & alia adoritur animalia, (quem si-
 nistrum eventum quemadmodum Autor Cl. non sine causa me-
 tuit, imo paulo post refert, venatores vulpes & alias feras mor-
 tuas se reperiisse, testatos esse, a quarum esu etiam lupi & corvi
 abstinerint; ita contagium ad porcos, anseres & gallinas in
 Alsatia transiisse, ex Relationibus publicis nuper accepimus) imo
 & homines. Turbato sic spirituum motu putredo in corpore
 oritur, quam massa sanguinea, itidem in textura sua corrupta,
 fovet & auget. Huic veneno volatili sal aliquod arsenicale per-
 mixtum fuisse, fusius probatur. Inter causas externas porro
 Noster allegat prelium ultimum inter Turcicum & Moscoviti-
 cum exercitum commissum, post quod cadavera militum pari-
 ter ac bouum ex nutrimenti & culturæ defectu defunctorum in-
 humata contagium aliis armentis communicatum & in Vene-
 tam ditionem cum bouum grege transportatum fuit. Hoc autem
 in generis humani pestem transiturum non credit; carnes inter-
 rim

rim tali morbo defunctorum boum, corium item & sebum pro usu domestico adhibere prohibet. In Cura Antidotum deprædicat, quod D. Romeisen contra hoc contagium invenit, ex spiritu fuliginis cum nitro, theriaca & aceto vini parandum; cui simile, sed spirituosius Autor noster commendat remedium, allegatis simul aliis medicamentis, internis æque ac externis, quæ a variis Authoribus & Collegiis sanitatis in usum fuere vocata. De cetero qua ratione boves ægri sint tractandi, sani præservandi, & regiones vicinæ ab hoc contagio præmuniendæ, uberius exponit. Plura addere superfedemus, cum ea ex supra allegatis locis sint petenda.

SPECIMEN CONJECTURARUM POLITICARUM de Origine & Natura Legum Germanicarum Privatarum antiquarum, earumque ad statum præsentem Provinciarum Germaniæ imprimis ad Terras Protestantium habitu, in quibus tam breviter Legum Germanicarum historia exhibetur, quam potissimum in earum naturam ex æquitatis & prudentiæ legislatoriæ principiis inquiritur & communia quedam circa hanc doctrinam præjudicia discutuntur

*a M. CHRISTIANO GODOFREDO
HOFFMANNO.*

Lipfiz, apud Hæredes Frider. Lanckisii, 1715, 4.

Alph. I plag. 4.

PAuci sunt anni, ex quo antiquæ Germanorum leges & consuetudines in Jure-Consultorum scholas revocatæ fuerunt. De earum reductione egregia multa in jurisprudentiæ Germanicæ emendatione polliciti sunt Viri doctissimi. Commoverunt ea hujus scripti Autorem clarissimum, ut examinanda susceperit eorum consilia, qui multis argumentis atque encomiis majorum instituta & mores nostro seculo commendare solent. In quo labore ita versatus est, ut Capite primo ex Prudentiæ Legislatoriæ principiis generalia de Legum ad rempublicam habitu proposuerit; his enim præsuppositis faciliorem ad conclusiones, quarum veritatem probare intendit, viam fore credidit. Agitur in hoc capite de primariis circa legum ferendarum pruden-

p. 9.

p. 1.

- dentiam requisitis, quorum præcipuum est, ut leges statui civitatibus, in qua observandæ sunt, convenient. Ex hoc fluit, leges gentium peregrinarum rarissime ad aliorum populorum conditionem quadrare; mutandas sæpius esse leges & ita nullas perpetuas esse; facie rerum mutata leges obsolescere: obsoletas autem velle revocare tam inepte actum esse, ac si peregrinas introduceremus. Post hæc legum simplicitas, perspicuitas & certitudo commendantur, solennitatum frequentia vituperatur, linguæ peregrinæ & genti, legibus utenti, incognitæ usus notatur, tandemque prærogativa juris scripti præ jure non scripto & consuetudinario contra dissentientes, in primis Illustris Thomasi dissertationem *de Morum cum Jure scripto contentione* defenditur.
- p. 6. Sequitur Caput secundum, in quo ad duo respexisse videtur Autor. Nam primo legum & consuetudinum Germanicarum Historiam accuratiorem eruere & tam originem quam auctoritatem istarum legum examinare conatus est. Secundo in eo occupatur, ut naturam & conditionem earum explicet, æquitatem & iniquitatem, prudentiam & imprudentiam, cum primis consilia Clericorum secularibus se negotiis immiscentium indicet. Constituit Autor varias Periodos & ab antiquissimis temporibus ad Seculum XV usque progreditur. Prima Periodus de Germanorum Legibus ante Julii Cæsaris tempora agit, quæ est obscurissima: hinc pauca monet, nisi quod ex idololatria veterum Germanorum inferat, jam hoc ævo leges habuisse Germanos, cum religio e hominum figmentis nata subtile in subjectos exerceat legum imperium. Pergit ad Periodum secundam & faciem legum Germanicarum, quam ante quintum Seculum habuerunt, repræsentat. Multa ex Taciti libello de Germanorum moribus hausit, quem commendat, ejus vero lectionem caute instituendam esse suadet, cum Tacito rerum Romanarum tædio laboranti placuerit Romanorum mores recensione morum gentis barbaræ exprobrare. Agit quoque de Rerumpublicarum Germanicarum scopo, quem contra Conringii, Hertii, Werlhofii sententiam non tam bellum, quam vitam liberrimam, lucrum, rerum sufficientiam & abundantiam fuisse probat. Ceterum Germanos jam ea ætate leges certas & publico consensu
- 9.
- 12.
- 13.

sensu approbatas habuisse, manifestum esse credit; cumque legum istarum conditionem describit, incidit quoque in morum Germanicorum inquisitionem; ubi iis non assentiri vult, qui nimii in laudibus veterum consuetudinum sunt. Res eo redit, quod, quæ bona de Germanis memorarunt Scriptores, per contraria testimonia reddi posse dubia, viderit, vel si quid in iis laudari mereatur, illud potius ex vitiorum ignorantia, vitæ genere &c. profluxisse, quam genuinos suos natales sanioribus virtutis debere principiis, opinetur. Sequitur Periodus tertia, quæ statum legum Germanicarum a Seculo V usque ad Caroli M. tempora sistit. Præmittit generalia de Germanorum eorumque legum conditione, cumque amplissimus iste populus in diversas abierit gentes, harum instituta, leges & consuetudines, cum ex legum facta consignatione, tum ex Historicorum testimoniis illustrat, primo ad gentes se convertens, quæ in Germania perpetua sua retinuerunt domicilia, post has ad eas progressus nationes, quæ in alienas terras migrarunt & patriæ plene valedixerunt. De prioribus prius dicendum erit. Ut hic distinctius procederet Autor, novas sectiones fecit, quarum prima historiam Legis Salicæ continet. Loquitur hic Autor de tempore latæ legis Salicæ, de quo firmum iudicium ex Salicarum legum scriptis ferri posse dubitat; lingua, in qua Salica lex primitus fuerit consignata, ipsi Germanica fuisse creditur, fragmenta quoque legum Romanarum in Salicis legibus deprehendit; auctoritatem diu obtinuisse, ex testimoniis probat, & in describenda Salicæ legis conditione & natura prolixior est. Progreditur ad Sectionem secundam, quæ de Ripuariorum legibus tractat. Collegit hic quædam de harum legum autoribus, ætate & convenientia cum legibus Salicis: dumque in naturam harum legum inquirat, in probationum vulgariæ & canonicarum descriptionem incidit, præsertim Iudicii duellici originem & æquitatem examinat, illudque pro iniquissimo habet, suasque rationes adducit, cur contrariam Illustris Thomasi & Dn. Ephraimi Gerhards sententiam amplecti nequeat. Reliquas observationes silentio præterimus, quæ partim arcana Hierarchiæ contra Laicorum jura detegunt, partim varias consuetudines Germanicas expli-

P. 19.

12.

24.

31.

34.

40.

cant. Ad Leges Alamannorum devenimus, de quibus Sectio III agit & tam brevem historiam harum legum, quam nonnullas annotationes in Alamannorum jura exhibet. Loquitur de iniquitate Asylorum, rerum Ecclesiasticarum privilegiis, excommunicationis abusu, superstitioso Sabbathi cultu, matrimonialibus legibus, Servorum conditione, hereditatis & successionis jure, circa quod inter alia observat, non paucos Ducatus jam tum isto ævo hæreditarios fuisse. Alamannicas excipiunt

p. 46. Sectione IV Bajuvariorum leges, quarum historiam æque ac naturam paucis exponit, & pecuniariam pœnam ab antiquis Germanis in homicidas statutam excusat, ineptissimas dictorum Sacræ Scripturæ in legibus Bajuvariorum occurrentes citationes

50. taxat, & de vocis Alode significatione quædam monet. Post hæc ad Sectionem V & leges Burgundionum se convertit, quæ Romanorum jurisprudentiam sapere ipsi videntur, & non adeo multa antiquorum Germanicorum morum conservasse vestigia.

52. Hinc Sectione VI ad Fresonum sive Frisionum leges progreditur, quarum ætatem cum aliis definire non audet: potius in eam inclinat sententiam, factam privati studio collectionem Frificarum legum eamque temporis successu modo auctam, modo correctam fuisse; injicit quoque legum in conventu Opstalbornico anno M CCC XXIII sancitarum mentionem. Ordo tan-

55. git Sectione VII Angliorum & Werinorum leges, ubi disputationes de harum gentium sedibus & nominibus in dubio relinquit, & in eo acquiescit, quod pro nationibus Saxonice Anglos & Werinos certissime habeat: animadvertit autem in iis præ reliquis originem distinctionis juri Germanico familiaris inter utensilia & expeditoria bona.

57. Sectione VIII Historia legum Saxonicarum communicatur. Saxones ante Carolum M. certas leges habuisse, probari posse ipsi videtur: eas, quæ circumferuntur, Carolo M. adscribere dubitat, differentiam inter Saxonicas leges propter diversitatem gentium sub Saxorum nomine cognitarum attendendam monet, & tandem Caroli M. Capitulationem de partibus Saxonix recenset, immixtis observationibus naturam istarum legum illustrantibus. Tandem Sectione IX Slavicarum legum mentio fit: gentem Slav-

63. vorum;

vorum diversissimos a reliquis Germanis servasse mores, con-
 stat; uti etiam eam legibus non fuisse destitutam, multis doce-
 tur testimoniis. Et ita historiam Legum, quas observarunt gen-
 tes in Germanico solo degentes, exhibuit: in sequentibus nunc
 paginis pergit ad instituta Gentium, quæ e Germania egressæ
 nunquam sunt reversæ. Brevitati studet, cum harum gentium
 mores per mixturam aliorum populorum mutatos fuisse de-
 prehendat. Attingit tamen potissima & Sectione I de Gotho-
 rum, Sect. II de Wisigothorum, Sect. III de Ostro-Gothorum,
 Sect. IV de Longobardorum, Sect. V de Anglo-Saxonum legi-
 bus agit. His absolutis, Periodum IV a Carolo M. inchoat, ejus-
 que terminum in deficiente stirpe Carolina statuit. Agit hic de
 Caroli M. legibus, & in sententiam verborum, quibus Eginhar-
 tus in recensione factæ a Carolo legum collectionis utitur, inqui-
 rit. Eam a Carolo institutam collectionem non tam ad publi-
 cum gentium usum, quam ad privatam Caroli notitiam fuisse
 compositam autumat. Habes hic historiam Capitularium, eo-
 rumque contenta, nec non relationem de Judiciis, imprimis
 Westphalicorum Judiciorum origine, & quæ sunt alia. Recen-
 set porro Capitularium a Ludovico Pio rogatorum contenta: &
 tandem factas Capitularium tam ab Ansegiso quam Benedicto
 Levita aliisque Collectiones examinat. Periodus V statum le-
 gum Germanicarum a Seculo decimo usque ad Collectiones
 famosas legum & consuetudinum Germanicarum contempla-
 tur. Hic monet, Germaniæ faciem multum fuisse mutatam:
 incepisse Status Imperii magnæ esse autoritatis; leges universa-
 les & Capitularia obsolevisse; Comitum universalium parum de
 privatis legibus disposuisse; plurimas constitutiones de Pace
 publica egisse. Agit quoque de legibus, in campis Roncaliæ la-
 tis, de Henrici Aucupis & Ottonis legibus, de jure manuario, &
 origine Judicii Austregarum. Ceterum hanc commendat in hu-
 jus & subsequentium Periodorum historia regulam: in scrutinio
 Jurium Germanicorum non tam attendendas esse constitutio-
 nes publicas, quam mores, consuetudines & leges particularium
 provinciarum. Circa finem hujus Periodi modum & causas rece-
 ptionis Juris Canonici & Romano-Justiniani per compendium

p. 63.

75.

77.

87.

92.

97.

99.

101.

- enarrat. Restat Periodus VI, quam de Collectionibus Legum & Consuetudinum Germanicarum inscripsit. Sectione I Speculi Saxonici fata perquirat, & de ejus Autore, idiomate, editionibus, imprimis autoritate agit, circa quam distinguendum inter Juris Saxonici & Speculi Saxonici valorem suadet: hæc enim confundi credit. Demonstrata vero Juris Saxonici autoritate in Lusatia, Silesia, Bohemia, Polonia, Borussia, Ducatu Anhaltino, Holsatia, Marchia, Principatu Halberstadiensi, Ducatu Bremensi, Westphalia, Pomerania &c. conditionem Speculi Saxonici inspicit, & multa obsoleta, durissime constituta, neglectum connexionis, fabularum frequentiam & immixtionem Juris Romani &c. notat. Sectio II Historiam Juris Weichbildici Magdeburgensis continet. Autor hic multa, quæ Jura Episcopatus, Burggraviatus, Scabinatus & Civitatis Magdeburgensis concernunt, refert, & pro instituti ratione de Jure Weichbildico & ejus autoritate disserit. Eadem ratione Sectione III in Historia Speculi Suevici versatur, in qua controversiam de ætate Speculi Suevici præ Saxónico movet; & posterius respectu ætatis anteposit priori. Ubique observationes inspergit, quæ ad Germanica jura spectant. Sectio IV Juris Lubecensis fata repetit: originem ejus cum Meibomio ex Sufatensi jure derivat: diffundit se ob materiæ affinitatem in Juris Wisbyensis Historiam, & postquam nonnulla de autoritate & conditione Lubecensis Juris dixit, Sectione V varia Provincialia Jura & Statutaria antiquiora recenset. Nam ita Bavarici, Tyrolorum, Austriacorum, Juticorum jurium mentionem injicit, imo etiam ad jura statutaria progreditur, & leges municipales Colonienfes, Aquisgranenses, Brementes, Brunsvicenses, Cellenses, Goslarienses, Metallicas, Luneburgenses, Argentoratenses aliasque producit. Tandem Sectio VI de Consuetudinibus earumque natura agit; removet primo definitiones, quæ in scholis Juris Romanorum de consuetudinum natura dari solent. Eam in Germaniæ foris aliter comparatam esse credit. Sub consuetudinum voce frequenter etiam jura scripta venire, earumque appellatione plurimum jura provincialia & statutaria in Imperatorum diplomatis insigniri docet: refert huc observantias, quas in publicis & privatis

privatis scriptis sæpius allegari audimus: optat, ut doctrina de consuetudinibus Germanicis majori studio excoleretur, & publica colligerentur autoritate jura ista solo usui hæcenus innitentia. Hac via ingreditur Autor, donec ad tertium pervenerit Caput, in quo decisionem quæstionis suscipit: an jura ista Germanorum antiqua & privatorum negotia respicientia prudenti consilio hodiernis Germaniæ foris reddi debeant. Primo, ostendit confusionis jurium in Germania, & neglectus domesticarum legum ortum & progressum. Post hæc reductionem jurium Germanicorum antiquorum pro re impossibili habet, cum partim genuinis antiqua jurisprudentia destituatur fontibus, partim consilium, quod per Doctores in Academiis veterum leges & consuetudines revocari debeant, insufficiens sit. Porro non suadendum esse, ut jura antiqua in Germaniæ foris & Jctorum scholis in integrum restituantur, si vel maxime eorum reductio præstari posset, sibi persuadet. Hæc ut probet, collationem inter præsentem & antiquum Germaniæ statum instituit, multum inter se differre credit, & inde concludit, diversis legibus indigere. Notat quoque, Cleri Pontificii doctrinis omnem antiquam jurisprudentiam corruptam fuisse, & hinc a revocatione Jurium papizantium abhorreere Protestantium provincias. Ultimo nævos Jurium antiquorum Germanicorum per compendium nominat, & tandem concludit, jurisprudentiam Germanicam non tantum nullam sperare posse ex antiquarum legum & morum restauratione emendationem, verum etiam nonnullarum veterum consuetudinum, hodie adhuc observatarum, abrogationem promovendam esse.

p. 171.

179.

181.

184.

187.

JOANNIS FABRICII AD C. A. H. MEDITATIONEM orthographicam, Actis Eruditorum Mense superiori p. 16 & seqq. insertam.

Optima pace mea Cl. Vir, qui sub literis C. A. H. latere vult, examinare potuit meas ad non neminis dubia de Orthographia Latina Responsiones: sicut enim dissidentes, ita & censores, in primis humanos, facillime ferre possum. Sed nec ingratum erit, spero, litteratissimo Viro, meas ad ipsius argumenta

audire explicationes. Ante omnia ex tractatione mea, ejusque titulo, perspicere potuisset, me non regulas & leges Orthographiæ dare, sed versari in statu defensionis, atque adeo *respondere* duntaxat *ad alterius dubia* sive objectiones. Aberrat igitur a janua eruditissimus Censor, quando ait: *mihi videri, divellendas esse in minutiore scriptura diphthongorum litteras*: nam ego meum scribendi morem, ab altero oppugnatum, defendo tantum ac tueor, cumque ille *Erasmi, Lipsii, Manutii, Vossii, Gronovii, & Grævii* auctoritatem objecisset, respondeo hunc in modum: *Si vel maxime probatum hoc esset de Criticis hisce*, (at de *Manutio*, uti demonstravi, falsum perhibetur, & ceteris alii non minorum gentium, interque eos *Schubartus*, qui verum *Georgii* prænomen pag. 53 fert, opponuntur) *nusquam tamen legimus, eos præceptum ac regulam dedisse, & jure meritoque dare potuisse, sic & non aliter scribendi*. E quibus verbis satis patet, nec me præcipere voluisse aut potuisse, meam ut alii sequerentur scribendi consuetudinem, sed tantum velle meam mihi etiam relinqui libertatem. Cumque sermo esset non de *scriptura*, quæ manu exaratur, sed *ea, quæ typis exprimitur*, non erat, quod de distinctione illa in medium proferenda laboraret Vir præstantissimus. Neque vero nego, multo minus *simpliciter* nego, *super adverbiiis ponendos esse accentus, & super ablativis tectula*, si id de aliorum libertate velit intelligi, sed hoc solum dico, *istos accentus & tectula e scholis trivialibus promissæ, litteratoribus autem & veris Grammaticis ac Philologis fastidium movere*, ex iisque nōmino *Scaligerum, Muretum, Vossium, Melissum, Sanctium, Daumium, & Christoph. Cellarium*; quibus multi alii addi possent. Loquor igitur de sententia & scriptura celebrium Criticorum, quam quidem & ego sequor, eaque morem defendo meum, nulli unquam controversiam movens aut moturus, qui accentus & tectula appingere voluerit. Neque alios intelligo & exspecto *lectores*, nisi eos, *qui linguæ satis sunt periti*: dubitator enim sive opponens putabat, quamvis scripturam, non solum scholasticam, sed & eam, quæ fit inter eruditos, sic instruendam esse, prout ipse a puero consueverat, atque audiverat, multique adhuc facere solent. Ceterum *rationem* interdum
suadere,

suadere, notula illa ut apponantur, facilius dicitur, quam probatur: causa enim hæc, quod *sæpe vel doctissimi, hoc adminiculo destituti, labi queant atque errare*, rem non conficit; nam tales errores non tam a doctissimis, quam a pueris & juvenibus linguæ nondum gnaris, aut, si forte a viris, non tamen a solertibus ac prudentibus, committuntur: erratur etiam aliis modis, ubi tectulorum & accentuum absentia nulla potest dari culpa: sensus ex integro textu, ejusque antecedentibus & consequentibus, accedente aliorum interpretandi mediolorum usu, quam optime cognoscitur, in scholis autem a peritis magistris docendus atque monstrandus est: nec ullum est ex allatis a diligenti Meditatore exemplis, quod non ad hunc modum, sine illo adminiculo, probe cognosci, capi & exponi queat: immo nec aliud medium, præter accuratam sensus considerationem, ipse habet Vir Cl. ad structuram suorum accentuum & tectulorum; exemplis illis frustra adjungitur *Conringiana Taciti de Moribus Germanorum editio*, quasi & ipsa c. XXXIV, 2 vocabulo ablativi casus illa tectulum superimposuerit; mea enim, quæ prodiit A. 1678, sub dio & in aprico vocem illam collocat; quod si autem quidam e prioribus (dantur enim editiones A. 1635 & 1652) haberet ejusmodi signum, atque sic consuevisset scribere Vir summus, non jus inde ac debitum probatum foret, sed factum & mos scribendi; at vero mihi facile est, ipsa Conringii manu, quam variis in chartis possideo, contrarium probare atque ostendere: *Tacitus* Berneggeri, *Gellius* Gronoviorum, *Cicero* Manutii, Jo. Sturmii & Cellarii, *Curtius* Freinsheimii, Rappii & Loccenii, nihil habent istarum notularum, & tamen illa ipsa loca, quæ in Commentatione omnino signanda judicantur, quam optime sine illis signis intelliguntur, immo a prædictis Commentatoribus ne quidem pro obscuris habentur, aut annotatione illustrantur: in Gronoviorum Gellio, sicut & in Gronoviani Plauti locis plurimis legitur *post illa, postilla* Lipsiana cum pleno & integro suo tecto, eheu! misere corridente ac pereunte: Manutius, Sturmii & Cellarius in XII epistola libri V *Ciceronis ad famil.* legunt, *quæ nunc ex promam absens audacius*, sensu certe non improbo, juxta quem vero Critice de quò plane cessabit:

bit: Ciceronianum verbum *utere* lib. I de Offic. c. 1 non potest fere aliter nisi in futuro sumi, ob tria præcedentia, & unum sequens futuri temporis; quanquam omnia hæc futura imperii ac præcepti vim in se continere, quid vetat dicere? præscribit namque M. Tullius, quid faciendum sit: eccur, si omnino fas est, obscuritatis removendæ causa, notularum apicibus nonnullas munire voces, e. g. secundam futuri Indicativi Deponentis aut Passivi in *ere* desinentem, & ablativum singularis in *o* exeuntem, non idem sit, ac fieri jubetur in aliis, quæ itidem inter se conveniunt, & linguæ rudibus (peritis non est periculum) obscuritatis & erroris causa esse possunt, e. g. in ablativis pluralis numeri, non discrepantibus a dativis ejusdem numeri, ut *dominis*, atque in vocabulo *judices*, quod vel nomen est, & tunc sive nominativus, sive accusativus, pluralis numeri, vel secunda singularis præsentis Conjunctivi? Nullum in hisce fit signum, phylacterium nullum. Cur igitur eo opus sit in aliis similis conditionis? eccur, quæso, in jus vocatur, qui nemini regulam & legem præscribens, ab aliis vero, quorum jurisdictionem non agnoscit, præscriptam accipere recusat, nec minus ratione, quam auctoritate, eaque non unius, sed plurimorum eminentium in re litteraria Virorum, atque ipsorum etiam MSS. cum antiquorum, tum posteriorum, se potest tueri? Denique videat eximius Vir, ne iterum a statu controversiæ recedat, & Andabatarum more pugnet, quando judicat, *scripturam* s*ic* *probam esse*, *alteram cum* s*ic* *minus probam*: nam in fine vocis, aut lineæ hoc s, quod minus vocant, in vulgari seu lombardica scriptura locum habere, nemo certe inficiatur; quæritur autem, an & in medio vocis minus præponendum sit majori, seu longiori. Et hoc est, quod negat *Daumius*: aptisne, an ineptis rationibus, meum non est inquirere, aut pro iis decertare: ego enim nudam ejus auctoritatem, quæ alias litterario in orbe non plane nulla est, adduxi; Clarissimo autem Meditatori, & cuivis alii, hac etiam in re liberam dissentendi, & *ss*, aut *fs*, vel, si mavult, *ss* intra unum idemque vocabulum pingendi viam lubens meritoque permitto; sed & meam mihi reservo, præsertim cum ratio a *sine syllabæ* allata valde imbecillis sit, & inde concludendum videatur,

etiam

etiam reliquas fere omnes literas, quæ syllabam in voce absol-
vunt seu terminant, & quas eadem in altera syllaba exci-
pit litera, minori figura exprimendas esse, e. g. prius *a* in Baal,
b in gibbus, *c* in occidens, *d* in addere, *e* in eleemosyna, *f* in
offendere, *g* in agger, *i* in perit, *l* in pollere, *m* in summus,
n in connectere, *o* in cooperare, *p* in supplere, *r* in curro-
re, *s* in mittere, *u* in fructuum, *z* in polizza. Hoc autem non
necessarium judicatur, nec de eo exstat S^ctum Grammatico-
rum, multo minus ei favent, unde Latinitatem veram discimus,
autores classici. Ergo & scripturæ si in medio vocis, si placet,
locus permittatur, nec illa ut *minus proba*, illico condemnatur
& proscribatur.

Historische Beschreibung des vormahligen Bischofthums Halberstadt.

i. e.

ANTIQUITATES HALBERSTADENSES,
Autore JO. GEORGIO LEUCKFELDIO, Pastro-
re Prim. Græningensi, & Regiæ Societatis
Berolinensis Socio.

Pars I.

Guelferbyti, apud Godofr. Freytagium, 1714, 4.

Alph. 4 plag. 5.

EAdem, qua hactenus, diligentia Summe Reverendus Autor
Germaniæ nostræ historiam illustrare pergit, jamque primam
Halberstadenſis historiæ partem nobis exhibet. Quamvis enim
titulus id non indicet, ipsa tamen operis constitutio illud loqui-
tur, quum ab A. 814 incipiat, & ad annum saltem 1122 pertingat,
adeoque minimam Halberstadenſium Antiquitatum partem ab-
solvat. Neque tamen ista periodus, quam jam determinavi-
mus, tantam Autori Summe Reverendo materiam subministra-
re poterat, ut non nisi de Halberstadenſium rebus agendo totum
hoc volumen impleret. Sed Germanorum quoque Imperato-
rum pariter atque Romanorum Pontificum acta per singulos

annos adnotata heic videas, ut hac ratione tum Halberstaden-
sem, tum totius Germaniæ historiam eo melius illustraret. Ob-
servavit ergo singula Imperatorum itinera, quum nullam iis tem-
poribus sedem fixam habuerint, quorum plurima quoque ad no-
stri Episcopatus historiam spectant. Hinc adeo non est, quod
integri voluminis contenta percensere necesse habeamus, quum
res ex aliorum monumentis non incognitæ sint, sed potius hinc
& inde quædam excerpemus, quæ de Celeb. Autoris soliditate
& diligentia testimonium ferre queant.

In ipso statim operis primordio de nomine Halberstadii sol-
licitus est, variasque variorum de eo sententias profert, quas ta-
men ubi perpendit, ipse confitetur incertum esse, unde hoc no-
minis derivatum sit, neque adeo opus esse, ut accuratius in ista
inquiramus. Postea vero ad ejus urbis situm delineandum
pergit, variosque pagos, qui ad Halberstadensem diœcesin spe-
ctarunt, quorum nomina sunt, *Nordthuringia, Hartingau, Dar-
lingau, Hufingau & Suevon* sive *Schvvabgau*. Ubi certe plura
occurrunt, quæ Geographiæ mediæ magnam lucem accendunt.
Primus hujus Episcopatus fundator a plerisque traditur Carolus
M. quibus tamen Autor noster nullam fidem habet, sed Ludo-
vicum Pium potius pro primo ejusdem instauratore agnoscit.
Cum vero de primis Episcopis pauca reperiantur in historiarum
monumentis, Autor quoque de iis pauca habet, sed Impe-
ratorum potius & Pontificum res, ut diximus, enarrat. Inter
alia occasione Haymonis, qui tertius in ordine fuit Episcopus,
refertur, ipsum non admodum de secularibus fuisse sollicitum,
eorum vero administrationem Ruodgero cuidam ex suis con-
credidisse. Is quum res suas fideliter egisset, a patrono villam
dono accepit Halberstadium inter & Ascaniam sitam, quam ipse
magis auxit, a patroni vero nomine nomen ipsi pariter ac gene-
ri suo imposuit, *Haym*, quod postea in *Hoym* successu temporis
deflexit. Inde vero plurimi originem Dominorum ab *Hoym*,
quorum familia apud nos est celebratissima, non incongrue de-
ducunt. Postea Haymonis jam dicti scripta recensentur, ubi
Autor noster votum addit, ut ex illis bonis, quæ ipse Episcopa-
tui addidit, sumtus ad novam editionem operum ipsius procu-
randam

randam erogentur. Sed veremur, ne hoc ipsum hoc tempore irritum sit, quum, ut alia taceamus, eorum Patrum scripta, qui se-
 quiori ævo vixerunt, nihil fere habeant quod ad hodierni seculi
 gustum faciat. Ut ad alia progrediamur, est hodie vicus qui-
 dam *Triburium* sive *Driburgum*, ad Hassio-Darmstadinam diti-
 onem spectans, nunc fere ignobilis, nec aliquod antiquitatis vesti-
 gium præ se ferens. Auctor vero observat, villam sive cur-
 tem Regiam olim ibi fuisse, ubi plura Comititia ab Impera-
 toribus celebrata sunt, variaque transacta, quæ apud histori-
 cos memorantur. Hinc observatio ista mediæ historię & geo-
 graphię amatoribus non potest non esse gratissima. Sequitur
 porro observatio de primo Henrici Aucupis conjugio, quæ digna
 omnino est, ut hic repetatur. Nimirum Henricus iste, quum
 nondum Rex esset, uxorem duxit Hathebrucham, Erwini Se-
 nioris, Comitis Alstedenensis & Martisburgensis, Filiam, quæ qui-
 dem priore marito erat viduata. Quum ergo post ejus obitum in
 quodam virginum monasterio degeret, quod reliquum erat tem-
 poris ibidem transactura, Henricus eam matrimonio sibi
 jungi curavit. Itaque Sigismundus Halberstadenfis Episco-
 pus conjugium hoc, prout tunc temporis ecclesiasticæ constitu-
 tiones ferebant, irritum pronuntiabat. At quum ipse minis ec-
 clesiastici fulminis rem statim conficere non posset, apud Conra-
 dum Imperatorem tam diu conquestus est, donec is, quamvis in-
 vitus, illegitimum hoc matrimonium pronunciaret. Quo facto
 Hartbrucham, ex qua Tangmarum filium susceperat, dimisit,
 eaque adhuc superstiti Mathilden illam, cujus apud historicos
 memoria est celebratissima, uxorem duxit. De Gerone quoque,
 Marchione, de quo multa Brandenburgici scriptores profer-
 re solent, Noster quædam habet, præcipue de fundatione Ge-
 renrodenfis monasterii. Controversiam tamen illam, an *Mar-*
cbio, an vero *Dux* fuerit, Noster tribus saltem verbis attingit.
 Obiter quoque monetur, Autori isti, cujus *Annales Gerenroden-*
ses tomo II Meiboniano leguntur, non *Hoppenrodtii* sed *Pop-*
penrodtii nomen esse. Non infrequens in media historia men-
 tio est curtis Imperatoris, quæ *Tullede*, *Dullide* &c. scribi-
 tur. Auctor vero noster ostendit, villam hoc tempore exigua-

p. 95.

107 f.

210 f.

213.

252

- p. 288. am esse ad Hercyniam sylvam, quæ non procul ab antiquo Palatio Walhusa, & urbe Kelbra distat. *Sachsenburgum* quoque duplex olim fuisse ostendit ad meliorem Geographiæ mediæ lucem. Prius erat Imperiale palatium ad medium Hercyniæ tractum non procul a monasterio Walckenredensi juxta villam *Sachse* situm. Alterum vero quinque ab hoc miliaribus distabat, non procul ab Unstruto, Francohusam inter & Erfurtum; 424 l. cujus etiam apud Melissantem in libro vernaculo, quo montanæ Germaniæ propugnacula enumerat, occurrit descriptio. Utriusque hodiernum apparent rudera & vestigia. Notatu digna sunt, quæ de Swidgero, qui Canonicus primum Halberstadenfis, post Episcopus Bambergensis, tandem Pontifex Romanus sub nomine Clementis II fuit, ejusque patria Nosler collegit, quippe 427. quæ hæcenus a nemine historicorum satis explicata fuerunt. Occasione schismatis inter Halberstadienses Canonicos orti, qui 519. duos Episcopos creaverant, Autor noster monet, in aliis etiam Episcopatibus circa A. 1090 & sequentes duos fuisse Præsules, Romani tunc Pontifices fuere Clemens III & Urbanus II, Halberstadenfes Episcopi Herrandus & Fridericus, Paderbornenses, Henricus Comes de Werla & Henricus Comes de Alslo, Magdeburgenses Archi-Episcopi, Hartvicus Abbas Fuldenfis & Hartvicus Præpositus Erfurtenfis. Horum alter plerumq; a Romani Imperatoris alter autem a summi Pontificis partibus stabat. Halberstadenfis diœcesis præter alios eorum temporum illustres viros Hugonem de S. Victore orbi dedit, quippe qui in Hammerslebiensi monasterio Professus, in S. Pancratii vero cœnobio Canonicus erat. Tumultus autem bellici ipsum urgebant, ut Galliam peterat, ubi in notissimo S. Victoris clauastro provinciam & nomen sortitus est. 597.

NOVA LITERARIA.

Literæ Parisiis scriptæ docent, Collectionem Conciliorum, quam Jo. Harduinus parat, prodituram intra paucos menses esse; doctiss. Baluzium typis commisisse historiam Ecclesiæ Tutelenfis, eaq; absoluta typis Opera Cypriani cum manuscrip-
ptis

ptis amplius triginta collata esse editurum. Cum primis autem Patres Benedictini indefessum in augendis rei litterariæ commodis studium produnt. Ex iis R. P. de la Rue parat novam Operum Origenis editionem. Pretium illi conciliabunt observationes, quibus Origenem illustrabit Vir doctus, ut & Expositio in Psalmos, quam ex codice Bibliothecæ Invisibilis. Imperatoris nostri nunc primum in lucem protrahet. Et Montfauconius non contentus Chrysostomi editione, quam parat, insuper insudat Antiquitatibus ære delineandis cumque explicationibus ejus prodituris. Opus illud æneas tabulas mille ducentas & figurarum amplius triginta millia complectetur. Idem Vir doctus anecdota multa inseruit Catalogo Manuscriptorum Græcorum Bibliothecæ Episcopi Metensis, qui intra aliquot mensium spatium lucem aspecturus dicitur. Edmundus Martene Thesaurum anecdotorum novum typis commisit. Constat ille quinque voluminibus in folio; scripta anecdota palmam iis quæ Cl. Dacherius edidit præripiunt, Historiamque Galliz & Ecclesiasticam illustrant. Juliani Garnier cura Opera S. Basilii, quibus exornandis duodecim annos impendit, versione nova donata, prelum propediem subibunt. Augustinus Toutte S. Cyrilli Hierosolymitani Opera imprimenda dedit. Petrus Coutant, cui luculentam Operum S. Hilarii editionem res literaria debet, eandem sibi obstringet Epistolis, quas typis repetendas curat, Pontificum, quæ usque ad Innocentium III pertingunt. Contulit illas cum antiquissimis Manuscriptis, notisque suis criticis, quæ historiz, dogmatibus & disciplinæ lucem affundunt, illustravit. Idem Vir doctus P. Germonium S. J. qui auctoritatem Manuscriptorum impugnavit, libro in 8, qui itidem imprimitur, confutabit. Dionysius de S. Marthe propediem primum Volumen Galliz suæ Christianæ, quod typis excenditur, absolvet. Opus illud in decem, ut creditur, undecimve Volumina excresecet. Guilielmus Bessin omnia Concilia in Normannia habita typographis conscribenda dedit. Præterea vero accepimus, esse ex eorundem Patrum ordine, qui Historiam Occitaniz, cujus monumenta conquirunt in præsentia, sint contexturi.

Tolosa propediem nobis Diarium novum, quod titulum feret: *Mercure ou Journal contenant des Memoires propres au commercere du monde & à l'histoire du temps*. Politica, quæ vocant, illud potissimum complectetur, v. c. genealogias Viro- rum illustrium, edicta, literas Principum; quanquam nec li- teraria penitus prætermitturos se esse Autores pollicentur. Ibi- dem Baylii institutiones Physicas in usum scholarum accommo- datas, quæ quatuor voluminibus in 4 prostant, sequentur duo alia ejusdem Autoris scripta: nempe liber de anima rationabili, de ejus ideis & passionibus, & series problematum physico-me- dicorum. Parantur item prelo: *Les Vies des hommes illu- stres de Thoulouse avec leurs portraits*, h. e. vitæ illustrium To- losatum cum imaginibus, nec non dialogi de vitis & scriptis Au- torum, quos Tolosa tulit, minus celebrium, deque iis qui nomen sibi factis heroicis aliisque virtutibus peperere, una cum descri- ptione brevi urbis Tolosæ.

In Anglia nihil fere nunc prodit, quod non vel circa religio- nis Lutheranæ ab Ecclesia Anglicana discrimen, vel circa histo- riam Hanoveranam aut Brunsvicensem occupetur. Jo. Tillot- soni & Henr. Dodwelli Vitæ proxime seorsim prodibunt. Præ- terea Londinenses Corpus legum de coercendis moribus lata- rum, & Cantabrigienses Scriptorum Historiæ Ecclesiasticæ pa- rant. Quin & Transactionum Philosophicarum, quæ ab ali- quo tempore nullæ prodierunt, novam seriem prelo submittere cœpit Celeb. Hallejus, cui Secretarii munus detulit nuperrime Societas Regia.

In Belgio Vir doctissimus Hadrianus Relandus mappam Imperii Japonici, in regiones LXVI distributi & ex ipsis Japo- nensium mappis descripti, characteribus Japonicis & Latinis propemodum absolvit; idemque Fratris germani Petri Relan- di *Fastos Consulares ad illustrationem Codicis Justiniani ac Theodosiani, secundum rationes temporum digesti & autoritate Scriptorum atque lapidum veterum confirmati*, in forma octava majori typis mandare cœpit. Prodibit & brevi *Ἡμερολόγιον μηνῶν διαφόρων πόλεων*, *Calendarium menses variarum Gentium cum Romanis collatos exhibens: Alexandrinorum scilicet, Græ-
corum,*

cerum, seu Syromacedonum, Syriorum, Arabum, Sidoniorum, Gazensium, Ascalonitarum, Heliopolitanorum in Syria, Lyciorum, Ascanorum, Cretensium, Cypriorum, Ephesiorum, Bitbryniorum, Cappadocum & Seleuciensium, ex Mediceis Codicibus MSS. nunc primum in lucem editum, Commentario Chronologico & Historico illustratum opera & studio Joannis Masson A. M. & A. P. Eundem cum doctissimo Fratre, qui Dordraci V. D. M. est in Ecclesia Anglicana, in colligenda Historia Critica (*Histoire critique de la Republique des Lettres tant Ancienne que Maderne*) quæ distinctis tomis, certis anni vicibus, Amstelodami prodit, potissimum occupari, aliunde putamus satis constare. Prodiit & Hagæ Com. sub nomine Chrysostomi Matanassii lepidissima in Criticos Satyra sub tit. *Le Chef d'Oeuvre d'un Inconnu avec des Remarques &c.* qua Daceriam potissimum cum marito peti nonnulli crediderunt; accessit comparatio Homeri & Capellani, Autore, ut constat, de Fontanelle. Burmannus Quintilianum urget. Clericus, qui nuperrime Henr. Hammondi Opera de novo Lipsiæ cum notis eruditissimis vulgavit, Commentarium in Libros Poeticos Scripturæ, incertum qua de causa, premit, jamque in edenda Historia Ecclesiastica Seculi I versatur. Surenhusius Mischnam Latine tantum edet. Hemsterhuysius Jamblichii Introductionem in Philosophiam Pythagoræ edere parat.

Ex Italia accepimus, Summum Pontificem quingentas tabulas æneas, quæ ad *Minerologiam* Michaelis Mercati pertinent, donasse Archiatro suo, Celeb. Lancisio, ea conditione, ut opus integrum cum notis suis edat; interea Barthol. Eustachii *Tabula Astronomica* quadraginta septem, quæ ejusdem S. P. munificentia ad Lancisium pervenerant, ut alibi diximus, nuper ejusdem notis pulchre adornatæ prodierunt. Illustrissimus Comes Marsilius superiori anno *Dissertationem de Origine fungorum*, cum fig. in fol. edidit Romæ, idemque canalem CPTanam nuper æri incidi curavit, jamque totus in eo occupatur, ut magnum Opus Danubiale, cujus olim Prodromum commendavimus, sex utique in fol. Tomis edat, cui exornando cum jam tum paratæ sint tabulæ æneæ circiter 3000, facilis erit conjectura Regium plane opus illud futurum.

Lipsiæ

Lipsiæ elegantissima paratur editio Operum Sexti Empirici, quæ cum optimæ notæ codicibus MSS. contulit ac iusto Commentario illustravit Vir eruditissimus Jo. Albertus Fabricius. Ibidem Jo. Christianus Lunigius, vastis operibus hætenus editis clarissimus, præter Germaniam Sacram Diplomaticam & Consiliorum Politicorum, quam parat, exquisitissimam Collectionem, Deductiones jurium summorum Imperantium publica autoritate scriptas propediem prelo submittet hoc titulo: *Grundfeste Europæischer Potenzen und Herrschafften Gerechtsame, worinn durch auserlesene Deductiones, Informationes, Repræsentationen, Demonstrationes und andere merckwürdige Schrifften, ausführlich dargethan wird, wie es um unterschiedene hohe Jura und Ansprüche auch Præcedenz - Streitigkeiten eigentlich beschaffen sey*; cui operi cum adjungere constituerit Notitiam curiosam Deductionum, publice cunctos, quibus Deductiones nonnullæ suppetunt, obtestatur, ne titulos integros, non omisso loco & anno impressionis, secum communicare graventur, quo magis completam hoc ipso Notitiam illam exhibere valeat. Lexica quotidiano ului parata, ut Mathematicum Christiani Wolfii, Eruditorum, cum præfatione Jo. Burchardi Menckenii, Heroicum item, seu clarissimorum belli ducum, aliaque brevi lucem adspicient. Prelo quoque hic subest V. Cl. Jo. Henr. Bæcleri *Bibliographia*, antehac semel iterumque Francofurti, sed mendosissime & absque Autoris nomine excusa. Hanc M. Jo. Gottlieb Krause cum cura emendavit, meliori passim ordine ad mentem Autoris disposuit, & in capita & §§. dispescuit, codicemque ex ipsius Autoris annotatis descriptum nactus, præter complura alia loca omissa, novem etiam capita nunc demum adjecit; Bæclerianos etiam de libris eorumque Autoribus observationes ex omnibus Viri celeberrimi scriptis collectas suis locis inseruit. Accedent ejusdem opera indices locupletiores, nec non Dissertatio proœmialis de laudibus nævisque hujus libelli. Jo. Christianus Biel, Brunsv. Specimen edidit Hesychii Sacri, sive Glossarum ex Hesychio, Grammatico Alexandrino, quæ ad voces & phrases Scripturæ S. illustrandas facere possunt, cum
 versione & notis uberrimis.

ACTA ERUDITORUM,

publicata Lipsiæ

Calendis Martii Anno MDCC XV.

Das alte Heydnische und Christl. Nieder- Sachsen &c.

i. e.

HISTORIA SACRA INFERIORIS SAXONIÆ
priorum mille annorum; Autore CASPARO CALVOER.
Superint. General. & Consiliar. Confist.

Goslariz, impensis Jo. Christophori Kœnigii, 1714, fol.
Alph. 7 pl. 6.

DUm Saxoniz Inferioris res decem prioribus a nato Christo seculis gestas perlustrare vult Autor Surame Reverendus, imprimis fata religionis tam gentilis, quam christianz perpendit, ut sacrz historiz magis, quam civili inserviat, licet non raro multa immisceat, quæ ad politicæ historiz illustrationem faciunt. Divisit vero opus in quatuor Partes, quas in Libros diversos iterum distribuit. Prima Pars, quæ tribus absolvitur libris, illa complectitur tempora, quibus Saxonia idolorum cultui fuit addicta, neque veram Dei cognitionem habuit. Secunda Pars duobus libris Caroli Magni gesta, Christianorum religioni utilia recenset, monetque, & quibus artibus Saxones ad religionem nostram aegerit, & quos Episcopatus constituerit, ut rudis barbarusque populus fieret mansuetior, veraque fide conservaretur. Tertia Pars, duos libros complectens, res gestas Sec. IX exponit: quarta vero notabilia Sec. X momenta, quæ ad sacram historiam spectant, duobus pariter libris explicat. Jam more nostro quædam considerabimus.

Dedicavit opus suum Surame Rev. Autor Potentissimo Magnæ Britanniz hoc tempore Regi GEORGIO, qua

N

dedica-

dedicatione copiose Saxonum præclara gesta in Angliâ exponit, novoque Regi felix faustumque auguratur regimen. Præfatio in laudibus Saxoniz inferioris versatur, & partim Saxonum fortitudinem bellicam extollit, partim merita illorum in litteras bonas summa laude prædicat. Prioris momenti enim exempla, quæ sufficiant, non solum Romani Scriptores suppeditant, sed etiam crudelissima bella cum Carolo Francorum Rege gesta id confirmant. Quod ad posteriora attinet, illa variis confirmantur specimenibus. Antiquiori enim tempore opera Anscharii Saxonis Dani cum Suecis Christianam receperunt fidem, & recentioribus per Lutherum Saxonem reformationis opus est peractum, quibus Centuriatores Magdeburgenses tanquam primos, qui sacram Historiam illustraverint, addidit.

- Pag. 4. His præmissis progreditur Summe Rev. Autor ad ipsum opus & Lib. I antiquissimum declarat Germaniæ statum. Postquam tam inferioris quam superioris Saxoniz fines descripsit Autor, regionum harum incolas veteres recenset. Qui Augusti Imp. temporibus has terras habitarunt, fide Taciti; Chauci & Cherusci fuerunt. His confines exstiterunt Bructeri, postea vero Saxones in illorum locum successerunt, in quorum nomen & originem sollicite Autor inquit. Alii ab oblongis cultris gladiisque, quos *Sachs* dixerunt, quibus gens ista pugnabat, nomen traxisse putant; alii minori probabilitate a saxeis cordibus dictos volunt; alii a Sassonibus aut Sacis Asiæ populis derivant, vel per Sassos ipsos Chaucos non rite facta pronuntiatione intelligunt. Sed neutra ex his opinionibus plene satisfacit Autori; quare novam assertit conjecturam. Tectosagum mentionem facit Cæsar l. 6 de bello Gallico, quod nomen homines significat *Sago* tectos, quam vocem non Latinam, sed Celticam origine esse, volunt, & vestem a militibus usurpatam denotat. Hos Tectosages Gallos fuisse notat Cæsar, qui circa Hercyniam sylvam confederunt, ut subinde considerandum sit, si tectosages iidem cum Saxonibus fuerint, item numne Tectosages quasi Tecti Sago dici potuerint, qui postea per abjectionem Sages sive Saxones dicti fuerunt. Majoris vero adhuc momenti esse videtur illorum conjectura, qui a voce vernacula *Sachsen* dictos
6.
8.
9.
10.

dictos eos volunt, quæ hodie adhuc est in usu, & sedentes sive uni loco inhærentes notat, cujus nominis hæc potest dari ratio, quod, cum plurimi Germaniæ populi sæpius ex uno in alterum locum migraverint, veteres Chauci diutius in suis pagis mansisse dicantur. Jam ad Saxonum Deos, quos religioso prosecuti sunt cultu, pervenit Summe Rev. Autor. Notissimi eorum fuerunt Sol, Luna & Vulcanus. Solem sub nomine Mercurii, cujus mentionem Tacitus facit, intellexisse majores nostros, volunt, in cujus honorem etiam primam hebdomadis diem *Diem Solis* vocarunt, & ipsi equos immolarunt, qua occasione in id inquiritur a Nostro, quid significet equus, qui hodiernum in Serenisimorum Ducum Luneburgensium insignibus conspicitur, cujus tres afferuntur rationes, alii Solis equum, alii libertatis premium prodi, alii amorem harum gentium erga equos indicari opinantur. Describit porro Autor Cl. Lunæ atque ignis cultum; & tum ad Deos Heroes pergit, quorum maximi Tuiſto vel Tuiſeus & filius Mannus fuere; inprimis vero incolæ inferioris Saxoniz Irmenſulam Eresburgensem divino prosecuti sunt cultu, de cujus figura vel significatione aliz aliis sunt opiniones. Sunt qui Irmenſul interpretantur per Mercurii statuam, quum *ermen* vel *irmen* idem esse ac Græcum *ἑρμῆς* velint. Alii Martem significari credunt, explicantes *Iðermans Sunl* / quasi omnium profugium. Plurimi vel Hermionem vel Arminium Cheruscorum Principem intelligi putant, & statuam primum honoris gratia positam esse, postea vero religioso cultu fuisse adoratam conjiciunt. Non constat, qua figura olim apparuerit, dum alii truncum ligni, alii virum armatum fuisse existimant, interim non parum dubitatur, num Columna, quæ hodiernum Hildeſheimii conspicitur, genuina sit Irmenſula. Nec certiora sunt, quæ de Crodone vel Crodo, quem Saturnum denotasse dicunt, afferuntur, quum recentiorum multi dubitent, num unquam tale idolum exstiterit. Novam hac de re affert conjecturam Summe Rev. Autor, dum per Crodonem Wodanum, quem & Odonem dixerunt, significari putat, quasi secundum veterum linguam de grote *Odo* dixerint. Secundo libro cultus divini modum ritus atque Sacerdotes paulo latius describit Autor:

pag. 12.

19.

20.

23.

28.

35.

38.

42.

46.

48.

- pag. 60. inprimis in ea, quæ Bardos, Vates & Druidas attinent, inquit.
65. Sunt qui cum Cæsare nullos Druidas Germanos habuisse existimant; quos refutat Noster. Bardi erant, qui heroica Virorum illustrium facta carminibus celebrarunt, a quibus Phonascos, 66. hodieque satis notos, originem trahere credunt. Quibus præmisfis etiam de ipsa fide majorum nostrorum agit, & notas quasdam ad *Indiculum Paganiarum Liptinensem*, ut dicitur, addit. 71. Nimirum Carolomannus Dux Franconiarum atque Austrasiarum in Concilio Liptinensi, quod A. 743 instituerat, omne studium in id posuerat, ut Christiana religio majora indies incrementa capere posset, quare jussu ejus errorum Index publicabatur, a quibus vacare deberent Christianæ addicti fidei. Hunc primum magnum illud Germaniarum sidus, Ferdinandus a Furstenberg, Episcopus Paderbornensis, ex Codice pervetusto Bibliothecæ Vaticanæ descripserat, & cum Capitularibus duobus Carolinis de Partibus Saxoniarum publici juris fecerat; jam vero S. Rev. Autor suis historicis animadversionibus illustravit, quæ maxime utiles sunt, cum ex istis haud pauca cognoscantur, quæ idololatricum Germanorum cultum & superstitiones, quibus Christianam fidem corruperant, explicant, de quibus etiam Autor ultimo hujus libri capite pluribus agit. 85. Tertius Partis hujus liber totus in eo est, ut veterum Germanorum atque Saxonum speciatim consuetudines vivendique rationem exponat, quare tam bellandi disciplinam & regnandi formam, quam privatos explicat vivendi mores, & tandem de Saxonum lingua per compendium edisserit.
103. Secunda Parte, quæ res gestas Seculi IIX proponit, S. Rev. Autor, præmisso sermone de Christianæ religionis præstantia, atque divino beneficio, quo nostri barbari rudesque majores ad veram fidem fuerunt adducti; hanc proponit quæstionem: 120. num primis post natum Christum Seculis ante Caroli Magni tempora Christianorum religioni addicti in Inferiori Saxonia fuerint inventi? quam affirmandam esse existimat, & quum S. 124. Bonifacius non parum contulerit ad veræ fidei progressus, operæ pretium esse duxit, vitam ipsius atque res gestas accuratius explicare. 128. Idque inprimis diligenter inquit, num Bonifacius etiam

etiam in inferiori Saxonia verbum divinum prædicaverit? quod negare videtur, quoniam ex nullis genuinis argumentis illud possit probari. Inde Caroli Magni, cui tantum negotii intercescit cum Saxonibus, vita verbosius exponitur. Notatu digna sunt, ubi inter alia de Patria Caroli sollicitus ad notissimæ diplomatis Carolini verba apud *Brouverum* in Antiquitatibus Trevirensibus provocat, in quo provinciam circa flumen *Unstrud* *terram conceptionis sue* vocat, ex quibus Thuringum natione fuisse, probari putat. Quamvis forte, ut taceamus, conceptionis tantum, non autem nativitatis mentionem hic fieri, loco *conceptionis* non incongrue *conquestionis*, quæ vox illo ævo haud insolens fuit, legi possit, quod aliis dispiciendum relinquimus. Hinc Witekindi fata annectit, cujus genealogiam ex vetusto Chronico Saxonico MS. exponit, & ejus gesta, quæ memoriæ prodita sunt, postquam Christi professus fuerat fidem, persequitur. Judicia Fehmica sive Westphalica a Carolo Magno fundata fuisse, plerumque traditur, sed contradicit cum aliis, qui hactenus diligentius hæc inspexerunt, hujusmodi fabulis, nec immerito rem universam cleri callidi inventum fuisse conjicit: nihilominus e re esse existimavit, ut totum processum horum judiciorum, quantum memoriæ proditum est, explicet, ipsa quoque hujus judicii formula ex Protocollo quodam Brunsvicensi addita. Secundo hujus Partis libro disquirat, num Carolus in Inferiori Saxonia & Westphalia Episcopatus instituerit, & observat, plurimos hoc affirmare, & Gryphiandrum primum fere fuisse, qui hoc in dubium vocare ausus sit, quem etiam Papebrochius Soc. Jesu fuerit secutus, qui Tabulas foundationis sive donationis Carolinæ Osnabrugensi Ecclesiæ datas, quas Furstenbergius in Monumentis suis Paderbornensibus publici juris fecerat, falsitatis accusavit, quarum tamen defensionem suscepit Schatenius. Noster institutos quidem fuisse quosdam Clericos, quibus inspeccio in alios commissa erat, verum tales Episcopatus in eodem statu ac forma, quales hodie conspiciuntur, hoc tempore minime fundatos fuisse, nec eo jurisdictionem temporalem, sive ut hodie dicunt, territorialem superioritatem habuisse, pluribus comprobatur, & cum Conringio existimat, nec Ottonis Primi tempo-

p. 153.

157.

167.

176.

182.

184.

185.

187.

190.

- p. 197. ribus omnibus Episcopis hæc eximia jura competiisse. Jam porro ad specialiora descendit Autor, & originem Episcopatus Halberstadiensis inquit, quam ab anno 780 repetunt. Primum vero Præfulem Hildegrinum dicunt, qui multa ad Christianæ religionis propagationem contulisse fertur, uti ex vitæ recensione, quam addit, latius patet. Eundem in modum in foundationes Episcopatus Mindensis, Bardevicensis atque Verdensis inquit, ubi nonnulla non ubivis obvia occurrunt. Ad Mindensis Episcopatus originem duo spectant diplomata, quæ post Pistorium, Meibomium & Watenstedium iterum producit S. R. Autor. Alterum Ottonis primi est, quo Episcopatui concessit privilegium, ne ullus judex laicus de causis vel personis ad ecclesiam Mindensem pertinentibus judicet, datumque est A. 961.
202. Alterum est donatio Ottonis II Episcopo Miloni facta An. 991, quod animadversionibus illustravit S. R. Autor, ut obscuriores locutiones legenti statim pateant. Exhibet idem Diploma Foundationis Episcopatus Verdensis, quod Carolo M. attribuunt, A. 786 datum, sed id variis ex rationibus falsi accusatur: item Bremensis de A. 788 ex Adamo Bremensi desumptum, quod non majoris videtur esse fidei, uti pluribus ex rationibus a Nostro probatur; quibus historiam originis Cœnobii S. Ludgeri prope Helmstadium addit.
207. Tertia in Parte, quæ res gestas Seculi IX exhibet, occurrit primum Episcopatus Hildesienfis origo, de qua multas fabulas adducunt Scriptores mediæ ætatis, quas recenset S. R. Autor, & Catalogum Præfulum, qui hoc Seculo præfuerunt Episcopatui Hildesienfi, quorum octo numerantur, addit.
213. Pari modo Hamburgensis Archi-Episcopatus, qui olim viguit, foundationem, quæ A. 833 facta esse dicitur, exponit, qua occasione hodiernum hujus urbis statum explicat, quod non inutile esse videtur, licet a proposito Autoris paulo alienum, qui res primis post natum Christum mille annis gestas solum declarare voluit. Postquam itaque historiam dedit Episcopatum, qui non post natum Christum Seculo fundati fuerunt, persequitur seriem Antistitum Episcopatum eorum, qui superiori seculo jam fuerunt ordinati, & Præfulum Halberstadiensium, Mindensium, Verden-
225. 232. 237. 242. 248. 259. 271. 281.

Verdensium & Breimensium vitas & res gestas exponit. Secundus hujus Partis liber in exponenda Cœnobiorum historia versatur, quorum primum Corveyense adducitur. Incerta sunt, quæ de hujus origine circumferuntur. Dantur enim qui eam ad A. 775 referunt; quum alii contra recentiori tempore illud factum esse putent, & Ludovicum Pium autorem ejus prodant. Sequenti Capite Cœnobiorum tradit historiam, qui hoc tempore a Ducibus Luneburgicis fuere fundati: qua occasione sententias quorundam de genealogia Henrici Aucupis atque Ottonis, num scilicet a Witekindo, quem Magnum vulgo vocant, provenierint, profert. Inde aliam movet controversiam: num veteres Saxonum Principes, Heinrici Regis majores, jure proprio ac independenti suis ditionibus præfuerint, an Regibus Germaniæ subjecti fuerint? Existimat vero, caruisse Witekindum & posteros jure superioritatis territorialis, ut hodie loquuntur, habuisse tamen nonnulla egregia jura sed administratorio & vicario nomine; licet non neget, Ottonem & Henricum, postea Regem, majori gavisos esse potestate, quam etiam contra ipsum Conradum tuebantur. Tum fata Civitatis Brunsvicensis exponit, & de ejusdem Sancto Tutelari, quem S. Autorem dixerunt, agit. Postea ad Cœnobîa revertitur, & foundationem Cœnobii Brunshausen, quæ A. 850 peracta, & Abbatiæ Gandersheimensis, A. 854 factam, describit. Extat Diploma foundationis hujus Abbatiæ apud Leuckfeldum Antiquitatum Germanicarum diligentissimum indagatorem, una cum confirmatione a Sergio Papa facta, quas chartas suis notis illustratas iterum recudit S. R. Autor. Sed non immerito illas falsi suspectas arguit, his præcipue rationibus, quod fundator Lutholfus se ipsum Duce[m] Saxoniz vocet, cujus exemplum eodem tempore vix inveniat, quodque Ludovicus Romanorum Rex dicatur, qui nunquam eodem titulo usus deprehenditur, ut alia falsitatis *ymagines* taceamus, quæ prolixius a Nostro deducuntur.

Ultimæ Partis initio de Archi-Episcopatu Magdeburgico agit S. R. Autor. Hujus origo Ottoni Magno debetur, interim de anno foundationis haud conveniunt Autores. Urbis Magdeburgensis fata quoque recenset, & cathedrale templum describit: addit vitam

p. 283.

284.

290.

293.

295.

304.

315.

319.

321.

332.

333.

- p. 141. vitam Ottonis M. tanquam fundatoris hujus Archi-Episcopatus, quam prolixius exponit, & inprimis herois hujus justitiam peculiari capite prædicat. Pergit deinde methodo, qua in superioribus partibus usus fuit, atque non solum Archi-Episcopatus Magdeburgensis modo memorati Præsules recenset, sed etiam Episcoporum Halberstadenſium, Mindenſium, Verdenſium, Hamburgenſium, Bremenſium & Hildeſienſium, vitas & res geſtas explicat. Secundus liber hujus Partis monaſteriorum perſequitur fata, quorum primum eſt, quod occurrit, Cœnobium S. Michaelis prope Luneburgum, cujus fundatorem fuiſſe Hermannum Billungum fama eſt, quare iterum excurrit, & hujus Principis vitæ curſum prolixè recenset. Alterum quod hoc ſeculo originem traxit, Quedlinburgenſis fuit Abbatia ab Henrico Germ. Rege, quem Aucupem vulgo vocant, A. 930 fundata & multis bonis donata, qua occasione non ſolum hujus Regis fata perſequitur, ſed etiam exponit illa, quæ de Uxore ejus *Matilde* proferuntur.
377. 54. 462. 330. Pari modo origines atque fata diverſorum Monaſteriorum, Ringelheimenſis, Grawenhoffenſis, Grœningenſis, Bergenſis prope Magdeburgum, Walbeccenſis & aliorum explicat, quæ apud ipſum Autorem, ne juſto prolixiores eſſe videamur, poterunt evolvi. Adjecit huic operi Appendicem, qua Scriptorum, quos hocce opere citavit, vitas & ſcripta recenset, & tam ſua, quam aliorum addit judicia.

Hiſtoriſche Gedächtniß-Münzen ꝛc.

sive

THESAURUS HISTORICO-NUMISMATICUS Anni M D CC V.

Noribergæ, ſumtibus Heredum Endteri, 1714, in fol.
Alph. 1 pl. 3 ectyp. nummorum 70.

PERGUNT nobiliſſimi Viri, Dn. Nägelein & Dn. Rörnlein/in laudabili inſtituto, primumque currentis ſeculi luſtrum ſexto hoc Volumine abſolvunt, in quo pari ac in reliquis eruditione, crescente tamen ſculptoris & typothetarum induſtria, Numos A. M DCCV cuſos ob oculos nobis ponunt.

In Præfatione quidem preces toties repetitas denuo Lecto-
ribus in memoriam revocant, de communicandis scilicet se-
cum Numis prætermisiss, Tomo I Supplementorum proxime
prodituro inferendis. Quare & nos non possumus non Cl.
Virorum causam iterum iterumque meliorem in modum
Curiosis commendare. Interim pro more nostro unum alte-
rumve specimen ex divite hoc penu delibabimus.

Trislem hujus Anni memoriam facit Magni Leopoldi Im-
peratoris obitus: Dn. Collectores divi Principis vitam æternis
monumentis dignissimam concinno & eleganti compendio præ-
mittunt, hinc Numos consecrationi piissimi Cæsaris dicatos
recensent. Eminent inter hos unus medii moduli, successionem
simul gloriosissimi Josephi patriæ virtutis æmuli egregie repræ-
sentans. Sistitur in ejus antica Castrum, quod vocant, doloris
magnifice exstructum; ad cujus basin fœmina mœrens & sini-
stra manu lacrymas abstergens, dextra Imperii signa gestans,
compareret, additis superius verbis: **EXTINCTVS AMAEITVR
IDEM, inferius: LVCTVS PVBLICVS.** Tumuli vero arce
inscripta hæc sunt: Dⁱvis M^{anibus} **LEOPOLDI M^{agni} P^{ri}ncipis
F. elicis S. emper** **AVGVSTI P. atris P. atris** **QVI TERRIS
EREPTVS COELVM PETIIT DIE 5. MAIL 1705.**
In postica Genius conspicitur Gloriam denotans, qui D. Leopoldi
imaginem serpente in gyrum rotata cinctam, nec non palmæ
ramo Plejadumque quasi corona superne testam per aera gestat;
subtus fœmina humi procumbens, quam adstans aquila Germa-
niam esse testatur, supplices ad Augustissimum Josephum orna-
to folio insistentem manus extendit, his appositis lemmatibus:
LEOPOLDVS IN JOSEPHO IMMORTALIS,
infra: IMPERII SOLATIVM.

Sequuntur aliquot alia in dictam felicissimi Josephi succes-
sionem Numismata, mira inventionum varietate & emblema-
tum elegantia commendanda; æque ac memoriales Numi,
quos mœrens Borussia desideratissimæ Reginæ suæ d. 1 Febr. pie
defunctæ hœnori magno numero consecravat.

Quanta Theologi de Ecclesia meritissimi Speneri apud
plurimos fuerit æstimatio, testes sunt aliquot in exequias

p. 479.

439.

492.

494.

458.

470.

ejus

ejus ab amicis & auditoribus cusa metalla mnemonica: quæ omnia non minus ac Luncburgensia, Anglica, Hungarica, & alia complura curatori æstimatorum contemplationi permittimus: non defraudaturi scilicet animos Lectorum insigni oblectatione, quæ ex oculari intuitu in ipsos redundabit.

p. 512.

Vix tamen nobis temperare possumus, quin vel tria adhuc verba de duobus exquisitæ elegantiae Numis faciamus. Prior refert in altera facie iconem Eminentiss. Cardin. Johannis Philippi de Lamberg, Ep. Passaviensis & S. R. I. Pr. In altera puerulum blando vultu incedentem, qui generosum leonem filo per patulas nares transversim ducto ceu fortissimo freno subactum, quocunque vult, secum trahit, cum Epigr. PERAGIT TRANQUILLA POTESTAS, QVOD VIOLENTA NEQVIT. Quibus verbis dubio procul ad notam omnibus & tot Clientum elogiis deprædicatam laudatissimi Principis clementiam respexit ingeniosus Inventor.

547.

Posterioris haud secus curiosi campus averfus monstrat vultum Viri inter Romanenses famigeratissimi, Petri Coddæi, Archi-Episcopi Sebasteni Ecclesiarumque Pontificiarum in fœderato Belgio Præsulis. In adverso sistitur Leo Belgicus ex armatura & sagittarum fasciculo dignoscendus, penes quem Agnus cruci incumbit, pede dextro librum REIPUBLICÆ titulo insignitum apprehendens: e longinquo Vaticanum S. Petri templum conspicitur, & juxta hoc Pont. Max. palatium, ex quo fulgura aliquot adversus agnum ejaculata a fulminibus cœlitus immixtis discutiuntur, illæsa atque secure quiescente ovicula: omnia hæc explicat brevis inscriptio: IN SONTEM FRUSTRA FERIRE PARAT. His in inferiore reſegmine additur numerus Anni MDCCV. Nihil in hoc Numo otiosum, nihil non exquisitum, quod, qui fata Coddæi, A. 1703 & 1704 in Relationibus innocuis vernaculis exposita, novit, lubens nobiscum confitebitur.

AN INQUIRY INTO THE NATURE AND
Place of Hell.

h. e.

SCRU-

MENSIS MARTII A. M DCC XV. 107
SCRUTINIUM NATURÆ ET LOCI
infernalis.

Londini, apud W. Taylor, 1714, 8.

Plag. 19 $\frac{1}{2}$ & fig. 21. 2.

IN seculo vivimus, quod multas novitates tam utiles, quam no-
xias protulit, quas, uti in prato varii generis herbas, contem-
plamur, meliores colligentes, inutiles eradicantes. Qui hunc
libellum legerit, numerum novitatum inauditarum augendum
esse cognoscet: infernum enim, quem hactenus multi in densis
tenebris sub terra quæsierunt, Noster, in Sole loco lucidissimo
invenisse putat. Eo ordine sententiam suam proponit, ut, pro-
bato ex naturalibus rationibus statu hominum post mortem, in-
fernum ex Gentilium & Christianorum mente describat. Primos
Christianos existimasse, dicit, terram esse extensam planitiem
firma basi innixam; cælum vero amplum arcum crystallinum
super terram longe lateque extensum, unde eos collegisse per-
git, partes terræ a cælo remotissimas esse infernum: quam sen-
tentiam falsæ hypothesei superstructam rejicit. Deinde ignem
infernalem non metaphoricum, sed realem esse, ex Marci
IX, 43, 44, & autoritate doctissimorum Virorum D. Barrovii,
Hammondi, Bilsonii, Petri Martyris, Munsteri, Bullingeri &c.
confirmat. Porro asserit, ignem realem inferni neque in cen-
tro, neque in peripheria terræ posse conservari, quia ad ignem
realem requiratur pabulum sulphureum & nitrosum ex aere,
quale in terra ad conservationem ignis æterni non datur. Nec
obstare putat Tertullianum, qui arcani ignis naturam in resti-
tutione ejus, quod consumpsit, ponit, quia Philosophi talem
ignem asserentes decepti sunt. Neque obstare autumat Dei po-
tentiam, quæ ignem æternum conservare posset; quia ad mira-
cula non procurrendum, ubi ordinaria media supersunt. Addit,
nec ea ex ratione admittendum esse ignem æternum in terra,
quia major quantitas aquæ quam ignis in ea observetur, nec tan-
ta sit terræ magnitudo, quæ omnium damnatorum & diabololo-
rum multitudinem capiat. Sic neque placet Autori nostro Hen-
rici Mori sententia, qui statuit, infernum ex mundi conflagra-
tione, quæ maria & fluvios exsiccabit, esse oriturum. Opponit

Pag. 5

18.

23.

35.

44.

61.

68.

81.

enim ipsi auctoritatem Petri, qui 2 Epist. cap. III, 10 docet: Terram esse comburendam & destruendam; quia ibi καὶ ἡ γῆ τοῦ πυρὸς legitur. Nec consistere existinat Mori sententiam cum 2 Petr. II, 4, ubi infernum jam existere, inque eum malos angelos coniectos esse, affirmatur. Remoto itaque inferno ex terræ centro & peripheria, Noster alium locum in Sole quærit, quem infernum & damnatorum receptaculum sibi persuasit capacissimum. Capite VI suæ sententiæ novitatem prolixè excusat, Lectorique persuadere conatur, futura præmia & damna esse speculationis argumenta, quæ cujusvis libertati subiecta sint. Asseverat quoque, neminem salutis damnum incursum, qui suas meditationes sine antecedentibus, concomitantibus & subsequenter vitiis legerit. Argumenta tandem, quibus persuasus est (si est persuasus) ut infernum in Sole collocaret, desumit ab ipsius Solis natura. Hunc satis calidum esse putat, quia omnis caloris fons est, & mare quasi igneum. Eundem quoque satis spatiosum esse, ad recipiendam damnatorum & diabolorum multitudinem, quia Astronomi jamdudum docuerunt, corpus Solare continere magnitudinem globi terrestris plusquam centies sexagies sexies. Suæ quoque sententiæ inservire contendit, quod ex Pythagoræorum & Copernicorum mente Sol in centro mundi, cælum vero empyreum super omnium stellarum Sphæram expansum supponatur. Uti enim in empyreo beati habitant tanquam in supremo loco: sic damnati in centro tanquam infimo & ab empyreo remotissimo loco. Ex omnium enim consensu cælum & infernus sibi invicem opponuntur, uti virtus & vitium, Deus & Satanas, angeli & diaboli. Ex qua observatione distantiam cæli & inferni explicat Luc. XVI, 23, in parabola divitis & Lazari propositam. Huc quoque trahit, quæ antiqui de inferno καὶ τὸ ὑπὸ χθονὸς tradiderunt; quæ tamen non ex eorundem mente, quæ Autori nostro contraria, sed ex sua hypothese explicat. Et ne quis objiciat, Solem uti terram esse comburendum, ex 2 Pet. III, 10 supponit, Solem quidem esse combusturum terram, sed ipsum in conflagratione mundi non periturum. Tandem Moisen suæ sententiæ patronum producit, quasi hic post Diaboli lapsum Solem creatum esse dixisset, in quem Diaboli coniecti sint.

Existimat quoque, Diabolum sui domicilii memorem, seduxisse gentiles, ut adoratione Solis non tantum Deum negarint, sed & mansionem Diaboli venerati sint. Hæc est doctissimi Viri nova de inferni loco sententia, cui hoc addimus, quod maculæ solares fortasse sint immundi illi Spiritus, qui ex Sole quandoque in terram nostram prospiciunt.

PAULI HULSII HISTORIA SACRA TURPITUDINIS INCESTÆ.

Groningæ, ex officina Johannis a Velsen, 1714, 4.

Plag. 17.

DE gradibus in matrimoniorum negotio prohibitis, post tot insignes Theologos, clarosque Ictos, suffragium prolaturus Rev. Auctor, S. S. Theologiæ Professor in Academia Groningensi, statim in limine hujus dissertationis negat, leges contra incestum a Deo genti Hebræorum latas per Christi adventum & Evangelii promulgationem abolitas esse. Inde jure divino hodie nequaquam licere censet, avunculi viduam, vel uxoris sororem, ejusque filiam, quod expresse non prohibetur Levit. XIX, multo minus propriam sororem vel novercam, patre defuncto, vel fratris viduam uxorem ducere. Hæc enim ita prohiberi, ut Hebræi non tantum, sed & Christiani sub Novo Fœdere obstringantur. Jus honestatis, & sacra connubiorum jura ex brutorum impetu definire velle, rem arbitratur hominibus bene natis indignissimam. Ita enim nec turbam uxorum, nec fornicationes vagas, nec divortia temeraria, nec adulteria aliæque nefanda, honestati naturali fore adversa. Dein declarat, qua ratione ea honestatis pars pertineat ad Dei imaginem, mōens, lumen conscientiæ in hominum cordibus quidem labefactatum, vestigia tamen non obscura superesse. In primis autem oculos ad Dei verbum attollendos esse, in quo perfecta honestatis idea exstet, e majorum exemplis, populorum institutis, & labefactata ratione nequaquam eruenda. Hac occasione ad historiam sacram delatus primo ab Adamo usque ad Moysen de omnibus incestæ turpitudinis exemplis disquirat & notat, eo tempore honestatem naturalem ex interno conscientiæ

Pag. 1.

2.

12.

16.

17.

18.

19.

- dictamine pependisse, oblitterata brevi protoplaſtorum tradi-
 tione, niſi quod Deo placuerit pro ſua clementia, & menſura
 gratiæ piorum Patriarcharum vias interna illuminatione, & ſi-
 gnificationibus ſuæ voluntatis extra ordinem factis dirigere.
- p. 32. Hic Deum multa toleraſſe, quæ non approbarit. Poſtea de-
 monſtrat, leges Levit. XIIII a Deo adverſus inceſtum latas,
 habendas non eſſe pro verecundiæ naturalis qualicunque tuta-
 mine duntaxat, ſed pro naturalis honeſtatis morali explicatio-
 ne clara & ſacroſancta. Ad hoc confirmandum tribus utitur
 rationibus, quarum prima paullo generalior inde deſumpta eſt,
 quod leges illæ ejusdem ſint naturæ & generis in gradu licet di-
 verſo. Nam cum pars illarum certo ſit de honeſtate, idem quo-
 que de cunctis utpote homogeneis pronunciandum eſſe. Huic
 35. argumento, contra Pontificios Canoniſtas vindicato, *alterum* ſub-
 42. jungit deſumptum a ratione legis, quæ omnino eſt carnis propin-
 quitas & reverentia, non nuda legiſlatoris voluntas & maje-
 46. ſtas. *Tertium* argumentum petitur a facti atrocitate, dum in
 lege tot flagitiorum nominibus, quæ exponuntur, infamatur.
48. *Quartum* & ultimum ſumitur ex epilogo, quem his legibus ſub-
 jecit legiſlator. Ubi inceſtus a gentibus commiſſus adeo dete-
 ſtabilis deſcribitur, ut Cananæi propterea exſtirpandi & penitus
 58, 59. delendi prædicantur v. 25, 28. Inde ad hiftoriam a lege lata
 progreſſus nuptias Othnielis cum Achſa, ſtuprum Ammonis ſo-
 rori oblatum, aliaque inceſtus exempla conſiderat, & ad N. T.
 63. tempora delatus de inceſtu Herodiano copioſe diſquirit, nec
 83. non de Corinthio inceſtuoſo & diſciplina Pauli, cujus veſtigiiſ
 88. omni ætate inſliterint Chriſtiani. Tandem ad alteram tracta-
 tionis partem progreſſus has leges evolvit, & gradus enumerat,
 90. cavendumque monet, ne peccetur exceſſu contra libertatem ho-
 97. neſtam, multo magis ne in defectu, contra honeſtatem. Nec
 105. tantum prohiberi perſonas expreſſas, ſed gradus. Leges ma-
 ribus recitatas ad feminas quoque in ſuo ordine pertinere arbi-
 tratur, indeque certam deducit harum legum evolutionem.
122. Ubi rationibus rite ſubductis colligit, non poſſe aliquem ducere
 uxoris deſunctæ ſororem, nec hujus filiam. Si quid uſpi-

am in his dispensatum sit, id interpreti divinæ legis præjudicare non debere.

IUSTI HENNINGII BOEHMERI, D. P. P. JUS
Ecclesiasticum Protestantium, Usus Modernus Juris
Canonici juxta seriem Decretalium ostendens.

Halæ Saxonum, impensis Orphanotrophii, 1714, 4.
 Alph. 8 pl. 8.

Equidem dantur multi, qui Juris Canonici monumenta tradere ausi sunt; haud pauci tamen queruntur, plurima ibi superesse, quæ clarius sint illustranda; namque quum imprimis usum hujus juris inter Protestantes respicimus, negandum non est, catholicæ religionis errores vel nostra ætate maxime occupasse Doctores doctrinæ evangelicæ. Movit illud Cl. Bœhmerum ut scientiam hanc magis magisque illustrandam susciperet; & ut de Dissertationibus academicis taceamus, pertinet huc *Jus ejus Parochiale, Additamenta ad Schilterum, Observationes selectæ ad Petrum de Marca, & Dissertationes Juris Ecclesiastici Antiqui ad Plinium & Tertullianum*. In opere hoc, de quo in præsentia edisserendum, hanc ingressus est viam, ut secundum singulos Decretalium titulos Pontificiam doctrinam cum nostrarum ecclesiarum statu collatam exhibeat. Præmisit dissertationem de *Suprema lege ecclesiastica*, qua existimat, *salutem ecclesiæ* (h. e. totius cœtus fidelium, seu populi ecclesiastici, non vero tantum cleri, ut Pontificii arbitrantur) *esse supremam ecclesiasticam legem*, & cum finis ecclesiarum alius sit *internus* alius *externus*, eo respiciendum esse opinatur, ut duplex iste finis rite observetur, imprimis ordo in ecclesia servandus, qui unice manuactionem & pædagogiam externam veluti finem sibi præponit, interim externa hæc omnia internam salutem, quæ interiori absolvitur unione cum Deo, complecti eoque tendere debent. Etiam si civium societates externa tranquillitate perficiantur; salus tamen ecclesiæ non absolute dependet ab hac exteriori quiete, cum ecclesia etiam sub statu Reipubl. admodum turbido florere possit: quid quod leges ecclesiasticas oportet eo dirigi, ne, dum externa pax & salus conservetur, ve-

pag. 3.

6.

10.

- rus ecclesie finis impediatur. E contrario *speciosa & falsa salus* ecclesie in sacra *potestate* magis magisque stabilienda, imperio clericali conservando atque ecclesiarum divitiis collocata est, quum res ecclesie corrupte fuerint tranquillis temporibus, quibus externa Christianorum frequentia fruebatur quod ex historia ecclesiastica monumentis exemplo Hierarchie Pontificie probat Dn. Autor, quam cum ecclesie salute pugnare sequentibus ostendit, indeque colligit, magna providentia opus esse in applicatione textuum Juris Canonici, qui primario non salutem Christianorum veram, sed clericorum commoda respiciunt. Progredimur ad specialiora, ubi id monendum esse existimamus, eam sibi proposuisse methodum Cl. Autorem, ut primo Juris Pontificii sententiam proferat; secundo doceat, quid Protestantes usu receperint; tum memorabiliorum recentiorumque controversiarum momenta addat, multis quoque locis integris Jctorum responsis insertis. Occasione Tit. I de *Summa Trinitate & fide catholica* agitur de formulis fidei, quas ecclesie iis, qui in eadem communione sunt, sub lege necessitatis prescripserunt, ut sententias suas iisdem accommodent.
26. Ostendit ejusmodi formulas Apostolorum temporibus haud in usu fuisse, sed illas introductas monet, cum diversae de religione controversiae ortae fuerint. Factum hoc esse non sine magno ecclesie detrimento existimat, dum illas sub *vi legis* prescripserint Patres, nec S. Scripturam, sed majorum tradita vel interpretationem pro regula habuerint. Quæri hinc potest, quis officio judicis fungi possit, in decidendis fidei controversiis? Respondet Cl. Autor, statim post Concilii Nicæni tempora in causis, quibus de vera ecclesie doctrina controvertebatur, posuisse id Doctores, quod illæ *judiciali & decisiva sententia* dirimendæ sint; maxime vero Episcopis atque Clericis illud incumbat, majorisque illorum partis vota reliquis omnibus prævaleant. Hinc factum, ut postea Pontifices auctoritatem decidendi fidei causas sibi vindicaverint. Quum vero illa tempore reformationis in dubium vocata fuit, noluerunt Lutherus ejusque doctrinae professores & defensores Papæ judicio suam submittere causam, sed ad liberum provocarunt concilium, quod tamen propter Pontificis

Pontificis callida consilia nullum habuit successum. Sunt quoque, qui inter Protestantes lites, quæ de fidei veritate oriuntur, componi posse existimarunt, & *judicialem decisionem* desiderarunt, ad instar quæstionum juris dubiorum, quæ sæpius legibus publicis deciduntur. Verum pugnat contra sententiam hanc Cl. Autor, & opinatur, *decisionem judicalem* in fidei doctrinis haud admitti posse, his motus rationibus, quod non solum de rebus, quæ propriæ sunt intellectus, nulla lex ferri possit, & juxta illud Maximiliani II. effatum, *nulla major sit pestis, quam conscientis velle dominari*; sed etiam neque competens adsit judex, neque per pœnas eo quis possit adduci, ut fidei res bene sibi cognitæ reddat. Interim ab ista longe aliena est decisio summæ civilis potestatis, quod ad res sacras attinet, quippe qua definitur, quæ fidei doctrinæ publice debeant doceri: cui affine est *Jus reformandi*. Latius agit hoc de jure & postquam personas illius capaces ex Imperii nostri legibus recensuit, addita observatione, quos fines & limites ratione trium receptarum probatarumque religionum Instrumentum Pacis Osnabrugense addiderit; notissimam tangit Juris Publici controversiam, num Princeps personas neutri ex tribus his religionibus addictas possit tolerare, quam affirmandam esse censet. Occasione anni decretorii 1624 quæritur: *num Principi liceat exercitium Pontificiæ religionis contra statum anni 1624 introducere?* quod affirmat quidem Cl. Autor, ita tamen circumseribit, & restringit, ne in præjudicium instrumenti pacis aliquid attentari queat. Tandem titulo hoc adhuc de *Jure reformandi Protestantium inter se agit*, & postremo *Jus emigrationem imperandi*, quo gaudent Imperii Status, explicat.

In Secundo titulo, qui de Constitutionibus agit, præmisit Dn. Autor *Juris Canonici historiam*, in qua notatu dignum est, quod tradat & satis firmis argumentis confirmet, Decretum Gratiani authenticam autoritatem more *consuetudinum feudalium* Longobardicarum habuisse. Sub tempus reformationis B. Lutherus Jus Canonicum funditus tollendum judicavit, sed quum Vitebergenfes J.Cti ægre abrogationem illius ferrent, & pro conservanda autoritate ejusdem laborarent, factum est, ut etiam

- in Protestantium judiciis illud retentum fuerit, quod ex JCto-
rum seculo XVI florentium sententiis latius explicat Autor.
Pag. 131. Consecutum quoque est in Imperio nostro auctoritatem Recessus
Imperii Instrumentum Pacis Westphalicæ, ut & Ordinationes
147. particulares Ecclesiasticæ. Has Status Imperii, qua tales, non
quatenus *Episcopos* condere, nec Clericorum ad illos condendos
157. concursum necessarium esse, probatur ab Autore, qui postea
Catalogum Ordinationum harum particularium ecclesiasticarum,
quas diversi Principes, Comites & Civitates in nostra Germania
publicarunt, addit. In omni sane Republica mores antiquiores
esse scriptis legibus maxime constat, quod etiam statui ecclesia-
100. stico contigisse notat Cl. Bœhmerus ad Tit. de *Consuetudine*.
In prima ecclesia magna fuit vis consuetudinum, adeo ut, cum
integræ ac incorruptæ adhuc essent res christianismi, solo *Tra-*
104. *ditionum* cultu regeretur ecclesia. Verum hoc mutatum fuit,
quum corruptio indies magis magisque irrueret, ita ut majorem
canones acceperint auctoritatem, licet & *consuetudines eccle-*
siasticæ haud raro allegatæ fuerint; cujus effectum atque vim
213. latius explicat atque exemplis illustrat Dn. Autor. Nimis longum
foret, singulorum titulorum momenta maxime notatu
digna heic subnotare. Quare quædani tantum adhuc addamus,
ut exinde de excellentia egregii laboris hujus constet, quæ
superfunt, Lectoris industria relicturi.
269. Ad Tit. de *Electione & electi potestate* monet Cl. Autor,
pertinuisse olim Clericorum electionem ad totam ecclesiam,
postquam vero sequentes ex Presbyterorum ordine non semper
digni judicati fuerunt ad tenendos Primatus, id obtinuisse, ut electio
primi clericorum in Presbyterorum consensu fuerit perfecta,
170. ita tamen ut & plebis suffragia auctoritatem habuerint,
quod Dn. Autor contra Grotium & Petrum de Marca, qui hoc
negant, probat. Requirebatur etiam in occidente Regum consensus:
quo postea factum, ut Regibus integra & plena fere electio
275. commissa fuerit. Ex quo vero Romani Episcopi caput suum
attollere cœperunt, turbarunt isti maxime hæc Regum jura;
inprimis in Germania, donec Concordatis inter Nicolaum V
& Fridericum III res expedita fuerit, ita ut hodie electiones

Episcoporum maxime ad capitula pertineant. Pergit Autor noster atque declarat, quid circa electionem populi, per *acclamationem* olim factam, notandum, quam variis exemplis, ex historia ecclesiastica petitis, illustrat; quamvis hunc vocationis morem illegitimum esse profiteatur. Exponit etiam hoc titulo, quid per tres modos, quibus adhuc hodie solent peragere electionem Episcoporum, per *inspirationem* puta, *compromissum* & *scrutinium* intelligatur, ostenditque, quis istorum etiam in capitulis Protestantium sit usus.

p. 280.

283.

Ad Titulum *de Episcoporum Translatione*, præmissis iis, quæ hac de re jus Canonicum disposuit, tractat controversiam: *num Princeps translationem Pastoris impedire possit, si ab alia ecclesiæ rite fuerit vocatus?* quam certo modo affirmandam esse existimat, quod contra Lutherum & Spenerum, qui contrariæ favent sententiæ, defendit.

322.

335.

Occasione Tit. *de Officio Vicarii* agit Cl. Bœhmerus de *Consistoriis Principum Protestantium*; exponit, quid in consistoriis ipsius reformationis tempore contigerit; quo Doctores plurimi in ea opinione erant, necessaria esse ejusmodi judicia de sacris rebus, & hac re Pontificiis assentiebantur, quippe qui duplex judicium, aliud *seculare*, aliud *ecclesiasticum*, agnoscunt. At gravissime disputat contra sententiam hanc doctissimus Autor, probatque jurisdictionem non *Ecclesiæ* sed *Principi* competere, ac propterea, ut consistoria constituantur, non esse necessarium: quamquam non neget, prudentiæ regulis convenire, ut hujusmodi judicia instituantur. Sunt quidem, qui dissentiunt, Carpzovius & Weberus, Theologus quondam Halensis: sed satisfecit eorum rationibus Autor noster, & probavit, falso consistoriis divinam adscribi originem; unde sequitur, quod neque Theologi necessario iis inesse debeant, neque territorii Princeps consistorio, quod ad res sacras attinet, sit subjectus. Hæc sufficiat exempli loco ex doctissimo labore hoc nos adduxisse. Pari industria Cl. Autor secundum Decretalium librum illustravit; sed III, IV & V proxime expectare nos jubet. Quibus promissis ut eo citius satisfiat, optandum est, quo magis prior hæc pars Juris ecclesiastici ostendit, quantam eruditionem.

597.

605.

609.

612.

630.

639.

hoc in studiorum genere sibi comparaverit doctissimus Autor, & ideo maxima spes sit fore, ut altera Pars pari industria elaborata prodeat.

*ALEXANDRI ARNOLDI PAGENSTECHERI
de Jure Ventris Liber singularis; cui accesserunt de
Cornibus & Cornutis Dissertationes duæ.*

Bremæ, apud Phil. Gothofredum Sauermann, 1714, 12.

Alph. I plag. 10.

Homines, siquidem eos ex Statu suo consideraveris, vel Natos deprehendes vel Nascituros; quorum ultimi licet in rerum natura nondum existant, atque adeo veri homines non sint, Jure tamen Civili per fictionem quandam pro talibus habentur, ac proinde in certis casibus, quoties nimirum de ipsorum commodis agitur, jam Natis æquiparantur. Hæc igitur Jura qualia sint, Excellentissimus Pagenstecherus in præsentī libro, de Jure Ventris conscripto, prolixè recenset. Totum opusculum in XII Partes, magis tamen, uti videtur, ex arbitrio, quam ordine ita postulante, disposuit, quarum fere singulæ suis iterum Sectionibus sunt conspicuæ. Nos itaque in præsentī seriem Autoris secuti, quid in quavis Parte præstiterit, paucis videbimus.

- P. I. p. 2. Equidem primo de vero *Ventris* intellectu sollicitus, nihil aliud eum nostro sensu denotare putat, quam *homuncionem nasciturum, quamdiu is utero adhuc materno clausus est*; cujus magnam, tum propter metum subjectionis, tum propter nascendi spem, tum ut ordinum familiarumque dignitas salva sit, Legumlatores curam gerunt, adeo ut ejus notitia Jcto & utilis omnino & maxime necessaria sit. Quatuor vero in Pandectis de Ventre Rubricæ Libro XXV & XXXVII occurrunt, ex quibus omnibus, præter Interpretum Commentarios & propriam penum, Jura Ventris collegit Autor noster. Primus ex memoratis quatuor Titulis habetur L. 25 t. 4 ff. de inspiciendo ventre custodiendoque partu, quominus enim mulier per calumniam alimenta possessionemque ventris nomine depostulet, diligenter considera-
- 9.
- 10.
- 16.

derare atque perpendere utile est, pręgnans uxor sit nec ne. Mirari tamen se dicit, Commentatores Digestorum silere de egre-
gio isto remedio l. 3 §. 9 ff. d. jurej. quo locus conceditur jure-
jurando, si jurgia circa gravitatem feminę, sueta alias inspecti-
one ventris, terminari nequeant; quod eum insimul producat
effectum, ut Actionem in factum ex tit. ff. si mulier ventris
nomine in possessione calumnię causa esse dicitur, alias compe-
tentem tollat.

P. I. p. 17.

29.

18.

19.

20.

21.

22.

p. 23, 56.)

35.

Ad specialiora Ventris Jura postea descendens, pręmittit
l. 1 §. 1. ff. d. insp. Vent. *Partus antequam edatur, mulieris por-
tio est vel viscerum.* Inde concludit, (1) ergo Venter in domi-
nio ejus est, in cujus ipsa ventrem gerens mater. (2) Venter re-
gulariter non habetur pro jam nato sed nec pro homine, nisi uno
casu, cum de ipsius commodis agitur. Unde colligit, ergo
(1) Ventri tutor dari potest, (2) si quis hęredes liberos suos in-
stituit, Venter quoque hęres est futurus, (3) si quis liberis quid
legavit, etiam Venter de legato participat, (4) Venter exhęre-
dari potest, ad eum scilicet effectum, ut testamentum Patris per
Nov. 115 c. 3 non possit dici nullum, bene tamen per querelam
inofficiosi rescindi. Rationem ponit in eo, quia id commo-
dius & magis proficuum foret Ventri, cum ex testamento per
querelam inofficiosi rescisso ne quidem legata atque Fideicom-
missa debeantur, e contra si testamentum ex Nov. 115 c. 3 nul-
lum fuerit declaratum, legata similiaque Ventri damnosa ca-
pitula subsistant. (5) Tempus, quod Ventri favorabilius, atten-
dendum; qua occasione quęritur: si Pater plebeji ordinis fue-
rit, mater vero nobilis, utrum id liberis Nobilitatem tribuat?
Id quod rectissime negatur. Contrarium tamen obtinet apud
Campanos Galliarum Populos: cum enim aliquando in acie
multi periissent nobiles, horum viduis fuit indultum, ut ex ple-
bejis nobilem tollerent progeniem. Unde & hodie ibidem suf-
ficit ad nobilitatem, matrem habuisse nobilem. De Cauniis
idem refert Feltmannus, quam tamen nobilitatem ridiculo ti-
tulo *Pels-adel* notant, tanquam a veste pellicea, qua feminę
utuntur, arcessitam. (6) Venter ex conjunctione Titii cum Ca-
ja conceptus, cui avus Titii Pater non consensit, legitimus,

P. II. p. 61.

P. III. p. 81. nascitur post mortem dicti Avi, modo nuptiæ Titii cum Caja subsequantur. In dubio vero præsumitur, marem utero materno claudi, non femellam, cum præsumtio in meliorem semper partem sit facienda: quo & Germanorum Belgarumque, phrasis vernacula *Johannuli in Cella* exacte vergit. (7) Venter in terris, in quibus Retraetus Gentilitius obtinet, retrahere potest prædium a Patre venditum, modo tempore venditionis Venter jamjam fuerit. (8) Venter ancillæ furtivæ est furtivus, consequenter usucapione non acquiritur; quod ultimum ita limitatur, nisi partus apud b. f. possessorem & conceptus & editus fuerit.

164.

183.

Ab hac Juris Regula recessisse videtur Jus Civile in materia testamentorum; testamentum enim, in quibus Venter præteritus, ipso jure valent, & non nisi nativitate posthumi rumpuntur. Casus tamen habetur longe singularis l. 3 C. d. inoff. testam. ubi mater testatrix liberis, e. g. duobus, quos habet, scriptis hæredibus, tertio post testamentum suscepto, in puerperio vita decedit; hoc inquam casu tertius ille posthumus, licet testamento sit præteritus, nativitate sua testamentum neque per Querelam Nullitatis evacuat, nec quoque per Querelam Inofficiosi rescindit, sed admittitur simpliciter in partem virilem. Ratio ea videtur, quia matri animus exhæredandi defuit, quippe quæ ventrem post testamentum conditum demum concepit; huc accedit alia ratio specialis, quod nimirum ipsa testatrix in puerperio extincta sit, adeoque tali tempore, quo maternæ pietati novum testamentum conficere integrum non fuit. Eadem Legis decisio similiter locum habet, quando Pater credens rumori de filii morte sparsæ, testamentum condidit, filiumque in eo præterit. Sed utrum quoque Venter absque mare concipi possit? curiosius nunc quæritur, Dn. Autor ex Precopio hoc loco refert, conceptionem Justiniani nostri peractam esse per coitum spectri cum Justiniani Matre. Et ex J. Roberto 3 del. Eur. 7, fuisse sacerdotem aliquando amore virginis captum, literasque ad eam misisse, hostia consecrata obsignatas, quam cum puella præ religione ore & dentibus avulsisset, partem hostiæ in virginis stomachum & ventrem delapsam, virginemque ex ea

ven.

ventrem' concepisse. Quid de singulari casu ad sententiam definitivam Facultati Groninganae Juridicae nuper submisso sit statuendum, videbimus. Titia a Cajo extra matrimonii copulam imprægnata, peperit filium, nemine præter Mæviam puerperæ matrem præsentem, hæc solitariam se videns, ignominiamque Filii graviter metuens, impium cepit consilium, contractoque pugno recenter nati pueri caput ea, animo occidendi, vehementia, invita tamen filia Titia, concussit, ut infans exinde mortuus continuo & per se, puta Mæviam, in flumen abjectus fuerit. Quæritur, num ordinaria mortis pœna in Mæviam locum habeat? & videtur quod non; quia de corpore delicti nondum constat, cum nullus hæcenus infantem aut vivum aut mortuum viderit. Verum cum hæc Regula Juris non procedat in Delictis, quæ occulte perpetrantur, quale est infanticidium, præfata Facultas Juridica ultore ferro in Mæviam infanticidam surgere non dubitavit. An vero Ventres sponsaliorum tempore concepti, sed postea sponsalibus jam per mortem patris ante copulam sacerdotalem diremtis, editi, legitimi sint hæredes? quæritur, & affirmatur, quia Proclamatio publica pariter ac Copulatio sacerdotalis non nisi sunt piæ ceremoniæ, neque ad essentiam Matrimonii quicquam conferunt; modo non voluntas coeuntium sed casus fatalis illis obstiterit. Quo supposito, sequitur, quod liberi quoque naturales sive ex concubina nati per sponsalia subsequuta legitimentur. Secundo quæritur: an Minor Curatorem habens absque Curatoris sui consensu obligetur? Id quod regulariter negatur ob l. 3 C. d. in integr. restit. Nisi in certis quibusdam casibus de quibus l. 101 ff. d. V. O. forte intelligenda, sic enim (1) Minor absque curatore obligatur in contrahendis nuptiis l. 8 C. d. nupt. (2) si dolose contraxit l. 9 §. 2 ff. d. minor. (3) respectu tertii, quatenus tertius aliquis pro tali obligatione fidejussit, aut pignus constituit, §. 3. l. quibus mod. toll. obl. l. 27 ff. d. V. O. l. 25. §. 1 ff. quando dies leg. (4) quoties conditionem suam meliorem reddidit a. pr. J. d. aut. tutor. Tertio quæritur: num Matrimonii vinculum, si quod est, solvere possit Maritus, qui nove nuptam uxorem suam ex alio ventrem gerere apprehendit? quod affirmatur, non quidem exinde

P. VI. p. 257.

P. IX. p. 310.

346.

339.

374.

de, ac si error circa Virginitatem concernat essentialia Matrimonii, alias enim nunquam cum vidua neque cum meretrice justum esse posset matrimonium, quod absurdum. Sed quia ipso Jure Divino solutio Matrimonii ob fornicationem licita est Deut. XXII, 20, & quia error isle non tam circa virginitatem quam potius castitatem commissus, utique substantiam Matrimonii concernit, omnemque consensum matrimonialem excludit; denique fœmina tale vitium dissimulans versatur in dolo dante causam contractui, qui proinde merito rescinditur. Habet igitur & dicta decisio locum, quoties fœmina non imprægnata sed tantum devirginata, modo non vi compressa fuerit. De Abactione quæritur, utrum homicidium committatur, etiam si partus sit inanimatus? quod de Jure Civili certum videtur, licet de Jure Canonico atque Carolino potius negandum sit.

p. 388.

P. XI p. 408.

44.
79.

89.

90.

Sequuntur duæ de Cornibus & Cornutis Orationes, quarum prima A. 1707, secunda 1709, utraque Groningæ mense Octobri habita; qui mensis in terris illis foro boario est inclytissimus, ut adeo difficile non sit conjicere, quid Autorem in tempore cornibus abundante de cornibus dicere commoverit. Cornua dicit apud Veteres signa fuisse & ubertatis & autoritatis, id quod multis exemplis ex antiquitate desumptis illustrat. Id postea imitatos esse potentissimos Principes, aliasque familias illustres, quorum insignia non tantum cornua naturalia cornutasque naturales bestias referunt, sed & his illisve galeas & cassides exornant. Posterioribus vero seculis cornua in sensu morali denotasse uxorum lasciviam: quo tamen tempore id ceperit non adeo liquet, certe ad sensum modernum nullibi Cornutorum appellatio apud Romanos Scriptores occurrit. Cornuti itaque morales Autori nostro commode in tres classes referuntur, vel enim sunt 1 Legales, vel 2 Voluntarii, vel 3 non Voluntarii. Ad primam classem pertinere dixeris illos, qui lege volente tales esse coguntur; sic famosissima habetur constitutio Eveni III Scotorum Regis, qua cavit, ut Rex ante nuptias virginum nobilium, nobiles plebejarum prælibarent pudicitiam, a Milcolumbo III longo post tempore abrogata. Imo in India integra imperia atque regna esse perhibentur, ubi nefas putatur,

putatur, uxorem ducere, quæ non a sacerdote antea fuerit devir-
ginata, sacerdotibus insuper pro opera honorarium percipienti-
bus. Secundum Cornutorum genus constituunt Voluntarii; P. XI. p. 92.
quo referas Lenones; Tartaros quoque provinciam Camul in-
colentes, qui, ut peregrinos vel invitos domo excipiant, ipsi do-
mo cedunt, ante hospitis discessum non reversuri. Adeo sibi
honori ducunt uxores prostitui & ex peregrinorum concubitu
regionem populosam reddi. Denique Cornutorum non Vo-
luntariorum magna ubique deprehenditur copia; inter hos no-
minare fas est Davidem a filio Absalomo cucurbitatum, 2 Sam.
XVI, 22, nec minori jure Jacobum Patriarcham, cujus filius Ru-
ben cum Bilha Patris concubina rem habuisse legitur Gen.
XXXV, 12. Inter Imperatores Romanos agmen ducit Impera-
tor Claudius, de cujus uxoris Messalinæ adulteriis Tacitus alii-
que passim testantur. Item Tiberius Augustus; duxerat ille Ju-
liam Augusti filiam, quæ eo lasciviæ progressa, ut in ipso foro &
rostris nocturnas compotationes ageret & nihil quod facere aut
pati turpiter posset, omitteret. Sequitur Antoninus Philosophus,
cui uxor erat Faustina, quæ dubium reliquit, an forma ceteras
feminas an libidine vinceret. Ex recentioribus in hunc censum
venit Henricus VI Imp. Friderici II Pater, cujus uxor Constan-
tia cum Jordulano, Siciliæ quodam Comite, furtivos concubitus
sociasse dicitur. Cornutum similiter fecit Ottonem III Impe-
ratorem Maria conjux, quæ muliebri habitu indutum Juvenem
circumducebat, quocum quotidie congregiebatur, eodem pro
cubicularia palam utens. Sic David Ritzius Musicus Henricum
Scotiæ Regem cucurbitavit; & Smetonus quidam per Annam
Bolenam Henricum VIII Angliæ Regem cornibus mactavit.
Porro Fridericum Palatinum Saxonicum, cui præstantissi-
mæ formæ Adelheida conjux, Ludovicus Thuringiæ Land-
gravius cucurbitavit, imo tandem in venatione occidit. Me-
morabilia sunt cornua Chilperici I Francorum Regis, cujus
uxor Fredegunda subseffore utebatur Landrio. Cum enim
Rex, aliquando a venatione citius reversus, conjugemque ante
speculum se comentem deprehendens, virgula, quam forte ma-
nu tenebat, leviter & joco lufitans a tergo eam percuteret; Fre-
degunda,

96.

122.

103.

108.

114.

93.

105.

106.

113.

119.

121.

degunda, existimans Landrium esse gratissimum hujus verberis autorem: *Putabam, inquit, Landri, bonum equitem non retro sed ante ferire.*

p. 150.

151.

166.

Qua occasione quaeritur: Quid de concubitu Diaboli cum feminis sit statuendum, & num ille quoque cornuum artifex esse possit? Quod a multis sapientioribus creditur, neque ipse adeo Lutherus aliter sensisse videtur. Certo spectra dari, inter Theologos etiam Reformationum sacris addictos multi sentiunt, & Augustinus, Lutherus & tot alii credunt. Sane de Luthero narrant, ei ad secretum negotium aliquando eunti spectrum vespertino aut nocturno tempore se obtulisse, cui dixisse ferunt Lutherum: *Da du Berenhäuter halt mir die Kerze.* Candelamque ita usque dum Lutherus negotium suum absolvisset, a spectro manu detentam fuisse.

*JOH. ADAMI GENSELII, PHIL. & MED D.
S. Caesareae Majest. Academiae Nat. Curios. Collegae, Lib.
Reg. Civitatis Sempronienfis Physici Ordinarii, Obser-
vatio Medico-Physiologica curiosa, de
Conceptione in Somno.*

PUella 20 annorum, mercatoris Sopronienfis ancilla, ipsa inscia ac non animadvertente, nihilque penitus sentiente, concepit & imprægnata fuit; coram judicio constituta & examinata falsa est ad conscientiam, ac antequam obiisset in agone jamjam constituta idem confirmavit, quod scienter cum nullo concubuerit viro; sed quod sodalis praedicti mercatoris poculum vini semel illi porrexerit, quo exhausto, somno profundo, non sine suspitione narcotici cujusdam propinati (a qua tamen juramento sodalis se liberavit) obruta, crediditque, se in illo, quamvis sine sensibilitate, imprægnatam fuisse. Magistratus super hoc judicium meum expetiit, utrum foemina in somno, ipsa non animadvertente, concipere possit? affirmative respondi, cum alia quoque similia prostant exempla, (vide Zeileri Rossett. p. 345, Montan. L. 2 C. 9) datis enim omnibus requisitis ad conceptionem necessariis, non potest non eadem subsequi, licet praeter voluntatem, sive citra appetitum naturalem coitus

con-

contingat; illud in plurimis puellis toto quasi observatur die, quæ contra voluntatem suam & intentionem, ipsis quasi invitis, imprægnantur, hoc vero in certis mulierculis temperamenti phlegmatici (quales ipsemet novi) cernitur, quæ absque minima delectatione, voluptatisque ac titillationis sensu, atque sic sine appetitu concumbentes, tamen concipiunt, quod etiam firmant Rodericus a Castro Lib. 2 de nat. mul. C. 1 & Platerus Lib. 1 observ. p. 261 multique alii. Non video itaque cur non etiam in somno fœminæ concipere possint, facta efficaci sufficiente ovulorum per spiritus seu contagium seu fermentum seminale fœcundatione. Quæ enim Averroes 2 Collig. C. 10, Amatus Lusitanus & Fabr. ab Aquapend. Lib. 1 de chir. oper. p. 93 referunt, posse fœminam absque coitu propter vim uteri attractricem, semine maris ante genitale arvum vel in balneo tantum emisso, concipere, merito pro fabulis anilibus & imposturis habentur: nam licet semen ad fœtus generationem non καὶ ὄγκον sed καὶ ὑπερτασιν concurrat, quod experimentis Charleton, Regn. de Graaf, imprimis vero Guilielmi Harvei innotuit, qui, dissectionibus cervarum & damarum, tum ante finitum earundem coeundi terminum, tum etiam postea institutis, in uteri cavitate aut ejus cornibus, tubis fœminarum analogis, nunquam seminis aut sanguinis vestigium reperierunt propter nimiam distantiam, nihilominus tamen ovulorum requiritur irroratio: vel si quis cum Veteribus mixtionem seminis fœminæ (quo tamen consensu plurimorum carent) cum maris statuat, sciat fœminas quoque pollutionibus infestari nocturnis, & sic etiam juxta hanc hypothesin, conceptionem in somno, facta solummodo carnali copula, fieri posse. Possibilitatem porro hujus conceptionis exempla quorundam malefactorum comprobant, qui ligna, candelas, aliaque absurda, meretricularum vino somnoque sepultarum pudendis sine minima sensatione intruserunt, quare non etiam mentulam potuissent? quando profundius imprimis immerfi delitescunt ac sopiuntur spiritus. Veritati denique hujus casus suffragatur historia Lothi, vino somnoque sepulti, nec scientis, nec sentientis actum concubitus filiarum suarum, prout Vulgata Genes. XIX, 33 & 35 notanter reddidit,

id quod verbum *ἔσθι* innuit, adhiberi alias solitum de illis qui nesciunt, sciunt ac sentiunt, sicuti linguam Hebraicam callentibus constat, verum Lothi ceu agens & operans, nec scivit, nec novit, nec sensit actum illum, quare igitur non etiam in patiente & recipiente simile contingere posset? Ut taceam vino purpuratos, illoque deimentatos, homicidia inscieniter committentes, fustibus bene oneratos vel graviter vulneratos, nihil plane per aliquod horas propter spiritus baccho somnoque oppressos, scientes & sentientes. Cum vero Medicus quidam, tanquam pro aris & focis pugnans, possibilitatem hujus imprægnationis negasset, expetii Germaniæ nostræ Hippocratis Wedelii duntaxat desuper judicium, cui tunc ratione uxoricidii Sopronii inhumane patrati scripseram, qui mihi sequentem in modum respondit:

S. T.

Simul literas gratissimas tuas accepi, exhibui inclusas Facultati nostræ Medicæ, cujus responsum hisce meis junxi cum gratiarum actione & salutatione humanissima ejusdem nomine nunciata &c. Quod alterum postulatum attinet: an Virgo alto somno sepulta deslorari & imprægnari insensibiliter possit? itidem affirmandum est merito, si scilicet somnus sit profundior, vel secundum naturam, ut primus esse solet, & in aliis magis profundus, vel non naturalis a laboribus, fatigatione, potu largiori, imprimis prægressis vigiliis, seu immisionem perfectam & completam, seu irradiationem solum seminalem, ut recentiores quidam volunt, statuamus: videri de hoc potest Zittmannus in Medicina forensi, Cent. V Cas. 21 p. 1156 & Centur. VI Cas. 77 p. 1642, ibique laudati. Servet Te Deus. Dabam raptim Jenæ M DCC XII D. XXV Aug.

ΛΟΙΜΟΛΟΓΙΑ,

i. e.

HISTORIA CONSTITUTIONIS PESTILENTIS, Annis 1708, 1709, 1710, 1711, 1712 & 1713, per Thraciam, Sarmatiam, Poloniam, Silesiam, Daciam, Sueciam, Saxoniam Inf. Austriam, variaque loca S. R. I. grassatæ; per

I. I. W

*I. I. W. de PENNA, Lib. Bar. de BEINTEMA, S. C. M.
Pers. Med. & Consil. us & Regn. Hung. Provinciarumque
ei annex. Parm. Archiatr. Protomed. & Consil.*

Sanit. Præsidem perpetuum.

Viennæ, typis Joannis van Chelæ, Sac. Cæs. Maj.

Aulæ Typographi, 14, 8.

Plag. 21.

IN ortum & progressum constitutionis hujus pestilentis ubi in-
quitit Vir Clariss. ex literis ab amicis sibi communicatis quæ-
dam recenset, quæ inter notandum, quod in civitate Cibirii
plusquam tertiam defunctorum partem infantes confecerint,
variolis necati. Has enim variolas comitabantur plurima in-
solita symptomata, confluentiæ scilicet petechiarum nigerri-
marum, purpurearum, & cæruleo-lividatum, inter quas ni-
græ neminem, ultimæ & confluentes variolæ aliquos supersites
esse fuerunt passæ, sed labe diuturna tussis siccæ, artuum im-
becillitatis, cæcitatis, & aphoniæ vexatos; paucis integrè con-
valescentibus. Progressus desiccationis variolosæ cadaveroso
& omnibus perquam molesto fœtore cubicula, vestes, adeo-
que totam domum implebant, unde domestici & parentes
ophthalmias, tubercula inflammatoria in facie mammisque do-
lorifica & lente sanabilia contraxerunt. Sic carbunculorum
speciem, quam caudatam vocat, commemorat, qui radium
fulminalem 12 digit. longum, & 2 latum extendebant, ast fu-
nesto semper cum eventu. De contagio Viennensi ubi loquitur
Nosler, hoc cum pestilentia, quæ anno 1679 ibidem grassata
est, nullo modo esse æquiparandum existimat. In priori enim
singulis magis atrocibus mensibus plures 15000 occubuerunt,
quantvis Aula Cæsarea & plurimæ Magnatum Nobiliumque
familie sese hinc in alias regiones receperint; in ultima vero
etiam si Aula Cæsarea ibidem commorata fuerit triplex, nihi-
lomitus major mortuorum numerus 300 vel quadringentesi-
mum vix superavit. Et quantvis anthraces, bubones ac pete-
chiae nigrae in eadem fuerint observatæ, attamen hæc pestilenti-
a pro universali atque ita pro peste reputanda non venit, quæ

p. 15.

19.

31.

- eam qualitatem sibi propriam habet, qua ejus aprocrisis mor-
bosa, malignitas, ac deleterium cum contagio summum acqui-
sivit vigorem. Quæ profecto huic grassanti morbo, saltem
in civitate & suburbiis, omnino defuerunt; cum tota civitas nul-
lam dimidiam plateam infectam habuerit, & tota quanta urbis
infectio ad aliquot domos solum sese extenderit. Est ergo hæc ip-
sa pestilentia pro morbo potius simpliciter epidemico & præcise
sporadico, disseminato, singulos separatim adoriente, & non
ab aeris solius, sed & præcise victus vitio secundum singulo-
rum & uniuscujusque qualitatem particularem ac propriam
proveniente agnoscenda. Unicam enim causam pestilentiz,
quovis modo consideratz, internam statuit Noster, qua inte-
ger œconomiz animalis status a sua temporie & crasi desciscit;
quæ agens immediata causa inter venenosas omnino est recen-
senda; siquidem observatum fuit, sanguinem interfectorum
non aliter ad volantibus muscis deleterium extitisse, quam infu-
sionis sorbitionem cobaltinz. Quod autem in aere venenum
fluctuet, quod hominibus quocunque modo communicatum
mortem afferat, non credit. Cum enim bubo & anthrax, tan-
quam signa pathognomonica pestilentiz, etiam absque constitu-
tione pestilenti observentur, & iisdem remediis curentur, frustra
venenum in aere fluctuans effingitur. Ut taceamus, sympto-
matum diversitatem in hominibus eodem aere fruentibus idem
confirmare. Ipsa potius materia veneni seu deleterii etiam per-
nitiosissimi a sanguine, humoribusque ab eo scaturientibus, pro-
dit & originem suam trahit. Quale autem pestilentiz deleteri-
um peculiare existat, id non præcise de singulis determinari po-
test, sed dignosci debet ab ægri & magnitudinis morbi statu pro-
prio. Hoc equidem animadvertit Autor, quod hæc ipsa epi-
demia, sicut forte quælibet alia, biliosis magis fuerit exitiola,
tunc nimirum, cum bilis abundantior & acrior ad extraordina-
riam pnevmatosin inclinet, & solitum suum æquilibrium ac de-
bitam segregationem in corporibus cacochymicis amiserit. Ne-
gandum tamen non est, hanc bilem tractu temporis & continu-
atione alimenti clam venenosi, qualitatem quoque peculiari-
ter venenosam potuisse obtinere. Ad hæc Astrologorum sen-
tentiz

tentias de causis pestis tanquam fabulosas explodit. Aer quidem agens & productivum instrumentum propagandæ pestilentiz haberi potest, alii non sine materia objecti cooperantis, nempe corporis ejusmodi qualitate donati, ut sui humores certa ratione & quantitate heterogenei aeris causa & medio ad vitiosum & deleterium orgasmum adigantur, & a contubernio suo multimoda fermentationis ope fufciant. Hisce atmosphæræ mutationibus secundum densum & rarum, etiam aliz plures adjungendæ sunt ab æstu, frigore, sicco & humido, aut defectu harmoniz partium nitrosarum, hisque immutatis ac denique aliis plurimis qualitatibus vitiosis ac deleteriis; utpote dum effluvia venenosa & putrefactionis cadaverosæ vel etiam peste infectorum aeris quendam tractum univérse queant coinquinare. Inter reliquas res, quæ non naturales vocantur, circa cibum notatur, prætermiram ejus varietatem potuisse boum, epidemio hæctenus morbo laborantium, carnes comestas humoribus deleteriam aliquam qualitatem communicare. A metu vero vel terrore etiam gravissimo, in corpore, apocrifeos morbosæ experte, pestilentiam excitari posse, vehementer dubitat. Ut de prognosi nunc nihil dicamus, circa Curam monet Noster, ut Medicus ad singulares qualitates & temperamenta probe attendat. Diversimode enim erit procedendum, nunc sufflaminando & antipyretice agendo, nunc autem vigorem sanguini addendo, quibus natura motam qualitatem heterogeneam digerat, sequestret, atque convenienter extra corpus eliminat; vel ad glandulas locaque suscipiendis ichoribus apta, formatione abscessus amandet. Inter evacuantia, quæ tamen raro locum obtinent, ad venæsectionem tunc properandum existimat, cum ceteris æque ac sanguine humoribus in vigore constitutis prægrandem ebullitionem habeamus finendam, qua naturæ ordo nimium gravatus aut turbatus ad internecinum exitum usque invertatur, & alia artis adminicula pharmaceutica eum salutarem eventum non videantur promittere. Emetica non rejicit, imprimis quando magnitudini morbi concoctio impar existit; alarum imprimis post vitiorum eundem ad scopum commendat, quoniam vomitus & pur-

P. 86.

12.

92.

95.

139.

174.

178.

186.

pag. 196.

197.

200.

204.

207.

purgatio ab eodem sine læsione fermentorum gastricorum efficiuntur, & hoc remedium peculiari pollet virtute alexipharmaca, qua venenatam substantiam seu formatam seu formandam potentibus sudoribus affatim & aliquando una vice ita corrigat, eliminatque, ut alia prorsus medicatione non videamur opus habere. Ob concurrentes circumstantias quandoque ad purgantia descendendum, quæ ex ea causa videntur necessaria, ut *ἰχθὺς ἄγριος* seu humor leucophlegmaticus saniosus aut alius quilibet heterogeneus crassioris substantiæ, quam qui convenienter transpirationi insensibili aut concoctioni materiæ abscessus obediat per oram hiantia cum nervorum, tum vasorum musculosorum glandulosorumque intro spectantia facile ac debite versus interiora revocetur, & juxta intestina amandetur. Talia vero sunt feligenda, quibus & viscerum fermentorumque gastricorum tenor potissimum conservetur, atque hypercatharsis cum suis fluxibus dysentericis, aliisque symptomatibus præcaveatur; cacochymia etiam huic vel illi tollendæ secundum peculiarem ipsius temperamenti qualitatem prospiciatur. Hic tamen non semper contenti esse possumus unius atque alterius purgantis exhibitione, sed nonnunquam utilissime ad plures transeundum, cum alias periculosissimæ turgescentiæ universalis incendii occasionem afferat. Attamen semper in promptu erunt alia corroborantia & sufflaminantia, quibus efficiamus, ut eo citius ataxia illa ab omni purgante produci solita possit superari. In bubonibus, si præ benigna materiæ constitutione aptaque facilitate corporis natura per suam idiodynamiam in tumorem assurgat, eumque ad maturitatem purulentam dextre promoveat, non utique multa remediorum supellectile opus habebimus, sed totam curationem ei ipsi aliquando secure poterimus relinquere. Sed si ob cacochymia viscositatem supurationis operi natura impar sit, enitendum erit, ut defectum naturæ ipsius quam impigerrime propriis ac convenientissimis auxiliis omnimode compensemus. Remedia talia sint, quæ qualitatis nimis calidæ aut adstrictivæ expertia observantur, quæque potissimum digestiva pro formando pure solent gaudere. Horum tumorum maturitate laudabili obtenta, ad incisionem

tionem pergere præstat, quam tam diu expectare, donec natura aperturam fecerit; hinc segregata demum eschara, tumor, ubi subsederit, consolidandus venit, quod ipsum tamen negotium maturandum non est. Carbunculos aliquoties animadvertit Experientiss. Autor in pueris & adultioribus, qui obambulantibus & extra decubitus sine sequela alicujus sinistri symptomatis fuere curati. Inter quos unus in mammilla dextra ast levissimo gradu; alter autem cum fovea mortiferæ carnis ac separatione in collo extuberaverat. Venæsectionem, quam Galenus præcipit, ad animi deliquium, item scarificationes, gallinas avesque vivas deplumatas & parti affectæ impositas nihil æstimat, quin potius cum mali hujus natura inducias non patitur, illico tam intra quam extra ad medicationes properandum jubet. Illa ad curam in genere spectant, hæc eo respiciunt, ut facta apertione & remotione moris ambustæ carbonem ipsum studeamus extinguere, & ejus progressum perniciosum prorsus impedire ac abscindere. Hinc omnia ea conducunt, quæ gangrenam alias solent extirpare. Præ reliquis Emplastrum magneticum arsenicale, Unguentum Ægyptiacum cum alumine isto commendatur. Necesse interim est, ut medicamentum sæpius, e. g. omni bihorio applicetur. Cauteria actualia non essent improbanda, modo eorum applicationi Chirurghi melius assuescerent. Circa petechias observavit, cum corpus calidioribus, theriaca, mithridatio, orvietano, Elect. de ovo, aliisque igneæ naturæ remediis in criseos suæ formatione interturbatum fuerit, ad hæc degenera symptomata ægros fuisse adactos, quorum materia, si natura in suo cursu hand gravata vel ad supremum effervescentiæ punctum fuisset incitata, procul dubio vel lenta digestionem vel separationem abscessus alicujus ad felicem judicationem pervenisset. Pro quarum medela quanquam quidam calidis remediis vigorem recentem corpori inducere studuerint, ut ulterius malignitas versus circumferentiam tandem foras protrudatur; minus tamen felici cum successu semper hoc factum meminit. Tutius ad mera cardiaca temperatiora & ipsa sufflaminantia refugit, in quantum naturali effervescentiæ prospici expediat. Sanguine jam effæcto & ad punctum effervescentiæ

p. 116.

217.

218.

225.

R

vel

- vel ultra deflagrato, præter dictam methodum ad subacida est confugiendum, quorum qualitas proportionem videtur habere cum aciditate nostri fermenti, cum purgantibus miscenda, & quidem fortioribus, sed in minima dosi, non ut purgent, sed humores ad effervescentiam disponant; qua methodo sæpius miraculi iustar agonizantes ad respirationem liberiores & integram sanitatem vidit reverti. Si in principio, materia turgescente, nausea, vomitu, diarrhœa, & dysenteria vexetur æger, merito illa per emetica, hæc per purgantia sedantur. Sin malignitas in villis ventriculi hærens neque liberam transcolationem nacta mortificationem molitur, temperata remedia sunt adhibenda, quæ simul stomacho profint, & materię abstergendæ medeantur, nec toti substantiæ ac temperamento obsint; in quo casu ambra grysea non est negligenda. Sin copia bilis malignitate deleteria præditæ hæc Symptomata excitet, abstergentia & consolidantia proderunt. Si materia morbifica venenosa ad palpitationem cordis, animi deliquia & sudores syncopticos ægros disponat, ea methodo utendum est, qua alexipharmacorum auxiliis alia venena nota infringimus, ipsique cordi adeoque naturæ viribus universaliter solemus opitulari. Quæ rursus ea cum præcautione in usum trahenda sunt, ut hinc temperata omnino & sufflaminantia, illinc quandoque confortativa generosiora adhibeantur. In symptomatibus soporosis bilis valde narcotiæ qualitatis omnem spirituum & humorum fermentationem intestinamque effervescentiam sistere ac extinguere videtur; quare in id enitendum, ut sanguini humoribusque fermentationis modum reddamus, ipsique foco vitæ accendendo stimulum addamus. Hinc vesicantia, frontalia, epicarpia, subpedanea, foci, frictiones, inunctiones, sternutatoria, enemata fortiora & cauteria actualia conducunt. Acrida hinc adhibenda sunt, eaque acida, qualia in aceto simplici & medicatis, destillatisque resident, vel simplicia naturaliter acrida, non autem ex salibus parata. Sin hæc effectu suo frustrentur, superius allegata emetica in usum vocanda sunt. Ut alia Symptomata, quæ in peste occurrere solent, ut & Autoris circa præservationem & amuletamententiam nunc prætereamus, hoc solummodo addimus,

mus, quod aliqua temperamenta dari quidam existiment, quæ pesti recipiendæ minus proclivia & eidem resistendo magis sufficientia sint. Cui tamen opinioni non subscribit Noster. Cum enim frons, oculi, vultus, sæpe mentiantur, aliudque repræsentent, quam quod a qualitatibus, intrinsecus consideratis, debebat judicari; ita melancholicos, podagricos & hypochondriacos, alias in morbum pestilentem non adeo propensos, internæ dispositionis ergo, pestilitati non dissimilis, in eandem videmus incidere. Unde ad alia concurrentia & ad præteritæ vitæ regimen prudenter attendendum erit, si ab externis majorem vel minorem proclivitatem velimus præcognoscere. Alia est conditio fomiculorum, cum saniosa illuvies per aliqua spiracula a natura affatim amandetur, ut vel inde solum ejusmodi purgaminum effecta certo pro præservativis possint considerari, quousque in statu secretionis sufficientis perseveraverint.

p. 324

ASTRONOMIA CAROLINA: A NEW THEORY
of the Cœlestial motion &c.

h. e.

NOVA THEORIA MOTUUM COELESTIUM,
secundum optimas observationes & rationi maxime consentanea fundamenta Artis composita, cum exactis & facillimis ad hanc Tabulis & præceptis pro calculo Eclipsium &c. Autore THOMA STREETE.

Londini apud R. Smith & I. Woodwardum, 1710, 4.

Alph. 2 plag. 3.

Prima operis editio Londini 1661 prodiit, & Astronomorum primariorum applausum meruit. Continetur in eo pars Astronomiæ theórica succincte quidem, ast solide pertractata. Singula problemata exemplis veris illustrantur, quibus tabularum fundamenta nituntur. Tabulis *Streetianis* multum tribuit ipse *Flamstedius*: unde & suis Prælectionibus Astronomicis easdem subjunxit Cel. *Whistonus*. Anno 1705 hanc motuum theoriam in Latinam linguam translulit Cl. *Doppelmaye-*

R 2

rus,

rus, apud Norimbergenses Mathematicum Professor, ut nostris etiam aliisque idiomatici Anglici ignavis innotesceret. Autor equidem tentavit quandam suarum Tabularum emendationem; cum tamen ante diem mortuus parum perfecerit, in secunda editione nihil fuit immutatum, nisi quod sphalmata, quæ vel typothetarum, vel scribentis manu irreperant, fuerint sublata. Ipse nimirum celeberrimus *Hallej* id sibi operam dedit, ut maximam Tabularum partem revideret. Accessere editioni novæ versus memoriales Anglici Autoris de computo Ecclesiastico & (quod palmarium judicari debet) ipsæ observationes Lunæ ac Planetarum *Hallejana* A. 1643 & 1684, prope Lonclinum sextante sexpedali institutæ, ad Tabularum fidem comprobandam & Lunæ præsertim theoriam a posteriori investigandam in gratiam longitudinis maris, cujus inventio a perfectâ Lunæ theoria pendet, sicut jam olim ostendit *Morinus*. Inter observationes rarissimas refert, quod ♀ in Conjunctione retrogradæ d. 7 Jun. 1684 distantiam a Sole hor. 6 $\frac{3}{4}$ 0 observaverit 4 $\frac{5}{8}$ 1 $\frac{8}{8}$ 4 $\frac{0}{8}$ & h. 8 4 $\frac{7}{8}$ a Corde Leonis 13 1 $\frac{1}{2}$ 2 $\frac{0}{8}$ atque ♀ in aphelio suo distantiam a Corde Leonis d. 9 Jun. h. 8 4 $\frac{6}{8}$ 3 $\frac{3}{8}$ 2 $\frac{2}{8}$ 3 $\frac{0}{8}$, d. 10 Jun. h. 8 4 $\frac{0}{8}$ 3 $\frac{2}{8}$ 5 $\frac{7}{8}$ 3 $\frac{0}{8}$, d. 11 Jun. h. 8 4 $\frac{1}{8}$ 3 $\frac{2}{8}$ 3 $\frac{7}{8}$, d. 12 Jun. hor. 8 3 $\frac{2}{8}$ 3 $\frac{2}{8}$ 2 $\frac{1}{8}$, d. 13 Jun. h. 8 3 $\frac{9}{8}$ 3 $\frac{2}{8}$ 9 2 $\frac{0}{8}$.

IOANNIS FABRICII, S. THEOL. D. ET PROF,
emeriti, *Consideratio controversiarum, quæ Evangelicos inter & Romano-Catholicos, Reformatosque agitantur.*
Editio secunda, auctior & emendatior.

Stendaliæ & Gardelegiæ, apud Ernest. Henr. Campe, 1715, 4.

Alph. 1 plag. 17.

Cum priorem hujus libri editionem anno 1704, quo sub titulo *Considerationis variarum controversiarum* prodierat, in Actis nostris pag. 446 & seqq. jam recensuerimus, in præsentem nihil aliud nobis agendum videtur, quam ut ex nova Præfatione commemoremus, quæ doctissimus Autor de altera hac editione indicanda putavit. Distractis enim primæ edi-

tonis

tionis exemplaribus opus & conveniens ei visum est adornare novam, ut eorum, qui librum sibi comparare cupiunt, voto ac desiderio fieret satis. Et nunc quidem, sic volente eo, cujus sumtibus liber recudendus erat, eas duntaxat controversias, quæ nobis cum Romano-Catholicis & Reformatis intercedunt, exhibet; attamen paratus est ad edendum, pari modo, hoc est, emendatas & auctas, ceteras etiam, quæ in priori exstant editione, dummodo Lectorum propensionem & desiderium cognoverit, Deusque vitam & vires concesserit, quibus & illa possint adjungi, quæ nos inter & Græcos disputantur. Multa hic sunt emendata, multa addita: & hæc quidem partim in calce paginarum posita, partim textui inserta. *Defensio Considerationis*, quæ primum in lucem seorsum exivit, subjuncta hic conspicitur, cum *Sylloge judiciorum ac testimoniorum*, quæ trium religionum Viri magni & eruditi, de instituto, fide, integritate, & candore Autoris tulerunt, nominaque illorum expressa sunt testimonium, qui vel publicis in scriptis ea professi sunt ipsi, vel ad plures interea abiere; quibusque invidia, odium & malitia mortali non potest amplius esse fraudi. Ubi in primis notandum monet illud testimonium, quod exstat pag. 298 num. 40, quod ipsi sit iustar clypei adversus accusationem dati a se de mutanda religione consilii: provocat enim ad conscientiam suam, atque ad Deum omniscium, *se nunquam a quoquam*, nisi semel ab homine quodam Romano-Catholico (eui tamen, quia religio libertissime est voluntatis, præeunte B. Luthero in T. IV Operum German. Jenens. p. 464, mutationem nec suavit, nec dissuavit, sed eum jussit utriusque Ecclesie dogmata & sacra probe considerare, ac deinde eligere, quod sibi e re videretur sua) in materia ad religionis mutationem spectante, *quasi qui suum vellet sequi judicium, consultum esse*. Nam quod attinet ad certum quoddam negotium, non tum actum esse de consilio mutationis capiendo, quippe quod jam firmiter erat initum; Celsissimæque manus autographa, & folia quædam superiori autoritate impressa, satis valide de sua testari integritate. Errasse igitur, qui contra illud arma tulerint, cum, si rem propius inspicere & cognoscere ipsis fuisset datum, visuri fassurique essent, a nemine

illorum, inter quos suavis fuit consensus & concentus, suam fuisse mutationem, ut faciendam, nec terminos prudentiæ, æquitatis & caritatis christianæ violatos, aut in Dei judicium, nullo modo injustum, ab humano tamen longe diversum, temerariam factam irruptionem. Ad se igitur non pertinere, si qui, rei imperiti, ipsum audeant facere consultorem, & faciem hujusmodi mutationis, cum nunquam pro tali ab ullo nostratum fuerit requisitus & agnitus. Denique Indicis meminit Autor, affirmans, cum licet breviculum ita esse digestum, ut omnia totius libri contenta, atque adeo etiam Christiani *Dreieri*, Hermannii *Conringii*, Joannis *Fabricii* parentis sui, & Jo. Conr. *Durrrii* inedita ante primam ipsius editionem judicia, facile in eo reperiri queant. Nos hoc tantum addimus, & nobis & aliis, uti credimus, gratum fore, si Autor propositum suum ceteras similiter edendi Controversias voluerit tenere & exsequi, atque ad hoc largam Dei gratiam eidem apprecamur.

JOHANNIS LEZNERI

Beschreibung des Stifts Königs-lutter x.

h. e.

10. LEZNERI BREVIS ET ANTEHAC IN-
edita descriptio Imperialis Cænobii Regio-Lothariensis, in
Ducatu Wölfebytano siti, cum Annotationibus necessariis,
quibus Lezneri & aliorum Scriptorum errores corriguntur:
Adjecta est HENRICI MEIBOMII Notitia
commendaturæ Suplingburgensis.

Wölfebyti, apud Godefridum Freytag, 1715, 8.

Plag. 4 $\frac{1}{2}$ cum figuris.

Quantum conferant ad historiam diligentiores singulorum locorum descriptiones, intelligunt ii, qui in historia cognoscenda atque explicanda cum cura versantur. Quare operæ pretium fecit doctissimus hujus Descriptionis Editor, quod eam non tantum e Lezneri Chronici Brunsvicensis, Luneburgensis & Göttingensis, hætenus inediti, Libro III protulit, verum etiam eruditis annotationibus illustravit. Et Leznerus quidem breviter

tra-

tradit: anno Christi 1110 monasterium Lothariense, pro virginibus, Brunsvigam inter & Helmstetum, condere cœpisse Bernhardum Haldeslebiensem Comitem, Ottonis filium. Postea A. C. 1135 Rixam, Lotharii Imperatoris conjugem, monasterium virginum in cœnobium monachorum Benedictinorum mutasse, atque Echbertum (Eberhardum) Abbatem Magdeburgo evocasse: porro Innocentium II P. R. & Lotharium Imp. Rudolphum item Episcopum Halberstadiensem, ut diœcesanum, fundationem confirmasse; atque ita templum S. S. Petro ac Paulo consecratum fuisse. Tandem Lotharium Imp. A. C. 1139 ultima Septembris mortuum, isthic conditum esse; atque inde loco nomen Regiæ Lutteræ factum, ut a Lutterana ad Barembergam præfectura videlicet distingueretur. A. C. 1140 Henricum Superbum, Lotharii generum, & sequenti anno Rixam, Lotharii conjugem, eodem loco sepultam esse. Hæc summa relationis Leznerianæ est. In annotationibus autem pag. 12 docetur, nomen cœnobio a Lutera, fluvio admodum limpido, *die Lautere*, fuisse inditum. Et pag. 44 seqq. refelluntur, qui fluvium e petra, *Duckstein* dicta, oriundum tradiderunt, ostenditurque, tophum istum, non ad fontes fl. sed propius ad cœnobium, item sub eodem cœnobio, sub urbe, & deinceps ad vicinum usque Rottorfium, quærendum esse. Fontes autem septem Lutteræ, ante Elmum silvam conspicui, nuper fornice tecti describuntur, in cujus facie hæc incisa leguntur:

SVB FEL. REGIM.
SERENISS. PRINCIPIS
ANTONII VLRICI
DVCIS. BR. AC. LVNEB.

M. H. F. C.

IO. FABRICIVS

ABBAS. R. L.

A. C. M DCC IIX.

EX FONTE BIBENS FONTEM CORONA.

Pag. 38. Bertoldus Kegel, Abbas, A. C. 1431 mortuus, quod partem silvæ ad cœnobium pertinentis extraneis donasset, corona li-

na lignea imagini ejus superposita notatus fuisse traditur, & monachi quotidie ita quæsti: *Lamentabiliter conquerimur Deo & patronis nostris, cunctisque Christi fidelibus, quod - - & - - dicti - - - violenter, dolose, & fraudulentè, monasterio nostro in - - 24 mansos agrorum, in animarum suarum, & omnium possidentium amicorum damnationem justam, abstraxerint.* Perinde alia Abbatum epitaphia inscriptionesque hinc inde conspicua fideliter referuntur in his annotationibus, uti & indiculus Abbatum, ab origine usque ad hunc diem, pag. 39 & 40. Pag. 20 in signe Abbatis Regio-Lothariensis clavis & gladius, ob Petrum & Paulum, templi patronos, indicatur; & p. 41 ab Adriano IV P. R. rogatu Henrici Leonis, ornatus episcopalis Abbati concessus legitur. Pag. 14 & seq. reprehenduntur, qui Lotharium Imp. autorem faciunt juris Justiniani publice docendi: Pandectas ab eo Amalfi in Neapolitano repertas & Pisanis donatas, e Diario eruditorum Italico (tom. IV p. 241) confirmatur. Pag. 25 & 27, Lotharium Imp. die 5 Decembris obiisse ostenditur contra Leznerum, & ex inscriptione, quæ A. 1620, aperto tumulo, tabulæ plumbeæ insculpta sese exhibuit, & in monasterio hodiernum asservatur:

LOTARIUS DI GRA
ROMANORVM IMPERATOR
AVGVSTVS REGNAVIT
ANNOS XII. MENSES III.

DIES XII.

OBIIT AVTEM III.
NONAS DECEMBRIS VIR IN
XPO FIDELISSIMVS VERAX
CONSTANS PACIFICVS
MILES IMPERTERRITVS
REDIENS AB APVLIA SAR
RACENIS OCCISIS ET
EIECTIS

In eodem tumulo tum pomum imperiale e plumbo conflatum, & gladius, item calix & patina argentea deaurata reperi-
ta fu-

ta fuerunt, iis formis, quas figuræ subjectæ demonstrant. A. 1708 monumentum hoc ex integro restauratum monstratur p. 33 & 34. Atque hæc ex ista descriptione atque annotationibus retulisse sufficiat. Notitiæ Meibomianæ adjecta est designatio quorundam Commendatorum Suplingburgensium, usque ad hodiernum Serenissimum LUDOVICUM RUDOLPHUM, Ducem Brunsv. & Lunib. Cujus fratri Serenissimo Duci AUGUSTO WILHELMO, Brunsvicensibus ac Lunenburgensibus hodie feliciter imperanti, demisse dicatus liber ipse est a Summe Rev. Jo. Fabricio, Abbate Regio-Lothariensi. Ceterum, si quid vota nostra valent, ut integrum Jo. Lezneri opus historicum, cujus jam fragmenta apud nostrum, & max. rev. Leuckfeldium habemus, in lucem quis tandem proferat, annotationibusque atque animadversionibus illustret, prouti illustriss. G. G. L. solet, magnopere optamus.

TRAITE DU BEAU.

h. e.

LIBER DE PULCHRO; AUTORE I. P. DE CROUSAZ, in Acad. Lausan. Philos. & Mathes. Prof.

Amstelodami, apud Franc. Honoratum, 1715, 8.

Plag. 20 cum una plagula figurarum plena.

JAM olim Philosophorum ingeniis non indigna visa fuit contemplatio *pulchri*, ac Socraticus ille Simon librum quoque singularem *de pulchro* scripserat, teste Diogene Laertio *lib. II n. 122*. Denuo & ab integro hoc argumentum aggreditur Cl. Croufazius, cujus Logica duobus abhinc annis edita insignem meruit applausum. Scilicet nihil est in ore hominum crebrius, quam vox *pulchri*: cujus tamen ideam in plerisque esse confusam, inde liquet, quod unus pulchrum dicit, quod alteri minus esse pulchrum videtur. Sunt, quibus *pulchrum* hunc definire placet in modum: *id, quod placet*. Enimvero sæpe alicui aliquid placet adeo, ut magno in id amore feratur, ut tamen idem fateatur, id pulchrum non esse: contra alius aliquid habet pro

Cap. I.

Cap. II.

pulchro, nec tamen id amat aut eo delectatur. Ceterum hinc manifestum est, *pulchritudinem* non pendere a libidine facultatis imaginativæ, sed esse reale quid. Disquirendum igitur suscipit Cl. Autor de vera *pulchri* idea. Age in compendium contrahamus uberius ab eo ediffertata. *Pulchri* idea generalis est duplex. Pulchrum enim dicitur (1) quod mihi placet, (2) quod me delectat. Hæc æquivocatio est prima dissensionum de pulchritudine alicujus rei causa. Facta proinde distinctione inter *ideas* & *sensationes*, docet Noster, interdum nos habere ideam alicujus rei, quæ idea grata sit menti, sed non oriri ab illa idea sensationem aliquam, adeoque rem illam nos non amare. Contra fit, ut aliqua res, cujus idea non sit pulchra, gratam excitet in nobis sensationem. Ergo duplex est pulchritudo, idealis & sensitiva. Interdum utraque est conjuncta: quando vero duæ hæ pulchritudines conjunctæ non sunt, tunc fit, ut eadem res placeat nobis & non placeat, pulchra videatur & non pulchra.

Cap. III.

Ut autem aliquid vere sit *pulchrum*, requiritur (1) *varietas*, (2) *uniformitas*, id est, variarum illarum rerum tendentiæ ad eundem scopum vel origo ex eodem principio. Ex varietatis cum uniformitate conjunctione nascuntur cetera requisita *pulchri*, nempe (3) *regularitas*, (4) *ordo*, (5) *proportio*. Hæ qualitates non sunt imaginariæ, sed reales. Non ergo arbitrium est judicium de pulchro, sed fundamentum omnino habet in objecto ipso. Hoc exemplis illustrari par est. Quare *Cap. IV.* afferuntur exempla pulchritudinis ædificiorum, pulchritudinis morum, pulchritudinis corporis humani. De hujus pulchritudine sæpe diversa sunt judicia. Noster tamen sperat, se certas ponere posse regulas, ad quas pulchritudo humanorum corporum sit exigenda. Supponit igitur, corpus humanum esse eo-fine factum, ut (1) vivat, (2) sanum sit, (3) quæ a mente imperantur, strenue exsequatur. Quicquid igitur huc facit, id ad perfectionem humani corporis pertinet, adeoque *pulchrum* haberi debet. Sic illi colores, qui indicant morbum vel pravum aliquem affectum, perfectioni hominis adversantur, adeoque pulchri haudquaquam sunt. Sic & macies & nimia crassities adversantur pulchritudini, quia hæc impedit agilitatem hominis, illa

illa speciem præbet hominis vel morbo vel morti proximi. Ita pulchra est statura, quæ corpus hominis aptissimum reddit ad suum fungendum officium. Contra deformis est caput grande corpori impositum parvo. Hunc in modum Noster etiam describit pulchritudinem faciei humanæ, item oculorum, & si qua alias in hominis corpore pulchra esse existimantur. *Cap. V* respondet ad objectiones, quæ adversus suam pulchri definitionem fieri possint. *Cap. VI* inquit causas, cur adeo diversa sint hominum de pulchro judicia, sive cur aliquid uni pulchrum videatur, alteri minus. *Cap. VII* disputat, quibus de causis pulchritudo tanto gaudeat nostros in sensus imperio. *Cap. VIII* differit de pulchritudine eruditionis expositis a se de pulchritudine principiis. Scilicet eruditio res est pulcherrima, quia in tanta rerum, quæ cognoscuntur, varietate omnia tamen evidenter ex iisdem ducuntur principiis, & ad eadem redeuntur. Contra deformis est illa eruditio, quando quis memoriam duntaxat replevit iis, quæ scripserunt alii, sine discrimine veri ac falsi: quanquam tales sæpe admirationi sunt simplicioribus. Speciatim quanta sit Physices pulchritudo, quantamque voluptatem capiat homo ex rerum a Deo creatarum contemplatione accuratiori, quamque multum hæc meditatio conferat ad hominis in hac vita felicitatem maximam, egregie edisserit ac luculenter; addita etiam descriptione pulchritudinis Historiæ. *Caput IX* est de pulchritudine Virtutis, quippe quæ hominem reddit perfectum ac felicem, imo quæ Deo similem reddit hominem, enti omnium pulcherrimo. E contrario vitia statum hominum reddunt deformem. Ad pulchritudinem virtutis etiam illud pertinet, quod tot virtutes ad unitatem reduci queunt exactissimè. Speciatim exprimit Cl. Autor docto penicillo pulchritudinem iustitiæ & magnanimitatis. *Cap. X* agit de pulchritudine Eloquentiæ. Primum agit de linguarum pulchritudine: ubi observat, linguam sequi mores, & e. g. in illis regionibus, ubi pronuntiatio est aspera, mores quoque hominum asperiores esse: ubi illa mollis, hos quoque teneriores. Etiam de varietate styli eleganter philosophatur, & aliquot veterum loca sub censuram vocat criticam. Maxime de stylo

oratorio ejusque ornamentis ita differit, ut planum faciat, quam accommodatæ sint figuræ tropique ad percellendos audientium animos, iisque, quod volueris, persuadendum. *Cap. XI*, quod postremum idemque longissimum est, in octo quippe sectiones divisum, pulchritudinem Musicæ ita contemplatur, ut ostendat, se & scientiæ naturalis & artis Musicæ intimam habere periti- am. Ad priorem quod attinet, de sonorum natura & ad aures nostras habitudine copiosissime disputat, & hac occasione multorum hic occurrentium phænomenorum causas natura- les exponit.

ΦΙΛΟΠΑΤΡΙΣ Η ΔΙΔΑΣΚΟΜΕΝΟΣ.

i. e.

PHILOPATRIS DIALOGUS LUCIANEUS.

*Disputationem, de illius ætate & Autore, præmisit, versio- nem ac notas adjesit M. JO. MATTHIAS
GESNERUS.*

Jenæ, apud Jo. Felic. Bielkium, 1715, 8.

Plag. 13.

Philopatris dialogus hætenus Lucianeis accensitus est, ita ta- men, ut non semel docti homines de ejus genuino Autore & vera ejusdem ætate dubitaverint, cum propter orationis a reli- quis Luciani diversitatem; tum propter rerum in eo pertracta- tarum, cum tempore ejusdem non nisi difficulter concilianda- rum, seriem. Duo igitur & hæc sibi plenius evolvenda consti- tuit doctissimus Gesnerus, in dissertatione, quam dialogi editio- ni præmisit; primum, quis fœtus hujus genuinus pater sit; & alterum, quo tempore eundem Autor ejus produxerit. Et quan- quam clarum satis esse ipsi videtur, non mereri nomen Luciani Philopatridem, reperti tamen ejusdem patroni sunt, qui non ita temere abjiciendum esse crediderunt, sed Luciano ipsi asservan- dum. Quibus iterum adversum sentiunt, qui Luciano antiquio- rem esse statuunt, & vel ad Neronis, vel Trajani tempora ele- vandum; eo inducti, quod Paulus Apostolus, tanquam super- fles, vel vix defunctus, introducatur in colloquio, & triumphus cele-

celebretur, qui cum Trajani Parthico apte congruat. Sed omnibus explosis aliorum rationibus, juniorem Trajano, imo ipso Luciano esse Philopatridis Autorem, ad Juliani ætatem rejiciendum, nova ratione doctissimus Autor asserit, quod antequam ipse suis rationibus stabiliat, in subvertendis aliorum placitis occupatus est. Et quidem, quod ad eos atinet, qui Luciano vindicant Dialogum, respondet ad id, quod constanter editi libri, & manu descripti, inter Luciani reliqua exhibeant, non sufficere, cum sæpe sic peccet scribarum imperitia, ut propter aliquam similitudinem, vel argumenti, vel styli, uni alicui tribuant, quod alterius esse non statim perspiciunt; & præter id, hoc non esse nihili faciendum, quod in editione Hagenoensi vetere discrete scriptum sit, dialogum hunc inter spuria Luciani referendum esse. Argumentum quidem ejusdem moribus conforme esse, non negat Gesnerus; sed vanitatem in tractatione elucentem cum Philosophi in judicando acumine vix consistere posse autumat. Dictionis etiam adesse paritatem largitur, sed talem, quæ non Autorem magis, quam frivolum imitatore, arguat. Victoriam illam Imperatoris Romani, quam Cleolaus in dialogo dilaudat, non eandem esse, quam Verus Marci fratris collega reportavit a Persis, docet, quod alii credunt, quoniam unius tantum victoris Imperatoris sit facta mentio, cum tamen Marcus & Verus, fratres augusti, omnia inter se fecerint communia. Imo si hæc cum horum Imperatorum rebus consistat, nihil ex ea colligi posse, nisi quod non repugnet, tunc scriptum esse Philopatridem, non vero quod necessario scribi debuerit. Hæ tandem calamitates publicæ, quas Aurelius & Iulius Capitolinus Antonini imperio tribuunt, tantum abest, ut certo evincant Lucienum esse Philopatridem, ut potius illarum commemoratio evidenter demonstret ab eo editum non esse, quoniam in illo ipso felicitatis publicæ luculenta extant præconia, ut illudere ob id gentilis Critias christianis Sophistis, qui mala augurasse introducti sunt, audeat. Qui antiquiorem Luciano dialogi concinnatorem arguunt, Pauli factam mentionem urgent, ut quem aliquis colloquentium noverit; ad quod excipit Autor, vasa id nequitia factum esse a gentili homine, ut, quod de sum-

mo gentium Apostolo audiendo perceperat, cuius doctori attribueret; si vero alicubi ejusdem vidit pictam imaginem, non ex eo colligendum esse, talem in templis Christianorum tunc fuisse suspensam, quæ quorundam, Romanæ Ecclesiæ superstitionis assertorum, est credulitas. Triumphum in dialogo descriptum ad Trajanum referunt, sed cum aliorum magis quam hujus a Parthis relata victoria convenire traditur, & Artemidori allegata autoritas contrarium confirmat, quod de Trajano sermo esse nequeat, cum ille somniorum hunc interpretem ætate antecedit. Cui argumento & illud accedit, quod tanta inter Philopatridem & reliqua Luciani sit similitudo, ut vel eundem autorem, vel studiosum imitorem prodat. Subversis his arietibus aliorum fundamentis, ad sua confirmanda Autor redit, ut probet, non esse Luciani Philopatridem, sed eodem juniorem, & ad Juliani seculum demittendum, quoniam majorem Christi Salvatoris sacrorum cognitionem præ se ferat, quam alibi in Luciano licet deprehendere, & quod orationis tam sit inconcinna structura, ut cum Luciani elegantia non possit consistere. Minorem vero ejus ætate autorem esse probatur, quia Constantinopoli editus esse videtur & quia voces *ἱεροῦ*, *πολυάκοι*, & *ζωγῆς* in dialogo adhibitæ, Luciani æqualibus vel plane ignotæ sint, vel eodem, quo heic sensu veniunt, non admissæ. Et sic demum Juliani Imperatoris ætati addicitur, quia ante illum, Christiano quidem tenente imperium, non licuisset auctori, quisquis sit, tam petulanter Christum profitentes irridere; quod Juliani victoria contra Persas concinatur; quod Christiani Juliano mala quævis prælagiverint; quod tunc status civitatis Romanæ felix fuerit; quod *ἱεροῦ* tunc fuerint cogniti, (de quibus plenius in notis actum,) quod virginum cædes tunc patratae sint; quod tunc Christiani Galilæi dicti sint, & quod eo tempore Lucianus Sophista inclaruerit, qui pro vero autore dialogi haberi possit. Quæ omnia ingeniose & docte Gesnerus conquirit & asseruit, ut facile in consensum Lectorem trahere queant. Hoc tamen dissimulare nolumus, vix a nobis impetrari posse, ut eripiaturs pars scriptorum auctori, quæ in libris, hæcenus a doctis criticis inspectis, inter reliqua ejus re-

perta

perta est; nec illa de scribarum temeraria ignorantia, & critici (fortean non satis periti) manu libro impresso addita conjectura satis videtur tuta esse. De dictionis forma argumentum plerumque est ambiguum, nec uni scriptori una semper in scribendo est felicitas, præcipue illis; ex quorum ordine Lucianus est; nec tanta forte elucet heic Christi mysteriorum cognitio, quæ in Lucianum cadere nequeat, quia nec insignis adeo, imo confusa est, & quam, postquam alios effinxit dialogos, augere potuit. De verbis aliene adhibitæ rationi non nimium debet tribuit, & vox *ἐξωτερῆς* ex instituto Christianorum de rerum communi usu ab acuto Samosatensi Sophista fingi tunc potuit; Constantinopoli vero scriptum esse hunc dialogum, ex adductis verbis vix firmiter concluditur. Reliqua minora sunt, & magis probant, non adversari, quo minus, Juliano imperii clavum tenente, Philopatris factus sit, quam quod ejus ætas cum in lucem ediderit. Interim nulla ratione contemnendum est diligentissimi Editoris studium, & annotationes ad Philopatridem ad eum recte intelligendum egregie faciunt, & Lucianum sedula trivisse manu earundem Autorein, satis superque declarant.

NOVA LITERARIA.

ERuditi Itali XVIII nobis Tomum Diarii sui typis expressum ededere, qui æque ac præcedentes præclara multa complectitur. Deprehenduntur in eo fusa elogia *Josephi Mariae Tomassii*, Cardinalis, quem annus MDCCXIII e vivis eripuit, & *Francisci Cionacci*, Nobilis Florentini: in quo posteriore conficiendo multum se Antonio Francisco Marmi, monumenta suggerenti, debere Viri docti profitentur; ceterum & prioris partem Tomo insequenti Diarii sui reservarunt. Atque de istis quidem alio loco (nam operæ id prætium est) plura afferemus, quo nunc Lectores remittere liceat. Ex libris, qui perconsentur, notatu cum primis dignæ sunt *Tabula Anatomica Cl. V. Bartholomei Eustachii*, quas e tenebris tandem vindicatas & SS. D. Clementis XI Pontif. Max. munificentia dono acceptas, Præfatione Notisque illustravit ac ipso sua Bibliotheca dedicationis die publici juris fecit Jo. Maria Lancisus, intimus Cubicularius, & Archiatrus Pontificius, Roma MDCCXIV, fol. Magnum earumque

Lancisii clarissimi, nobisque alibi laudati, nomen & nobis & posteris sit oportet, qui Bibliothecam, per quadraginta annos magna diligentia nec minoribus sumptibus collectam, & plus octo millibus librorum Medicorum, Chirurgicorum, Anatomicorum, Chymicorum, Botanicorum, Philolophicorum & Mathematicorum constantem, superiori anno una cum copiosa supellectile instrumentorum Anatomicorum, Physicorum, Astronomicorum, Opticorum, Mechanicorum & Geographicorum vivus ipse publicis usibus Romæ consecravit. Domicilium illa nata est in primario Xenodochio, quod vocant S Spiritus; suntque illi certi homines præfecti, qui redditus annuos capiunt duodecim millium scutorum, quos eam in rem concessit Cl. Lancisius, & parte eorum sibi servata, partem ornandæ augendæque magis ac magis bibliothecæ impendunt. Inter eos, qui eonatus optimos Viri utique in exemplum exteris nati provexerunt, primo nobis loco commemorandus Seren. Princeps Furstenbergius noster, quem una cum Potentiss. Galliæ Rege & M. Duce Hetruriæ, communibus literarum statoribus, rarissimos Lancisio donasse libros docemur. De libro vero, quem diximus, dicemus plura, quam primum ad nos pervenerit. Juxta hunc alium memorare nobis liceat, quem itidem percensent Viri docti, quique titulum præfert: *Galatina letterata, nella quale si rappresentano quarantaquattro Personaggi che anno illustrato colle lettere la loro Patria di S. Pietro in Galatina, dal P. Fr. Alessandro Tomaso Arcudi, de Predicatori, Autore dell' Anatomia degl' Ipocriti sotto nome anagrammatico di Candido Malasorte Ussaro. In Genoua 1709, 8.* Ex Observationibus, quæ in Tomo hoc exhibentur, locum suum jure ac merito tuentur, quæ Vir doctiss. Bernardinus Zendrini commentatus est, ut Jo. Alph. Borelli librum de motu animalium contra Cl. Parent, qui eum in Disquisitionum Physicarum & Mathematicarum Tom. II p. 632 confutare aggressus est, defenderet. Cetera, quæ in Novis Literariis annuntiantur, alia occasione commemorabimus.

ERRATA IN MENSE FEBR.

P. 59 lin. 33 orientales l. occidentales; p. 61 lin. 3 voculis l. Oculis; l. 18 explicando l. explicando; p. 63 lin. 19 expressum l. expressam.

ACTA ERUDITORUM,

publicata Lipsia

Calendis Aprilis Anno MDCC XV.

Lausitzische Merckwürdigkeiten/

h. e.

**HISTORIA LUSATICA, AUTORE SAMUE-
LE GROSSERO, Gymn. Gorlicensis Rectore, &
Societ. Scient. Borussicæ Socio.**

Lipsiæ & Budissinz, sumptibus Davidis Richteri, 1714, fol.

Alph. 8 pl. 13 cum fig. æneis.

Gratissimam uostris hominibus operam præstant, qui Germaniæ nostræ historiam luculentiorē nobis sistunt. Quum enim hætenus plurimi ad pertexendam historiam illam accesserint ne mediocri quidem rerum gestarum scientia aut subsidiis instructi, utique ab iis turbatas potius quam illustratas fuisse superiorum temporum historias deprehendimus. Quo majores gratias debemus Clarissimo Operis hujus, quod Lusatiæ res complectitur, Autori, qui nihil omnino intermisit, quo illud quam optime concinnaret.

Subsidia, quibus instructus ad opus hoc accessit, varia in Præfatione exponit, annales nimirum variorum manu scriptos, & dissertationes in diversis Academiis habitas, quæ omnia prolixè afferre non possumus. Præcipui inter MSptos Codices hætenus exstiterē Christoph. Manlii rerum Lusaticarum Commentarii, seculo XVI scripti, cum quibus Noster varios omnium seculorum scriptores diligenter contulit.

Integrum opus absolvitur Partibus quinque, quarum prima universam Lusatiæ historiam antiquam, mediam, & novam,

- pag. 1. complectitur. *Lusatia*, quæ lingua Slavica *terram aquosam & silvis abundantem* denotat, Slavorum quondam & Soraborum sedes fuit, qui si minus subditi Witikindi M. Saxonum Ducis, socii tamen armorum fuerunt. Quum ergo is Carolo M. se dederet, post obitum ejus, facta inter tres filios regionum divisione, Witikindo II Dominatus Budseciæ cessit, una cum Præfectura Sorabica. *Budseciam* vero quondam dicebant Ortenburgum, arcem Budissinensem, cujus elegantem descriptionem edidit Leuberus. Apud eos ergo Duces annis fere trecentis permansit ista Præfectura, ita tamen, ut, quum varii orirentur Soraborum tumultus, iisdem aliquando Præfecti Imperatorii præponerentur. Primus & celebratissimus inter illos, quos olim
13. *Comites limitaneos*, tunc vero *Marchiones* vel *Marggravios* dicebant, erat Gero, Dux Stadenfis, vel, ut alii volunt, Martisburgensis. Porro, quum Imperium Germanicum a Saxonibus ad Francos devolveretur, Henricus IV Dedonem I Marchionem, qui plerumque cum hostibus Imperatoris fecerat, non Marchionatu solum, sed & ipso superioris Lusatiae tractu multavit.
29. Partem ejus accepit Wipertus Groicensis Comes, heros notissimus, partem vero Boleslaus Crivoulti, ex Polonica familia Silesiae Dux, & post hunc Duces & Reges Bohemiae alii.
30. Circa eadem tempora partem inferioris Lusatiae possederunt Marchiones Brandeburgenses ex Ascaniensi familia, exiguam vero portionem Misnenses Marchiones retinuerunt. Accesit
64. tamen plurima quoque pars Bohemicis Regibus, sub quibus Lusatia variis turbis agitata fuit. Post obitum vero Ludovici, Hungariae & Bohemiae Regis, Lusatia cum jam dictis regnis
172. ad Austriacos pervenit, iisque usque ad tempora Ferdinandi III paruit. Tunc enim, sub Bohemicarum turbarum initium, Johannes Georgius I Elector Saxoniae Lusatiam ad Fridericum Palatinum proclivem in fide Imperatoris retinuit, eandemque
236. 243. postea bona Ferdinandi voluntate, pro factis belli sumptibus pignoris loco retinuit, ac postea pace Pragensi hereditario jure totam Lusatiam suis adjecit provinciis, quamvis post illius fata in celebri illa Saxonicarum terrarum divisione pleraque inferioris Lusatiae Martisburgensi lineae concesserint.
253. f.
- 283.

II.

Fig. 5.



SVANTOVITH.

Fig. 10.



FLYNS.

Secunda Pars historiam Eccl. Lusatiae complectitur, quæ primis temporibus paganismi tenebris immersa fuit, unde hac occasione Soraborum Deastros ex Autore nostro una tabella conspiciendos proponimus. *Prono* vel *Prove* Obotritorum numen erat, iustitiæ & foro regendo præpositum, & apud Provenaviam in Wagria templum, in quo colebatur, habebat. *Crodo*, a Slavis ad silvam Hercyniam habitantibus cultus, Saturnum præcipue representabat, & in Hartesburgenfi & Gardelagenfi arce sanum habebat exstructum. *Trigla* tribus capitibus Dianam Triviam exhibebat, quæ prope Brandenburgum in Harlungo monte colebatur. *Porevitus* quinque capitibus effingebatur, & prædæ præesse credebatur, cui in Julinensi insula & alibi quoque templum dedicarunt. *Swantowitz* Venedorum lingua *sacrum lumen* denotabat, & primarium fere eorundem numen erat, quo Solem sive Apollinem designabant. Præcipuum ejus templum erat in insula Rugia, quo omnes Slavorum populi sacrificia conferebant. *Radegastus*, Slavorum & Soraborum Mars, sive præcipuus bellorum arbiter, templum habuit Rethræ in Ducatu Mecklenburgico. *Sivam* alii Venerem, alii vitæ Deam statuerunt, quam Ratzeburgi præcipue sacris honoribus affecerunt. *Flynz*, Soraborum Lusatiorum Deaster, magna ab ipsis religione cultus, varie depingitur. Prima ejus figura ad ductum Manlii lib. 2. rerum Lusat. altera ad ductum Annalium Budissinensium, qualis juxta villam Oyvin in rupe stetisse dicitur, delineata est: tertia vero imago hodiernum Gorlicii in ædibus cujusdam privati observatur. Neque omittendi sunt *Juterboc* vel *Belboc*, & *Czernebo*, quorum ille, ut cum Manichæis loquamur, principium bonum, alter malum fuisse creditur. Dici non potest, quam difficulter ab hoc idolorum cultu se abduci passa sit refractaria Soraborum natio. Licet enim Bonifacius, qui suo merito Germanorum Apostolus audit, doctrinam christianam in illis oris disseminare cœperit, licet Ludovicus Germanicus, Pii filius, Ecclesiam Nisicensem fundavit, licet Archi-Episcopatus & Episcopatus, Magdeburgensis, Misnensis, Martisburgensis instituti fuerint, nihil tamen profecit omnis Christianorum conatus. Demum post seculum XII aliquid præstitum est, dum varia

p. 4.
TAB. III.
Fig. 1.

2.

3.

4.

5.

6.

7.

8. 9. 10.

II. 12.

pag. 9.

5.

6.

II.

hinc inde templa & monasteria, pro illorum temporum superstitione exstruerentur. Sed quum & illam religionis speciem repurgari conveniret, factum est, ut, quam primum auspiciis divinis inaudiretur Lutheri doctrina, ei se quoque maxima utriusque Lusatiae pars adjungeret. Subintravit tamen postea Schwenckfeldianorum lues, quæ hic quoque turbas dedit non mediocres. Accedebant Crypto-Calviniani, de quibus plura hic proferuntur. Sequebantur ea tempora, quibus Jacobus Bœhmius ultra crepidam sapere conabatur, purioremque theologiam abstrusis mysticorum & chymicorum ideis inquinabat. Prolixus est in ejus vita & gestis Autor Celeb. præcipue quum multæ narrationes circumferantur, quæ a veritate nimium quantum discedunt. Sequuntur difficultates & rixæ inter Decanum & populum Budissinensem, Tremulantium item, Cuhlmanni, & eorum qui a pietate nomen sortiti sunt, gesta, quæ quidem singula percensere haud possumus. Claudit hanc partem Pastorum Primariorum & Ephorum notitia, qui per utramque Lusatiam verbum divinum secundum Evangelii doctrinam docuerunt.

e. 1. *Parstertia* continet memorabilia politica, ubi primo de summo magistratu sermo est, eoque breviter quædam ex prima parte repetuntur, additis simul tabulis Regum & Principum genealogicis. Inter officiales deinde primum locum occupat *der Land-Boigt*/ quem Latine Pro-Marchionem dixeris, qui loco Marchionis absentis jus dicebat. Is primum a Regibus Bohemicis instituebatur, & ut plurimum Comes vel Nobilis erat; at in superiore Lusatia dignitatem eam postremis temporibus ornarunt primogeniti Electorum Saxoniz. Succedunt *die Lands-Haupt-Leute*/ Cameræ & Fisci Lusatiz Præfecti, qui ex Nobilibus eliguntur: *die Amts-Haupt-Leute*/ Præsides Curiarum provincialium, quibus adjunguntur *die Landes-Ältesten*/ Senatores Curiz provincialis, qui in singularum urbium districtu singuli creantur. Judiciis quoque provincialis, quod Budissinz floret, brevis notitia additur, nec non Statuum provincialium, qui ex Doctis, Præiatis, & Equitibus consistunt, & alia quoque judicia constituunt. Ad Prælatos pertinent Decanus Budissi-

Budissinensis, Abbatissæ Mariæstellersis & Mariævallenensis, Priorissa Laubanensis & Abbas Cellæ Novæ. Dominia denique, nobilium familiæ, & urbes utriusque Lusatiz singulis capitibus ordine alphabetico percensentur, additis præcipuarum urbium figuris æneis.

c. 9 f.

Pars quarta literaturæ in utraque Lusatia historiam enarrat, scholas nimirum, quas certe superior eximias habet, earumque Rectore, additis earundem fatis & variis subsidiis. Adduntur nomina & vitæ eruditorum, tum ex nobilium, tum civium ordine, qui in Theologia, Jure, Medicina, Philosophicisque artibus celebres fuerunt.

Quinta denique *Pars* ea complectitur, quæ circa physica, œconomica, mechanica, & commercia notatu digna occurrunt. Et hic quidem de fluviis & rivis, silvis & pascuis, montibus & collibus varia narrantur, quæ telluris felicitatem satis arguunt. Ex montibus quinque sunt, qui lapides quamplurimos congestos ostendunt, quos antiqua Soraborum sepulcra fuisse statuunt eruditi, unusque ex illis, cujus & figura apparet, *mons mortuorum der Todten-Berg* hodieque audit. Hi, qui antiquitatum æsumatores sunt, narrant, congeriem istorum montium e meris cineribus constare, vestigia quoque altaris cujusdam ibidem observari contendunt. In uno istorum tumulorum lapidi incisa est forma lecti, cum capite humano torva facie & magnitudinem consuetam excedente. In visceribus terræ Lusatia quædam adamantium vestigia ostendit, alia quoque, mineralia, lapides, & lutum. De agrorum, hortorum & vini cultura, ac pecuaria, jure braxandi, & commerciis multa Noster observat, quæ omnia brevitati studentes prætermittimus.

14.

17.

NOUVELLE BIBLIOTHEQUE &c.

i. e.

NOVÆ BIBLIOTHECÆ SCRIPTORUM ECCLESIASTICORUM Tomus XIX, Autore LUDOV. ELLIES
DU PIN, Doctore Theol. Paris. & Prof.

Regio.

T 3

Amste-

Amstelodami, apud Petrum Humbertum, 1715, 4.

Alph. 2 pl. 8.

Cum Celeberrimus Autor hocce volumine sistat seculi proxime elapsi scriptores ecclesiasticos, quorum & scripta & fata rei literariæ studiosis satis cognita sunt, facile prævidemus, ejus lectionem posteritati, quam nostræ ætati, fore longe gratiorem. Nec vero hanc solam ob causam laudari meretur Autoris institutum, sed propterea etiam, quod ita corpus historiæ scriptorum ecclesiasticorum perfectum redditur & omnibus absolutum partibus. Ceterum nobis in recensendo hoc opere licebit esse brevioribus, ne lectoris impatientiam provocemus. Edisseremus itaque primo methodum, quo Autor hic usus est: deinde recensebimus eorum, qui hic laudantur, nomina: denique ipsius Autoris vitam & scripta paucis enarrabimus. Quod ad methodum attinet, singulorum scriptorum & vitam & scripta attingit. Et hæc quidem recenset fusissime & accuratissime, ad eundem modum, quo nos & alii novorum librorum recensitores. De vita vero ac fati singulorum fere negligentius agit: dolebitque posteritas, eum non dedisse accuratiorem, quam facile videtur consequi potuisse, eorum notitiam. Sic Baluzium a se primo loco poni scribit, quod inter supersites scriptores sit natu maximus: nec tamen, quo is anno in lucem editus sit, commemorat. Ceterum cum p. 6 de Mabillonio tanquam adhuc vivo loquatur, (cum scil. prima hujus operis editio adornata est: nam constat, eum A. 1707 d. 27 Dec. fato suo defunctum esse) eumque testetur A. 1632 d. 25 Nov. natum esse, necesse est, ante illud tempus jam in vivis fuisse Baluzium. Pariter nec Huetii annum nativitatis annotavit, & de plerisque omnibus sic egit, ut mensuram tituli, quatenus is Historiam vitæ cujusque scriptoris promittit, haud sane impleverit. Suffecerit igitur, nomina eorum, quorum scripta ecclesiastica (cetera enim eorundem scripta, quippe a scopo suo aliena, prætermittit,) recensentur, addita etiam controversiarum cuique motarum mentione, veluti in tabula quadam exponere. En illa! *Stephanus Baluzius*, qui primum librum edidit adhuc scholasticus A. 1652, & jam occupatus est

est in edendis Cypriani operibus, quæ ad verbum comparavit cum viginti quinque codicibus MStis: *Jo. Mabillonius*, (de quo paulo infra dicemus uberius) *Petrus Daniel Huetius*, *Jac. Boileau*, Theologus Sorbonicus, A. 1635 d. 16 Martii natus: *Rich. Simonius*, *Natalis Alexander*, natus Rothomagi A. 1639 d. 10 Januarii: *Lud. Geraldus de Cordemoi*, natus Parisiis A. 1652 d. 25 Nov. *Jo. Harduinus*, *Claudius Fleurius*, *Bernardus Lami*, *Paulus Pezronius*, (mortuus A. 1706 d. 10 Octobris,) *Petrus Lemerrius*, *Carolus Gaitte*, *Jo. Baptista d'Antecourt*, *Antonius Faustus Nairontus*, *Josephus Maria Carus*, *Dionysius Sammarthanus*, *Edmundus Martennius*, *Nicolaus Nurrius*, *Theodoricus Rudnartus*, *Bernardus Montfalconius*, *Jo. Martianeus*, *Jo. Grancolafius*, *Mich. le Vassor*, *Petrus Faidit*, *Jo. Ciampinus*, *Mich. Maledictus*, *Franciscus Lami*, *Franciscus Timoleon de Choisy*, *Petrus le Nain*, *Tillemontii frater*, *Antonius Muratorius*, *Laurentius Alexander Zacagnius*, *Gummarus Huygenius*, *Zegerus Bernardus van Espen*, *Jac. Marsollerius*, *Matthæus Petitdidierius*, *Jo. Pelletierius*, *Lazarus Andreas Bocquilletius*, *Natalis d'Argonne*, (mortuus A. 1705, cui tria volumina sub nomine *Vigneul de Marville* edita tribul p. 354 memorat, addens tamen, id sibi non credi:) *Guil. Bonjourius*, *Franciscus Bianchini*, *Jo. Girardus de Villetthierri*, *Caspar Iveninus*, *Nicolaus Herminierius*, *Franciscus Pougetus*, *Claudius de Vert*, *Benedictus Bacchini*, *Jac. Laderus*, *Petrus Cusantius*, *Cochetus de S. Vallier*, *Jac. Josephus du Guet*, *Augustinus Calmetus*, *Jacobus Longus*, *Tothardus*. Illustribus his nominibus suum merito interposuit Dupinius, testatus, se Parisiis natum esse A. 1657 d. 17 Junii, patre Domino du Pin, orto ex nobili familia Normanniæ: A. 1672 creatum esse Philosophiæ Magistrum, A. 1680 Baccalaureum, & A. 1684 Theol. Doctorem. Hinc *Bibliothecam suam scriptorum ecclesiasticorum* copiosissime recenset a p. 177--225, ubi scribit, perfectioni sui hujus operis nihil deesse, nisi *Historiam Scriptorum Protestantium seculi XVI & XVII*, atque *Historiam controversiarum ecclesiasticarum illustratam seculi XVII*, quam supra jam p. 103 pollicitus erat se editurum esse, & cujus specimen jam hoc in volumine exhibet, p. 302--307 recensens controversiam in Gallia aliquot scriptis editis agita-

tam de Comœdiis, sintne permixtæ, an non? Hinc suas *Dissertationes historicas de antiqua disciplina ecclesiastica* recenset p. 225 sq. item sua *Prolegomena in Scripturam sacram*, p. 226--237: suas *Notas in Psalmos*, p. 237, ubi & meminit scripti ab anonymo adversus notas istas editi, atque a se refutati: suas *Notas in Pentateuchum*, p. 238: suam *Editionem Optati Milevitani* p. 238 sqq. & *Gersonis operum* p. 242, suam *defensionem Censuræ Sorbonicæ librorum de religione Sinenſium*, p. 243, suum *Opus de Doctrina Christiana* p. 247--253. Hæc opera, paucis exceptis, in his etiam *Actis* diligenter recensita meminimus: cujus rei fidem faciet sola *Indicum trium generalium ad Acta nostra inspectio*. Ceterum *Tractatum de potestate ecclesiastica & temporali*, quem cum nos *Suppl. T. IV* p. 145, sqq. recenseremus, pariter *Dupinio* Autori tribuimus, in serie scriptorum suorum omittit, ejus tamen Recensionem, ex *Diario Parisiensi* repetitam, in fine hujus operis exhibens p. 404. Totum opus concludit Index alphabeticus Scriptorum ecclesiasticorum seculi XVII, a *Dupinio* Tomis XVII, XVIII & XIX recensitorum.

HISTORIA ÆRÆ CHRISTIANÆ, CUI PRÆ-
mittuntur Schediasma de Veritate Historica & Oratio de
vero historiæ usu; Autore JO. GUILIELMO
JANO, Hist. P. P.

Vitembergæ, apud Sam. Kreusigium, 1715, 4.
 Plag. 20.

NULLA quidem æra per aliquot abhinc secula inter Christianos occidentales celebratior, sed & vix ulla majoribus difficultatibus & aberrationibus obnoxia fuit, quam quæ a Christi Servatoris nativitate deducitur. Ad has facilius cognoscendas evitandasque, Autor præsentis commentationis doctissimus, Collega noster honoratissimus, integram illius historiam uno conspectu exhibere statuit.

Caput I veterum de anno natali Sospitatoris nostri sententias exponit. Horum plerique illum rejiciunt in annum P. J. 4711, quem tamen alii annum Augusti XXVIII, alii XLI, alii XLII nominant, prout videlicet Augusti imperium modo ab occu-
 pata

pta post Actiacam victoriam Alexandria, modo a primo illius consulatu, modo a cæde Julii Cæsaris auspiciantur. Inter eos, qui a communi ista opinione discedunt, Panodorus, monachus seculi V, præcipue memorabilis est, quia primus nativitatem Christi in annum Julianum 45 contulisse, atque adeo cum æræ Christianæ vulgaris autore consensisse putatur. Ceterum etsi priorum V seculorum Christiani annum Christi natalem investigarunt, tamen tempora ab illo non computarunt, sed æris longe diversis usi sunt, quod ex inscriptionibus eorum sepulchralibus, actis martyrum & conciliorum demonstratur.

Caput II, æram Christianam seculo VI a Dionysio Exiguo primum usurpatam fuisse, contra Ant. Pagi demonstrat: cycli Paschalis Dionysiani, anno 526 juxta annos Christi ordinati, rationem describit, & in æræ Dionysianæ a vulgari hodieque usitata discrepantiam inquirat.

Caput III, de usu æræ Christ. post Dionysium inscriptum, illam, ducentis post mortem auctoris sui annis fere intermissam, seculo demum VIII a Beda instauratam, deinde a Bonifacio in Germaniam Galliamque ex Anglia translata, anno 742 in Synodo Germanica pariter ac Cloveshaensi primum publica auctoritate adhibitam, & inde a Caroli M. temporibus in *Impp.* diplomatibus frequentatam fuisse, ostendit. Unde perperam a Carolo Crasso hujus rei initium vulgo repetitur. Quo tempore *Pontifices Romani* epistolas suas annis Christi signare cœperint, non satis inter omnes convenit. Constans fere opinio est, ex Paulo Middelburgenfi desumpta, & Petavio, Papebrochio, Ciacconio, Pagio, Spanhemio, aliisque probata, seculo demum XV Eugenium IV id primum instituisse. Illam vero Mabillonius operose confutat, & contrarium multis exemplis epistolarum Papalium inde a seculo XI repetitis probare studet. Autor, utramque sententiam certo modo concedi, aut saltem conciliari posse, existimat. Nam etsi verum est, quod Mabillonius contendit, annos incarnationis Dominicæ in bullis quibusdam undecimi & proxime sequentium seculorum reperiri; illos tamen non ipsius Pontificis, sed tantum Cancellarii aut scribæ nomine hæc vel simili formula notatos videas: *Data Vldus Octob. per*

manus Udonis sanctæ Apostolica sedis Cancellarii, anno Domini Leonis IX Papæ I, indict. II, anno vero Dominica Incarnationis M XLVIII. Contra ea Eugenius IV annos Christi cum annis Pontificatus sui in prima persona tali modo conjungere cepit: *Datum Romæ apud S. Petrum anno incarnationis Dominicæ M CCCC XXXVI, VII Kal. Nov. Pontificatus vero nostri anno primo:* ut adeo hoc saltem nomine primus æram Christianam adhibuisse dici possit. In privatis historiæ & Chronicorum scriptoribus, qui æra Christi tempora designarunt, illud maxime observandum, quod plerique omnes usque ad seculum XVII, communi quodam errore, natalem Christi ex sua aut veterum sententia *verum* cum principio *ære vulgaris* seculo VIII introductæ commiscuerunt, & in recentiori quidem historia ab hoc, in antiquiori vero primorum post C. N. ut & omnium ante C. N. seculorum, ab illo annos Christi numerarunt. Unde fieri non potuit, quin, totidem annis, quot principium *ære vulgaris* initio anticiparant, deinde extrusis, Chronologiam insigniter perturbarent: id quod in Chronicis Gobelini Personæ, Jo. Naucleri, Jo. Funccii, Abr. Bucholzeri, & imprimis in Annakibus Cæf. Baronii luculenter demonstratur. Prius Chronologorum Sæthus Calvisius ope Periodi Julianæ, a Scaligero suppeditatæ, originem hujus confusionis detexit, annos Christi primos cum ultimis recte connexuit, atque adeo, ut Scaligeri verbis utar, in Chronologia nugari desuit. Eum Petavius, Pagius, & plurimi alii secuti sunt. Interea error ille inveteratus tam altos egit radices, ut hodieque vestigia ejus, etiam apud doctos quosdam viros, in numerandis annis nativitatem Christi antecedentibus, aut proxime consequentibus deprehendas. Exemplum ejus rei luculentum præbet diligens alioqui scriptor Carolus le Cointe, qui, Baronium incaute secutus, annos Christi in Annalibus priorum seculorum non aliter numerat, ac ille, & alii, qui ante Calvisium Chronica compilarunt. Denique *Græcam* Ecclesiam, epochæ mundanæ assuetam, sero admodum, nec fere alibi, quam in commercio literario, post captam CPlin cum Occidentalibus instituto, æram Christianam recepisse, demonstratur.

HISTOIRE DES QUATRE CICERONS,

i. e.

HISTORIA DE QUATUOR CICERONIBUS.

Hagæ, apud Joannem van Duren, 1715, 12.

Plag. 15.

Longissimam Dedicationem, ALEXANDRO, Principis KURAKINI, Russici nunc in Hollandia Legati, filio factam, cui nomen suum Bibliopola subscripsit, sequitur amœna Dissertatio, cujus Autori constitutum est demonstrare, filium Ciceronis patre non fuisse inferiorem virtutibus, cum vulgo inter degeneres magnorum virorum liberos referatur. Hunc in finem Ciceronis filii vitam describit, munera ipsius bellica enarrans, itemque studia Athenis Cratippo duce haud segniter ex-culta. Animadvertit inter hæc, eum Athenis in familiaritatem Gorgiæ rhetoris incidisse, ebriosis hominis ac libidinosi, cujus il-lecebris fuisset corruptus, nisi pater ipsi per literas interdixisset familiari hujus hominis usu: cui mandato eum statim morem gessisse, ex ipsius ad Tironem epistola demonstrat. Qua occa-sione observat, plures Ciceronis filii epistolas hodiernum super-esse inter epistolas patris, prudentiæ, suavitatis, generositatis plenas & plane disertas. Pergit, eum libertatis studio patri pa-rem a morte Julii Cæsaris in Cassi Brutique castris fortiter mili-tasse: hinc cum Octaviano, qui postea Augusti nomen accepit, reconciliatum, factum esse Pontificem Maximum, paterna re-cuperasse bona, & in maximo apud populum Rom. fuisse amo-re. Quid? tantopere Augusto fuisse carum, ut & eum faceret Consulem, & eodem uteretur fortissimo belli duce. Ad ulti-mum Romæ vixisse in otio, & quia, oppressa libertate, magnas res gerendi occasio ei defuerit, luxuriosius vivere cœpisse, par-tamque per plurimos annos virtutis gloriam senem uno isto vi-tio decoxisse. Adeoque hoc unum ejus crimen esse, quod non in curriculo virtutis perrexerit ad vitæ finem, sed in devia defle-xerit, non suo magis, quam temporum vitio. Ceterum placuit Autori, Ciceronem quoque patrem, ejusque fratrem & hujus fi-lium, quos duos posteriores levissimos fuisse homines ex historia

evincit, in hanc scenam producere, eorumque vitam ac fata exponere. Equidem Ciceronis oratoris vitam ab aliis uberius descriptam habemus. Quare nihil inde repetendum ducimus, nisi quod Autor, virtutes ejus prædicans, non taceat nævos ejusdem, eumque ob duo potissimum vitia reprehendat, primo ob timiditatem animique mollitiem, cui nullum attulerit remedium philosophia, deinde, quod senex duxerit juvenculam, ludibrio multorum ea re se exponens. Ceterum quam vere libellus hic Cl. Harduino à nonnullis adscribatur, non dijudicamus.

ANNALES ORDINIS S. BENEDICTI, OCCIDENTALIVM MONACHORVM PATRIARCHÆ; Auctore DOMNO JOHANNES MABILLON, Presbytero & monacho ejusdem Ordinis e Congregatione S. Mauri.

Tomus V.

Lutetiæ Parisiorum, sumptibus Caroli Robustel, 1713, fol.

Alph. 9 pl. 20.

Pervenit tandem ad nos Celeberrimi Mabillonii Annalium Ordinis S. Benedicti Tomus quintus cura atque studio Viri Clar. Fr. Renati Massuet, quem integrum fere reliquit doctissimus Mabillonius, paucis exceptis, quæ cum Ruinartus tum Clar. Editor ex variis, quæ cum iis amici communicarunt, monumentis addiderunt, prout hic ipse in Præfatione sua statetur. Cui & Mabillonii ejusdemque discipuli Ruinarti Vitam addidit. Etsi vero epitaphium Mabillonii in Actis nostris 1708 p. 184 exhibuimus, & Ruinartus pro suo in magistrum amore Gallica lingua descripsit: *Abregé de la vie de Dom Jean Mabillon*, Paris. 1709, 12, rem tamen Lectori non ingratham nos facturos arbitramur, si utramque exhibeamus. Joannes Mabillon honestis parentibus d. XXIII Novembris anni MDCXXXII in vico S. Petri de Monte vulgo *Saint Pierre Mont* in Campaniæ finibus in lucem fuit editus & jactis primis fundamentis die VI Septembris MDCCLIV congregationi S. Mauri se adjunxit, in qua societate tantos in virtute & literis progressus fecit, ut jam tum summam de eo spem conceperint superiores Congregationis, sed quum in gravissimum, eumque continuum capitis dolorem incideret,

cideret, adeoque spes exigua de vita ejus superesset, ad monasterium B. Mariz de Norigento prope Codiciacum missus est, ut ruris otio & liberiori cœlo afflictæ valetudo refici possit, intra quod tempus, quantum per debiles licuit vires, antiquitatibus eruendis incubuit. Dehinc missus est initio Julii anni MDCLVI Corbejam Veterem, nobile Agri Ambianensis monasterium, ubi ad Cellarii munus promotus fuit, quoniam morbus eum juberet literis ac regularibus exercitiis quasi valedicere. Anno MDCLX die XXVII Martii sacer Presbyterianus ordo ipsi collatus fuit, qui novos pietatis stimulos addidit, cujus fovendæ gratia optimos quosque libros evolvit. Enimvero cum legisset aliquando, sanctum Gerhardum, Corbejensem undecimo seculo monachum, eadem ferme corporis infirmitate laborantem, Sancti Adelhardi Corbejensis quondam monachi precibus & meritis integritati corporis fuisse restitutum, eadem spe eundem sanctum Abbatem rogavit, ut id, quod Gerharδο olim præstiterat, sibi non denegaret, quæ preces successu suo non caruerunt, quoniam a capitis dolore paulo post liberatus est, ejusque accepti beneficii memoriam conservaturus, hymnos in Adelhardi laudem composuit, qui cum aliis ejusmodi hymnis, quos vel novos edidit, vel veteres emendavit, in unum collecti typis vulgati sunt, ad usum ecclesiæ Corbejensis. Missus A. M DCLXIII in regalem S. Dionysii abbatiam prope Parisios, ibi cimeliarchæ munus obtinuit, ubi Lucæ d'Acheri, monasterii in Suburbano S. Germani a Pratis Abbati, innotuit, cui & in eruendis colligendisque veteribus monumentis indefessus suppetias tulit. Mox de nova omnium S. Bernardi Operum editione cogitavit, quam jam Claudius Chancelou in animo habuerat, sed morte præventus ipsum opus non absolverat. Prodiit elegantissima hæc editio cura Mabillonii anno MDCLXVII, tum duobus voluminibus in fol. tum novem minoribus in 8, recusa A. 1690, aucta quinquaginta fere novis epistolis pluribusque dissertationibus præviis & annotationibus illustrata, 2 Voll. fol. Libros autem de *Consideratione* elegantioribus typis commodiorique forma separatim edi curavit anno 1701. Sed de nova iterum omnium S. Bernardi operum

editione cogitantem, mors sustulit. Aliud nec minoris molis munus suscepit, dum generalem & accuratam ordinis S. Benedicti historiam scribere voluit, quod Antistites ordinis promoverunt, & propterea varias in provincias atque regiones peritos monachos miserunt, qui monasteriorum & ecclesiarum bibliothecis & archivis sollicite perlustratis, ex iis colligerent, quæ ad rem pertinere viderentur. Primum ergo Tomum Actuum Ordinis S. Benedicti per seculorum classes distributorum vulgavit Parisiis 1668, quem paulatim octo alii sunt secuti, (vide Act. Er. 1686 p. 57 & 1703 p. 263) ut unus tantum superfit, ad complendum opus, cuius proximam editionem nos sperare jubet Clar. Massuet, qui illum fere typis paratum esse, affirmat. Omnibus vero Tomis ita nomen suum præfigi curavit, ut *Acbe-rii* semper præponi, in posterioribus *Ruinarti* adjungi voluerit, quanquam cujus potiores essent in opere partes, nullus nesciret. Quum vero veritatis nimis studiosus fuerit, id displicuisse pluribus, quos inmodicum Benedictini nominis studium ceperat, fatetur Editor doctissimus. Male enim actum cum Ordine existimasse illos tradit, si Benedictinus eos albo Sanctorum expungeret, quos credula nimis majorum pietas Calendariis inscripseret. Sed his convitiis nihil commotum Mabillonium fuisse, testatur, quum adeo veritatis esset studiosus, ut professus sit: malle se a scribendo penitus cessare, quam ordinis gloriæ ultra modum studiosis gratificando quidquam scribere, quod a sinceritate ullo modum deflecteret. Anno 1684 dissertationem *de pane eucharistico azymo & fermentato* edidit, qua contra Sirmondum & Eminentissimum Cardinalem Bona, cui tamen librum inscripsit, probare annisus fuit, perpetuum fuisse solius azymi panis in ecclesia Latina usum, nec Photii tempore adhiberi cœpisse. Alii controversiæ fuit immixtus Mabillonius, quum de libelli *de Imitatione Christi* autore disputaretur, num is sit Thomas a Kempis, num Joannes Gerson? Hujus apologiam Franciscus Delfau scripsit, quo mortuo a diversum sentientibus oppositiæ fuerunt *Vindiciæ Kempenses a R. P. Canonico Regulari Congregationis Gallicanæ, adversus R. P. Franciscum Delfau*, quibus Noster anno 1677 *Animadversionibus ad Vindicias Kempenses*

respondit: qua occasione Editor in Richardi Simonis, qui sub nomine *Dn. de Sainjore* latere voluit, Bibliothecam Criticam invehit, quam cum omnium offensione prodiisse dicit, quum illum Autorem T. I. c. 18 p. 89 inique hac de controversia iudicasse velit. Anno 1675 primum *Analektorum* suorum Tomum in 8 vulgavit, quem collecta plurima monumenta literaria complecti voluit, quemque tres alii annis 1676, 1682 (vid. Act. Er. 1684 p. 65) & 1685 sunt secuti. (Vid. Act. Er. 1636 p. 17.) Eruditissimus est omnium iudicio labor quem *de Arte Diplomatica* suscepit & anno 1681 fol. maj. in lucem emisit, (vid. Act. Er. 1682 p. 129) cui anno 1704 Supplementum in fol. addidit (vid. Act. Er. 1706 p. 353) & anno 1709 nova eaque emendatior editio successit. (Vid. Act. Er. 1710 p. 273.) Equidem Joannes Baptista Colbert ad hoc opus perficiendum sumtus obtulit, sed recusavit Mabillonius eos accipere; quare eum & ab Autoris Bibliothecæ Criticæ & ab aliorum, ut vocat, criminationibus defendit Clar. Editor. A. 1682 in Germaniam & 1685 in Italiam profectus est, quo in itinere D. Michaellem Germain habuit socium, cum quo omnes bibliothecas veteres & novas, archiva & cimelia, perlustravit, uti ex *Museo Italico* Parisiis 1687 vulgato constat. (Vid. Act. Er. 1687 p. 593 & 1690 p. 291.) Hinc novis litibus implicatum iterum ordinis sui monastici vindicem agere oportuit. Quum enim in solennes ordinum Burgundiæ conventus semper admissi fuerint Benedictini abbatiarum octo, Canonici vero regulares circa annum 1687 illam prærogativam peculiari scripto in dubium vocaverint, respondit huic Mabillonius, cui quidem & alter e Canonici regularibus se opposuit, sed & illi Noster altero scripto satisfecit, cujus titulus *Deux Memoires touchant la presepance des Benedictins sur les Chanoines reguliers aux Etats de Bourgogne*, 1687, 4. Eodem anno scripsit epistolam de primario instituto Romarici Montis, vulgo *Remiremont*; biennio vero post Tractatum patrio sermone de *Missæ & Communionis* in regula S. Benedicti adhibitis edidit. Anno 1691 prodiit in 4 ejusdem Tractatus *de studiis monasticis*, quo majori plausu vix ullum librum exceptum unquam fuisse dubitat doctissimus Massuet, (vid. Act. Er. Suppl. T. II p. 267) qui & refert, quod quam

quam sæpiissime & variis in linguis fuerit editus; licet V. C. Amando Joanni Butillerio Abbati B. M. de Trappa displicuerit, cui quidem a Mabillonio fuit satisfactum. Postea præcipuam operam Annalibus Benedictinis scribendis adinovit, ediditque jam tum anno 1696 Epistolam encyclicam de morte Mariæ de Blemur e Benedictina congregatione. Anno sequenti regulam S. Benedicti cum statutis, quæ Stephanus Poncherius, Episcopus Parisiensis, publicaverat, Gallice denuo convertit & anno 1698 Epistolam, sub nomine Eusebii Romani ad Theophilum Galum de Cultu Sanctorum ignotorum vulgavit (vid. Act. Er. 1699 p. 107) quæ multis non placuit. Eodem anno epistolam ad catholicos Anglos scripsit, qua se a fama, quasi ad Protestantium sacra transisset, liberavit, aliamque A. 1700 Epistolam patria lingua ad Episcopum Blesensem de veteribus Reliquiis discernendis edidit. Anno 1701 in Regiam Inscriptionum Academiam receptus est Mabillonius. Anno 1702 librum de *morte Christiana* edidit, quem anno 1703 Annalium ordinis S. Benedicti Tomus I excepit. Hunc anno 1704 secundus (vid. Act. Er. 1705 p. 413) A. 1706 tertius, & 1707 quartus fuerunt subsecuti, (de quibus dicemus proxime in Supplem.) quominus vero plures prelum subierint, mors impedivit, quæ d. 27 Decembris 1707 illum vivis eripuit. Copiosior est Clar. Editor in Mabillonii moribus, atque virtutibus, pietate & animo demisso prædicandis, sed hæc nos haud morantur; quin pauca adhuc de Theodorico Ruinarto addamus. Hic natus Remis die decima Junii anno 1657 literis incubuit quam diligentissime, quibus absolutis A. 1682 Parisios vocatus est, ut Mabillonio duce ulteriores faceret progressus, quæ spes neceum fefellit, dum editis jam anno 1693 *Actis Martyrum sinceris & selectis in 4* ostendit, quam feliciter se ad Mabillonii præcepta & mores imposuisset, (vide Act. Er. Suppl. T. I p. 503) quæ patrio sermone donavit D. Drouet de Maupertuis. A. 1694 *Historiam persecutionis Vandalicæ in 8* publici juris fecit. (Vid. Act. Er. Suppl. T. II p. 407.) A. 1699 novam eamque elegantissimam operum S. Gregorii Turonensis dedit editionem, (Vid. Act. Er. 1700 p. 437.) Et quum Mabillonius in lucem emitteret sextum seculum Actorum Ordinis S. Bene-

Benedicti Ruinarti nomen adjecit, cujus opera in Actis digerendis, in ordinem redigendis atque illustrandis fuerat ulus. An. 1702 patrio sermone *Apologiam missionis S. Mauri, Benedictinorum in Francia apostoli*, n. 2 edidit. (Vid. Act. Er. 1703 p. 438.) Postea pugnavit pro opere Mabillonii de Re diplomatica, novamque illius editionem Anno 1709 procuravit. Hujus præceptoris sui jam memoratam Vitam Gallico sermone edidit; sed quum ad ordinis S. Benedicti Annales totum se converteret, ei labori die 27 Septembris ejusdem anni immortuus est. Præter opera jam memorata, studiose Epistolas collegit Summi Pontificis Urbani II, quibus accuratum ejusdem historiam præmisit, cujus operis editionem, strepitu belli cessante, nos expectare jubet Clarissimus Massuet.

Jam de ipso Annalium Tomo Quinto aliquid dicendum. Complectitur ille res gestas ab anno a C. N. M L X V I I ad annum M C X V I, ultimo anno incluso, & decem libros, nempe a libro *sexagesimo tertio* ad *septuagesimum secundum*, continet, ubi varia & ecclesiæ & civili historię non parum utilia inveniuntur. Nos pauca speciminis dabimus loco.

Sub anno 1068 de Heinrico IV Germaniæ Rege agit, cujus non adeo æquus judex Mabillonius esse videtur. Testatur enim, laxasse Henricum lascivienti adolescentiæ frena, principes despectui habere cœpisse, venationi ac ludicris, non justitiæ operam dedisse, & summa iniis miscuisse. Solum apud eum in honore fuisse dicit *Adelbertum* Bremensem Archi-Episcopum, quum hominem tantæ superbix fuisse arguit, ut neminem sibi sanctitate parem existimaverit. Hic ut tantæ autoritatis & vitæ innocentis quoddam argumentum præberet, cuidam Abbatisæ, quæ tum ægrotabat, præcepisse fertur, ut intra quindecim dies moreretur; sed ista mandato illius non paruit, quippe intra illos quindecim dies iterum, non sine Archi-Episcopi opprobrio, ad pristinam valetudinem rediit. Henricum flagitiorum deditissimum describit, quem nec unicæ sorori suæ pepercisse ait, quam fuisse *Adelbeidem* Gaudersheimensem Abbatisam conjicit. Talia flagitia Agnetem matrem haud potuisse tolerare addit, quæ in monasterium S. Petronil-

pag. 18.

- p. 20. læ Romam se receperat, & a Johanne quodam Abbate petierat, ut colligeret ex S. Scriptura & Patrum sententia quosdam sermones, ex quibus bene vivendi disceret normam, quod etiam fecit, eamque hortatus fuit: *ut non ecclesiasticis divitias multas possidentibus, sed viduis, orphanis, infirmis, peregrinis, illisque maxime, qui vere sunt pauperes Christi, elemosynas suas dispenseret.* Sub anno deinde 1070 commemorat, Wilhelmum Angliæ Regem *Stigandum* Cantuariæ Archi-Episcopum sede deiecisse, & *Lanfrancum* ei suffecisse, *Vitalem* Westmonasterii Abbatæ præfecisse, aliosque Episcopos & Abbates constituisse, ex quo constat, Regibus Angliæ iisdem temporibus jura circa sacra competiisse, nec a quoquam in dubium vocata fuisse, quod posterioribus demum temporibus factum. De Salefeldensis monasterii ad fluvium Salam in confinio Thuringorum & Slavorum siti origine agens, quam *Annoni* Colonienfi Archi-Episcopo debet, Christiani Schlegelii commendat Schediasma de numis Salefeldensibus, ex quo annotat, habuisse quondam illud monasterium jus cudendæ monetæ, quod jus Senatui Salefeldensi Henricus Abbas vendidit medio seculo decimo quarto: unde discimus, illis etiam temporibus non soli Imperatori regale cudendæ monetæ competiisse. Anno 1073 electus fuit in Summum Pontificem Hildebrandus, post Gregorius VII dictus, cujus electionem & res gestas passim describit Noster. Mentionem etiam facit originis Grandimontensis ordinis, quem Stephanus de Tigerno instituit, & suis precibus ab isto Pontifice confirmatum obtinuit, quam concessionem Auctor Annalium Grandimontensium p. 30 sub anno 1073 exhibet, & *primam apostolicam confirmationem futuri ordinis Grandimontensis factam a Gregorio VII Summo Pontifice, qui S. Stephanum multis oblati beneficiis sibi notum retinere volebat, dicit.* Sed Mabillonius haud probæ fidei notas in illo diplomate occurrere fatetur, quod in inscriptione Gregorius *Servus Servorum Dei* dicatur, qua formula illum ante consecrationem suam, quæ anno tantum sequenti facta est, non usum fuisse, sed *Gregorium in Rom. Pontificem electum* se scripsisse, observat, quibus alia etiam addit. In Anglia anno 1074
- a Lan-

■ Lanfranco Archi-Episcopo Cantuariensi Ecclesia S. Salvatoris igne combusta, restituta novisque monachis tradita fuit, in quorum gratiam librum decretorum seu rituum monasticorum composuit, ex quo observandum, Monachos omnes in triduo ante Pascha sacra communione refectos fuisse, pauperes vero, quibus in cœna domini pedes abluebantur, *de Oblatis non consecratis communicatos fuisse*. Novitios denique, facta professione tribus diebus *communione corporis & sanguinis Christi* percepisse, silentium tenuisse & quæ hujus generis sunt alia. Lib. 66 de origine ordinis Cartusianorum inter alia agit, cujus autorem *Brunonem* fuisse docet. Ortus ille fuit Colonia ibidemque Clericus factus in civitatem Remensem adolescens secessit; dein sub Pontificatu Gervasii Canonicus & Scholarum Magister moxque Cancellarius factus est. Reliquit autem mundum & in eremum discessit, colloquio cum duobus amicis *de falsis oblectationibus & perituris mundi hujus divitiis* nec non *de perennis gloria gaudiis* habito motus, ut ipse in Epistola fatetur; quibus aliam causam addunt, Manassis nempe Archi-Episcopi Remensis corruptos mores, quos Bruno strenue insectatus sit, quare aliam istius secessus causam, quam post annos minimum ducentos quidam attulere autores, nimirum Brunonem, dum Parisiis in Scholis versaretur, prodigio redivivi Canonici, qui se damnatum vociferatus sit, perterritum, in eremum discessisse, & adjunctis sibi sociis Cartusiensium ordinem instituisse, fallam aut ad minimum dubiam esse confirmat. Egressus itaque Remis Bruno cum sociis sex Hugonem eximie sanctitatis virum Gratiopolitanum Episcopum adiit, qui, ut fertur, cœlitus septem stellarum visu de eorum adventu præmonitus, accedentes paterno complexus amore asperrimos Cartusie montes eis ad habitandum concessit, quorsum isti se contulere & Brunone duce ac Magistro cœlestem vitam agere cœperunt, qui præter istum Brunonem fuerunt, *Landuinus* Italus, ejusdem in Majoris Cartusie regimine proximus successor; *Stephani* duo, Burgenfis & Dienfis, sancti Rufi Canonici, *Hugo* sacerdos & laici duo *Andreas & Gvarinus*. Postea inquit, num hæc ejusdem Ordinis institutio anno 1084, num 1086, quod Baronius & Sirmondus pro-

- p. 227. pugnant, fuerit facta, & de Cartusienſium regula atque inſtitutis diſquiriſit. Lib LXVII Deſiderium Abbatem legitime electum fuiſſe in Pontificem maximum ſub nomine Victoris III judicat, Hugonem vero Flaviniacenſem, apud Labbeum in Bibl. T. Ip. 233, aliquid humani eſſe paſſum putat, dum ſcripſerit, Caſinenſem Abbatem, antequam ipſe Hugo Romam adveniſſet, electum fuiſſe, ſequē uti & ceteros fratres hominum magis quam Dei reſpectu ejus electioni præbuiſſe aſſenſum, aſt ubi Caſini eum conveniſſet, tam nefanda ex ejus ore ſe audiviſſe, ut aſſenſus ſui magnopere illum pœnituerit: eum quippe dixiſſe, ſe Heinrico Regi fidem dediſſe & propterea illius partes omni modo defendere teneri; quod tamen Mabillonius ex eo ſatis refelli poſſe arbitratur, quod Heinrico ſemper contrarius fuerit, nec Abbatiam ſuam Caſinenſem de manu Regis unquam accipere voluerit. In ſequentibus ejusdem conſecrationem, acta & obitum multis deſcribit Autor noſter.

236.

Poſſemus facili negotio plura addere, quæ e. g. de Beneventana Synodo p. 279; de Hirſaugienſi Monafterio ejusque privilegiis p. 220, 287; de ejusdem Abbate Gebehardo, quem cœlitus correptum ob ſubtractam pauperibus annonam ferunt, p. 448; de Monafterio S. Galli in Helvetia p. 124, 183, 464, 583, de Sigeberto Gemblacenſi, nobili hiſtoriæ ſcriptore, quem S. Lucie Virginis & martyris paſſionem proſa & ligata oratione, librum de jejniis quatuor temporum, reſponſiones ad Epiſtolas Gregorii VII & Paſchalis Papæ, p. 136, S. Guiberti vitam, p. 555, Chronicon & librum de Scriptoribus Eccleſiaſticis, p. 581 edidiſſe refert; de Anſelmo ex Abbate Beccenſi Archi-Epiſcopo Cantuarienſi, qui Menologium, librum Meditationum, Proſlogium, librum de Veritate, de Caſu Diaboli, de Libertate arbitrii, de Grammatica, de Malo, p. 37, 58, 132, 476, de Incarnatione Verbi, p. 309, de quæſt. *Cur Deus homo?* p. 324, de proceſſione Spiritus S. p. 401, de peccato originali, p. 417, de concordia prædeſtinationis cum libero arbitrio, p. 504, plures Epiſtolas & alia ſcripta edidit; de Weingartenſi Monafterio, a Welfone Baviaræ Duce condito, p. 329; de Ciſterciienſi ordine ejusque inſtitutore S. Rotberto, p. 393, 405, 617, variis que aliis rebus maxime hiſtoriæ infer-

inservientibus refert doctissimus Mabillonius, de quibus tamen plura addere institutum nostrum vetat. De Mathilde Comitissa, Bonifacii Marchionis filia, Godofredi Gibbosi, post Welfonis Bojoariz Ducis uxore, multis in locis agit Clar. Autor & ejus res gestas recenset, quas maximam partem ex Domnizo Presbytero hausit, qui vitam illius versibus quidem haud elegantibus, sed, ut Autor judicat, veritate factorum æstumandis in quatuor libros digessit, & ad calceam operis effigiem ipsius Mathildis initio repræsentari curavit, quam in æs incisam Dominicus Mellini in fine Vitæ ejusdem Mathildis Italice a se scriptæ exhibuit, & Mabillonius iterum p. 610 recudi fecit.

Appendix varia diplomata atque monumenta numero XCII maximam partem inedita complectitur, quibus triplex Index est additus. Primus omnia, quæ hoc Volumine comprehenduntur, generaliter indicat, secundus Monasteriorum & Abbatum exhibet recensionem, & tertius enumerat præcipuos Scriptores atque Autores, qui hoc Tomo laudantur; in fine tandem addenda quædam & corrigenda in superioribus Tomis adjiciuntur.

HODEGETA FORENSIS CIVILIS ET CRIMINALIS, principii Juris fundatus, Actionum, Exceptionum, Leutationum, Appellationum, Supplicationum & Registraturarum Judicialium, Processus Ordinarii, & Summarii, Executivi Cambialis, Arrestatorii, & Possessorii, nec non Defensionum Criminalium, Regulis & Formulis Practicis, Stylo Curiali moderno Germanico expressis, instructus, variisque Actorum Responsis, Præjudiciis & Observationibus Fori confirmatus, a D. GOTHOFREDO BARTHIO.

Lipsiæ, apud Thomam Fritsch, 1715, 4.

Alph. 6.

QUantum sibi Orbis literatus de utilitate atque præstantia hujus Operis promittere debeat, illi coniciant, qui Consultissimi Autoris miram rerum forensium peritiam, ejusque in causis agendis dexteritatem exploratam habent. Quamvis etiam in

eo non adultioribus sed tyronibus Praxeos & Neo-Practicis potissimum scripserit, invenient tamen & illi hinc inde plurima, quorum forte lectio ipsos neutiquam poenitebit. Et quidem in ipso statim Præfamine prolixè ostenditur, statum atque munus Advocati ram, quo ipse ultra duos & triginta annos functus est & huc usque fungitur, eo majore in Republica esse utilitate, quo magis ipsorum nomen communiter esset exosum; neque tamen exinde horum professioni quicquam felicitatis decedere, siquidem suæ libertati relictæ, a nemine mortalium præter Deum & Principem dependerent, & solius Dei providentia atque benedictione freti, quasi proprium haberent symbolum: *Dominus providebit.* Tria vero ad nomen Advocati rite tuendum requiri, 1 ut sit Clienti suo fidelis, Judicis aut adversarii offensas parum curans; 2 ut justas non injustas causas, præsertim Criminales, defendendas suscipiat; 3 ut competenti ordine, observatis pro stylo cujusque Curia Formalibus & Fatalibus, Clientum Jura proponat. Modus vero proponendi, uti pro varietate Processus varius est, ita singulæ hujus species sex separatis Capitibus sistuntur, ita ut primum de Processu in genere illiusque Formalibus, deinde in specie de Civili, nimirum de Petitorio tam Ordinario Cap. 1, quam Summario Cap. 2, Executivo Cap. 3, & Cambiali nec non Arrestatorio Cap. 4, & Possessorio Cap. 5 agatur, denique Processus Criminalis formalia Cap. 6 demonstrantur. Nos ex singulis pauca pro instituto nostro delibabimus. Sic de Citatione, tanquam prima Processus parte, monetur, quod, licet alias a Commissario Principis partes litigantes, irrequisito Judice inferiore, citari possint, Consistoria tamen Saxonica, etiam si vice Electoris ex mandata quasi Jurisdictione in causis Ecclesiasticis fungantur, citationes absque requisitione insinuare personis eorum jurisdictioni haud subjectis nequeant, ne quidem iis, quæ in domo Clericorum, ut conductitiæ, servi vel ancillæ, degunt, illud nihilominus prærogativæ præ aliis secularibus Judiciis habeant, quod omisissis verbis: *in subsidium*, requisitionem faciant. Omnis vero Citatio, sub præjudicio facienda, terminum legalem continere debet, quod Fatale in Saxonia ad 6 septimanas & 3 dies lege publica extenditur; id quod

P. 38.

126.

quod inde ortum videtur, quoniam Jure Civili non nisi tribus dilatoriis citationibus peremptorie quis citari, nec ut contumax puniri potuit l. 69, 70, 71 ff. de judic. idque Jure etiam Saxonico receptum; dilatoria autem Saxonica spatium 14 dierum continet: eine bürgerliche Frist/ dicta, eaque itidem triplicari solet, triplex hujusmodi dilatoria pro termino peremptorio habetur; tres vero hujusmodi quaterdenæ 6 septimanas & 3 dies præcise efficiunt, si modo diem termini semper computaveris in terminum a. l. 133 ff. d. V. S. Citatis, si comparuerint, ex natura Processus Juramentum quandoque defertur, ubi altera pars sub formula *ad videndum* (non ad audiendum) *jurare* denuo est citanda, quia ad solenne juramentum, zu einem zierlichen Eyd/ non tantum verba & formula jurandi: So wahr mir Gott helffe und sein heilig Wort/ sed & ut erectis in cælum duobus dextræ prioribus digitis, masculi, adnotis vero ad sinistrum pectus feminæ, aliisque per usum receptis solennitatibus adhibitis, jurent, requiritur. Ad ea igitur omnia, quodque solenni ritu hic actus peragatur, videndum, is, contra quem juratur, citandus est. Rei officium habetur, ut litem contestetur, & quidem vel negative vel affirmative; ubi ardua oritur quæstio: an Reus affirmanda negare salva conscientia possit? Id quod Autori nostro prægnantibus ex rationibus affirmandum videtur, cum fieri possit, ut Reus sufficienti exceptionum peremptoriarum probatione destituatur, neque etiam eas conscientia parum conscientiosi adversarii committere velit, at e contrario sciat, negatum actionis fundamentum actorem probare minime posse, seque adeo actore non probante absolutum iri. Accedit quod probatione hoc modo actori injuncta, reus commodo reprobationis gaudeat, et kommt hinter die Hand / h. e. non solum longius se præparandi ad deducendum reprobando exceptiones suas, spatium consequitur, sed & citra metum probationis contrariæ, reprobationem suam deinde securius peragere, nec non ex ipsis ab Actore producendis documentis nonnunquam exceptiones suas eo magis fundare & probare potest. Neque propterea impia vocari meretur cautela, cum non nocendi sed justam & bonam causam defendendi animo adhibeatur. Reus e contra in termino e-

maner

P. 273

301.

- p. 310. manens condemnari quandoque solet ad legitima impedimenta, auf Ehehafft und behelfffliche Widerrede/ qui termini non synonymice sunt intelligendi, sed ita ut prius vocabulum proprie Legibus approbata & quæ in facto consistunt, v.g. morbus, inundationem aquarum &c. hoc vero alias exceptiones Juris a contumacia excusantes denotet, veluti si in Citationem dies termini fuerit omissus, item exceptio inepti libelli, &c. Fertur postea sententia, eaque a viribus rei judicatae suspendi potest Appellatione interposita, ubi singulare Senatus Lipsiensis privilegium notari meretur, vi cujus ad coercendum frivolas Appellationes, neque schedulam Appellationis recipere neque Apostolos dare tenetur, priusquam depositio pecuniæ pro arbitrio ad 20 vel 30 Joachimicos definita facta. Deposita autem pecunia, rejecta vel sine omni effectu justificata Appellatione, aut facta illius renunciatione, Senatui cedit; idque in specie quoque in Ordinatione Judicii Mercatorii Lipsi. Tit. 10. §. 3 repetitum. Simili Privilegio singulari modo laudatus Senatus Lipsiensis, a Mauritio Saxoniae Electore ipsi sub dato Dresden den 2 May 1546 concessio, gaudet, quod eo invito, nemo extraneis vel Nobilibus immobilia sua vendere possit sub pœna amissionis quartæ partis alienati prædii; cujus tenorem integrum hic inferere operæ pretium foret, nisi brevitatis ratio in præsentem esset habenda. Quin nec locare integra ædificia extraneis Mercatoribus aut Nobilibus, exceptis Academicis, Doctoribus, Magistris & Studiosis, sine consensu Magistratus licere, ex declaratione & extensione dicti Privilegii authentica ejusdem Electoris Mauriti de d. 10 Maj. A. 1546 patet. Reus de crimine usurariæ pravitatis convictus pœna infamiae notatur, idque hodie adhuc in viridi esse observantia, ex recentissimo Præjudicio apparet, ubi creditrix honorationis conditionis, accepto per septimanam pro singulis thaleris uno numo, infamis declarata & fors fisco adjudicata est, verb. so sind die von ihr auf Wucher ausgeliehenen Summen vor versallen zuachten/ und im übrigen sie Inhalts des am 28 April 1625 ergangnen Chursl Sächß. gnädigsten Mandats, vor anrichtig geachtet B. R. W. a Du. Scabinis Lipsiensibus in Resp. ad Du. Haubold von Einsiedel/
363. tiam, eaque a viribus rei judicatae suspendi potest Appellatione interposita, ubi singulare Senatus Lipsiensis privilegium notari meretur, vi cujus ad coercendum frivolas Appellationes, neque schedulam Appellationis recipere neque Apostolos dare tenetur, priusquam depositio pecuniæ pro arbitrio ad 20 vel 30 Joachimicos definita facta. Deposita autem pecunia, rejecta vel sine omni effectu justificata Appellatione, aut facta illius renunciatione, Senatui cedit; idque in specie quoque in Ordinatione Judicii Mercatorii Lipsi. Tit. 10. §. 3 repetitum. Simili Privilegio singulari modo laudatus Senatus Lipsiensis, a Mauritio Saxoniae Electore ipsi sub dato Dresden den 2 May 1546 concessio, gaudet, quod eo invito, nemo extraneis vel Nobilibus immobilia sua vendere possit sub pœna amissionis quartæ partis alienati prædii; cujus tenorem integrum hic inferere operæ pretium foret, nisi brevitatis ratio in præsentem esset habenda. Quin nec locare integra ædificia extraneis Mercatoribus aut Nobilibus, exceptis Academicis, Doctoribus, Magistris & Studiosis, sine consensu Magistratus licere, ex declaratione & extensione dicti Privilegii authentica ejusdem Electoris Mauriti de d. 10 Maj. A. 1546 patet. Reus de crimine usurariæ pravitatis convictus pœna infamiae notatur, idque hodie adhuc in viridi esse observantia, ex recentissimo Præjudicio apparet, ubi creditrix honorationis conditionis, accepto per septimanam pro singulis thaleris uno numo, infamis declarata & fors fisco adjudicata est, verb. so sind die von ihr auf Wucher ausgeliehenen Summen vor versallen zuachten/ und im übrigen sie Inhalts des am 28 April 1625 ergangnen Chursl Sächß. gnädigsten Mandats, vor anrichtig geachtet B. R. W. a Du. Scabinis Lipsiensibus in Resp. ad Du. Haubold von Einsiedel/
415. tiam, eaque a viribus rei judicatae suspendi potest Appellatione interposita, ubi singulare Senatus Lipsiensis privilegium notari meretur, vi cujus ad coercendum frivolas Appellationes, neque schedulam Appellationis recipere neque Apostolos dare tenetur, priusquam depositio pecuniæ pro arbitrio ad 20 vel 30 Joachimicos definita facta. Deposita autem pecunia, rejecta vel sine omni effectu justificata Appellatione, aut facta illius renunciatione, Senatui cedit; idque in specie quoque in Ordinatione Judicii Mercatorii Lipsi. Tit. 10. §. 3 repetitum. Simili Privilegio singulari modo laudatus Senatus Lipsiensis, a Mauritio Saxoniae Electore ipsi sub dato Dresden den 2 May 1546 concessio, gaudet, quod eo invito, nemo extraneis vel Nobilibus immobilia sua vendere possit sub pœna amissionis quartæ partis alienati prædii; cujus tenorem integrum hic inferere operæ pretium foret, nisi brevitatis ratio in præsentem esset habenda. Quin nec locare integra ædificia extraneis Mercatoribus aut Nobilibus, exceptis Academicis, Doctoribus, Magistris & Studiosis, sine consensu Magistratus licere, ex declaratione & extensione dicti Privilegii authentica ejusdem Electoris Mauriti de d. 10 Maj. A. 1546 patet. Reus de crimine usurariæ pravitatis convictus pœna infamiae notatur, idque hodie adhuc in viridi esse observantia, ex recentissimo Præjudicio apparet, ubi creditrix honorationis conditionis, accepto per septimanam pro singulis thaleris uno numo, infamis declarata & fors fisco adjudicata est, verb. so sind die von ihr auf Wucher ausgeliehenen Summen vor versallen zuachten/ und im übrigen sie Inhalts des am 28 April 1625 ergangnen Chursl Sächß. gnädigsten Mandats, vor anrichtig geachtet B. R. W. a Du. Scabinis Lipsiensibus in Resp. ad Du. Haubold von Einsiedel/
90. tiam, eaque a viribus rei judicatae suspendi potest Appellatione interposita, ubi singulare Senatus Lipsiensis privilegium notari meretur, vi cujus ad coercendum frivolas Appellationes, neque schedulam Appellationis recipere neque Apostolos dare tenetur, priusquam depositio pecuniæ pro arbitrio ad 20 vel 30 Joachimicos definita facta. Deposita autem pecunia, rejecta vel sine omni effectu justificata Appellatione, aut facta illius renunciatione, Senatui cedit; idque in specie quoque in Ordinatione Judicii Mercatorii Lipsi. Tit. 10. §. 3 repetitum. Simili Privilegio singulari modo laudatus Senatus Lipsiensis, a Mauritio Saxoniae Electore ipsi sub dato Dresden den 2 May 1546 concessio, gaudet, quod eo invito, nemo extraneis vel Nobilibus immobilia sua vendere possit sub pœna amissionis quartæ partis alienati prædii; cujus tenorem integrum hic inferere operæ pretium foret, nisi brevitatis ratio in præsentem esset habenda. Quin nec locare integra ædificia extraneis Mercatoribus aut Nobilibus, exceptis Academicis, Doctoribus, Magistris & Studiosis, sine consensu Magistratus licere, ex declaratione & extensione dicti Privilegii authentica ejusdem Electoris Mauriti de d. 10 Maj. A. 1546 patet. Reus de crimine usurariæ pravitatis convictus pœna infamiae notatur, idque hodie adhuc in viridi esse observantia, ex recentissimo Præjudicio apparet, ubi creditrix honorationis conditionis, accepto per septimanam pro singulis thaleris uno numo, infamis declarata & fors fisco adjudicata est, verb. so sind die von ihr auf Wucher ausgeliehenen Summen vor versallen zuachten/ und im übrigen sie Inhalts des am 28 April 1625 ergangnen Chursl Sächß. gnädigsten Mandats, vor anrichtig geachtet B. R. W. a Du. Scabinis Lipsiensibus in Resp. ad Du. Haubold von Einsiedel/

siedel/Creys-Hauptmann in Erh. Gebürge/und Herr Christian
 Creffen/Creys-Amtmann/M. Aug. 1710. Ex quo judicato de-
 inde cum dicta mulier a marito suo Medicinæ Doctore in testa-
 mento hæres instituta esset, exclusis testatoris fratribus & foro-
 ribus unilateralibus, subnexa tamen codicillari clausula, hære-
 des hi collaterales illius uti turpis personæ institutionem quere-
 la inofficiosi, occasione l. 27 C. d. inoff. test. impugnabant & M.
 Jun. 1712 ab iisdem Dn. Scabinis exoptatam obtinere definiti-
 vam. Ad causas Criminales postea descendens, quæstionem præ-
 judicalem decidit: utrum scilicet Principi Jus aggratiandi in cau-
 sis homicidii dolosi competat, nec ne? Ubi negative respondet,
 cum sanctione Legis divinæ, (a qua ne summos quidem Princi-
 pes citra summam adulationem exemeris) hocce delictum mor-
 tis pœna puniatur. Ad extorquendam veritatem Tortura sæ-
 pius adhibetur, nondum tamen sufficit confessio Inquisiti du-
 rante tortura facta, verum illa biduo vel triduo post in confessa
 iudicii inquisito iterum prælegenda, ejusque confirmatio ab eo
 exigenda, quam si ex pertinacia detrectat, secunda & tertia vi-
 ce torturæ subjici potest, post tertiam vero revocationem Jure
 Saxonico Electorali a pœna ordinaria absolvendus est. Licet
 ex singularibus rationibus a Dn. Scabinis Lipsiensibus M. Ju-
 nio 1710 in causa famosissimi cujusdam Furis quarta vice tortu-
 ra dictitata & tunc demum fustigatio cum perpetua relegatione
 ipsi adjudicata fuerit. Ex Homicidio culposo Jure Saxonico
 debetur Wehrgeldium das Wehr- oder Mann- item Sühn-
 Geld/ estque mulcta agnatis pro illata ipsis per internecionem
 consanguinei injuria, in redemptionem ultionis & vindictæ ne-
 cis solvenda, quæ pro diversitate sexus personæ occisæ diversa
 est, masculo enim occiso, 24 sexagenarum antiquarum, 24
 Alte Schock/ sive viginti thalerorum est, & vocatur ein ganzes
 Wehr- Geld/ fœmina vero interfecta duodecim saltem sexa-
 genæ, seu decem thaleri, ein halb Wehr- Geld/ solvendi
 sunt, quia occiso mare major familiæ, quam interemta fœmi-
 na, quæ nubendo eam egreditur, infertur injuria. Simi-
 liter homicidium culposum nunquam capitaliter puniri po-
 test, unde cum duo rustici e proximo Lipsiæ adjacenti pago,

p. 906.

956.

1031.

1083.

aus dem Rohlgarten / in cella vinaria Lipsiensi vino dulci se inebriassent, summeque ebrii, mutuis alapis, jocando certassent, alter ultimam excipiens de scamno, capite ad fornacem appulsus, exanimis in terram procidit, quia vero verberans extra omnem rectæ rationis usum tum fuit, adeo ut nec pedes nec manus suum officium facere potuerint, cum insuper incertum fuerit, ex alapa an lapsu mors insecuta esset, fustigationis poenam, vi sententiæ a Dn. Scabinis Lipsi. M. Aug. 1625 latæ, subiit.

*DISSERTATIO DE PESTE PER JOANNEM
MICHAELEM de KOZAMERO, Med. Doct. Incl. yti
Ducatus Teschinentis Physicum & Coll.
Nat. Cur. Collegam.*

Wratislaviæ, apud Michaellem Hubertum, 1715, 8.

Plag. 3.

pag. 12.

19.

Quamquam salutaria passim prostant Medicorum præcepta; juxta quæ peste decumbentium cura institui valeat ac debeat, errores tamen observavit Autor Clar. non paucos circa ordinationes & instituta, quæ ad universale contagium tollendum, vel potius avertendum, sunt promulgata atque observata; suarum igitur partium esse credidit, veram contagii naturam explicare, ut ea perspecta felicius eidem obviam ire liceat. Supponit igitur, sicut in aliis morbis epidemicis, ita in peste, sanum ab ægro infici, hancque grassando majoribus epidemicæ malignitatis pollere viribus, augerique; ac miasinata vel effluvia potissimum esse, quæ muniam humanam in suam deleteriam naturam redigant. Per muniam intelligit partem hominis spirituosam, aut volatilem, sive hæc subsistat in circulantibus humoribus, sive jam intraverit genus nervosum, & spiritus animales constituerit, sive ut alimentum transierit in alitum, & solidis partibus computrescentibus iterum sui juris facta exspiret, sive abeat in miasina perpetuo ab homine exhalandum. Quo copiosius igitur nostra mumia in aere alicubi reperitur, tanto magis in hanc, tanquam in materiam appropriatam agit ac latius se diffundit gas pestilentielle. Et sicut omne fermentum requirit calorem pro sua actione, ita quoque

que pestilentielle semper æstivo calore excitatur & communiter pro hujus gradu vehementius aut lenius sævit, & pro hyemali frigoris gradu iterum remittit. Quibus positis per se patet, di-
 ram hanc luem aut plane averti, aut ejus perniciem fran-
 gi melius non posse, quam si gas pestilentielle separemus a
 mumia, quantum possibile, seu mumiam avertamus a gas,
 ne hoc illam fermentando transmutet in suam naturam.
 Cum igitur in domibus, ubi homines copiosius cohabitant, aer
 nostra mumia exhalata densius sit impletus, gas quocunque
 modo allatum totam mumiam ibidem contentam inquinat, &
 in gas transmutat, quod homines dein per inspirationem infi-
 cit. Mumia etiam rebus utensilibus adhærere solet, gas con-
 cipit, hocque dein disseminat. Hinc quando infecti a sanis non
 separantur, atrocius sævit lues; sicut Pragæ factum est inter Ju-
 dzos, qui non tantum copiosius in domibus commorantur, sed
 etiam morbum primo celare tentarunt, aliquotque cellas ca-
 daveribus impletas habuerunt; unde tantam stragem edidit lu-
 es. Contrarium observatum fuit Viennæ, ubi infecti mox ad
 nosocomium deportati, & horum utensilia combusta sunt; hinc
 in tam populosa civitate respectu exiguus numerus integro an-
 no, quo pestis grassabatur, e vivis excessit, & quod notandum,
 hæc lues tantum in inferiorem hominum sortem tragediam
 ludebat, quoniam hi ob pretiosum habitationum spatium cu-
 mulatius invicem cohabitant. Sic pestis Græcii in Styria in ipsis
 incunabulis fuit contracta, quoniam infecti mox a sanis erant
 segregati. Autoris igitur consilium eo redit, ut infecti a sa-
 nis aut sani ab infectis cito ac remote removeantur, ut omni stu-
 dio aeri parcamus, ne multum veneno imprægnetur, quem sa-
 ni incolunt. Nec probat morem, quo magistratus infectos in
 domibus occludere solet, quia gas nullo modo se patitur inclu-
 di, sed ceu volatile exhalat, aeremque externum implet. Nofo-
 comium autem valde a civitate remotum esse vult, ne inde gas
 vel effluvia aeri perpetuo se admiscentia adeo facile ad civita-
 tem diffundantur, & in loco, ubi ventus non multum versus ci-
 vitatem flare solet, nec etiam prope viam publicam, aut ali-
 um locum, ad quem negotium quoddam hominum frequen-

pag. 22.

26.

30.

36.

38.

- p. 40. tiam accersit, sed ab omni consortio humano, quantum possibile, segregatum esse debet. Nec minor cura circa tumulos, intra quos terræ mandantur demortui, adhibeatur, scilicet hi a civitate, a nosocomio ipso, a via publica, verbo, ab omni hominum consortio remote debent effodi. Præter tempestivam insectorum a sanis remotionem aeris puritas pariter per ignem conservatur. In nosocomio e. g. in caminis perpetuus alatur ignis, & pro magnitudine ejus plures aut pauciores ejusmodi camini fornacum loco debent exstrui: quatenus ignis gas venenosum ad se attrahit, secum per caminum devehit, illiusque texturam immutando malignitatem destruit; quales ignes etiam quivis civis in cubiculo fovere debet. Mortui denique quam citissime in loco a nosocomio longe remoto, ut inodo monuimus, tumulo mandentur sat profundo, nec diu aut multum aperto; terra copiosa tegantur ac calce viva conspergantur.
- 42.
- 45.

A TREATISE OF DISEASES INCIDENT,

to the Skin,

i. e.

DE MORBIS CUTANEIS TRACTATUS DANIELIS TURNERI, Collegii Chirurgici quondam Collegæ, nunc Medici Londinensis Licentiatii.

Londini, apud R. Bonwicke, & rel. 1714, 3.

Alphab. 1 plag. 2.

IN duas partes Tractatus hic a Clariss. Autore dispescitur, quarum prior de affectibus cutaneis universalioribus, scilicet de lepra, elephantiasi, pruritu, scabie infantum, herpete, erysipellate, variolis, aliisque febrium malignarum efflorescentiis, carbunculo & cancro, exanthematibus, sudoris & insensibilis transpirationis vitiis, colore cutis mutato, & de nævis maternis agit; posterior vero morbos, qui particulares cutis partes obsident, examinat, videlicet pilorum defluvium, tineam, phthiriasin, faciei, manuum, pedumque affectus, hæmorrhoides, canales naturales occlusos seu imperforatos, suggillationes, vulnera, ulcera, ambustiones, morsus & ictus animalium venenatorum, & læsiones partium ab instrumentis venenatis. In quibus declarandis affectibus, quæ tam quoad theoriam, quam pra-

praxin hæcenus fuerunt tradita & commendata, fideliter allegat Noster, singulisque proprias, quas fecit in ægris, observationes subjungit. Sub calcem libri appendix legitur de efficacia topicorum, ex quo pauca commemorabimus.

Circa topica sunt, qui in excessu, alii, qui in defectu peccant; illi superstitioni nimis dediti varios characteres, periptas &c. conficiunt, consignant, & appendunt; hi omnia pericarpia, subplantalia & epithemata cane pejus & angue ode-
runt, cum tamen ab emplastris, linimentis, &c. effluvia subtilissima ad sanguinem & fluidum nerveum penetrent, eorumque texturam immutent, unde varii æque salutare effectus exspectari possunt, ac a medicamentis, quæ per os propinantur. Ut eo evidentior evadat hæc de topicorum efficacia sententia, provocat Autor ad duos infantes, quorum umbilico pro lumbricis necandis & expellendis linimentum aliquod, quod de arthanita paratum existimat, fuit illitum, tanto cum effectû, ut cum convulsionibus universalibus animam efflaverint. Allegat insimul vim mercurii externe illiti, aut in cingulo gestati, atque salivationem promoventis; sic non minorem effectum deleterium venena externe applicata exhibent; cur igitur mitioribus naturæque amicis topicis omnis in alteranda œconomia animali energia denegari debet? In quam rem exemplum adducit fœminæ, continuis nauseis vexatæ, quæ frustra assumtis medicamentis cordialibus, stomachicis, & antemetictis, ex linteis in decocto menthæ, absinthii, & aromatum imbutis, calide applicatis sensibile levamen percepit. Nec quis mirari debet, ab effluviis topicorum tantam exspectari posse efficaciam, cum vel gravissimi morbi, apoplexia, puta, epilepsia, & alii convulsivi & hysterici affectus vaporem quendam & tantum non immateriale ens pro causa agnoscant; quid? quod pestis & alii morbi contagiosi per effluvia sensibus nostris non comprehendenda interitum animali astringant. Varia hinc allegat exempla Noster, vel a se observata, vel ab aliis tradita, quæ usum in curandis morbis internis stillicidiorum, embrocationum, oleorum, epithematum, balneorum, frictionum, sinapismorum, phœnigmorum, rubefacientium, in-

uisionum, pullorum, &c. externe ad motorum evidenter evincunt. Tandem, qua ratione emollientia, indurantia, refrigerantia, condensantia, adstringentia, aperientia, attenuantia, emplastica, epicerastica, detergentia, repellentia, attrahentia, maturantia, styptica, sarcotica, & agglutinantia suam absolvant operationem, si externe applicentur, seorsum explicat.

GEORG. WOLFFG. WEDELII CENTURLAE
secundae Exercitationum Medico-Philologicarum Sacrarum & Profanarum Decas IV.

Jenæ, apud Jo. Felic. Bielckium, 1715, 4.

Plag. 16.

Postquam Præfationis loco Celeb. Autor Oratiunculam aliquam, consecrationis ergo Collegii Medici novi, publicæ lectioni primæ in eo anno superiore habitæ præmissam dedisset, Exercitationes, quemadmodum antea consuevit, subjicit, & I quidem de moly Homericæ Odysseæ, quod hodie Nymphæam albam esse affirmat, & variam ejus Mythologiam enarrat. II quaerit: An zythi mentio fiat in Sacris? & fieri affirmat Esa. XIX, 10 in verbis: כל עשר שרר מוצר-נפץ omnes facientes clausuram stagnorum animæ; collata versione LXX, καὶ πάντες οἱ ποιῶντες τὸν ζυθόν. Ubi שרר exponit per maceriem, qua munitur ahenum, (die Braupfanne) cujus interiorē cavitatem voce צין, Stagnum, significari dicit, collato loco 1 Reg. VII, 23, & שרר tandem ipsi Victus est, seu Refectio, qualis in cerevisia præcipue, collato Esa. LVIII, 10; atque probat, in Ægypto, quam contra Prophetia directæ erat, zythopœiam in usu fuisse. III de dignitate Poetarum, IV de dignitate Notariorum publicorum Cæsareorum, V de statu neutro Medicorum, statum decidentis inter & convalescentis medio, VI de Pestilentia in Sacris, cujus rationem ex Esaie verbis Cap. XXXIII, 11 explicat, cum ibi dicatur contra Assyrios: Spiritus vester ignis (erit,) qui consumet vos. Ita rem igitur explicat, ut pestis ratio sit, cum lucula, quam indiderit Deus cordibus viventium omnium, elemento stellarum similis, motu

tu scintillario & calore blando vitalis, inproportionata reddita in flammam exardescat, hominesque subito extinguat. Hinc, Pestem consistere in febrili intemperie, concludit, & pronunciat: tertia pars hominum moritur feбри. VII de Numo C. C. Augusti ænigmatico, qui argenteus est, & unicus adhuc Parisiis in cimeliarchio Domini Faucault asservatur, eo, quod est numus census, cujus generis nummi Romanis invisi, studiose ab ipsis sunt conflati. In uno latere gerit Caput Augusti, cum inscriptione ad dextram AUGUSTUS: altero, in medio, cippum, cui inscriptum, C C. AUGUSTI: circumcirca, ad sinistram L. CANINIUS, ad dextram GAL-LUS III VIR. Hic existimat Autor, C C. remotis sententiis aliis, legendum Censuræ Cæsaris Augusti, & in ea versatur opinione, fuisse hunc numum census, cujus Evangelista Matth. XXII, 19 meminit, vel saltem succedaneum ei. VIII de Holoconitide Hippocratis L. I de Morbis mulierum c. 108 t. 35, quam Bulbocastanum coniophyllon, seu Cicutariam bulbosam esse probat. IX de Lepra in Sacris, quam pro luis veneræ gradu summo venditare videtur. X. de lapide Assio, qui circa urbem Cretæ, Asson, excisus tumulis adhiberi solitus fuerit, de quo Plinius fabuletur, corpora defunctorum in eo condita intra XL dies absumi, exceptis dentibus. Tandem ex Epist. juncta Orationibus Jo. Hutteni refert, hunc, quartum jam annum defossam, & refossam, non putrefactum, & totam adhuc faciem cognoscibilem inventam esse: quin attactu sanguine commaduisse. Quibus additur ratio: corpora summo hiemis frigore glaciata & profundius defossa longissime durare queunt.

SCHEDIASMA PHYSICUM, QUO NOVUM
*Consilium Barometra phosphorescentia sive in vacuo suo
 ad agitationem noctu fulgurantia conficiendi primum
 in lucem editur, rationesque totius negotii
 vero simillimæ præmittuntur.*

Witembergæ, apud Joan. Ludov. Meiselim, 1715, 4.
 Plag. 1.

Notum

NOtum est, etiam ex his Actis, celeberrimo *Bernoullio* deberi, quæ antea casu obtinebantur, nunc data opera construuntur, barometra in tenebris lucentia, atque phosphori mercuriales ab artificibus parentur. Autor hujus schediafmatis novam proponit methodum idem efficiendi, ab aliis nondum usurpatam hisce verbis: Quibus chymica ad manus supellex, repurgent Mercurium imprimis ab aere, auxilio Retortæ, ut vocant; reliqui eundem (si modo plumbo aut stanno non adulteratus) sale saltem, vel per corium purefactum carbonibus imponant in vase, cui collum est & apertura, cavitati canalıs barometrici respondens. In hac propemodum ad fugæ usque periculum incalcentem admoveant & infundant tubulo vitreo rite emundato capsulæque jam agglutinato & carbonibus similiter vel aqua aut arena calidissima circumdato: quem sic refectum, clauso deinde barometri vasculo piceque involuto, non statim invertant iterum, sed aliquamdiu post attollant, ut, si quid omnino aeris in infusione admissum, summa petat & extremitatem canalıs hermetice sigillatam, quæ postea vacua sit, immunem derelinquat.

P. OVIDII NASONIS OPERA. PETRUS BUR-
MANNUS ad fidem veterum exemplarium
castigavit.

Amstelodami, apud R. & G. Wetstenios, 1714, 12.

Alph. 1 $\frac{1}{2}$.

Ingenium Ovidii quantumcunque luculentæ Nic. Heinſii debeat editioni, tantum tamen abest, ut nitori suo omni ex parte se restitutum hoc pacto fateatur, etiamnum ut exporrecta veluti manu hinc inde mendas commonſtret, quibus mirum in modum gestit liberari. Neque vero doctissimus Vir id sibi arrogabat, ut emendatum undique Poetam, qui tot tantisque vitiis sca-tebat, se dare crederet posse prima vice, ingenueque fassus, se adhuc dum sibi neutiquam satis fecisse, curis secundis excutere diligentius omnia parabat. Ac factum id etiam esse ab eo, testabuntur lucubrationes, quas servat Cl. Burmannus, producendas cum

majo-

majori illa Ovidii editione, quam suis auspiciis absolutiorem præstantioremque pollicetur. Ejus veluti pignus obtulit iis, quibus ingeniosissimus Poeta in deliciis est, minorem hanc, in qua textum Heinſianum ita ſequitur, ut haud pauca tamen in eo mutet, autoritate meliorum codicum haud dubie adductus, utpote ſine qua haud ſolere ſe ingenio indulgere Vir clariffimus alibi profitetur. Mutationes cujus generis ſint, vel ex his paucis, quæ ſubjicimus, locis licebit intelligere. Heinſius Hero-
id.ep. I v. 65 edendum curaverat:

- - - - Sparte quoque nescia veri,
Quas habites terras, aut ubi lentus agas.

Sed Cl. Burmannus addit Hexametro diſtinctionem majorem & Pentametrum reſingit:

Quas habitas terras, aut ubi lentus agis?

Ep. II v. 17 integrum diſtichon textus Heinſiani, quod ita ſe habet:

Sæpe Deos ſupplex, ut tu ſclerate valeres,
Sum prece thuricremis devenerata focis.

mutat ſequentem in modum:

Sæpe Deos ſupplex pro te, ſclerate, rogavi,
Cum prece thuricremis devenerata focis.

Ep. VI v. 40 ſcripſerat Heinſius:

Detegit ingenio vulnera facta tuo,

ubi vocem *tuo* in *ſuo* convertit Cl. Burmannus. Ibidem ille v. 85 diſtichon, quod pene nullo ſenſu in Heinſii textu ita legitur:

Hæc mihi narraras: at me movere merentem.

Illa minor culpa pœna futura mea eſt.

hoc pacto reſtituit:

Hæc mihi narraras: nec me movere: merentem

Ure; minor culpa pœna futura mea eſt.

Ceterum cum nuper Vir doctus ſpecimen conjecturarum in Ovidium Suppl. T. VI Sect. II p. 77. dederit inferendum, conſulimus illas cum textu Ovidii, ut eum Cl. Burmannus correxit; ſed deprehendimus, nullum eum ſollicitaſſe, quos Vir doctus in ſuſpicionem vocavit, locorum. An rationem illorum in majori, quam parat, editione ſit habiturus, nescimus; id ta-

men ferente hac occasione monere liceat, non videri nobis mutandum quidquam esse in illis Ovidii Her. ep. XI v. 19:

Quid juvat adnotam per avorum nomina cælo
Inter cognatos posse referre Jovem?

Num minus infestum, funebria munera, ferrum

Fœminea teneo, non mea tela, manu?

nbi vir doctus in versu tertio legendum censet: *Cum minus infestum*, cetera. Atqui voces illæ: *num minus* post phrasin: *quid juvat* vel *prodest*, ut alibi, ita & hoc loco sensum optimum prodigunt, idque facile largientur, qui verba paulo propius considerarint. Neque enim vox *minus* ad vocem *infestum* pertinet, ut cepisse eam Vir doctus, qui *nimis* substituit, videtur, sed ad verbum *teneo*, ut sensus sit: quid juvat ex ipsorum stirpe Numinum me posse genus deducere; num propterea minus tenere oportet infestum ferrum? cetera. Hoc pacto noster alibi Heroid. ep. XVIII v. 173:

Quid mihi, quod toto non separor æquore, prodest?

Num minus hoc nobis tam brevis obstat aqua?

& Propertius lib. IV eleg. XII v. 11:

Quid mihi conjugium Pauli, quid currus avorum

Profuit, aut sanæ pignora tanta meæ?

Num minus immites habuit Cornelia Parcas?

En sum, quod digitis quinque levatur onus.

Alia loca, ubi voces *num minus* occurrunt, collegit Heinsius ad Heroid. ep. XL v. 19 p. 93. Ac præterea si mutare quidquam oporteret ac voci *num* aliquam conjunctionem substituere: non tam *cum* quam *si* scribendum esset. Sic enim Ovidius aliis in locis illud *num minus* per *si* vel *si tamen* exprimit, ut Heroid. ep. 16 v. 211:

Quid tamen hoc refert, si te tenet ortus ab illis?

& lib. III Amor. eleg. VI v. 9 sq.

Quid properasse juvat, quid parca dedisse quieti

Tempora, quid nocti conseruisse diem;

Si tamen hic standum, si non datur artibus ullis

Ulterior nostro ripa premenda pedi?

Sed ad Cl. Burmannum redimus, cujus cura in emendando

Ovi-

Ovidio ut commendanda nobis est, ita & felicitatem in imitando eodem simul admiramur. Cognovimus illam non minus ex festivo illo *Somnio*, quam ex carmine, quo illustri viro Theodoro Velthuyfen presentem Ovidii editionem consecrat. Eam typis hic repetitam in eodem Bibliopolio, ubi olim Heiniana editio prostabat, proflare ultimo loco monemus.

FRIDER. MYCONII HISTORIA REFORMATIONIS ab anno 1517 ad 1542; editore **D. ERNESTO CYPRIANO**, Consiliar. & Assess. Consist. Eccles. Friedenstein.

Gothæ, apud Andr. Schalle, 1715, 2.
Plag. 10.

Fridericus Myconius, vel Mecum, ut se ipse nuncupat, monachus ante Reformationem Franciscanus, tandem anno 1524 Superintendens Gothanus factus, multis in propagationem Evangelicæ doctrinæ meritis clarus fuit, ut Cap. XII, ubi viri hic atque illic eodem nomine celebriores recensentur, fusius traditur. Mortuo Georgio, Principe, cum ejus fratre Serenissimo per universam ditionem profectus prædicationem Evangelii inchoabat, cui negotio & Lipsia nostra multum debet, cum ipse, ope D. Crucigeri, Jo. Pfeffingeri & M. Balthasaris, Ministeria instituerit, exturbatis antea Sophistis Pontificiis, postquam in Collegio Majori ad S. Nicolaum de Baptismate, Transubstantiatione, &c. altero die 5, altero 9 horas integras disputaverat. Plura de Autore referre non opus est, cum & alibi habeantur, & ejus vitam prolixius a Christ. Schlegelio exponendam, in Præfatione Summe Rev. Cyprianus polliceatur. Et hujus quidem cura librum, idiomate Germanico consignatum, qui manuscriptus Bibliothecas Germaniæ plures hæcenus ingressus est, ex Autoris autographo, in Bibliotheca Gothana asservato, typis exscriptum, Serenissimi Principis Gothani indultu, videmus; qui in posterum monumenta plura, illustrationi Historiæ inservientia, ex eadem Bibliotheca se publici juris facturum promittit. Ipsa Reformationis Historia Capitibus XXIV absolvitur,

tur, & statum ante Reformationem, Cap. I, occasionem Reformationis, Cap. II-IV, hujus initia, incrementa, & alia quædam eo tempore acta, & quodammodo cum reformationis negotio cohærentia, ut inquietum Regni Hungarici statum, expugnationem Romæ &c. Cap. V-XV, tandem Reformationis negotium in urbe Gothana, & alia quædam ad urbis æque ac arcis descriptionem pertinentia, Cap. XVI-XXIV comprehendit. Quod breve monumentum cum ab Ill. Seckendorfio aliisque excerptum & partim translatum esse constet, nihi addimus porro, quam ut ex Præfatione Supplementum secundum Historiæ Gothanæ hoc anno opera & studio Excellentiss. Cypriani proditutum, annotemus.

IN OBITU R. P. DANIELIS PAPEBROCHII
ad Superiores Societatis Jesu per Provinciam Flandro-
Belgicam Epistola CONRADI
JANNINGI.

Mortuus miser esse non potest, qui bene religiose vixit, nec mortuis accenseri totus debet, qui post mortem fama sui scriptisque operibus superest; imo, qui tota vita sua honoravit Deum in Sanctis suis, interque Sanctos versatus est; ubi mortuus, nisi inter Sanctos a Deo repositus sit? Hæc consolatio nostra in obitu optimi senis magistrique nostri P. Danielis Papebrochii; hæc vestra quoque omnium sit, Reverendi Patres in Christo, qui non potestis non singuli, uti tota Provincia, partem habere aliquam in communi jactura. Natale solum habuit Antverpiam, in lucem editus anno M DC XXVIII, die XVI Kal. Apriles, festa luce S. Patritii Hibernorum Apostoli. Parentes fuere honestissimi juxta ac pientissimi cives, Laurentius Papebrochius & Maria Marissael; cujus felici partu prodiit Daniel noster, primogenitus; fratres, qui ad maturam ætatem pervixerunt, nactus tres, Antonium, Laurentium & Joachimum, duasque sorores, Mariam Corneliam & Franciscam Tereciam: qui deinde adulti, exemplo fratris natu maximi, nomen Societati nostræ dedere omnes; fratres quidem ipsam ingrediendo; sorores vero

vero sub ejusdem moderamine profitando castimoniam, assumpto habitu, vita sua instituto conveniente. Omnium unica nunc superest Maria Cornelia, virtutum fratris amula; quam Deus ut diu servet, velim, in solatium egenorum.

Daniel, ut erat facili ingenio, studiis literariis admodum puer applicitus, illa, inter selectos Seminarii nostri Antverpiensis, quod Convictum appellamus, nostrorum disciplina commendatus, pene adhuc puer absolvit feliciter, anno aetatis suae XV, vix maturus, ut longe a patria & parentum conspectu ad altiores scientias addiscendas tuto dimitteretur. Quamobrem alterum repetenda Rhetorica annum, ne otio vitium contraheret, impendere jussus; illo transacto, Duacum concessit, ac biennio Philosophus evasit subtilis. Tum a R. P. Provinciali (quod antea ob immaturam aetatem negatum fuerat) in Societatem allectus, properavit anno MDCXLVI die XXIII Octobris ad tirocinium Tornaci: inde vero post annum unum translatus Mechliniam, alterum ibi complevit, seque Deo per vota Religiosa obstrinxit XXIV Octobris. Exinde literas humaniores, more Societatis, docuit, tum Mechlinia, tum Brugis, publica approbatione ac fama eruditionis, cum pietate conjunctae. Superfunt quae tunc ingenii sui monumenta composuit varia, quorum nonnulla publice cum plausu auditorum in theatro representata fuere. Ex magistro iterum factus discipulus, quadriennio operam dedit sacrae Theologiae Lovanii, pari cum laude; atque ibi anno MDCLVIII sacris Ordinibus initiatus, Dominica de Passione, in diem VII Aprilis tunc incidente, primitias suas incruentam Hostiam Deo Patri ad aram immolavit. Decurso post menses paucos Theologiae studio, ad tertiam Probationem missus est, scientias divinas, quas didicerat quadriennio, per varias pietatis exercitationes anno uno ad salutem proximorum redacturus in praxin. Et tunc demum professor creatus, praeceptiones Philosophicas praelegit Antverpia anno non integro; cum e medio cursu ad sanctiorem operam, Actis Sanctorum illustrandis navandam, evocatus est. P. Joannes Bollandus per illud tempus a summo Pontifice Alexandro VII, magno studiorum operumque ejus aestimatore, ex quo Coloniae Nuntium agebat Apostolicum, invitatus fuerat Romam, ut lustratis Vatica-

na aliisque per Urbem & reliquam Italiam bibliothecis, copiosorem Actis Sanctorum messem colligeret. Is autem senio jam gravis, eo pro se, probante Pontifice, Henschenium & Papebrochium ablegavit. Illi igitur anno MDC LX die XXII Julii Antverpia Coloniam a Bollandi deducti, porro per Germaniam contenderunt in Italiam, ac Romam inveniuntur XXIII Decembris ejusdem anni. Peractis sedulo Roma, Neapoli vicinisque in locis per spatium novem mensium, quae agenda erant, bona summi Pontificis venia, acceptisque ab ipso praeter benedictionem aliaque pietatis christiana munuscula, commendatitiis pro reliquo itinere literis, discesserunt die XIII Octobris anno MDC LXI Florentiam, ubi P. Daniel in festivitate Sanctorum omnium, quorum omnium gloria, inter mortales amplificanda, reliquam vitam impensurus erat, in illa, inquam, festivitate solennem quatuor votorum emisit professionem. Florentia deinde simul ambo profecti, lustratis Mediolano, Genua, Taurino, per Gallias Antverpiam reverterunt feliciter, anno MDC LXII propemodum elapso, die XXI Decembris; divitem pro Actis Sanctorum thesaurum, quem ubique per viam collegerant, comportantes. Hic cum P. Daniel animum, manum, calamus seque totum operi jam serio applicaturus erat, contigit, a Bollandi ei primo loco committi illustranda, quae multifariam nullo ordine chronologia scripta habebantur, Acta S. Patricii; cujus natali ipsum, jam diximus, natum fuisse: sicque sub ejus auspiciis tirocinium hagiographiae suae posuit, ut opus suis numeris perfectum ac veterano scriptore dignum elaboraverit. Qualia etiam sunt omnia, quae totis LIV annis in lucem edidit plurima. Verum de his aliisque viri gestis, scriptis, virtutibus, plura commemorare non est hujus loci; erit alibi. Tantum hic indico, quod postremis vitae annis, cum oculi caligantes visionem, tardique pedes incessum reddebant difficiliore, id unum dolebat potissimum, quod more suo Acta Sanctorum illustrare scribendo amplius non posset: in reliquis semper aequanimis. Solabatur autem tedium suum, quod viris labori assuetis afferre otium solet, quotidiana Sacrificii incruenti immolatione, oratione fere perpetua, piis ad Deum Sanctosque aspirationibus, desiderio gloriae caelestis, ac spe firma, futurum, ut brevi soluta corpore, quod corrumpere-

batur, anima ad contubernium Sanctorum suorum avolaret; his identidem verbis utens: Cupio dissolvi & esse cum Christo; ac illis: Quis me liberabit de corpore mortis hujus? Sciebat enim, quod nec aetas longeva, nec vita annos propemodum septuaginta in Religione religiose acta, nec scientia rerum sacrarum eximia, nec celebre inter mortales acquisitum nomen, nec labores amplificanda Calitum gloria constanter impensi, nec studium bene faciendi omnibus, nec quaesita perpetuo in actibus suis major gloria Dei, ceteraque virtutes, aliud desiderare praeium debeant, quam Deum ipsum ipsiusque visionem claram & possessionem securam in gloria sempiterna; quae, inquit, adiri non potest, nisi per dissolutionem anima a corpore. Cupio igitur, cupio dissolvi & esse cum Christo.

Mira fiducia videri potest. Illo ipso die, quo hac me praesente ingeminabat, in vigilia S. Joannis Baptista ante meridiem, quando bene mane adhuc more consueto ad aram fecerat; debuit correptus febris paulo post decumbere, eaque continuo invalescente, & animi deliquio superveniente, sub vespere ejusdem diei, in corona Patrum Fratrumque nostrorum, sacrosancto Eucharistiae viatico ad ultimum agonem subeundum, desideratamque dudum gloriam caelestem securius ac citius consequendam, praemunitus fuit; posteroque die similiter sacro infirmorum Oleo inunctus. Post hac, oculis plerumque clausis eubans, paucissima loquens & non nisi interrogatus respondens, animo quieto, absque corporis dolore, nisi qui ex angustia cordis & pectoris proveniebat, usque in hunc diem XXVIII sui semper compos, vitam protraxit. Quando sub ortum Solis (aderam enim, & majore noctis parte adfuoram) apparuerunt signa vicina mortis, occipitque cum ministro valetudinarii genibus flexis opem divinam moribundo implorare, primum tacitis precibus, tum elata voce recitando quas tali temporis articulo mater Ecclesia praescribit: inter quas ager, praesentibus jam pluribus qui interea advocati fuerant, sub primam ab ortu Solis horam placide exspiravit, deducentibus (uti par est credere) Sanctis animam sui praconis & encomiastae praecipui ad conspectum Altissimi, qui glorificantes se glorificat.

Plura de Viro dicenda erunt suo tempore & loco. Hic tantummodo mihi liceat paucis per modum epitaphii indicare, quid

in Actis Sanctorum, de quibus supra quam dici possit bene meritus est, praestiterit, & quousque opus perduxerit; postquam rogavero RR. VV. ut ei vota sua suorumque suffragia, ex institutione Societatis nostrae defuncto debita, conferre quantocius velint; meque simul in sanctissimis Sacrificiis suis habere commendatum.
Dabam Antverpia die IV Kalend. Quintiles M CC XIV.

D. O. M.

MEMORIAE AETERNÆ

R. P. DANIELIS PAPEBROCHII
 PRESBYTERI, THEOLOGI ET HAGIOGRAPHI S. J.



QUOD ROSWEIDUS PRÆPARARAT,
 QUOD BOLLANDUS INCHOARAT,
 QUOD HENSCHENIUS FORMARAT,
 PERFECIT PAPEBROCHIUS
 SEMESTRE PRIMUM DE ACTIS SANCTORUM
 ANNO A NATIVITATE DOMINI M DCC IX.
 MORTUUS POST QUINQUENNium,
 VIRTUTIBUS MERITISQUE PLENUS,
 ANNO EJUSDEM M DCC XIV DIE IV KAL. QUINTIL.
 ÆTATIS SUÆ LXXXVII.
 REQUIESCAT AB OPERIBUS SUIS
 IN SANCTA PACE.

NOVA LITERARIA

IN Anglia Diarium, quod hætenus sub titulo *Memoires de Literature*, autore, ut constat, Gallo, de la Roche, semel primum, deinde bis per septimanam prodit, Mense Septembri superioris Anni, ob emptorum paucitatem, cessavit. Contra Tiguri in Helvetia Jo. Jac. Scheuchzerus Med. Doct. & Math. Prof. *Novæ Literariæ Helveticæ pro annis M DCC XIII & M DCC XIV collectæ* in 8 nuperime vulgavit, e quibus inter alia discimus, sub Dan. Clerici Doct. Med. & senatoris, qui brevi tractatum *de Vermibus* prelo submittet, præsidio Genævæ singulis diebus Jovis Societatem Medicinæ congregari, in cujus Actis consignandis nunc occupatur Jo. Robertus Butinî Med. D. Idem diligentissimus Scheuchzerus Lexicon Minerologicum editurus est, cujus specimen inferemus Supplementis. Lipsiæ hebdomatim prodituræ sunt proxime Novellæ Literariæ vernaculæ, quæ & inde ab anni hujus initio proximis nundinis vernalibus apud Theophilum Georgi prostabunt, & præter nonnulla, quæ in Novellis, *Nouvelles Litteraires*, Hagæ Com. singulis septimanis prodire cœptis, continentur, plurima alia, commercio cum Viris in re literaria summis eam ob rem jam pridem instituto, exhibebunt.

ACTA ERUDITORUM,

publicata Lipsiæ

Calendis Maji Anno MDCC XV.

JOURNAL DES OBSERVATIONS PHYSIQUES,
Mathematiques & Botaniques &c.

h. e.

DIARIUM OBSERVATIONUM PHYSICA-
rum, Mathematicarum & Botanicarum, jussu Regis ad li-
tora orientalia Americæ meridionalis & in India occiden-
tali ab A. 1707 usque ad A. 1712 factarum a R. P. LUDO-
VICO FEUILLÉE, Religioso Minimo, Mathema-
tico & Botanico Regio atque Academiæ
Regiæ Scientiarum.

Tomus I.

Parisiis, apud Petrum Giffart, 1714. 4.





Alph. 2 plag. 20 Tab. æn. 16.

JUSSU Regis Christianissimi & consilio *Cassini* iter suscepit
CL. Autor, cum ut observationes astronomicas passim ce-
lebraret, tum ut cum cura observaret, quæ ad naturæ
cognitionem & historiam naturalem perficiendam ullo
modo spectant. In astronomicis nimirum observandum sibi
proposuit, 1 declinationem stellarum meridionalium, quæ Eu-
ropæis inconspicue, 2 eclipses Solis ac Lunæ, 3 immersiones
& emersiones Satellitum Jovis ad eliciendas longitudinum
differentias, comparatione observationum domesticarum cum
Parisiensibus instituenda, 4 conjunctiones Planetarum cum fi-
xis & occultationes eorundem atque fixarum a Luna factas ad
determinandum locorum longitudes, methodo *Cassini*, 5 alti-
tudines meridianas fixarum & Solis ad eruendas elevationes po-
li in diversis locis, 6 maculas solares & tempus, quo diameter
Solis per meridianum transit. In Physicis observare decrevit

TAB. IV.
Fig. I.

1 variationem magnetis, & inclinationem ejus in mari & terra, 2 fluxum & refluxum maris, 3 differentias gravitatis specificæ aquarum marinarum, fluviatilium & fontanarum, 4 altitudinem Mercurii in barometro, 5 longitudinis penduli variationem pro diversa ab æquinoctiali distantia, 6 depressionem horizontis marini ad detegendam refractionem in diversis climatibus, 7 ventos, qui regnant, eorum vires atque variationes, terrænotus omniaque phænomena parum adhuc cognita. Historiæ naturalis gratia delineavit 1 plantas curiosas & arbores earumque usum ac proprietates in Europa parum cognitæ descripsit: 2 animantia nativis coloribus depinxit: 3 portuum ichnographiam atque prospectus urbium & littorum minus cognitorum in usum nautarum perfecit: 4 in morbos denique ordinarios, apud diversos Indiæ populos, symptomata item & remedia eorundem inquisivit. Maximam vero historiæ naturalis partem in aliud tempus differt, quo pax Europæ restituetur, propter sumtus haud exiguos in tabulas æneas faciendos. Instrumentis usus est Quadrante sesquipedali cum dioptris telescopicis, horologio oscillatorio & pendulo exacto, telescopio 13 pedum, duabus pyxidibus magneticis, areometro, duobus microscopiis ad minutias in plantis & animantibus detegendas, objecta quippe in ratione 800 ad 1 amplificantibus. Areometrum constabat ex duabus sphaeris vitreis *A* & *B* & tubulo *C*, duabus unciiis Mercurii immixtis, hermetice sigillato & pondusculis *D* in figuram annuli plani efformatis unius pluriumque granorum onerandum, donec globus major totus submergeretur tubulo cum pondusculis supra aquas eminente. Tomus primus, de quo in præsentis nobis dicendum, continet observationes in itinere per mare factas. Nos omissis iis, quæ de itinere suo per singulos dies prolixissime narrat, ipsas observationes in ordinem redactas exhibemus, ut earum copia fiat etiam illis, qui vel operi ipsi coemendo sumtus impendere nolunt, vel observationes utiles ex discursibus prolixibus ad eorum scopum facientibus excerpti otio destituuntur. En igitur primo observationes quasdam astronomicas. A. 1708 d. 22 Jan. Malthæ immersionem primi satellitis in umbram Jovis observavit h. 1 7 52 tempore vero & d. 14 Febr. h. 1 13 52. Stellam polarem sub elevatione octo gradu-

TAB. IV ad A. 1715 M



graduum in mari non amplius observare potuit. A. 1708 d. 10 Aug. in oppido *Buenos-Aires* ad littus meridionale fluvii *Plate* in America meridionali sito ope telescopii 15 pedum observavit occultationem stellæ in pede australi Virginis apud *Bayerum* littera λ notatæ a Luna factam. Contigit ea tempore vero h. 7 vespertina $5^{\circ} 40'$, & duravit $5^{\circ} 41'$, stella ab eadem liberata h. 8 $1^{\circ} 21'$. D. 30 Jan. A. 1709 h. 0 $3^{\circ} 23'$ juxta Meridianum urbis, quæ a Conceptione B. Virginis fert nomen, in regno *Cbili* sitæ Satelles primus in umbram $2\frac{1}{2}$ ingressus. Eodem die hor. $3\frac{1}{2}$ pomer. observata est macula A in Sole, atmosphæra notabili circumdata, cujus distantiam a limbo superiori die sequente reperit $15'$. Centrum ejus in meridie præcedebat limbum orientalem Solis $1^{\circ} 2'$, diameter Solis per meridianum transibat $\frac{1}{2} 17'$: fuit autem tunc temporis vi observationis $3\frac{1}{2} 42'$. D. 3 Febr. Antares seu Cor scorpionis occultatum est a Luna h. 4 $49^{\circ} 27'$ e regione *Aristarchi*. Stella non prorsus disparuit, sed limbo Lunæ illuminato quasi adhæsit. Eodem die in ipso meridie maculæ solaris A centrum distabat a limbo superiore Solis $13^{\circ} 30'$ & limbus Solis præcedebat maculam $45'$. Præterea diebus antecedentibus apparuerant duz maculæ aliz quarta diametri parte a limbo Solis distantes; sed earum una jam die 2 Febr. in nebulam degeneraverat, altera multum decreverat, neutra d. 3 per telescopium 14 amplius distare conspici poterat. D. 7 Febr. h. 1 $55^{\circ} 35'$ satelles primus in umbram Jovis immerfus; d. 9 Febr. h. 11 $0^{\circ} 51'$ tertius; & d. 10 Febr. h. 11 $10^{\circ} 4'$ secundus; d. 15 Febr. h. 10 $17^{\circ} 59'$ primus; d. 17 Febr. h. 0 $34^{\circ} 3'$ tertius & d. 18 Febr. h. 1 $45^{\circ} 8'$ secundus in eandem ingressi. D. 13 Febr. altitudo horizontis marini observata unius scrupuli primi, oculo octo pedum intervallo super mare elato. In constellatione, quæ *Cruferi* fert nomen deprehensa est declinatio australis stellæ in pede $6^{\circ} 1^{\circ} 28^{\circ} 50'$, stellæ Summæ $55^{\circ} 29^{\circ} 23'$, ejus, quæ est in brachio orientali, $58^{\circ} 3^{\circ} 17'$. Declinatio nubeculæ vicinæ reperta est $74^{\circ} 0^{\circ} 43'$. Observationes hæcenus recensitæ omnes in urbe *Conceptionis* habitæ: pauciores in urbe *Valparaiso* collectæ. Hic nimirum declinatio nubeculæ majoris $70^{\circ} 22^{\circ} 10'$; Caropi vero, $52^{\circ} 30^{\circ} 4'$, reperta, d. 10 Mart. satelles primus in umbram Jovis immerfus h. 10 $34^{\circ} 13'$ & d. 11 Mart. h. 19 44° Solis digitus unus fuit eclipsatus: finis eclipseos contigit h. 6 27°

TAB. IV.
Fig. 2.

37. *Lime* iteratæ sunt observationes declinationum stellarum in constellatione *Cruseri*: fuit autem declinatio pedis $6^{\circ} 12' 53''$, stellæ supremæ $5^{\circ} 28' 54''$, brachii orientalis $58^{\circ} 3' 26''$. D. 4 Julii per telescopium 18 pedum stella primæ magnitudinis in pede Centauri ex duabus composita apparuit, quarum una tertiæ, altera quartæ magnitudinis comparuit, distantia earum diametro stellæ æquali. D. 18 Octobr. h. 4 pom. 2 observata est macula in Sole, cujus centrum præcessit limbum superiorem $2\frac{2}{3}$ distans ab eodem 14 & d. 4 Nov. rediens. Declinatio australis stellæ *Acarner*, quæ est primæ magnitudinis in Eridano, reperta $58^{\circ} 46' 39''$. D. 19 Oct. refractiones 20 vel 25 secundis minores deprehensæ, quam in ephemeridibus Parisinis (*La Connoissance des temps* dictis) annotantur, a gradu 22 usque ad 25 altitudinis. D. 15 Dec. differentia ascensionum rectarum in tempore, quo Saturnus præcessit stellam tertiæ magnitudinis in brachio Castoris, apud *Bayerum* litera δ notatam, fuit $5^{\circ} 7'$ differentia declinationum in tempore, quo Saturnus fuit meridionalior stella, $5^{\circ} 2'$. Observationibus hæcenus recensitis jungimus latitudines & longitudes locorum ex pluribus subinde observationibus determinatas, brevitatis gratia sequenti tabula comprehensas.

Nomina urbium	Longitudo	Latitudo
Maltha	$33^{\circ} 40' 0''$	$35^{\circ} 34' 33''$
Sinus Palmæ in Sardinia	$28. 21. 45.$ ex æstima-	$38. 59. 24.$
Mahon portus in Minorca	tione nau- tarum.	$39. 53. 45$
Carthago Europæ		$37. 36. 7$
Almerie		$36. 51. 18$
Arx dela Roquille		$36. 50. 29$
Buenos-Aires		$34. 34. 38$
Monte-video		$34. 51. 45$
Promontorium S. Johannis	$318. 9. 0$ æstimatio- ne nauta- rum	$54. 45. 20$

Nomina

Nomina urbium	Longitudo	Latitudo
Urbs Conceptionis in regno Chili	75. 32. 30	36. 42. 43
Valparaiso ibidem	74. 39. 15	33. 0. 50
Lima	79. 9. 30	12. 0. 57

Autor se primum esse ait, qui regnorum *Chily* & *Perou* situm per accuratas observationes determinavit. Similiter observationes de gravitate specifica aquarum marinarum in diversis locis opere areometri supra descripti institutas tabula sequente comprehendimus: ubi notandum, plerasque longitudes ex æstimatione tantummodo nautarum ibidem expressas haberi & alicubi loco longitudinis adscriptum esse nomen loci, quia autor per proprias observationes eandem non determinat.

Latitudo borealis	Longitudo	æquilibrium aquarum
35. 54. 33	33. 40. 0	2 Unc. 3 dr. 58 gr.
39. 53. 45	Mahon	2. 3. 57½
34. 51. 0	portus	2. 3. 54½
9. 57. 0	352. 55. 0	2. 3. 52
8. 12. 0	353. 38. 0	2. 3. 50½
6. 40. 0	353. 47. 0	2. 3. 49½
6. 36. 0	354. 57. 0	2. 3. 47½
5. 48. 0	354. 52. 0	2. 3. 49
5. 50. 0	354. 31. 0	2. 3. 49
5. 42. 0	357. 59. 0	2. 3. 49
1. 20. 0	353. 30. 0	2. 3. 49
2. 26. 0	353. 3. 0	2. 3. 50
8. 4. 0	352. 39. 0	2. 3. 51
14. 51. 0	352. 16. 0	2. 3. 51
17. 22. 0	352. 46. 0	2. 3. 51½
19. 47. 0	352. 55. 0	2. 3. 52
21. 10. 0	349. 21. 0	2. 3. 52
24. 53. 30	341. 15. 30	2. 3. 52½
27. 5. 0	335. 52. 0	2. 3. 52

Latitudo borealis	Longitudo	Æquilibrium aquæ
32. 51. 0	328. 31. 0	2Unc. 3 dr. 47 gr.
34. 3. 0	328. 19. 0	2. 3. 47½
38. 7. 0	325. 14. 0	2. 3. 51
41. 37. 0	323. 0. 0	2. 3. 52
47. 44. 0	317. 33. 0	2. 3. 51
54. 45. 20	318. 9. 0	2. 3. 52
56. 47. 0	317. 51. 0	2. 3. 53
59. 50. 48	309. 30. 0	2. 3. 53
49. 51. 20	299. 54. 0	2. 3. 52½
37. 32. 0	303. 43. 0	2. 3. 53

Maltba fuit æquilibrium aquæ fontanæ 2 Unc. 3 dr. 17 gr. aquæ autem in cisterna 2 Unc. 3 dr. 57½ gr. Aquam marinam, cujus æquilibrium ibi deprehendebatur, 2 Unc. 3 dr. 58 gr. Autor filtravit per sabulum idemque a prima filtratione pondus permansit; in secunda accessit incrementum dimidii grani, in tertia unius cum dimidio. Mansit autem aqua limpida & saporis fuit minime falsi: tincta tamen colore sabuli. *Almeria* aquæ fontanæ pondus observavit 2 Unc. 3 dr. 20 gr. unde eam non satis puram judicat, quia aquarum bonarum pondus nunquam reperit majus 2 Unc. 3 dr. 17 gr. Sub elevatione poli 6 36 & longitudine 35 4 37 pondus aquæ pluviz fuit 2 Unc. 3 dr. 17 gr. Sub elevatione poli 5 50, longitudine 34 5 31 pondus aquæ ex nube admodum humili delapzæ 2 Unc. 3 dr. 18½ gr. pondus aquæ in fluvio Plata 2 Unc. 3 dr. 18 gr. sed in fluvio *Rio-Cbuclo* 2 Unc. 3 dr. 17 gr. &, cum ventus marinam admisceret, 2 Unc. 3 dr. 24 gr. In urbe *Conceptionis* æquilibrium aquæ fluvialis 2 Unc. 3 dr. 17 gr. & fontis vivi 2 Unc. 3 dr. 17½ gr. In oppido *Valparaiso* pondus aquarum optimum, nempe 2 Unc. 3 dr. 17 gr. Declinationem magneticam sequentibus in locis observavit Cl. Autor.

Latitudo	Longitudo	Declinatio Magnetis			Dies Anni
	Calliari in Sardinia	10.	19.	0 in ort.	d. 16. Jan. 1708
	Maltha	10.	25.	0	d. 22. Jan.
	Mahon portus	10.	26.	0	d. 17 Mart.
5. 48	354. 52	0.	7.	0	d. 20 Jun.
5. 24	357. 3	0.	0.	0	d. 26 Jun.
0. 0	354. 0	0.	37.	0 in occas.	d. 1 Jul.
2. 26	353. 3	1.	5.	0	d. 2 Jul.
8. 4	352. 39	1.	17.	0	d. 5 Jul.
13. 3	351. 46	3.	32.	0	d. 8 Jul.
20. 21	350. 27	8.	11.	0	d. 12 Jul.
21. 10	349. 21	8.	4.	0	d. 14 Jul.
21. 53	348. 8	7.	46.	0	d. 15 Jul.
22. 8	347. 25	9.	8.	0	d. 16 Jul.
22. 20 $\frac{1}{2}$	346. 58 $\frac{3}{4}$	9.	28.	0	d. 17 Jul.
22. 44 $\frac{1}{2}$	346. 6 $\frac{1}{2}$	9.	0.	0	d. 18 Jul.
27. 5	335. 52	12.	17.	0	d. 23 Jul.
28. 55	331. 21	12.	0.	0	d. 25 Jul.
31. 0	329. 7	16.	24.	0	d. 27 Jul.
34. 18	327. 49	18.	17.	0	d. 31 Jul.
41. 11	322. 46	19.	19.	0	d. 8 Dec.
42. 16	322. 15	17.	57.	0	d. 12 Dec.
43. 24	321. 49	19.	57.	0	d. 13 Dec.
46. 24	319. 44	19.	16.	0	d. 15 Dec.
53. 0	315. 29	23.	5.	0	d. 19 Dec.
55. 45 $\frac{1}{2}$	318. 9	23.	3.	31	d. 20 Dec.
57. 26	299. 29	15.	0.	0	d. 11 Jan. 1709
49. 51 $\frac{1}{2}$	299. 54	13.	30.	0	d. 12 Jan.
41. 4	303. 20	11.	33.	0	d. 18 Jan.
	Valparaiso	9.	30.	0	d. 11 Mart.
	Lima	6.	15.	0	d. 15 Sept.

Inter omnes methodos inveniendi declinationem magnetis
eam optimam judicat, quæ in amplitudine Solis ortiva fundatur,
quam-

TAB. IV.

Fig. 3

quamvis nulli summam accuratorem concedat. Phænomena singularia hæc recenset. Malthæ maxima Mercurii altitudo flante austro & cælo sereno 27 dig. 10 lin. minima flante borea & tempestate pluviosa 27 dig. 10 lin. A. 1708 d. 7 Mart. h. 2 pom. Coronæ solares observatæ. Centrum circuli A erat in Zenith, radius 18 circiter, distantia a Sole $\frac{1}{4}$ diametri ipsius, cum ordinarie, per centrum Solis transeat. Major eundem interfecans erat Soli concentricus: colores erant debiles, sed iridi similes. Chorda CD subtendebat 100°. Circulus major jam disparuerat, cum minor adhuc per dimidium horæ quadrantem conspicuus esset. D. 30 Martii h. 9 vesp. apparuit phænomenon insolitum, constans ex tribus circulis Lunæ concentricis & æquali intervallo a se invicem constantibus, coloribus iridis, sed minus vivacibus tinctis. Circulus quartus multo amplior & coloris candidi Lunam ambibat. D. 13 Maji h. 9 vesp. ignem volantem observavit, qui subito accensus Venerem æmulabatur. Intervallo unius ac dimidii minuti eodem in loco persistit & expansus deinde omnem horizontem lumine implebat ita ut navem in eo distinguere licuisset. D. 7 Jun. vidit aquam gubernaculo allisam flammeum tramitem post se trahere, qui fluvio igneo simillimus apparebat. Cumque mare esset tranquillum, infinitæ stellulæ sine ullo ordine dispersæ, ac cælestibus numero plures in mari comparebant. Sub tropicis frequentes sunt pluvix ex nube a vento subito advecta præcipitatæ & mox iterum cessantes, ita ut interdum 3 per horam delabantur. D. 22 Jun. claritas insignis per omnem maris superficiem diffusa, quæ & continuo crevit. Horizon factus inde clarior, ita ut stellæ primæ magnitudinis in altitudine 4 & 5 graduum prorsus non, in altitudine 8 & 10 confuse tantum viderentur. D. 17 Jul. noctu subito apparuit stella γ & η major intervallo duorum minutorum & ultra in eadem magnitudine eodemque splendore persistens ac postea disparsens lumen insigne, ut supra, undiquaque sparsit. D. 22 Aug. Soli orienti adherere vidit columnam lineis parallelis ac diametri solaris intervallo distantibus comprehensam, quæ duravit usque dum Sol sextum altitudinis gradum attigit. In eodem cum Sole verticali persistit nec splendore ab eo differens,

rens, ita ut Sol in longum productus crederetur, tandem in co-
 num degeneravit ac inde prorsus disparuit. Altitudinem aquæ
 in æstu marino maximum per annum in urbe *Buenos-Aires* de-
 prehendit Cl. Autor 4 ped. 7 dig. D. 21 Sept. A. 1708 in Provincia
Puelches hor. 12 mat. cælum nubibus adeo obvelatum, ut can-
 dela accensa ad literas dignoscendas opus fuerit. Mox pluviz
 instar arena decidit. Erat autem ante cælum sudum. D. 9 Jul.
 1709 in terræ motu horologii motus cessavit. D. 17 Dec. hor. 8 30
 iris lunaris *Lima* visa. Colores distingui poterant, ut debiles.
 Spectant præterea ad historiam naturalem, quæ Cl. Autor de
 pisce *Requin* dicto commemorat. Cor unicum tantum ventri-
 culum habet: piscis autem homines devorat & ex eo alii pisces
 minores nutrimentum sugunt. Minimæ eorum, quos capere
 datum est nautis, fuit 100 librarum. Piscis alius, quem *Mar-*
sovia dicunt, quique 30 ac plures libras pendere solet, sangui-
 nem habuit calidum contra naturam piscium aquaticorum. D. 6
 Jul. sub elevatione poli 8° 4' & longitudine 352° 19' pisces volan-
 tes magno numero evolarunt; sed postquam alæ madore priva-
 tæ, denuo sese in aquam præcipientes dedere, ut novas vires acqui-
 rerent. Ultra passus 100 volatum non extendunt, nec ultra 4
 vel 5 pedes in altum ascendunt. Memorat quoque Autor ver-
 mem 76 digitos ac 4 lineas longum quatuorque lineas crassum
 ex ventre Indi expulsum per medicamenta contra Colicam pro-
 pinata. A capite usque ad caudam numeravit annulos cartilagi-
 neos 117. Lintæ frequens est quoddam morborum genus ha-
 ctenus incurabile ac prorsus lethale, quod vocatur *pasma*. Con-
 sistit in nervorum contractione, quibus motus omnium partium
 corporis destruitur, ita ut ne nutrimentum quidem ullum assu-
 mere possit æger, cum nulla vi fauces diducere liceat. Incidunt
 in hunc morbum, qui ex lecto surgentes frigori sese exponunt.
 Describitur ab Autore monstrum biceps, de quo disceptatum est,
 utrum lavacro sacro adspergi debeat utrumque caput sigillatim,
 an tantum unum. Prius placuit, quia duæ voluntates oppositæ
 in iisdem observatæ. Descriptiones urbium, quorundam ani-
 mantium, baptismi maris in transitu per lineam, aliaque istius-
 modi prætermittimus.

**HERM. ALEXANDRI RÖELL COMMENTA-
rius in Principium Epistolæ ad Ephesios.**

Trajecti ad Rhenum, apud Guil. van de Water, & Amstelæda-
mi, apud Jac. Borstium, 1715, 4.

Alph. 6. plag. 2.

PAulus Apostolus in principio Epistolæ ad Ephesios præcipua Christianæ doctrinæ capita proponens, Celeb. Autori occasionem suppeditavit, pleniori commentario ea ab initio primæ capitis usque ad comma XIV illustrare, ut suis non tantum auditoribus prodesset, sed publico etiam monumento ostenderet, se orthodoxum esse. Male quippe exceptam esse & hodiernum a multis hostiliter impugnari suam sententiam de generatione Filii Dei, quæ tamen eo unice tendat, ut doctrinam de vera Christi Deitate a Socinianorum, Arianorum, aliorumque S. S. Trinitatis hostium cavillationibus liberet, valideque confirmet. Pium adeo hunc conatum, etsi irritum forte, laudandum, non vituperandum esse. Ad cognoscendam sententiæ innocentiam memorat, disceptatum olim fuisse *Trelocatium* inter & *Arminium*, an secunda persona sit Deus per communionem ejusdem naturæ? Quæ Trelocatii: an per communicationem? quæ Arminii sententia fuerit, eandem plane esse suam, tantopere vexatam, sententiam, quæ veræ Deitatis Christi contra Arminium vindicis Trelocatii fuerit. Miratur igitur, id, quod in Trelocatio orthodoxum fuerit, in se heterodoxum, imo hæreticum esse. Hæc aliaque ad Academiam Ultrajectinam Curatores præfatus, lectores monet, se in citandis Scripturæ locis aliquando parciores esse potuisse. Sed occurrere voluisse eorum calumniæ, qui, se eam minus reverenter habere, criminantur. Nec dissitetur, se justis commentarii modum paululum excessisse. Excusationem autem sumit ab argumenti dignitate, & multitudine rerum, quibus investigandis & explicandis paullo diutius fuerit immoratus, in sequentibus brevior futurus. Nos more nostro nonnulla specimina daturi sumus.

P. 49.

sz.

Religionem Christianam in N. T. ubique vocibus e cultu Mosaico atque typico petitis, describi monet. Paullum se *ἐκ τῶ ματι* comparare I Cor, XV, 8, vel ob subitanæ ad Christi-
ani-

animum conversionem, & ad Apostolatum vocationem, ad quem non fuerit iusto tempore cum reliquis Apostolis pręparatus; vel ob prioris status deformitatem, in quo non magis Christiano aut Apostolo similis fuerit, quam est abortus homini, vel denique ob defectum omnis lucis, antequam a Spiritu S. illuminaretur, uti abortus omni sensu & ratione caret. Investigat, quo sensu, salva Filii & Spiritus S. Deitate, Pater singulariter Joh. XVII, 3 & alibi vocetur *Deus*, *unus Deus*, imo & solus verus Deus. Hujus rei rationem petendam esse censet ex personarum divinarum pluralitate & certa inter eas, ratione operum, œconomia, ob quam singulis singularia tribui possint nomina, quę tamen omnibus quod ad essentiam sint communia. Posse enim primam personam, quatenus οἰκονομικῶς exerceat commune Deitatis jus singulariter vocari *Deum*, *unum Deum*, *solum verum Deum*, salva reliquarum personarum divinitate. Eadem etiam ratione Filio & Spiritui S. ea tanquam propria tribui, quę Patri sint communia. Pręmissa historię vitęque Paulinę enarratione, examinat, qua ratione & Paulus certissimus esse poterit, se revera esse Apostolum Jesu Christi per voluntatem Dei, & quibus signis & argumentis nobis etiam ejus rei veritas plenissime persuaderi queat? Hac occasione divinitatem scriptorum Pauli egregie demonstrat. Παλιγγενεσίαν Matth. XIX, 28, exponit de innovatione seu nova generatione post φθοράν corruptionem. Hoc sensu Stoicos ea voce usos esse. Talem autem mundi innovationem accidisse post Christi glorificationem, quando non tantum reformatio facta in doctrina & moribus, inter Judęos & gentes, sed & nova plane mundi facies & χῆμα introductum, 2 Cor. V, 17. Factum illud per destructionem & conflagrationem templi, & urbis Hierosolymitanę, totiusque Reip. Judaicę, & cultus Mosaici per rejectionem Judęorum, vocationem gentium, & doctrinę Christianę prędicationem per universum orbem. Certe Christum per παλιγγενεσίαν rerum illam innovationem intellexisse, inde evidens esse, quod Lucas eam explicet per βασιλείαν Luc. XXII, 30. Regnum Christi autem illum significare Ecclesię statum, in quo Christus jam collocatus in throno suo & sedens ad dextram majestatis in cœlo, so-

P. 59.

60.

61.

76. 77.

48

- lus regnet per verbum Evangelii sub N. Test. At vero cum Servator discipulis præmium, gloriamque & dignitatem summam ἐν τῇ παλιγγενεσίᾳ promittat, rectius nostra opinione sentiunt, qui eam per τὴν τῶν πάντων ἀποκατάστασιν Petrinam Act. III 11, h. e. de nova facie rerum omnium in mundi consummatione exponunt, cujus regenerationis pars est restitutio mortuorum per resurrectionem ac distributio præmiorum Apostolis promissa. Sed tempus post Christi adscensionem in cælos nequaquam fuit retributionis, sed laboris, non gloriæ, sed afflictionum, per quas Christi discipulis in gloriam intrandum erat. Eodem sensu Græcæ Ecclesiæ Doctores hanc vocem usurparunt, ac *Basilius* sigillatim, de *Creat. Orat. I. p. 6*, ubi συντέλειαν τῷ κόσμῳ mundi consummationem, ejusque παλιγγενεσίαν & regenerationem, tanquam voces ἰσοδυναμῶντας & se mutuo explicantes, conjunxit. Vaticinium Jacobi morituri de Beniamine editum Genes. XLIX, 27 prolixè exponit, docetque, Paulum Apostolum commode adumbrari per lupum spolia distribuentem vespera, & ob convenientiam cum Beniamine non incommode Benjamin vocari posse, atque per Benjaminem parvum Psalm. LXVIII, 28, intelligi debere. De voce ἅγιος observat, eam apud LXX interdum poni pro כבוד καθαρὸς mundus, purus a sordibus, sæpiissime pro ἅγιος sanctus, Deo consecratus & impollutus a vitüs, in oppositione ad נעוץ impurus, profanus, vitüs contaminatus, nonnunquam pro כבוד insigne, Levit. XXI, 12. Sanctitatem autem tribui ante omnia Deo, dein Angelis, qui in veritate persisterunt, & hominibus pietati deditis vel Deo singulariter consecratis, aliisque rebus propter similitudinem cum Deo, & ὁμοίαν ad illum. Sic hominem sanctum esse propter sanctitatis divinæ imitationem, qua omnia agit ad gloriam Dei, 1 Petr. I, 15, 16. Evoluta vocis πισὸς varia significatione, rationem reddit, cur Apostolus sanctos etiam vocet πιστοὺς ἐν Χριστῷ Ἰησοῦ, quoniam nimirum Deus sanctificat electos, & in populum peculii sibi segregat per veram in Christum fidem, nullaque vera sanctitas in peccatore reperiri potest sine tali fide. Non posse enim peccatorem Deum supra omnia amare, æstimare & glorificare, nisi credat veritati Evangelii de reconciliatione & redemptione per mortem Christi

Christi. Fidem describit per consensum in formulam fœderis gratiæ, quod ad omnes ejus partes tam conditiones, quam promissiones. Hanc fidem ab Apostolo 2 Corinth. IX, 13 vocari ὑποταγὴν ὁμολογίας εἰς τὸ Εὐαγγέλιον τοῦ Χριστοῦ, *obedientiam ad stipulationis in Evangelium Christi*. Græcos enim conventionem & pactum, quod inter duos pluresve sit, certis conditionibus ὁμολογίαν vocare. Prophetas olim unctos fuisse dubitat. Certe si oleo delibutus fuerit Elisæus; Reg. XIX 16, id plane extraordinarium fuisse. Sed eo ipso nihil dignitati Christi decedere, neque munus ejus Propheticum negari. Præterquam enim, quod aliunde, quam ex nomine Christi, abunde probari possit, ipsum Prophetam fuisse: nihilominus ex eo etiam adstrui posse. Non tantum enim Sacerdotum fuisse offerre sacrificia, sed & docere Malach. II, 7. Vocem כהן eum proprie notare putat, qui ad Regem, aut eum, qui summus est, accessum habet, & intimioris apud eum admissionis est. Ita filios Davidis dictos fuisse 2 Sam. VIII, 18 כהני, h. e. ut explicatur 1 Chron. XVIII, 17, ליד המלך כהני ראשונים *primi juxta Regem*. Manifestum enim, non fuisse sacerdotes. Eodem sensu intelligi posse, quod legatur de כהן אהרן Genes. XLI, 45 & כהן מדין Exod. III, 1, ut scilicet designari putet eos, qui proximi fuerint a Regibus, Provincia- rum præfectos & Satrapas. Simili ratione כהני יהוה *sacerdotes Jehova* fuisse, ut ipsa Scriptura explicet Exod. XIX, 22, אנשים אשר יקראו אל יהוה *appropinquant ad Jehovam*, ad offerenda nempe sacrificia. Plurimæ hujus generis observationes occurrunt, ex ipsa pereruditi operis lectione notandæ. Nobis enim hic subsistendum est. Vnicum addimus de Melchisedeco, quem non merum hominem, sed secundam personam S. S. Trinitatis fuisse, sub specie humana Abrahamo apparentem, contendit.

p. 314.

364.

366.

525.

THE PENITENTIAL DISCIPLINE OF THE Primitive Church, &c.

*POENITENTIÆ DISCIPLINA IN PRIMI-
tiva Ecclesia prioribus quatuor post Christum Seculis sole-
mnis: una cum decremento ejus inde a Seculo quinto usque*

ad hodiernum ejus statum, absque partium studio repræsentata ab Ecclesiæ Anglicanæ Presbytero.

Londini, apud Jo. Taylor & H. Clements, 1714, 8.

Plag. 21.

QUamvis Morinus prolixè & erudite jam hanc materiam peculiari opere pertractaverit, tamen Autor noster non dubitavit, ea, quæ ipse ex fontibus hausit, publice exponere, non interea intermittens ad illum æque ac alios, quorum diligentia ipsi usui fuit, provocare. Distinxit Opus suum in quatuor Capita. *Primo* agit de fundamento, quo hæc disciplina Ecclesiæ nititur, illudque triplex esse, per tres Sectiones declarat. Sectione I illam fundatam esse observat ratione communi; quod nimirum Ecclesia tanquam societas potestatem habere debeat, quæ ad illam sustentandam & conservandam necessaria sit. Jam vero, addit, nec societatem sine regimine, nec regimen sine potestate obedientes excitandi, & obstinatos puniendi stare posse. Cum autem regnum Christi non sit de hoc mundo, atque adeo non externa ejuscemodi potestate gaudere possit, qua Magistratus Civilis leges suas tueatur, æquum esse, ut loco ejus aliquid habeat, quo membra sua vel in obedientia servare, vel alias communione sua excludere possit. In quo autem illud consistat, ex originalibus ejus monumentis intelligi debere. Itaque Ecclesiam aliquam potestatem habuisse membrorum suorum offensas judicandi, Autor Sectione II ex Matth. XVIII, 15-17, Joh. XX, 21, 22, 23 probat, Hammondi de locis illis sententiam laudans, Clerici autem interpretationem rejiciens. Cum autem dubium aliquod suboriri possit de terminis, quibus potestas illa descripta est, sensum illorum determinandum existimat ex pravi non solum illorum temporum, quibus eadem potestas illa concessa est, sed & illorum, quæ proxime illa insecta sunt. Hinc Sectione III pœnitentiæ disciplinam & in Judaica & Christiana Ecclesia obtinuisse, docet, & de Apostolis ex praxi illorum probare annititur, quod ad exemplum disciplinæ Judaicæ potestatem ligandi & solvendi eodem modo, quo duo Sacramenta ad exemplum Baptismi & Postcœnii Judaici, a Christo acceperint, & usurpaverint. Quæque Seldenus de dis-

scri-

scrimine inter Judaicam & Christianam disciplinam observavit; hoc saltem probare putat, quod Christiani modo quodam diverso, & alia autoritate illa usi sint. Apostolorum vero praxius successores illorum secutos esse, ex Clemente Romano, Hermo, Ignatio, Justino Martyre, Irenæo, Canonibus Apostolicis, (quos circa finem Seculi secundi, vel sub initium Seculi tertii collectos conjicit) Origene, Tertulliano ostendit, ad aliorum simul testimonia provocans, quæ postea allaturus sit. Capite. *Secundo* de modo differit, quo Ecclesia prioribus quatuor sæculis hanc disciplinam exercuerit, illudque in duas partes dividit. Parte I tribus Sectionibus agit de Confessione, Segregatione, & Absolutione, posteaquam in accessu ad hanc Tractationem observaverat, quod excommunicatio non nisi desperato casu in usu fuerit, & excommunicati ad sanam mentem redeuntes per tres illas disciplinæ partes Ecclesiæ restituti sint. *Confessionem* & publicam & privatam fuisse ostendit, eaque occasione de Pœnitentiarum origine, & officio, eodemque a Nectario abrogato disquirat. *Segregationis* duas constituit periodos, alteram, quæ præcedit hæresin Montani & Novati, alteram quæ illam sequitur. Ante hæresin illorum disciplinam longe leniorem fuisse, quam post illam docet. Antea pauciores menses vel hebdomades peccatores ab Ecclesia segregatos fuisse, quam postea annos. Stationes quoque pœnitentiæ antea non ita multas, quam postea comparere. De hisce vero Stationibus earumque origine, & præcipuo antiquissimoque gradu, prostratione nimirum, porro Noster non contemnenda profert. De *Absolutione* observat, quod cum peccata delinquentis, tempore disciplinæ effluxo, deprecatione Ministri Dei, per totum pœnitentiæ cursum instituta, expiata plane judicata sint, ipse peccator, ultimo loco manuum impositione ab Episcopo facta, pacem Ecclesiæ obtinuerit, & omnium privilegiorum communioni restitutus sit. Illamque absolutionem prioribus quatuor Sæculis ante tempus illud non concessam esse existimat, nisi in casu Clinicorum; ad quorum pœnitentiam etiam Jacobum Ep. V, 14, 15, 16 respicere putat, licet non neget, quod simul verba ejus ad miraculosam morborum curam referenda sint. Denique solemnem pœnitentiam & absolutio-

nam semel tantum alicui concessam esse, probat. Parte II duabus Sectionibus & crimina, quæ ejusmodi disciplinam meruerint, ut adulterium, idololatriam & homicidium recenset, & Episcopum ejus fuisse antisilitem & arbitrum declarat, Seldenum simul refutans, Principes excommunicare aliquos posse, imo Aurelianum Augustum, Imperatorem Gentilem, sententiam excommunicationis contra Paulum Samosatenum tulisse, statuentem. Animadvertit nimirum, Imperatorem tantum mandasse, ut ædificia, quæ Paulus ægre relinquebat, occuparentur ab illis, quibus Episcopi Romani & Italiæ illa adjudicarent. Capite *Tertio* quatuor Sectionibus enarrat, quomodo Ecclesiæ Occidentales primitivum exemplum reliquerint. Nam Sectione I docet, quod, cum pudor multos deterruerit publicæ disciplinæ se submittere, & eo tandem Pontifex Seculo V de singulorum peccatorum genere libellis scriptam professionem publice recitandam abrogaverit, & confessionem privatam sacerdotibus factam sufficientem esse existimaverit. Hoc tamen de secretis tantum peccatis intelligendum esse; de illis vero, quæ publico scandalo fuerint, eundem statuisse, quod reus illorum non nisi per publicam pœnitentiam ad communionem admitti debeat. Sicuti etiam publicæ disciplinæ vestigia post Leonem per diversas Ecclesiæ ætates Noster ostendit. Theodorum, addit, Archiepiscopum Cantuariensem Seculo VII viventem a Marino incusari, quod primus morem sustulerit publice de criminibus occultis pœnitendi: eundem vindicari a Petito, qui probare annitatur, quod privata pœnitentia in ipsis Ecclesiæ incunabilis locum habuerit; sed testimonia, quæ hic eam in rem produxerit, neutiquam illud probare. Petiti conclusionem veram esse, præmissas autem falsas. Morinum bene satis dicere potuisse, quod Theodorus in Latina Ecclesia primus hanc disciplinam in ordinem redegerit, scribendo Pœnitentiale, & methodum illo utendi & Clero & Laicis præscribendo. Illo tempore publicam disciplinam licet non penitus amissam, tamen fere extinctam fuisse, cum post illud vix quicquam nisi de privata confessione & absolutione audiatur. Episcopos diversis ætatibus allaborasse, priscam disciplinam revocare, ad minimum ulteriorem in illa inno-

innovationem prohibere, ut ex variis Conciliorum Canonibus pateat. Carolum M. quoque hoc institutum juvasse, & tempore Ludovici in Concilio Sexto Parisiensi decretum esse, ut Codicilli Pœnitentiales abolerentur: tum etiam lege mandatum esse, ut occulta peccata committentes occulte facerent pœnitentiam, publice vero delinquentes publice etiam punirentur. Sed zelum hujus Imperatoris cum ipso & progenie ipsius cito expirasse, & in barbariem & confusionem temporum incidisse. Per totam periodum a Leone ad nostram ætatem privatam disciplinæ administrationem publicæ prævaluisse, & hanc jam vix aliud reliquisse quam inane sine effectu nomen. Hinc inde quidem in paucis exemplis illam comparere, sed perexiguo usu. Concilia sæpius de illa, tanquam de re magis in votis quam in praxi consistente loqui. Sectione II exponit, quomodo pœna publica Canonica pecunia vel alio pretio redempta sit. Hujus vero fundamentum antiquius esse putat, quam prioris immutationis; licet praxis, quæ illo nitatur, videatur recentior. Concilium Nicænum, & paulo ante Ancyranum, Episcopis potestatem dedisse arbitrariam in disciplina pœnitentiæ exercenda; sed hoc temporis successu illam ad casus & circumstantias extendisse, quas nequitiam Concilia ista intenderint. Quamvis vero Noster cum Petito statuatur, quod Theodorus Archi-Episcopus Cantuariensis hujus innovationis autor minime fuerit, tamen cum ratione ejus, qua serius illam invaluisse putat, non consentit. Nam ex Pœnitentiali Theodori (huic enim illud, quocunque licet modo corruptum, vindicat) conjicit, quod cum in illo nova praxis ad regulam & methodum redacta sit, antea etiam illa in usu fuerit. Observat præterea in Actis Synodi Landaviensis primæ, habitæ circiter A. D. 560, Synodi item Landaviensis tertię, aliquid occurrere eidem praxi tam simile, ut tum temporis radices illa in Ecclesiis Britannicis egisse videatur. Ceterum tempore Synodi Cloveshovienſis A. D. 747 habitæ illam reliquas pœnitentiæ partes supplantasse suspicatur. Seculo decimo autem Leges Ecclesiasticas Regis Edgari mentionem facere ædificationis Ecclesiarum, adjectionis prædiorum &c. tanquam ad solutionem peccatorum conducentium, imo circa idem tem-

pus peregrinationes in terram sanctam, & militiam contra infideles loco antiquæ pœnitentiæ Canonice invaluisse, memoras. Cumque illi, qui expeditiones illas sponderint, specialem confessionem peccatorum fecerint, & tamen tempus absolutio- nis post pœnitentiam præstitam expectare forsitan non potue- rint, probabile esse dicit, quod hoc originem dederit absolutio- ni immediatæ post confessionem. Sectione III agit de separatio- ne duarum Jurisdictionum a se invicem, quæ antiquitus in ea- dem potestate fuerint, nempe (1) illius, quæ respexerit consci- entiam peccatoris, & remissionem peccatorum ejus, (2) illius, quæ ad externam tantum disciplinam pertinuerit, & ad privile- gium communionis Ecclesiasticæ. Et IV demique de muta- tione formæ in absolvendo, quæ a deprecatoria & optativa in peremptoriam & indicativam transiit. Capite quarto consilia suppeditat suæ potissimum Ecclesiæ, qua ratione antiqua disci- plina in praxin revocari possit. (1) Putat, leges, quæ ad discipli- nam pertinent, hodiernas nova quadam sanctione inculcandas esse. (2) Stigma inurendum esse praxi illorum, qui in aliarum publici cultus partium societatem veniant sine usu sacramenti. (3) Illis qui utantur sacra synaxi, proprium quendam locum, ab illis, qui non communicent, distinctum, assignari, eum- que in finem Ecclesiis restitui debere usum antiquarum statio- num, quibus notorii peccatores a piis separentur; imò occultos etiam peccatores, si Ministro Ecclesiæ cogniti sint, cum fide- libus non conjungendos esse. Qua occasione etiam Autor optat, ut adulti, qui baptizandi sint, & confirmationis candidati cer- tam quandam stationem eodem modo habeant, quo olim can- didati baptisimi, & suggerit, quod si nunc etiam certa tempora observentur, extra quæ baptismum administrare non liceat, nu- meris infantum Sacramento eo majorem venerationem & di- gnitatem conciliaturus sit. (4) Clavem jurisdictionis cum cla- ve ordinis iterum conjungendam, & utramque eidem manui tradendam esse. (5) Mediatorium Ministri Ecclesiæ officium apta quadam methodo plebi inculcandum esse, quæ omnino il- lum eo charactere & potestate agnoscere debeat. (6) Chore- piscopum vel Suffraganeum constitui debere in loco celebriori, ad

ad quem pertineat, quodcunque olim Pœnitentiario in districtu ipsius commissum fuerit, atque adeo administratio disciplinæ in omnibus partibus provincix assignatæ ipsi concedatur; hæc tamen condicione, ut subjectus sit Episcopo Diœceseos suæ, qui ejus ope longe meliorem & pleniorẽ de plebis suæ statu, quam nunc quidẽ, notitiã capere possit. (7) Hæc omnia, & quæcunque alias hunc in finem instituta fuerint, sigillatim in Pœnitentiali consignanda, proprio titulo explananda, & publicæ Liturgix addenda esse. Ultimo sequitur *Appendix*, quo nonnulla antiquitatis monumenta de disciplina pœnitentiæ, quæ Auctor in ipso Tractatu sæpe allegaverat, Anglice versa exhibentur.

CAROLI SIGONII DE ANTIQUO JURE
Populi Romani Libri XI, duo de Civium Romanorum, tres de Italia, totidem de Provinciarum antiquo Jure, reliqui de Romanæ Jurisprudentiæ Judiciis; Accessit præter observationes Latini Latinii, Animadversiones Joannis Georgii Grævii, nova Dissertatio Proæmialis Thomasiæ de Usu vario studii Antiquitatum, imprimis in studio Jurisprudentiæ Romanæ.

Lipsiæ & Halæ, apud Adamum Sellium, 1715, 8.

Alph. 5 plag. 10.

QUanto majoris utilitatis pariter ac necessitatis in omni Eruditionis genere esse solet Antiquitatum scientia; tanto excellentiori gradu de Republica Literaria merentur ii, quorum opera aliquid egregii in diffusissima arte præstitum fuit. Quorum in numero Carolus Sigonius, quem recentissima editione nunc denuo recensum vides, jure suo meritoque habetur; cujus laudes præter alios Viros laudatos Vir Illustris quoque Thomasius in Dissertatione hujus libri proæmiali prodignitate exponit, simulque utilissimum Antiquitatis studium omnibus veræ Eruditioni operam dantibus strenue inculcat. Sic in Jurisprudentia & primo quidem Ecclesiastica non alio modo calliditatibus multorum Ecclesiæ Doctorum, quibus indocto populo persuadere conati sunt, Jus circa Sacra sibi jure pro-

§. II.

- prio deberi, quia Levitici in Veteri, Apostoli vero in Novo Testamento, in quorum locum ipsi successissent, eodem gavisi sint, obviam iri posse existimat, quam ut ex Antiquitatibus Ecclesiasticis demonstretur: quod sacerdotes Veteris Testamenti cum templo extincti, toto cœlo a ministris Novi Fœderis differant, Apostoli vero de novo statu erigendo nunquam cogitaverint, nec Sacerdotio sed Synagogæ Judaicæ successerit Presbyterium Christianum, idque ipsum ex Laicis consisterit, qui per manuum impositionem, ritu Judæis in omnibus fere tam secularibus quam Ecclesiasticis promotionibus adhiberi solito, & ab Apostolis, dona miraculosa ipsis peculiariter per hoc medium exercentibus, libera voluntate retento, inaugurati, nullum imperium & consequenter nullam ejus inter se subordinationem, sed nudum ministerium habuerint, ideo ipsi a societate fidelium sponte commissum, quia Magistratus Ethnicus nullam Ecclesiæ curam suscipiebat: denique primi Christiani, cum monitum Apostoli secuti coram Judicibus Ethnicis litigare erubescerent, si ipsi inter se convenire non possent, aut aliorum fidelium aut Presbyterorum arbitrio se submiserint, minime vero ullam eorum jurisdictionem agnoverint. Porro in studio Juris Publici Romano-Germanici de usu Antiquitatum dubium nullum esse autumat. Neque enim facile ullam controversiam majoris momenti inter caput & membra Imperii vel inter hæc invicem sponte subnatam componi, nec eorum jurium, quæ adhuc hodie ab iis exercentur, vim & potestatem plene intelligi, nec originem & causam irregularitatis in statu nostræ Reipublicæ occurrentis solide ostendi, nec, quibus mediis pax & tranquillitas, quæ adhuc superest, conservanda & Imperium a gravioribus morbis præservandum sit, doceri posse, nisi antiquitates Germanicæ diligentius evolvantur, & quomodo status ille antiquus pedetentim in hodiernum degeneraverit, accuratius observetur. Pariter Jurisprudentiam Privatam haut minorem Antiquitatum culturam exposcere, licet enim jura peregrina simul in subsidium recepta, eorumque centones recentioribus constitutionibus Provincialibus passim admixti fuerint, Jus tamen vetus Germanicum in plurimis simul confirmatum fuisse, id quod non aliunde quam ex An-
- tiqui-

tiquitatibus Germanicis explicari debeat. Ad Jus Romanum vero ejusque crebras abrogationes aut saltem mutationes rite intelligendas, non utilem modo, sed necessariam prorsus esse Antiquitatum Romanarum cognitionem; ut nimirum cognita iusta serie legum de eadem materia latarum verus scopus & sensus earum, quæ ultimo loco juris auctoritatem obtinuerunt, pateat. Non autem sub nomine antiquitatum venire hoc loco, quicquid de Populi Romani rebus forte æconomicis aut etiam militaribus memoriæ proditum est, potius huc spectare notitiam Autorum, quorum Leges discendæ & explicandæ essent; eo pertinere historiam Reipublicæ & Imperii Romani, variarumque mutationum statum publicum & privatum diversimode alterantium. Ipsam etiam Jus constituendi rationem notam esse debere, ne confundantur varia Legum genera & nomina. Laborandum porro esse de antiquo processu & pedanei Judicis a Prætoris differentia, aliisque Romanorum Judiciorum civilium & criminalium formulis & ordine, tanquam fundamentis plurimarum distinctionum & sanctionum, quæ sine illis nec necessariæ forent, nec intelligi possent. Imo etiam modum tractandi negotia ad jus personarum, dominium & obligationes pertinentia extra judicium inter privatos receptum negligi non debere, cum is quoque in multis juris articulis v. g. de testamentis, sponsalibus &c. præsupponatur. Denique tempora & successiones Magistratum & Jurium præcipuorum noviter conditorum, extensorum, correctorum, abrogatorum, mutationes tacite ex ipsa alteratione status profluentes & alia his similia sedulo annotari debere. Non tamen ab illo demum tempore incepisse sufficere, quo Codex & Pandectæ lucem aspexere; verum ad longe antiquiora & ipsa Urbis Romæ primordia, jusque antiquum sub Regibus & Consulibus usitatum respiciendum. Requiritur igitur notitia status privati familiarum veterum, rituum nuptialium & jurium circa adoptionem, emancipationes & alias patribus familias non saltem in servos sed etiam in uxores & liberos competentium. Desiderari notitiam status publici populi universi & comitiorum; porro notitiam discordiarum patricios inter & plebejos & studii illorum confun-

§. 17.

18.

19.

20.

dendi plebem ac jus incertum reddendi, ut inventis ineptis formulis de illius fortunis disponere ac dissidia inter illam regnantia augere possent. Requiritur notitia magistratuum veterum & potestatis eorum, item notitia processus veteris etiam tempore Justiniani & longe ante eum abrogati, nec non Chronologiam legum & edictorum, aliquando etiam ex ingenio supplendam, ut jura male coherrentia connecti possint, opus denique esse notitia legum præcipuarum ad jus privatum pertinentium & circumstantiarum, ad genuinum conceptum de iis formandum necessaria.

§. 25.

Perperam contra facere eos, qui antiqui Juris Romani usum ad Jus publicum Romano-Germanicum extendant; neque enim amplius Imperatorum potestatem ab antiqua lege Regia populi Romani repetendam, postquam barbara & semibarbara tempora intercesserunt. Nam quod tempore Friderici Sapientis Saxonæ Electoris ab ejus Iureconsultis factum legitur, qui eum in Diplomate Universitati Wittenbergenfi dato Præfectum Prætorio appellaverant, vix imituros esse hodiernos Principum ministros.

26.

Unde vero hæc omnia discenda? Non certe ex Corpore Juris Justiniani. Leges enim Pandectarum & Codicis, licet non exiguum hic usum præstare possint, fundamenti tamen loco esse nequeunt. Major adhuc usus est fragmentorum ex Legibus Regiis & XII Tabb. nimia tamen sæpe confidentia collectorum, nec non Titulorum ex corpore Ulpiani & Institutionum Caji; sed hæc ipsa breviora sunt, nec jus antea abrogatum satis edocent. Ab evolutione vero Dionysii Halicarnassei, Gellii, Alexandri ab Alexandro aliorumque initium facere velle, res est magni laboris, exiguae utilitatis.

27.

Majori itaque cum fructu ex recentioribus ii adiri possunt, qui hac de materia collegerunt multa. Quos inter referri meretur Carolus Sigonius, Mutinæ quondam Professor Græcæ Linguae, qui, cum Ciceronem vere in succum & sanguinem vertisset, ut etiam ipsi Libros de Consolatione supponere, iisque cum expositione fragmentorum editis diu erudito Orbi imponere potuerit, fraude ea ab Antonio Riccobono, Justo Lipsio & Joanne Guilelmo tandem detecta, animi mæro-

re confectus anno 1585 ætatis LX obiit. Is ergo idem Sigonius primum anno 1560 Venetiis edidit Libros duos de *Antiquo Jure Civium Romanorum*, nec non Libros tres de *Antiquo Jure Italiae*. Porro A. 1567 Libros duos de *Antiquo Jure Provinciarum*, deinde Libros tres de *Romana Jurisprudentia Judiciis Bononiæ* A. 1574 absolvit, cumque prioribus Libris & tractatu de *Lege Curiata Magistratum & Imperatorum & Jure eorum*, operi de Jure Provinciarum nomine Libri tertii adjecto, in unum corpus collegit, idque undecim Libris constans Bononiæ A. 1514 in Folio edidit. Secuta est alia editio ejusdem formæ A. 1576. sub titulo Librorum XI de antiquo Jure Populi Romani, Lutetie Parisiorum apud Jacobum du Puy venundata. Cum illa conveniunt duæ editiones in Germania in Folio impressæ, prior Francofurti A. 1593, posterior Hanoviæ A. 1609 (non A. 1690, uti habet Instructorium forense Lynkerianum Lib. II memb. I sect. IP. I c. 11 §. 12.) Cumque nullum fere horum exemplar superesset, inferendos suo Thesauro Antiquitatum Romanarum censuit doctissimus Joannes Georgius Grævius; quanquam in eo non tanta cura a Viro summo adhibita fuerit, quantam præstitisset alius, aliis occupationibus minus obrutus, sic enim v. g. ex collatione & inspectione oculari constat, Librum de *Lege Curiata Magistratum*, qui integer reperitur in dicto Thesauro, esse illum ipsum, sed ab Autore revisum & subinde mutatum, quem allegatus Thesaurus velut diversum opus sub nomine Libri tertii de antiquo Jure Provinciarum exhibet, adeo ut si tempestive observatum fuisset, parci potuisset sumtibus & tædio lectoris. Ceterum hæc Batavorum editio a memorata Gallica, Francofurtensi & Hanovienfi, quantum ad libros de Jure Italiae, aliquot locis, quæ in his desunt, discrepat; in libris de Jure Civium Romanorum concordat quidem, sed addita tamen sunt in fine addenda & mutanda, quæ laudatus Grævius aucta putat in editione Parisiensi de anno 1572. In quo tamen falli videtur Vir summus, ab Illustri Thomasio octo rationibus convictus, non illam sed Bononiensem de anno 1574 recentiorem adeoque accuratiorem esse editionem ab ipso Sigonio revisam & emendatam, quam post-

§. 23.

29.

30.

29.

31.

ea

- ca Parisienses anno 1576 nec non Germani in editionibus suis essent secuti; observationes vero, priori editioni Parisiensi de A. 1572 insertas, ipsum Sigonium in posteriori illa sc. Bononien-
 §. 32. si de A. 1574 data opera omisisse, cum in nonnullis sententiam mutasset, alia loco alieno essent inserta, plura quoque su-
 34. perfluas geminationes gignerent. Ipsum Autorem quod attinet, interdum aliquid humani passum esse negari non potest, id quod in opere tam impedito ac difficultatibus pleno mirandum forte non erit; sed & pauciora ista quidem sunt & leviora, quam ut detrahere debeant existimationi laboris egregii.
 35. Præsens igitur nova Editio juxta exemplar Francofurtense adornata & in duos Tomos divisa est, quorum prior continet Libros II de antiquo Jure Civium Romanorum, & III de antiquo jure Italix; posterior vero exhibet Libros III de antiquo Jure Provinciarum, & totidem de Romanæ Jurisprudentiæ Judiciis. Subjecta quoque sunt in calce Tomo I ea, quæ Belgæ pro accessionibus, quamvis falso, habuerunt, (ne quis forte alias Batavorum autoritate motus huic Editioni aliquid deesse putaret) quod tamen factum est tantum usq; ad L.I. cap. 20, in quo ob crebras ejus mutationes textui statim ea, quæ in Francofurtensi editione omissa erant, sed minore typo & brevioribus literis inserta leguntur. De observationibus Latini Latini ultimo notamus, quod illæ nimirum, quantum usus hodie manifeste cessat, quibus nimirum mendæ, in recentioribus editionibus dudum sublata, corriguntur, in hac editione studio fuerint omisæ.

A TREATISE OF THE COLICK.

i. e.

TRACTATUS DE COLICA; AUTORE JOHANNNE BURCELL, M. D.

Londini, apud Wilhelmum Lewis, 1714, 8.

Pl. 14.

CUm plures dentur causæ doloris Colici, quam quæ ab Autoribus Medicis hætenus fuerunt observatæ, & allegatæ, operæ pretium esse duxit Autor, Clarissimus, perfectum ejus submini

ministrare Systema; & quæ ad symptomatum enucleationem, prognosin & curam pro causarum diversitate instituendam spectant, subnectere. Colicam describit per dolorem violentum abdominis, cujus quidem subjectum communia hujus integumenta, item omentum, prostates, vasa deferentia vel medullam spinalem esse negat. Pro nervorum quidem affectu Willisius eam habuit; ejusque sedem mesenterium potissimum esse, pronuntiavit; contra quam tamen opinionem tribus modis insurgit Noster, fundamenta scilicet Willisii refutando, colicæ subjectum raro vel nunquam mesenterium esse probando, & notionem colicæ nervæ vel convulsivæ destruendo. Fundamenta Willisii quod attinet, supponit hic, recrementa quædam per nervos a cerebro in plexus mesenterii deponi; Noster vero regerit, talia recrementa nil nisi spiritus animales esse, cum præter hos nil quicquam nervi contineant, cum autem hi motum suum per subtilissimos nervorum tubulos continuent, nullam adesse causam, quæ illos in motu impediunt intra hos plexus; si mediante obstructione hoc fieri dicatur, cessationem potius sensus quam dolorem eam sequi putat, sin alio quam per obstructionem modo, nullam suppetere rationem, cur in mesenterii & non in aliis flexibus hoc phænomenon contingat; posito autem, intra hos plexus spirituum motum esse sufflaminatum, nondum tamen probatum esse dicit, fermentationem aut tumorem, vel post hunc tantos dolores exinde oriri posse. Si excipiat Willisius, humores sale fixo præditos cum spiritibus ibidem concurrere, idem tamen manere dubium, putat Noster, cur in plexu cardiaco seu pnevmonico talis non fiat concursus. Posito autem, in mesenterio eundem solum adverti, fermentationem exinde & post eam convulsionem excitari adstruit Willisius; Noster vero, a nulla convulsione dolores, quales colici sunt, perpetrari posse, credit. Mesenterium vero subjectum colicæ esse non posse, ex eo probat, quod hoc exulceratum & gangrænosum repertum fuerit in corporibus, post fata sectis, cum tamen ægri de nullo dolore colico fuerint conquesti; quod in hydrope mesenterium plerumque corruptum sit, inter cujus tamen symptomata colica neutiquam refertur; & quod tumores, scirrhi, apostemata, ulcera, & concretiones calculosæ ejus &

vasorum mesaraicorum sæpenumero atrophiam inducant, liberum chyli ad sanguinem transitum impediendo, absque ullo doloris colici indicio. Quod denique notionem colicæ nerveæ attinet, talem nullo modo admittit Noster; præter ea enim, quæ jamdum sunt commemorata, duo sunt, quibus suam confirmat sententiam, 1) quod in epilepsia tantum absit, ut ægri de vehementioribus doloribus conquerantur, ut potius abolitum habeant sensum tactus; 2) quod, quando causa colicæ a partibus fibrosis ad genus nervosum transfertur, ut in paresi, omnis tristis sensatio cesset, quauquam tum temporis nervi plus afficiantur quam antea. Firmiter potius credit, omnem sensationem vel dolorem oriri ab irritatione nervorum in parte quapiam facta, quæ spirituum undulationem determinet versus cerebrum; nullum vero impulsu, pressuram, aut motum spirituum a cerebro ad partes dolorem quempiam concitare posse. Pergit igitur veram colicæ determinare sedem, quam peritonæum, vel umbilicum, vel capsulas atrabilarias inflammatas aut ulcerosas, vel uterum esse dicit, quando scilicet hic irritatur, corroditur, inflammatur, exulceratur, canerosus vel scirrhusus evadit, aut exoriatur, vel quando ovaria aut tubæ Fallopiæ tumorem præternaturalem contrahunt, aut fœtus in alterutra harum hæret, aut quando calculi in uteri cavitate generantur. Nec pancreas omni vacat culpa, quando inflammatur, exulceratur, aut tumores scirrhusos vel concretiones calculosas concipit. Sic lien sedes colicæ evadit, quando inflammatur, obstruitur, exulceratur, scirrhusus vel tumidus fit, quando ligamenta ejus relaxantur, vel rumpuntur, aut tartareæ concretiones intra ejus substantiam nascuntur. In hepate vitium hæret, dum hoc inflammatur, obstruitur, exulceratur, scirrhusus vel tumidus est, diaphragmati adnascitur, calculosas concretiones in sua substantia vel poro biliario aut folliculo fellis generat; item dum vesica biliaris rumpitur, aut quoad sphincterem relaxatur. Frequentissime tamen intestina pro colicæ subjecto sunt habenda, & quidem quando excrementa duriora, flatus acres, acidas cruditates, humores vel similes vel pituitosos, vitreos, frigidos colligunt; quando inflammantur, exulcerantur, scirrhusa, callosa

losa vel cancroſa evadunt; quando eorum glandulæ obſtruuntur, & intumeſcunt; quando nimiam bilis copiam admittunt; quando vulnerantur, ſanguinem extravafaſatum cumulant, urinam imbibunt, aut ab hac, rupta veſica, premuntur; quando venenum acre corroſivum hauſerunt, ab hernia, tumore, ſcirrho, aut calloſitate partium vicinarum comprimuntur, a vermibus roduntur, calculos generant; aut res peregrinas, ut caſeum, nucleos, &c. continent. De cetero quoniam ventriculus varios dolores, ab iisdem cauſis, a quibus inteſtinorum pathemata, oriundos perpetitur, omnes, cardialgiam ſi excipias, pro colicis habere fas eſt. Explicatis ſic veris colicæ ſubjectis & cauſis, mechanicam rationem ſuppeditare annititur Clariff. Autor omnium ſymptomatum malum hoc concomitantium. Quemadmodum igitur omnes dolores, ita etiam colici ex ejus hypotheſi conſiſtunt in triſti ſenſatione per violentum refluxum ſeu undulationem ſpirituum a parte affecta ad cerebrum productum; quatenus ſcilicet hi certam impreſſionem faciunt in ſenſorio communi circa principium illorum nervorum, qui ad hanc vel illam partem ſpectant; unde anima cognoscit, cauſam latere in illo viſcere, in quo nervi iſti terminantur. Quoniam autem varix ſunt dolorum ſpecies ſeu gradus, alix ſemper atque alix inde exſurgunt ideæ, quas brevitate ſtudio nunc mitimus. In Cura colicæ tres potiſſimum Indicationes attendendas commendat, ut ſcilicet dolor præſens mitigetur, viſcera roborentur, & cauſæ removeantur. Dolor mitigatur ſanguinis miſſione, vaſa deplente, & ſic inflammationem vel ſiſtente, vel præcavente, item anodynis & narcoticis, ut & clyſmatibus tam ſcybala emollientibus, quam vitioſos humores educantibus. Viſcera roborantur per ſpirituosa & balſamica, clyſmatibus aliisque remediis admiscenda, qualia ſunt diaſcordium, terebinthina, & mixturæ cordiales. Cauſæ ſingulæ appropriata exigunt remedia. Sanguinis miſſio imprimis locum invenit in inflammatione cujuſdam viſceris, febre ſymptomatica & affluxu humorum ad partem. Si calor excedat, & dolor urgeat cum vomitu, narcotica clyſteribus ſunt jungenda. Secundo vel tertio die laxans eſt propinandum mane, poſtquam vesp̄ri antecedente narcoticum aliquod fuerat exhibi-

tum; quod si enim hæc cum illis maritentur, metuendum est, ne purgantis vis castretur; post hujus tamen operationem noctu narcoticum iterum est offerendum. Vomitoria non conducunt; nisi magis in dixta fuerit commissus error. Fomentationes cum oleo & decoctis metum equidem injiciunt, ne humores moveant, ac æstum & inflammationem augeant; adhiberi tamen possunt, si dolor intolerabilis in superficie hæreat, & cum violenta corporis tensione, phlogosi, aut ad inflammationem dispositione conjunctus sit. Earum vices sustinent pannus subtilis lineus in colica habituali, in specie si causa fuerit frigus aut intestinorum morbus. Emplastra & cucurbitulæ cum magna flamma umbilico impositæ penitus rejiciuntur. Aquæ minerales, in specie Sommerletenses, maxime laudantur. Mittimus cautelas, quas in singulis colicæ causis eradicandis inculcat; non possumus tamen non Autoris mentem circa lienis usum hic aperire. Triplicem scilicet ei assignat usum, 1) ut justam sanguini concedat consistentiam, ut scilicet hic præcaveatur a dissolutione, & destructione, quam constans divisio & interrupta fermentatio inducit, ut in febribus continuis & hæcticis quotidie usu venit; 2) ut disponat sanguinem ad bilem generandam; 3) ut sit receptaculum pro sanguine in quibusvis vehementioribus motionibus & contractionibus colligendo, ne vasa hinc rumpan- tur. Sanguinem in liene debitam consistentiam recuperare, probat 1) quod hic in isto viscere semper magis concretus quam in alio reperiatur; 2) quod nigricantis sit coloris, qui a diminuto motu procedit, 3) quod singularis lienis structura id ipsum sufficienter declaret. Eo ipso enim dum sanguis ex ramificationibus exiguis arteriæ splenicæ in cellulas & cavitates ampliores lienis deponitur, necessario ille in se ipsum subsidit, & de motu suo remittit. Quibus addit, quod recrementum aliquod fixum acidum ex glandulis albicantibus cellularum splenicarum continuo secretum sanguinem coagulat. Quem saponem acidum exinde probatum dat, quod, si sanguis ex liene fuerit expressus, vesiculæ hæc glandulosæ illum abunde linguæ communicent, & si lac recens cum liquore ex glandulis expresso misceatur, coaguletur hoc; item quod liquor aliquis saponarius, inje-

injectus in cellulas lienis, sanguine privatas, rupturus citius compagem lienis, quam per venas rediturus sit; cum tamen aqua libere eum transmeet, non alia ex ratione, quam quod acidum illud fixum, sulphureo-salinis particulis saponis mistum, sal aliquod vitriolicum producat, quod fibras contrahat & cellulas lienis claudat. Sic si lien cani excindatur, magis hic agilis, activus, rapax redditur, foemellas suas acrius prosequitur, & frequentius urinam mittit; ex quibus phaenomenis liberior fermentatio sanguinis evincitur, quae aliquatenus sufflaminatur, liene existente integro, & ex hac causa vigor & vita animalis conservatur. Lienem disponere & preparare sanguinem ad supeditandam bilem in hepate per modum praecipitationis, hoc modo evincitur, quod salia in massa sanguinea per hujus naturalem fermentationem jamdum dissoluta sint; quod lien receptaculum sit sat capax, in quo salia subsidere possunt; quod segreget acidum fixum ex glandulis suis; quod sanguis colorem nigricantem, croceum & sal acre ad hepar devehendum contrahat. Lienem tandem receptaculum commodum praebere pro recipiendo sanguine in quovis motu violento, exinde probari posset, quod post exercitia corporis quaevis vehementiora dolorem tensivum in regione lienis percipimus, quem tamen usum ultimum in medio relinquit, variis utpote dubiis expositum.

C. WOLFII MEDITATIO DE SIMILITUDE figurarum praesertim curvilinearum & constructione Lunularum Cyclico-parabolarum similium datamque inter se rationem habentium.

DEsiderata haecenus in Geometria fuerunt principia similitudinis: unde factum est, ut non modo ex principio alieno ac saepe per ambages similium Symptomata demonstrata fuerint, verum etiam talia sine probatione assumpta, quae utique probatione aliqua indigere videbantur. Ita *Euclides* assumit, figuras rectilineas similes habere angulos singu-

los singulis æquales atque etiam latera circum æquales angulos proportionalia; similes conos & cylindros habere axes basium diametris proportionales, ubi *Clavius* recte addit, si Scaleni fuerint, axes sub eodem angulo ad diametros basium inclinari: Illustris Marchio *Hospitalius* supponit, figuris curvilineis similibus inscribi posse figuras rectilineas similes. Enimvero non sine ratione quæritur, cur illa criteria figurarum tam rectilinearum, quam curvilinearum, atque conorum & cylindrorum similium constituentur? Ad hanc autem quæstionem responderi nequit nisi ex generalibus de similitudine principiis.

Cum ante quadriennium fere Illustris *Leibnitius* suam similitudinis definitionem mecum communicaret, quod nempe *similia sint, quæ discerni nequeunt nisi per compræsentiam*; subito mihi exoptata affulsit lux in hoc argumento Geometrico. Hinc enim statim inferebam, similitudinem esse identitatem eorum, per quæ res a se invicem discerni debent. Ut igitur constet, quænam sint similia, ad duo respiciendum esse intelligebam: nimirum 1. considerandum esse, quænam sint ea, unde res a se invicem discerni queant; 2. inquirendum esse, quid ad hoc requiratur, ut eadem dici possint. Ne autem in recensione proprietatum characteristicarum similitudinis quicquam omittatur, ad ea potissimum respiciendum esse observavi, quibus datis reliqua determinantur. Quod si enim data fuerint similia & ex iis eodem modo duo vel plura determinentur; nullum est dubium, quin ea tota similia sint, adeoque etiam cetera, quæ ex datis determinantur, eadem esse debeant. Hæc principia explicavi iisdemque usus sum in Elementis meis Matheseos universæ, & inde non modo definitiones *Euclideas* planorum ac solidorum similitudinis demonstravi, verum etiam novas easque faciliores exhibui demonstrationes eorum, quæ de iis ostendi solent in Geometria elementari. Quoniam vero intelligo desiderari a nonnullis applicationem eorundem principiorum ad figuras curvilineas; pauca de eadem in præsentī proponere visum est, unde cetera haud difficulter intelliguntur. Notum est, datis quocunque semiorдинatis & abscissis, dari quocunque puncta in linea cur-

curva, consequenter omnia una determinari, quæ ullo modo inde pendent. Si igitur figuræ similes hoc modo determinari debent, necesse est ut data, ex quibus determinantur, per se distinguere nequeant, hoc est, ut in casu præsentis (vi eorum, quæ in Elementis meis Matheseos ostendi) abscissæ eodem modo determinatæ ad suas semiordinatas eandem rationem habeant. Enimvero ut intelligatur, quomodo abscissæ eodem modo determinantur, exemplo aliquo res declaranda. Proponantur e. gr. TAB. IV. duæ parabolæ AMN & amn. Assumatur abscissa AP utcunque: Fig. 4. & 5. quodsi fiat, ut parameter Parabolæ MAN ad parametrum alterius man ita AP ad ap, abscissæ AP & ap eodem modo determinatæ sunt dicunturque similes, quia in parabola non alia datur linea constans præter parametrum, cumque abscissa distincte non cognoscatur nisi per rationem ad parametrum, abscissæ AP & ap ob eandem ad parametros suas rationem discerni nequeunt. Jam cum tota similia sint, quæ ex similibus datis eodem modo determinantur, neque arcus AM & am per se discernibiles sunt adeoque in figuris similibus eandem ad abscissas AP & ap, ad semiordinatas PM & pm, ad constantes unde abscissæ AP & ap determinatæ sunt, & ita porro, rationem habere debent. Quodsi cui hæc non satis evidenter inferri videantur, quia vim principiorum nostrorum animo nondum comprehendit; ex supposita analogia AP: PM = ap: pm idem facile evincemus. Quoniam enim AP: PM = ap: pm; erit etiam alternando AP: ap = PM: pm. Sit jam AP = x, PM = y, ratio constans AP: ap = a: b, reperietur ap = bx: a & pm = by: a. Quare cum elementum arcus AM sit $\sqrt{dx^2 + dy^2}$; erit elementum arcus am = $\sqrt{[b^2 dx^2 + b^2 dy^2]: a^2}$; consequenter AM: am = $\sqrt{dx^2 + dy^2}: \sqrt{[b^2 dx^2 + b^2 dy^2]: a^2} = \sqrt{dx^2 + dy^2}: \frac{b}{a} \sqrt{dx^2 + dy^2} = 1: \frac{b}{a} = a: b = AP: ap = PM: pm. q. e. d.$ Immo eadem ratione ostenditur, quod Euclides de figuris rectilineis similibus demonstravit, quod nempe sint in ratione duplicata homologorum laterum, idem universaliter de omnibus figuris similibus enunciari debere. Sint enim omnia ut ante: quoniam elementum arcus AMP = ydx

$\equiv ydx$; erit elementum areæ $amp \equiv b^2 ydx : a^2$, consequenter
 $AMP : amp \equiv \int ydx : \frac{b^2}{a^2} \int ydx \equiv a^2 \equiv b^2 \equiv AP^2 : ap^2 \equiv PM^2 :$
 $pm^2 \equiv AM^2 : am^2$. Et generalius multo affirmare licet, omnes
 figuras similes ac earum partes quascunque similes esse in ratio-
 ne duplicata homologarum linearum. Patet autem ex antece-
 dentibus, lineas homologas esse, quæ suppositis figuris simili-
 bus eodem modo determinantur, veluti si AP & ap bisecentur,
 ex punctis C & c perpendiculares CD & cd ipsis AC & ac subdu-
 plæ erigantur, tandemque puncta D & N itemque d & n rectis
 DN & dn connectantur. Erunt nimirum lineæ DN & dn reli-
 quis AP & ap , PM & pm &c. homologæ.

Optime etiam figuræ similes discernuntur a reliquis per
 elementa, quibus ad genesin earum opus est. In similibus
 enim figuris elementa similia esse debent. Unde cum circulus
 & parabola unica recta data describi possunt, omnis vero recta
 sit alteri rectæ similis adeoque per se sine alia tertia assumpta, ad
 quam utriusque ratio exigitur, una ab altera non discernibilis;
 vi superiorum omnes circuli omnesque parabolæ similes sunt.
 Itaque non mirum, quod etiam circuli eorumque segmenta si-
 milia, itemque parabolarum segmenta similia, hoc est, quorum
 abscissæ sunt parametræ aut semiordinatis proportionales, ha-
 beant rationem duplicatam, illi quidem diametrorum atque
 chordarum arcuum similium, hæc vero parametrarum, ab-
 scissarumque & semiordinatarum similium. Nimirum omnes
 figuræ ejusdem speciei inter se similes sunt, quando elementa,
 ex quibus generantur, dissimilia esse nequeunt. Hinc in-
 telligitur, e. gr. omnes cycloides esse inter se similes, quia
 circuli genitores & rectæ, super quibus incedunt, dissimiles
 esse nequeunt, rectæ autem, utpote peripheriis circulo-
 rum genitorum æquales, ad diametros eorundem eandem
 rationem habent. Contra cum ellipses & hyperbolæ datis
 duobus axibus vel diametris conjugatis describi possint, uti
 ex Conicis notissimum est, binæ vero rectæ a binis aliis per
 rationem discerni possint; ellipses atque hyperbolæ similes
 tum demum gignuntur, quando axes conjugati vel diame-
 tri conjugatæ utrobique in eadem sunt ratione. Ex nostris
 adeo

adeo principis veluti sponte sua magno numero fluunt, quæ alias operose ostendi debent. Plurimum autem refert, ut constet, quænam figuræ sint similes, quænam dissimiles, quia in similibus omnes lineæ sive rectæ, sive curvæ, modo eodem modo determinentur, inter se homologæ sunt: quod utique non minus usui esse potest, quam triangulorum similitudo. Exemplum in præsentī sufficiat sequens.

Sit Lunula quæcunque DAEFD arcu parabolico DAE & TAB. IV: circulari DFE, cujus centrum P, in axe parabolæ AX terminata: Fig. 6 & 7. oportet construere lunulam aliam cyclico-parabolicam *daefd*, quæ sit priori similis & ad eam datam habeat rationem $= a : b$. Ex antecedentibus constat, lunulas esse in ratione duplicata parametrorum. Cum enim tam DAECD & *daecd* quam DFEC D & *dfecd* in ratione duplicata parametrorum existant, erit DAECD : DFEC D = *daecd* : *dfecd*, adeoque dividendo & alternando DAEFD : *daefd* = DAECD : *daecd*, consequenter lunulæ DAECD & *daecd* in ratione duplicata parametrorum existunt. Habent ergo parametri rationem subduplicatam lunularum, nempe ut a ad \sqrt{b} ab. Quod si ergo ad a, mediam proportionalem inter a & b atque parametrum parabolæ DAE, quarta proportionalis quærat; habebitur parameter parabolæ *dae*, qua data construī potest. Jam ut quoque arcus circuli *dfe* eodem modo determinetur, quo arcus DFE determinatus fuit; non sufficit centrum p in axe ax assumi, quemadmodum centrum P in axe AX existit, sed radius quoque *fp* ipsi FP & *af* ipsi AF similis esse debet: id quod per antecedentia obtinetur, si *fp* & *af* ad parametrum suam eam habuerit rationem, quam habent FP & AF ad parametrum sibi respondentem, hoc est, *fp* sit quartus proportionalis ad parametros parabolæ & radium FP, & *af* quarta proportionalis ad easdem parametros atque AF. Eodem modo construī possunt lunulæ quotcunque aliarum similes. Circumspectione tamen opus est, ut singula eodem modo determinentur. E. gr. Omnes parabolæ sunt inter se similes & abscissæ AF atque *af* itidem similes sunt, si parametræ proportionales. Ellipses similes sunt, quorum axes conjugati sunt proportionales. Quod si tamen circa axes FX & *fx*

E c

elli-

ellipses similes describas, lunulæ DAEFD & *daefd* non erunt similes, nisi parabolarum parametri axium ellipticarum haberint rationem: alias enim per rationem parametrorum ad axes lunulæ etiam non præsententes distinguuntur.

His principiis in Geometriam admissis, magna ex parte tandem satisfiet illis, qui conqueruntur, in Geometria tantum demonstrari, quod res ita sint, non vero rationes reddi, cur ita sint. Præterea longe plurima admodum universaliter demonstrari poterunt. E. gr. in Elementis meis Sphæricorum jamdum ostendi, multa quæ de angulis & figuris rectilineis demonstrantur ab *Euclide*, ad angulos & figuras curvilineas applicari posse, si latera fuerint similia, quoniam linearum rectarum non considerantur ut rectæ, sed ut similes. Talia sunt theoremata de angulis contiguïs, & verticalibus, de parallelismo linearum, de similitudine & congruentia triangulorum & ita porro.

ALCIPHRONIS RHETORIS EPISTOLAE,
quarum major pars nunc primum editur; recensuit, emendavit, versione & notis illustravit STEPHANUS BERGLERUS.

Lipsiæ, apud Thomam Fritsch, 1715, 8.

Alph. 1 & 6 plag.

VENUSTISSIMIS antiquæ Græciæ scriptoribus accensendam esse Alciphronem nemo facile negabit, cui vel semel Gratiis litare datum est, adeo enim in dictione Attica, quam ubique sectatur, argutus, & in fingendis ad genium rerum personis felix est, ut non possit non lectori, quod delectet, suggerere; quod ipsum dissimulare nec Barthius in Adversariis potuit, quanquam forte rigidior videri potest, quando Atticistam nimium vocat, qui insuavior aliquando ob nimium studium bene rem exprimendi, unde odiosior delicatis auribus fiat. Illud vero, quod pluribus ex vetustis aliis, etiam Aliciphroni accidit, quod raro nimis ejus ab aliis facta fuerit mentio, unde nec de ætate ejus satis, neque de vitæ genere certo constat; nec firmo nituntur argumento, qui ex eo ad Macedonica eum tempora referunt, quod frequenter

tertialium occurrat memoria, quæ cum illis conveniunt, cum per fictionem talia fieri possint; neque plene cum hoc convenire videntur, quæ de Alciphrone Athenæus & Suidas tradunt, quæque collegit celeberrimus Fabricius. Aristophane & Menandro videtur esse posterior, & eorum decerpisse flores; Luciano priorem facit Berglerus, ut qui ex ejus fontibus sua prata irrigaverit. Sed si ignota maneat ætas ejus, dignæ sunt epistolæ, quæ legantur ab illis sedula industria, quos delectat lepor Atticus, & quibus rectius intelligere, quæ passim occurrunt apud alios, de rebus amoris, piscatoriis, parasiticis & rusticis, curæ est. Unde nec fraudandus sua laude est Aldus Manutius senior, qui sicut alia præstantissima antiquitatis monumenta suis typis, ad optima plerumque manu descriptorum librorum exempla, summa diligentia adhibita expressit, hunc quoque, cum diversorum Græcorum epistolis, primum in lucem edidit anno 1499 Græce tantum, cujus editionem imitati sunt Genevenses, qui, adjunctis novis aliorum epistolis, Latinam omnium interpretationem addiderunt 1606 in fol. atque in fronte eam magnam partem clarissimo Icto Jacobo Cujacio addixerunt, quamvis illa Viri eruditione in pluribus sit inferior. Aldinam editionem curaverat doctissimus Græcæ nationis homo Marcus Musurus, quod in fine ab eodem subjuncta probat epistola, in qua fatetur plura esse reliqua, quorum medelam tentare nec ausus sit, nec præstare potuerit, immo quæ ita desperata sint, ut a nemine, nisi melioribus codicibus instructo, eorum salus sperari debeat. Egregio itaque Alciphronis amantium commodo doctissimus Berglerus, qui omnes Græcæ linguæ delicias exhausit, manum admovit operi, stimulo quasi doctissimorum Virorum incitatus, qui non solum epistolarum, ante typis descriptarum, manu exaratos libros suppeditarunt, sed & tot novarum, ut quadraginta epistolarum numerum septuaginta duabus novis auxerit, quarum octo priores Cl. Kuslerus ex Bigotii apographo dedit, & celeberrimus Perizonius, quem nuper d. 6 Aprilis fata eripuisse boni dolebunt, plures ex Ryckii Bibliotheca acceptas permittit, quæ ex Vaticanæ Codicibus descriptæ; quibus accessit Illustris Gentilotti benevolentia, qua decem ineditas ex augusta Im-

peratoris Bibliotheca describi, & reliquas cum codicibus contendi curavit, & liberaliter subministravit, unde jure hujus indulgentiæ potissima deberi, in dedicatione ad eum doctissimus Berglerus profitetur. Latina versio LXXII ineditarum epistolarum nova ipsius Bergleri est, quam minori molestia se adornasse, quam reliquarum priorem illam ineptam invertisse, monet. Ex quibus adeo luculenter patere potest, quo nomine hæc editio prioribus præstet, quod tamen ut clarius eluceat, pauca exhibebimus Lectori, decerpta ex ejus annotationibus, quibus egregie obscura illustravit, & corrupta restituit, ubi iterum laudat sæpius aliorum doctissimorum Virorum, Perizonii, Schotti, de la Croze & aliorum in præstita opera, humanitatem. Epistolæ primæ Libri primi initium est *χρησὴν ἡμῖν ἡ θάλασσα τὸ τήμερον εἶναι τὴν γαλήνην ἐσώρετεν*, quod prior Interpres: opportune nobis hodierno die mare tranquillitatem stravit; nova editio: commoda nobis mare tranquillitate hodierno die stratum est. Sensus verborum esse obscurum, in notis confitetur doctissimus Berglerus, naturæ enim ordine inverso dicitur, quod mare tranquillitatem sternat; nihil tamen mutari vult Bergleri modestia, & putat interpretatione tolli difficultatem posse, si *σώρεσαι* idem quod *ταύσαι* vel *πετάσαι* valeat, quod Græcorum confirmatur testimoniis: sed quoniam neque sic ipsi rei naturæ videtur consuli, levi mutatione *τῇ ἐσώρεσεν* in *ἰσώρησεν*, posse loco succurri crederemus, nisi Eustathii obstarēt autoritas, qui hæc verba repetiisse videtur; at vero & hic falli, jam corrupto libro, potuit. Certe sic res clara foret, & sequentia in epistola optime congruerent. Nam sic Latine sonarent verba: utilem nobis esse maris tranquillitatem, hodie nobis conspiciere licuit, quem vocis *ἰσώρεσθαι* usum Suidas docet. Epistola II ejusdem libri legimus: *καὶ προὖν ὅτ' ἐκ μενυχίας ἐπέμψαμεν αὐτῷ καμιῶντα τὸ ὀψώνιον Ἐρμῶνα τε τὸν τὸν μετχακίσκον, σπόγγης ἡμῖν ἐπέλαίτε, καὶ τὰ ἐκ τῆς θαλάσσης ἔρια, αὐφύεται ἐπὶ εὐκλῆς ἐν εὐρυνόμῃς εἰς λῆμνον*. Postrema verba crucem figunt, & Lemnio a malo infecta Berglerus pronunciat. Eurynomen admitti posse credit, a qua denominata maris pars esse queat, tanquam a marina nymphe, cui cum lana marina res sit, & sub-

intel.

intelligi *οικον*; sed minus ferendum illud *εις λῆμονον*, unde idem plane omisit in Latino, & Eurynomes stagnum appellavit; legendam vero conjicit verborum partem: *ἐρια ἐφίεται ἐπιεικῶς διερευνομένοις τὴν λίμνην*. Emendationi ansam dedit Basilii locus, in libello de legendis profanis autoribus, in quo quædam ita convenire monet cum quibusdam in hac epistola, ut alter autorum alterum ob oculos habuisse videatur: vel si de lana illa fungorum litoralium sermo sit, legendum autumat esse: *ἀ φύεται ἐν ἡόνι*, vel *ἡίοσι τῆς λίμνης*. Sed *εις λῆμονον* probavit prior Interpres & in Lemnum Latine scripsit, eo forte sensu, quod Lemnum respiciat locus piscationis, ut idem sit, quod versus Lemnum. At si quid mutare necesse esset, levior mutatio foret, si *εις λιμὸν* scriptum fuisse putaretur, atque heri durities accusari crederetur, quod servis labore oppressis loco cibi imperaret spongas & marinas lanas, quæ augendæ magis quam sedandæ fami aptæ sunt, nec plane alienum est, spongas devorandas mandari posse, cum & Plinius quosdam illis velci, memoraverit, de lana vero marina res manifesta sit. Doctissimi Bergleri emendatio uti ingeniosa & erudita est, ita longius aliquando a verborum similitudine abit. Epistola IV locus varie tentatus est: scribit vir piscator ad uxorem urbanæ vitæ amantem, ut in Aldina legitur *εἰ τὴν πόλιν ἀσπάζη χαῖρε καὶ ἄπιθι εἰς τὸν ἄνδρα. εἰ τὰ ἐκ θαλάττης ἀγαπᾷς, ἐπάνιθι τό λῶον ἐλομένη*. Barthius in Adversariis: *εἰ τὴν πόλιν ἀσπάζη χαῖρε καὶ ἄπιθι εἰς τὸν ἄνδρα, ἴθι. εἰ καὶ ἐκ θαλάττης ἀγαπᾷς, ἐπάνιθι*, velut quidam gradus: ut redeundi; nimis forte argute. Cl. Perizonius in Epistola ad Berglerum *εἰ τὴν πόλιν ἀσπάζη, χαῖρε καὶ ἄπιθι. εἰ δὲ τὸν ἄνδρα, ἴθι. εἰ τὰ ἐκ τῆς θαλάττης, ἀγαπᾷς, ἐπάνιθι*. Sed nihil horum opus erat, cum solis distinctionum signis recte collocatis, locus sanari a Berglero potuerit, hoc ordine: *εἰ τὴν πόλιν ἀσπάζη χαῖρε καὶ ἄπιθι. εἰς τὸν ἄνδρα εἰ τὰ ἐκ θαλάττης ἀγαπᾷς ἐπάνιθι*. Et Latine: si urbem amas, vale & abi; ad virum, si te marina delectant, redi. Quando a versione, Cujaciana dicta, discedat Berglerus, non monuit; specimen adducemus ex Epistola XXVIII, *ὦ δίνυσά με ἀγρίως ἤκειν ὡς ἑαυτὴν ἢ τῷ γείτονος μετέ-*

πεμψε γυνή. καὶ δῆτα ἦκειν (ἦειν legi jubet) ἀραμένη τὰ πρὸς τὴν τέχνην. οὐ δὲ ἐξαπινάως ἀνοήτως ἐπειρῶ τὴν δέξην, ἀνακλάσας κῦσαι. Quæ ita convertit prior Interpres: parturiens me nuper, ut ad se venirem uxor vicini accersivit, atque, ut quæ ad artem pertinent, afferrem. Tu vero confestim exsurgens conabare fracto collo partum elicere. Plane præter rem, adeo rectius nova versio: parturiens modo uxor vicini me, ad se venirem, accersi jussit, atque jam ibam assumptis, quæ ad artem eam requiruntur. Tu vero confestim exsurgens conabare cervicem meam ad te reflectens osculari. Et sic cohærent insequentia. Verum non est nostrum ultra pergere, satis ex hac Alciphronis nova editione Lectori licebit cognoscere, quid in edendis Aristophane, cum suis notis, & nova plerarumque comædiarum versione; & Herodoto emendando & annotationibus illustrando, quæ omnia jam perfecta sunt, præstare Berglerus valeat. Errata, quorum aliquot irreperunt, non diligentissimi Editoris incuriæ, sed typographorum festinationi tribuenda sunt, plurimam partem in subjecto indice correctæ; chartæ, & typi nitore nulli exterorum concedit Fritschii nostri sedulitas.

AN ACCOUNT OF SOUTH-WEST BARBARY &c.

h. e.

NOTITIA DE BARBARIA AUSTRALI VEL Occidentali, complectens quicquid memoratu digni deprehenditur in Regnis Fessensi & Maroccensi, scripto consignata ab homine servitutem ibi diuturnam experto, & ex autographo cum literis binis hodierni Regis Maroccensis luci donata ab SIMONE OCKLEY, Profess. lingue Arab. Cantabrig.

Londini, apud J. Bowyer & H. Clements, 1713, 8.

Plag. 8.

CL. Ocklejus, qui introductione sua ad addiscendas linguas Orientales nobis jamdudum innotuit, præsentem libellum, cum forte fortuna in manus ejus incideret, edendum putavit in lucem, quam ut aspiceret, dignus esse nobis utique videtur. In
Præ-

Præfatione, quam præmisit doctissimus Vir, fatetur, autorem se ignorare prorsus, nec minoris eum tamen æstimandum eam ob causam existimat. Neque enim alias narrationes cæco eum studio sequi, sed res visas ab se auditasque memoriz prodere. Confirmasse suffragio suo omnia testem oculatum *Xerezium*, Judzum profelytum, *Sophia* natum, sed studio celeberr. *Allixii* ad partes Christianorum sequendas adductum, cui partem libelli, præsertim ubi dubia maxime videretur complecti, Cl. *Ocklejus* prælegit. Crudelitatem, qua barbari homines in Christiana mancipia utuntur, nimis eum exaggerare videri, sed quæ hic commemorantur, non multum abire ab iis, quæ *Elliotus*, *Pittsius*, & quidam *Ockelejus* tradidere. Qua occasione observat, minus cum veritate convenire opinioni, qua existimant plures, populi Israelitici in servitutem Assyriacam abducti eandem fuisse sortem, quam servi hodie nostri experiuntur. Longe aliter rem habere ex hodierna consuetudine populorum, in iis vel proximis partibus crudelissimo Christianos jugo prementium, posse luculenter perspicui. Aliquando tamen de Judæis, quam de Christianis, mitius actum esse, manifestum inde fieri, quod illi servitutem, cui assueverunt, libertati oblata præponere non dubitarunt, id quod Christianorum servorum inter barbaros nemo hodie facile fecerit. Commendat hinc studium mores populorum, qui in Mahomedis castra concesserunt, diligentius pervestigandi, quos ab longissimis inde temporum intervallis aut parum aut nihil mutatos clarissimam multis Scripturæ sacræ locis affundere lucem recte existimat. Addit tamen, illos ipsos populos monitis atque institutis nonnihil ab se invicem discedere: eos qui Africæ partes incolunt, horridiores crudelioresque deprehendi, cultiores esse, qui in Asia fixerunt sedes. Atque de his quidem possemis pluribus se olim acturum Cl. *Ocklejus* pollicetur. Libellum ipsum capita novem absolvunt: I agit de ipsa regione, quam Barbariam Australem vocant, II de indole ac vivendi ratione incolarum, III de vestitu utriusque sexus, quo utuntur, IV de regimine politico & legibus civilibus, V de religione, cultu divino, sacerdotibus, jejuniis &c. VI de ritibus nuptiarum, VII de Genealogia præclarisque rebus gestis Regis, qui adhuc

huc rerum summam tenet inter Barbaros versus Austrum incolentes, *Mulei Ismaelis*. Quæ hoc tradit capite Autor anonymus, minus vera atque ab rerum non satis gnaris, ut fieri solet, accepta sibi videri, nos docet Cl. Ocklejus. VIII de regimine politico, cultu divino, festis Judæorum ibi degentium agit, IX de summa miseria servorum Christianorum. Additæ his sunt literæ binæ Regis Maroccensis *Mulei Ismaelis* cum responso, quarum priores Arabica etiam lingua expressæ hic leguntur, non ingrattæ utique harum rerum cupidis lectoribus futuræ. Festivum inter alia est, ubi Rex ille in literis ad militiæ præfectum *Kirkium*, scito, inquit, *tres equos currui jungendos a Domino tuo per meos, apud eum commorantes, missos mihi esse. Sed currus quatuor equis trahendus est, proinde alium nobis simili forma, habitu & magnitudine procures, necessum est, ut ille quatuor trahi possit. Omnia, quæ in te sita sunt, facito, ut voluntati nostræ obsequaris.* Haud mediocre vero ornamentum conciliat libello nova descriptio in ære facta Regnorum Fessani & Maroccensis, quam consulere Lectores cum fructu poterunt.

BERNARDI A MALLINCKROT DE ARCHI-Cancellariis S. Rom. Imperii ac Cancellariis Imperialis aule, quibus accesserunt Summi Pontifices & S. R. E. Cardinales Germanici aliaque. Editio Tertia, cum Præfatione BURCARDI GOTTHELFI STRUVII de Fatis & Scriptis Mallinckrotianis.

Jenz, apud Jo. Felicem, Bielckium, 1715, 4.

Alph. I pl. 21.

NOn ignotum est in Republica literaria nomen Bernardi a Mallinckrot, Monasteriensis quondam Ecclesiæ Decani, quum scriptis suis magnam sibi eruditionis laudem acquisiverit. Inprimis Tractatus ejusdem de Archi-Cancellariis Imperii satis notus est, & ab illis, qui Germaniæ historiam amant, non parum æstumatur. Prodiit ille prima vice Monasterii 1640, 4, sed quum difficilior copia ejusdem esset, operæ pretium duxit Cl. Struvius, ut illum iterum ederet, cui etiam Præfationem de Fatis & Scriptis Mallinckrotianis addidit. Haussit plurima ex Joannis
ab

ab Alpen Vita & rebus gestis Christophori Bernhardi Episcopi Monasteriensis; quare nos pauca annotabimus; de ipso autem libro nihil erit dicendum, quum ille jam pridem in eruditorum versetur manibus. Erat Mallinckrotius rarissima Vir doctrinæ, librorum helluo, & memoriz tam vastæ atque felicitis, ut libros integros, si periissent, e suo cerebro restituere posse crederetur: Episcopalis dignitas ei non semel oblata fuit, quumque jam ornandus putaretur, illum infelicem spes fefellit. Nam a Ferdinando II Imp. cum consensu Summi Pontificis, Razeburgensis Episcopatus fuerat collatus; sed profligato mox ad Lipsiam Tillio, & Gustavo Adolpho Suecorum Rege omnem Germaniam aquilonarem suis armis occupante, spe defraudatus fuit. Ad Mindensem quoque Episcopatum vocato, Franciscus Guilielmus Episcopus Osnabrugensis prælatus est. Mortuo inde anno 1650 Ferdinando, Archi-Episcopo Coloniensi & Episcopo Monasteriensi, Bernardus noster mitram Episcopalem ambivit; sed quum Capitulares plurimi ab ingenio ejus abhorrerent & Manliana imperia timerent, eventus voto non respondit; sed Canonici in zede cujusdam ex illorum numero convenientes in personam Christophori Bernhardi a Galen conspirarunt: quo aperto, quum Mallinckrotius consentire nollet, atque contra Canonem esse diceret, filium homicidæ in Episcopum creari, quandoquidem pater ejus Bernardus a Galen Morienum in duello occidisset, ideoque in captivitate mortuus esset, & apud Pontificem Summum & Imperatorem & in ipsa urbe nihil prætermisit quo Canonici facta irrita declararentur: sed iterum nihil effectum: novus potius Episcopus suam administrationem initurus Monasterium comitia indixit Statuum provincialium, quæ ad nutum Electi a conventu suo excludere Mallinckrotium ceu tranquillitatis publicæ turbatorem. Citatus etiam fuit a Fabio Chisio, Papali Nuntio, ut coram quibusdam magni nominis Viris convitia, quibus Episcopum affecisset, evinceret: sed hoc intra præfixum tempus non comparente, silentium perpetuum ipsi fuit impositum, & quum adhuc Episcopo debitam venerationem non exhiberet, eundem Episcopali autoritate a choro, a capitulo, ab

officio & beneficio suspendit. Etiamſi vero Episcopus tentaret res componere cum Mallinckrotio : omnia tamen rejecit & cuncta tentavit, adeo ut a Cæsare Episcopus jam confirmatus atque investitus munere indignus declararetur. Sed his omnibus frustra peractis ad captandam auram popularem totus se composuit: Monasteriensem quoque civitatem contra Episcopum incitavit & varias alias turbas dedit. Quare Episcopus eundem anathemate percussit, quod ex suggestu fuit recitatum & valvis Ecclesiarum affixum. Quo non obstante ædes quidem sacras frequentavit; sed eo illas ingresso, fugere Capitulares, cessare cantus, omitti horarum psallentium preces, abrumpi sacrificia, extinguere candelæ, quæque alias sacris interdicto fieri solent, graviter expediri cœpere. Interim Mallinckrotius a Josepho Sanfeliciano, qui Coloniam Agrippinam Nuntium agebat Papalem, absolutionem impetraverat ab Episcopi anathemate, & civitas inter se divisa, pars Principi, pleraque pars Decano favit, opificum vox in officinis fuit: *Vivat Decanus, cui vitam, salutem, triumphum, fausta omnia.* Tandem Princeps per Prætorianos Decanum in suis ædibus detineri voluit, ex qua captivitate ope populi fuit liberatus. Interea anno 1655 exterarum Academiae sententia beneficiis & Decanali munere ipso jure & facto privatus declaratus fuit, & post aliquas adhuc turbas anno 1657 Principis jussu in arcem Ottensteiniam est deductus, in qua captivitate per septennium detentus sub Nonas Martii A. 1664 obiit. Quantæ Vir fuerit eruditionis, industriæ atque lectionis, docent ipsius scripta eruditissimè æstunata. Testatur de eo etiam Bibliotheca ipsius instructissima, quæ Monasterii adhuc servatur. Primum ejus scriptum fuit de *ortu & progressu artis Typographicae*, Coloniae Agrippinae 1639, 4 editum. Alterum de *Archi-Cancellariis*. Tertium de *Uſu & natura literarum*, in quo sub literis B. a M. D. M. & C. M. nomen suum indicavit, quæ notant Bernhardum a Mallinckrot Decanum Monasteriensem Coadjutorem Mindensem. Quartum paullo ante ipsius captivitatem evulgatum scriptum est: *Paralipomenon de Historicis Græcis Centuriæ quinque plus minus, quibus præmittitur Discursus de summo bono Hominis in hujus vitæ miseria*, Coloniae Agrip-

Agrippinæ 1636, 4., quod cum aliis supplementis Vossianis recudi fecit Cl. Fabricius Hamburgii 1709, 8. Scripsit etiam in præfatione operis de Archi-Cancellariis, se *de Statibus & Circulis Romani Imperii* aliquid esse commentatum; sed hic fortus lucem non vidit.

PRIMITIÆ SILESIACÆ,

i. e.

FRANCISCI FABRI VULGO KOECKRITZ SABOTHUS sive *Silesia*, accessit *Programma JOH. FECHNERI* ejusdem argumenti: ex Codice manuscripto cum impressis diligenter collato publico usui resti-

tuit Q. A. T. A. V. A.

Lipsiæ, apud J. Grossii hæredes, 1715, 8.

Plag. 4.

EMinent inter complures alias Nationes historię patrię studio Silesii, quod tot egregia Curzi, Schickfusii, Henelii, Czeslkonis, Hankii, Dewerdeckii & aliorum cum applausu in lucem edita opera testantur. Restant tamen non pauca passim in publicis privatisque laudatę gentis Bibliothecis asservata anecdota; quorū typis exscribendorum spem causa non una prohibere videtur. Hinc laudabilem olim Godofredus Rhonius in illis recensendis & partim excerptendis operam collocavit; ne scilicet plane intercidant diligentissimorum hominum labores in soli natalis decus & emolumentum suscepti. Continuat etiam hodiernum utile institutum Cl. Rungius Scholę Magdalenę apud Vratislavienses Collega, qui tribus huc usque Speciminibus aliqua non spernenda de ineditis Historię Silesiacę monumentis exposuit. Refertur autem inter hæc cimelia nunquam typis exscripta præsens quoque Franc. Fabri Opusculum poeticum, cui Autor (qui Secretarius Vratislaviensis, & præter hoc vastis etiam Annalibus, identidem anecdotis de patria sua optime meritus fuit) ultra novem integros annos impendisse fertur. Secuti Rhonium alii Eruditi, qui publice asserere non dubitarunt, nunquam hunc libellum prelo subjectum fuisse,

frustra aliud docente exercitatissimo, si quisquam, in rebus Silesiacis Hankio: donec post fata Viri in ejus Bibliotheca ipsum exemplar impressum inveniretur, & sic de veritate assertionis hujus omnibus constaret. Causa rei fuit, tum exigua libelli moles & insignis raritas, tum quod *Reusneri Itinerario Orbis*, Basilæ M D XCII edito, in fine sub ἀποσπασμάτων titulo additum fuerit: qui liber cum sæpius recusatus habeatur, nec in ullo exemplari hic Sabothus noster comparaverit, haud mirum, neminem ad calcem notatz editionis raram hanc avem quæsisisse. Celebris tamen semper ejus fama inter Historicos Silesiacos exstitit, & spes sæpenumero illius recudendi facta, præsertim cum multiplicata & mutilata apographa passim circumferrentur. Irrita nihilominus usque huc fuit curiosorum expectatio, quare ignotus Autor, cui sub literis initialibus supra indigitatis latere placuit, quique se Silesia ortum negat, nunc demum illud ex codice, manu insignis Vratislaviensium J Cti exarato, excerptum publico usui restituit. Editionem primam, quam diligenter collatam affirmat, in omnibus secutus est, nisi quod breves passim animadversiones, quas prior M S Cti possessor hinc inde addiderat, ad oram paginarum adjectæ sint; eas vero leviores esse & ejusmodi, quæ extemporanea forte meditatio inter legendum fuggescit, cuilibet facile ex oculari inspectione patet, quid quod nec ipse Editor illud inficiari voluisse videtur. In præfatione plures hujus generis libelli, e. g. *Pancratii Vulturini Panegyricus* ob ætatem (quippe anno MDV Patavii recitatus) & accuratam oppidorum Silesiacorum descriptionem æstimandus, *Job. Molleri D. Lignicensium historia genealogica* rarissima, aliaque per vices edenda, promittuntur. Ipsi Kockritziano carmini præmittitur breve *Jo. Fechneri*, Rectoris quondam Vratislaviensis pluribus poematibus elegantissimis publicatis clari, *Programma*, quo cives ad actum solennem de Sabotho habendum jambo senario, quo excellebat, invitavit. Quantum ad *Fabri* laborem, fingit ille Silesiam Nympham, rumoribus de ingente Sabotho increbrescentibus perturbatam, flumina convocasse, horumque comitatu stipatam adiisse senem mœrore confectum. Hic lautis epulis mox suavi colloquio gratam hospitem excepit, & tristitæ

stiliz causas expositurus, Nomina inde ab initio diversa, Cultores nec non reliqua laudatæ Regionis fata stricte recenset, observationes haud raro atque digressiones interponens satis jucundas. Tandem rumor irruentium hostium inter secure concumbentes illos spargitur; sic fluvii metu dilapsi quisque ad undas suas se recepit, Sabothus in cavernam montis recessit, ac misera Silesia sola hostium ludibriis exposita mansit. Certum est Autorem officio suo bene defunctum esse; quanquam Lectorem historiarum ejus temporis & loci peritissimum requirere videatur, quem ubi nactus est, non sine fructu & voluptate detinet. Nec diffitendum, quædam hic illic inveniri, alibi haud facile obvia; sequiorum enim annorum scriptoribus non liberum semper fuit, quæ sciverunt, literis mandare. Interpolavit tamen Editor, privatis procul dubio rationibus motus, duo carminis loca, in quibus licentius Faber & Sabothi genius de Rom. Ecclesiæ Præfule, aliisque joci fuerant. Denique illud observandum, notulas subjectas jam annos pene multos præ se ferre, quod ex voto de Arminio Lohensteiniano absolvendo & ex promisso p. 46 B. Hankii opere de Silesiorum nominibus colligendum. In fine repetit Editor sponsonem de prolixo Eruditi cujusdam Silesii in hoc poema commentario, dubia historica & geographica diligenter explanaturo.

GEORGII FRID. RICHTERI, IN ACAD. LIPS.
*Fac. Philos. Assess. ad Virum Rev. M. I. F. A. de Sole, quod
 caloris vulgo tributæ causa non sit, brevis
 Commentatio.*

Lipsiæ, impensis A. M. Schedii, 1715, 4.

Plag. 4.

Non id agit Cl. Autor, ut caloris ab Sole quidquam proficisci omnino neget, sed ut ostendat, calorem illum esse velut uniformem, varietatis autem variorum anni temporum, quod ad æstus & frigora pertinet, in Sole causam vulgo quidem, sed perperam quæri. Cui sententiæ novitatem objectu-

ris id maxime respondet, non posse dubium esse diligenter animadvertentibus, quin difficultatum plurimarum errorumque maxima diuturnitate productorum, in pronuntiatis plerumque communissimis, & quæ propterea etiam in perceptissimis habeantur, latere fons & origo soleat; præterea vix quidem credibile videri, quorum tam diversæ sint de natura Solis sententiæ, horum omnino nullos vim illam calefaciendi in dubium vocare, ac sibi hoc modo apertissime patrocinari: interim se, qui aliorum in ejusmodi rebus auctoritati parum deferendo sapientissimorum quorumque auctoritatem sequatur, etiam hic minus fuisse de tali auctoritate sollicitum. Hæc in præmio tractat. Ipsa vero Commentatio quatuor constat capitibus. Quorum in uno, facta breviter eorum mentione, quibus placet, Solem tempore brumali vel minus calidam sui partem nobis obvertere, vel stellis parum fervidis junctum, vel crassioribus obductum maculis esse; rationes deinceps eas diligenter & recenset & excutit, quibus plerique adhuc Philosophi ostendere volderunt, obliquitatem Solis, exiguamque diebus hiemalibus penes nos moram, frigorum esse causas certissimas. Monstrat igitur, radios directiores, nec quod iidem obliquis paullo breviores sint, nec quod in se ipsi magis quam illi reflectantur, nec quod in minus terræ spatium incidant quam eorum totidem, nec tandem quod brevius & expeditius per aeris atmosphæram emetiendum iter habeant, idcirco magnos illos efficere æstatis æstus: præsentiam autem paullo diuturniorem Solis nihilo id magis præstare. In altero capite id urget: si varia Solis obliquitas & mora, varii causa caloris sit, stasis eum augmentibus ac diminutionibus crescere debere & decrescere, perinde ut Sol paulatim & per certos gradus culminis accedat nostro & inde rursus recedat: regiones autem, ut polis viciniore vel æquatori sint, ita easdem magis magisque deprehendi vel frigoribus subjectas vel æstibus debere: quæ cum ita se non habeant, frustra, ibi quidem in ventos & æreum non semper serenum, hic vero potissimum in montes haut æqualiter distributos, causam interrupti tenoris transferri. Sequitur tertium caput, in quo, tum ex perenni frigore, altissimos ipsius torridæ Zonæ montes occu-

pan-

pante (neque id, ut ostendit, propter aerem subtiliorem aut agitatiorem, nec propter radiorum reflexorum vel inopiam vel ab incidentibus distantiam, nec propter semina frigoris illuc abacta, nec propter alias hujusmodi causas) tum ex calore, in intimis terræ partibus constanter obvio, probare Noster instituit, causam æstuum æstivorum subter potius quam supra quærendam esse. Ibidem, cur in locis subterraneis non nimium profundis, hieme rigor, calor æstate, minus quam sub dio vehementis sit, declarat, sententiasque aliorum coarguit. Restat caput ultimum, in quo rationes expendit & experientias, quibus adducti non Philosophi modo sed quilibet etiam de vulgo hucusque putarint, Soli esse causam uni omnem caloris frigorisque annui attribuendam; atque illos umbra potius rationum quam ponderibus oppressos pronunciat.

Jam adhuc pauca quædam speciminis loco ex ipsa excerptemus tractatione. Capite igitur tertio causam propositurus Cl. Autor, cur in cavernis subterraneis hieme æstateque idem propemodum percipiatur calor, id ex eo fieri judicat, quod cavernæ istæ, si bene clausæ fuerint, semper maneant vaporibus calidis repletæ: hieme quidem, cum minores sint intimarum terræ partium versus nos exhalationes, minus talium vaporum cavernis accedere, sed minus item decedere: æstate vero plus accedere, sed plus etiam decedere: interim calorem supra terram, illum in cavernis, æstivo tempore non difficulter superare, quando halitus telluris in liberum aerem enixi moveri expeditius, etiam Sole non accedente, atque ita majorem creare æstum queant, quam cæcis illis carceribus clausi. Hæc noster uberius disputat, capite quo diximus, n. VIII, & VIII. Ultimo vero capite, n. III, sententiæ suæ objicientibus, solem æstivum ab umbra æstiva multo distare magis quam hibernum ab hiberna, ita respondet: eandem vim radiorum æstivum aerem, ex aliis causis calidiorem & ad calorem recipiendum magis idoneum, plus calefacere posse, quam ineptiorem hibernum; ejusque rei exemplum conclavia præbere, in brumalem porrecta Solem & bene calefacta, in quibus plus item quam in libero & frigido aere sol ab umbra intersit.

Ceterum antequam Autorem nostrum relinquamus, non alienum videtur, ejus etiam paucissimis hoc loco dissertationem commemorare Geometricam, qua A. 1712 conscripta, tum angulum quemcumque in tres pluresve partes secare, tum duas pluresve inter datas quascumque rectas invenire medias geometricè proportionales, maxime intelligibili docuit methodo, per *sectiones* nempe (ut eas ipse vocat) *in infinitum alternatas*. Scilicet si angulus vel linea quæcumque primum biseccetur, post, verbi causa, pars dextra rursus biseccetur, tum ex ortis hoc modo novis partibus iterum sinistra, porro ex aliis novis dextra, deinde ex aliis sinistra, & sic in infinitum, ista tandem ratione determinari punctum trisectionis, facile demonstrat Autor. Jam cum duas inter quascumque rectas invenire medias arithmetice proportionales, nil aliud sit, quam excessum majoris triseccare, hoc est, infinitas medias alternatim quæ-rere; patet, quomodo etiam duæ geometricè proportionales inveniri queant, nempe ita, ut inter datas primum quæ-ratur media, tum inter inventam & (verbi causa) minorem ex datis alia, tum eam inter & proxime majorem rursus alia, tum inter hanc & proxime minorem, tum novam inter & proxime majorem, & sic in infinitum: tandem enim hoc modo ex duabus mediis determinari minorem necesse est. Similiter angulus quicumque vel linea, in 5, 7, ac plures dissecari partes potest, si abscindatur primum pars quarta, sexta, & ita porro, ac deinde sectio illa inæqualis, alternatis partibus (ita ut pars major minorque modo a dextra sit modo a sinistra) in infinitum alternetur. Atque ea iterum transferre ad inveniendas quæcumque medias Autor docet, nec compendia sectionum in infinitum alternandarum tradere obliviscitur.

Quas promissimus superiori Mense, prodire nunc hebdomatim cœpere apud Theophilum Georgium Novellæ litterariz vernaculæ, sub titulo: *Neue Zeitungen von gelehrten Sachen*, in 8, in quas, ne in Actis nostris librorum recensitionibus spatium eripiat, rejiciendam putavimus partem aliquam novorum literariorum, quæ quotidie ad nos perscribuntur; id quod ignorare

Lectores nostros nolumus.

ACTA ERUDITORUM,

publicata Lipsiæ

Calendis Junii, Anno MDCC XV.

LUDOVICI FERDINANDI MARSILII *Dissertatio de generatione fungorum ad Illustrissimum & Reverendissimum Præsulem JOHANNEM MARIAM LANCI- SIUM, Clementis XI Pontif. Opt. Max. Archiatrum & Cubicularium Intimum, cui accedit ejusdem responsio, una cum Dissertatione de Pliniana Villæ ruderibus atque Osti- ensis litoris incremento.*

Romæ, ex officina Francisci Gonzagæ, 1714, fol.

Plag. 12 & tab. æn. pl. 32.

UTi rara admodum est Illustrium & Splendidissimo- rum Duunvirorum horum, in bene merendi studio se tanta sui gloria æmulantium, magnificentia, qua nuper admodum insignes illos suos librorum, reli- quorumque literarum studia promoventium, thesauros im- menso pretio redemptos tam liberaliter publico donarunt; ita eo majori admiratione & præconio suo jure censetur digna esse: sed hoc, quod illis etiam præstare datur, qui cæco studio fortu- nam præ Minerva coluerunt, solum non est, quo sibi literarum alumnos obstrictos tenent; verum tot ingenii sui præclara publi- co offeren- es munera, omnibus cognita, dubios nos faciunt, ex quo primam mereantur gratiam. Quis in literarum historia non plane peregrinus ignorat excellentissimi Lancilii merita? Et quis negaverit in illustrium Scriptorum nostri seculi primo ordine collocari doctissimum Comitem Ludovicum Fer- dinandum Marsilium debere? certe id nobiscum omnes sentient, quibus philosophiæ studium est in pretio. Postquam enim duci- bus Malpighio & Triumpheto, magna nomina! hujus tiro- cinia posuisset, tantam ipse navavit naturæ contemplationi ope-

ram, ut quidquid in ea esset absconditum, feliciter retegeret, atque hinc nata illa erudita Dissertatio de phosphoro minerali, quam vernaculo sibi sermone jam anno 1698 edidit, & ejus inscriptione Societatem nostram honoravit; inde magni illius & splendoris operis, historiae Danubii, prodromum illustri Societati Regiae Anglicanae, Londini impressum, anno 1700 obtulit, cui perficiendo adhuc strenue insudat, quodque ut feliciter propediem absolvat, cum horum amantibus serio optamus. Nunc exhibemus Lectori non minus opus splendidum, & quod magis in admirationem rapere potest, inter arma natum, de fungorum origine: cum namque in Pannonia finium constitutorum inter Christianorum & Turcorum imperia cura ab Augustissimo Imperatore Leopoldo ipsi demandata esset, equestris exercitus tunc duci, sedula industria hoc egit, ut eorum generationis methodum, experimentis variis factis, exploraret & probaret, quam deinde diligentiam continuavit, cum Brisaco praefectus esset. Enimvero cum tot fungorum esse genera deprehenderet, delineari omnes jussit, atque ad Triumphetum insignem Bononiae Botanicum misit, qui ad artis regulas in ordinem digereret, quod idem ille, additis pluribus Italiae indigenis fungis, praestitit, atque hi editioni parati ab illustrissimo nostro Comite, sub titulo collectionis fungorum vegetantium in regnis Croatiae & Hungariae, in publico instituto Scientiarum Bononiae, asservantur, quorum, post varios fortunae casus nunc in alma Bononia, patria sua, quieti datus & egregie musis litans, partem tanquam otii literarii fructus exhibet. Ita autem versatur in argumenti tractatione, ut primo diversorum, cum veterum, tum recentiorum scriptorum sententias, circa fungorum generationem recenscat, hasque discutiat, atque sic, quod sibi, observationibus innixo, cum vero congruere videtur, exponat. In antiquis sunt Theophrastus & Plinius, (ad Poetarum enim figmenta non attendimus,) quorum ille fungos radice penitus carere & e radicibus arborum & pluvii copiose labentibus ad mare rubrum erumpere tradidit; hic vero ex arborum pituita, & limo succo terrae madefacto eorum originem trahit: sed quoniam hi vel omnino falsa supponant, vel obscu-

ris

ris nullam lucem afferant, eos ex recentioribus reprehensione utique dignos censet, qui eosdem secuti sunt. Ad tres vero classes pertinent, qui hac nostra ætate solertiores rei naturam in hac parte perlustrarunt, quarum prima est eorum, qui seminibus suis, æque ac reliqua vegetabilium, deberi fungos asserunt, in quibus Mentzelius, Bocconus, Dodoy & Sherardus eminent, quibus & Porta & Clusius accedunt. Ex secunda, qui fungos ex integrorum frustulis vento dispersis oriri affirmant, Sharrocius sunt, Raius, & Malpighius, qui tamen in re obscura fluctuat. Tertia classis hanc tenet pro vera sententiam, proprium fungorum principium non nisi ex certa corporum putrilagine repetendum esse, ad quos accedunt Chymici, nisi quod dicendi ratione & explicandi methodo differant. Fungos ex semine generari nulla videtur ratione probabili asseri, cum in nulla tot specierum, summa adhibita in inquirendo sagacitate, hætenus potuerit detegi, & quod in fungillo caliciformi Mentzelii semini est prope simile, non vera seminis natura gaudet, & ipsi illi sunt tam exigui pretii, ut minime cum reliquis ad artificis naturæ regulas factis, comparandi: unde nec vero est consentaneum, naturam hos seminibus fœtas, reliquos vero effœtos reliquisse, vel semine tam exili instruxisse, ut nullo posset studio manifestum fieri; ergo pro imperfectis flosculis habentur potius hæc granula semen mentientia, quam pro vero semine. In quo vero an Illustrissimus Philosophus omnes consentientes habiturus sit, non licet divinare; certe nec imperfecti adeo sunt hi caliciformes parvi fungi, nec exilitas naturæ defectum prodit, sed magis artificis potentiam, & pro seminibus accepta grana cum flore nihil commune videntur habere, cum sint compacta nimis & duriuscula, intra pulpa quasi repleta, & more seminum vegetantium aquæ immersa turgent, quod experimento facto a nobis observatum est. Neque tentamen docti Viri Amadei, qui seminasse illa traditur, omne tollit dubium, cum vel solum semini congruum vel inferendi methodum ignorasse potuerit. Sed neque obflare sibi omni ex parte putat excellentissimus Philosophus, si detur in una fungorum specie dari semina, si modo frustra quærantur in reliquis, quod huc usque factum est, & idem Cl.

Amadeus observavit in pluribus fungorum reperiri insectorum vel stercorea, vel ovula, quæ ab imperitis pro semine reputari queant, sicut pluribus accidisse autumat: at notandum, pro certo poni, quod fieri non absurdum est. In obscuro vero relicto semine, alii rei aliter consulere allaborant, & per decerpta frustra propagari fungos docent: verum & hoc minus est probabile, quia putredini tam apta corpora, ut sunt fungi, non possent integra conservari, ut toties agitata per aera, & mutantia locum, simili speciei producendæ, sic ut arboribus insiti ramuli, apta permaneant; & experientiæ sententiam adversari additur, quoniam frustra ab integris abrupta, & terræ insita, novos fungos non produxerint. Verum iterum adhibenda cautio est, atque tenendum, structuram corporum viventium delineatam esse in minimis, ut in arborum gemmulis, reliquorum seminibus, & animatorum ovulis. Satio frustulorum requirit necessariorum cognitionem, imo videntur observata a Raio rein confirmare, quod tamen Illustri Autori minus visum est. Unde propriam demum affert sententiam, quæ huc redit, fungos suam debere originem certæ quorundam corporum putrilagini, quæ calore agitata in fungosa concresecat corpora, vegetabilibus ex aliqua parte similia, quod variis experimentis factis & observationibus frequentioribus probatum ivit; cumque vel ex terra, vel ligno, vel arborum foliis, vel saxo, vel etiam ex ipsis fungis & terræ tuberibus, nascantur fungi, vulgares autem maxime sint, quos terra producit, & ligna vel putrefacta, vel morbo affecta, qui vel molles vel duri sunt; hæc omnium p. 36 generationis constituitur methodus, quod locus fungorum natalitius sit, ubi pinguedo occurrat, quæ constat quadam oleositate sali nitroso mixta, quæque per fermentationem a temperato calido ac humido factam, inter fibras lignorum radicibus sese insinuat, quæ fibræ a crassa hujus fermenti natura successu temporis infirmatæ paucorum annorum spatio arbores adigunt ad corruptionem & interitum: si vero fermentatio ista sub terra fiat, oritur situs, prima fungorum stamina, inde globuli, qui si e terra erumpunt, fungorum formam induunt; quod omne observationibus perquisitum & figuris æri eleganter incisus demonstratum est. In qua

Autoris

Autoris explicatione specialissimus tamen generationis modus desideratur, & illa fungorum certam speciem ubique conservantium constantia, quæ vix ex materiæ putrilaginosæ, ut ipse loqui amat, fermentatione mente potest elici. Igitur quæ sit sententia accuratissimi Philosophi & Medici, muneris dignitate alios multum præcellentis, Joannis Mariæ Lancisii, nunc etiam nobis dispiciendum erit. Propius ille naturæ arcana omnia intuens, hanc format fungorum generandorum methodum: fungorum principium ponit perpetuum, partem corporis vegetabilis duobus vitiis obnoxiam, solutæ nempe continuitati, & quoquo modo degeneri facto nativo succo, qui per suos tubulos a radice in truncum, atque illinc in ramos & folia impulsus libere discurre sueverat, propter sancios vero canales, in ejusdem vulneris ulcerisque labris sinubusque restagnare cogitur, atque ibidem concipere, præter naturalem, aliam indolem, qualem liquida in animalium plagis passim solent contrahere, accedente inde pluviarum, aut saltem corpusculorum aqueo-salino-sulphureorum copia, ambientis aeris occurfu & mixtione, jam degener succus nova ac plus minusve morbida fermentatione coagulatur, quæ paulatim utriculorum canaliumque fibras, cum non amplius in directum urgere valeat, emollit primum, deinde explicat, rumpit atque exsolvit; postremo eo usque transversum ducit ac trahit, quo pertingere potest vis non impedita per superincumbentem atmosphæram, tum interni aeris in trachealibus fistulis citra vulnus compressi, tum partium volatilium a subterraneis specubus per radicum oscilla sursum cum aere ascendentium. Ex quibus ipsius fere acutissimi Lancisii verbis facile colligitur, cur fungi a plantarum, ex quibus oriuntur, natura & forma, cum interna tum externa, discedant, & a se invicem tam diversi sint. Nam quando obliqua illa fibrarum exsolutio ac productio ex arboris plaga fieri incipit, certe illum servare nequit ordinem positionis, colligationis & contextus, quem in recta atque incolumi vegetatione tenuisset; ideo morbofa planta, sic fungos appellat, necessario arbore ipsa ab initio aliquanto mollior diversaque figura donata prodit; quin imo juxta variam naturam succorum, qui per easdem fistulas ex affecto vegetabili du-

p. 8.

p. 10.

euntur, varius quoque adnascitur fungus; scilicet modo durus, modo mollis; nunc albus aut niger; nunc flaccus aut viridis; modo sapidus, odoratus, & salubris; modo male olens, insalubris & veneficus. Cur autem fungi e radicibus teneriores, e ramis vero duriores, atque ex trunco mediocres sint duritie; cur e plantis emortuis molles fungi nascantur; unde colorum diversitas oriatur; cur in plerisque fungis umbellæ fornix striis sulcatus, superior vero superficies levis cernatur; ea omnia strictius & ingeniose explicantur, egregie illustrantur & confirmantur ab animati corporis fungosis excrescentiis, quas condylomata & mariscas vocant, ex modicis circa podicem discissionibus, quibus subacidum fermentum leniter adhærescit, efficitque, ut ejusdem cutis fibræ ac vasa dissolvantur, attenuentur, atque oblique producta formam acquirant, fungis quam simillimam. Sed hæcenus dicta præcipue attinent ad fungos ex plantis viventibus natos; pari vero acumine de fungis ex emortuis plantarum membris ortis, quorum fibras pluvia vel quovis humore mollescere asseritur, & propterea coactos in iisdem succos paulatim fluidos evadere, fermentari, atque a sinibus, in quibus marcuerant, erumpere una cum laxatis tubulis vasisque, quæ mox, quasi emancipata in novam formam figuramque complicari solent, ac pro ratione impellentis liquidi, ductilitatis, & inclinationis fibrarum, atque obicis, qui ab aere ambiente proficiscitur, varias morbosarum plantarum species effingunt. Ex quibus cognoscitur, fungorum originem ad sola corpora vegetabilia referri, quorum succum altricem ferentes tubuli, certa ratione e partibus constructi & dispositi, variisque magnitudinibus patuli sunt, atque adeo variæ molis & figuræ corpuscula per terræ meatus mota & eo allata transmittunt, quæ iterum pro ratione suorum cuspidum, angulorum & planorum comprimuntur, coagulantur, in fistulas formantur, complicantur, & contexuntur, atque in fungos abeunt, pro diversitate tubulorum in plantis & corporum in illos admissorum differentia diversos. Docte igitur monet excellentissimus Lancisius, lapidem fungarium dictum non pro vero lapide habendum esse, sed ex lapillis, radicibus, succis, seminibus terraque lapidescente concretum coagulum,

ex

ex quo, affusa aqua, tepido in loco reposito, excrescant fungi, methodo in aliis hactenus exposita; ex qua perspicacissimum egregii Lancisii elucet judicium, ita ut non possimus non maxima impatientia expectare illas in summi Pontificis Bibliotheca asservatas fungorum imagines, quas ut sui ingenii lumine, sicut aliquam spem in nobis excitavit, collustret, atq; ita amplius literarum rei deditos fovere, cum illo corrusco sidere, suo Marsilio, pergat, ex animo vovemus. De Plinianæ villæ ruderibus dissertationis peculiarem recensum dabimus, ne Lectori nunc simus tædio.

*PLANTÆ PER GALLIAM, HISPANIAM ET
Italiam observatæ & Iconibus æneis exhibitæ a R. P. JACO-
BO BARRELIERO. Opus posthumum, editum cura &
studio ANTONII DE JUSSIEU.*

Parisiis, apud Stephanum Ganeau, 1714, fol.

Alph. 2 Tab. æn. pl. 168.

INter illos Autores, qui propriæ non adeo inhiant famæ, quam quidem ad bonum publicum promovendum nati videntur & educati, merito laudandus est Clariss. Antonius de Jussieu, Illustris Tournesfortii in Horto Regio Parisiensi Successor meriti-
tissimus. Hic enim Rev. Patris Jacobi Barrelieri Plantarum per Galliam, Hispaniam & Italiam observatarum Icones, ante quadraginta & quod excurrit annos æri accurate incisas, Parisiis in Bibliotheca Patrum Dominicanorum Cœnobii S. Honorati tam diu latentes, ab ærugine non tantum vindicavit, sed & haud absque tædioso labore, additis Synonymis & Observationibus, in Rei Herbariæ amatorum usum publici juris fecit.

Præmittitur autem Operi huic Rev. P. Jacobi Barrelieri Vita, ex qua sequentia delibabimus. Natus scilicet est Parisiis 1606 ex nobili genere. Adolescens primo linguis Latina & Græca excelluit. Dehinc Philosophiæ studiis imbutus, Medicinæ se ultro addixit, in qua Licentiatus gradum adeptus Doctoralem lauream renuit & regularem vitam seculari prætulit. Hinc se Dominicanorum addixit ordini 1635. Et quamvis Theologiæ tunc imprimis incumberet, horas tamen subcivas Herbarum

rum scientiæ, qua semper flagraverat, impendit. Ob summum ingenii acumen & solertiam anno 1646 Rev. P. Thomas Turco, ordinis F. F. Prædicatorum Præpositus, Barrelierum nostrum Assistentis Gallici munere ornavit; cum quo postea Occitaniam, Aquitaniam & varias Galliæ Provincias, exinde & Hispaniam peragrans, amplissimam Botanicarum Observationum congestit supellectilem, qua in re a variis Botanophilis adjutus est. Valentiz & Castellæ deserta emensus, ignotas vel male descriptas Plantas propria manu delineavit. Ex Hispaniis Italiam adiit, viginti tres annos Romæ potissimum commoratus, ubi præter Theologicos magni momenti labores, studio quoque Plantarum incubuit, rarissimas ex Appenninis & Æquicolarum Montibus nec non Portus Ostiensis vicinia aliisque Italiæ locis, variaque insecta marina & conchilia congestit & depinxit. Tot laboribus ad Historiam Generalem Plantarum adornandam susceptis, scopus erat Opus evulgare sub titulo *Hortus Mundi* vel *Orbis Botanicus*. Hunc in finem exactissime delineatas a se Plantas in æs incidi curabat; floris & fructus anatome & proportionibus in figuris ad Fabii Columnæ normam diligenter observatis. Ac dum Operi tanto ipse insudabat, simul eruditorum ex variis regionibus Botanophilorum, quibuscum per literas consuetudinem alebat, consiliis inventisque utebatur. Sed anno 1672 Lutetiam redux, in Cœnobio Dominicanorum S. Honorati, dum opus inchoatum perficere nitebatur, asthma ex itinere contracto anno subsequente oppressus est. Descriptiones itinerum cum Observationibus Physicis, ad Plantas, Fungos, Conchilia & Insecta Marina spectantibus, & Topographia Botanica Universali, paucis exceptis schedis de Plantis, cum ipso perierunt Autore, quemadmodum & Epistolæ doctorum Virorum ad Barrelierum datæ. Barrelieri ejusque Iconum mentionem fecerunt Rob. Morissonus in Hort. Reg. Blæsenfi; Paul. Boccone, qui in Museo suo plurimas figuras Barreliero, omisso licet sæpius nomine, debet; & Plumerius, qui Americanam plantam novi generis Barrelieri nomine nuncupavit.

In Præfatione Clarissimus Jussieu causas notat, quæ ipsum
ad

ad editionem hujus Operis impulerunt, nimirum delineatarum stirpium raritas & ne Botanophili has plantas pro novis haberent publicarentque. Dein laboris sui reddit rationem, dum Barrelierianum Opus ad Tournefortii normam restituit. Institutionum Rei Herbariæ ordinem secutus & methodum, congeneres plantas congeneribus adjunxit, species ad genera, genera ad classes suas revocavit; delineatis duntaxat a Barreliero, necdum descriptis synonyma, descriptionesque addidit & jam datas descriptiones, sola locorum ex utroque Bauhino & Rajo indicatione, exhibuit; ac tandem quas ab Autoribus mutuatus est Barrelierus recensuit, quidque Boccone in Museo suo sibi arrogaverit, quod tamen Barreliero debetur, indicavit.

Tandem utilitatem Operis prædicat, quæ duplex est: 1. Plantarum Hispanicarum & Italicarum a Tournefortio in Inst. R. H. saltem designatarum ex Barreliero, reperiri Icones, florum, fructuum & seminum effigiebus, seorsim ad naturalem dimensionem Fabii Columnæ more expressis. 2. Quod Raji & Tournefortii Operibus illustrandis, quippe quibus Figuræ specierum desunt, inservire possit. Adeo ut in hoc Autorum triade accuratissima Historiæ generalis adsint primordia.

Quod ad Opus ipsum attinet, in eo recensentur 1703 Plantæ rariores partim novæ & ab ipso primum Barreliero detectæ & delineatæ, partim vero ab aliis jam Autoribus, ut C. Bauhino, J. Bauhino, Columna, Clusio, Camerario, Lobelio, Horto Eystetensi, Dalechampio, Imperato, Thallio, Pona, Cornuto, Hernandez & Pisone jam memoratæ, ex quibus & Icones desumptæ, quarum nonnullas Equiti Romano Corvino acceptas fert, quamvis minus accuratas.

Hæc Clarissimus Jussieu in ordinem redegit, synonyma & curtas descriptiones cum suis observationibus addidit & indices necessarios subjunxit. Icones sequuntur Stirpium ipsæ, quarum plerumque quatuor in uno folio, singulæ propriis lineis quadratis inclusæ, raro plures.

In calce annectitur Insectorum quorundam marinorum mollium, crustaceorum & testaceorum cum figuris specimen, ut diligentia Barrelieri, etiam circa hoc studium appareat.

DE CENTRO TURBINATIONIS INVENTA
nova, Autore JOH. BERNOULLI.

DE motu Pendulorum simplicium & compositorum horumque centro oscillationis inveniendō omnium optime scripsit Nob. Hugenius, Vir in hac materia apprime versatus. Principium vero, quod axiomatis loco assumpsit, de descensu & ascensu communis centri gravitatis ad æqualem altitudinem nonnullis visum est nimis temerarium & sine demonstratione non admittendum.

Nos Theoriam nostram de hoc argumento certiori fundamento innixam in Actis Lipsiensibus communicavimus (vide mens. Junii 1714) ex qua centrum oscillationis pendulorum compositorum tam in fluidis quam extra fluida agitatorum evidentem & indubiam determinandi rationem deduximus. Prælaudatus Hugenius in Operis sui pereximii de *Horologio Oscillatorio* Parte quinta breviter describit constructionem horologii cujusdam e circulari pendulorum motu desumptam, quæ scilicet niti-
tur contemplatione pendulorum simplicium motu conico laterum, quorum gyrationes isochronas esse deprehendit, cum conicæ superficies a pendulis descriptæ æquales habent altitudines: meminit quarundam utilitatum hujus horologii, monetque qua in parte præcellat alteri illi in antecedentibus descripto, quod nempe vulgari pendulo inter duas cycloides oscillante instructum est; atq; ea occasione innuit Nob. Autor, *se constituisse quidem edere descriptionem horum quæ ad motum circula-rem & vim centrifugam attinent, sed cum de eo argumento plura dicenda habuerit, quam quæ eo tempore exequi vacasset, interim autem ut nova nec inutili (ceu ipse vocat) speculatione fruerentur harum rerum studiosi, machinæ hujus fabricam expositurum & quadam tantum Theoremata traditurum ad vim centrifugam pertinentia; demonstratione ipsorum in aliud tempus dilata.*

Vidimus postea Theorematum eorum demonstrationes in Opusculis posthumis Hugenianis anno 1703 editis: quod attinet ad demonstrandi soliditatem, vim, & perspicuitatem, omnia sapiunt solitam Autoris exactitudinem, ita ut nihil desiderari possit, nisi forte quod nimis scrupulosus sit in demonstrandis etiam rebus

rebus more veterum quæ planæ facilesque videbuntur iis quibus recentiores nostræ methodi familiares sunt: quod ideo dico, ne quis cui Hugonii indoles perspecta non est, aut ejus scripta examinare non vacat, præpostera alicujus Censoris sententia deceptus erroris insimulet Virum summum, qui sollicitus adeo fuit in errore evitando etiam in minutissimis.

Censuræ ejusmodi intempestivæ exemplum in Diario Parisiensi 23 Maji anno 1701 ubi P - - - homo ad carpendum, uti videtur, natus, horum 13. Theorematum Hugonianorum demonstrationes daturus improbat, quod Hugonius *Duplicem oscillationem minimam lateralem alicujus penduli eodem tempore absolvi statuerit, quo absolvitur circuitus minimus ejusdem penduli motu conico lati.* In dubium quoque vocat Theorema sextum, quod restringendum esse asserit certis duabus conditionibus. Aliud autem hac sua crisi effecit nihil P - - - quam quod apud harum rerum intelligentes suam in iisdem imperitiâ prodiderit conjunctam cum perpetuo cavillandi pruritu; ut vel hoc nomine parum commotus fuerim, quando eum vidi non mea tantum scripta subinde sugillantem, sed ne magnis quidem viris parcentem: quam ob rem nulla responsione eum dignum censeui hætenus, neque posthac censebo.

Verum enim vero nec P - - -, a cujus cavillis solide vindicarunt Hugonium Clarissimi Editores opusculorum posthumorum in præfatione eorundem, nec quisquam alius eorum omnium, quorum bene multi sunt, qui Theoremata ista tredecim demonstrationibus suis qualibuscunque munire voluerunt, hætenus sibi in animum induxit, materiam eam amplificare, atque imprimis supplere ac quodammodo restituere ea quæ incomparabilis Hugonius videtur præter dicta illa Theoremata in mente habuisse, cum innuit sibi de eo argumento plura dicenda fuisse, quam quæ tum temporis exequi licuisset.

Nemo enim facile crediderit, modo attendat ad rerum connexionem, Hugonium, qui cum ageret de oscillationibus lateralibus tam operosus fuit in reducendis pendulis compositis ad pendula simplicia seu in determinandis centris oscillationis pendulorum compositorum variarumque figurarum planarum &

solidarum, eundem quoque, cum scriberet Theoremata de pendulorum simplicium motu conico, non cogitasse pariter de compositis in gyrum actis, deque modo in illis, nec non in variis figuris gyrationum tempora periodica aliaque eo pertinentia determinandi & inveniendi: in hac enim mobilium gyrantium, vel ut ego aptius voco, turbinantium non minus quam in illa oscillantium speculatione occurrunt profecto scitu dignissima & longe jucundissima; ut mirer neminem fuisse & quidem inter ipsos illos Demonstratores Theorematum per se satis facili-um, qui ulterius progredi ausus, materiam ab Hugenio tantum inceptam promovere aliquousque sustinuisset. Quorsum enim fastidiosa illa repetitio, rei & a nobis primum, postea ab aliis dudum præstitæ, nisi ut non tam de publico bene mercantur, quam ut ostentent aliquam dexteritatem, qualis tamen ad hoc quicquid est operis haud magna requiritur.

Sperabam equidem, cum primum opuscula posthuma in manus meas incidissent, me inter ea reperturum plenariam hujus argumenti pertractationem; sed præter nudam theorematum demonstrationem cum tribus quatuore aliis propositionibus eo spectantibus aliud nihil videre fuit.

Unde firmiter credo, quæ de Turbinationibus pendulorum compositorum & figurarum meditatus est Hugenius & haud dubie scripto consignavit (prout conjicere licet ex iis quæ initio partis quintæ Horologii oscillatorii haud obscure indicavit) cum plurimis aliis schedis, ut fieri solet, post fata Autoris intercidisse.

Non igitur inconsultum fore judicavi, si, quod jam ab initio hujus seculi de centro Turbinationis commentus fui, tandem cum publico communicarem, atq; ita restituerem deperdita Hugeniana, vel (si quidem non ausim pro certo asseverare me in easdem prius cum ipso speculationes incidisse) saltem jacturam illam repararem similibus, ut conjecto, cogitatis, atque inventione Regulæ universalis pro pendulorum compositorum & figurarum turbinantium reductione ad pendula simplicia motu conico lata & cum illis isochrona. Necesse est autem ut præmittam quasdam definitiones Hugenianis similes, uti videre est in Horologio

logio oscillatorio pag. 92, vel potius ut cum paucis aliis Hugenianas illas ad rem nostram mutatis mutandis accommodem; sit itaque

Definitio I. Pendulum turbinans dicatur figura quælibet gravitate prædita, sive linea fuerit, sive superficies, sive solidum, ita suspensa ex puncto aliquo, ut circa illud vel potius circa rectam verticalem, quæ per punctum suspensionis ducta intelligitur, motum æquabilem horizonti parallelum vi impetus impressi continuare possit.

Defin. II. Turbinari igitur est moveri in gyrum ita ut singula figuræ turbinantis puncta describant circulos horizonti parallelos.

Defin. III. Punctum suspensionis dicatur Vertex turbinationis.

Defin. IV. Recta vero verticalis per verticem turbinationis ducta vocetur Axis turbinationis.

Defin. V. Per Pendulum simplex & per compositum in turbinationibus intelligitur idem quod apud Hugenum in Oscillationibus, vid. ejus defin. 3 & 4.

Defin. VI. Pendula turbinantia Isochrone vocentur, quorum tempora periodica sunt æqualia h. e. quæ turbinationes suas æqualibus temporibus absolvunt,

Defin. VII. Planum turbinationis dicatur Planum verticale, in quo est Axis turbinationis & quod per centrum gravitatis penduli compositi vel figuræ turbinantis duci intelligitur.

Defin. VIII. Linea Centri est quæ ex Vertice per centrum gravitatis transire concipitur.

Defin. IX. Centrum turbinationis penduli compositi vel Figuræ turbinantis cujuslibet appelletur punctum in axe turbinationis tantum a Vertice turbinationis distans, quanta est altitudo superficiei conicæ descriptæ a pendulo simplici quod figuræ turbinanti Isochronum sit.

Defin. X. Angulus turbinationis vocetur, quem facit Linea centri cum Axe turbinationis.

Defin. XI. Figura plana, vel Linea in plano sita, in planum turbinari dicatur, cum Axis turbinationis in eodem cum Figura Lineave est plano.

Defin. XII. Eadem vero in latus turbinari dicantur, cum planum turbinationis cum figuræ lineæve plano angulum constituit.

Hypothesis 1.

Si Pondera quotlibet invariata distantiam tam inter se quam a vertice turbinationis servantia turbinari incipiant iusto quodam impetu toti systemati impresso, angulum turbinationis manere eundem semper, & velocitatem singulorum corporum fore æquabilem (remota scilicet aeris resistentia) & suis ab axe turbinationis distantis proportionalem.

Hujus rei ratio unicuique manifesta evadet, si consideret rectas a vertice turbinationis ad singula corpora turbinantia ductas tanquam totidem vectis compositi brachia, quæ inter se connexa sunt in ipso vertice turbinationis, unumquodque vero in extremitate sua annexum habeat corpus, quod duabus potentiis brachium urget una verticali quæ dependet ab ipso ejus pondere, altera horizontali, quam acquirit inter turbinandum a conatu recedendi ab axe turbinationis, & quæ vocatur vis centrifuga. Quod si itaque momenta omnia virium deorsum trahentium æquantur momentis omnibus virium extrorsum nitentium, patet quandam tunc esse speciem æquilibrii in toto systemate corporum simul turbinantium, ita ut quem tunc facit angulum Linea centri cum Axe turbinationis, hunc postea servet continuo, maneatque velocitas uniformis in singulis systematis punctis, nisi ea vel ab aere vel ab aliis impedimentis externis, a quibus autem abstrahimus, turbetur; quo ipso non amplius circuli horizontales a punctis istis describerentur, sed aliæ curvæ irregulares & non in planis existentes, sicuti periculum facienti satis constabit.

Quo major autem est velocitas systematis seu penduli turbinantis sive sit simplex sive compositum, liquet tanto etiam majorem requiri angulum turbinationis; cum enim vires horizontales centrifugæ hoc modo augeantur, necesse est, ad conservandum æquilibrium, ut simul etiam crescant momenta ponderum seu virium verticalium, id quod fieri nequit nisi ab Axe turbinationis magis recedant magisque adeo angulus ille amplietur.

Hypo-

*TAB. V ad A. 1715.
M. Jun. pag. 247.*

Fig. 1.




Fig. 2.




Fig. 3.




Fig. 2.




Fig. 5.





Fig. 4.



Hypothesis II.

Si pendulum e pluribus ponderibus compositum turbinetur, ita ut singula ejus puncta describant circulos horizontales, esse aliquod Pendulum simplex, quod motu conico gyrando circuitus minimos faciet eodem tempore cum composito.

Ex Demonstratis Hugenianis palam est, tempora circulationum esse in subduplicata ratione altitudinum conorum, quorum superficies describunt pendula simplicia; potest ergo abbreviari vel elongari longitudo penduli simplicis, quæ est ipsa altitudo superficiei conicæ acutissimæ, faciendo circuitus minimos descriptæ, ut tempus circulationis sit vel dato quolibet minus vel dato quolibet majus, hoc est, ut in infinitum vel minui vel augeri possit: ideoque necessario dabitur aliquod pendulum simplex quod dato composito erit isochronum. In hujus vero penduli simplicis longitudine determinanda consistit inventio centri turbinationis, utpote quæ longitudo penduli simplicis gyrationes minimas facientis æqualis est altitudini superficiei conicæ a quolibet alio pendulo simplici isochrono descriptæ; quod ipsum est Theorema VII Horolog. Oscillat. demonstratum in opusculis posthumis Propos. VIII de vi centrifuga.

Eo Theoremate cum nitatur maxima pars reliquorum theorematum Hugenianorum, interim vero Autoris demonstratio quæ ex consideratione potentiarum pondera planis declivibus incumbencia sustinentium deducitur, licet ingeniosa, non tamen satis plana & facilis videatur, dabo hic meam ex natura Vectis petitam magis naturalem & ad inventionem centri turbinationis magis idoneam: præmitto autem hoc

Lemma.

Sit Vectis AB (Fig. I.) circa extremitatem A mobilis, in altera vero B hinc inde oblique tractus a duabus potentiis quæ rationem reciprocam habent earundem directionum, in eodem cum vecte plano existentium, distantis a centro motus; manebunt potentia in æquilibrio; et ideo vectis situm suum in hoc plano non mutabit.

Patet hoc ex Mechanicis; etenim æqualitas intercedit momentis Potentiarum, & ideo æquilibrium inter ipsas Potentias.

Theo-

TAB. V.
Fig. I.

Theorema Hugonii.

Si pendula duo simplicia inequalis longitudinis describant superficies conicas æqualis altitudinis: Tempora periodica erunt æqualia.

Demonstr. Concipiatur filum penduli simplicis esse inflexile vel rigidum instar vectis gravitate carentis, clarum est, dum suspensum ab una extremitate circa verticem turbinando movetur, alteram extremitatem trahi ut supra dictum a duabus potentiis nempe a pondere corporis secundum directionem verticalem, & ab ejus vi centrifuga secundum directionem horizontalem: Ergo per Lemma præcedens ob angulum turbinationis semper æqualem, potentiæ illæ duæ erunt reciproce proportionales suarum directionum distantis a vertice turbinationis. Hinc itaque si pendula duo simplicia AB & LM (Fig. 1.) turbinando describant duas superficies conicas, erit ut AC ad AD,

ita pondus B ad ejusdem vim centrifugam $= \frac{AD \times B}{AC}$; Et pa-

riter ut LN ad LP ita pondus M ad vim centrifugam $= \frac{LP \times M}{LN}$,

unde vis centrifuga in B ad vim centrifugam in M :: $\frac{AD \times B}{AC}$.

$\frac{LP \times M}{LN}$ (sumendo pondera B & M æqualia):: $\frac{AD}{AC} \cdot \frac{LP}{LN}$:: AD x LN.

LP x AC (suppositis conorum altitudinibus AC & LN æqualibus) :: AD. LP :: CB. NM; Hoc est vires centrifugæ sunt in hoc casu ut radii circulorum quos mobilia B & N describunt, ergo per conversam Theorematis primi in Horolog. oscillat. ab hoc non dependentis, tempora periodica sunt æqualia. Q. E. D.

Scholium.

Notandum hic, etsi demonstrationis gratia pondera B & M assumpta fuerint æqualia, posse tamen esse utcumque inequalia; Ex eo enim quod cum mutato pondere etiam proportionaliter mutetur ejus vis centrifuga, angulo turbinationis manente eodem, liquet tempus periodicum non mutari: rem ipsam natura

aggredior, quam comprehendam duabus prioribus propositionibus fundamentalibus, quibus reliquæ superstruentur.

Propositio I.

Dato Pendulo turbinante composito ex ponderibus quotlibet communi turbinationis plano inhaerentibus, si pondera singula ducantur in suas distantias ab axe turbinationis & porro in suas altitudines hoc est in distantias a plano horizontali per verticem turbinationis ducto; Deinde summa productorum dividatur per id quod fit ducendo ponderum summam in communis centri gravitatis ponderum distantiam ab axe turbinationis, habebitur distantia centri turbinationis seu Longitudo penduli simplicis circuitus minimos iisdem cum composito temporibus facientis, seu quod idem est, habebitur altitudo superficiei conica quam pendulum quodlibet simplex describens pendulo composito dato erit isochronum.

Sint pondera pendulum turbinans componentia (quorum nec figura nec magnitudo, sed gravitas tantum consideratur) & communi plano turbinationis pondere carenti inhaerentia A, B, C; vertex turbinationis sit O, (Fig. 2.) commune centrum gravitatis ponderum, X; Axis turbinationis, OR; Linea centri OX; Angulus turbinationis, ROX, qui inter turbinandum invariatus manet, hoc est, Planum in quo sunt pondera non rotatur circa punctum O: Hujus rei causa est quia momenta virium centrifugarum angulum hunc ampliare conantium, æqualia sunt momentis ponderum ipsorum eundem angulum contrahere nitentium; ita nempe ut si nonnihil remitteretur vel lentior fieret turbinationis motus, linea centri OX, quæ continuo affectat situm verticalem, statim accederet propius ad axem OR; si vero intenderetur, statim ab eodem magis recederet.

TAB. V.
Fig. 2.

Pondera A, B, C, vocentur a, b, c , & eorum distantie ab axe OR, nimirum AF, BG, CH, sint f, g, h ; altitudines vero seu distantie a plano horizontali per verticem O transeunte, vel quæ ipsis sunt æquales OF, OG, OH, nominentur k, l, m ; tandem distantia ab axe centri gravitatis XL sit p ; hujusque altitudo OL, q . Erit productorum summa $afk + bgl + chm$:

I;

Et

Et rursus ducendo summam ponderum in distantiam centri gravitatis omnium ab axe turbinationis, productum æquale erit $ap + bp + cp$; unde dividendo prius per hoc, habebitur $\frac{afk + bgl + cbm}{ap + bp + cp}$;

Cui longitudini si æqualis statuatur longitudo penduli simplicis per circuitus minimos turbinantis; Dico hoc alteri illi composito isochronum esse, adeoque etiam quodlibet aliud simplex, modo describat superficiem conicam ejusdem altitudinis cum prædicta longitudine.

Ad hoc demonstrandum concipiamus pendulum compositum $OABC$ adhucdum in quiete, & Lineam centri OX manu prehensam removeri ab axe OR , ut constituat cum eo angulum ROX ; intelligamus nunc pendulo ita constituto, imprimi plano turbinationis velocitatem eam qua eodem tempore gyrationes absolveret cum prædicto pendulo simplici; ostendam per hanc velocitatem plani omnia pondera simul secum circumferentis, tantas ista pondera acquirere vires centrifugas, ut earum momenta simul sumpta præcise adæquent summam momentorum ponderum; adeoque velocitatem ita impressam, esse ipsam illam requisitam, quæ efficere debet ut angulus turbinationis inter turbinandum non mutetur; quo facto demonstratum erit assertum, nempe pendulum illud compositum in dato turbinationis angulo ROX fore isochronum pendulo simplici assignato.

Sit enim pendulum turbinans simplex EM , quod angulum turbinationis NEM semirectum faciat, habeatque superficies conica, quam describit altitudinem EN æqualem assignatæ longitudini $\frac{afk + bgl + cbm}{ap + bp + cp}$;

patet vim centrifugam corporis M in hac suppositione esse æqualem ipsi ejus ponderi, quoniam sub æqualibus angulis applicantur ad vectem EM , cum quo comparavi pendulum. Sunt autem vires centrifugæ (per Theor. I Hugeni.) mobilium æqualibus temporibus circumferentias inæquales percurrentium, ut earum radii in ipsa respective mobilia ducti: Ergo pondera A, B, C , quæ cum plano isochrono (per hyp.) mobili

M jun.—

M junctim feruntur, acquirant singula vim centrifugam proportionalem molibus suis ductis in distantias suas ab axe; hoc est faciendo ut NM (EN) ad FA, ita vis centrifuga mobilis M seu, quod tantundem est, ob angulum turbinationis NEM semirectum, ejus pondus, ad vim centrifugam quam haberet isochro-
num in distantia AF; esset hæc vis $= \frac{M \times FA}{EN}$, ipsa vero quæ

inest corpori A in eadem distantia AF & æque velociter moto consequenter erit $\frac{A \times FA}{EN}$; & simili ratione vis centrifuga quæ

inest corpori B erit $\frac{B \times GB}{EN}$; item quæ inest C erit $\frac{C \times HC}{EN}$;

harumque virium momenta habentur si ducantur in suarum directionum distantias a vertice turbinationis nempe in OF, OG,

OH; quæ junctim sumta $\frac{A \times FA \times OF}{EN} + \frac{B \times GB \times OG}{EN} +$

$\frac{C \times HC \times OH}{EN}$, seu adhibitis symbolis algebraicis

$$\frac{afk + bgl + cbm}{EN} = \left(\text{ob } EN = \frac{af + bg + cb}{af + bg + cb} \right)$$

$af + bg + cb$, dabunt momentum totale, quo Linea centri OX a viribus centrifugis extrorsum urgetur seu quo illa affectat ampliationem anguli turbinationis ROX: Momenta autem ponderum deorsum nitentium habentur pariter si ipsa pondera ducantur in suarum directionum distantias a vertice O, quæ sunt æquales ipsis FA, GB, HC; quæ ergo momenta simul sumta $A \times FA + B \times GB + C \times HC$ seu $af + bg + cb$ exhibent momentum totale quo linea centri OX a gravitate ponderum deorsum trahitur, seu quo illa affectat coarctationem anguli turbinationis ROX; Cum itaque pro momento totali utroque eadem quantitas proveniat nempe $af + bg + cb$, erit inter illa æquilibrium angulusque turbinationis in ea quam habet amplitudine perseverabit, adeoque ob velocitatem primitus impressam plano turbinationis quam isochronam fecimus velo-

citati penduli simplicis, patet pendula illa duo simplex & compositum esse isochrona; atque adeo sumta $OS = EN$, punctum S fore centrum turbinationis. Q.E.D.

Propositio II.

Dato Pendulo turbinante composito ex ponderibus non in communi turbinationis plano, sed vel in alio vel in aliis diversis planis inbarentibus; demissisque rectis perpendicularibus ad commune planum turbinationis ex ponderibus; si pondera singula ducantur in distantias suarum perpendicularium ab axe turbinationis & porro in altitudines superficierum conicarum, quas rectæ a ponderibus ad verticem turbinationiseductæ describunt; Deinde summa productorum dividatur per id quod fit ducendo ponderum summam in distantiam centri gravitatis communis omnium ab axe turbinationis, habebitur distantia centri turbinationis seu longitudo penduli simplicis circuitus minimos iisdem cum composito temporibus facientis, sive altitudo superficiei conicæ, quam pendulum quodlibet simplex describens pendulo dato composito erit isochronum.

Hujus Propositionis veritas patet ex resolutione virium centrifugarum & ex earum proportionem; cum enim illæ se habeant per jam citatum Theorema I Hugeni ut pondera (quorum rursus nulla magnitudo consideratur) in suas distantias ab axe turbinationis ductæ, resolvantur hæ vires in perpendiculares ad planum turbinationis & in rectas quæ harum perpendicularium distantias ab axe exprimunt; manifestum est vires centrifugas, quæ hoc modo secundum perpendiculares agunt in planum turbinationis ab una parte æquales esse illis quæ a parte opposita agunt in idem planum, quoniam producta ponderum in perpendiculares illas simul virium centrifugarum actiones secundum perpendiculares & ponderum momenta denotant ex definitione plani turbinationis: Existente itaque actione & reactione æquali ab utroque latere plani, destruunt se mutuo vires centrifugæ secundum perpendiculares agentes, restantque solæ quæ secundum harum perpendicularium distantias ab axe se exerunt, & quidem in ipsa istarum distantiarum ratione. Ex quibus constat Pendulum iisdem viribus agere in Lineam centri inter turbinandum ac si

pon-

pondera collocata essent in punctis plani turbinationis in quæ incidunt perpendiculares ex ponderibus in planum demissæ; vocentur autem puncta illa *puncta projecta*: Unde jam habemus Pendulum secundum tenorem propositionis præcedentis, cujus centrum turbinationis se habet ut in ipsa propositione determinatur. Q. E. D.

Coroll. Hinc liquet quomodo Pendulum compositum turbinans, cujus pondera non sunt in eodem turbinationis plano, per projectionem reducat ad aliud isochronum habens omnia sua pondera in communi plano turbinationis: si nimirum pondera admoveantur in puncta projecta.

Propositio III.

Datis Pendulis turbinantibus qualia supposuimus in prop. I & II, sed quorum pondera sint equalia: Si vel ponderum (in casu prop. I.) distantie ab axe turbinationis; vel punctorum projectorum (in casu prop. II.) ducantur in altitudines superficierum conicarum quas rectæ a ponderibus ad verticem turbinationis eductæ describunt; deinde summa productorum dividatur per distantiam centri gravitatis communis ab eodem turbinationis axe, multiplicem secundum ipsorum ponderum numerum, oriatur distantia centri turbinationis seu quod idem est altitudo superficierum conicarum quam pendulum quodlibet simplex describens pendulo dato composito erit isochronum.

Sint itaque pondera omnia inter se æqualia, sed magnitudinis minimæ, & singula dicantur a : Eorum vero distantie ab axe turbinationis in casu Propos. I. vel distantie ab eodem punctorum projectorum in casu Propos. II. sint ut ante f, g, b ; altitudines superficierum conicarum per rectas ex vertice turbinationis eductas ad pondera descriptarum sint iterum k, l, m ; Erit per Propositiones præcedentes longitudo Penduli simplicis

$$\text{isochroni gyros minimos facientis} = \frac{afb + agl + abm}{ap + ap + ap} =$$

$$\frac{fk + gl + bm}{3p}.$$

Quo significatur summa productorum ex ponderum vel punctorum projectorum distantis ab axe turbinationis in altitudines superficierum conicarum, applicata vel divisa per distantiam centri gravitatis communis ab eodem

turbationis axe multiplicem secundum ipsorum ponderum numerum. Q. E. D.

Propositio IV.

TAB. V. *Sit OS (Fig. 3.) axis & OST planumurbationis, in quo hancant sive per se sive per projectionem varia pondera A, B, C, aliaque totidem M, N, P, prioribus respective aequalia & tam ab axe OS quam a quadam perpendiculari ST aequaliter hinc inde remota; Hoc est si $A = M, B = N, C = P$, & rectae conjungentes AM, BN, CP, sint parallelae axi OS, & bisecentur ab ST perpendiculari ad axem OS in punctis R, V, Y; dico S fore centrumurbationis totius systematis ponderum A, B, C, M, N, P, turbinantis circa axem OS & habentis verticemurbationis in quocunque puncto O rectae OS.*

Estoenim X centrum commune gravitatis ponderum A, B, C, M, N, P, quod utique erit in recta ST: Jam quia OS est media arithmetica inter OF & OI, inter OG & OK, inter OH & OL erit $A \times FA \times OF + M \times IM \times OI = 2A \times SR \times OS$, ut & $B \times GB \times OG + N \times KN \times OK = 2B \times SV \times OS$, item $C \times HC \times OH + P \times LP \times OL = 2C \times SY \times OS$; quare $A \times FA \times OF + B \times GB \times OG + C \times HC \times OH + M \times IM \times OI + N \times KN \times OK + P \times LP \times OL = 2OS \times A \times SR + B \times SV + C \times SY = 2OS \times SX \times A + B + C = OS \times SX \times A + B + C + M + N + P$, quod divisum per $SX \times A + B + C + M + N + P$ dabit OS, quæ per Prop. I. erit longitudo Penduli simplicis facientis gyros minimos & isochronosurbationibus A, B, C, M, N, P, seu altitudo superficiei conicæ quam quodlibet aliud Pendulum simplex eidem systemati isochronum turbinando describere debet.

Fig. 4. *Coroll.* Hinc magnitudo quælibet ABC (Fig. 4.) sive sit Linea sive superficies sive solidum, turbinans circa axem OS, si a recta vel plano quopiam horizontali SB dividatur in duas partes ABD, CBD æquales & similes similiterque positas respectu SB ut & ipsius axis OS. Erit S centrumurbationis ex quocunque axis puncto O magnitudo ABC suspendatur.

Liquet

Liquet hujus Corollarii veritas, si magnitudinis semisses cogitatu dividantur in particulas minimas; Quælibet enim earum E quæ in una medietate ABD existit habet sibi comparem G in altera medietate CBD: Hæ vero duæ particulae ut & singula reliquarum particularum paria in planum turbinationis projecta habebunt conditionem Propositionis præc. ergo omnium particularum hoc est totius magnitudinis ABC centrum turbinationis est in S. Q. E. D.

Propositio V.

Dato Pendulo turbinante composito ex punctis ponderosis quotlibet, hoc est ex ponderibus aequalibus nullius magnitudinis in communi Plano turbinationis sive per se sive per projectionem existentibus. Dico centrum turbinationis esse idem quod est centrum commune gravitatis omnium peripheriarum a punctis illis turbinando descriptarum.

Patet hoc ex Mechanicis: Nam altitudo centri gravitatis peripheriarum illarum habetur, si singulae peripheriæ ducantur in fuorum centrorum altitudines seu distantias a vertice turbinationis, atque summa productorum applicetur ad summam ipsarum peripheriarum; hoc enim facto orietur communis centri gravitatis peripheriarum distantia a vertice turbinationis. Verum cum peripheriæ sint ut radii hoc est ut distantia punctorum ab axe turbinationis, poterunt hæ in dividendo & in divisore substitui pro peripheriis, & ita altitudo centri gravitatis peripheriarum erit = (retentis literis adhibitis in propos. III.)

$$\frac{fk + gl + hm}{f + g + h} = \frac{fk + gl + hm}{3p}.$$

Quare constat propositum.

Propositio VI.

Figura plana vel Linea qualibet in planum turbinans habet centrum turbinationis in ipso centro gravitatis solidi rotundi vel superficiei rotundæ a figura plana vel a Linea inter turbinandum descriptæ.

Fluit ex præcedente: Intelligatur enim Figura vel Linea: divisa in particulas minimas æquales, quarum singulae per tur-

bina-

binationem describent peripherias cum crassitudine vel latitudine infinite parva, ex quibus omnibus conflatur rotundum ipsum a Figura vel Linea turbinando genitum: unde patet propositum ad casum præced. redactum.

Coroll. Hinc si Pendulum compositum vel quæcunque magnitudo turbinans aliter atque aliter suspendatur a punctis quæ in eodem accipiuntur axe turbinationis modo pendulum vel magnitudo eundem situm servet in plano turbinationis; erit centrum turbinationis in eodem semper loco.

Hoc utique manifestum est ex permanentia centri gravitatis communis peripheriarum a punctis projectis descriptarum.

Scholium.

Ope propositionis hujus sextæ determinantur facillime centra turbinationis figurarum planarum & Linearum quarumlibet in planum turbinantium: Reliquarum vero in latus turbinantium aliarumque figurarum solidarum centra turbinationis innotescunt beneficio propositionis tertix. Si nimirum Figura proposita turbinans resolvatur cogitatione in particulas minimas æquales, quarum omnium in planum turbinationis projectarum distantix ab axe, multiplicatæ per altitudines superficierum conicarum quas rectæ a particulis ad verticem turbinationis eductæ describunt, dabunt summam dividendam per centri gravitatis figuræ distantiam ab axe turbinationis multiplicatam per ipsam figuram; ex qua divisione emerget altitudo centri turbinationis.

Vel quia particulæ magnitudinis turbinantis per projectionem efformant in plano turbinationis novam figuram planam sed cujus puncta censenda sunt inæqualibus pondusculis onerata, quæ ponduscula se habent in ratione multitudinis particularum eidem puncto projectionis respondentium; Erit etiam heic centrum turbinationis in magnitudine turbinante idem quod centrum commune gravitatis solidi rotundi a figura projectionis geniti, supposito nempe solidum hoc genitum non uniformi gravitate specifica esse præditum, sed gravitatem in singulis partibus ita variare, ut peripheria vel potius annulus a quolibet puncto vel particula figuræ projectionis turbinando descri-

ptus intelligatur esse ex materia gravitatis specificæ quæ sit proportionalis multitudini particularum magnitudinis, turbinantis eidem puncto vel particulæ in figura projectionis respondentium.

Quandoquidem igitur quicquid est negotii in Determinatione centri turbinationis, illud reduxerimus ad inventionem centri gravitatis rotundorum, hoc autem ope vulgarium regularum dudum in potestate habeatur, quorum imprimis faciunt quæ a Guldino tradita extant; in exemplis deducendis variarum linearum, superficierum, ac solidarum diversis modis turbinantium jam tempusterere non lubet; calculo tantum pro his opus est: methodum invenisse, eamque indicasse hac vice sufficiat.

**REGULA NOVA INVENIENDI LOGARITH-
mum Summæ vel differentiæ duorum numerorum sive ratio-
nalianum, sive irrationalium, tam integrorum, quam fracto-
rum, itemque potentiarum eorundem sive similium,
sive dissimilium, reperta a CHRISTIA-
NO WOLFIO.**

Sæpius in praxi utilissimum existit, ut inveniatu logarith-
mus summæ vel differentiæ duorum numerorum, quorum
logarithmi dantur, sive numeri ipsi fuerint noti, sive minus. E-
nimvero hætenus desideratur regula, qua id commode præsta-
ri possit. Equidem non ignoro, *Josephum Muschelium* de *Mo-
schau* in *Ephemeridibus* *Academix Leopoldinæ* Dec. III. A. IV
p. 102 & seqq. aliquam dedisse; { sed cum fundamentum ejus
non satis obvium sit, difficulter memoria retinetur, nec commo-
da videtur, quæ in usum communem recipiatur. Ast regula a
me inventa, cum simplicissimis & maxime communibus Trigo-
nometrix principiis nitatur, in posterum elementis Trigonome-
trix planæ adscribi poterit. E re igitur esse duxi, ut eandem pu-
blici juris facerem. Ceterum non inconsultum puto hic monu-
isse, me primum ex ipsa numerorum indole regulam aliquam
hunc in finem investigasse. Scilicet cum viderem in regula *Ke-*

pleriana, qua in calculo eclipsium utuntur Astronomi, logarithmum differentiae duorum quadratorum $[a^2 - b^2]$ inveniri considerando radicem ejus tanquam mediam proportionalem inter $a + b$ & $a - b$; Summæ duorum numerorum $a + b$ itemque differentiae $a - b$ radicem considerabam instar mediarum proportionalis inter a & numerum quendam incognitum quem vocabam x . Erat igitur $a : \sqrt{a + b} = \sqrt{a - b} : x$, consequenter $ax = a - b$ adeoque $x = \frac{a - b}{a}$. Unde intellegebam, si logarithmus numeri a a logarithmo ipsius b subtrahatur, residuum fore logarithmum ipsius $b : a$. Huic si respondens numerus in Canone evolvatur & unitati vel addatur, vel ab ea subtrahatur, proditurum numerum $\frac{a - b}{a}$. Quod si tandem logarithmo hujus numeri $\frac{a - b}{a}$ e Canone excerpto addatur logarithmus ipsius a ; nos habituros logarithmum summæ vel differentiae numerorum a & b . Hanc regulam cum ad praxin transferrem, deprehendi nonnisi rarissime (nempe si a metiatur b) logarithmum quotientis a per b divisi in Canone exacte reperiri, etiam si is non excedat numeros, quorum logarithmi in eodem exhibentur, adeoque utendum esse parte proportionali: quod adeo tædiosum fore suspicabar, ut in praxi parum utilem crederem, quamdiu numerorum prægrandium logarithmi in Canone non extant. Ea itaque rejecta, de altera cogitare cœpi, quam nunc proponere visum est, ubi monuero, me ex litteris Celeberrimi *Hermanni* didicisse, quod in priorem regulam, quæ mihi inutilis visa fuerat, jam multo ante incidisset, eademque privatos in usus hætenus asservata in ipsis sinuum quadratis & cubis non sine successu usus fuerit.

TAB. V.
Fig. 5.

Sint duo numeri quicunque a & b ; queratur primo logarithmus summæ eorundem $a + b$. Concipiamus in triangulo rectangulo ABC esse $AB = \sqrt{a}$ & $BC = \sqrt{b}$, erit per notissimum *Pythagoræ* theorema $AC = \sqrt{a + b}$. Jam cum logarithmus ipsius AB seu \sqrt{a} sit dimidius logarithmus numeri a & logarithmus ipsius BC seu \sqrt{b} dimidius logarithmus numeri b ; sit vero ut AB ad BC ita sinus totus ad tangentem anguli A : datis logarithmis numerorum a & b , invenitur logarithmus tangentis anguli A , quo in Canone triangulorum artificiali evoluto, habetur

habetur logarithmus sinus anguli A. Unde porro inferatur: ut logarithmus sinus anguli A ad latus BC seu dimidium logarithmum numeri b , ita logarithmus sinus totius ad logarithmum lateris AC seu $\sqrt{a+b}$. Ejus adeo duplus est logarithmus summæ numerorum $a+b$ quæsitus. Quodsi Canon *Vlacci* ad dena scrupula secunda constructus fuerit ad manus, raro utendum est parte proportionali, si logarithmo tangentis anguli A invento quæritur respondens sinus, aut ubi eadem utendum fuerit, ut anguli A quantitas in scrupulis secundis exacte innotescat, tum quia logarithmorum, inter quos cadit inventus, differentia in ipso Canone exhibetur, tum quia eadem in paucis notis consistit, tum denique quod nonnisi per 10 multiplicanda, vel dividenda. Si logarithmus quærat summæ dignitatum quarumcunque numerorum $a^m + b^n$; pono latus AB = $\sqrt[m]{a}$ & BC = $\sqrt[n]{b}$, hoc est, facto logarithmo lateris AB = $\frac{m}{2} la$ & logarithmo lateris BC = $\frac{n}{2} lb$ (nempe logarithmus numeri multiplicatur per exponentem dignitatis & factum dividitur bifariam) reliqua fiunt ut ante. Si a & b fuerint numeri fracti, evidens est pro logarithmis laterum AB & BC assumi debere dimidias differentias logarithmorum Denominatorum a logarithmis Numeratorum.

Sit jam porro quærendus logarithmus differentię duorum numerorum $a-b$. Concipiamus in triangulo rectangulo ABC esse hypotenusam AC = \sqrt{a} & crus unum AB = \sqrt{b} ; erit per *Pythagoræ* theorema BC = $(\sqrt{a-b})$. Inferatur vi trigonometriæ: ut AC ad sinum totum ita BA ad sinum anguli C. Quodsi logarithmus sinus C in Canone evolvatur; habebitur quoque ejus cosinus, nempe sinus anguli A. Fiat itaque porro: ut sinus totus ad AC ita sinus anguli A ad latus BC: erit duplus logarithmus ipsius BC logarithmus differentię numerorum $a-b$. Si logarithmus differentię dignitatum aut numerorum factorum quærat; eadem notanda sunt, quæ paulo ante monuimus.

E. gr. quærat logarithmus summæ ex cubis numerorum 3 & 7, hoc est, sit $a=3$ & $b=7$, quærat $l(a^3 + b^3)$
Quoniam

$$\begin{array}{rcl}
 la' = 0.4771212547 & lb = 0.8450980400 & \\
 \text{erit } la^3 = 1.4313637641 & lb^3 = 2.5352941200 & \\
 \text{Ita } a^3 = 0.7156818821 = BA & \text{Ita } a^3 = 1.2676470600 = BC & \\
 \text{Inferatur :} & & \\
 \text{Log. AB a. 7156818821} & \text{Log. Sin. A 99835463769} & \\
 \text{CB 1. 2676470600} & \text{C B 12676470600} & \\
 \text{Sin. tot. 10.0000000000} & \text{Sin. tot. 100000000000} & \\
 \hline
 \text{Log. Tang. A 10. 5519651779} & \text{Log. BC 1.2341006831} & \\
 \text{Log. } a^3 + b^3 = 2.5682013662 & &
 \end{array}$$

Quodsi tres ultimas notas rejicias &, quia dimidium superant, ultimarum earum quae retinentur, unitatem adjicias; prodibit logarithmus summæ ex cubis numerorum 3 & 7 seu numeri 370, 2. 5682014, qui a logarithmo ejusdem numeri in Canone vulgari 2.5682017 nonnisi in nota ultima diffidet, quamvis pars proportionalis in sinu A logarithmo fuerit neglecta & angulorum A atque B differentia haud quaquam exigua existat.

Hac ratione inveniri potest summa vel differentia duorum numerorum irrationalium in numeris rationalibus prope veris: quodsi enim logarithmus summæ vel differentiae fuerit reperi- tus, ipsa summa vel differentia ope Canonis eruetur prope vera.

Per nostram regulam quoque ope logarithmorum resolvī possunt æquationes quadraticæ affectæ. Fiat nempe trianguli rectanguli ABC crus AB æquale dimidiæ quantitati cognitæ secundi termini & alterum BC æquale radici termini tertii, & hypotenuse AC inventæ addatur dimidia quantitas secundi termini si fuerit $x^2 - px - q = 0$, vel dematur, si fuerit $x^2 + px - q = 0$. Quodsi vero fuerit $x^2 - px + q = 0$, fiat AC dimidiæ quantitati cognitæ secundi termini æqualis & crus u- num AB radici termini tertii, atque cruri BC invento adda- tur quantitas, dimidia cognita secundi termini, vel illud ab hoc auferatur.

ECLIPSIS SOLIS ANNO M DCC XV DIE

3 Maji ante meridiem observata Vratislavia in Academia Leopoldina Soc. Jesu, quantum nubes subinde intervenientes patiebantur, a summe Reverendo P. CHRISTOPHORO HEINRICH, Soc. Jesu & Theolog. & Mathem. Professore, excerpta ex litteris ad CL. WOLFIIUM datis.

Obscurationis digiti	horæ	minuta	secunda
3	9	50	29
5		59	50
6	10	5	19
10		33	46
9		35	31
6½	11	11	40
6		15	44
5½		19	16
5		22	9
4		28	46
3		34	31
2½		38	11

TEmpus annotatum est juxta horologium cum Sole concordatum, instructum pendulo, singulis vibrationibus unum secundum designante. Quantitas obscurationis innotuit ex disco Solis per tubum 4 pedum, vitro objectivo & lente oculari instructum, in planum candidum atque ad axem radii perpendicularare projecto, in digitos ac semidigitos & sexaginta cujuslibet digiti minuta diviso. Nec initium, nec finis videri potuit. Maximæ obscurationis quantitas, quousque durante nubium intervallo innotescere potuit, fuit 10 digitorum, 18 minutorum. Diameter lunaris umbræ (quemadmodum ex ampliatis variorum circulorum segmentis colligi potuit) superavit Solis diametrum hujus minutis 34 minimum: nam adhuc majorem ostenderunt duæ annotationes accurate consentientes factæ per tria puncta in extremitatibus umbræ designata. Post immersionem sex circiter digitorum, lunaris umbra accepit limbum te-

nuem crocei coloris eundemque retinuit usque ad finilem emersionis quantitatem, cum de reliquo sine ullo colore adscititio terminaretur. Medium eclipseos, si differentia temporis, sex digitorum incrementi & decrementi dimidietur, accidisse colligitur circa hor. 10 min. 40.

Ex litteris Cl. *Wolfsi* habemus, quod toto eclipseos tempore Halæ post nubes Sol delituerit, ita ut eclipsis observari non potuerit. Per intervalla quidem Sol instar Lunæ deficientis per nubes transparuit, ita ut nudo oculo pars eclipsata a lucida distinguere potuerit, nihil tamen circa quantitatem accurate definire licuit. Quod si iudicio oculorum in istiusmodi circumstantiis facile fallaci fidere liceat; vix digitus unus in maxima obscuratione lucidus superfuit, etsi calculus unum cum dimidio superfuturum prædiceret. Decrementum luminis in magna cæli nubili obscuritate vix ac ne vix quidem perceptibile fuit: in thermometro vero sensibili satis intervallo liquor depressus.

JO. ALBERTI FABRICII SS. THEOL. D.

Prof. P. Bibliothecæ Græcæ

Volumen VII.

Hamburgi, sumtu Christiani Liebezeit, 1715, 4.

Alph. 4 plag. 8.

NOvo jam locupletatur volumine præstantissimum opus *Celeb. Autoris*, idque ad Scriptores Ecclesiasticos Seculi IV potissimum & V, Grammaticos Græcos & Poetas Christianos, tum vero Heresiologos & Græcos in S. Scripturam Catenas pertinet. Inferuntur hinc inde varia *ἀνέκδοτα* cum Latina versione tum interdum etiam notis instructa. Caput VII a quo hoc volumen incipit, destinatur Grammaticis Græcis, inter quos primum tuetur locum *Apollonius Dyscolus*, cujus scripta edita, inedita ac deperdita recensentur, subjecto Indice scriptorum, qui in ejus Historia Commentitia & 4 libris Syntaxeos allegantur. Sequitur eum *Herodianus*, Apollonii filius, quem cum *Herodiano*, Historico, de quo eadem occasione agitur, a *Gesnero* in Biblioth. & *Sigonio* in Judicio de Historiis Romanis perperam confundi

fundit ostenditur p. 11 sq. Recensetur proxime p. 13 sq. Collectio Grammaticorum Græcorum ab Aldo Manutio edita, hinc *Hephestion* Alexandrinus, cum ὁμωνύμοις aliis & indice scriptorum in Enchiridio ejus additis scholiis laudatorum. Eum excipit *Dionysius Thrax*, cujus Grammatica, una omnino plagula constans, Græce nunc primum ex Codice Holsteniano, in Bibliotheca Hamburgensi Publica obvio, editur, enarratis antea variorum, quæ ibidem leguntur, diffusis in eandem scholiis. In calce Grammatici alii tum editi, tum inediti & deperditi, secundum literarum ordinem enarrantur p. 48 usque ad p. 76. Cap. VIII *Julianus* Imperator occupat, ita ut post vitam strictim delineatam scripta tum edita tum deperdita cognoscantur; ex quibus tres epistolæ una cum Supplemento epistolæ LVIII, quas Cl. *Ludovicus Anton. Muratorius* in *Anecdotis Græcis* p. 326 sq. primum ex MS. protulit, cum Latina versione repetuntur. In fine legitur accurata designatio scriptorum quingentorum circiter, qui veram Religionem adversus Atheos, Deistas, seu Naturalistas, Idololatrias, Judæos & Mahumedanos asseruerunt, quorum Scriptorum nomina sub finem Catalogi secundum literarum ordinem disposita leguntur. Seriem hanc nova ejusmodi Scriptorum Centuriæ locupletari a se potuisse, si per typographum festinantem licuisset, diligentissimus Autor in præfatione profitetur. Cap. IX primo exhibet a p. 145 ad 178 varias *Libanii* Orationes, nempe I *de ulciscenda Juliani Imp. nece* p. 145, II *ad eos, qui molestum eum appellabant* p. 179, III *ad Antiochenos de Imperatoris ira* p. 207, & IV *Parentalem in Julianum* p. 223, cum eruditissimi *Godofredi Olearii* Latina versione & notis, qui tres priores ex MS. Barocciano descripsit, ultimam vero a *Morello* mutile editam tum supplevit, (quod & in calce Centuriæ epistolarum *Libanii* a Joh. Christoph. Wolfio editæ factum erat) tum accuratiore versione donavit. Cap. X *Libanii* Sophistæ scriptis recensendis impenditur, ibidemque p. 347 tres epistolæ *Libanii* hucdum ineditæ Græce cum Latina versione Cl. Autoris nostri exhibentur; tandem vero p. 402 Index occurrit eorum alphabeticus, ad quos datæ sunt editæ & ineditæ *Libanii* epistolæ, circa quas posteriores, ex Dedicatione hujus Voluminis observandum

vandum hic est, quod Illustris *Fridericus Rostgaard* egregium thesaurum epistolarum Libanii ἀνεδόρων V. C. *Joanni Grammio*, Professori Gr. L. Hafniensi in lucem proferendum commiserit. Cap. XI *Epiphanium* cum ὁμωνύμοις memorat p. 414 sqq. & *Theodoritum* p. 439, tum *Leontium* cum ὁμωνύμοις p. 451, & *Euthymium Zigabenum*, cujus Panoplia Tergobyssi in Walachia an. 1710 Græce primum edita, p. 460 diligenter recensetur, enumeratis in fine illis, ex quibus eadem ab Autore collecta fuit. *Euthymii* alii appellantur p. 475. Hinc ex JOSEPHI, Christiani Scriptoris inediti, ὑπομνησικῶν capita de Hæresibus exhibentur p. 476, quibus similia ex *Stephano* Diacono CPolit. p. 478, *Anastasio* Sinaita p. 479 & *Sophronio* Hierosol. p. 483 adduntur. Agmen in hoc capite claudit *Timotheus* Presbyter p. 491. Cap. XII in *Macario* utroque Alexandr. elaborat, p. 492 ac deinceps *Macarios* 50 & amplius p. 459 subjungit. Illis a latere est *Amphilochius* Ieonienfis p. 500 & alii cognomines p. 507. Cap. XIII *Gregorium Nazianzenum* repræsentat p. 507 cum Indice eorum ad quos epistolas dedit p. 522, & serie alphabetica Carminum Nazianzeni, quorum singulis prima verba adscribuntur. Iungitur ei *Casarius* frater p. 542. Cap. XIV *Cyrillus* Hierosolymitanus p. 543, *Nemesius* p. 549 & Græca epitome Scriptorum quorundam *Joh. Cassiani* p. 551 sibi vindicant. Cap. XV diligentissime defungitur recensione Scriptorum *Joannis Chrysostomi* p. 553 sqq. ubi primo Scriptores vitæ ejus Græci recensentur p. 555 & alii p. 559, deinde optimo consilio Index alphabeticus Homiliarum & tractatum Chrysostomi, adscriptis primis singulorum verbis, & editionis Duczanæ ac Savilianæ paginis, p. 560, & similibus epistolarum p. 633 repræsentatur. Hac enim ratione & differentia utriusque editionis, quæ non exigua est, rectius perspicitur, & eorum imprimis consulitur commodis, qui scire avent, quæ vel Orationes vel Epistolæ Chrysostomi lucem hucdum adspexerint, quæve minus. Cap. XVI de *Apollinari* Alex. & *Laodicensio* filio disquiritur p. 658, ut & de aliis *Apollinaribus* p. 660. Hac occasione diligenter enarrantur Metaphrases Poeticæ Psalmorum Græcæ p. 652, Latinæ p. 675 & aliis linguis factæ p. 677. Postea in scenam prodeunt *Nonnus Panopolita* p. 682.

Jo. Ga-

Jo. Gazaus p. 689, *Nonnus Monachus*, qui in Nazianzeni Steluteuticas scripsit p. 690, *Georgius Pisides* p. 691, *Emanuel Phile* p. 695, cujus elegans poema de Elephante una cum aliis quibusdam hucdum ineditis p. 699. seqq. Græce exhibetur. *Joannes Geometra* p. 715, *Joannes Mauropus*, Metropolitæ Euchaitensis, p. 718, & alii Poetæ Græci Christiani p. 722, Corpora denique Poetarum Græcorum p. 723 seq. excutiuntur. Cap. XVII Catenæ Patrum Græcorum in singulos sacrae Scripturæ libros una cum catalogis scriptorum in iisdem allegatorum consueta industria recensentur. Ultimo loco eruditissimo Viro amplissimas ingenii corporisque vires ex animo apprecamur, ut, quæ restant Operis egregii Volumina, ea in publicum egregio literarum emolumento perducere possit.

JO. CHRISTOPHORI WOLFII, PROF. P.
Lingu. Orient. Bibliotheca Hebræa sive Notitia tum Auto-
rum Hebr. cujuscunque ætatis, tum scriptorum, quæ vel He-
braice primum exarata vel ab aliis conversa sunt, ad
nostram ætatem deducta.

Hamb. & Lips. impensis Christ. Liebezeit, 1715, 4-

Alph. 6 plag. 20.

QUOD multi promiserunt, expectarunt plures, id præstare nunc aggressus est V. C. *Jo. Christophorus Wolfius*, edita Bibliotheca Hebræa. Quamvis enim in eodem negotio olim complures nunc obiter, nunc data opera, nominatim *Buxtorfius*, *Plantavitius*, *Hottingerus* & *Bartoloccius*, ac ex Hebræis R. *Schabbataeus ben Joseph* Strimensis in שפתי ישראל sive *Labiis Dormientium*, libro Hebraice exarato, versati sint, eorum tamen labores & obraritatem in paucorum erant manibus, & præterea tum emendandi, tum supplendi materiam amplissimam reliquerant, præcipue cum intra quadraginta circiter annos de recensione Scriptorum Hebræorum ab eruditis, si forte B. Grodeckii *Spicilegium Anonymorum & Pseudonymorum*, Theatro Placciano insertum, exceperis, cogitatum non esset. Consultum igitur putavit Cl. Autor, partim ea, quæ in memoratis libris, ac præcipue voluminoso Bartoloccii opere copiosius dicta erant, in

compendium referre, partim linam illis adhibere, partim omiſſa ſuis inferere locis, & inprimis notitiam Scriptorum Hebræorum noſtræ memoriæ ceteris ſuperaddere. Ordinem alphabeticum Bartolocci exemplo ſequendum cenſuit Autor, eumque prætulit partim ordini temporis, quem obſervarunt veteres Hebræorum Chronologi, *Abraham Sacutus* in libro *Juchasin*, *R. Gedalius* in *Schalfcheleth Hakkabbala*, ſeu *Catena traditionis*, & *Ganzius* in *Zemach David*, partim ordini librorum ſecundum titulos diſpoſitorum, qui ſe probavit olim *Buxtorſſis* & *Schabbatao*, partim ordini rerum, ſecundum quem ſua obſervata diſpoſuit *Hottingerus*. Ex ipſa tractatione apparet, Cl. Autorem in illorum, quos diximus, inventis adeo non acquieſſiſſe, ut potius ipſos fontes adierit, & libros recensendos denuo inſpexerit, ut hac ratione diverſas de eodem libro ſententias nunc inter ſe conferre, nunc conciliare, nunc vero, falſis vel dubiis rejectis, veram ad liquidum deducere poſſet. Atque huic inſtituto exſequendo præter alias Chriſtianorum æque ac Judæorum Bibliothecas eam, quæ *R. Davidis Oppenheimeri*, Archi-Synagogi Pragenſis, eſt & Hanoveræ aſſervatur, uſui ſibi fuiſſe memorat, quippe quæ & libros Judæorum editos tantum non omnes, ſecundum diverſas, quæ exſtant, editiones, & ingentem MSS. Codicum apparatus comprehendit. Tacemus ſubſidia alia, & inprimis Catalogos manu exaratos & ab eruditis hinc inde communicatos, de quibus Præſatio exponit. Inter Scriptores, qui recensentur, non ſolum gente, lingua & religione Judæi occurrunt, ſed & ii advocantur, qui vel ex Judæis converſi, vel ortu Chriſtiani, vel ex Chriſtianis ad Judæos dilapſi, quidquam aut Hebraice aut alia lingua exararunt, vel alia lingua ſcriptum in Hebraicum ſermonem converterunt: unde & *Ariſtotelis*, *Platonis*, *Pythagoræ*, *Averrois* & aliorum ex Græcis aut Arabibus Philoſophorum mentio ſuis locis injicitur. Horum Autorum nomina formis majuſculis ſive vocalibus exprimuntur, iisque poſt vitam, ubi opus eſt, ætatemque & conditionem auctoris ſtriſſim expoſitam ſubjiciuntur librorum tituli typis minoribus, punctis inſtructi, & ſi plures ſint, partim ſecundum claſſes materialium, partim ſecundum literarum ſeriem diſpoſiti. Cir-

ea libros operam dedit, ut ubi longius ab argumento discederent, quod plerumque fieri solet, eorum ratio redderetur, præterea vero argumentum ipsum perspicue exprimeretur, recensitis simul diversis, cum interposito iudicio, editionibus, & commemoratis, si vel integre vel ex parte conversi essent, Latinis aut aliis interpretationibus. Et ut de libri conditione eo distinctius judicare posset Lector, ipsam quoque eorum molem frequentissime definito paginarum vel alphabetorum numero, quod hactenus ab omnibus neglectum fuit, delineavit, non omissis Typographorum, ex quorum officinis prodierant, nominibus. Præterea vero *γνησιότητα* vel *νοθεΐαν* Scriptorum hoc diligentius examinavit, quod præcipuum illud est notitiæ literariæ momentum, & nihilominus tamen a Bibliographis Hebræis leviter tractatum. Exemplum vide sub *Jose ben Chelpeta*, ubi de Seder Olam Rabba, *Joseph ben Gorion*, *Schimon ben Jochai* &c. Cumque *ὁμωνυμία* & Autorum & librorum Hebræorum frequentior crebriorem hallucinandi occasionem tum aliis hujus generis Scriptoribus, tum imprimis Bartolœccio præbuerit, his erroribus tollendis Noster potissimum invigilavit, notatis modeste illis, quorum autoritas alios in erroris locietatem pertrahere poterat. Vide v.c. quæ sub *Aarone* fil. *Elia*, & *Aarone* filio *Joseph*, crebro inter se confusis, ut & sub *Isaaco Israelita* filio *Joseph*, & *Isaaco Israelita* filio *Salomonis*, itemque sub *R. Lipman* & alias admoventur. Notas quoque addidit Cl. Autor, quæ ut plurimum ad notitiam Scriptorum uberiores, interdum vero etiam ad antiquitates & ritus Hebræorum referuntur. Atque hæc quidem Pars Operis prior est, quæ Autores Hebræos omnes exhibet, qui non ad Scriptores Biblicos (nisi quibusdam eorum supposita quædam fuerint) vel Mischnicos vel Gemaricos pertinent: hos enim una cum scriptis *ἀνανύμους* Cl. Autor Parti posteriori reservavit. Præmissa est Præfatio diffusior, in qua recensentur illi omnes, qui vel tralatitia vel data opera & ex professo idem argumentum Bibliographicum quod ad Hebræos tractarunt, de quibus singulis iudicium meritis cujusque accommodatum subjicitur. Ita & *Bartolœcii* & *Schabtai* libri diligentius enarrantur p. 6 sqq. Post hos celebrantur illi, qui similis laboris spem

sint dubitandi, num ipse Gaffarellus vere ita statuerit. De qua re fusius Autor in calce præfationis suæ commentatur, ubi etiam evincit, scripta illa nec a Pico *Erdre* fuisse adscripta, quippe qui ea sub illis nominibus, quæ præ se ferunt, allegare soleat, nec aliis, quam quorum nomina exhibent, vindicanda esse, Gaffarellum autem *Menachemum Recanatensem* & ceteros illos minus recte pro librariis tantum vel exscriptoribus habendos censuisse.

REFLEXIONS DESINTERSSÉES,

h. e.

*MEDITATIONES A PARTIUM STUDIO**alienæ super R. P. CLEMENTIS XI Constitutione, qua**N. T. QUENELLI damnatur.*

Amstelodami, apud Fratres Chatelain, 1714, 8.

Alph. i plag. 4.

Autor harum observationum, quas literarum forma cum amico communicat, summo Pontifici, de quo liberrime censet, justo infensior, initium facit a communi & vulgari Pontificiæ potestatis & infallibilitatis opinione, qua omnes ac singulos ejus decretis cæca obedientia oporteat esse subiectos, aut proscriptos divisque devotos. Hæc fata D. Augustini discipulos subiisse narrat, & dolet, eos tam pertinaciter defendisse Jansenium, ejusque librum. Isto enim certamine tot censuras Episcoporum & condemnationes Pontificum Rom. provocatas esse, quæ haut difficulter evitari potuerint alia incedendo via, imprimis si tegere & munire sese voluissent autoritate Augustini, aut fide Apostoli Pauli, quorum nomina hostes gratiæ multo modestiores facere potuissent. Autor noster invidiam odiumque amoliturus, Jansenium in abyssu condemnationis Pontificiæ reliquit, nec Jansenistarum mentionem facit, sed Augustinianorum dumtaxat, quos utrosque tamen eosdem esse opinatur. Probat hodiernum Augustinianorum institutum, quod Pontificis infallibilitatem impugnent, easdemque in eum pronuntiari velint diras, quas Concilii VI Patres contra Honorium pronuntiaverint. Clementem quippe XI longe deteriore esse Joanne XXIII. Hunc ob scelera & vitæ tantum impuritatem

p. 3

10

11

12

p. 12 exautoratum & de throno dejectum esse; contra vero hodie-
 num Pontificem, Semi-Pelagianis faventem, universæ Eccle-
 siæ offendiculum dedisse, dum Evangelia fidelium manibus e-
 ripuerit, Deumque spoliavit potestate salvandi eos, quos velit,
 Apostolos, Petrum, Christum abnegantem, deseruisse, Paulum
 eundem, rituum Judaicorum necessitatem defensurum, publice
 graviterque reprehendisse. Idem hodiernum licere putat in Pe-
 tri successorem, si a fide & veritate deficiat. Qua occasione
 21 celebrem disciplinæ Ecclesiasticæ conditorem *du Pinium* lau-
 dat, & *Harduinum* exagitat, quod Pontifici adulaturus Cephæm
 Gal. II, 9 non Petrum sed unum e LXXII discipulis fuisse con-
 tendat, a *Boilavio* singulari Disquisitione refutatus. Noster
 Pontifices Rom. falli & graviter errare posse ostensurus, ex Hi-
 27 storia Eccles. Papam producit Montanistam, qui, teste Ter-
 tulliano, novas Montani prophetias approbavit, & Liberium
 29 Pontificem Arianum, qui non tantum Athanasii damnationi,
 sed & hæreticæ fidei formulæ subscripsit, nec non Zosimum, qui
 3 Cælestii hæretici libellum Catholicum esse pronunciavit, eum-
 que, datis ad Africanos literis, comprobavit, Augustino teste,
 32 negans peccatum originale. His exemplis conficit, & docet,
 33 Pontifices Romanos a fide majorum deficere posse, & Antislites
 Gallicanos imitari debere Episcopos Africæ, qui in Zosimi vo-
 luntate nequaquam acquieverint, sed coacto concilio & re de-
 33 liberata, Pontificem erroris admissi admonuerint. Eodem ju-
 re & judicandi libertate gaudere Ecclesiam Gallicanam, quæ
 illud jus sæpe exercuerit, quando Synodos Nationales indixit, &
 ortas controversias in doctrina consopivit. Provocat Autor ad
 Synodum Arausiacam secundam anno Ch. DXXIX in Gallia
 celebratam, qua Episcopi Gallicani, præside Cæsario Arelaten-
 si, contra Faustii, & Massiliensium hæresin, iis in locis grassa-
 35 tam, divinæ gratiæ efficaciam & necessitatem asseruerunt, con-
 ditis XXV canonibus, quorum ab illo tempore magna fuit auto-
 ritas in Ecclesia, quamvis a Pontifice Rom. non essent confir-
 37 mati. Eandem doctrinam paullo post in Concilio Valentino,
 38 ab eodem Cæsario indicto, contra Semi-Pelagianorum excepti-
 ones valide vindicatam esse. Plura exempla ex Hist. Ecclesiasti-
 ca af-

ea affert Autor ad probandam Ecclesiæ Gallicanæ libertatem; sed nihil ejusmodi a Parisiensi Episcoporum conventu expectari posse hæriolatur. Plerosque enim in Jesuitarum Scholis institutos, gratiam efficacem averfari: alios fortunæ cessuros, & suæ salutis atque honoris rationem habituros esse. Interea Augustinianos, qui & docti sint & numerosi, & sanio-rem doctrinam hætenus defenderint, bonam causam deferere & tacere non posse inculcans, diversa in media, quibus dissensio tolli possit, examinat. Primum remedium Gallicano Clero a Theologo quodam sub initium superioris anni commendatum, de Clemente XI damnando hæreseos, & exaugurando, nimis violentum Nostro videtur, etsi res exemplis non careat. Nec plus spei habet in Concilio Oecumenico, quod ob insuperabiles difficultates convocari vix possit, etsi summe necessarium esse videatur. Majori utilitate veterum Pontificum decreta Constitutioni Clementis XI opponi posse putat, quippe qui Rhetoricam melius didicerit, quam Theologiam. In traditione nihil præsidii esse, quippe quæ in hoc argumento prorsus deficiat. Nam Doctores Græcos plerosque a Sæmi-Pelagianismo parum abesse, & hanc ob causam ab Augustinianis perraro aliegari, a Molinistis autem crebro laudari & Patribus Latinis opponi. Imo affirmare audet Autor, ab Augustini & Vincentii Lirinensis tempore duas semper fuisse in Ecclesia Doctorum partes, quorum hi liberi arbitrii integritatem, illi autem gratiæ efficaciam & gratuitam Prædestinationem defenderit. Unicum optimumque litis componendæ medium esse censet auctoritatem Apostoli Pauli, qua Molinistæ facile in angustias pelli, & fulmina Pontificis averti possint. Propterea reprehendit gratiæ efficacis defensores, quod in disputationis æstu per integrum seculum nil magis in ore habuerint, quam Thomæ Aquinatis, Jansenii & Augustini nomina, neglecto fere Apostoli Pauli suffragio. Hunc errorem nunc vult corrigi, citando dissentientes ad Pauli tribunal, quod ipse Pontifex nequeat recusare. Ex Epistolis igitur Paulinis probat, quinque Propositiones, quas autor pro Jansenianis illis substituit, a Pontifice damnatas, divinæ esse auctori-
tatis.

p. 65. 77

66

70. 76

73

78. 79

91. 139

93

94. 96

103

105

110

111

113

- p.148
156.157
159
170
182
189
190
191
199
206
- tatis. Ad prohibitam lectionem Scripturæ delatus, rationes illius prohibitionis examinat, & incommoda inde metuenda enarrat. Acerbe exagitat sententiam Pontificis, quod injustam etiam excommunicationem metuendam esse præcepit. Noster autem de excommunicatione in Veteri Ecclesia usitata, & Ecclesiarum communione inter se, quædam præfatus, negat censuram injustam extimescendam, aut propter illam sanam doctrinam deferendam esse. Talem vero Clementis XI excommunicationem esse, cum ex doctrinæ sanioris proscriptione, tum ex circumstantiis evidenter patere putat. Formulam enim censuræ generalem, vagam & indeterminatam esse, & minus fontes ac innocentes æque ferire, ac sceleratissimos. Indignabundus quærit, an S. Evangelia legere, & Quenelli Novum Test. XL annos impune lectum, penes se retinere, tanta sint erimina, quæ diris & execratione vindicari mereantur? Tum ostendit, omnes Ecclesiæ Gallicanæ Antistites, non obstante eorum submissione & obedientia, Pontifici præstita, fulmine Papali tactos, *ipso facto* excommunicationi subiacere. Eos enim Parisiis congregatos esse (*pour etudier la Constitution*) ad cognoscendum, aut discendum Constitutionis Pontificiæ argumentum, quod ipsis non dissentientibus, examinis cujusdam species sit. Cum igitur Episcopi Constitutionem sine prævia cognitione atque examine accipere recusent, *ipso facto* eos excommunicationem incurrisse contendit. Eos quippe dissentire a Pontifice, qui Constitutionem dederit citra ullum examen admittendam. Omne enim examen, quocunque demum nomine veniat, supponere dubitationem, an res in Constitutione contentæ cum recepta Ecclesiæ doctrina consentiant, nec ne? Tandem Augustinianos obtestatur, ne deserant veritatem & causam Dei, a Semi-Pelagianis impugnata, sed divina gratia freti, sanio-rem doctrinam fortiter defendant, præta Clementis XI infallibilitate atque censura. Sub finem varia documenta, in hac causa edita, cum ipsa Pontificis Constitutione adjecta, plurimisque observationibus illustrata, comparent.

MENSIS JUNII A. M DCC XV.

273

LUCII COELII SIVE CAECILII LACTANTII
FIRMIANI Opera omnia, quæ supersunt. JO. GEOR-
GIUS WALCHIUS recensuit & criticis Commen-
tariis cum aliorum tum suis illu-
stravit.

Lipsiæ, sumptibus Joannis Ludovici Gleditschii
& Maur. Georg. Weidmanni, 1715, 8.

Alph. 3 plag. 10.

Opus hoc Cl. Editor dedicavit Serenissimo Principi FRIDE-
RICO Gothæ, quem bonis literis & virtutibus cumulatum
laudat summa opera; præfatione autem paucis lectorem admo-
net, quid in illustrando Lactantio præstiterit. Inprimis notari me-
retur diatribe de *Lactantio ejusdemque stylo*, quam præmisit,
quaque copiosissime de vita Lactantii edisserit. Capite I de *La-
ctantii nominibus* observat, quod vulgares libri ferant: *Lucius
Cælius* (sive *Cæcilius*) *Lactantius Firmianus*; alii vero nomina
Lucii Cælii item *Cæcilii* scriptori huic abjudicent, constet quo-
que, quod plures Lactantii codices manu exarati nec *Cælii*, nec
Cæcilii habeant nomen, quamvis in quibusdam reperiatur *Cæ-
cilii* nomen. Num scriptura *Cælii*, an *Cæcilii* sit præferenda,
disputat quoque Autor, qui profert exempla, quibus patet, no-
mina hæc facile posse confundi, & monet, quod nomen *Cæcilii*
a *Cæcilii* non sit alienum, quod id veteres, etiam Græci, duplici
ratione scripserint. Quod ad *Lactantii* nomen pertinet, pu-
tant nonnulli, illud additum esse a lactea & suavi dicendi facul-
tate, quod Autor noster confutat, quia alii fuerunt ejusdem no-
minis, nec mente sua possit comprehendere, quomodo quis a
lactea eloquentia cognominari possit *Lactantius*, ut adeo *La-
ctantii* nomen sit familiaris; ut *Firminiani* patris, de qua copio-
sius loquitur Cap. II. Quibusdam videtur natione Africanus,
qua sententia sunt Labbeus & Baluzius, quibus se opponit Autor
noster: alii originem ejus ex Germaniaderivant, quam opinio-
nem Autor nullius ponderis esse affirmat, & probat pluribus,
Lactantium fuisse Italum, cognominatum a *Firmo Firminia-*

Mm

num i

num; & quamvis alii quædam opponant, ad ea tamen respondet Editor, ut sententia sua magis stabiliatur. Cap. III agit *de Lactantii educatione literaria*, & quum observat, magistro usum fuisse Arnobio, de ipso Arnobio, de Sicea, ubi professus est eloquentiæ ac rhetorices artem, de eloquentia ejus, de Lactantii diligentia, quod referri mereatur inter præcoces ingenio, multa occurrunt utilia, quæ Cl. Autor singulari studio collegit. Cap. IV *de Muneribus, quæ Lactantius obierit*, tradit nobis, quod partim Nicomediæ interpretatus sit rhetorices literas; partim Crispo, Constantini M. filio, ad quævis literarum bona formando præfuerit, quæ duo momenta copiose illustrantur, quod ad tempus, locum, & ipsa munera attinet. Cap. V *de Lactantii scriptis monumentis, tam editis, quam deperditis, item suppositis*, monet primum quædam de tempore, quo exclusit hos sætus, & quod inprimis ad Institutiones attinet, existimat necesse esse, tempus distinguere, quo Lactantius has institutiones conscripserit, & quo protulerit eas in publicum, iterum pervisas atque emendatas. Dedicationes ad Constantinum M. esse genuinas affirmat, quas Lactantius superaddidisset, quum opus Institutionum emendatum ederet feliciori temporum fidere: ad scripta dubia atque incerta Lactantii refertur liber de mortibus persecutorum, & parum abest, quin Autor ad sententiam Nourrii accedat; item epitome Institutionum divinarum, quæ Autori nostro videtur composita ab alio, jussu atque auctoritate Lactantii, qui eam inscripserit: *Epitome Lactantii divinarum Institutionum*, unde etiam Hieronymus sibi persuaserit, partum hunc ab ipso Lactantio editum esse: de poematibus, quæ Lactantio veluti autori attribuntur, etiam multa heic deprehendimus. Cap. VI *de Lactantii operum editionibus, Interpretibus & Codd. MSS.* demonstrat inprimis, quid quisque interpretum præstiterit & cujus pretii sint observationes ejus. Cap. VII *de Lactantii eruditione ejusdemque erroribus* monet, quod Latinitate conspicuus fuerit, etiam doctus Græcis literis, minus vero Hebraica lingua, quo nomine semper a Græcis pendet, & quando ex sacro Codice profert loca quædam, Græcam sequi-

sequitur translationem. Nec philosophiæ disciplinas hand bene cognitās habuit: sæpe numero a regulis veræ & sanioris artis Logices aberrat: diligentius interdum utitur ingenio, quam iudicio & ea profert argumenta, quæ risum vehementius, quam animi consensum excitant. In Physica tradit sæpe, quæ multum falsæ opinionis tenent, ceterum Autorem nostrum mire delectavit, quod duo elementa vere prodiderit, quorum alterum sit aer, alterum vero æther; in Ethica non bene versatus est, nec ei rationis cultura curæ fuit, quasi ratio sacris literis repugnaret. Præter hæc scripsit quoque multa durius, quam res Christiana & veræ religionis doctrina permittit. Primum loca sacri Codicis præter inentem sensumque Θεοπνεύτων Scriptorum, non quidem impia, tamen intempestiva industria interpretatus est: deinde eas doctrinas tradidit literis, quæ a re Christiana atque oraculis divinis plane aliënæ sunt. Ceterum Editor noster habet simile veritati, quod hostes Christianæ religioni etiam Lactantii Opera corruperint; propter errores autem non sit abjiciendus, quoniam nec aliorum ecclesiæ scriptorum libri immunes sint ab erroribus. Cap. VIII de stylo Lactantii ingenue fatetur, adjuvamento quodam heic fuisse dissertationem M. Jo. Augusti Krebsii de stylo Lactantii Firmiani Hal. 1702, quamvis multa reformaverit, quia præcepta ejus styli a suis plane essent aliena, adeo ut ex tota hac integra Krebsii dissertatione nihil ad diatriben hanc transfulerit, quam voces quasdam minus puras & barbaras Lactantii, quod probe observari cupit: plane enim Editor noster præcedentibus capitibus alia argumenta, quæ ille Krebsius ne verbo quidem attigit, prosecutus est. Quæ impura in Lactantii monumentis tum ab Editore, tum ab aliis observata fuerunt, ea exhibuit non secundum librorum, sed literarum ordinem. Cap. IX de Lactantii obitu tradit, non dubium esse, quin sub Constantino demum e vita emigraverit, tempus autem & locum certe definiri non posse, quia vetustatis monumenta de morte ejus nihil tradiderint literis.

Mm 2

Quod

Quod ad ipsa opera & observationes attinet, illa primum Editor multum emendavit & quæ corrupta fuerunt, reformavit: ex observationibus aliorum, Mich. Thomafii, Xyfti Betuleji, Iosephi Ifzi, Antonii Thyfii, Servatii Galæi, Thomæ Spark, Christophori Cellarii optimas collegit, quibus suas ipsas superaddidit, quæ maiorem locum occuparunt. Explicant illæ partim Latinitatem, partim res ipsas, inprimis antiquitates Christianas & paganas, etiam historiam literariam: singulis libris præmisit *analysin*, ut primo conspectu potiora argumenta oculis nostris sese exhibeant. Adjecit quoque librum de Mortibus persecutorum, additis Baluzii, Cuperi, Columbi, Toinardi, Heinsii, Grævii, Bauldri, Cellarii selectis commentariis. Ultimo loco reservavit Epitomen Institutionum divinarum, quam exhibet ea ratione, qua Ch. Matthæus Pfaffius 1712 Parisius ex scripta quodam Codice bibliothecæ Regiæ Taurinensis eam integram protulit in publicum. Nihil mutandum, nec addendum quidquam esse censuit, præcipue, quum Editor noster dubitet, genuinum esse partum Lactantii. Hanc sequuntur Carmina, quæ Lactantii creduntur, & triplex Index, primum autorum a Lactantio adhibitorum, deinde rerum notabiliorum, & tertium Latinitatis. Ad extremum Editor id observatum esse voluit, quod errore & se absente quibusdam exemplis falsissimi tituli præfixi fuerint, veluti hic Lactantius illustratus sit notis *ad modum Minellii*; quod quum alienum sit a præfatione, qua testatus est, se hujuscemodi observationes haud scripsisse, quæ ab indole Lactantii essent alienæ, sed variorum criticas notas & variautes scripturas collegisse, non abs re esse duxit, id heic iterum subnotare, ut illi qui falsum titulum acceperint, alium eumque veriorum a bibliopolis possint desiderare. Ceterum jam in Cicerone aliisque Autoribus classicis accurate edendis occupatur Cl. Editor.

GEORGII ALB. HAGEDORNII ETHICA TRIPARTITA sive Doctrina Moralis &c. Accesserunt VIII Dissertationes Academicae ejusdem Autoris. Collegit atque recensuit J. O. CONRAD HAGEDORN,
Gymnasi Aegid. Norimb. Con-
Rector.

Norimbergæ, sumptibus & typis Ad. Jon. Felseckeri, 1715, 8.

Alph. 2.

CONscriptus hic liber a B. Hagedornio jam ante hos XXX annos est, sed nunc demum a Cognato ejus cum orbe erudito communicatus. Fuit Autor tum cum eum conficeret, Alumnorum Noricorum in Academia Altorfina Inspector. Itaque ut in scholis & collegiis, ita in hoc etiam scripto illud videtur ejus consilium fuisse, ut & pietatem suorum promoveret, & de omnibus Philosophiæ partibus quædam, quæ inprimis necessaria judicaret, iis breviter traderet. Definit Ethicam in Prolegomenis ad hunc modum: esse prudentiam, quæ, perspecta hominis natura & conditione, summam ejus felicitatem, & media pariter ad illam consequendam necessaria, sana rationis ductu demonstrat. Proinde in tres librum suum dispescit Partes, ut prima hominis naturam, altera felicitatem, tertia hujus consequendæ media demonstrat. Capite primo & secundo Partis prima ex brevis mentis consideratione ad Deum ascendit, ejusque tum existentiam Cartesianis aliisque argumentis probat, tum essentiam & attributa contemplatur. Capite tertio mentis humanæ naturam & affectiones generales, quarto autem affectiones quasdam specialiores persequitur, ipsosque affectus, quos ceteri scriptores Ethici subtilissime plerumque tractant, paucissimis explicat lineis. Caput quintum Anatomicum est: agit enim de corpore humano ejusdemque partibus & partium structura. Sextum conjunctionem corporis cum mente, hujusque conjunctionis effectus, ad modum fere Cartesianorum, exponit. Septimum de iis est quæ extra hominem sunt, ad eum vero spectant, ut de brutis, de mineralibus, de aere & meteoris, de astris, de societatibus

tibus hominum, de bonis externis quibus distinguuntur. Sequitur *Pars altera*, in qua explicatis *summi Boni* criteriis, & remotis rebus plurimis quæ id minime sint, Deum tandem illud esse, *summamque felicitatem* hominis in amicitia cum Deo consistere monstrat, *summum* vero *malum* esse mentis inveteratam & obfirmatam ad determinationem sui pravam propensionem, *infelicitatemque summam* inimicitia cum Deo absolvi. *Parte tertia* leges exponit Autor, quibus homo obligatur Deo, sibi ipsi (tum quoad animam tum quod corpus) & hominibus aliis. Exempli gratia capite secundo, quod leges mentis curam definientes continet, talia præcipit: *mentem a præjudiciis liberandam esse; provide in cogitationibus formandis versandum; in veritatibus cognoscendis absq; mora impatientia progrediendum; nunquam rebus inutilibus aut non necessariis vacandum; imprimis veritates pietatem promoventes menti esse imprimendas, quemque ad artem certam aut scientiam pro viribus se applicare debere*, & hujusmodi alia. Restat *Appendix* necessariam Revelationis existentiam ex Philosophiæ Moralis defectu ostendens. Ceterum Cl. Editor, observans quam placuerint omnia Cognati sui scripta eruditissimis præstantissimisque Viris, tam largus fuit, ut cum hæc *Ethica tripartita* non solum ejusdem Autoris VIII Differtationes Academicas copularet, (quæ sunt, de *Spoliis Belligerantium*, de *Diæto Simonidis*: *memento te esse hominem*, de *Terra eminus Planeta*, de *Cogitationibus Mentis humana*, de *Nihilo in Moralibus utili*, de *Dei æterni Præscientia*, de *Naturalismi spe specieque nulla*, de *Moralibus Chrysippeis e rerum natura petitis*) sed *Thesum* quoque L. Decadas, cum corollaris, adjungeret, Auditoribus ad privatum disputandi exercitium ab Autore olim propositas: in quibus thesibus eadem fere, quæ in ipsa *Ethica* eodemque ordine traduntur, nisi quod non integra *Ethica* sed prima saltem *Pars* & non nihil de altera iis comprehendatur, cetera desiderentur.

JACOBI FACIOLATI ORATIO DE HUMANITATE, habita coram Eminentiss. ac Reverendiss. GEORGIO CARD. CORNELIO Episcopo Patavino.

Patavii

Patavii, 1714, 8 maj.

Plag. 2.

CLarissimus atque eruditissimus Vir, *Jac. Faciolatus*, in seminario Patav. Præfectus stud. qui anno præterito Grammaticorum insidias deprehendere studuit, fideliterque indicavit, in elegante Oratione hac, quam pro solenni studiorum instauratione recitavit, id agit, ut pueris ad Latinam eloquentiam informandis nocere ostendat librorum copiam. Docet igitur, non esse conditione ulla permittendum, ut extra principes Latinitatis autores evagentur: & quamvis tales cum multiplici lectione exercitia styli jungant, non tamen eos assequi stylum probabilem, sed ex pluribus Latinæ linguæ seculis, & ex omni scriptorum genere conflatum, ut, cum dicunt, non uno ore, sed prope multiplici dicere videantur. Et in hunc *κοινὸν* incidisse etiam doctissimos & sapientissimos Viros. Neque etiam probari modum legendi ita velocem, ita præcipitem, ut singulis diebus singula volumina percurrantur: immorari oportere rebus singulis, idem submissa voce legere, idem elata; quodque semel legeris, iterum sæpiusque repetere, & cogitatione vehementissima in tuam quodammodo naturam transferre, siq; illos ipsos, qui ætate jam sunt confirmata, *non multa legere, sed multum*, ex veteri proverbio *Plinius* jubet l. 7 ep. 9, eo minus vagari oportere adolescentes, ac in varia discurrere: unum ipsis sufficere *Ciceronem*, ex judicio Ger. Jo. Vossii in hac arte peritissimi, de part. orat. l. 4 c. 1. Sic iis suo exemplo prævisse Viros eloquentissimos, *Longolium* & *Bembum*, quorum immortalis est fama. Idem consilium reperies apud litteratissimum Virum, *Ioach. Camerarium* lib. I Commentar. in Tuscul. Ciceronis primam, de optimo imitationis exemplo.

LIBRI NOVI.

Academia Casareo-Leopoldina Carolina natura Curiosorum Ephemerides, sive Observationum Medico-Physicarum Centuria III & IV, cum Appendice. Noriberge, sumtibus Wolffg. Michabellis, 1715, 4.

Danielis Clerici Med. Doct. Historia naturalis & Medica latrum Lumbricorum intra hominem & alia animalia nascentium;

tium; accessit de ceteris quoque hominum vermibus, tum de omnium origine, tandemque de remediis quibus pelli possint, *Disquisitio, cum figuris. Geneva apud Fratres de Tournes, 1715, 4.*

Praelectiones Academicae Medicae sive specimen novae Pathologiae Theoretico-Practicae, secundum recentissimam methodum Stahlianam breviter concinnatum a D. A. J. F. Francof. & Lips. apud Georg. Christoph. Felechnerum, 1715, 4.

Collecta Archivi & Cancellariae jura, quibus accedunt de Archi-Cancellariis, Vice-Cancellariis, Cancellariis ac Secretariis Virorum clarissimorum Commentationes, accurate Jacobo Wehnero, Argentorati, sumptibus Jo. Reinholdi Dulsscekeri, 1715, 4.

Herm. Adolphi Meinders, Consil. Regii &c. Dissertatio de Judiciis centenariis & centumviralibus, sive criminalibus & civilibus veterum Germanorum, imprimis Francorum & Saxonum. Lemgovia, impensis Henr. Wilh. Meyeri, 1715, 4.

Christ. Friderici Plathneri Oeconomia Juris Consistorialis, cum decade questionum exhibita. Goslaria, impensis Jo. Christoph. König, 1715, 4.

Alb. Frid. Berneggeri, Consil. Aul. Hohenl. Barttenstein. Institutionum Imperialium Examen Theoretico-Practicum. Francof. sumptibus Joh. Adolphi, 1714, 8.

Göttliche und wahre Metaphysica oder wunderbare durch eigene Erfahrung erlangte Wissenschaft der unsichtbaren und ewigen Dinge, nehmlich von den unsichtbaren Welten &c. durch Johann Pordädschen, der Artzney Doctor, aus seinen MSptis getreulich gezogen, nebst einer Einleitung; aus dem Englischen mit besondern Fleis übersetzt. Franckf. und Leipz. bey Johann Martin Hagen, 1715, 8.

ERRATA in Act. 1714 m. Jun.

Pag. 258 l. 7 corporis leg. corpori. Pag. 263 l. 15 in ipso plano oscillationis recto, leg. in ipso plano ad planum oscillationis recto. Pag. 271 l. 1 oscillationes leg. oscillationis. Pag. 274 l. 27 G & M leg. G & L. Pag. 275 l. 3 & 4 FBA leg. MBA. Ibid. l. 13 & 14 conservatur leg. non observatur.

ACTA ERUDITORUM,

publicata Lipsiæ

Calendis Julii, Anno MDCC XV.

JOURNAL DES OBSERVATIONS PHYSI-
ques, Mathematiques & Botaniques &c.

h. e.

DIARIUM OBSERVATIONUM PHYSICARUM, MA-
thematicarum & Botanicarum, jussu Regis in America Me-
ridionali & India orientali ab A. 1707 usque ad A. 1712 facta-
rum a R. P. LUDOVICO FEUILLEE, Religioso

Minimo, Mathematico & Botanico Regio.

Tomus II.

Parisiis, apud Petrum Giffart, 1714, 4 reg.

Plag. 35 & Tabb. zn. 50.

Tomus hic secundus complectitur observationes anni
1710 a die 15 Jan. usque ad decimam Augusti factarum;
Tabulas motuum Solis cum introductione ad easdem
& descriptiones quinquaginta plantarum medicinali-
um. De æquilibrio aquæ marinæ cum areometro observatio-
nes paucæ occurrunt. Nempe sub elevatione poli $14^{\circ} 5\frac{1}{3}$ & lon-
gitudine $5^{\circ} 5\frac{1}{2}$ (primo meridiano per urbem *Callao* ducto) ipsum
reperit industrius Observator 2 unciarum, 3 drachmarum & 51
granorum; sub elevatione poli $18^{\circ} 1'0$, longitudine $8^{\circ} 4\frac{1}{8}$ unc.
2, drachm. 3, gran. 51; sub elevatione poli $29^{\circ} \frac{1}{2}$, longitudine
 $11^{\circ} 4\frac{1}{3}$ unc. 2 drachm. 3 gran. $51\frac{1}{2}$; sub elevatione poli $35^{\circ} 4\frac{1}{8}$,
longitudine $4^{\circ} 2\frac{1}{7}$ denuo 2 unc. 3 dr. 51 gr. Observationes incli-
nationis acus magneticæ sequenti laterculo conclusas exhibere
placet: ubi notandum, primum meridianum per urbem *Callao*
ductum subintelligi, nisi expresse contrarium inoneatur; latitudi-
nem determinatam esse ex altitudinibus meridianis Solis ut plu-
rimum, interdum per æstimationem nautarum; longitudinem

vero huic semper deberi; utramque respondere meridiei, acus vero inclinationem meridiei, si nulla hora adscripta est, alias illi horæ, quæ adscribitur, consequenter in casu posteriori non exacte constare de loco, ubi navis hæsit, cum inclinatio acus magneticæ observata.

Dies A. 1710.	Latitudo.	Longitudo.	Inclinatio acus magne- ticæ australis.	Hora obser- vationis.
d. 17 Jan.	13°.	42 2°.	27 7°.	14
19	14.	53 5.	52 22.	40
20	15.	11 7.	31 24.	0
21	16.	16 7.	4 26.	30
22	17.	10 7.	34 28.	0
23	18.	10 7.	52 30.	45
24	19.	11 .	48 32.	30
25	20	50 9.	34 36.	0
26	22.	30 10.	1 38.	15
27	4.	0 10.	28 39.	0
29	27.	35 13.	2 41.	30
30	29	2 11.	43 44.	0
d. 2 Febr.	32.	10 8.	19 46.	0
3 h. 5.	35.	43 6.	2 49.	30
6	35.	48 4.	27 53.	30
8	36.	33 4.	0 54.	15
9	36.	50 2 ab Urbe	55.	30
		Conceptionis	55.	45
		versus Occa- sum.		
10	37	0 1.	0 55.	0
14	in Urbe	Conceptionis	55.	45
20	ibidem		55.	35
d. 1. Mart.	ibidem		55.	25
4 usq ad 11	ibidem		55.	45
d. 20. Apr.	in Urbe	Coquimbo	47.	20
23	ibidem		47.	20
24	ibidem		47.	30
d. 9 Jan.	in Urbe	Tlo	27.	45

Subitæ mutationis, quam in inclinatione acus magneticæ in urbibus *Conceptionis* & *Coquimbo* observavit, ventis tribuit Cl. Autor. Observationes hæc peculiari instrumento inclinatorio insti-

instituit: affert vero etiam alias nonnullas, quas ope pyxidis magneticæ obtinuit. Hac nempe via in urbe *Conceptionis*, quæ sita est in regno Chili, inclinationem acus magneticæ d. 1 Martii reperit $6^{\circ} 20'$, quam anno superiori prehenderat $6^{\circ} 30'$, ut adeo intra annum acciderit mutatio 10 minutorum. Eandem in urbe *Coquimbo* d. 24 Aprilis notavit $5^{\circ} 25'$; in valle *Ylo* regni Peruviani d. 9 Junii $3^{\circ} 45'$. Priori in loco declinationem acus magneticæ invenit $10^{\circ} 10'$ vel $15'$, quæ ante annum fuerat $10^{\circ} 20'$ vel $25'$, ut adeo variatio annua sit $10'$, quam Academici Parisienses per plurimorum annorum observationes 11 circiter scrupulorum constituerant. Ceterum cum Noster eandem variationis annuæ quantitatem & in declinatione, & in inclinatione observaverit, operæ pretium facient rerum naturalium scrutatores, si in posterum in hanc circumstantiam accurata industria inquisiverint. In urbe *Coquimbo* d. 23 Apr. declinatio acus magneticæ versus ortum fuit $8^{\circ} 32'$; in valle *Ylo* d. 22 Jun. $6^{\circ} 36'$. Affluxum maris d. 22 & 23 Maji *Arica* in regno Peruviano dimensus est 5 pedum & 4 digitorum. Didicit vero a Præfecto cœnobii Franciscanorum ejus loci, maximum contingere in æquinoctiis, paulo minorem in syzigiis, omnium minimum in quadraturis. Situm quoque geographicum urbium *Conceptionis* & *Coquimbo* in regno Chili; *Arica* & vallis *Ylo* in *Peruviano* multiplici sæpiusque repetita observatione determinat. Statuit latitudinem urbium *Conceptionis* $36^{\circ} 42' 53''$; *Coquimbo* $29^{\circ} 54' 10''$; *Arica* $18^{\circ} 26' 40''$ vel $38''$; *Ylo* $17^{\circ} 36' 15''$; longitudinem loci primi $75^{\circ} 32' 30''$; secundi $73^{\circ} 35' 45''$; tertii $73^{\circ} 31' 0''$; quarti $70^{\circ} 33' 0''$, primo nempe meridiano per urbem Parisiorum ducto. Declinationes fixarum sequentes observavit: d. 22 Febr. declinationem *Canopi* $52^{\circ} 31' 19''$, d. 26 Febr. declinationem stellæ secundæ magnitudinis in pede australi *Centauri* $58^{\circ} 55' 6''$ & declinationem stellæ primæ magnitudinis in pede dextro anteriore ejusdem $59^{\circ} 33' 57''$. Longitudines locorum per Satellitum Jovis eclipses exploravit. Etenim d. 26 Febr. h. 3^h 8^m 4^s 1^o & d. 13 Martii h. 1^h 26^m 1^s 7^o juxta meridianum *Conceptionis* primus Jovis Satelles in umbram ejus ingressus; idem vero contigit juxta meridianum *Coquimbensem* d. 16 Apr. h. 11^h 57^m 3^s 0^o & d. 21 Apr. h. 0^h 6^m 2^s 3^o. Ex umbra Jovis egressus est juxta meridianum *Yloensem* h. 9

24 59. D. 19 Martii h. 10 33 15 juxta meridianum *Conceptionis* Antares seu cor Scorpionis a Luna occultatum. Stella super disco lunari illuminato sub initium occultationis apparuit, nec ante disparuit, quam limbus Lunæ orientalis limbum stellæ orientalem attingeret. Emerfio facta est h. 11 25 11. Duravit adeo occultatio 51 58. D. 26 April. h. 8 10 28 satelles 24 quartus; d. 28 Apr. h. 7 14 (juxta meridianum scilicet *Coquimbensem*) secundus cum fixa in fronte scorpii conjunctus. Præter nubeculas in parte cæli australi conspicuas videntur quoque duæ maculæ nigræ in ramis roboris *Caroli*, quæ tandem cum via lactea confunduntur & quarum obscuritas ad lumen Lunæ evanescit. Alia præterea macula nigra triangularis prope pedem *Cruferi* comparet. Nec prætermittendæ a nobis sunt observationes barometricæ, quos Cl. Autor in urbe *Conceptionis* d. 27 Febr. instituit & d. 13 Martii repetiit. Tubum 32 digitorum & 11 linearum Mercurio probe repurgato replevit eoque inverso & Mercurio in vasculo stagnanti immerso altitudinem Mercurii 28 digitorum ac lineæ unius notavit. Admisit postea aeris duos digitos cum lineis tribus, tumque altitudo Mercurii fuit 24 dig. 4 lin. aere dilatato digitos decem cum lineis 7½ occupante. Cum aeris digitos 4 cum lineis 4 admisisset; altitudo fuit 18 digitorum 1 linearum & aer dilatatus occupavit 13 dig. 7½ lin. Admissis aeris dig. 6 lin. 11; altitudo Mercurii fuit 15 dig. aer dilatatus per dig. 16 lin. 7. Cum aeris admissi quantitas esset 11 dig. 1 lin. Mercurii altitudo erat 11 dig. 4 lin. & aer dilatabatur per dig. 20 lin. 2½. Denique cum illa esset 17 dig. 3 lin. hæc erat 6 dig. 8 lin. & aer dilatatus occupabat dig. 24 lin. 7. In experimento posteriori, quantitate aeris relictæ 4 dig. & totidem linearum existente, altitudo Mercurii erat 18 dig. 2 lin. aer dilatatus occupabat 13 dig. 10 lin. Illa existente 5 dig. 2 lin. ista erat 17 dig. 1 lin. hic occupabat 14 dig. 9½ lin. Illa existente 11 dig. 4 lin. ista erat 11 dig. 3 lin. hic occupabat 20 dig. 6 lin. Illa existente 16 dig. 7 lin. ista erat 7 dig. 6 lin. hic occupabat 24 dig. 2 lin. Illa denique existente 21 dig. 7 lin. ista erat 4 dig. 5 lin. hic occupabat 27 dig. 2 lin. Notatu quoque dignum judicamus, quod in regno *Chilensis* in exiguo flumine *Flaraguete* ab incolis dicto prope oppi-

oppidum *de Petegulea* inveniantur lapides signo crucis signatæ. Figura equidem irregularis est; sed, ubi crux visitur, ovalis. Formatur ea per intersectionem rectangularem diametri majoris & minoris atque sanguinis instar rubet. Nec minus notatu dignum est, quod in urbe Conceptionis feminae honestiores interdum in publicum non prodeant hincque demum noctu in forum prodeant necessaria coeunturæ. Ceterum obiter quasi notamus, monere Nostrum, quod ex solis altitudinibus Solis latitudo maris determinari possit; errent vero naucleri, qui ad stellarum altitudines confugiant, Sole interdum non lucente. Tabulas motuum Solis dubio procul Autor observationibus suis annectere voluit, quia iisdem in observationibus suis, præsertim ad correctionem horologii, sæpiissime est usus. Computatæ sunt ad Meridianum observatorii Regii Parisini ad annos & menses currentes. Forma tabularum in eo differt a consueta, quod epochæ seu radices motuum Solis supputatæ sint non tantum ad annos seculares, verum etiam ad annos singulos seculi præsentis & motus medii exhibeantur ad singulos mensium dies tam in anno communi quam bissextili: quo ipso calculus multum abbreviatur.

Plantas non modo describit, verum etiam æri nitidissime incidi curavit & usum medicum fideliter recenset, quem faciunt incolæ Americæ. Delineantur vero 1. Gramen Bromoides Catharticum, vulgo *Guilno*; 2. Tithymalus perennis, Portulacæ folio, vulgo *Pichua*; 3. Tithymalus foliis trinerviis & cordatis; 4. Hemerocallis floribus purpurascens striatis, vulgo *Ligtu*; 5. Hemerocallis floribus purpurascens maculatis, vulgo *Pelegrina*; 6. Hemerocallis scandens floribus purpureis, vulgo *Salsilla*; 7. Salsa foliis radiatis floribus subluteis; 8. Bermudiana cœrulea phalangii ramosi facie, vulgo *Illea*; 9. Onagra laurifolia flore amplo pentapetalo; 10. Nicotiana minor folio cordiformi tubo floris prælongo; 11. Granadilla folio tricuspidi obtuso & oculato; 12. Granadilla pomifera tilia folio; 13. Polygala cœrulea angustis & densioribus foliis, vulgo *Clin-Clin*; 14. Solanum chenopodioides acinis albescens; 15. Solanum foliis quernis; 16. Alkekengi amplo flore violaceo; 17. Epipactis floribus uno versu dispositis, vulgo *Nuil*; 18. Epipactis flore

albo, vulgo *Gavila*; 19. *Epipactis* flore virescente & variegato, vulgo *Piquichen*; 20. *Epipactis* amplo flore luteo, vulgo *Gavilu*; 21. *Rapuntii* facie, foliis sinuatis, flore amplissimo, sanguineo & striato; 22. *Bignonia* flore luteo, foliis radiatis & elegantissime dissectis; 23. *Oxys* roseo flore erectior, vulgo *Cullé*; 24. *Oxys* amplissimo flore luteo; 25. *Oxys* luteo flore, radice crassissima; 26. *Melongena laurifolia*, fructu turbinato variegato; 27. *Caryophyllata* foliis alatis, flore amplo coccineo, vulgo *Quellgon*; 28. *Viola* arborescens, origani acuto folio; 29. *Rapuntium* spicatum, foliis acutis, vulgo *Tupa*; 30. *Panke Anopodophylli* folio; 31. *Llaupanke* amplissimo *Sonchi* folio; 32. *Bidens Mercurialis* folio, flore radiato; 33. *Bidens Artemisiæ* folio, flore albo radiato; 34. *Gratiola* foliis subrotundis nervosis, floribus luteis; 35. *Centaurium minus*, purpureum, patulum, vulgo *Cachen*; 36. *Conyza* folio subrotundo, utrinque acuto, vulgo *Munga-Paki*; 37. *Conyza* frutescens, foliis angustioribus nervosis; 38. *Conyza Africana* humilis foliis angustioribus nervosis, floribus umbellatis, vulgo *Chilca*; 39. *Malva lutea*, calyce simplici, obtuso carpini folio, pediculis florum prælongis, vulgo *Ancoacha*; 40. *Poinciana spinosa*, vulgo *Tara*; 41. *Polypodium* radice squamosa, vulgo *Pillabilcam*; 42. *Momordica* fructu striato lævi, vulgo *Caigua*; 43. *Cardaminum* quinquefido folio, vulgo *Malla*; 44. *Urtica Chiliensis* ureus, *Acanthi* folio; 45. *Jacobæa Leucanthemi vulgaris* folio, vulgo *Nilgué*; 46. *Periclymenum* foliis acutis, floribus profunde dissectis, vulgo *Itiu*; 47. *Stramonoides* arboreum, oblongo & integro folio, fructu lævi, vulgo *Floripondio*; 48. *Pentaphylloides* *Alceæ* minori folio, flore purpureo; 49. *Capraria Peruviana*, *Agerati* foliis absque pediculis; 50. *Cynoglossum* foliis nervosis acutissimis; 51. *Bidens* denique folio trinervi, lanceato, flore singulari & radiato. De harum plantarum usu Medico sequentia annotavit Autor. Infusum ex radice plantæ primæ purgat. Paratur intervallo unius noctis; mane ad ignem admoveatur & ubi ebullit, per linteum urgetur ac maxime calidum hauritur. *Tithymali* utriusque vis itidem purgativa. Sexta usum præstat in morbis venereis. Nonam maximi faciunt Indi. Folia confusa inflar

instar cataplasmati applicantur, habentque vim resolvendi & emolliendi. Conducunt dissipandis tumoribus inveteratis & bubonibus. Polygala cœrulea diureticum præstantissimum. Parant Indi infusum intervallo unius noctis & mane hauriunt. Utuntur eodem contra lumborum dolores. Solanum chenopodioides est remedium præsens contra febrim, quæ inflammationem & alvi defectionem extraordinariam causatur & sexui sequiori infesta. Succus ex ramorum extremitatibus contusis exprimitur & cum vitello, pauco alumine &c. permiscetur. Ejusdem plantæ succus collyrii usum præbet Indis, quando dolor in oculis sentitur visusque aliquis defectus. Alkekengi admiranda præstat in retentione urinæ & contra calculum. Quatuor aut quinque ejusdem fructus contusi in aqua communi aut vino sumuntur. Infusum plantæ *Nuil* eidem usui servit & ventositatem pellit. Nec alius est usus plantæ agnatæ *Gavilu*, quæ decimum octavum occupat locum: altera vero ejusdem nominis, quæ loco vigesimo exhibetur, ad lactis augmentationem utilis, unde fœminæ partu edito succum ejus jusculo commiscent. Decoctum plantæ vigesimæ est aperitivum: decoctum foliorum ejusdem diminuit fermentationem sanguinis & bilem temperat. *Melongena laurifolia* in hortis crescit & fructus delitiis serviunt instar melonum. Decoctum *caryophyllatæ* aperit & resolvit: idem judicium est de violæ arborescentis decocto. *Rapuntium spicatum* est planta venenosa: si quis eam evellit & mox digitis oculos fricat, visu orbatur. Odor ejus horrendos vomitus ciet. Foliorum plantæ trigessimæ decoctum refrigerat tempore æstivo. Radice utuntur ad tingendum colore nigro. Trigesima prima est remedium contra hemorrhoides. Infusum trigessimæ quintæ est sudoriferum, stomachum roborat, vermes necat, febres intermittentes & icterum pellit. Decoctum trigessimæ sextæ dolores colicas & dysenteriam sedat. Decoctum trigessimæ nonæ est stomachicum prorsus egregium. Decoctum quadragessimæ primæ obstructions dissipat. Infusum quadragessimæ sextæ contra febres intermittentes servit.

Leipzigische Annales, von A. 661 N. C. B. bis 1714,
durch M. Johann Jacob Vogel.

h. e.

*ANNALES LIPSIENSES AB A. P. C. N. DCLXI
usque ad 1714; Autore M. JOHANNES JACOBO
VOGELIO, Lipsiensi, Verbi Divini Ministro.*

Lipsiæ, apud Frid. Lanckischii Hæredes, 1714, fol.

Alph. 12 pl. 9

Non equidem defuere, qui Lipsiæ nostræ fata literis consignata posteritati consecrarent, quippe Tobizæ Heidenreichii Chronica, 1635, & Zachariæ Schneideri, 1655, Germanico idiomate, Latino vero Davidis Peiferi Lipsia, 1689 (conf. Acta nostra ad h. ann. M. Mart. p. 121) typis vulgata Historiarum gnaris jam dudum innotuerunt. Sed cum multa ab illis prætermissa, aut levi, quod ajunt penicillo descripta, nec pauca ab isto tempore, quo illorum Chronica fuerant confecta, evenisse, silentio minime prætereunda, cerneret Autor patriæ suæ amantissimus, indefessa industria plurimis abhinc annis eo sibi incumbendum existimavit, uti superius jam memoratis, aliisque tum Saxonice tum reliquis istorum temporum Scriptoribus probe invicem collatis, ex MSC. Höhlii, Dreheri, Schneideri, Peilikiorum, Seidelii & plurimis, insigni Senatus Lipsiensis benignitate ipsi communicatis, integros, quoad fieri potuit, Lipsiensium Annales, insertis, ubi opus videbatur, Actis & diplomatibus publicis, prelo excusos emitteret. Continentur equidem in illis haud pauca, quæ historiæ civilis cupidos nihil morabuntur, communi tamen Annalium methodo excusanda; sunt alia, quæ dubiis omnino destituta haud videntur.

P. 31. Namque Rudolphum I. Habsburgicum A. 1273 edixisse putat, ut instrumenta publica lingua Germanica conscriberentur, cum ab aliis jam dudum observatum sit, & ante Interregni Magni tempora sub Fridrico II Recessum Imperii Germanico idiomate fuisse exaratum, & postmodum regnante Carolo IV Auream Bullam Latina lingua fuisse consignatam. Ducem quempiam Saxoniz circa annum 1528 a Dithmarsis fuisse captum, Heidenreichio

reichio teste sibi persuadet, quod nullius usquam testimonio comprobatum reperimus. Divi Johannis Friderici Electoris Saxoniz inscriptionem sepulchralem, quam plerumque circumferunt, privato studio elaboratam, pro vera venditat, cujus falsitatem jam pridem ostenderat Celeberrimus Sagittarius in Hist. Joh. Frid. p. 81. Sed in tanta rerum farragine ista vel lynceos oculos effugere potuissent. Lipsiam quod attinet, Principem Bohemiz Lybassam A. 710 arcem Liebiz nominatam circa fluvium Plissam condidisse refert, quod aliis decidendum relinquimus. Eodem in loco S. Bonifacius A. 724 idolum Flynz dictum destruxit. Lipsia vero per matrimonium Suatanz cum Wiperto, Witkindi M. filio, in Saxonum potestatem ab ipso redacta est, & A. 926 adversus Hunnorum invasiones muris circumdata, iisdemque A. 927, rebellibus Sorabis, ab Henrico Aucupe nudata. Paulo post 930 a Vandalis restaurata, & a Comite Gunthero vetustum Plissenburgum ædificatum. Cumque Henricus II Imperator Dioccesin Lipsiensem A. 1018 Ecclesiz Martisburgensi subjecisset, imo A. 1021 urbem ipsam Ditmaro ejusdem Sedis Episcopo dono dedisset, litibus tamen circa fines obortis, ista 1134 Conrado Marchioni, accepto vicissim Schkeudizio, est reddita, ab eoque munita, & duarum nundinarum privilegio donata, quas Marchiones Albertus Superbus 1190, Dietericus Exul 1268 & Fridericus Placidus 1458, tertiis insuper, quæ circa novi anni initium frequentari solent, auctas, tandemque Imperatores, Fridericus III (V) 1466, Maximilianus I 1497 & 1507 & Carolus V 1521, stapulæ jure etiam clementissime concessio, imo & 1514 Pontifex Leo X confirmarunt. Exinde plures cum finitimis Halensibus A. 1469, Erfurtensis 1507, Numburgensibus 1514 & Islebiensibus 1521 intercesserunt controversiæ, in quibus tamen omnibus Lipsienses victores fuerunt.

Otto IV Imperator 1210 Lipsiam obsidione cepit, muros & arcem vero solo æquavit. Adversus Dietericum Exulem Lipsia 1213, extructo cænobio Thomano fratrum suæ libertati injici rata, in seditionem prorupit, nec ulla vi ad obsequium redigi potuit, donec transactione, cujus copiam Autor ibidem exhibet, turbæ istæ fuissent sopitæ. Sed brevi post tempore urbs fraude

p. 199.

2.

4.

9.

12.

17.

60.

78.

87.

103.

21.

22.

- bellica est capta. & ad officium redire iussa, quæ tandem res Dieterico exitio fuit. Hujus filii Henrici Illustris minorennis tutelam quoad Lipsiam & terras Osterlandicas sibi vindicabat Episcopus Martisburgensis, qua tamen armis Landgravi Thuringiæ deterritus, mox semet abdicare est coactus. In bellis civilibus, summa animorum contentione inter Albertum Degenerem ejusque filios gestis, Lipsiam A. 1291 Episcopo Martisburgensi in filiorum præjudicium donavit Albertus. Eandem Adolphus Imperator A. 1297 occupat, ipso vero 1298 in pugna obtruncato, Lipsienses arreptis armis præsidium Nassovicum expellunt, ac se suæque legitimis Dominis dedunt. A. 1327 Vandalorum lingua e judiciis eliminata, substituto in ejus locum idiomate Germanico. A. 1345 Senatus Lipsiensis Consulto statutum, ne Clerici bona immobilia ipsis legata ultra 12 menses retinerent, cum metuendum, ne civitatis reditus nimis diminuerentur. Germanos, qui Pragæ studiis litabant, injusto Wenceslai decreto exinde profugos clementissime susceperunt memorix nunquam intermoriaturæ fratres, Fridericus Bellicosus & Wilhelmus, atque A. 1409 inclytam hanc Academiam per tria, & quod excedit, secula hæcenus felicissime florentem condiderunt, quibusdam postea Pontificum privilegiis, præsertim vero insigni Sere-
 63. 93. 188. nissimorum Patriæ Patrum liberalitate redivitibus auctam, & Bi-
 152. 243. bliotheca decoratam, Celeberrimum Jctorum Collegium, quod Scabinorum dicitur, primordia cepit anno 1420, cui anno
 49. 226. 1572 Scabinatus, Dohna Lipsiam translatus, junctus est, eumque
 234. demum Augustus Elector 1574 reformatum, Electoris no-
 66. mine judicare iussit. Supremæ Curix Provinciales, quæ Dresdæ & Eckartibergæ aut hac floruerunt, 1458 a Duce Alberto III conjunctæ invicem fuerunt, illique sedes Lipsia, ubi impostum jus diceret, statuta, quam deinde Mauritius & Augustus Electores peculiaribus Edictis in meliorem formam redegerunt. Circa Religionis dissidia ob nundinationem Tezelii (cujus corpus quidem Lipsiæ sepultum, statuam vero Rüdigeri falso ipsi tributam Autor existimat) primum exorta, Lipsiensium Theologi ci-
 102. vesque, colloquio 1519 ibidem indicto, Luthero minime favere
 94. visi sunt, donec meliora edocti auspiciis Divi Henrici vere Pii
 101.

anno 1539 inter A. C. addictos nomina profiterentur. Tumultu a rusticis per totam fere Germaniam excitato non defuerunt, qui apud Lipsienses res novas molirentur, quibus severe punitis Dux Sax. Georgius reliquos facili negotio ad officium redire coegit. Crudeli isto ob religionis controversias exardescente bello, 1547 Lipsia eodem incendio correpta, & a Joh. Friderico Sax. Electore, quod Mauritius a partibus Imperatoris flaret, arcta obsidione cincta est, quam nunciato Cæsaris adventu (hanc enim veram irritæ obsidionis causam censet Autor Cl.) solvere necesse habuit. Judicio Ecclesiastico, quod Martisburgi olim juri dicundo vacaverat, Episcoporum potestate abrogata, locus 1550 Lipsiæ assignatus. Conamina Reformatorum anno 1574 item 1591 & turbas adversus illos 1593 concitatas fusim enarrat, simulque Colloquii istius privati in Conventu Principum Evangelicorum 1631 Augustanæ Confessionis inter & Reformatorum Theologos, Saxonicos, Brandenburgicos atque Hassiacos, instituti enarrationem diligentem ex Facultatis Theologicæ scriniis petitam Autor subnectit. Bello Tricennali Lipsia quoque variis fortunæ casibus fuit agitata. Etenim anno 1631 a Tyllio Cæsarianorum duce capta, isto vero haud procul inde cum exercitu profligato, iterum ex hostium manibus erepta est, 1632 eadem ab Imperatoriis occupata, sed Wallensteinio prope Lutzenam pulso ab ipsis est derelicta. A. 1633 Holckio duce urbem quidem Cæsarei vi ceperunt, sed arce frustra tentata, exercituque Saxonico appropinquante, brevi post eadem excesserunt. A. 1637 Lipsia Bannerii ductu a Suecis incassum fuit impugnata, & 1642 Torstensohnii auspiciis atque præfectorum negligentia in Suecorum potestatem est redacta, ac 1650 demum legitimo possessori restituta. Tandem Lipsiensium fata Suecis in Saxoniam 1706 irrupentibus ob oculos ponuntur.

p. 137.
142.

174

189.

229. 259.
278.

421.

450.

455.

480.

490.

506.

536.

583.

983.

INCLEMENTIA CLEMENTIS EXAMINATA, hoc est, BULLA CLEMENTIS PAPAE XI adversus P. QUESNELLII Observationes & Meditationes morales in N. T. protrusa cum fulmine: nunc recusa & gemina dissertatione discussa a JO.

FRICKIO, S. T. P.

O o

Ulmæ,

Ulmæ, apud Dan. Bartholomæi, 1714, 4.

Alph. I pl. 4.

DUO in his Actis jam exhibuimus scripta, a Theologis Ecclesiæ Lutheranæ, *Jagero & Jenichio*, adversus Bullam CLEMENTIS XI famosam, qua *Quesnellii* Testamentum Novum fulmine percussit, edita; quibus nunc tertium addimus, Bullam ipsam Clementis sistens, & causas totius litis inde exortæ paulo distinctius evolvens. Parentem hiece fœtus agnoscit doctissimum *Jo. Frickium*, Theologum Ulmensem, qui amplis ubiq; digressionibus inspersis, eruditionem suam, orbî literario ex aliis meritis dudum cognitam, novo specimine, eoque exasciato valde, comprobavit, Jo. Baptistæ Dionysii commentariis anecdotis inter reliqua adjutus. Et primo quidem loco exhibetur in præsentî scripto *ipsa Bulla Clementis XI integra*, ad exemplum Parisiense Muguetianum, Gallico & Latino sermone recusa, & locis e *Quesnellii* Testamento sedulo allegatis locupletata. Prodiit exemplum istud Parisiense Muguetianum cum publica Cleri Gallicani autoritate. Sed cum in hoc exemplo omiſsa passim sint in Propositionibus *Quesnellii* quædam, quæ ad pleniorẽ sententiæ *Quesnellii* sensum cognoscendum faciunt: idcirco Cl. *Frickius* tum ex editione N. T. *Quesnellii* Parisina, tum ex alia Latino-Gallica, Romæ, ut titulus habet, impressa plura subinde, sub diverso tamen charactere adjecit, quæ ad sensus perfectionem facere videbantur. Subjecit quoque idem singulis propositionibus tum Scripturæ S. tum veteris Ecclesiæ testimonia quædam, ut pateret inde, quanta vis veritati & Ecclesiæ veteris orthodoxiæ illata per bullam illam Clementis, & quam injuria eadem sit in ipsam infallibilitatem Pontificiam. Post enarrationem Bullæ ipsius *duæ* sequuntur *Dissertationes Frickii* doctissimæ, quarum prior, historica, causas Bullæ Clementinæ uberius exponit, & arcana simul non pauca reteggit, non omnibus nota. Posterior autem, dogmatica magis, de ipsis fidei dogmatibus, in bulla Clementis damnatis, tractationem pleniorẽ instituit, & speciatim doctrinam de gratia & libero arbitrio examinat, ac simul Instructionem Pastoralem XL Præsulum Parisiensium passim breviter excutit.

Differ-

Differtatio prior historica IV Capibus absolvitur. Et in primo quidem Capite parallelismum instituit Autor inter iudicium Zosimi Papæ in causa Pelagiana præcipitatum & Bullam Clementis XI Papæ in causa Quesnelliana editam. Nimirum etsi Celestius & Pelagius ob evectas elatus liberi arbitrii vires, peccatum originis negatum, & gratiæ, salubriter nos moventis, necessitatem rejectam, gravissimæ hæreseos ab Episcopis Africanis postulati, & tum a duabus Synodis, Carthaginensi & Milevitana, tum ab Innocentio I Episcopo Rom. damnati fuerant: Zosimustamen, Innocentii successor, utrumque reum, tum Celestium, tum Pelagium, cæco impetu Catholicum pronuntiabat, quod ille scilicet adulatoria submissione Romæ coram, hic autem per epistolam fidem orthodoxam mentitus fuisset. Sicuti proinde præcipitis illius sententiæ, pro Pelagio & Celestiolatæ, exemplo Zosimus luculenter ostendit, quam facile, quamque turpiter falli possit ipse Pontifex: ita idem Clementem XI Papam hodiernum in causa Noallii Cardinalis & P. Quesnellii, a se damnatorum, novo exemplo comprobasse, Noster ex collatione causarum & motuum demonstrat. Etenim Ecclesiæ Africanæ, in retinendis & vindicandis, quibus tum gaudebat, privilegiis admodum tenaci, Ecclesia hodierna Gallicana satis respondet; nisi quod Episcopi quidam Gallicani paulo inconstantiores esse occipiant Episcopis Africanis. Celestium & Pelagium, vulpina vafritie indutos, Societas Jesuitarum, quæ nunc in Galliis est, refert. Eros & Lazarus, præcipui Pelagianæ hæreseos accusatores, in Noallio Cardinale & Episcopis ipsi additis reviviscunt; qui tamen in Quesnellio & Gerberonio puniuntur & temeritatis postulantur. Sed in eo saltem Episcopi Gallicani ab Africanis discedunt, quod hi latam semel in Synodo Provinciali, Carthagine congregata, contra Celestium & Pelagium sententiam summa cum concordia tutati fuerint, nihil Zosimo, Papæ, cedentes; illi autem, quoad partem majorem, seu Regi, seu Societati Jesuitarum devoti, Synodum omnem aspernentur. Altero capite de libertate Ecclesiæ Gallicanæ, olim valida, nunc autem pene extincta Autor tractat. Describitur heic sub initium Privilegiorum Ecclesiæ Gallicanæ facies

antiqua, quæ hæc erat, ut si gravis forte de fide quæstio in Gallia mota aut hæresis coorta fuisset, intra Episcoporum potestatem ac Synodorum Nationis aut Provinciarum sententiam inquisitio omnis, seculis bene multis, subsisteret. Probat hoc Autor exemplis variis, a Gerbasio jam in tractatu de causis majoribus collectis, & simul tum ex Epistolis Caroli Calvi Imp. ad viros Pontifices, Hadrianum II & Joannem VIII, scriptis, tum ex Rescripto Synodi Duriacensis & Gerberti pro Synodo Rheimeni apologia demonstrat, quod si tum temporis cognitio causæ prima a Synodo Episcoporum Provinciali facta, & sententia semel dicta ab omnibus approbata fuerit, tum nihil efficere potuerit intempestiva Pontificis interpellatio. Dehinc ad tempora Regum Galliarum ex stirpe Capeti Noster progressus ostendit, quod, utut in causis fidei Ludovici IX & Caroli VII sanctionibus pragmaticis Paparum ambitioni obex positus fuerit, iisdem tamen impediri nullatenus potuerit, quo minus Ecclesiæ Gallicanæ libertas variis Pontificum artibus quotannis lubrueretur & minueretur. Adjuvabat has artes ipsa Regum Galliarum inconstantia circa celebrem illam sanctionem pragmaticam, quæ A. 1434 Avarici Biturigum confecta, a Ludovico XI abrogata, a Ludovico XII restituta, sed sub Francisco I Rege Galliarum, per Concordata cum Leone X A. 1515 Bononiæ inita, penitus demum extincta fuit. In his Concordatis factum tectumque quidem servatur Regibus Galliarum jus Regalium in nominandis Episcopis; sed in reliquis Ecclesiæ Gallicanæ libertates jus Pontifici omne pene in solidum vindicatur. Et cum aulæ Romanæ parassiti, maxime vero Jesuitæ, Episcopali eminentiæ atque potestati nunquam non iactanti sint, eo quod superiorem ferre nequeant: inde factum esse Noster conjicit, ut vi istorum Concordatorum genus judiciorum Episcopaliū omne in causis majoribus abrogatum, & contra Pontificis nutui & dominatui subiecta cuncta Jesuitæ omni semper nisu cupiant. Demonstrat id Noster prolixius ex motibus circa promulgationem & receptionem Concilii Tridentini in Gallia subortis, quam utut Episcoporum pars sat magna, a Jesuitis in partes pertracta, sæpius suaverit, tamen Curia Parisiensis, cujus magnum omni tempore fuit pro tuendis Eccle-

Ecclesiæ Gallicanæ libertatibus studium, semper adhuc impedit. Paulo post Perronii Cardinalis notatur levitas, cui, cum jura imperantium, oratione solenni in comitiis A. 1615 Parisiis habita, legibus Rom. Pontificis subiecisset, Edmundus Richerius animose satis se opposuit, edito de Ecclesiastica & Politica potestate libello; unde & Richerii & Richeristarum nomen hodie adhuc velut hæreticum traduci solet a Jesuitis. Delatus inde ad Richelii, Mazarini & Marcz tempora, trium viros hosce sermone quidem scriptisve libertatum Ecclesiæ Gallicanæ assertores, re ipsa tamen jurium Episcopaliū conculcatores, valde insignes fuisse, Noster ostendit. Egerunt ab eo tempore varios Jesuitæ de libertatibus Ecclesiæ Gallicanæ triumphos; id quod ex historia Jansenismi recentiori & ex instituta in Hugonotas persecutione, vires improbas denuo fumente, fufius Noster deducit. Sed cum ad suppressendam Episcoporum in Gallia potestatem hoc maxime a Jesuitis recentiori ætate excogitatum fuerit dogma: Pontificem non solum in quæstionibus fidei, sed & in quæstionibus facti esse infallibilem; postremo loco Camera-censium Archiepiscopo nuper demortuo, Fenelonio, sed tum, cum hæc scriberet, adhuc in vivis existenti, Noster indignatur, quod ex mollitie quadam inexcusabili, & ut aulæ saltim Parisiæ, per Telemachum suum offensæ, gratiam rursus, ope sodalium Societatis Jesu, aucuparet, Papæ omniscientiam infallibilem, *in rebus facti doctrinalibus*, quibus vero *facta historica* contradixit, partim in Epistolis suis Pastoralibus, partim in aliis descriptionibus bene multis defendere ausus fuerit. Capite subsequente tertio causas odii Papalis & Jesuitici in P. Quesnellium & Noallium Cardinalem paulo distinctius Noster exponit. Priusquam tamen has ipsas causas enarret, Cardinales Gallicos cum aliis viris doctis & probis sinisteriora quandoque fata expertos esse, ex Rezii & Bullionii Cardinalium, nec non ex Baluzii, viri perdocti, exemplis novissimis sub initium comprobat. Tum ad ipsas causas odii in Quesnellium Papalis & Jesuitici enarrandas se accingit, quarum primam ex Notis Quesnellii in Leonis M. Episcopi Romani opera, A. 1676 ab eo edita, arcessit, utpote in quibus Quesnellius inter alia Hilarii Arelatensis

viderent ad bullam in causa de auxiliis gratiæ edendam, magnâ cum ferocia Papæ ea de re per Claud. Aquavivam, Generalem societatis suæ, in os sunt oblocuti. Sic etiam Alexandri VII Decretum, Apologiæ Casuistarum Jesuiticæ A. 1659 oppositum, velut diabolica machinatione impetratum, & Innocentii XI bullam, quæ LXV Jesuitarum theses morales A. 1679 condemnavit, velut Janfenismi & Quietismi suspectam, Jesuitæ itidem ipsimet traduxerunt. Idem bullæ Innocentii X famosæ, contra V propositiones Janfenii editæ, accidit, cujus rei historiam ex Guilielmi de S. Amore Diario pluribus refert. Imo ipsius Clementis XI Papæ hodierni Constitutionibus Papalibus contra cultum Sinenfium promulgatis Jesuitas fortiter se opposuisse, ex scriptis Jesuitarum Gallorum, in causa Turnonii Cardinalis emissis, constat. His enarratis ad Acta in conventu Cleri Gallicani circa bullam Clementis Anti-Quesnellianam Noster se convertit, ut & ad Instructionem Pastoralem XL Præsulum & ad Epistolam Conventus Parisiensis Circularem; ex quibus documentis omnibus, passim excerptis, varias & vaserrimas Cleri Pontificii, in obtrudendis bullis Papalibus, artes detegit. Addit quoque Epistolam Pastoralem Cardinalis Noalkii integram; sed eandem variis ex capitibus in notaminibus subjunctis castigat. Et hæc omnia in Dissertatione priori Noster excutit.

In Dissertatione *posteriori* de ipsis capitibus fidei, in Bulla Clementina labefactatis, Frickius tractat, ita quidem, ut capite ejus primo, velut proœmiali, vilipendium antiquitatis in Ecclesia Romana ob oculos ponat. Requirebatur olim in aditu summi Pontificatus professio fidei solennis, a qua vero, dudum spreta & extra usum posita, Pontifices hodiernos prorsus abire, ex causam Janfenianam, tum Quesnellianam, Autor laudatissimus distincte demonstrat. Capite secundo dogma de gratia & libero arbitrio, per bullam Clementinam fœde impugnatum, Noster excutit, simulque bullam Pelagianismi prolixius accusat; id quod etiam Celeb. Buddens in Dissertatione peculiari, Jenæ haut ita pridem habita, egit. Subjicit deinceps Autor articulos V, a Janfenistis, qui se Augustini discipulos nominant, A. 1663 ad pacem cum Jesuitis ineundam propositos, & ab eodem Alexandro ap-
pro-

probatos, qui vero bullam Clementis XI prorsus evertunt. Quibus articulis cum nihil difforme in meditationibus suis ad N. T. de gratia efficaci se attulisse Quesnellius dudum in apologia sua testatus fuerit: inde causam Quesnellii contra bullam Clementis fortius agit, & simul Ecclesiæ nostræ Evangelicæ de gratia efficaci doctrinam, dilucide exponit, & ex vero defendit. Capite tertio propositiones in bulla Clementis damnatas, quæ de fide, charitate & pœnitentia agunt, examinat, & simul tum in his, tum in aliis propositionibus damnatis doctrinam verbi divini puriorem rejectam & proscriptam, perinde ac id etiam in Instructione Pastoralis XL Præfulum factum, strictim graviterque ostendit.

C. A. H. EMENDATIO LIBRI TERTULLIANEI
de præscriptionibus adversus hæreticos.

Inter Tertulliani libros omni tempore maximi fuit habitus, quem *de præscriptionibus inscripsit adversus hæreticos*. Omnium aut maximum ei statuunt pretium Romani Pontificis cultores, telum sibi a Tertulliano subministratum rati, quo prosternei sine mora possint hæretici ad unum omnes. *Hunc librum*, universæ suæ sectæ nomine inquit Bartholomæus Germonius *lib. I de veteribus hæreticis Ecclesiasticorum codicum corruptoribus P. I cap. 5 p. 59. tanquam firmissimum adversus hæreses omnes clypeum Catholici doctores suspiciunt*. Hoc consilio Josephus Maria Thomasius in primo tomo *Institutionum Theologicarum Patrum*, Romæ A. 1709 edi cæptarum, principe loco exhibendum statuit. hunc libellum, uti, cum totum modo memoratum hîc in Aclis producebamus, A 1710 p. 337 monendum duximus. Nec dubitamus, doctissimos Viros, qui uno tempore in Italia & Gallia novam Tertulliani Operum editionem parant, omnia facturos, ut in primis hic ingenii Tertullianei fetus integer ac nitidus prodeat in publicum, nulla scdatur labe, nulla obsecrus sermonis nebula. Ceterum cum laudatis modo Viris gratissimum fore videatur, si alienis curis subinde sublevetur ipsorum labor, eorum, quæ dudum ad istum Tertulliani libellum annotavi, aliquam partem in lucem producere statui. Di-

versis autem generis annotationibus liber iste egere mihi videtur, Criticis sive Therapevticis, Exegeticis (ob salebras sermonis,) Theologico-philosophicis sive Criticis realibus, ac denique Historicis. Therapevticæ seu Criticæ annotationes sunt per se ceteris minus nobiles, magis vero necessariæ. Maxima quippe dos cuiuscunque libri est integritas: adeoque ante omnia mendæ sunt eluendæ, si de edendo aliquo autore cogitas. Ceterum quo quis obscuriore dicendi genere utitur, eo facilius corruptelis est aditus. Hinc mirum videri non debet, librum, de quo loquimur, multis modis esse a librariis pessime habitum ignorantia styli Tertulliani. Quibus codices MStos consulere & invicem comparare licet, haud dubie illorum ope multum caliginis nostro libello abstergere poterunt. Sed tamen magna vi judicandi opus est, ne sola antiquitas lectionis pro norma sit, sed regulæ artis therapevticæ, quas alio loco exposuimus. Cum itaque plus tribuendum sit τῇ διωξίμῃ κριτικῇ, quam vetustis membranis, nos, horum ne uno quidem gaudentes tamen confidimus, multa loca a nobis sanitati suæ restitutum iri, qui editionem Jacobi Pamelii & Jo. Ludovici de la Cerda, & supra jam memoratam Romanam Thomassii, ex qua textum hic exhibemus, præ oculis habemus. Erit, scio, ubi futuri hujus libelli editores, quibus codices manu exarati suppeditant, meam emendationem vel firmare vel corrigere possint. Legite igitur, *futuri Editores*, quæ jam proferam, ac sano utimini iudicio.

Capitis primi altera pars pessime est a librariis habita. Thomassiana editio eam hunc repræsentat in modum: Vane ergo & inconsiderate plerique hoc ipso scandalizantur, quod tantum hæreses valeant. Quantum si non fuissent! Cum quid sortitum est, ut omnimodo (id est, omnino. Sic rursus infra cap. IX) sit, causam accipit, ob quam sit. Hac vim consequitur, per quam sit, ne esse non possit. Misere corruptum locum! Sed inulto corruptior exstat in editione Pamelii, iteinque in editione Cerdani. Utrobique enim hæc legimus: Vane ergo & inconsiderate plerique hoc ipso scandalizantur, quod tantum hæreses valeant, quantum sunt, cum quid sortitum est, ut omni modo sit, sicut causam accipit, ob quam sit, sic vim consequitur, per quam sit, ne esse non

possit.

possit. Quæso, quid sibi vult illud: *quantum sunt*, vel, uti vulgo legitur, *quantum sint*? Nec tamen ineptæ huic lectioni patroni defunt. Pamelius enim, Justus Calvinus, & Cerdanus par illud verborum feliciter interpretantur, si Musis placet. Rhenanus & codex Vaticanus habent: *quantum si non fuissent.* Pro quo Gelenius & Barreus ex ingenio rescribunt: *quantum non valerent, si non fuissent*; Latinius: *quantum si non sint.* Ego vero contendo, glossema hunc in locum irrepsisse, adeoque ejici oportere. Verba glossematis hæc sunt: *quantum si non fuissent.* Nimirum cum præcedant hæc verba; *plerique hoc ipso scandalizantur, quod tantum hæreses valeant*; ineptus quispiam lector judicans, *tantum* sequi oportere *quantum*, ista verba adjicere ausus est, quæ tamen ipsa corrupta videntur. Primitus namque sic scriptum fuisse credo: *quantum non*, scilicet valerent vel valituræ essent, *si non fuissent.* Ceterum hæc, quæ dixi, verba delenda esse, confirmat caput subsequens, ubi eodem modo Tertullianus scribit: *Ceterum nihil (hæreses) valebunt, si illas TANTUM valere non mirentur.* Ac paulo post: *ideo mirantur, quasi, quod TANTUM valeant, ex aliqua veniat veritate.* Proxime in *cap. 1* sequentia restituo sic, clausa post *valeant* periodo: *Cum quid sortitum (a) est, ut omnimodo sit, causam accipit, ob quam sit, id est, existat. Hac (subaudi, causa) vim consequitur, (nempe illud, quod existere oportet,) per quam sit, ne esse (id est, existere) non possit, hoc est, ut non possit non existere.*

Cap. II legendum sic est: *Mirum scilicet, (ironice loquitur,) ut (b) malum vires suas habeat! Mirum, (scilicet est. Vulgo perperam legitur nisi.) quod hæreses apud eos multum valeant, qui in fide non valent!*

Cap. V initio apparet, male legi *adjungat.* Aut *adjungit* scribendum, aut *adjugat.* Prius exhibent Pamelius & Cerdanus.

P p 3

nus.

(a) Observa, hoc verbum hic usurpari passive. Aliis quoque verbis, quæ deponentia vocantur Grammaticis, sic abutitur Noster, ut *fungi* cap. 29; *contestari* cap. 20; *interpretari* cap. 40; *operari* cap. 29.

(b) Id est, quomodo. Sic rursus cap. III: *Mirum, ut probatus aliquis retro postea excidat.*

nus. Mihi præplacet posterius. Hoc enim verbo Lactantius etiam utitur. Ac solet Tertullianus rarioribus vocabulis uti libentius.

Cap. VI statim in limine offendunt lectores. Quare pro: *Nec diutius de isto*, legendum: *Nec diutius disputo*. Nimirum Tertullianus capite proximo ex dicto Pauli *1 Corinth. XI, 18, 19* argumentando & consequentiam neclendo probarat, hæreses esse malas. Jam subjungit alium Pauli locum, quo diserte in carnalium operum censum referuntur hæreses. Qui locus cum omni sit exceptione major, Tertullianus: *Nec diutius disputo*, inquit, *si idem est Paulus, qui & alibi hæreses inter carnalia crimina numerat*.

Cap. VII de Philosophia legitur, quod sit *materia sapientie secularis*. Rescribo *mater*. Statim enim additur, eandem (Philosophiam) esse *temerariam interpretem divine nature & dispositionis*. Philosophiam autem Tertullianus vocat *matrem sapientie secularis* eadem analogia, quæ ceteri Patres Ecclesiam appellitant *matrem*, quorum loca magno numero indicat Gotfridus Arnoldus in *Historia nominis fraterni cap. VII*.

Eodem capite, ubi Philosophorum sententiæ, ex quibus hæreses ortæ, enarrantur, perperam legitur *intervenit pro invenit*. *Ubi*, inquit, *materia cum Deo æquatur, Zenonis disciplina est: & ubi aliquid de igneo Deo allegatur, Heraclitus invenit*.

Cap. VIII ita vulgatum est: *Quando hanc vocem Dominus emisit, recordemur. Puto in primitiis ipsis doctrine sue, cum adhuc dubitaretur apud omnes, an Christus esset: & cum adhuc nec Petrus illum Dei filium pronuntiasset: cum etiam Ioannes de isto certus esse desisset. Merito ergo tunc dictum est: Quærite, &c. Pro desisset repono quæsisset*. Hoc enim exigit & sensus auctoris, ad historiam *Matth. XI, 2, 3* respicientis & consuetudo ejusdem utendi hoc verbo. Lege vel solum *caput X*, ubi decies vox *quærendi* repetita exstat.

Eodem Capite mendosissima hæc lectio habetur: *Nationes (id est, ethnici) vero nunquam (fuerunt) penes Deum, nisi stillicidium de situla, & pulvis ex area, & foris semper. Itaque qui foris semper, quomodo pulsabit eo, ubi nunquam fuit? quam janu-*

am

an novit, in quam nec receptus nec ejectus aliquando? an, qui scit, se intus fuisse & foras actum, is potius pulsavit, & ostium novit? Me iudice ita scripserat Tertullianus: Nationes vero nunquam penes Deum, (nisi stillicidium de situla & pulvis ex area,) sed foris semper. Itaque qui foris semper, quomodo pulsabit eo, ubi nunquam fuit? quomodo januam novit, in quam nec receptus nec ejectus aliquando? Annon, qui scit, se intus fuisse & foras actum, is potius pulsabit ad ostium, quod novit? Hujus correctionis rationes jam reddidi in *Parergis Criticis* p. 55 sq. quo Lectorem ablegatum volo. Unum hic addo. Cum puriori sermone dicamus *pulsare ostium*, & *pulsare januam*, quorum illud Horatius habet loco jam a me indicato, hoc Ovidius *Tristium* III, 2, 23; minus casta illa formula *pulsare ad ostium* utitur etiam Augustinus lib. XIII Confess. cap. 38, totum illud opus hisce finiens verbis: *A te (o DEUS!) petatur, in te queratur, AD TE PULSETUR. Sic accipietur, sic invenietur, sic aperietur. Amen.*

Rursus eodem Capite legitur: *Et hoc erga illos (Apostolos) facit. Quod si nationibus (hoc est, ethnicis) destinati doctores Apostoli, ipsi quoque doctorem consecuturi erant Paracletum, multo magis vacabat erga nos: Querite, & invenietis. Quid vacabat hic sibi velit, ex scopo orationis apparet. Scilicet vacabat erga nos significat non pertinebat ad nos. Emendo jam hunc locum ita: Et hoc erga illos si vacat, qui nationibus - multo magis vacabit erga nos, &c.*

Capitis X extrema valde corrupta sunt. En verba, prout in editione Thomasiana exhibentur: *Ergo itaque nusquam, dum ubique convenior: Querite, & invenietis: & velut si nusquam, & quasi qui nunquam apprehenderim illud, quod Christus instituit, quod queri oportet, quod credi necesse est.* Delenda primum sunt illa verba: *& velut si nusquam, &.* Est enim varia lectio verborum, quæ in margine annotata ipsius orationis corpori adhæsit. Quippe in aliquo exemplari pro: *quasi qui nunquam*, exstabat: *veluti si nusquam*: quæ verba postea adhuc magis corrupta sunt, & ita repræsentantur in editionibus

nibus (c) Pamelii ac Cerdani. Deinde omiffa est vocula negativa. Legendum enim sic est: *quasi qui nunquam apprehenderim illud, quod Christus instituit, quod quæri NON oportet, quod credi necesse est.* In hoc ipso enim capite prædixerat, *quærendam esse veritatem Christi, sed, ubi inventa fuerit, tum non esse amplius quærendum, sed credendum.* Ad hoc, inquit, *quæris, ut invenias, & ad hoc invenis, ut credas. Omnem prolationem quærendi & inveniendi credendo fixisti. Hunc tibi modum statuit fructus ipse quærendi. Hanc tibi fossam determinavit ipse, qui te non vult aliud credere, quam quod instituit, ideoque NEC QUÆRERE.*

Cap. XV ita rescribo: *Si hæ sunt illæ vires eorum, (hæreticorum,) quod (hæc subaudi ex antecedentibus,) scilicet ad scripturas provocando nonnullos seducunt, dispici debet, cui competat possessio Scripturarum, &c.* Videmus hinc, verba illa: *uti eas habere possint,* omnino delenda esse pro glossemate satis inepto.

Cap. XXIII sic legendum esse, series sermonis suadet ac persuadet: *Neque enim, si ipse se Apostolum de persecutore profitetur, sufficit nil absque examine credenti, quando nec Dominus ipse de se testimonium dixerit.* Respicit Autor orationem Christi Joan. V, 31: *Si testimonium perhibeo de memet ipso, testimonium meum non est verum.* Pro nil absque examine credenti Thomassiana editio habet: *unicuique examinare*; Pameliana & Cerdana: *unicuique examine.* Neutrum potest locum habere.

Eodem Cap. lege: *Nec Dominum propterea magnificassent, quia adversarius ejus Paulus obvenerat.* Vulgo legitur *præterea.*

Cap. XXVIII sub finem scribas *doctrinas pro doctrina.* *Variasse,* inquit, *debuerat error doctrinas ecclesiarum.* Ceterum quod apud multos unum invenitur, non est erratum, sed traditum.

Hoc

(c) Pamelius & Cerdanus eodem modo textum Tertulliani ediderunt, hic illum secutus. Quare de utroque idem fero iudicium, quod parum critici acuminis habuerint, certe non ostenderint. Ipsorum enim editio textum exhibet inemendatissimum: ut videatur ars critica ipsis plane fuisse incognita.

Hoc mendum tam leve est, ut primum suspicarer, esse typographicum. Sed *doctrina* legitur in tribus illis, quibus jam utor, editionibus. Sufficiant hæc præsentī loco; quæ supersunt Annotationes Criticæ sive therapeuticae, eas exhibebo Suppl. T. VI. Sect. V.

JOHANNIS AB HAMM, EXERCITATIONES Philologicae sacrae de Ara interiore ejusque mysterio.

Herbornæ, sumptibus Joh. Nicol. Andreæ, 1715, 8.

Plag. 10 $\frac{1}{2}$.

Figura aræ suffitus breviter a Mose & Josepho descripta, Judæis vero, qui eandem delineant, nunquam visa, non potest non nobis hodie esse obscura atque in quibusdam partibus incerta. Novam exhibet ejus faciem juxta antiquorum documenta formatam Clar. Hammius. Materiam, ex qua ara illa constructa est, lignum Sittim & aurum ex Scriptura monstrat, rejectisque Rabbīnorum fabulis de plantatis Jacobi in Ægypto cedris, & palatiis ab Israelitis ex iisdem in deserto exstructis, asserit cum Hieronymo, illa ligna in eremo fuisse obvia. Cornua altaris prominentias cum Talmudistis appellat, ex quatuor ejus angulis prodeuntes, rejicitque curvaturas ad cornuum taurinorum vel arietinorum figuram factas. In quo recedit a S. æchi sententia, quam Myrothec. II cap. 65 proposuit, & inde probavit, partim, quod cornua taurorum & arietum veteris religionis insignia fuerint, partim, quod gentiles, qui Israelitarum morem imitati sunt in aliis, ex cornibus altaria construxerint, partim denique, quod altaria gentilium, quæ inter ruinas conspiciuntur, religionis notam in cornibus ostendant. Porro *rectum ejus* non cum vulgato aliisque de craticula; sed cum Josepho, oculato hujus rei teste, de *ἐξάρα* foculo intelligit, quem Josephus super hoc altari stetisse refert. Coronam, quæ aram hanc cingebat, recte cum cymatio Architectorum comparat, quo supremæ trabeationis partes tanquam cingulo vel fascia striata ornare solent. Aram sic ornatam ante velum Sancti Sanctorum, non in ipso Sanctissimo, quod Augustinus putavit, statu-

p. 6.

15.

20.

22.

25.

P. 33.

tuit, & Paulum, qui ad Heb. IX, 3, 4. *ὑποκαθήσθαι* post velum in Sancto Sanctorum ponit, non de ara suffitus, sed de thuribulo summi sacerdotis, ab aliis thuribulis distincto, & a sacerdote quinta vice ingrediente ex adyto reportato locutum esse affirmat. Sed remanet dubium, quare Paulus hoc thuribulum cum arca, quæ perpetuo in Sancto Sanctorum manebat, composuerit, & illud cum hac in adyto fuisse dixerit. Fortasse respexit Apostolus Lapidem in Sancto Sanctorum positum, cui summus sacerdos inposuit thuribulum, & quem Talmudistæ *אבן שתייה* *Lapidem fundamenti* appellant, de quo legimus in Joma cap. V fol. 54 b. & in Maimonide Hilchot Jom Haccippurim Cap. IV §. 1 col. 223 b. Videtur mihi, eum Lapidem jam in templo primo a Salomone fuisse positum, inter duos arcæ vectes: non enim verosimile est, thuribulum in terra fuisse collocatum. Paulus sane non secundum, sed primum templum respexit, in quo arca fuit, quæ in secundo defecit.

Pars secunda tradit personas adolentes, summum & gregarios sacerdotes, materiam, tempus modumque oblationis. Materiam oblationis explicaturus Hebræum *נטף* *gutta* modo cum Judæis de balsamo, modo cum aliis de myrrha interpretatur. *שחלת* altera suffitus species ipsi est *onyx*, *ungula*, de qua Dioscorides Lib. II c. 8. *Onyx* est Conchylîi operculum, purpuræ operculo simile, in India reperitur, in nardiferis paludibus, itaque & odores suavissimos afflat, quoniam conchylia nardo pascuntur. Colligitur, postquam æstus paludes desiccavit. Præstat subalbus & pinguis, qui e mari rubro affertur, Babylonius niger est minor, ambo sunt boni odoris, cum suffiuntur, castorei odorem aliquem referentes. Tertia species est Galbanum *חלב א חלבנה* pinguedine. Hoc Judæi in Kerithot fol. 6, 2 aromatis speciem esse contendunt, sive resinam, quæ odorem suavis inmiscetur, ad indicium malos esse inter bonos tolerandos. Sed nostro Clar. Autori non credibile videtur, DEUM inter gratissimi odoris aromata Galbanum graveolentis odoris ad suffitum sacrum adhibere voluisse. Ideo Exodi XXX, 34 *חלבנה סמים* ita vertit: & *Galbanum aromaticum seu aromaticum*, putatque adductas voces esse in regimine positas, uti

LXX & Vulgatus legerunt: nec obstaro Sakkephum, qui non semper distinguat. Sed aliis hæc accentuum & LXX Senum conciliatio durior videtur: licet enim Sakkephus non semper tantum distinguat, magis tamen semper distinguit, quam sequens Tiphcha, uti ex omnium locorum inspectione patet. Neutiquam tamen improbat Clarissimi Viri sensus, galbanum enim aromaticum intelligendum esse docent ipsa DEI verba: *Sume tibi aromata* (v. g.) *guttam, onychen & galbanum, aromata* (alia) *& thus purum*, uti Raschi interpretatus est, cum Samaritano, Chaldo ut & Syro, si unicum distinctionis punctum transponas. Cap. III part. II inquit Clar. Vir in reliqua aromata, quæ suffitui sacro a Judæis in Keritot cap. I fol. 78, 1, Maimonide in Kele Hammikdash 78, 1, Josepho B. J. L. VI c. 6 & L. VII c. 15 adduntur. Hæc a Judæis ex arbitrio & non ex præscripto DEI addita fuisse, nec stante Republ. Judaica perpetuo in usu fuisse existimat, quia supponit, in templo secundo, inprimis posterioribus temporibus, cum pleraque in cultu divino ruerent in deterius, multas ceremonias esse additas cultui divino injurias. Si vero perpendamus, Jes. XLIII, 23 & 24 & Jer. VI, 20 quædam illorum aromatum cum holocaustis conjungi, probabilis est conjectura, Prophetas non de unguento, sed suffitu sacro esse locutos, adeoque plura aromata fuisse addita; videtur, reliqua aromata in arbitrio Mosis fuisse posita, uti & pondus, quod DEUS non definivit. Cap. IV plura curiosa ex Judæorum traditionibus hausta proponuntur, quibus modus suffiendi & benedicendi illustratur, quæ ibidem, quia prolixiora, legenda sunt. Sect. II Cap. I explicat rationem, cur Levit. II, 11, 12 mel suffitui admiscere prohibitum sit, putatque hoc factum esse ob Idololatrias, qui in Dæmonum sacris melle usi sunt, teste Maimonide More Nev. Part. III c. 46, Pausania in Eliac. prior. Ezech. XVI, 17, 19, Hesychio in voce *χον*, Homero Iliad. ψ, Porphyrio de Ant. Nymph. Altera ratio, quod mel non satis aptum sit precum Symbolum, quia quotidianus ejus usus nauseam & fastidium parit: sed prior ratio prægnantior videtur. Perlustratis prolixè, quæ DEUS in ara suffitus offerre prohibuit, pergit sect. III cap. I ad expiationem ejus, qua ad munus summi

p. 69.

80.

116.

p. 213

sacerdotis spectabat. Inter alias expiationis ceremonias hircus quoque offerendus erat, quem Deus ex ea ratione præcepit, ut eo magis gentium & Ægyptiorum sacra detestaretur. Hi enim Demoniorum cultui addicti ea sub hircorum forma adorabant, teste Mainonide in More Nevochim L. III cap. 46. *Ex Zabiti quidam fuerunt, qui Demones colebant, eosque existimabant habere formam hircorum, unde & Demones בִּרְעִי בִּרְעִי hircos appellarunt.* Reliqua mittimus, & pauca de mysteriis per aram ex nostri Autoris sententia significatis adducemus. Pars tertia exhibet ea, non ex Judæorum, sed Christianorum mente: Judæi enim hic nihil fere vident velamine Mosis velati, nisi quod Abarbanel in Legem fol. 197 dicat: *eorum, quacunque in Legge occurrunt, cujuscunque sint generis, hunc esse scopum generalem, ut sint instar Libri sapientiæ superioris & doctrinæ divinæ:* Christiani autem, Apostolorum autoritate fulti, per aram auream Christum depictum esse credunt. Hebr. XIII, 10, Eph. V, 2, Apoc. VIII, 3. Hanc Allegoriam persequitur Clar. Vir, non quidem Scripturæ testimoniis, sed conjecturis nixus. Sic materia aræ, quæ partim aurea, utramque Christi naturam adumbrari contendit: conjunctio porro ligni & auri in aræ conjunctionem divinæ & humanæ naturæ in opere intercessionis Christi designat. Simili modo aræ forma quadrata, sibi quæ per orania similis, Christum notat eundem esse heri & hodie & in secula, Hebr. XIII, 8. Cornua quoque altaris Christi naturam & potentiam notant, unde salvare ad perfectum potest, qui per ipsum ad DEUM accedunt, semper vivens, ut interpellat pro nobis. Hebr. VII, 25. Tectum aræ, quod aromata & prunas ardentes recipit, promptissimam Christi denotat voluntatem & amorem erga electos, quo plenus igne Spiritus & amoris Act. II, Cantic. VIII, 6, fidelium preces tanquam thymiamata recipit. Corona & vestes divinorum & mysteriorum fuerunt Symbola. Corona enim dignitatem & præstantiam intercessionis Christi, vestes vero, quibus de loco in locum portari poterat ara, significant Christum suæ Ecclesiæ omni loco adesse. Reliqua mittimus B. L. ad ipsum fibrum remittentes, sufficit præcipua esse adducta, ex quibus libri dignitas æstinanda est. Hoc tantum addimus, applicatio-

res ejusmodi, quæ sine Scripturæ testimonio fiunt, tam certas non esse, quam reliquas in ipsa Scriptura indigitatas. Conjecturæ sunt, quæ si sponte fluant, tolerandæ, sin minus, deserendæ erunt.

CASPARIS PEZOLDI, POLIATRI VRATIS-
laviensis, Observationes Medico - Chirurgicæ
selectiores.

Vratislaviz, apud Mich. Hubertum, 1715, 8.

Plag. 13.

CUM Ars Medica vel Hippocratis effato longa sit, nil magis congruum est, & adæquatum, quam si præcipua, imo ex Baglivi sententia, omnia, etiam minima & vilia visa symptomata accurate describantur; hinc aliorum clarissimi nominis Medicorum exemplis monitus Autor, non sine fructu futurum credidit, si aliquot observationes Medico-Chirurgicas cum Medica Republica communicaret, qualium enormem copiam ei ægri suppeditarunt, apud R.R.F.F. Misericordiz decumbentes, e quibus tamen selectiores numero XCIV nunc exhibet. Speciminis loco pauca excerpemus. In Obs. IX arthritidis vagæ mentio fit in viro habitus crassi & pinguis, in qua post 14 dierum vagas horripilationes æstus incanduit, cum vaga horripilatione tamen interflinctus, & dolores ubivis vagi duodecima quaque hora ingravescentes, & non tantum artus, lumbos, pleuram, & plantas pedum, sed & oculos, qui spasmo vago alternatim torquebantur, lobos aurium, nasi apicem, dentes, cum sensu frigoris in vertice, mentum, imo extrema unguium lancinarunt. In Obs. XV commemoratur Sphacelus αἰροειδής naturæ curatus in puero 12 annorum, qui febre petechiali correptus post 8 dierum delirium & aliquot septimanarum aphoniam maculam latam nigram in gena dextra haud procul a naso resflorescentem recepit, sphaceli indicium; separata tamen est sponte dextra medietas nasi, maxillaque dextra superior una cum omni cute carneque ossa illa contegente, imo caro quoque nova citra ministerium artis hiatus illum enormem replevit. Humores actu frigidos aliquando excerni, plures observarunt Antores, Nosser vero, prout in

Obf. XXXVI testatur, in curam suscepit ancillam, quæ post varios fœtores susceptos, rapasque & olera in copia frequentius assumpta, in cardiognum pertinacem & sapore oris tetro cepas æmulante, atque cæliaca comitatum inciderat, hausto vero emetico quater copiose suburram frigidam evacuavit. In Obf. LXII claviculam finistram cariosam Chirurgi ope exemptam commemorat, absque brachii motu impedito. In Obf. LXXXIV in ulceribus pedum cariosis succi cochleariz usum tam internum quam externum admodum deprædicat. Et in Obf. XCI otalgiam cum auditus difficultate potissimum scarificatione in vertice sublatam dicit.

FREDERICI RUYSCHII, ANATOM. ET BOTANICES Professoris, nec non Academiae Cæsareæ Curioforum Collegæ, Thesaurus magnus & regius, qui est X Thesaurorum Anatomic.

Amstelædami, apud Joh. Wolters, 1715, 4.

Plag. 13 Fig. Tab. 3.

Præfat.

SI Bartholomæus Eustachius, ejus Tabulæ Anatomicæ proximo a nobis sistentur Mense, ob indefessum studium, quod in cadaveribus humanis tantum non infinitis discendis olim consumsit, accuratissimus etiamnum audit Anatomicus, multo magis Autor noster propter insigne artificium, quo minima mire replere novit vascula, horumque reptatum oculis luculenter exponere, Princeps Anatomicorum nostri ævi meretur salutari. Quam innumera enim tali arte præparaverit, præparataque possideat, cum Epistolæ & Thesauri Anatomici ab ipso adhuc divulgati, tum præsens, qui X inscribitur, palam testantur. Ut alii tamen eorum insuper compotes fiant, pulcherrima omnium inventorum suorum specimina in unum digessit corpus, quod Musæi Ruyischiani Anatomici titulo inscriptum venale nunc offert cum Catalogo scripto, in quo præter cadavericulum humanum singula organa a vertice in calcem usque contenta designantur, non alios ad Thesaurum istum in ædibus suis spectandum admissurus, quam de quorum facultate ac voluntate eum emendi satis constaret, emtori autem secretam quoque præparationem

tionem variorum liquorum, in quibus diversæ partes conservandæ venirent, sub fide silentii, ut alia, revelaturus. Partes inter ipsas in Thesauro præsentī X asservatas omnium primum occurrunt pili, nunc in atheromate omenti ejusdam mulieris hydropicæ in fasciculum sesquidigiti longitudine collecti ac microscopio plani visi, nunc ex Rosmari labio superiore decerpti & radices non minus cavae, ac plumæ avium, exhibentes. Hinc, ubi per corpus reticulare nulla vasa sanguinea dispergi ex eo patuit, quod hæc repleta cutem quidem, neutiquam vero corpus reticulare summa perfundant rubedine, in epidermidis lepra affectæ superficie interna reliquæ papillarum cutanearum longe evidentius, quam in sanæ, ostenduntur. Atheromatis porro, inter musculos colli bovis reperti, peculiaris innuitur substantia, ab Autore nunquam in alio atheromate visa, flava videlicet, molliuscula & nitens instar pinguedinis carnis bovinæ recentioris & adhuc calidæ, cum pilis densissimis, radices in dictam substantiam figentibus, non autem fasciculatim & confuse, prout alias in atheromate, locatis; pilos autem nostri corporis efflorescentias haberi papillarum nervosarum eo minus dubitatur, quo magis dolorifica illorum evulsio esse solet. Circa linguæ humanæ apicem postquam Noster Epitheliam separavit, nullum corpus reticulare, sicuti in lingua bovina, potuit detegere, in palpebrarum facie interna innumeras papillas nerveas perpendens ab iisque palpebrarum inflammatarum sensibilitatem exquisitam deducens. Vasis dentium probe prius repletis per substantiam dentium molarium ferra divisarum nervi & vasa sanguifera pariter, ac per alia ossa, observantur dispersa. Einbryo humanus magnitudine pollicis ita repræsentatur, ut distincte appareat, quomodo artus successu temporis e corpore debeant emergere. Lobulorum vero pulmonis humani divisio & forma monstratur diversa a forma lobulorum pulmonis vitulini; integumentum e diverso, quo placenta uterinæ facies uterum respiciens obducitur, quodque in Thesauro V succosum sive villosum dictum fuit, nil nisi productio censetur Chorii, utramque placenta uterinæ superficiem cingentis, nullasque vasorum sanguineorum uterinorum cum placenta vasis anatomoses admittentis.

p. 1.

4.

5.

6.

11.

12.

14.

15.

21.

25.

- P. 25. 63. tentis. Glandulæ mesenterii, cum a vasorum repletionem summam præ se ferant rubedinem, pro eorundem vasorum sursum & deorsum decurrentium æque venditantur compositione, ac substantiæ earum mollieties, quam Veteres pro parenchymate habuerunt, ab extremitatibus vasorum sanguineorum succosis derivatur. Renibus succenturiatis in corpore humano rarissime, si unquam, certam esse figuram consideratione non minus dignum reputatur, ac in renibus ipsis arteriarum & venarum extremitatibus summam intercedere differentiam tam inter se, quam ab extremitatibus dictorum vasorum in aliis visceribus.
35. Quoniam penis eodem erigitur flatu, qui per tubulum inter cutem & membranam cellulosa, quæ Dartos vulgo audit, introductum inflat scrotum, ejusdem membri virilis erectio, quæ in cadaveribus militum tempore æstivo in prælio interfectorum ac super dorso decumbentium sæpius annotatur, humoribus in tunica ista cellulosa fermentescentibus adscribitur. Ab arteria cystica non solummodo vesicæ felleæ prospici, sed & maximum ramulorum numerum per hepatis substantiam distribui, qui perperam a nonnullis pro vesicæ biliaris radicibus delineentur, jucundo evincitur spectaculo. Tandem, præter alia ossa præternaturaliter constituta, os tibiæ exhibetur a carie crassius ea-que ratione deforme factum, ut extrinsecus undique exesum, intrinsecus contra maxima parte solidissimum compareat.
41. 53. 68.

*D. NICOLAI HIERONYMI GUNDLINGII,
Sacri Tribunalis, quod est in Ducatu Magdeburgico, Con-
siliarii Regii & P. P. Diatribæ ex Jure Feudali atque
publico de Feudis Vexilli, vulgo Fahn-Lehn.*

Halæ Magdeb. in Officina Rengeriana, 1715, 4.

Plag. 18.

Consultissimus Autor, qui scriptis elegantissimis jam pridem singularem nominis famam consecutus est, materiam de Feudis Vexilli ex Jure Feudali & Publico explicaturus, vestigia illorum tam in veteri Romana Republica, quam imprimis antiqua Germanorum gente invenit, ubi Tacito teste juvenes scuto frameaque ornabantur, qua occasione monet, per frameam

neam hastam intelligi, eamque vocem a monasyllabo *fram*, *frum*, *frumam*, quod apud Gothos primum significat, derivari probat, ac contra Cangium, Spelmannum, Pithæum & Lindendrogium affirmat, franeam idem ac veterem vocem *bruniam* significare, quam alii per loricam, alii per galeam explicarunt. Ostendit postea, hastam apud veteres Germanos regis vel publicæ potestatis insigne fuisse, quod etiam apud alias gentes obtinuisse ex Justinii L. XLIII c. III n. 5 & Turnebi advers. LXXII c. XII observat. Ornabantur hæ frameæ flammula, *Sahnen* dicta, quam vocem *fanon* omne linteum & operimentum significare, probat. Talia autem vexilla honoris causa præcipuis ex nobilitate, & qui de republica bene merebantur, solebant præferri hinc *san*, *sanus* Consultissimo Auctori ortum esse videtur, quod veteri Gothorum lingua dominos notat. Quum itaque ejusmodi hasta vel vexillum potestatis signum fuerit, hinc symbolo hoc Reges Francorum, & qui in eorum locum certo modo successerunt, Reges Germaniæ beneficia & majora feuda vasallis suis concessisse credit, quod nonnullis antiquorum autorum firmat testimoniis, ubi *Annalista Nazariani* inprimis verba ad a. 1000 LXXXVII notanda, de Thassilone Bavarie Duce scribentis: *Tassilo Ducatum, quem a Pipino Patre quondam acceperat, Victori filio Carolo reddidit cum baculo, regiminis ei prius attributi Symbolo, in cujus capite similitudo hominis erat, & effectus est Vassus ejus.* Addit Cl. Autor observationes dignas, quæ notentur. De Banni voce, de Vexillis, quibus in judiciis majores nostri utebantur, quorum loco hodie baculi adhibentur, unde stabli judicia *Stab-Gerichte* & exemplo Bohemiæ Regis ostendit, Reges etiam vexillo fuisse investitos, cum alias Otto Frisingensis & Guntherus in Ligurino illos solo gladio initiari testentur. Episcopos olim sceptro, hodie eodem, quo seculares, symbolo investiri notat, Marchiones quoque vexillo donari, contra Chiffetium probat, cujus rationem, quod Dux Brabantie Godofredus apud *Butkenium* in *tropais Brabantia* insidens equo cum gladio exhibeatur, ac Marchio Imperii nominetur, fallam esse ostendit, quum non omnes, qui cum gladiis in sigillis conspiciantur, gladio etiam investitos esse constet. Comites etiam

R r

&

& Barones feuda vexilli tenuisse probat, Fürsten-Lehn & Bahn-Lehn maxime differre, post Schilterum observat, varique de Baronibus, Banderetis, Banner-Herren/ semper freyen inspergit, quæ non morabimur. Equites quatenus tales feudis non vexilli, sed lorice, clypei, equorum gaudebant, quæ indicio erant, milites ad edictum loricis, equis, clypeis suctoque armorum genere præsto esse debere, quæ uberius doctissimus Gundlingius explicat. Civitates autem liberas nec proprie feudum, nec allodium vocari posse existimat, licet non neget, quod hodie quibusdam civitatibus quædam in feudum concedi soleant. Ad quæstionem: quando insignia intexi vexillis cœperint? Dn. Autor sub Heinricis, Lothario II, Conrado III & sequentibus Imperatoribus, quum expeditiones in Terram sanctam susciperentur, & ex omni fere orbe, qua Christianus est, Principes ac nobiles concurrerent, factum esse respondet, ut varias imagines, figuras atque signa seligerent, ne tot nationes, tot domini, tot milites confunderentur. A quo etiam tempore plura vexilla in investituræ actu adhibita fuisse notat, ut Celeberrimo Autori credibile videatur, regiones singulas per appicta insignia fuisse notatas, ut sic symbolo concessio, res intelligerentur plenissime traditæ. Ex reliquis multis quæstionibus atque observationibus, quibus publicum atque feudale jus præcipue illustratur, duas tantum attingere liceat, quarum altera est p. 69: cur hodie Imperii Principes non eadem solenni pompa & vexillis inaugurari soleant, ac olim factum? ad quam Dn. Autor respondet, quod, cum olim omnes, qui regalibus & banno sanguinis investiebantur, ipsimet coram Cæsare comparere tenerentur, quod exemplis probat, hodie autem propria persona comparendi necessitas Principibus non amplius incambat, & ob sumtus aliaque incommoda a consuetudine discessum sit, accedatque, quod nunc autoritas & eminens imperii character haud pati videatur, ut ipsi net genua inflectant, & tot regulis allegati, tot caeremoniis fatigati faciant, quæ illorum juribus sane eximiis certo modo contraria esse credantur, unde evenisse putat, ut solennis illa investituræ pompa hodie prætermittatur. Altera quæstio p. 79 de Vicariis Imperii agit, de quibus disceptatur: utrum quoque feudo

feuda vexillo conferant, an minus? Et licet in eo omnes consentiant, Doctores Juris publici, feuda vexilli Principum solius Imperatoris collationi in Aurea Bulla esse reservata, quod tamen ad Comitum feuda attinet, illos in partes ire notat Cl. Autor. Fundamenti loco ponit, Comitum feuda fuisse vexilli, *Sohn-Lehen*/ in cujus fidem diploma post *Petrum Becklerum* in Descript. stemmatis Rutheni & *Lunigium* adducit, in quo duo notatu digna occurrunt, primum Comites fuisse vexillis investitos, alterum fuisse etiam illos investitos a Vicariis. Rudolphus enim Palatinus, Imperii post occisum Adolphum Regem Vicarius, Heinrico seniori & Heinrico juniori Ruthenis beneficia porrexit, & quod notandum, vexilli symbolo seu Bannerio investivit, quia autem Comitatus Rutheni territorium ad vicariatum Saxoniz pertinet, inde Dn. Gundlingio concludendum esse videtur, soli Palatino Septemviro olim jus investiendi per vexillum tributum esse, quod Kœppenius in Observ. Feud. statuit & ex Speculi Suevici L. I c. 144 n. 1 confirmatur. Ad principalem autem supra adductam questionem Cl. Autor respondet; Investituram Comitum per Vexillum Vicariis Imp. non esse ademptam, quod uberius probat, non tamen negat, posse Cæsarem ex speciali mandato Vicariis jus investiendi feuda Principum concedere.

JO. BURCARDI VERPOORTEN J. V. D. ET
Advoc. Ord. Schediasma de Investitura Allodiorum ejus-
demque originibus, usu, & autoritate præ-
sente.

Coburgi, apud Maurit. Hagen, 1715, 4.

Plag. 20.

AGit in Præfatione Cl. Autor de iis, qui antea de eadem commentati sunt materia. Initio operis jure naturali per sola verba serio dicta translationem dominii fieri posse existimat, quod contra dissentientes Kulpisium, Hertcium, Hahnium defendit; populos tamen ab hac simplicitate Juris naturæ recessisse docet, qui ipsius potius rei traditionem vel solennes verborum formulas usurpare maluerunt, ut hoc modo lites tutius ef-

fugerent, quod Chananitarum Gen. XXIII, 9, 17, 18, Hebræorum porro, Græcorum & Romanorum moribus illustrat. Docta sunt, quæ de stipulationibus Romanorum in transferendo dominio necessariis assert, qua occasione multas Romani juris antiquitates erudite explicat, in quibus eruendis post Sigonium cum successu versatum esse illustrem Spanhemium tradit, quem rara eruditione & rerum gerendarum insigni peritia venerandum, non delirum Senem fuisse, cujus umbram non assequatur mirus sui admirator aliorumque procax contemtor Gronovius, pronuntiat. Ad Germanorum mores transiens, stipulationem solennem apud ipsos exulasse animadvertit. Quamvis enim in antiquis rerum translatarum tabulis apud Marculfum *stipulationis* mentio injiciatur, Romanam tamen stipulationem minus indicari, sed vel seriam promissionem, *Gelübde / Angelobung* denotari, vel formulam illam per Monachorum imperitiam fuisse adscriptam, credit, qui quum in Codice Theodosiano, in Galliis tum usu recepto, stipulationis mentionem fieri viderent, sed quid intelligatur, nescirent, rem bene se habere judicaverunt, si instrumentis infererentur promiscue. Ulterius probat Cl. Autor ex Salicis, Ripuariorum, Alemannorum, Gothorum, Longobardorum Legibus, quid circa traditionem sive allodiorum investituram sit notandum, cui rei explicandæ, variorum seculorum diplomata, Saxonici etiam (vid. *Weichbild* art. 20, 55, 60, 61) & Sævici juris provincialis, c. 308, testimonia assert, & quæ contrariæ sententiæ Autores proferunt, destruit. Differentiam investituræ allodiorum a cessione Romana ostendit, & solennes ceremonias præter illius investituræ recenset. Adjecit Cl. Autor Appendicem, qua Epistolam Celeberrimi quondam Theologi Christiani Kortholti ad suum patrem W. Verpoorten D. & Gen. Superintendentem Duc. Coburg. d. 14. Nov. 1677 scriptam exhibet, quæ de corruptis Theologorum judiciis, qui imprimis B. Spenerum damnarunt, & veram fidem scholasticorum commentis turbarunt, queritur. Proponit deinde Autor noster conjecturam de origine generosissimorum Dominorum de Tungen, quos a veteri voce *Tuncknum, Tunckinum*, quam idem, quod *Dinggraf*, qui præest judicio indi-

cto

do, gehegtes gebannetes Ding/significare videtur, originem nominis trahere Cl. Autori probatur, postquam alias nobiles gentes ab officiis, quæ olim administrarunt, suis, e. g. *Voigte, Amtmann, Marschalck, Truchseß, Schencken*, nomina sua accepisse constat. Eruditione refertum est Cl. Autoris opus, qui non mediocrem Romanarum atque Germanicarum antiquitatum notitiam his plagulis prodidit, seque elegantioris literaturæ studium cum Jurisprudencia conjunxisse ostendit.

HERMANNI ADOLPHI MEINDERS, CONSI-
liarii Regii & Gogravii Ravensbergensis, Jcti Bilefel-
densis, Dissertatio de Judiciis Centenariis & Centum-
viralibus sive Criminalibus & Civilibus Veterum Ger-
manorum, imprimis Francorum & Saxonum, vulgo
von den Cent-Gerichten der alten
Teutschen.

Lemgovix, impensis Heinrici Wilhelmi Meyeri, 1715, 4.

Alph. 2.

Consultissimus Autor, postquam generatim de origine judi-
 ciorum ex Jure Naturæ & Gentium Cap. I disputavit, ex
 Tacito de M. G. c. II probat, quod majores nostri sua judicia
 publica & criminalia æque ac Romani olim habuerint. C. II in-
 dolem judiciorum Centumviralium explicat. Tacitus iterum
 testatur: *Eliguntur & Principes, qui jura per pagos vicosque*
reddunt, Centeni singulis ex plebe Comites, consilium simul & au-
toritas adsunt. In quem locum Berneggeri, Lipsii, Cluverii, Rhe-
 nani & quorundam Jctorum explicationes adjecit; ipse vero
 putat, Centenos ex Plebe Comites fuisse populum circumstan-
 tem, ex qualibet familia, quibus centena constabat, ad assisten-
 dum Comiti & judicandum electum, ac adjunctum, qui tam in
 Civilibus, quam Criminalibus causis adhuc seculo XV & XVI
 adhibebantur. Docet postea, Germaniam in Pagos & Cen-
 tenas fuisse divisam, & Cap. III contra Kirchmeyerum, Conrin-
 gium & Reinesium disputat, qui non *Centenos* sed *certos ex plebe*
Comites apud Tacitum legendum esse censuerunt, probatque,
 Centenarum & Centenariorum judicum usum antiquissimis jam

p. 6.

II.

15.

17.

31.

- temporibus apud Germanicas gentes obtinuiffe, quod multis comprobatur Scriptorum testimoniis. Cap. IV id egit Cl. Autor, ut formam centumviralium vel criminalium judiciorum explicet. 1) Personæ illud iudicium constituentes fuerunt Comes, Vicarii Comitum, id est, *Gogravii & Frigravii*, & Scabini sive Assessores, de quorum numero Autores dissentiunt. 2) Varie observabantur formulæ & solennitates, quas Cl. Meinders explicat, qui 3) causas ad hoc Centumvirale iudicium pertinentes enumerat, quæ omnes criminales erant & severissime puniebantur. Sic lege Saxonum dispositum erat, *Qui caballum furaverit, morte moriatur*, quare illa merito a Wippone crudelissima nominatur. 4) Formam Processus ac sententiæ conceptionem & publicationem, quæ in conventu publico & adstante turba sive multitudine convicinarum vel Pagensium, quæ *der Umstand* olim vocabatur, fiebat, descripsit. 5) Loca iudicii, quæ *Placita* sive *Malld & Mallobergia* vocabantur, exponit. 6) Tempus iudiciis criminalibus olim præscriptum ex Legibus Carolinis designat, ubi L. III Capitularium cap. 83 constitutum fuit: *Quatuor tantum in mensibus, in anno, Missi nostri legationes suas exercent, id est in hyeme Januario, in verno Aprili, in æstate Julio, in autumnio Octobrio. Ceteris vero mensibus unusquisque Comitum Placitum suum habeat, & iustitias faciat. Missi autem nostri quater in mense & in quatuor locis habeant Placita sua cum illi Comitibus, quibus congruum fuerit, ut ad eum locum possint conveniri.* 7) Varias jurisdictionum mutationes & conversiones, quæ mutata Reip. Germanicæ forma acciderunt, denotat, quorsum in primis referri potest, quod illa jurisdictio Episcopis & Abbatibus concessa fuerit, quod non sine magno Imperii damno accidisse, recte Cl. Autor affirmat. Quinto Capite in specie de occultis Westphaliæ iudiciis agit: illorum formam ex Ænea Sylvio, Tritheimio, Aventino & Turckio describit: eum *Vernica* dicta fuerint? exponit: illa a Carolo Magno instituta fuisse negat, & modum in creandis scabinis, insinuandis citationibus, item abusus, ob quos illa sublata sunt, explicat. Cap. VI de moribus, formulis ac ritibus agit, quibus olim in expiando homicidio utebantur, notatque, apud Germanos Veteres homicidium capitale

non

non fuisse, quod ob vindictam privatam, Septentrionalibus gentibus Francis etiam & Saxonibus licitam, qui duello vel privato bello, quod antiquitus *feuda* postea *diffidatio* dictum est, illatas injurias ulciscabantur, factum esse notat. Vindicabatur autem, ut Cl. Auctori observatum est, tale homicidium aut per propinquos & cognatos morte & interitu intersectoris vel multa. Illum se vindicandi per duella & diffidationes modum Principes omni modo tollere & circumscribere laborarunt, quod exemplis nonnullis comprobatur: multarum vero triplicia genera & modi fuerunt. Primum genus *Freda* sive *fredus* & *fridus* dictum, sive redemptio pacis publicæ, id est, multa sive compositio pro pace publica, quæ Regi vel Civitati, quæ læsa erat, pendebatur. Secundum erat multa domino occisi hominis pendenda solita, quæ *Manbota* vocabatur. Tertium genus multæ sive pœnæ pecuniariæ *Wergildum* appellabatur & proximis interfecti hominis cognatis & consanguineis tanquam occisi pretium præstabatur, quibus de rebus ulterius Consultissimus Auctor agit. Cap. VII varia antiquarum jurisdictionum genera exponit, sigillatim de Veterum Gravionum, Comitum, & Judicum judiciaria potestate agit, & ex Carolinis LL. ostendit, fuisse eo jam tempore quosdam Episcopatus a Comitum & Missorum Regis jurisdictione immunes, suis subditis per Advocatos & Vice-Dominos jus dicentes, qui illud officium nomine & jure Regis administrarunt; sed Episcopos nullos ante Brunonem, Ottonis M. fratrem, Archi-Episcopum Coloniensem & Ducem Lotharingæ secularem potestatem & criminalem jurisdictionem jure proprio obtinuisse existimat; imo Caroli IV ætate adhuc multos Episcopos & Abbates eximia illa jura non habuisse, sed ex singulari Cæsaris privilegio accepisse, variis probat diplomatibus. Cap. VIII brevibus repetit ea, quæ adhuc scripserat Consultissimus Auctor, quibus Dissertationem de Gograviorum ac Scabinorum officio ac munere, nec non de antiquorum judicum variis differentiis addidit. Accedunt excerpta ex Codice antiquo civitatis Hervordiensis, vulgo *Schöpsen Buch* dicto, qui circa annum 1350 conscriptus esse videtur, quæ suis doctis annotationibus Cl. Meinders illustravit. Sequuntur Appendices II ad Dissertationem

p. 141.

142.

143.

159.

172.

190.

198.

201.

204.

219.

233.

249.

269.

- p.299. nem de origine, officio, ac munere Gograviorum. Prima de juribus illorum in Episcopatu Osnabrugensi & vicinis regionibus agit, ostenditque, Westphaliæ Episcopos XIII seculo seculari jurisdictionem nondum exercuisse, sed ut singulare Cæsaris privilegium haberent, siquidem ea uti voluerint, necesse fuisse. Altera Appendix quæstionem tractat: utrum nomina & officia dignitatum, ut Principum, Ducum, Comitum Centenariorum sive Assessorum Romani a Germanis & Francis, an vero Franci a Romanis acceperint? quam, postquam Beati Rhemani, Freheri, Brummeri, Hertzii, Conringii aliorumque sententias adduxit, ita decidendam esse credit, quod ejusmodi dignitates a Romanis non acceperint Germani, quas plurimas antea jam habuissent: interim Freheri opinionem speciem veritatis habere statuit, qui in æmulationem & imitationem Orientalium Imp. a Francorum Regibus Seculo IV vel V multa instituta recepta fuisse scribit.
- 316.
- 336.

*JOHANNIS JACOBI GRYNÆI, THEOLOGI
Basil. Epistolæ Familiæres LXVI ad Nobilem Virum CHRIS-
TOPH. ANDR. JULIUM J. U. D. & Consiliarium No-
ribergensem scriptæ, quas ex Tabulis Manuscriptis in lucem
edidit, & variis scholiis illustravit M. SIGISMUN-
DUS JACOBUS APINUS.*

Frankofurti & Lipsiæ, apud Wolfgang. Michahelles,
Bibl. Noriberg. 1715, 8.

Plag. 15.

PERMULTUM rei literariæ, & imprimis Historiæ Ecclesiasticæ interest, ut epistolæ a Clarissimis Theologis olim exaratae sedulo colligantur, ac temporum injuriis, quibus obnoxiae alias fuissent, subductæ, posterorum oculis exponantur. Quæ opera jam defunctus est Cl. Apinus, qui J. A. Grynæi Theologi primum apud Heidelbergenses, tum apud Basileenses ad C. A. Julium Consiliarium Noribergensem scriptas epistolas in publicum prodire jussit. Ut vero ipse in dedicatione fatetur Cl. Editor, illarum collectionem celeberr. D. Joh. Jac. Bayero, Prof. Medico in Academia Aldorfina, acceptam refert, in cujus etiam

etiam scriniis præter alia elegantioris doctrinæ monimenta plures Joachimi Camerarii ad Mich. Rhotingum epistolas nondum editas latere ait, quarum centuriam se propediem cum eruditis communicaturum pollicetur. His autem epistolis vita Grynæi ex Melchioris Adami vitis Theologorum desumpta præfixa est, ubi & quæ scripsit quondam Grynæus, ordine suo recensentur. Plurima, quæ in epistolis deprehenduntur, ingenium, mores & vitam Grynæi, præcipue autem non mediocrem, quam in scribendo usurpavit, elegantiam, mire adumbrant. Et quamvis multa ubique domestica, uti in familiari literarum commercio fieri solet, inspergit, non tamen pauca, quæ ad rei literariæ & Ecclesiasticæ, præsertim reformationis Heidelbergenfis, cognitionem faciunt, simul suppeditat. Controversiæ Eucharisticæ, quæ illo tempore magna animorum contentione agitata est, ubi meminit, magnum erga Calvinianos favorem, erga Lutheranos vero odium luculentis indiciis prodit, quibus ubiquitatem vice plus simplici exprobrat; Ep. 21 Hierophantas vocat, & Ep. 54 *ἀμαθίας* incusat. Quantum & ex Ep. 14 constat, ipse suppresso nomine de controversia Eucharistica scriptum promulgavit. Ep. 33 exemplo Erasmi, qui vivus Bibliothecam suam D. Joh. a Lasco vendidit, libros suos viro cuidam bono, uti loquitur, vendere cupit, propterea, quod cum diversi diversos ab ipso utendos acciperent, læpe fiat, ut seu oblivione, seu incuria pereant, præterea & visus imbecillitas faciat, ut multi libri ipsi non sint usui. Epist. 84 sq de disputatione, quam A. 1534 Heidelbergæ de Controversia Eucharistica cum aliis sinceræ religionis propugnatoribus habuit, aliqua edisserit, quibus sibi victoriam, opponenti vero suo D. Maibachio ignorantiam attribuit. Ep. 56 in Tragœdia Guisiana notatu dignum fuisse censet, quod eo ipso loco castri Blesensis interfectus fuerit Guisius, quo ipsa conjuratio de Persecutione Bartholonæana pridem coaluerit, diesque emortualis in diem natalem Regis Navarræ inciderit. Non autem vano animi augurio Grynæus addit: Omnium judicio sanorum Rex Franciæ est *ἀπὸ τῶν ἀνυψίων*: Guisiani subornabunt percussorem, qui gloriosum duceet Rege tanto occiso occumbere. Illud enim A. 1589 factum,

cum Henricus Rex a Clemente Monacho Dominicano perforeretur, Historiarum monumenta docent. Ceterum, si qua in his epistolis obscuriora & intellectu difficiliora occurrunt, Cl. Editor doctis, quæ ubique attulit, Scholiis ita explanavit, ut vix quicquam scrupuli legentibus relictum videatur. Unicum ut decerpamus, nempe ubi Grynæus Ep. 3, daß Cælestinus (den Basel Stab zu der alten unmundirten Augspurgischen Confession neben andern habe drucken lassen;) ex Wagenleilio memorat, ita vocari Basileensium insignia, quæ mire torserint interpretes, quia Galli *un Estui de Crosse* ein Futter über einen Bischoffs Stab/ Germani einen Fahr-Stachel/ alii ein Ding/ figura nigra, alii alio nomine appellaverint, cum tamen potius sit anchora seu hamus, quoniam, ut ex Christiano Urstisio refert Petrus de Andlo, Basileenses Piscatorum Imperii Romani officium habuerint. Ad reliqua Scholia, quibus tum Grynæum sibi in causa sua plus justo tribuentem refutat; tum & rem Historicam & Genealogicam, præcipue Noribergensium, illustrat, Lectorem ipsum ablegamus.

EXCERPTA EX LITERIS DIE III JUNII

1715 ad Collectores Actorum Eruditorum Lips. Paris missis, de corpore S. Firmini.

A Viginti circiter annis gravis orta est controversia inter Canonicos majoris Ecclesiæ Ambianensis ex una parte, & Abbatem ac Canonicos regulares sancti Acheoli juxta muros urbis Ambianensis ex altera parte, de loco ubi quiesceret corpus beati Firmini Confessoris & Episcopi Ambianensis. Tum, litis initium fuit, cum anno 1697 novum altare Deo Optimo Maximo in Ecclesia sancti Acheoli constructum est. Semotis rudibus detecta est, quæ diu latuerat, cavernula, ibique deprehenso quinque tumuli lapidei, quorum alii cineribus & ossibus humanis pleni sunt, alii omnino vacui: ex illis unus est, cui superposita tabula lapidea quosdam exhibet characteres seu literas aliquam cum nomine FIRMINI similitudinem exprimentes. Canonici regulares hanc arripuerunt occasionem voce & scriptis afferendi, corpus Sacri Antistitis apud se asservari. Per-
antiquam

antiquam suam possessionem & cultum tempore immenso reliquiis in theca sancti Præfulis nomine insignita inclusis exhibitum objecerunt Canonici Ambianenses, eorumque causam editis in lucem libris suscepit Nicolaus Delestoq Presbyter, Doctor e societate Sorbonica, Ecclesiæ Ambianensis Canonicus Theologus, Illustrissimi Ambianensium Episcopi Vicarius Generalis. Tandem ut contentio omnis sedaretur, amputareturque in posterum disputandi materies, Illustrissimus Episcopus Ambianensis Petrus Sabatier, vocatis prius Canonicis sancti Acheoli, nec non primariis urbis viris atque ordinibus, iisque, quibus adesse libuerat, in chorum insignis Ecclesiæ congregatis die 10 Januarii anni hujus 1715 præfati *Firmini* thecam, quæ ab Acheoliani omnino vacua dicebatur, reclusit. Ex ea extractæ sunt Sancti Præfulis reliquiæ, quarum partem aliam conflant ossa integra, partem aliam ossium fragmenta & cineres inclusi in sindone alba panno serico Britannico undulato lineis candidis & cœruleis distincto circumcincta: quæ quidem universa magnitudine sua referunt volumen quoddam figuræ cylindricæ, cujus longitudo est duorum circiter pedum, diameter vero pollicum quinque. Circa volumen istud hæc erat veteris scripturæ inscriptio: *Hæc sunt reliquiæ Sancti Firmini Confessoris.*

Ex eadem theca deprompta est pixis lignea, qua continetur exemplar authenticum in pergamento integro, nec ulla macula vitiatum, confectum anno 1279 die 16 Maji, quod fidem facit, dictis die & anno corpus Sancti Firmini Confessoris & Episcopi Ambianensis in hac capsula fuisse reconditum. Hujus instrumenti tenor hic est:

Universis presentes literas inspecturis Guillelmus Archi-Episcopus Rothomagensis, Philippus Ebroicensis, Reginaldus Belvacensis, Guido Lingonensis, Robertus Bathoniensis, & Guillelmus Ambianensis Dei gratia Episcopi Eternam in Domino salutem. Noveritis quod anno incarnationis Dominice millesimo ducentesimo septuagesimo nono, decimo septimo Kalendas Junii, Pontificatus Domini Nicolai Pape tertii anno secundo, Reverendissimus Pater & Dominus, Dominus Simon etiam Dei gratia tituli sancte Cécilie Presbyter Cardinalis, Apostolica sedis Legatus, Excellentissimis

mis Philippo Dei gratia Francia & Edovardo Anglia Regibus, Karolo Principe Salerni, filio Excellentissimi Regis Sicilie & nobis presentibus; nec non multis aliis Principibus Regnorum Francie & Anglie, Abbatibus, Magnatibus, & Cleri & populi multitudine copiosa, Corpus beati Firmini Confessoris atque Pontificis Ambianensis quondam in presenti theca reposuit, illa solemnitate adhibita, qua consuevit in talibus adhiberi, in cujus rei testimonium ad perpetuam rei memoriam presentes literas sigillorum nostrorum munimine duximus roborandas. Datum ut supra.

Hæc & plura legere est in instrumento ab illis, quotquot prefatas reliquias lustraverunt & recognoverunt die 10 Januarii 1715 subscripto, quod publici usus factum est.

Unde patet, non minus iuste quam pie ab Illustrissimo Episcopo Ambianensi die 12 ejusdem mensis dato in hanc rem solenni mandato edictum fuisse, ut quotannis pro more & instituto majorum dies 10 Januarii recolendæ translatarum reliquiarum beati Firmini memoriæ deinceps addiceretur. Quibus instrumentis victus religiosus Abbas sancti Acheoli Petrus Del'etoille chirographo suo, a duobus Tabellionibus Regiis die 23 Januarii anno 1715 excepto, rem totam approbavit, atque addidit, sibi multum displicuisse, quæcunque adversus Clerum Ambianensem, maxime vero Canonicorum Majoris Ecclesiæ ordinem vel dicta vel acta sunt, quibus forte læsa est, quæ iis debetur, reverentia.

LA PRATIQUE DU THEATRE PAR L'ABBE D'AUBIGNAC.

i. e.

USUS AC LEGES THEATRI, AUTORE
Abbate d'AUBIGNAC.

Tomi III.

Amstelodami, apud Io. Frid. Bernhard, 1715, 12.

Alph. 2 pl. 3.

REm politioris literaturæ amatoribus gratissimam fecit Amstelodamensis Bibliopola, quod Celeberrimi Abbatis d' Aubignac opus de Theatri legibus ac usu, hæcenus raro obvium, recudi fecit. Composuit illud quondam Autor jussu Cardinalis Richeli, elegantioris litteraturæ egregii promotoris, qui de hoc laboravit, ut dramata Gallica, quæ antehac mire degeneraverant, ad antiquorum ludorum exemplum componerentur. Interim ipse librum hunc non nisi majoris operis prodromum esse profitetur, quod lucem quidem non vidit. Quatuor ille libris absolvitur, quorum primo generalia de suo proposito exponit, & antiquorum regulas, quibus in ludis theatralibus componendis & repræsentandis utebantur, recenset, simulque ostendit, quomodo veritati fictiones debeant immisceri. Secundo libro docet, qua ratione ipsa historia, quæ in Dramate tractatur, elaborari possit, cujus prima virtus, ut veritati similis esse videatur, per intervalla nimium non interrumpatur, nec tempus nimis longum eligatur, quo res accidisse fingitur, quod secundum quorundam opinionem ultra id spatium, quod inter Solis ortum & occasum intercedit, protendi non debet; quæ pluribus explicat. Libro tertio & quarto de reliquis, quæ in Dramate consideratu digna sunt, ut de varia ejus divisione, de personis agentibus, de repræsentationibus, loquendi modis, Theatri dispositione & quæ id genus alia sunt, edisserit, quibus Examen prioris Tragædiæ Sophoclis, quæ Ajax nominatur, item Criticam Gallici Dramatis *Panthée* dicti, & dissertationem de optimo Gallicum Theatrum ordinandi modo adjecit.

Secundam hujus editionis partem constituunt doctissimi Menagii observationes in tertiam Terentii Comœdiam, *Heautontimorumenos* dictam, quibus ostendit, contra Aristotelis in libro de Poetica observationem, qua ὑπὸ μίαν περίοδον ἡλίσ Tragicos & Comicos Autores suum opus absolvere debere docet, Comœdiam illam duorum dierum spatium complecti: quandoquidem in primo & secundo actu vespere cœneque mentio fiat, & insequentis diei actum ordiatur, hoc verbo senex *Lucescit.*

Tertia Pars duas Abbatis d' Aubignac dissertationes in eandem Comœdiam exhibet, quibus in eo laborat politissimus Auctor, ut probet, spatium, quo ejusdem comœdiæ fabula peragi potuerit, non ultra decem horas complecti, nec in regulas antiquorum hoc loco impingi, quibus alias observationes lectu dignissimas adjunxit.

JO. FRIDER. WEIDLERI, MATHEM. PROF.
Publ. Extr. Exercitatio de Phosphoro Mercuriali, præcipue eo, qui in barometris lucet, & ejus rationibus, una cum Schediasmate, in quo Apollonio Pergæo promotæ doctrinæ Curvarum Gloria vindicatur.

Witembergæ, apud Viduam Gerdesianam, 1715, 4.

Plag. II $\frac{1}{2}$.

IN duo capita tractationem suam dividit Cl. Autor. Capite primo historiam phosphori Mercurialis tradit & phænomena ejus recenset: altero rationes eorum reddere conatur. Historia ex his Actis abunde nota. Nimirum A. 1675 *Picardus* forte fortunaprehendit Mercurium barometri in tenebris lucentem. Ex intervallo *Johannes Bernoulli* data opera phosphorum Mercurialem parare docuit. Modum cum non satis caperent Academici Parisienses, *Dutallius*, Medicus Parisinus, sæpius iterato cum successu experimento *Bernoullium* publice defendit in Novellis Reip. literariæ Viri doctissimi *Bernhardi*. Sinistre de invento judicavit *Hartsækerus*, cui responsum est obiter in Actis A. 1711 p. 321. Barometris lucidis reddendis insudavit quoque Cl. *Polenus* & apud Anglos industrius *Hauksbejus* phosphorum *Bernoullianum* imitatus. Rationes redditurus primum contra ingeniosissimi *Bernoulli* theoriam disputat, repetens ea, quæ olim *Morinus* contra materiam subtilem objecerat *Cartesio* & negans pelliculam ex aere Mercurio contractam motum materiæ subtilis impedire posse, quia tantum superficiem imminet, non totam Mercurii substantiam pervadit. Ipse hypothese suam his verbis enunciat: *Lucula a Mercurio in tenebris concussa diffusa*

fusa originem suam unice ducit a repercussione serierum aetherearum sive radiorum lucis, impetum directum vel saltem nifsum ad eundem, qui a violenta pressione siderum, praecipue Solis, proficiscitur, superstitem semper etiam in tenebricosis locis conservantium. Non autem explicat, cur stante hypothese sua, phosphorus Mercurialis fortius luceat in cellis subterraneis, quo lumini Solis atque stellarum aditus omnis praeccluditur, minime autem in luce diurna, Solis praesertim meridiana. Antequam ad hypothese suam accedit, lucis naturam explicare conatur, quam cum *Cartesio* globulis aethereis acceptam fert, aliqua tamen cum differentia. Neque enim corpus aethere subtilius admittit, sed interstitia omnia inter globulos aethereos, seu elementum *Cartesii* secundum, vacua imaginatur. Praeterea perinde ac *Hartshakerus* elemento suo secundo globulis aethereis absolutam duritiem & levitatem assignat, a Deo in prima creatione ipsis tributam, cujus adeo aliam rationem non reddit, praeter voluntatem Dei. Similiter iisdem motum vertiginis adscribit, per rectas, ut ait, quaquaversum lineas continuatam, itidem a nutu Numinis solo pendentem. De istiusmodi hypotheseum valore dictum est alibi in his Actis A. 1713 p. 311. Ceterum Noster hac occasione de Sole agit & illorum hypothesei applaudit, quibus maculae planetae circa Solem rotati visae sunt, ut scilicet defendere possit, Solem ex puro aethere compingi. Commemorat quoque experimentum *Hauksbeji* de globis evacuatis & rotatis Incentibus, quod praeeunte in Gallia *Polynierio* instituerat & de quo diximus in Actis A. 1709 p. 237.

Schediasma, quod dissertationi subjungitur, est programma, quo lectiones publicas significavit ad Professionem Mathematicarum nuperrime promotus. In eo *Apollonium* defendit contra *Vossium*, qui fretus autoritate *Pappi* asseruerat, ipsum a discipulis *Euclidis* multa de Conicis accepisse, & imprimis contra *Heraclium*, qui teste *Eutocio*, perhibuit, *Archimedes* primum consignasse elementa Conica, *Apollonium* vero, cum sciret, ea nondum edita esse ab Autore, involasse in ea & pro suis venditasse: quod probabile visum fuerat *Guidoni Ubaldo* aliisque.

Putat

Putat enim, *Archimede*m sublimiora & magis præclara in Geometria daturum fuisse, si *Apolloniana* scivisset.

TENTAMEN ASTRONOMICUM-PHYSICUM,
quo nova inventio de vero Planetico-Solari systemate palpabili modo demonstrando proponitur, eaque simul occasione ipsis sensibus evidentissimæ quædam demonstrationes existentie Dei & creationis ac conservationis universi exhibentur; Autore A. M.

SCHMIDT.

Lunæburgi, literis Sternianis, 1714, 4.
 Plag. 3.

Non ignotum est rerum naturalium curiosis experimentum *Mersenni*, quo globus plumbeus e tormento perpendiculariter erecto displosus in terram non iterum recidisse fertur. Id minime probabile videtur Nostro, qui sibi persuadet, ob motum vertiginis Telluris globum versus occidentem decidisse, adeoque ejus vestigia in plaga occidentali convenienti intervallo quæri debuisse. Hoc adeo experimentum commendat, ut cum multa circumspectione iteretur ad motum vertiginis Telluris comprobandum. Existentiam Dei probat primum per motum planetarum curvilineum a gravitatione in Solem pendentem, de quo dictum jam est in Actis A. 1710 p. 459. Addit deinde argumentum alterum ab elasticitate aeris petatum. Ex ea enim, cum mundus sit finitus, sequeretur momentanea universi cæli displosio, nisi ens aliquod omnipotens ac sapientissimum, hoc est, Deus id cohiberet. Ceterum Cl. Autor promittit novam gravitatis & motus theoriam, in quo ab aliis obscurius tradita clarius sit explicaturus.

LECTORI.

Prostat Supplementorum Tomi VI Sectio IV, quam proxime etiam quinta excipiet.

ACTA ERUDITORUM,

publicata Lipsiæ

Calendis Augusti Anno M DCC XV.

**TABULÆ ANATOMICÆ CLARISSIMI VIRI,
Bartholomæi Eustachii, quas e tenebris tandem vindicatas
Præfatione Notisque illustravit JO. MARIA LAN-
CISIUS, Cubicularius & Archiater
Pontificius.**

Romæ, apud Franciscum Gonzagam, 1714, fol.

Alph. 1 plag. 20 Figur. Tab. 47.

A Natomicos inter, qui seculo decimo sexto inclaruerunt, Bartholomæus Eustachius, Sancto-Severinas, Medicus & Philosophus, tanto majorem nominis meruit celebritatem, quanto majus studium, cum in brutorum, tum in hominum pene infinitorum corporibus incidendis, multos per annos Romæ collocavit, quantoque fidelius plura observata cum publico in Opusculis suis Anatomicis communicavit. Hæc siquidem, Renum structuram, officium & administrationem, Auditus organa, Examen Ossium, Capitis motum, Venam, quæ ἄρτη Græcis dicitur, aliamque, humerariæ propaginem, atque Dentes pertractantia, postquam Venetiis A. 1563 in 4 lucem primum aspexissent, tam avide ab artis anatomicæ cultoribus excepta fuerunt & distracta, ut Petrus Matthæus Pinus, Urbinas, quem vivus laborum suorum socium esse voluerat, alteram eorum editionem Venetiis pariter A. 1574 in 4 paraverit, sed partim Autoris Annotationibus ex Hippocrate, Aristotele, Epheso, Aretæo, Galeno, Vesalio, aliisque, quorum opera in scribendo adjutus fuerat, partim Tabulis nonnullis anatomicis, Renum potissimum conformationem, tria officula auditus cum aliquo mallei musculo, brachii vasa

sanguifera & dextrum cordis ventriculum dilucidantibus locupletatam. Nihilominus & hujus exemplaria quoniam dudum defecerunt, omnes, qui laudata Eustachii Opuscula rarissima, lecta tamen dignissima, frustraneo quæsierunt ausu, plurimum Clarissimo Hermanno Boerhaave debent, quod primam eorum Editionem, a Nobilissimo Hotton obtentam, Lugduni Batavorum A. 1707 elegantibus typis in 8 exscribi atque ex altera Figurarum Tabulas, in Bibliotheca Cl. Ramazzini repertas, non minus ac Lealis Scriptum de Partibus semen conficientibus in Viro, addi curaverit. At cum Eustachius non solummodo de Renum structura Cap. 16 Tabularum suarum anatomicarum, anno salutis millesimo quingentesimo quinquagesimo secundo ære incisarum, mentionem injecerit, sed & sub Opusculorum frontispicio Lectorem sex & quadraginta Tabulas æneas librumque de Dissensionibus ac Controversiis anatomicis propediem sperare jusserit, multi quidem incredibili desiderio Tabulas hasce videndi merito flagrarunt, an voti tamen sui unquam compotes futuri essent, tantum non desperarunt. Et certe jactura commendatarum Tabularum æque ac libri de Controversiis anatomicis etiamnum deploranda veniret, nisi Illustrissimus Lancisius easdem apud Rubeorum familiam adhuc latentes summa Summi Pontificis perspicacia & autoritate ex studiosissimi Pini capsis in lucem duobus abhinc annis protrahere, ac protractarum impressioni, quam hic sistimus, anno elapso Romæ absolutæ, multum insuper splendoris doctissimis suis epistolis & notis, itemque Fantoni & Morgagni literis, adjicere contendisset. Ex quibus omnibus, immortalem Eustachii gloriam decantantibus, pauca solummodo referre hic liceat, quorum præter alia primum inventorem aut saltem delineatorem Eustachium extitisse, tum Opuscula ejus anatomica, tum præsentis Tabulæ, aperte loquuntur, etiam si nonnullorum istorum inventionem alii postmodum sibi tribuere fuerint annisi. Quemadmodum enim ille omnium consensu glandulas renibus incumbentes, quas Casserius postea Renes succenturiatos, Thom. Bartholinus Capsulas atrabilarias, & Whartonus Glandulas ad plexum salutarunt, de Renum structura cap. 6 cum earum situ primum con-

consignavit, ac in epistola de Auditus organis meatum, a caverna tympani sive conchæ in narium cavitatem latiori foramine terminantem, ideoque Tubæ Eustachianæ titulo a multis insignitum, primus indigitavit, ita & tertium ossiculum auditus, quod stapedem appellant, multo ante, quem Fallopius inventionis ejus laudem in Johannem Philippum ab Ingrassia referret, Romæ non paucis se ostendisse atque in æs incidendum curasse, in laudata de Auditus organis epistola commemorat, externum una musculum, in majorem mallei apophysin insertum, exacte primus describens ac in Tab. 7 duabus Figuris exprimens. Equorum adhæc venam albam & aquei humeris plenam, quæ postèrius a vena jugulari interna ostio semicirculari oriatur, nec longe ab ortu in duas partes scindatur, paulo post rursus ita coeuntes in unam, ut hæc nullos ramos diffundens juxta sinistrum vertebrarum latus, penetrato septo transverso, deorsum ad medium usque lumborum feratur ibique latior efficta magnam arteriam complectatur, dum in Antigrammate 13 Tr. de vena sine pari detegit, quid aliud innuit, quam ductum thoracicum atque receptaculum lumbare in equis primum a se fuisse visa, multo post a Pecqueto accuratius in canibus observata. Renum porro membranam propriam in horum cavo introrsum reflecti, atque vasorum ramos excipere exceptosque per omnem renum ambitum suffulcire, de Renum structura cap. 17 distincte non minus, ac substantiam, quæ in gibba renum cernitur, perquam tenuissimis ac visum propemodum effugientibus vasorum ramulis ubique haberi refertissimam, carunculas vero sive papillas ex canaliculis resultare pilorum instar subtilissimis, lotium in pelvis tubulos percolantibus cap. 7 scite annotavit, totamque Renis humani conformationem internam in Tab. I Figura 1, arteriarum vero venarumque ramos, & pelvis tubulos Fig. 2 adumbravit. Sepositis tamen Tabulis 8 prioribus minoribus & Bartholomæi nostri Opusculis etiam anatomicis adjunctis, ex reliquis 39 Tabulis figuras nunc totius corporis humani, nunc singulorum ejus viscerum, nunc vasorum sanguiferorum & nervorum, nunc musculorum & ossium, eleganter repræsentantibus, quæ in Tab. 12, 16, 17, 18, 27, 29, 35, 37, 40, 41.

42 & 46 Lancisio & Morgagno celeberrimis potiora fuerunt visa, haud gravabimur attexere. Nempe in Tab. 12 Fig. 3 & vesiculas seminales, & deferentium vasorum cum iisdem conjunctionem, & duos seminis in capite, ut vocant, gallinaceo meatus perspicue depicta primus dedit, in Figura 7, qua vesicularum dictarum sedes a posteriori parte ostenditur, vesicæ urinariz simul fibras monstrans, quas de Renibus cap. 13 dixerat crassas, fere carneas, variasque, quoquoersum distributas, ut intuentibus multarum tunicarum speciem habere viderentur. In Tabulæ 16 Figura 3 præter auriculam dextram, cavam superiorem a jugulo reducem, ventriculum dextrum per longum sectum, attentione maxime dignas Illustrissimus Lancisius duas censet valvulas, alteram maiorem, quam seculo ante Lowerum Eustachius demonstravit, & alteram minorem, orificio venæ coronariæ admotam, cui laudatissimus Vir insignem in Tractatu, quem de motu cordis pollicetur, adjudicabit usum. Tabulam 17 & 18, quas consideratione omnium dignissimas Morgagnus reputat, attentius lustrantibus ac in Tab. 17 Fig. 2, 4 & 6 studiosius examinantibus haud difficulter patefcet, Eustachium haud latuisse medullæ oblongatæ duo genera processuum cum cerebello commissorum, inferiores videlicet, a Varolio postmodum sibi adscriptos, atque superiores, a testibus juxta Willisium ad cerebellum protensos, cum ipsis nervis patheticis ab hisce prodeuntibus, nec ipsum præterisse duplicem processum choroideum ac nervorum opticorum circumductionem veramque originem, tametsi Ridley duplicem ab utroque latere processum choroideum a nemine ante se observatum fuisse perhibeat, dictamque nervi optici incurvationem cum exortu vero Varolius itidem sibi adscribat. In Tabula vero 18 Fig. 1 & 2 accuratius excutientes, ibi non modo portionem duram nervi acustici, sed & hujus post inflexionem, quam in aquæ ductu subit, cum chorda tympani, a pari quinto proveniente unionem, demumque cum hoc eodem pari conjunctionem, hic autem decem nervorum parium intra cranium egressum ex medulla, reperient, licet Eustachius non nisi septem, priscorum lingua utens, in Opusculis dixerit. In Tabulæ 17 Figuris 2 & 4 ex mutæ vaso-

vasorum mesaraicorum ad modum arcuum communicationes tam eleganter occurrunt expressæ, ut vix melius a Joh. Henrico Pauli in Anatomie Anatomiz Bilsianz exhibitæ fuerint. In Tab. 29 primus omnium Eustachius occipitales pinxit musculos, quos Fallopius a reliquis omnibus Anatomicis scribit esse prætermis-
 sos. Tabula 35 mastoideos inusculos, & duplicem habere originem, & sic in duos utrinque dividi posse, ut Eustachius ad-
 versus Vesalium in Opusculo de motu capitis scripserat, diluci-
 de ostendit, prout e2, quæ adversus eundem de duobus capitis
 musculis, quos complexos vocant, in proximis superioribus
 periodis attulerat, a Tab. 37 confirmantur. In Tab. 40 ea cer-
 nere licet, quæ Eustachius in Examine Ossium a se præstita e-
 narravit, *Nonne, inquit, soluto prius oculo in singulas sui mem-
 branas, quod vix animus capere potest, foramen nervi visorii Tibi
 & aliis, vel multis reclamantibus, ante oculos sexcenties posui?*
 quasque venas & arterias *a cerebro per intimiorem nervi visorii
 substantiam trajici ac inde in retinam oculi tunicam dispensari*
 in Libri de multitudine (quem librum Eustachius cum suis An-
 notationibus ad Erotiani vocum Hippocraticarum Collectio-
 nem Venetiis A. 1565, in 4 emisit) Capite 32 affirmavit. Cl.
 Morgagnus ipse lætatur, quod Eustachius in Fig. 5 & 12 Tab. 41
 veros musculorum sterno- & hyo-thyroidum indigitaverit ter-
 minos, quos primus innuisse sibi visus erat in primis suis Adver-
 sariis Anatomicis, a nobis in Actis A. 1708 p. 29 recensitis, quod-
 que nec dissimili a se ratione unam itidem glandulam thyroi-
 deam cum appendice per thyroidis faciem sursum sæpe proten-
 sa in Fig. 5 & 8 dictæ Tabulæ proposuerit, musculosque pariter
 arytenoideos, se invicem decussantes, in Fig. 1 & 2 Tabul. 42
 adumbraverit. Quibus demum addere juvabit, in Fig. 3 Tab. 46
 Cranium delineari, Sutura sagittali destitutum, ceu cujus defe-
 ctum Eustachius in ossium examine frequenter a se detectum
 fuisse asseruerat. De cetero quomodo singulæ partes in Ta-
 bulis, quos gradus, tum perpendiculares, tum transversales
 ambiunt, ope Regulæ, ex charta vel ære construendæ, rite ac
 promte queant inveniri, Franciscus Soldatus Lectorem uberius
 docet in suis Monitis, cum generali Tabularum Indice non mi-

nus hisce præpositis, ac sub calcem earum specialis rerum & verborum Index deprehenditur.

JOANNIS MARIÆ LANCISII PHYSIOLOGICÆ animadversiones in Plinianam Villam nuper in Laurentino detectam, in quibus tum de novis aggestionibus, circa ostia Tiberis; tum de ibidem succrescentibus arenarum tumulis; tum denique de herbis, & fruticibus in recens aggesto littore suborientibus disse-
ritur.

Romæ, ex Officina Franc. Gonzagæ, 1714, fol.

Plag. 7 Tab. æn. 1.

Elegantissimæ Doctissimi Lancisii dissertationis, de fungorum origine, recensum nuper M. Junio dedimus, cum Illustrissimi Comitis Marsilii exercitatione de eodem argumento. Cum utraque conjunctim edita est hæc de villa Pliniana jucundissima tractatio, in qua abundantes fructus offert, quos ex antiquitatis absconditæ penu, non minus, quam ex naturæ resecto sinu collegit. In prima ejus parte ipsius Plinii tuetur fidem, qui Laurens suum, vel villam in Laurentino sitam, Libro II epist. 17 tam docto penicillo, tamque elegantem delineaverat, ut Claudius Minoe qui in ejus epistolas commentaria scripsit, autorem mordere clanculum non vereatur, quasi nimio villæ suæ studio captus, in ea dilaudanda verum supergressus sit, quibus etiam addidit, nullam ejus superesse faciem. In utroque dissentientem habet celeberrimum Lancisium, pium & doctum civis olim sui patronum, dum non solum loci amœnitatem, in quo Laurentina sita fuit, atque ichnographiam, quam D. Jo. Ambrosius Mazzenta ex sola epistolæ lectione adornavit, quæque in Summi Pontificis bibliotheca asservatur, pro ipso allegat; sed nuper manifesto detectas in prædio Marcelli Sacchetti, Hierosolymitani ordinis apud Clementem XI Oratoris, Plinianæ villæ reliquias profert, quæ adeo exacte cum illa vera Plinii villa congruunt, tam loci distantia, ab Autore indicata, cum ab Urbe, tum Ostiensi colonia, & proximo vico, quem Piastra hodie appellant; quam præsertim trium atriorum, totidemque porticum,

cuum, & arcuum, nec non duarum turrium, & cubiculorum numero, aspectuque, ut omnem plane (si post tot injurias tanti diu sepultæ & distractæ reliquæ singula tam clare possunt prodere) dubitandi causam removeant. Quod vero ita asserenti poterat impedimento esse videri, id ipsum ad pandendum novum eruditionis varix thesaurum occasionem præbet. Plinius nimirum de sua villa testatus est, *triclinium, si quando Africo mari impulsus sit, fractis jam ac novissimis fluctibus leviter allus*, cum in præsentis sexcentis ferme passibus a litore remotum sit; ad quæ Autor erudite monet, quod pari modo ipsamet Ostia, cum litorali quondam via, usque ad Laurentum, ante urbem conditam ad Plinii ætatem, Tyrrhenis undis pulsata sit, quæ hodie longissimo a mari intervallo determinata est. Sed ita par paribus comparasse non sufficit acutissimo Philosopho, unde ad ipsam de Tiberinis aggestionibus, earumque causis, disputationem accedit propius, & equidem non generatim disquirat, cur litus ad Tiberis utrinque ostia diuturnitate ævi quævis incrementa capiat, & mare a se longius repellat? Id enim ubique fere locorum, in quibus flumina mari committuntur, propter terræ colluviem fieri, compertum est. Neque hic causa investigatur, cur idem litus ad orientem magis, quam obversam plagam producat, cum hoc ventorum, diversa vi spirantium, impulsui diverso tribuendum esse, manifestum sit. Sed id examine dignum visum est, cur illa incrementa, quæ apud præcos minima fuerunt, insecutis & nostris præcipue temporibus singulis annis contingant maxime? Ad quod in principio notatur, etiam ante Romuli conditoris Urbis ætatem aggestiones Tiberinas factas esse, quod tam ex ingenio soli probatur, per quod lapsus est per varias declinationes fluvius, & adeo semper aliquid limosarum sordium traxit, & ad maris ostium demersit; quam ex historicorum fide, qui Ostiensium salinarum ad mare antiquissimam mentionem faciunt; & ipsa Ostia, quæ inde nomen habet, ad maris ostium primum exstructa, & mox inde aliquanto remota fuit. Sed hæc litoris incrementa admodum sunt exigua, si cum illis contendatur, quæ recentioribus temporibus successerunt. Pius namque V Pontifex litoralem tur-

rim, S. Michaelis dictam, ad fluctuum ictus trans Ostiam extrui jussit, quæ nunc centum quinque & quadraginta annorum intervallo passibus plus mille a mari abest: et ædes a Sacchetti majoribus, ante hos octoginta saltem annos in Laurentino excitæ, medio a mari & stagno Ostiensi intervallo, nunc duplo longius a mari distitæ sunt, sicuti has omnes litoris mutationes ex descriptione oræ Ostiensis ac Laurentinæ una cum litoralibus aggestionibus, quam Autor in ære exhibuit, patet. Unde colligere promptum est, quod, si pari copia litoris incrementa olim, ut nunc, facta fuissent, Romæ fundamenta non in continente, verum in mari posita esse oporteret, quod historicorum omnium constanti narrationi est contrarium. Ut igitur tandem omnes difficultatis tenebras dispellat doctissimus Lancisius, certa diversitatis incrementorum litorum principia constituit, quorum primum petitur ab inæquali alveorum inclinatione & aquæ altitudine, quæ diversæ fluviorum velocitatis causæ existunt, quam diversa limi allati copia sequitur. Secundum, a recto vel obliquo cursu, qui iterum ad celeritatem vel tarditatem motus aquarum diversam, & ad præcipitandas magis vel minus terreas partes in mare facit. Tertium principium a duritie vel mollitie telluris, per quam fluvius meat, desumptum est. Hinc enim vel plus vel minus terrestrium corpusculorum secum ad maris ostia vehere necessum est. Quartum ab ipsa diversa defluentium aquarum vi & velocitate acceptum est; quoniam ex ea terrenæ partes vel longius a litore in mare propelluntur, vel propius ad ostium subsident. Quibus positis demonstratur, recentiori ætate impeditum esse Tiberis profluvium, quia non olim, uti nunc, antequam in mare se effunderet, in duos alveos divisus fuit, unde per angustiores limites fortius urgeri debuit, & fortior sordium in mare propulsio fieri. Et quando quidem a Claudio fluvius divaricatus est, diligenter cautum fuit, ut, quæ in diviso flumine prope litus subsidissent corpora, coarctatis faucibus intra maris sinum velocius & rapidius propellerentur; quæ vero opera a longo nunc tempore plane negligitur, & Tiberis fauces, sine lege laxatis ripis, aquas in mare emittunt. Tiberis deinde curatores solerter id olim agebant,

ut

ut recta fluvius decurreret, cum e contrario posteriori ætate hujus rei nulla cura habita sit; unde fluvius per tot mæandros nunc procurrit tardius & multo remissius. Tertio minor olim cœni copia ad mare per fluvium allata fuit, quando nec ager maritimus nec montanus aratro subactus est, abundante præco ævo, aliunde adducti frumenti copia, sicut prolixis antiquitatis testimoniis Autor probat, quæ neglecta agri Italici cura, magnam partem duravit ad seculum XVI, quando restituta opera, major luti copia, ex terra vomere diffracta, & molli cum fluvio ducta in mare est, & stillantes in sulcos inæquales & terram resolutam pluviz plus cœni eluerunt, & per fluvium in mare confuderunt. Quæ ratio ita manifesta est, ut ex montanis oppidis spectare hodiernum per montes loca liceat, quæ olim non fuerunt conspicua, ea tantum ex causa, quod montes vomere incisi pluviarum diluviis imminuti sint. Hæc ita contemplanti novum se obtrulit industria sua dignum argumentum. Accidit nimirum, ut per novum litus hinc inde terrei assurgant tumuli, in quibus mox variæ germinant plantarum species, ab illis diversæ, quæ solo inquilinæ sunt. Tumulorum itaque origo tribuitur non solis ventorum turbinebus, sed aquæ immergis & ex ea ad litus iterum ejectis arborum stipitibus, ramis, & radicibus, quibus affluens limus adhærescit, & extuberat, quod tumulorum effossione detectum est. Herbarum prima progenies in terra nova fieri observata est, tres circiter annos a fluctibus relicta, & in his eruca marina folio latiore Jo. Bauhini, & gramen spicatum, nunquam non priores solent subolescere, & sic demum in locis a maris oris remotioribus promiscue post exactos annos plures aliæ, inter quas & Africana reperta est, imo post lustra sequuntur etiam frutices, & tandem robustiores annosæ arbores. Quæritur inde ex quo herbæ istæ, cum exoticæ, tum primigeniæ, in arido & effæcto litore, ortum & alimentum capiant? & ulterius, quam obrem plantæ, quæ majori intervallo abundis distant, diversæ, a prioribus naturæ sint? Duo ergo posita sunt botanicæ principia; primum, nullam plantam nasci absque suo semine, vel plantæ frusto, quod seminis loco sit; alterum, semen, vel seminalem plantæ partem, edere fortum non posse, nisi ubi congruum alimentum, ex phlegmate plus minus salino-volatili-oleoso,

inveniat, unde nec omnis terra quasvis plantas, sed sibi congeneres gignit & alit. Semen igitur plantarum, & quidem exoticarum ex Africa ab avibus, vel intra ingluviem contentum, vel pennis implicitum, eo deferri assertum est. Indigenarum vero semina, vel radicum & ramorum, tumulos excitantium, rimis occultata; vel a ventis advecta; vel ferarum pellibus & avium pennis involuta, ad novam terram afferuntur eidemque immissa, & nutrientem succum nacta, foecundantur & crescunt. Ubi dubium quidem moveri poterat, cur nempe semina, per has vias allata, non repente, sed pars annis tribus post, & pars integris exactis lustris, demum in plantas abeant? cum tanto intervallo temporis luto inhærentia putredinem trahere credenda sint? ad quod respondet Autor primo, attendendum esse ad celebriorum Botanicorum observationes, quibus cognitum est, plantarum quarundam semina, in plures annos servata, integra permanere & foecunda esse, unde nil mirum si plantarum semina cum Tiberi in terram delata, in lignorum corticibus latentia, post trium annorum decursum foecundentur & crescant: ubi tamen id prætermittendum non foret, an sic nascentia sint ex eorum seminum numero, quæ cortice duro tectæ sunt & pulpa gaudent, macerationi minus cito obnoxia: igitur alia conjungenda est experientia, qua discimus, non paucos fructus arena obvolutos a corruptione inniunes præstari, quod ad semina arenæ literaliter immersa facile applicare licet. Imo fieri etiam potest, ut tardior post tres annos proventus non primo semini debeatur, sed novissime allato, quando terra nova Sole cocta, aquis diluta, & brutorum excrementis stercoreata, fertilitatem indepta est, & quidem diversis plantis, diversa proportionem, post annorum vices congruam, quod per singulas quidem species novam suppeditare posset inquirenti materiam.

HISTOIRE DE L'ACADEMIE ROYALE
des Sciences. Année 1711.

h. e,

*HISTORIA ACADEMIÆ REGIÆ SCIEN-
tiarum Anni 1711, cum Commentariis Mathematicis
& Physicis.*

Amste-

Amstelodami, apud Petrum de Coup, 1715, in 12 maj.

Alph. 1 plag. 1 Tab. 2n. 13.

IN *Physica generali* experimentum singulare primo loco occurrit, quod *Philippi de la Hire* atque filii ipsius industriz debetur. Tubum scilicet recurvum, cujus brachium majus hermetice sigillatum erat 24, minus vero apertum 3 digitorum, aqua ita implevere, ut quatuor digiti superiores in brachio longiori ab aere dilatato occuparentur, aqua ultra libellam ad altitudinem 16 digitorum & 9 linearum elevata, atmosphaeræ pondere $27\frac{1}{2}$ dig. Mercurii seu 384 digitis aquæ æquivalente tunc temporis, baroscopio indice. Cum aer aquæ superficiei in brachio minore incumbens densior esset incluso, probabile ipsis videbatur, quod cum aqua permisceri & inde per crus longius ascendere, sicque aqua in eodem contenta deprimi deberet. Enimvero præter expectationem tribus mensibus elapsis aqua per 4 lineolas ascendit & d. 26 Decembris (tubus autem implebatur d. 16 Mart. 1710) integro digito altior deprehensus: interea vero temporis nihil mutationis accidit aeri incluso a pondere atmosphaeræ atque calore ipsius. Experimentum Illustris *Leibnitii*, quod in Actis A. 1711 p. 11 retulimus, ad probandam corporum in fluido descendantium gravitationem imminutam excogitatum, cum successu repetiit de *Reaumur*, probaturque applicatio ejus ad reddendam rationem, cur aer tempore pluvio levior sit quam sereno. In Actis ejusdem anni p. 499 jam notatum est, *Leibnitium* hanc unicam phaenomeni rationem non agnoscere, utpote toti decremento ponderis atmosphaerici tempore pluvio non satisficientem. Imo nobis persuasum est, ipsum vaporum deicensum sæpissime aeris levitati deberi: quem in finem *Wolffius* sequens excogitavit experimentum. Pauculum spiritus vini accendit & flammæ aditum in campanam vitream concedit, ut particulae, in quas vi ejusdem dissolvitur spiritus, per aere in intus contentum dispergantur: quo facto campanam ad antliam aptat & aerem ope ejusdem dilatat. Vix densitas ejus minuitur, cum exhalationes spiritus in nebulam coeunt ad fundum successive descendantem. Et, si aer exhaustus rursus intruditur, nebula statim disparet & aeri incluso pristina

redditur serenitas, mox tamen iterum turbanda, si aliqua aeris portio denuo subducitur. *Maraldi* observationes quasdam barometricas, a *Scheuchzero* in montibus Helvetiæ factas, expendit. *Reaumur* multa cum industria observavit, quomodo diversæ conchyliorum species certis corporibus adhæreant. E.gr. conchylium, quod Galli *Oeil de Bouc* seu oculum hirci appellant, basi admodum plana ipsis lapidibus politis adeo fortiter adhæret, ut nonnisi pondere 28 vel 30 librarum inde separari possit. Firmitatem adhæSIONIS adscribit glutini ex corpore ejus egredienti. Contra stella marina 1520 pedibus instructa a corporibus, quibus adhæret, separari nequit, nisi pedibus disruptis. *De la Hire* junior experientia convictus defendit, congelationem aquæ non esse terminum fixum frigoris: observavit enim, globo thermometri aquæ in glaciem abeunti immerso, spiritum adhuc ulterius descendere, si a congelatione frigus intenditur, & contra eundem in eodem statu permanere, dum aqua congelatur, si jam ante majorem frigoris gradum fuerit expertus, quam qui ad aquam congelandam requiritur. De *Reaumur* novum detexit purpuræ genus, veteribus incognitum. Consistit autem in granis ovalibus tres lineas longis & unam lineam atque amplius crassis, liquore quodam subluteo plenis, quæ certis quibusdam lapidibus adhærent, ubi ordinarie *Buccinum* Pictaviense, notum a pluribus annis purpuræ genus, congregatur. Si grana illa in linteo albo confundantur & linteam postea aeri libero exponatur, trium aut quatuor minutorum intervallo elapso maculæ purpureæ in eodem notantur. Granula ista in autumno colliguntur, & ova pilcium Nostro esse videntur. *De la Hire* observat, nivem liquatam redire ordinarie ad quintam vel sextam altitudinis partem: quæ tamen noctu inter 13 & 14 Februarii A. 1711 decidit, ad duodecimam rediit. *Homburgius* Autor est, quod materiæ, quæ in foco speculi vel vitri caustici funduntur & instar luminis fulgidi apparent, videantur suis cum coloribus per vitrum fumo infectum. *De l'Isle* attendit insecti culicis ob exiguitatem vix visibilis, eamque in charta intervallo dimidii scrupuli secundi lineam trium digitorum percurrere notavit, ita ut in tam exiguo & vix perceptibili temporis spatio pedem

pedem 540 vicibus moverit. *De la Hire* nonnulla colorum phenomena recenset, v. gr. quod corpora luminosa, veluti Sol, rubida appareant per vitrum fumo infectum transpicienti.

In *Anatomicis Winslow* detexit, quod vasa secretoria in glandulis lanugine admodum tenui vestiantur, cui primas in filtratione partes tribuit. Supponit autem, a prima formatione lanuginem istam imbutam esse liquore quodam particulari, veluti bile, si bilem separare debent. Et hinc vasa secretoria particulæ panni vel gossypio comparat, quæ oleo imbuta non nisi oleum attrahit. Liquorem separatum per canales excretorios ex glandula exire statuit. Idem deprehendit, cor non esse muscolum unicum, sed ex duobus minimum componi, ita ut quilibet ventriculus cum sua auricula ab altero separari possit, pariete intergerino in duas laminas divisibili. *Listre* in 40 cadaveribus masculinis gonorrhæam virulentam examinavit. Reperit autem sedem ejusdem vel in vesiculis seminalibus, vel in prostaticis, vel in glandulis *Cowperi*. Ob priorum viciniam gonorrhæam plerumque compositam invenit: sed *Cowperianæ* cum longius inde distent, malum difficilius cum iisdem communicatur. Tertiæ gonorrhææ speciem rarissimam statuit minusque noxiam, & quæ facile curari possit. De hac ex professo nunc agit: de reliquis tractationem accuratam promittit. *Jeaugeon* memorat Scrotum adeo prodigiôsæ magnitudinis, ut ad 60 librarum pondus accesserit. *Fauvel* chirurgus ostendit *Academiz Regiæ* fœtum sine cerebro, cerebello & medulla spinali, qui duas a nativitate horas vixit & sacro lavacro aspersus. Idem in ovario fœminæ hydatides tantæ magnitudinis monstravit, ut ovula mentirentur. Duo operarii fossam reparantes ob fœtorem putridum visu orbat, quem ipsis intervallo 24 horarum restituit *Chomel*, usus liquore spirituosus ex thymo, lavendula, salvia, serpyllo, amaraco & rore marino (floribus pariter ac foliis in aqua mellita maceratis) in balneo sabuli destillato & postea oleo essentiali retento rectificato, tum externe, tum interne singulis horis quatuor elapsis applicato. Gossypium eodem liquore maceratum cum inderet auribus Surdorum, non neglecto, ut ante, usu interno, auditum intra octo dierum spatium resti-

tuit. *Litre* uno ictu findens capita canum fugentium stomachum plenum reperit lacte quodam acri & coagulato, quod adeo coagulatum conficit per fermentum quoddam naturale illius visceris. Et hinc digestionem sola trituratione absolvi negat. Aquam etiam in ventriculis cerebri & in pericardio deprehendit: unde eam usibus naturalibus inservire statuit, nec morbis adscribendam esse ejus originem concedit. *Lemery* observans, quod variolæ prodire nollent, ægrum balneo calido immisit: quo facto, magno numero eruperunt.

In *Chymicis Boulduc* analyfin tradit radicis *Mechoacan*, quæ vi purgandi gaudet atque ex nova Hispania in Europam deferatur. Reperit autem, quod duodecies plus salis, quam resinæ contineat, nec salia, nec resina adeo purgent, nec adeo leniter, quemadmodum radix ipsa. Remedium hoc majorem in praxi usum mereri credit. *Lemery* filius præcipationum chymicarum rationem declarare conatur. Contendit autem, in omnibus dissolutionibus metallicis particulam acidi dissolventis quamlibet esse exiguum quoddam telum, altero sui extremo particulæ metallicæ infixum. Hinc in nonnullis dissolutionibus, ubi telum istud non adeo firmiter infixum, qualibet exigua aquæ agitatione separationem fieri posse; in aliis vero opus esse alcali, ut acido eripiatur spoliū. Fingit particulam metallicam uni extremo teli infixam esse globulum majorem, quam qui poros alcali subingredi possit. Quare dum liberum teli extremum in eos adigitur, globulos tandem per continuum alcali impulsū adeo protruditur, ut teli extremum alterum relinquere cogatur. Idem novas coralliorum solutiones instituit. Cum enim ea in aceto vini destillato atque in Spiritu Veneris, qui est acetum vini particulis quibusdam volatilibus & sulphureis cupri imprægnatum, solvere soleant: ipse eadem solvit in Spiritu vitrioli, aluminis, salis, nitri. In casu posteriore calor & effervescentia major fuit, quam in priore. In usum tamen medicum solutionem priorem commendat, quia acetum destillatum & Spiritus Veneris non omnem exhaustiunt virtutem alcalinam, quæ coralliorum unica est. Corallia in spiritu vitrioli dissoluta speciem quandam vitrioli formant. Si oleo tartari præcipitantur,

tur, in pulverem album admodum subtilem subsidunt, qui cum acidis fermentat. In eodem multæ particulæ ferreæ deteguntur ope cultri magnetica virtute imbuti. Sed operæ pretium faceret *Lemery*, si aliis experimentis doceret, particulas a cultro attractas esse re vera ferreas. Quid si enim præter ferreas adhuc alias traheret magnes nobis nondum cognitæ? Addit chrystallisationem palingenesisæ similem. *Renaume* observavit, gallas esse præsentissimum contra febrem remedium. Commendat eas ob virtutem adstringentem eo potissimum in casu, quando fibræ ventriculi sunt nimium laxatæ aut irregulariter tensæ: in altero autem, quando non sufficiens quantitas bilis cum chylo permiscetur, chinam chinæ præfert. *Hombergius* confirmat, se gallis sæpius cum successu usum esse: *Boulduc* tamen asseverat, se sexies in tertiana & quartana easdem frustra ægris exhibuisse. *Lemery* uterque, parens scilicet atque filius, itemque *Godofredus* notarunt, quod ventrem moveant, quodque febris earum ope fugata redeat nec nisi chinæ chinæ cedat. *Hombergius* denique prolixius nunc edisserit, quomodo ad novum suum phosphorum (cujus in Actis Anni superioris p.198 facta est mentio) pervenerit, destillando scilicet fæces alvi. Notatu dignum est, quod, cum earum uncias 10 vel 12 (quantum nimirum est pondus una sede ejectarum) in balneo Mariæ exiccaret, nonnisi uncia una remanserit, etiamsi præter aquam limpidam & insipidam, odoris tamen fæcium tenacem, nihil decesserit. Ceterum in analysi materię istius maxima usus est circumspeditione, eumque in finem conduxit homines quatuor, robustos, juvenes ac sanitatis integræ, eos extra hortum & ædes, ubi cum ipsis per tres menses commorabatur, egredi non passus, nec permisit, ut quicquam cibi vel potus caperent se inscio vel invito.

In *Botanicis* *Godofredus* junior accuratius examinat *tubera subterranea testiculorum forma* (Galli *Truffles* appellant) quæ neque radicem, neque filamenta, neque caulem, neque folia, neque flores, neque semina habent, adeoque plantis prorsus dissimiles videntur, licet inter eas a Botanicis referantur. Inquirat adeo in structuram & principia chymica eorundem, ut similitudinem cum plantis detegat. Priori instituto inserviunt microscop-

croscopia, posteriori analyfes chymicæ. *Marchant* cum acer ferra defecari juffiffet mense Februario, pars caudicis refidua per æftatem multum fucci nutritii effudit. Circa finem mensis Augufti 25 circiter tubercula in ima caudicis bafi observavit, quæ cum usque ad finem Novembris creviffent, contra vim frigoris per hiemem obtexit & mense Martio A. 1709 cum portione ligni feparavit. Hanc vegetationem ad quamnam plantarum speciem referret, sub initium dubitavit. Enimvero postquam advertit, magnam inter ejus structuram & lithophyton (quæ planta marina est) conformitatem intercedere, nisi quod grana in cavitatibus reperiret, quæ in lithophyto vacua sunt; lithophyton terrestre digitatum nigrum appellat. *Parentius* exemplis arborum cortice denudatarum & per quinque fere annos folia & flores protrudentium probare nititur, cortici parum aut nihil in nutritione plantarum tribuendum esse. Addit eundem in finem argumenta quædam alia. Ad singula respondet *Renaume*, sententiam receptam defenfurus. Sed prolixum nimis foret omnem controversiam recensere. Miramur tamen, quod *Fontenellius* tracheas plantarum & arborum in dubium vocet, cum in vite vel oculus nudus easdem distinguat, nedum armatus. *Godofredus* junior pulveri staminibus adhærenti fœcundationem seminis aut fructus stylo conclusi adscribit, stamina membro virili, pulverem liquori seminali & stylum seu pistillum vulvæ æquiparans. Rationum, quas adducit, fortissima hæc est, quod grana sint infœcunda, si stamina referentur, antequam pulvis in stylum decidere potuerit. De *Reamur* flores & semina detexit in fuco seu Alga latifolia dentata *Raji*, quam *Tournefortius* in Institutionibus Botanicis inter plantas refert flore ac granis destitutas. Flores ex foliis erumpentes cernuntur mense Junio & Julio. Iis deciditibus foliorum extremitates intumescunt a liquore viscoso granis rotundis pleno, quæ sunt capsulæ simili liquore repletæ & alia granula minora, verum fuci semen, continentes. *Parentius* adversus *Magnolium* probat, succum nutritium in plantis utique non modo ascendere, verum etiam descendere, quemadmodum *Perrault* inprimis ac *Mariottus* operose ostenderunt. *Fontenellius* commemorat mala aurata, quo-

quorum partes aliquæ reliquis interjectæ sunt citreæ. *Homburgius* vero auctor est, se in hortis *Wilhelmi Magni*, Electoris Brandenburgici, vidisse poma, quæ simili modo fuerint simul pira.

In *Algebraicis* occurrunt *Kolliana* de constructione æquationum meditationes. In *Geometria Boniv* Tractricem examinat, quam centrum gravitatis navis describit, si mediante chorda ab homine juxta littus passu æquabili progrediente ad idem, attrahitur. Hanc proprietatem peculiarem habet, quod tangens ejus sit constans, nempe chorda, qua navis adducitur, & arcus, si sumantur in progressionem arithmetica, sint semiordinatarum respondentium logarithmi. Præterea tractrix per logarithmicam rectificabilis & ab hac rectificatione quadraturæ hyperbola pendet. Quod si eandem descripta supponatur, logarithmica & catenaria per puncta describi poterit. Spatium inter tractricem & ejus asymptotum (quæ littus est in descriptione superiori) æquale est quadranti circuli tangente tractricis descripti. Solidum ex rotatione tractricis circa asymptotum genitum est æquale quadranti Sphæræ, cujus radius est tangens tractricis. Hæc quidem sine demonstratione recensentur a *Fontenellio*, nec nova sunt dudum quippe a Viro illustri *Leibnitio* in Actis A. 1693 p. 387 & seqq. proposita. Abbas de *Bragelonne* quædam de quadraturis Curvarum, quæ ad series infinitas reducuntur, meditatus; sed ea tantum indicantur, non exhibentur.

In *Astronomia Maraldi* parallaxin Lunæ eadem methodo scrutatus est, qua celeberrimus *Cassini* in Martis parallaxi investiganda usus, exposita in Actis A. 1685 p. 470 & seqq. Reperit autem parallaxin horizontalem Lunæ tempore observationis sub æquatore $5'4''$: qua occasione *Fontenellius* rationes physicas triplicis inæqualitatis motus lunaris ex motu ætheris vorticoso reddere conatur, perinde ac variationum distantie Lunæ a terra. *De la Hire* vires penumbræ corporum a Sole illuminatorum examinat, quas per ordinatas singularis cujusdam curvæ exponit. *Cassini* filius observationes planetarum & fixarum a Luna occultatarum variis in locis factas & in Diario Eruditorum Parisino, Transactionibus Anglicanis atque Actis hisce Eruditorum relatas inter se comparat & differentias horarias meridianorum inde determinat. Deducit tandem Parisiis occidentalius esse

Londinum $9^{\circ} 55'$ & observatorium Grenovicense in Anglia $9^{\circ} 25'$; orientales vero Noribergam $35^{\circ} 2'$, Lipsiam $40^{\circ} 0'$, Dantiscum $1^{\text{h}}. 4^{\text{m}}. 43^{\text{s}}$. Differentiam horariam meridianorum Avenionensis & Londinensis elicit $19^{\circ} 40'$, Avenionensis vero & Parisini $10^{\circ} 0'$. *De la Hire* A. 1710 d. 20 Sept. conjunctionem Veneris & Cordis Leonis observavit, quæ accidit h. 9 matutina, minuto sexto, differentia declinationum Veneris septentrionalioris atq; Reguli existente $20^{\circ} 30'$, quæ per tabulas ipsius esse debebat $20^{\circ} 23'$, egregie adeo cum cælo consentientes. *Cassini* filius varias observationes recenset, quas R. P. *Fevillée* in India occidentali fecit, a nobis jam mensibus superioribus hujus anni commemoratas. Occurrunt denique *De la Hire* utriusq; *Cassinorum* atque *Maraldi* observationes eclipsis Solis, quæ contigit d. 15 Jul. 1711, atque *Cassinorum* *Maraldi* aliorumque observationes eclipsis Lunæ, quæ accidit d. 29 Jul. ejusdem anni.

In *Acustica Sauveur* live *Salvator* objicit nonnulla contra Dn. *Henslingii* Systema Musicum in Miscellaneis Berolinensibus descriptum & suum in Commentariis Academiæ Regiæ ante publicatum eidem præfert.

Denique in *Mechanica* de *Reaumur* experimentis factis docet, quod chorda ex pluribus filamentis contorta minus pondus sustinere possit, quam summa ponderum a singulis filamentis sustentatorum, quodque decrementum cum crassitie chordæ crescat. Comparet ibidem analysis *Bernoulli* de viribus centralibus, quam promisit in Actis A. 1713 p. 77 & in qua errores *Newtonianos* in Principiis Philosophiæ naturalis Mathematicis corrigit: sub finem appendicis loco adjicitur causa erroris a nepote ipsius *Nicolao* detecta & in Actis hisce loc. cit. p. 94 jam indicata, nempe ignorantia calculi differentio-differentialis. *Newtonus* tamen, qui monitus errorem agnovit, causam aliam assignat, nempe quod tangens in schemate non rite ducta fuerit, nec concedit, quod termini seriei loc. cit. adductæ ex ipsius opinione successive differentiales omnium in eodem ordine graduum exprimere debeant. Sed nostrum non est decidere hæc litem. *Varignonius* profundas de resistentia mediæ meditationes adhuc ulterius continuat. Qua occasione *Fontenellius* a priori ostendit *Gallileanum* de gravitate Systema. Sub

Sub finem Commentariorum extat Scriptum *Nissollii* de quibusdam novis generibus plantarum, quod a societate Regia Montepessulana ad Academicam Regiam transmissum. Genera ista quatuor sunt, *Coriaria*, *Jasminoides*, *Ficoidea*, & *Partheniastrum*. *Coriaria* est genus plantæ, cujus flos ex decem staminibus componitur, quæ ex fundo calicis in quinque partes usque ad basin divisas egrediuntur. Stamen unumquodlibet duo habet capita. Refertur huc *Coriaria vulgaris* & *rhus myrtilifolia Monspeliaca*. Ad genus secundum spectat *Jasminoides Africanum* *Jasmini aculeati foliis* & *facie*; ad tertium *Ficoidea procumbens portulacæ folio*; ad quartum *Partheniastrum Americanum ambrosiæ folio*: unde Botanices periti characteres, quos constituit, facile colligent.

A. 1711 duo decessere Socii, *Ludovicus Carre* sive *Quadratus* & *Claudius Bourdelin*. Prior erat rustici filius, natus d. 16 Julii A. 1663. A patre studio theologico addictus, sed invita Minerva. Quare cum parens sumtus necessarios filio parum morigerò subministrare amplius nollit; ad *Malebranchium* confugit, qui ejus in scribendo opera usus. Ab eo *Mathesin* & *Metaphysicam* recentiorum didicit per septem integros annos. Viduum quasi vitæ postea *Mathesin* & *Metaphysicam* docendo: in primis sequior sexus ejus institutione usus. Progressus aliorum Mathematicorum non sine mœrore contuitus, dum ipse de pane lucrando sollicitus eorum vestigia premere non poterat. A. 1697 *Varignonius* eum sibi fecit Adjunctum. A. 1700 edidit Librum de primis calculi integralis lineamentis, relatum in Actis A. 1701 p. 280. Mox locum inter Associatos, tandem inter beneficiarios adeptus. Per 6 postremos vitæ suæ annos valetudinarius fuit, stomacho officio suo non amplius fungente. Cumque deessent ad vitam necessaria, *Chauvinus* Parliamento Consiliarius inopem hospitio suo dignatus. Duabus ante obitum horis Vulcano tradidit litteras, quas a fœminis acceperat. Obiit autem d. 11 April. 1711. In locum ejus successit *de Reaumur*. Posterior natus est A. 1667 d. 20. Jun. Parens ejus fuit *Claudius Bourdelin* Chymicus beneficiarius in Academia Regia Scientiarum. Celeberrimus *du Hamel* educationi ejus præfuit. A. 16

Pindarum & Lycophrontem ex Græco in Gallicum sermonem transtulit & proprio Marte Opus Conicum *Philippi de la Hire* intellexit. A. 1692 Doctor Medicinæ creatus est. Non panem quæsit ex Medicina, cum ex paternis bonis laute vivere posset: unde pauperibus ipse solvit numos pro remediis pharmacopolæ solvendo, nec a ditioribus recipere voluit, quod ipsi debebatur. Post pacem Rîswicensẽ in Angliam iter fecit & in Societatem Regiam adoptatus est. A. 1699 inter Associatos in Academia Regia Scientiarum locum obtinuit. In Historia Anatomica imprimis excelluit. A. 1703 Medicus ordinarius Conjugis Ducis Burgundiæ atque A. 1708 *Bourdelotio* mortuo Archiater ejusdem factus. Immodicus potus *Caffé* ipsi tandem hydropem pectoris adscivit, qua die 20 Aprilis A. 1711 extinctus. Locum Botanici associati obtinuit *Godofredus* junior.

AN ACCOUNT OF SOME ROMAN URNS,
&c.

id est,

*RELATIO DE QUIBUSDAM URNIS ET
aliis Romanorum reliquiis, nuper prope portam Episcopalem
effossis, admixtis brevibus de antiquo & hodierno Londini
statu observationibus, per modum Epistolæ ad CHRIS-
TOPHORUM WREN, Militem, Ædificiorum
Regiorum supremum directorem, per-
scripta.*

Oxoniz, e theatro Sheldouiano, 1712, 8.

Plag. 3½.

Habet id commune cum maximis antiquissimisque fere Urbibus Londinum; quod origo ejus obscura est. Verisimilis Cl. Woodwardo, auctori hujus epistolæ, B. Stillingfleeti conjectura videtur, Romanis eam tribuentis; sed subita sub iis incrementa habuerit oportet, quoniam Tacitus jam *copia negotiatorum & commeatuum maxime celebre* vocat A XIV, 33. Nec ab illo tempore quicquam de situ & magnitudine urbis certis documen-

documentis constat, cum ante industriam *Stovvi*, cujus habemus Conspectum Londinensem (*Survey of London*) nemo talem principi Urbi operam impenderit. Opportune itaque Ingeniosissimus *Woodwardus* conjiciendo supplendum defectum hunc putat ex reliquiis Romanorum, quæ frequentes in primis, post funestissimum anno 1666 incendium, cum civitas splendidius restanraretur, repertæ sunt, & adhuc subinde effodiuntur. Multas collegit Nob. *Wrenius*, multas ipse in Museo suo servat, quod naturæ artisque cimeliis instructissimum possidet. Felix ejusmodi detectio argumentum huic dissertationi dedit. Anno enim 1711 M. Aprili prope portam Episcopi, cum novis ædibus fundamenta quærentur, incidere opifices in pavimentum ex latere coctili, rubri, albi, & lutei coloris, cujus latitudo X pedum erat, longitudo autem finire non poterat, quod per terram infra vicinas ædes excurreret. Infra, ad duos circiter pedes stratum ex luto occurrebat, in quo urnæ sepulchrales eximii operis varizque magnitudinis inveniebantur, ac una cum iis simpulum, ac patera ex terra rubra tenuissima, vasculum, quod lacrimatorium appellant, globuli aliquot annulique, & fibula ex ære cum nummo Antonini Pii. Prope pavimentum vero ad eandem fere altitudinem ossa humana, quæ ignem passa non erant, effodiebantur. Eadem occasione pars muri, ut locum ædificio faceret, disjecta est. Ille quidem sub Eduardo IV 1477 constructus est, sed inferior pars duravit ex muro, quo Constantinus M. urbem cinxisse creditur. Describitur hic illa, eaque occasione ostenditur adversus nonnullos, qui cum Gothofredo Monomuthensi ad antiquos Britones opera ejusmodi referunt, eam gentem, æque ac reliquas, barbaram olim, & ante Romanorum tempora ab omni ejusmodi cultu ac præsidio fuisse destitutam, ipsamque Druidum sapientiam tantam, ut vulgo creditur, non fuisse. Tum vero conjicit Nobilissimus Autor, quoniam urnæ illæ intra murum sint, veteres autem extra urbem cremare suos soliti fuerint, Londinum Antoninorum certe tempore non eo usque in Orientem protensum fuisse. Simili ratiocinatione, quod eo loco, ubi nunc Divi Pauli magnifica ædes est, varia sacrificulorum supellex imaginem Dianæ, animalium-

que, quæ immolari illi solebant, præferens, horumque etiam ossa & cornua sæpe effossa sunt, traditam vulgari assertionem opinionem, quod Dianæ ibi templum fuerit, confirmat. In præfatione ad *Cl. Tb. Hearne* refellit, quæ in notis ad Itinerarium Antonini nuper de situ Londini commentatus est *Galeus*, antiquitus scilicet urbem eam cis Tamesin fuisse, qua nunc oppidum *Southwark* est, Londino instar suburbii adhærens. Sed ut ille Ptolemæum hac in parte sequitur, ita Noster Taciti auctoritatem opponit, & reliquis etiam argumentis occurrit. Verum hæc discussio hominibus in iis locis agentibus relinquenda est.

AN ACCOUNT OF A ROMAN PAVIMENT
lately found at Stunsfield in Oxford-

Shire.

i. e.

RELATIO DE PAVIMENTO ROMANO,
nuper invento in agro Stunsfeldensi (in Comitatu Oxoni-
ensi sito, quod mille quadringentorum annorum esse pro-
batur; Autore JO ANNE POINTER, A. M.
Collegii Mertonensis, quod Oxonii est, Capellano, &
Rectore Slaptonensi in Comitatu Northan-
toniensi.

Oxoniz, apud Ant. Peisley, & Londini, apud

J. Morpheu, 1713, 8.

[Pl. dimidiat. 6.

Pag. 1.

ANNO 17^{II}_I d. 25 Januarii st. v. in agro Parochiæ Stunsfel-
densis, quæ est in Comitatu Oxoniensi, duobus milliari-
bus Anglicis a pago *Woodstock* dissito, rusticus agrum aratro
findens vomere incidebat in lapides quosdam, & ex his protra-
hebat urnam, ulteriusque postea inquirens non ultra duos pe-
des sub terra inveniebat pavementum tessellatum, longitudine
pedum triginta quinque, & latitudine pedum viginti, quod hic
repræsentamus.

St-



Superficies ejus plana est & lævis, composita ex parvis lateris & lapidis particulis, quantitate circiter tesseram æquantibus, quarum alie tamen majores sunt, alie minores sex coloribus, cæruleo nimirum, rubro, flavo, cineritio, albo & fusco a se invicem distinctæ, ordine dispositæ, & in strato calcis, pedis circiter crassitudine, fornicato opere nixo, arctius conjunctæ. De hoc pavimento *Cl. Hearnius* in Volumine octavo Itinerarii Le-

- rii Lelandi plenius egit, idemque figura eleganter expressum exhibet. Sed cum ille minus dextre quædam exposuisse visus sit, Cl *Pointer* calamus contra illum, non indicato tamen ejus nomine, arripuit, & sua etiam de pavimento illo observata scripto, quod præ manibus habemus, declaravit. In eo autem cum Hearnio consentit, quod pavementum sit Romanum, observans, Romanos quondam Imperatores tessellatae ejusmodi & sectilia pavimenta circumtulisse, & super illa prætorioria sua struxisse. Illa si ex minoribus marmoribus quadratis nativorum colorum fuerint composita, appellata esse *λιδόστρωτος* i. e. *tessellatis lapillis strata*; si vero ex minoribus laterum segmentis artificiose pictis & politis, *pavimenta tessellata*, vel *Opera Musiva*. Observat præterea, quod prætoria illa tecta fuerint lateribus & lapidibus sectilibus, & parietes illorum ex ligno & gypso exstructi, horumque interiora tessellatis picturis ad imitationem pavimentorum adornata. Prætorium autem Stunsfeldense pariter ejusmodi parietes habuisse & lapidibus sectilibus tectum fuisse, colligit ex variis particulis picti gypsi in interiori parte fundamenti inventis, & magna copia lapidum sectilium, ligni adusti, calcis & clavorum particulis mistorum, inter rudera reperta. Alia etiam tentoria fuisse cum prætorio isto contigua, ex muris circumcirca repertis auguratur. Cavitates autem ab unaquaque pavimenti parte sese offerentes, quas Hearnius canales dixerat ad calorem ex hypocausto subterraneo ad quodvis conclave deducendum inservientes, Noster non in alium usum fuisse existimat, quam ut infigerentur illis inferiora erectarum partium lateralium, quæ parietibus præcipuum fundamentum præbuerint, vel ad minimum partes quædam ligni, quibus fabrica niteretur. Rem vero notatu dignam ab Hearnio autem parum animadvertam, Noster pronunciat, quod pavementum Stunsfeldense nigro, integro & exarefacto tritico supra dimidium pedem, & nonnullis in locis ad pedem fere coopertum fuerit; illudque a Romanis, Britanniam linquentibus & reditum forte in illam sperantibus, ex granariis, quæ Romanorum tentoriis adjuncta esse solebant, petiit, & ad præservandum pavementum supra idem repositum fuisse existimat. Ipsum autem frumentum per tantum temporis spatium præservari potuisse

uisse putat eodem modo, quo arbores subterranei, nuces cum fructibus, aliaque ejuscemodi in aliis locis sub terra præservata sint. Numos in urna pavimento adjuncta non extitisse, concesserat Cl. Hearnius, obiter autem hac occasione dixerat, Romanos non solum circa A. 418 sed imprimis etiam A. 476 numos in Britannia defodisse. Sed Noster probabile esse concludit, utique numos in urna extitisse, a rustico autem eo celatos esse, ne Domino prædii illos tradere cogeretur. Rarissimum enim imo inauditum esse, urnas vacuas fuisse erutas, & rusticum præterea, si vacuum illam, prout professus fuerat, invenisset, non ita celeriter cum illa domum properasse. Numos autem jam inde a tempore Vespasiani in Britannia conditos esse asserit, eamque in rem adducit verba ex Thomæ Brownii Dissertatione de Sepultura urnarum (*of Urn-Burial*) & Mortoni Naturali Historia Comitatus Northantoniensis, qui tamen id saltem innuunt, quod Vespasiani, aliorumque post illum viventium Imperatorum numi in Britannia inventi sint. Ritum vero condendi numos in urnis, quem a naulo Charontis in eadem urna cum reliquiis demortui reposito derivat, apud Romanos circa idem tempus initium habuisse conjicit, quo corpora cremare cineresque illorum & ossa iisdem recondere cœperint, adeoque juxta Plinium Lib. VII c. 54 A. U. C. 676 i. e. A. 74 ante Christum; defuisse autem A. C. 306, quo tempore Macrobius Sat. VII, 6 corpora mortuorum non amplius combusta esse referat, vel certe diutius non multo durasse. Nec cum Hearnio sibi persuadere potest Cl. *Pointer*, quod Romani saltem in spem reditus numos in Britannia defoderint. Potius in memoriam Romanæ potentiz, qua victrices legiones in illam deduxerint, illud factum esse credit. Et pavementum Stunsfeldense non ad præfectum aliquem Theodolii, ut Hearnius opinatus fuerat, sed Allecti pertinuisse, Noster exinde colligit, quod Allectus a Diocletiano A. C. 287 in Britanniam missus in his partibus egerit, & stationem suam sex tantum vel septem miliaribus Anglicis a loco illo distitam habuerit, quo pavementum inventum sit; id quod Autor ex Camdeno, Gibsono, Ploto, Kenneto probat. Porro observatis quibusdam contra Hearnium de elegantia & opifice hujus pavimenti,

pag. 6.

7. 8.

9.

10.

11.

12 sqq.

ad præcipuas figuras in illo conspicuas sese confert, ostendens, nec humanam figuram esse Apollinem Sagittarium, nec animal monstrum aliquod, uti Hearnius explicuerat, sed Bacchum potius cum panthera sua hic repræsentari, quod nimirum Veterum descriptiones, quibus Bacchus ut juvenis imberbis, nudus, hedera coronatus, una manu cantharum, altera thyrsum tenens, pantheram tanquam vini amatorem sibi dedicatum habens, & primus denique triumphi sollemnia docens, delineatur, exacte figuris istis respondeant, & eadem figuræ tanquam triumphi Symbola ad præfecti cujusdam victoriosi prætorium bene satis accommodatæ sint. Tandem alia quædam ejusmodi pavimenta in his aliisque Angliæ regionibus inventa doctissimus *Pointer* ex variis Autoribus diligenter recenset.

AN EXPOSITION OF PROPHETICAL BOOKS
of the Old Testament &c.

i. e.

*EXPOSITIO LIBRORUM PROPHE-
ticorum Veteris Testamenti cum observationibus Moralibus;
Autore MATHÆO HENRY, verbi divini
Ministro.*

Londini, apud Jo. Laurentium, & reliqu. 1712, f.

Alph. 9.

Salutare est illud commentandi genus, quod in lingua vernacula Sacrorum Librorum sensum non modo explicat, sed & porismata Moralia, ædificationem fidelium promoventia, eruit, probat & illustrat. Magni habentur apud nos Vinariensis, Wurtembergensis & Osiandrina Biblia, hoc scopo scripta, sed majori dicendi copia. Ad finem eundem contendit in Anglia doctissimus & sacrarum literarum peritissimus Matthæus Henry, cujus Expositionem Pentateuchi, Librorumque Historiarum & Poeticorum Vet. Testamenti in Actis Anni 1713, pag 337 sequ. recensuimus. Nulli dubitamus, quin ejus egregii labores tam concionatoribus, quam auditoribus ac lectoribus grati & accepti sint futuri. In præsentì Tomo omnes libros Propheticos quatuor majores & duodecim minores eamemethodo explicuit, ut cuivis capiti præmittat contenta in partes divisa,

visa, deinde subjiciat particulam textus, ex Bibliis Anglicanis autoritate Regis Jacobi approbati. Porro addit explicationem ex optimis commentariis, non sine judicio collectam, cui tandem subjungit porismata fusa explicata, variisque Scripturæ locis probata & illustrata. Singulis libris præmittit brevem tum vitæ Prophetæ, tum libri & contentorum enarrationem, quæ Lectoribus lucem præfert. Ut de ejus methodo paulo clarius constet, breve sed obscurum satis caput evolvemus, & breviter delineabimus, quæ ibi proluxius leguntur. Sit hoc Cap. XVIII Eisaïæ, in quo DEUS de populo terram alis obumbratam inhabitante conqueritur. Partes ejus quatuor constituit. 1) comminatur ille mala populo DEI v. 1, 2. 2) vicini excitantur, ut eventum expectent v. 3. 3) Deus, qui aliquandiu populum suum non curare visus est, tandem hostes vult percutere. v. 4, 5, 6. 4) hoc cedit in Dei gloriam. Textum ipsum ab Interpretibus in varios sensus tractum duplici modo interpretatur. Primo, refutata illorum opinione, qui terram alis abumbratam de Ægypto accipiunt, aliorum sententiam adducit, qui Æthiopiam Arabicam illa metaphorica phrasi appellatam esse contendunt, quod plerisque vero simillimum non sine ratione est visum. Istius terræ Regem eo tempore fuisse Thirhakum cum pluribus statuit, qui Israelitas sub suæ umbræ alas recipere, & Regis Assyriæ, qui illos infestabat, terram invadere cogitabat, 2 Reg. XIX, 9. Sed licet ille Assyriæ Regem per suos legatos provocaret; Deus tamen ejus consiliis non annuit, quia Judæos alia ratione eripere & Hierosolymam liberare constituerat. Nam exercitus Assyriacus DEO exercituum in sacrificium erat offerendus per angelum a DEO missum, non per Thirhakum suo consilio pugnantem, v. 7. Quamvis vero hanc explicationem Clar. Vir laudet, conjecturam tamen doctissimi Lightfootii, quam in Chronicis IV. T. produxit, non præterit. Hic vaticinium contra Assyriacam terram exhiberi existimat, connectendum cum ultimis tribus versiculis antecedentis capitis. Assyriam ad fluvios Arabiz desertæ Euphratem & Tigrim sitam fuisse constat; eandem putat vocari terram alis obumbratam, ut respiceret ad ea, quæ supra Cap. VIII, 8 Deus dixerat, Regem nempe Assyriæ, alas suas

Y y 2

expan-

expansurum esse super terram Immanuelis. Quamvis hæc explicatio pluribus difficultatibus prematur, laudanda tamen est Cl. Viri modestia, quod sententiæ conceptæ tam tenax non sit, ut aliorum explicationes prætermittat, vel rigoroſe examinet. Explicato generali totius capitis ſenſu, ordine partes ſupra indicatas perſequitur, & ex omnibus porismata eruit. Sic pergit: Ad terram, quæcunque ea ſit, convulſam & dilaceratam per aquam mittuntur nuntii bellum indiſturi, v. 2. Ex quo ſequentia porismata eruit: 1) populum, alias terribilem, poſſe convelli & devaſtari per fluvios ſuos, ex quibus mercatores & æconomi lucrum expectarant. 2) Nationes, quæ aliis fuerunt terribiles, fatali rerum concurſu poſſe irruentium vicinorum ſpolium fieri. 3) Principes plerumque aliorum terris inhiare, cogitantes nationem aliis terribilem eſſe vindicandam. 4) Populum quidem Dei conculcari & devaſtari, ſed vaſtatores eundem ſemper terribilem invenire. Populus DEI proſternitur; ſed non deſtruitur. Ulterius ex verſu 3 ſequentia eruit conſectaria: 1) Æthiopes & Aſſyrii ceperunt conſilia, ex quibus ſibi multa promittunt; ſed videamus, quid DEUS de iis dicat: Ille ſuper montibus vexilla erigit, tubaque clangit, hoſtibusque Eccleſiæ bellum indiſcit. Ubi monendum, hoc quidem poriſma ſequi ex ſenſu, quem Clar. Vir v. 3 conceperat; ſed ſi verba illa rectius inſpiciantur, non tam de Deo, quam potius de Tirhaka ſunt capienda, qui Ægyptiis auxilia laturus vexillum in monte erigit, tuba clangit, omnesque vicinos ab Aſſyrio afflictos attentos reddit, ut Salvatorem adventantem proſpiciant, & eventum felicem expectent. Hæc de Deo intelligi non poſſunt, de quo in ſequenti v. 4 dicitur, quod in habitatione ſua illa omnia quiete conſpecturus, hoſtemque alio modo, nempe per angelum proſtraturus ſit. Hoc ſi obſervaret, etiam ſequens poriſma ad v. 5 retuliſſet: totus mundus conſideret, omnes terræ incolæ adſpiciant vexillum, audiantque tubam, & obſervent divinæ providentiæ opera. Concurrent omnes ad Deum audiantque ejus verbi tubam ſonum certum edentem. 3) Deus per prophetam ſignificat populo ſuo, quod, licet quandoque videat uelle rerum contingentium ſpectator,

ſpectator, nihilominus opportuno tempore appariturus & hoſtes contriturus fit. Plura hic adducuntur, quæ non perſequimur, perrecturi ad aliud vaticinium doctè explicatum. Cap. LXIII Eſaiæ, quod in quibusdam Eccleſiis noſtris tempore paſſionis prælegitur, & de Chriſto patiente ſenſu literali explicatur, noſter doctiſſimus Interpres, uti par eſt, in ſenſu literali, de Idumæis, in myſtico vero de ſpiritualibus hoſtibus interpretatus eſt. In expoſitione literali hoſtes ſunt Idumæi, qui lætati ſunt, cum Judæi per Chaldæos deſtruentur, Pl. 137, 7, & qui interfecerant omnes, qui ea tempeſtate perterriti in Idumæam conſugerant, Obad. XII, 13. Additur porro, hoc vaticinium eſſe impletum, licet nullibi legatur, Idumæos eſſe victos: idem enim Jeremias prædixit XLIX, 13: *Bozra devaſtanda erit*. Hoc ſenſu ſpectat vaticinium ad Judæos, quibus per Jeſaiam eſt traditum; ſed quia Idumæa uti Babylonia in Scriptura eſt typus omnium hoſtium Eccleſiæ, ideo etiam de his in ſenſu myſtico eſt accipiendum. Uti præceptum de non frangendis oſſibus agni paſchalis Ex. XII, 46 in ſenſu literali de eodem intelligitur: ſic in ſenſu myſtico in Chriſto, Joh. XIX, 36, quem adumbrabat ille agnus, eſt vere impletum. Hinc noſter Clariffimus Autor dicit, victoriam Idumæorum adumbrare ſpiritualem victoriam per gratiam Dei in Chriſto ab omnibus ſpiritualibus hoſtibus reportatam. Similiter verba Cap. VI Hoſeæ v. 1, ex Ægypto vocavi filium meum, literali & myſtico vel prophetico ſenſu Noſter interpretatur. Hæc verba, inquit, impleta dicuntur de Chriſto Matth. II, 15; habent ergo illa duplicem ſenſum, historicum de evocatione Iſraelitarum ex Ægypto, & propheticum de educatione Chriſti ex eadem. Prior eſt typus poſterioris, & ſpecimen inſigne amoris divini, quo populum ſuum complexus eſt, quem etiam eo comprobatur, quod filium ſuum, quem Judæi expulerunt, in Judæam revocat. Ex eadem hypotheſi explicat Cl. Autor Dan. XII, 2: multi dormientium in terra pulveris ex pergiſcentur, hi ad vitam æternam, & illi ad opprobria & contemptum ſempiternum. Hæc interpretatur in ſenſu literali de Antiocho. Cum Deus, inquit, populum ſuum ex perſecutionibus eripit, eum quaſi reſuſcitatur. Sic reductio Judæorum ex Ba-

bylonia sub visione resurrectionis præfiguratur Ezech. XXXVII. Simili modo liberatio Judæorum ab Antiocho, aliæque restaurationes Ecclesiæ in statum feliciorem, sunt resuscitationes mortuorum in vitam. Multi qui in pulvere obscuritatis & calamitatis dormierunt, resurgent, quidam in hanc vitam, honorem & solatium, quod durat in æternum; quidam, qui post restitutionem revertuntur ad pristinam malitiam, resurgent in dedecus & contemptum. Deinde literalis sensui addit duos mysticos, α) resurrectionem Judæorum & gentilium, Christi, Michaelis adventu futuram. β) Resurrectionem universalem adhuc futuram. De priori ita loquitur: Cum princeps noster Michael apparebit, suumque Evangelium prædicabit, multi dormientes in pulvere tam Judæi, quam gentiles resurgent ex Gentilismo & Judaismo; sed quia semper hypocritæ admixti sunt fidelibus, quidam resurgent ad vitam, quibus Evangelium est sapor vitæ ad vitam; alii ad contemptum, quibus Evangelium est sapor mortis ad mortem. Posteriores ita proposuit: necesse est, ut hæc intelligantur de resurrectione universali. Multi, qui dormiunt in pulvere i. e. omnes quorum maxima multitudo est; vel multorum, qui dormiunt in pulvere, resurgent in vitam, multi quoque ad contemptum. Hunc sensum probat partim testimonio Judæorum, qui hunc locum de universali resurrectione interpretantur; partim verbis Christi, qui ad hoc vaticinium respexit, cum de resurrectione ad vitam & damnationem loquitur Joh. V, 28, ut & verbis Pauli, qui de Judæis testatus est, quod resurrectionem justorum & injustorum expectent. Act. XXIV, 15. Non improbanda erit hæc methodus, scimus enim, vaticinia Israelitis esse data, ex quo constat, quod ad eosdem spectent in sensu literalis; quia vero prophetæ de Christo testati omnes sunt, necesse est, ut facta historica, a Prophetis prædicta, typi sint futurarum rerum spiritualium. Sensum literalem plerumque urget scopus & nexus: mysticum vero explanant N. T. Scriptores, qui mysteria œconomiz divinæ optine ex divina revelatione cognoverunt.

JOANNIS CONRADI Schwarz, ELOQ. ET
 Græc. ling. P. P. O. in Gymnas. Casimir. Miscellanea
 Philologica, & Theologica.

Coburgi, apud Paul. Gunther. Pfotenhauer, 1715. 8.

Alph. 1 plag. 3.

DOCTISSIMUS Autor horum Miscellaneorum, cujus jam alias, ut meretur ejus præclara eruditio, in Actis nostris mentionem fecimus, repræsentat nobis priuo loco *Germanicum Casarem*, sua cura perpolitum, cum ei jam inde a Grotio, cujus hic notæ recusæ sunt, rejectis tantum imaginibus, in earumque locum substituto Schikardi astroscopio, nemo medicam manum, qua tantopere indigebat, ex instituto admovisset. Ipse igitur, cum in appendice præfationis hæc carmina Germanico Drusi filio dicasset, & Nicolaum Heinsium aliud cum Rutgerio sentientem refutasset, Aratum, & cælum ipsum, & veterum scriptorum testimonia, fundamenti loco substernens, conquisitis etiam doctorum virorum, Guil. Morelli, Hadr. Turnebi, Josephi Scaligeri, Clandii Salmasii, Jani Vlitii, Casp. Barthii & Jani Brouckhusii, fugitivis, & alieno plerumque loco productis notis, ad eum interpretandum accessit, duplici potissimum ratione usus: nam & obscura ex Mythologis explicavit, & corrupta modeste, nec sine necessitate, ex ingenio restituit. De notis quidem illud monendum est, esse quam brevissimas, noluit enim, quæ in lexicis reperiri possunt, obtrudere, aut aliena attexere, sed contentus fere fuit, fontes indicasse, ex quibus hujus vel illius fabulæ historia limpidius, quam ex vulgaribus libellis, hauriri queat, id enim magna ubique diligentia præstitit. Adeo pleræque ejus notæ mythologicæ sunt. Exempla luculenta occurrunt p. 8 de Attide, p. 15 de Ariadne, p. 20 de Icaro, p. 27 de Boote, p. 31 de Myrtilo, & alia. Nonnunquam immiscet etiam aliquid ad observationem rituum antiquorum pertinens, ut p. 4 pro audace habitum fuisse annotat, qui sidera curiosius intueretur, & p. 23 navigationem aureo seculo ignotam fuisse, & p. 26 veteres nefas existimasse, occidere bovem aratorem, & p. 61 horas veterum æstate longiores, breviores autem hieme fuisse. Alicubi singula-

res

res vocabulorum quorundam significationes ex intima Latinitate primus depromit, quemadmodum p. 190 eleganter monitum est ab eo, quod *a* ponatur in comparationibus, & quod *utensilibus* significantur alimenta, vel res ad vitam sustentandam conducibiles. Quibus exemplis præter cetera antiquitatem Latinæ versionis Irenæi demonstrare voluit. Ex emendationibus unam maxime notabilem proferemus, quæ p. 55 extat. Nam cum in veteribus editionibus versus 267, 268, sic legentur:

Cum primum agricolam ventus supereminet auster,
Et cum surgit hiems ponto, fugienda peritis.

& neque Grotius sciret, quid sibi vellent, neque Salmasius, qui post longam & tædiolosam in Exercitationibus Plinianis ad hunc locum disputationem nihil tamen extricare potuit, ipse sic eos emendat, & distinguit, Arati vestigia secutus:

Cum perit, agricolam vellens supereminet æstas,
Et cum surgit, hiems ponti fugienda peritis.

Loquitur autem Germanicus de Pleiadibus, quas *perire* dicit, cum occidunt, *surgere*, cum oriuntur. Rationes emendationis ipse reddit in subjectis notis copiosius. Possent alia complura adduci, sed jam apparet ex his, quæ dicta sunt, doctissimum Autorem non levia subsidia ad scriptorem hunc explicandum attulisse. Allegat passim in notis ea, quæ ad Scriptores rei rusticæ scripserit, quorum ab aliquo tempore novam editionem procurandam in se suscepit: quod ut quam primum effectum reddat, maxime eum rei litterariæ causa rogatum volumus. Adjecit ingeniosam amuleti cujusdam Basilidiani, quod ex Sponio desumpsit, item geminæ & numerorum aliquot in Thesauro Brandenburgico exhibitorum explicationem, quas studiosus Lector ipse non sine jucunditate evolvere poterit. Nos enim properamus ad Miscellanea Theologica. Primo loco occurrit explicatio loci Rom. X, 9, 10: *Quod si professus fueris ore tuo Dominum Jesum &c.* Ad hunc quasi lapidein offensionis offendere ait doctos & indoctos. Hos quidem, quod putent, Christo Paulum contradicere, cum latam adeo facilemque salutis viam dicat, quam ille Matth. VII, 14, 21, 22, 23 angustam multisque septam

septam difficultatibus pronunciarit. Doctos autem offendere, quod ad Romanos talia scripserit Apostolus, quorum mores temporibus Claudii, quæ potissimum obversata illi fuerint, pessimos fuisse, idoneis plurimisque bonorum autorum testimoniis confirmat. Cogitare igitur doctos, si inter Canadenses illa scripisset Apostolus, gentem olim nullis fere vitiis inquinatam, non mirum fuisse, si tam pauca postulasset fidei capita vitæque præcepta. In tanta autem morum Romanorum corruptela de tam brevi religionis formula quid sentiendum sit, non apparere. Utrisque occurrere satagit doctissimus Autor, ex Historia Ecclesiæ illorum temporum ostendendo, quam difficile, quamque periculosum fuerit profiteri Christianam religionem, in populo ad miraculum superstizioso, novisque cultibus, Christiano imprimis, nimium infenso, vel eam ob causam, (plures enim allegat p. 239 sq.) quod solennibus epulis & sacrificiis, quibus curias singulas concordiamque adeo populi contineri, antiquitus instituerat, interesse Christiani prohibebantur, tanquam communioni Dæmoniorum, 1. Cor. X, 14 seq. Emphases deinde reliquorum verborum diligenter evolvit Autor, & quæ iis præcipiuntur, moribus Romanorum e diametro adversari, ac denique summarium quasi Theologiæ illis contineri, ingeniose demonstrat. Ut adeo neque indocti habeant, quod putent, Christo adversari Paulum, neque docti, parum ad mores Romanorum accommodasse sermonem suum, existimare possint. In *fragmento demonstrationis Theologicæ* id agit Autor, ut præsentiam realem corporis & sanguinis J. C. in Cæna Dominica demonstraret, sed quia longior est, quam ut huc transferri tota possit, nisi vero tota proponatur, plene intelligi non possit, notamus tantum, totam fere rem eo redire, Christum esse antitypum agni Paschalis, successisse itaque tanquam substantiam & corpus in locum umbræ, & tam vere eodemque loco adesse corpus & sanguinem Christi, quam vere quoque loco adfuerit agnus Paschalis. In Scholio ad definit. II & III de eo imprimis disputat, non ex typo de antitypi ratione, sed ex antitypo de natura typi judicandum. Exemplo hanc in rem utitur agni Paschalis, allatisque quam plurimis vitæ passionisque Christi circumstantiis, si-

mile quid in agno Paschali fuisse, inde conjicit: ex quibus duo tantum proferemus, quod forte pauci typum vel antitypum ibi quærant. Unum est: *Christus quum e cruce penderet, hoc fuit ornatus elogio JESUS NAZARENUS REX JUDÆORUM.* Agnus quia perdentem Angelum & inimicos *Israëliitarum a noxia prohibebat, & Israëlitæ suos tuebatur; regis officio rite functus est.* Alterum: *Jesu vestimenta in quatuor partes divisa sunt. Tunica ἀγῶαφ & integra mansit. Lana distincta fuit agni: pellis fere discissa non est.* In animo habet clarissimus Autor, omnes omnino παραστάσεις vitæ Christi, quæcunque a quatuor Evangelistis annotatæ sunt, hac ratione ad typum hunc, agnum nempe Paschalem, peculiari commentatione revocandi. In Scholio ad Axioma XIII, sanguinem Christi in verbis institutionis S. Cœnæ αἷμα τῆς καινῆς διαθήκης vocari ait, quod id esset novi instituti, ut sanguis biberetur, cum Judæis prohibitum fuerit. Disputatio, cui titulum fecit: *Muhamedes Gnosticus* prorsus egregia est. Retundit enim calumniam, quam vocat, Muhamedanam religionem ex Christiana, Judaica & Gentili esse commixtam, ostenditque, comparatis inter se Irenæi, ubi de Gnosticis agit, testimoniis, & Corani quibusdam locis, e Gnosticorum impuris fontibus Muhamedem & errorum prodigia & vitæ dissolutionem hausisse. Quæ sequitur commentatio agit de *unica humani generis stirpe Adamo*, ubi contra eos disputatur, qui gentes Americanas, Africanas & Asiaticas ab eodem patre descendere potuisse negant, quorsum *Hontani* in primis locus ex Itinerario ejus exhibetur, ostenditurque, discrimine inter has gentes non esse tantum, ut non ab uno Adamo potuerint procreari. In *Specimine observationum ad Gussætum* palam facere voluit, quanta ex diligente lectione Scriptorum rei rusticæ Latinorum ad sacram etiam Philologiam utilitas redundare queat. Ex his igitur contra *Gussætum* probat, vocem אֵרֶנ non *aream*, in qua tritatur, sed, vel *præsepe*, quod adhuc plerisque placuit, vel *horreum*, quæ ipsius propria est sententia, significari. Claudat agmen, *Delectus precum a B. Casp. Neumanno* Germanice scriptus, a nostro Latio donatus, ut *auditores viri doctissimi Latinitatem ne corrumpant*, (quam ipse in prælatione

præfatione instituti rationem affert) *ſi*, quod utilius putat, *Latine precari quam Germanice malint.*

*INSTITUTIONES PHILOSOPHICÆ AD
faciliorem veterum ac recentiorum Philoſophorum lætio-
nem comparatæ, Opera & ſtudio V. Cl. ED-
MUNDI PURCHOTII.*

Tomus IV.

Lugduni, apud Antonium Boudet, 1711, in 12 reg.

Alph. 1.

POSTquam acutiſſimi Philoſophi Tomum I Supplement. T. VI Sect. III p. 118 ſeq. & Tomum II ac III ibidem Sect. IV p. 146 ſeq. perluiſtravimus, hoc loco, quæ reliqua ſunt, addemus. Tomo quarto Cl. Autor ſcientiam moralem pertractat, quam in quatuor partes dividit. Parte prima de ſummo bono ſeu ætuum humanorum fine diſquirit: ubi primum varias Scholæ de bono diſtinctiones explicat & quæſtiones ad examen revocat, num bonum ita appetatur, ut odio haberi non poſſit? num malum ita averſemus, ut ipſum amare nequeamus? utrum bona utilia & jucunda ſint etiam vere bona, an vero ſolum bonum honeſtum ſeu virtus boni nomen mereatur? an denique utile dici poſſit, quod non ſit honeſtum? Quæſtionem primam affirmat, ſi bonum ſpectetur comparate ad nos; negat, ſi absolute ſpectetur. Ratio hæc eſt, quia voluntas odiſſe nequit, quod eam ſuaviter afficit. Eadem diſtinctione utitur ad quæſtionem ſecundam decidendam. Bona jucunda & utilia, h. e. bona animi, corporis & fortunæ moraliter nec bona, nec mala eſſe ſtatuit; ſed eorum duntaxat uſum bonum eſſe aut malum. Ad quæſtionem quartam diſtinguit utile in id, quod ad aliud obtinendum conducit, & in id, quod meliores nos efficit. Poſteriori ſenſu ad quæſtionem negando, priori affirmando reſpondet. Succedit finium conſideratio, ubi explicatis aliquot Scholæ diſtinctionibus probatur, finem ultimum omnium rerum eſſe Deum, quia ad ipſum res omnes ultimo referuntur. Unde rejectis Epicureorum, Stoicorum, Peripateticorum & Platoniorum de ſummo bono

sententiis, in solo Deo hominis felicitatem positam esse concludit, præsertim cum is mentem humanam ita complere possit, ut nihil ipsi ulterius optandum superfit. Beatitudinem formalem in summo gaudio consistere statuit, quia est status, quo in summo suo bono viso & amato tanquam ultimo fine acquiescit. Digreditur duobus ultimis capitibus ad theologica nonnulla de beatitudine æterna per Christum consequenda, quæ non sunt huius loci.

Pars secunda, proluxior ceteris, actus humanos eorumque regulas replicat. Actum humanum cum *Thoma Aquinate* appellat eum, qui fit ab homine cogitato & consulto agente. Distinguit hos actus more Scholæ in interiores seu elicitos & exteriores sive imperatos. Actus interiores voluntatis enumerat **1** amorem boni & odium mali generatim; **2** consultationem seu mediorum ad finem ducentium inquisitionem; **3** electionem seu assumptionem unius medii præ alio ad consequendum finem; **4** fruitionem. Circa actus imperatos varia disquirat, nempe **1** quid sit imperium & ad quam facultatem pertineat? **2** an voluntas moveat intellectum & vicissim ab intellectu moveatur? **3** an voluntas appetitus sentientis motibus & **4** an sensibus internis, imaginationi ac memoriæ imperet? Imperium cum Canonistis definit per actum superioris aliquid intimantis; unde concludit, imperium includere & intellectum, quia id, quod intimatur, intelligi debet, & voluntatem, quia jussio est voluntatis actio. Quoniam tamen vis impellendi præcipua in imperio, voluntati præcipuo jure imperium tribuendum esse Nostro videtur. Querit deinde, an omnis actus humanus sit voluntarius & liber? Voluntarium definit per id, quod fit cum cognitione intellectus & propensione voluntatis: involuntarium vero, quod fit vel vi, vel ignorantia. Unde insert, involuntaria esse, quæ per vim fiunt. Hanc autem voluntati inferri posse quoad actus interiores & proprios negat, quia hi semper cum propensione voluntatis fiunt; largitur tamen, eam inferri posse quoad exteriores & imperatos, cum experientia id loquatur. In numerum involuntariorum refert, quæ fiunt ex metu gravi, quia fiunt voluntate repugnante: comparate tamen voluntaria censet, quatenus nimirum

rum fiunt ad majus malum declinandum. Concupiscentiam, etiam quæ voluntatis consensum antecedit, voluntarium tollere negat, quia nec voluntatis propensionem, nec intellectus cognitionem penitus adimit. Actum tum dicit liberum more vulgari, si sic exercetur, ut ad libitum omitti possit & duplex libertatis genus considerat, libertatem nempe a coactione seu spontaneitatis & libertatem a necessitate seu electionis. Priorem homini competere probat, quia non potest cogi voluntas in actibus interioribus & propriis. Posteriores inesse, per experientiam stabilit & ad eam more solito indifferentiam contradictionis requirit. Progreditur inde ad bonitatem & malitiam actuum humanorum explicandam. Moralitatem actus vocat respectum ad suam regulam, per quam vel bonus, vel malus decernitur. Cum ea conferendum esse monet actum tum ratione objecti, tum ratione finis, tum ratione circumstantiarum notissimo versiculo comprehensarum: *Quis, quid, ubi, quibus auxiliis, cur, quomodo, quando.* Regulam cum *Thoma Aquinate* duplicem agnoscit, nempe legem æternam, quæ est summa Dei ratio vel ordo, quo cuncta sapienter disponuntur, & rationem humanam, quam utramque nomine legis naturalis comprehendit. Primaria hujus præcepta in amore Dei super omnia & proximi propter Deum constituit. Unde de utriusque indole differit & obvias apud Moralistas conclusiones de lege naturali tradit. Huic doctrinæ jungit alteram de conscientia, quam vocat actum, quo applicamus scientiam nostram ad actiones nostras, & prolixè in primis adstruit, a vera solidaque morum scientia doctrinam probabilitatis ablegari debere, rationibus non tam philosophicis quam theologicis usus. Solenne enim est Nostro Theologiam miscere Philosophiæ, nec hanc puram atque integram semper conservat. Et ad priorem quidem spectat integrum de lege divina caput, quod vero de legibus humanis succedit, de legibus ecclesiasticis & civilibus historice tractat: mox tamen ex Institutionibus Justinianeis subjunguntur selectæ juris notiones cum variis observationibus ad doctrinam morum spectantibus. Epilogo loco in parte secunda examinantur duæ quæstiones, scil. an omnis actus humanus ita cum morum regulis consentiat aut ab

iis discrepet, ut semper bonus sit, vel malus moraliter, nunquam indifferens? & num affectus animi disciplinæ moralis præceptis subjiciantur? Questionem priorem cum D. *Thoma* affirmat Autor, si sermo sit de actu humano individuo spectato, quia omnis actus sit vel propter bonum, vel propter malum finem, hancque sententiam contra *Scotum* prolixè defendit. Ad posteriorem duabus propositionibus respondet: nimirum omnes affectus animi non esse natura sua malos, nec proinde extirpandos, sed regendos, & intra rationis fines continendos, quia ad rectum finem ordinari possunt hominemque ad honesta munia obeunda inclinant; rectum autem affectuum usum in eo maxime positum videri, ut ii vel ratione temperentur, vel ad boni persecutionem fugamque mali comparate ad ultimum hominis finem adhibeantur.

Pars tertia in virtutum indolem inquirat. Virtutes in supernaturales seu infusas & naturales seu acquisitas distinguit. In illarum censum refert fidem, spem, charitatem, gratiam habitua-lem, dona Spiritus Sancti, fructus Spiritus, beatitudines Evangelicas a Christo prædicatas, consilia Evangelica de castitate perpetua, paupertate voluntaria & obedientia integra, donumque perseverantiæ: in horum numero sunt prudentia, justitia, fortitudo, temperantia. Virtutem definit Autor per habitua-lem amorem ordinis, & in virtutibus supernaturalibus explicandis Theologos, in naturalibus evolvendis *Aristotelem* sequitur. Quemadmodum vero philosophiam puram & castam non conservat, ita quoque ex Theologorum scriptis nonnulla de peccato cum originali, tum actuali inculcat.

Pars denique quarta officia hominis erga DEUM, erga seipsum, erga familiam, erga Remp. breviter recenset.

EXERCITATIONES SCHOLASTICÆ IN varias partes Philosophiæ, præsertimque in Aristotelis Metaphysicam, sive series disputationum Ontologicarum naturalis ordine dispositarum, quibus præmissum est breve Compendium Philosophiæ. Opera & studio EDMUNDI PURCHOTII, Juris Licentiati &c.

Lugduni,

Lugdunī, apud Antonium Boudet, 1711, in 12 reg.
Plag. 18.

Cum singulas partes Philosophiæ *Purbotiana* recensuerimus, inde haud difficulter judicare licet, quænam in Compendio Logicæ, Metaphysicæ, Physicæ ac Ethicæ contineantur. Nimirum ex opere prolixiori excerpuntur definitiones ac propositiones; omittuntur explicationes, illustrationes, probationes & disputationes, quamvis subinde rationes quædam assertorum indicentur.

Disputationes ontologicæ majorem libri partem sibi vendicant. Prima præmialis est de Philosophia universe, ubi queritur, 1 an apud nos existet Philosophia? 2 an scientia, fides & opinio simul in eadem mente de eadem re consistere possint? 3 quænam sit causa efficiens Philosophiæ? 4 quænam causa materialis? 5 de unitate & distinctione generica, specifica, numerica & aliis adjunctis scientiarum, 6 num scientiæ speculativæ sint nobiliores practicis? Secunda est de ente generatim, an ens sit univocum respectu entis realis & entis rationis, respectu substantiæ & accidentis, respectu Dei & creaturæ. Tertia est de principiis entis, actu & potentia, essentia & existentia, natura & singularitate, distinctione graduum metaphysicorum in eodem individuo, existentia universalium, eorundem indole, & præterea disputatur, num universale sit genus respectu quinque universalium nempe generis, speciei &c. an in actuali prædicatione excidat sua universalis ratio, de genere & differentia, de substantia & subsistentia. Quarta est de causis entis, finali, efficiente, materiali & formali. Quinta est de proprietatibus entis, unitate, veritate & bonitate, relatione & oppositione. Epilogi loco subjiciuntur theses Philosophicæ ex Prolegomenis. Sed vix consultum judicamus, ut aliqua ex his terculis scholasticis apponamus.

OECONOMIA JURIS CONSISTORIALIS,
cum Decade Questionum exhibita a CHRIST.
FRID. PLATHNER.

Goslariz, in pensis Joh. Christoph. Rönig 1715, 4
Plag. 18.

Cum

- Cum hætenus Consultissimo Autori in Jure Ecclesiastico hodierno haud pauca ex principiis inique perceptis hausta multaue a Pontificiis adhuc residua reperta fuerint, veritatis studio motus ex sanæ Philosophiæ & Jurisprudentiæ Universalis, Romanæ æque ac Germanicæ, principiis pro idea recte formanda hæcce vigilas, ut ipse appellat, typis vulgandas curavit, unde nonnulla in medium adducemus. Electori Sax. nomen Defensoris Religionis Evangelicæ tribuit Autor, quod in primordio Reformationis strenue pro illa militaverit; sed num curiæ usu idem receptum, nobis nondum liquet. Territoria Statuum Protestantium in *Secularia*, eaque vel ab initio vel ex post facto, & *Ecclesiastica*, vel stricto modo, quæ jure Postulationis vel Electionis ad ipsos pertinent, vel late, quæ uni familiæ incorporatæ, & denique *mixta*, in quibus Regimen quidem formam secularis præsentat, salvo tamen jure Capitulorum, exemplo Magdeburgensis Ducatus, distinguit, atque in Ecclesiastica, uti & in personas & bona Romanensium in terris Protestantium sita territorii Domino omnia jura competere statuit. Jus autem Consistorium habendi, atque ut Clerus in illo adhibeatur, libertatis & consilii, non necessitatis esse; at hodie Diaconos quoque admitti, licet præter Goslariam id nuspiam sibi apparuerit, demonstrat. Præsidis officium Politicis vindicat, dicto Salvatoris, qui discipulum alium alio superiorem esse prohibuit, & praxi suffragante (nisi quod bellico Danorum Consistorio Theologus præsit,) eidemque sigillum plerumque concedi tradit, Clero tamen ab hoc interdum haud excluso, debere etiam Politicos Assessorum numero in Consistorio vincere, cum maxima laborum pars ipsos tangat: illos autem ex Clero non in rebus saltem fidei, sed & aliis voto decisivo, imo in spiritualibus Politicis prævalere. Actuarii munus maxime necessarium neque illud ab Assessore quodam expediri posse existimat; denique Pedelli officio modo ædituum modo nuncium Regiminis secularis defungi notat, hoc tamen erroneæ observantiæ imputans. Principem utpote supremum coram Consistorio conveniri non posse dicit, licet monitio quædam Consistorialibus in Legibus ferendis competat, ne legi naturæ seu Scripturæ istæ renitantur; præterea
9. 14.
24.
16. 25.
29. 26.
29.
27.
30.
32. 33.
34. 35.
37.

terea distinctionem inter Jura Episcopalia & Sacrorum refellit, & potius inter Reservata Gratiz & jus ordinandum, quæ ad solum Principem pertineant, ac ordinarie concedenda aut jure jam ordinata, quæ a consistorio nomine Principis peragantur, distinguendum autumat; si vero illa quoque observantiz forsan specie sibi tribuat Consistorium, turbatz superioritatis circa sacra illud reum fieri, etsi in plurimis adhuc terris ista incerta reperiantur, quo tamen in genere provinciæ Saxonicæ ceteris palmam facile præripiant. Inde cavendum esse Consistoriis, ne cancellos delegatz Jurisdictionis transilient, sed talia potius ad Principem deferant, ne suspectum Principi vel partibus reddatur; denique errorem eorum, qui Consistoria Protestantium in locum judicii Episcopalis surrogata credunt, notavit. Privilegium fori Clero nec lege divina, nec Canonico jure, sed Gratia Principis concessum, hincque sæpius idem cessare sibi persuadet. Cum autem multæ causæ, quæ stricto jure ad forum Civ. pertinent, ad Consistoria referantur, vel ex inveterato Pontificiorum principio, vel regulis juris Can. a nostris moribus omnino alienis, quibus summi sæpe Jcti falso sunt innisi, causas sedulo monet esse indagandas, de quibus tribunal Ecclesiasticum hætenus judicaverit, idque a recentioribus haud infelici successu fuisse tentatum, licet multa adhuc supersint; interea causas Ministerii circa conscientiam probe discernendas, nec ad Consistorium esse trahendas. Appellationes a judiciis Ecclesiasticis nec ad summa Imperii tribunalia, neque apud Catholicos ad Pontificem, ex casu novissimo Hildesiz sibi oblato, esse permissas demonstrat. Jurisdictionem gubernativam in cultu externo soli Principi vindicat, etiamsi Princeps in multis propriæ Religionis principiis non conformiter vivat, *1 Petr. II.* Potestatem in Principem proprium censura utendi, si crimen tantum sit transiens, Ecclesiæ vel Ministro plane negat; sin vero continuum & quod directo implicet contradictionem cum fide, tutius esse ait, ut provinciam plane relinquat, quam saucia conscientia aliquid committat. Vix denique compulsi vix ex Matth. XIX, unde Excommunicationem plerique derivant, persuaderi sibi non patitur. Interim Principes Protestantes Excommunicationem eam majorem

f. 38.

90.

39-40. 41.

36.

42 - - 43.

54- 55.

52.

59.

61.

sibi reservasse, nec Consistoriis eam communicasse animadvertit. Addidit Autor Cel. ob affinitatem materiz Decadem quæstionum, quibus olim a quodam (videtur is esse Andr. Fröling, Minister antea apud Goslarenses,) falsitates nonnullæ ipsi imputatæ fuerant. I & II Elenchum haud obsint efficaciz Spiritus; conf. lib. Autoris contra Andr. Frölingen exaratum sub tit. *Verkappter und Erkappter Pharisäischer Buß-Prediger*. Illum autem, cui falsa crimina a Pastore e suggestu sunt objecta, licet innocentia sua tutus sit, minime tamen esse obligatum, ut injurias illas alio velut supercilio contemnat. III Principem in Ministrum Verbi non ratione personæ solum, sed officii quoque jurisdictionem exercere statuit, ut tamen mandatis Dei vim non inferat. IV Pastorem ad Conciones etiam extraordinarias, in peculiari templo habendas, esse obligatum, licet in Vocatione nulla illarum mentio fuerit facta, ostendit. V Clericum cum Magistratu suo litigantem obstrictum putat, ut coram ipso experiatur, neque judicium delegatum sibi expetat, aut ad superius provect, cum in præjudicium summorum judiciorum idem tendere queat. VI Magistratum, quamvis vitam Christiano dignam haud vivat, jura sibi competentia licite exercere posse credit. VII Superiorem in Republica potestatem non in corpus tantum civium, sed quodammodo in conscientiam quoque concessam esse censet, ita tamen ut, quæ in lege Dei circa cultum vel internum vel externum jam determinata sunt, ipsi mutare non liceat. VIII Clericum, ut leges publicas politiz causa latas jussu Magistratus e suggestu populo publice prælegat, teneri existimat. IX Pastorem, superiori parere detrectantem, salario per certum temporis spatium privari posse putat. X Secundum temporum nostrorum statum Ministro verbi divini apud Protestantés sufficere vocationem Patroni externam legitimis modis acquisitam, nec internam seu divinam expectandam esse autumat.

NOVA LIBRORUM RARIORUM COLLECTIO,
quæ vel integri inseruntur, vel accurate recensentur.

Fasciculus IV.

Halsæ

Halæ, ex officina Rengeriana, 1715, 8.

Plag. 12.

CL. Editor de rarioribus libris hujusque raritatis causis posthac commentaturus, prius Typographi rogatu Collectionem hanc a B. Groschupfio edicēptam & a nobis in Actis A. 1710 pag. 255 commemoratam continuare, eique additis aliquot Partibus & Iudiciis necessariis colophonem imponere constituit.

In præsentī Fasciculo principem locum occupat *Guil. Burtoni Historia Græca Lingua*, rarissima huc usque in nostris regionibus & magni semper ab Eruditis æstimata. Nobis non immorari iis, quæ lucem antehac aspexerunt, sed pauca ex recens ab Editore additis observationibus delibare placet. De Burtoni quidem & opusculi, Londini anno superioris seculi quinquagesimo septimo exscripti, satis plura sequenti Tomo tradere promisit Collector, cui ejusdem Burtoni Commentationem de Reliquiis Linguae Perficæ inserere animus est. Hic interim ea, quæ ab Oratore aut brevius dicta fuerunt, aut perperam asserta, suis animadversionibus passim illustrat vel emendat, Litteraria etiam quandoque aliorum paroramata castigat. Sic quando l.c. pag. 606 (coheret autem paginarum numerus cum Fasciculis prioribus Groschupfianis) Burtonus Homerum ipsum Iliadem in Libros per literas divisisse, Aristotelis autoritate nixus, negat. Editor Castelvetri meminit, qui in Comment. ad istum Stagiritæ locum contrariam tnetur sententiam, *non verisimile esse* ratus, *Homerum integros XXIV Libros continuo temporis nexu atque sine ulla distinctione aut intercapedine recitasse*. Nihilominus tamen Aristotelis asserto patrocinari putat Noster vetus proverbium, quo Græci hominem plus justo garrulum, *μακρότερον τῆς Ἰλιάδος* prolixiora Iliade loquentem appellarunt. Pag. 611 affirmat Anglus, inter antiquissimos vel posteriores etiam Græcos *εὖ γεαυῆ* nomen nusquam nisi apud Lycophronem occurrere; verum Aristotelem ipsum L. 1 Meteorol. C. 14 hac voce usum fuisse, in notula docetur. Pag. sequenti Burtoni atque aliorum circa Sophianum ejusque Græciæ Tabulam errores notantur, & pag. 628 Plinii locum in aliquot Editionibus corruptum ex

melioribus Codicibus Collector restituit. Pag. 630 Crenius ipsi vapulat, ob iniquius judicium de Taibmanni in Plautinas comœdias Commentario, quem laborem tamen Clericus & alii Critici satis commendarunt, licet & Scaliger, durus in plerisque Germanorum censor, traduxerit. Pag. 635 ridetur mira Perionii Galli etymologia, qui vocem *maison* ἀπὸ τῆ ὀμῆ Græcorum derivare non dubitavit. Ibidem exponitur, quid & cuius illud Polyolbion sit, quod cum Seldeni Comment. Lond. 1612 forma majori lucem aspexit, pluribus qui Seldeni vitam & scripta recensent, ignoratum, certe non memoratum. Nec taceandi sunt, quæ p. 646 de celebri Spartanorum Psephismate, quo Timothens solum vertere jussus est, referuntur. P. 650 mentio fit eruditissimi Commentarii, quem in obscurum Casandra scriptorem summo studio collegit Cl. Vir, Georgius Frid. Thryllitsius, aliquot præstantissimorum Wittebergenfium & Augustanorum MStorum ope adjutus, quem tamen infra p. 760 inopino fato abreptum acerbè dolet. P. 663 de iis agit, qui Continuationem Operis Vossiani de Hist. Græcis & Latinis minati sunt, interque eos optima quæque a Clar. Wendleri conatibus expectari posse e reliquis Viri eruditi lucubrationibus colligit. Illos etiam p. 682 refutat, qui Accursium Græca penitus nescivisse fingunt, rude illud: *Græca sunt legi non possunt*, celebri Juris Glossatori tribuentes: cum ipse bonus Vir ad Leg. 6 D. de Bonor. possess. (prævidens quasi & exprobraturus imminutam sequentis ævi calumniam) disertis verbis scripserit: *Græca litera possunt intelligi & legi*. Celebre apud Britannos est Roberti Capitonis, vulgo Grossetest, Licolnienfis Episcopi, nomen, nihilominus haud pauci scriptores in ejus sive nomine sive fatis hallucinati fuerunt, quorum errores p. 694 notantur, additis præterea de Balco, æque ac seqq. paginis de Pitseo, Phrea Siculi Interprete aliisque observationibus quibusdam lectu non indignis. Burtonum etiam Lascares, Græcos exules, confundentem ex Magnif. Bœrneri Dissert. de Exulibus Græcis corrigit, & harum Dissertationum auctius recudendarum spem facit Autor. Sequitur II Franc. Taurelli Dedicatio & Prefatio splendida Florentinarum Pandectarum Editioni (Florent. 1553 f. 2. Volum.)

præmissa

præmissa, ubi de utroque Taurello, patre Lælio atque filio Francisco, quæ reperire potuit, affert Collector, miratur vero etiam & conqueritur, quod tantorum nominum vix ulla apud Literarios Scriptores memoria exstet. Pag. 721 omnes eruditos cimmeliorum Juridicorum possessores obtestatur, ut ne notitiam pleniorum libri rarissimi, quod Ant. Augustinus *de Nominibus Pandectarum propriis* conscripserit, ipsi vel publico potius invideant; frustra siquidem eundem per duos & ultra annos in instructissimis librariis a se quæsitum fatetur. Eamque notitiam eo gratiorem sibi fore addit, quod fata τῆς παλαιᾶς Justinianicæ peculiaribus olim Dissertationibus exequi in animum induxerit. Hos Taurelli labores excipit pag. 737 *III Job. Chifletii judicium de fabula Joannæ Papiſſæ*, quam Antw. primum anno 1666 excusam, cum vix unicam chartæ quater plicatæ phylæam repleat, integram Lectori exhibet: de suo tamen ob rationes fonticas parum aut nihil adjecit. Ceterum facilis est conjectura, Chifletium, qui Pontificius & Clericus erat, omni ope eo niti, ut omnem hanc de Joanna relationem falsitatis atque absurditatis argumentis quibuscunq; convincat. Sellulæ etiam iconem addit, cui Pontifex recens electus insedisse fertur, ad experiendum, an vir esset armisque sexu suo dignis instructus? Hinc *IV* Librum insipidum pariter ac improbum, quem sub *Clavicularum Salomonis* titulo Vesalix A. 1686 in 4ta forma excudit Andr. Luppianus, homo ipse in fanatica molimina pronus, brevi recensione perstringit, aliqua simul perversi scripti deliria, & deliriorum specimina subjungens. De parente vero fœtus, si Diis placet, egregii accuratius disquiratur in *Epistola* laudati superius *Thryllitii* ad Anton. nostrum brevi ante obitum scripta, quæ scilicet quintum ultimamque hujus continuationis locum sibi vindicet. In illa Cl. Thryllitius operose ostendere conatur, Autorem *Clavicularum* neque Salomonem Israelitarum Regem, neq; alium antiquiorem fuisse; sed libellum vel ab ipso Luppiano vel ab alio impostore plane novitio suppositum probat. Editor varia hinc inde monita addit, hocque Germanicum opusculum ab antiquiore Latino *Clavicularum* libro Gesnero aliisq; citato, probe distinguendum esse p. 773 hortatur. Præterea Catalogum etiam scriptorum Alchymicorum Veterum in vetusto Bibliothecæ Rhedigerianæ,

rianæ, quæ apud Wartislavienses est, MSto contentorum inserit. Hunc, cum Editor ex ipso Codice ad verbum excerptum testetur, huc quoque vel eo nomine transcribendum duximus, quod in non paucis ab illo differat, quem Morhofius L. I c. 11 Polyh. exhibuit. Habentur vero in eo sequentia: 1) Stephani Alexandri L. de Arte Chrysopœiæ, cum ejusdem Epistola ad Theodorum it. Præxæ variz atque doctrina ad Heraclium Imperatorem. 2) Pelagii Philosophi de divina hac & S. Arte. 3) Ostoni Philosophi ad Parthasium de S. hac & divina Arte. 4) Democriti Physica & Mystica. 5) Synesii Philosophi Scholia in Democriti librum. 6) Anepigraphi Philosophi de divina Dealbationis aqua. 7) Item Patelsæ de auri successione. 8) Zosimi divini & Christiani Philosophi de Virtute cœlesti divinæ aquæ, de Instrumentis & Cammino, de Auri linea recta, &c. 9) Lexicon Chrysopœiæ ad ordinem literarum. 10) Olympiodori Philosophi Alexandrini Commentarius in Zosimum. 11) Anepigraphi Pappi & Hierothæi Philosophorum de Arte sacra. 12) Heliodori Philos. jambi ad Theodosium M. de Mystica arte Philosophorum. 13) Theophrasti Philos. jambi de eadem divina Arte. 14) Hierothæi Philos. jambi de eadem Arte. 15) Archelai demum Philos. jambi de eadem sacra Arte.

GRAMMATICA GRÆCA EX ALIIS ACCURATO ordine ac sollicito quorumvis examine collecta inque Sectiones & Capita, & hæc in Questiones ac Responsiones digesta, ad usus Gymnasii Ratissponensis Poetici, ab ejusdem Rectore ac Prof. Publ. GEORGIO HENRICO URSINO, Spirensi, nunc in alia etiam Gymnasia & Scholas recepta.

Norimbergæ, sumptibus Wolffgangi Mauritiî Endteri, 1714. 8.

Alph. 2 plag. 2.

Quæ sint Clarissimi Autoris singularia in Græcam & Latinam linguam merita, ex ipsis his Actis haud obturum est. Edit hujus seculi anno quinto Dionysii Orbis Terræ Descriptionem, commemoratam in Actis A. 1706 M. Januario: quam lucubrationem antecesserunt Institutiones plenissimæ Linguae Latinæ, recensitæ M. Januario A. 1701, quas ipse in Compendium non contemnendum redegit anno altero. Hæc quæ nunc ite-

rum cum Græcarum literarum amantibus communicatur Grammatica, primum laudata est M. Jun. A. 1691. Cujus cum exemplaria prope distracta essent, W. M. Endter, Bibliopola Norimbergensis, novam Editionem suscipere ratus, & Autoris opera, qui humanis rebus A. 1707 d. 10 Sept. vale dixit, frustratus, præter insignem illum Philologum M. Joh. Conradum Hagendorn, Gymnasii Norimbergensium illustris Conrectorem, compellavit non solum Clarissimum & Reverendissimum Georgium Nicolaum Köhler, Rectorem tum Lycei quod est in Onoldini Principatus Metropoli, jam vero Circuli Ecclesiastici Suobacensis Decanum dignissimum, Virum in omnigenere literarum maxime versatum, sed etiam Præclarum & in Græca lingua probe eruditum Virum, Andream Samuelem Mayer, Diaconum Gunzenhusanum tertium & Scholæ ibidem Rectorem, ut hanc Grammaticam eo usque expolirent, ne quid amplius desiderandum esset. Itaque Cl. Hagendornius curam typographiæ & correcturæ in se suscepit, & Declinationum quasdam formas, tenerioribus juvenandis destinatas, adjunxit, Cl. Köhlerus, qui per litteras de quæstionibus Grammaticis sæpius cum doctissimo Urfino egerat, quæque ejus non nno loco inuas esset, haud ignorabat, hanc Grammaticam Græcam a capite ad calcem perlustravit, nec typographica solum sphalmata sustulit, sed & quæ tum B. Auctor, si superesset, monere voluisset, tum ipse ex sua observatione suppeditare poterat, non pauca addidit; insuper loca quoque Scriptorum plurima indicavit, ut docentes ipsos fontes consulere & fundamenta regularum intueri queant. Cl. Mayerus vero in ipso opere, quia commodum id judicabat, quibus paginis Regulæ se mutuo requirentes inveniantur, subinde commonstravit, ac Indicem luculentum subjecit. Quid porro novum hæc nova Editio habeat, non dividere erit, specimenibus nonnullis monstrare. Pag. 9 monetur, quomodo jota Græcorum ut vocalis semper pronuntiandum sit. Pag. 20 ratio redditur, cur accentus polysyllaborum apud Atticos & Iones, ultima existente longa, tamen in antepenultima esse possit, postea de accentu participiorum præteriti passivi, & p. 21 de accentu præteritorum perfectorum & Aoristorum infinitivi in *αι* desinentium: pag. 24 de accentu Nomina-

minativi servando: pag. 26 de accentu fœmininorum, adjectivorum & neutrorum, item Imperativi: pag. 29 de encliticis accuratiora, quam antea, traduntur. Pag. 207 clarius docetur, quæ sit ratio formandi præterita passiva Optativi, & pag. 208 infinitivi, nempe hæc deducendo a secunda plurali, & tantum mutato in *αι*, & accentu in penultima collocato. Catalogus Anomalorum pag. 328 sqq. multis modis auctus est. Pag. 339 occasione sumta a contracto *τεθναῖναι* monetur, quod & sub calcem operis repetitur, syllabas contractas ex iis, quarum altera tonum habeat, ubicunque possint, circumflecti, si perquam pauca excipias. Accesserunt denique præter Electa Græca, nunc a mendis plerisque omnibus purgata, Auctarium, Testimonia, uti Tullius vocat, Euripidea complexum, & breves sententiæ, quæ Schreveliano etiam Lexico subjici solent.

Vir Celeberrimus, Christianus Matthæus Pfaffius suis Irenæi Fragmentis nuper editis, de quibus dicemus, cum primum ad nos pervenerint, adjecit Dissertationem de consecratione Eucharistica, ibi p. 459, 466, quædam in Dissertatione de Consensu Fidei & Rationis, laudatissimo a nobis operi Theodiceæ præmisso, sibi displicere notavit: sed nunc gratum sibi fore testatus est, si publice significemus, melius edoctum esse de mente Illustris Autoris, qui operationis immediatæ comparatione utatur, ita ut veram præsentiam corporis & sanguinis Domini in Sacramento Eucharistiæ non excludat, & *unionem* inter rem cœlestem & terrestrem negando, non neget earum *conjunctionem* in actu perceptionis, in qua consistit unio sacramentalis nostrorum Theologorum, sed tantum rejiciat vinculum quoddam seu tertium rebus superadditum, quod per unionem sæpe intelligunt Philosophi, tanquam modificationem res uniendas connectentem, sive localem inclusionis aut adhesionis, sive hypostaticam, qualis est animæ & corporis, verbi & humanitatis, sive aliam his analogam, quoniam hoc foret Entia multiplicare præter necessitatem & in perplexitates Philosophicas sese induere, & fortasse conjunctionem ultra actum perceptionis extendere, cum sine ullo alio rebus superaddito sufficiat divina institutio ad conjunctionem efficiendam, ut rem terrestrem sumentes simul cœlestis verissime participes fiamus.

ACTA ERUDITORUM,

publicata Lipsiæ

Calendis Septembris, Anno MDCCXV.

CONCILIORUM COLLECTIO REGIA MAXIMA, ad P. PHILIPPI LABBEI & P. GABRIELIS COSSARTII, e Societate Jesu, labores, haud modica accessione facta, & emendationibus plurimis additis, præsertim ex Codicibus manuscriptis; cum novis & locupletissimis Indicibus. Studio P. JOANNIS HARDUINI, ex eadem Societate Presbyteri.

Volumina XII.

Parisiis, e typographia Regia, curante Claudio Rigaud, Typographiæ Regiæ præfecto, 1715, fol.

CUm nuperrime in Gallia publice prostare cœperit integra splendidissima hæc ac vere Regia Conciliorum editio, non ingratum Lectori futurum existimavimus, si ipsi mature operis conspectum e Præfatione excerptum & e Gallia ad nos transmissum sistamus. Longe vero auctiorem esse hanc editionem prioribus & quantum fieri potuit emendatiorem nemo diffitebitur. Quantumvis enim voluminibus sedecim constet Labbeana Conciliorum editio, hæc vero duntaxat duodecim, tamen hanc multo esse locupletio-rem, haud temere prædicamus; ita ut verissime inscribatur: CONCILIORUM COLLECTIO REGIA MAXIMA. Primum enim plurima, five quæ supposititia esse eruditi jamdudum pronunciarunt, ut sunt Epistolæ Decretales, quas Isidorus collegit, usque ad Siricium; five quæ non sunt Acta Conciliorum, si proprie loquimur, sed vel appendices, five additamenta,

ipsæ sint librorum sacrorum, & continueantur in Actis a Luca conscriptis. 3 Severini Binii Notæ; quod ex nihil fere nisi ex Annalibus Cardinalis Baronii descriptum habent; neque lucem eam afferunt, quæ Ecclesiasticarum rerum studiosis satis hactenus fecerit. 4 Liber Pontificum, qui Damaso Papæ falso tribuitur, membratimque in editionibus Conciliorum disseccatur, nihil certe ad Concilia illustranda juvat. 5 Tractatus de Primatu Romanæ Ecclesiæ, libellus duarum paginarum, quo testimonia tantum perpauca super ea re continentur. 6 Clementis Papæ epistolæ duæ ad Corinthios, cum Patricii Junii heterodoxo notis in priorem; utraque vero melius in Bibliotheca Patrum locum habet. 7 Constitutiones Apostolicæ, quas nec Regia prior Collectio, nec Biniana habet; nec, utpote apocryphas, in suam Collectionem vel Dionysius Exiguus, vel Isidorus Mercator admisit. Eas si quis desideret, cum Zonara reperiet, quem Fronto Duxus in lucem edidit. 8 Tractatus de non iterando baptismo in nomine Jesu Christi, qui est inter opera Cypriani a Rigaltio primum editus, cui eum ex MS. Remensi descriptum Sirmondus dederat. In codice Vaticano tribuitur Ursino monacho, de quo Gennadius cap. xxvii, ubi Sirmondus legit *Ursicinus*. 9 Dissertationes in Concilium Eliberitanum verbosæ ac prolixæ: quarum jactura facilis omnium eruditorum judicio, & compensata poterit jure censei veterum scriptorum testimoniis, quæ in margine ejusdem Concilii hic adduntur: quamvis unus Mendozæ Commentarius Labbeani tomii primi quartam partem impleat.

Ex Tomo secundo recidit Cl. Editor 1 Historiam Concilii Nicæni, ut & aliorum Conciliorum in tomis consequentibus; quod ea concinnari aliter ab alio possit; nec magis hic illa, quam Concilii Tridentini historia, requiratur, quæ tamen in Conciliorum Collectione neque exstat, neque a viris prudentibus ibi desideratur. 2 Dissertationem P. Petavii, de Photini damnatione & synodo Sirmiensi. 3 Epistolas Liberii, aliorumque in consequentibus tomis epistolas Summorum Pontificum, quæ neque sunt in collectione Isidori, neque sunt Decretales. Nam quis prudens hic desiderat Gre-

gorii Magni, vel Joannis VIII, vel Gregorii VII registrum integrum magis, quam Innocentii III, quod unum per se duo jam implet volumina. Quis Leonis M. epistolas hic requirat, præter eas quæ sunt cum Concilio Chalcedonensi aliæve synodis connexæ. Jam suscepisse alius hanc spartam exornandam dicitur, de epistolis Summorum Pontificum, quarum jam plura exstant alias excusa volumina. Ei fortassis haud parum emendationes proderunt conjectationesque in eas, quæ in his voluminibus exhibentur. Non sic Alexandri III epistolas Editor prætermisit, si-ve epistolarum excerpta; quippe quæ pars quædam Juris Canonici & Concilii Lateranensis III vulgo esse censentur.

4 Dialogum Constantii Imp. cum Liberio Papa, qui excerptus est ex Theodoro, libro 2. cap. XVI. 5 Epistolam Osi, excerptam ex Athanasio, in epistola ad solitariam vitam agentes.

6 Epistolam Valentis & Valentiniani Imp. ex Theodoro descriptam, libro IV cap. VI, cujus versio a vulgata discrepans existat in historia Tripartita, libro VII cap. IX. 7 Orationem Gregorii Nazianzeni in synodo c. l. episcoporum decerptam ex ipsius operibus. 8 Epistolas ad causam Chrysostomi pertinentes, decerptas ex ipsomet Chrysostomo, ex Palladio, Sozomeno, Glyca, Nicephoro. 9 Marii Mercatoris Commonitorium, quod eruditis observationibus illustravit P. JOANNES GARNERIUS. 10 Concilium Africanum, ut vulgo appellabatur, quod nihil aliud nisi repetitio Cædici Africanæ est, qui suo loco positus est. 11 Capreoli Carthaginensis epistolam, quam Sirmondus edidit, quæque nunc inter ipsius Opuscula exstat, edita a P. JACOBO DE LA BAUNE, magna diligentia. 12 Athanasii, Basilii Magni, & Gregorii Nysseni canonicæ, quæ dicuntur, epistolæ, quas in eorum cujusque voluminibus, non in Collectione Conciliorum quærere consuevit, quisquis has desiderat.

Tomo tertio Procli homiliam sustulit, Epistolas quoque Cyrilli ad Monachos, de recta fide libellos duos, & alium ad Reginas, ut in Indice monuit: quæ omnia solent inter utriusque opera, si quis opus habet, requiri. Ad defensionem dogmatis constituti pertinere possunt, videri, vel ad historiam Ecclesiasticam,

cam, tum ista, tum quæ post Concilium scripta sunt, ut anathematismi duodecim Cyrilli, & eorundem reprehensio a Theodoro, similique: ad Concilium ipsum Ephesinum non pertinent. Apud Cyrillum ea & Theodoretum exstant, quorum opera teruntur omnium manibus. A Græculis decerpta primum ea sunt ex eorundem scriptis, ad molem augendam voluminum manuscriptorum. Sic edictum Theodosii & Valentiani expunxit, cum, ipsomet fatente Binio, *ad Concilium Ephesinum nullo modo pertineat*: quamvis in Græcis exemplaribus MSS. ejusdem Concilii reperitur. Epistolas Leonis M. octo duntaxat edidit, quas ipsas habet Dionysiana Collectio, ut a Justello appellatur; antiquior quam Isidoriana, quæ plerasque complectitur Leonis M. epistolas; nullo operæ pretio: cum neque ad Concilia illustranda pleræque prosint, neque sint ipsæ synodicz.

Ex Tomo quarto Labbeano refecuit epistolam Aviti Vienneſis ad Clodoveum, de suscepta ab eo Christi fide, inter Aviti opera requirendam: Remigii consolatoriam de morte sororis ad eundem Regem epistolam, quæ est apud Gregorium Turonensem; aliasque duas ejusdem Remigii excerptas ex Flodoardo: Athalarici Regis & Cassiodori ad Joannem Papam, ex Cassiodoro: ex Sidonio Apollinari, ipsius epistolas quatuor, & concionem de electione duorum Episcoporum: Breviculum historiz Eutychanistarum, quod est inter Opuscula Sirmondi jam laudata.

Ex Tomo quinto expunxit Dissertationem Illustriss. Petri de Marca de Virgilio Papæ decreto: Breviarium Liberati diaconi, quod est a P. GARNERIO Notis pereruditis illustratum: Gregorii M. Regestum pæne integrum, quod tertiam tomî quinti partem implet, epistolis exceptis iis duntaxat, quæ sunt in Collectione Isidoriana: Garſiz Loaisæ tractatum de primatu Ecclesiæ Toletanæ: Maximi abbatis epistolas aliquot, a Sirmondo primum editas, ejusdemque cum Pyrrho disputationem, quæ & apud Baronium exstat, & inter opera Maximi.

Tomo sexto Labbei censuit redundare gesta quædam Maximi monachi, aliaque, inter quæ Collatio ejusdem est cum

Theodosio Episcopo Cæsareæ Bithyniæ, quæ sunt primum a Sirmondo edita, & jam exstant inter opera Maximi: Marculli quoque formulas quasdam.

Neque e Tomo octavo edi censuit oportere Cenotaphium Joannæ Papissæ, vel prolixas in Concilium Duziacense notas: neque e Tomo X dissertationem Illustrissimi Petri de Marca ad Concilium Claramontanum: ex undecimo fragmenta Decretorum Gregorii IX, quæ sunt e Decretalium libro excerpta: ex quartodecimo conciones Tridenti habitas in Adventu vel Quadragesima, aut alio die festo, quæ nullam in Concilio agitatam controversiam attingerent: orationesve demum funebres ibi recitatas. At Isidori Mercatoris Collectio integra hic repræsentatur, quæ in Gregorio Magno definit, ut ipsemet Isidorus in Præfatione admonet. Hujus habentur MSS. codices multi ac probi, a P. Sirmondo collecti. Hos Editor contulit diligenter. Nulla Collectio Conciliorum antiquior quam Isidoriana est, post Dionysianam nulla certior aut fide dignior. Quamobrem laudandus est Jacobus Merlinus, qui primus integram eam in lucem emisit. Quæ non sunt autem in Collectione Isidori Decreta Summorum Pontificum, ea nihilo magis in hac Collectione esse inferenda Viri eruditi censent, quam vel Decretalia statuta e sexto Decretalium, vel Extravagantes. *Respice titulum*, inquit ille; ne dum scribis, aberres a proposito. Atqui Acta Conciliorum, & Epistolas Decretales ac Constitutiones Summorum Pontificum eduntur. Si quid præterea occurrit, id oportet esse ejusmodi, ut non sine vituperio omitti possit. Eam ob rem nemo hic prudens desideret Canones olim a Ferrando diacono vel Cresconio collectos, ut sunt a Justello editi; aut Joannis Antiocheni Nomocanonem, aut Burchardum, Ivonem, Anselmum, Panormiam, sive Breviarium Decretorum Hugonis Catalani, Gratianum, aliosve similes, si qui sunt, Canonum Collectores. Synodi similiter plurimæ prætermittuntur, quas adversus omnes propemodum hæreses Primasius, sive (ut a Sirmondo appellatur) Prædestinatus commemorat, cum is haud satis certus auctor ab eruditis habeatur, & incredibilia narret, pugnantiæque cum ceteris scriptoribus, quo nomine ab ipso quoque Labbeo prætermisus neglectusque est,

Jam

Jam ad ea quæ huic Editioni in singulis Tomis accessere. Addita Tomo I synodus Alexandrina est, pag. 309, 310, Græce & Latine. I Paraphrasis Arabica Canonum Nicænorum, pag. 335. Constantinopolitanorum, pag. 817 & Ephesinorum, pag. 1619, ex Beveregio. Versio Latina tertia Canonum Nicænorum, de qua est Adnotatio, pag. 430. Ancyranæ Concilii anathematismi duodecim, pag. 707. In synodis Sirmiensibus & Ariminensi distincta omnia, quæ prius intricata & confusa: vetustæ revocatæ versiones Hilarii, pag. 715, & Epiphaniæ Scholastici, pag. 718 & 719. Pag. 723 & sequentibus Concilium Seleuciense anni 359, Græce & Latine. Pag. 725 Formula fidei Constantinopoli in sua pseudosynodo ab Acacianis editæ, Græce & Latine. Pag. 797 Concilium Iconiense, anni circiter 377, Græce & Latine. Africana Concilia suo sunt ordine collocata, quem poscit ratio temporum: distincta conspiciuntur viginti ea, quæ fuere sub Aurelio Carthaginienensi celebrata: sui cuique Canones attributi, ubi hæcenus perturbata saltem multa esse eruditi merito censuerunt. Nicæni Concilii subscriptiones, ceterorumque Conciliorum exhibentur, ex manuscriptis codicibus, qui expressi ex primigenio exemplari possunt videri. In eas notæ sunt adjectæ Geographicæ nec paucæ, nec fortassis aspernandæ. Pag. 1319 Commonitorium Cyrilli datum Posidonio, Græce ex apographo P. Sirmondi, Latine ex P. Garnerii interpretatione. In Concilio Ephesino & alibi veteres versiones recentibus anteponuntur, ob multas earum utilitates, quæ sunt eruditæ cognitæ. Græca quædam adduntur Actione VI ex MSS. Regiis. Ex synodico Cassinensi, quod Vir Clariss. Stephanus BALUZUS edidit, nihil aut omissum est, quod ad Concilium Ephesinum pertineat, aut editum, quod non pertineat. Itaque ex eo in primis selegit Editor pag. 1331 Epistolam Nestorii ad Joannem Antiochenum, pag. 1331 Sermonem Nestorii CP. pag. 1347 Epistolam Joannis Antiocheni ad Firmum Cæsareæ Cappadociæ Episcopum, pag. 1349 Contestationem directam beato Cyrillo ab Episcopis contrariæ partis, pag. 1331 Contestationem Candidiani Comitæ, pag. 1447 Contestationem & edictum ejusdem Candidiani Comitæ. pag. 1531 Adlocutionem Joannis Antiocheni in synodo,

pag.

pag. 1532 & seqq. Epistolam synodi Orientalium, pag. 1551 Editum Imp. synodo Ephesinæ, pag. 1552 Nestorii epistolam ad Scholasticum eunuchum Imp. Theodosii, pag. 1557 Epistolam Joannis Antiocheni ad Imp. pag. 1559 Epistolam synodi Orientalium ad Antiochenos, pag. 1560 Orientalium epistolam ad Acacium Beræensem, pag. 1580 Epistolam Maximini secundæ Ciliciæ ad Alexandrum Hieropolitanum, & Synodicam synodi secundæ Ciliciæ sive Anazarbi, pag. 1582 Epistolam Helladii ad eundem Alexandrum, pag. 1623 Epistolam generalem synodi, cum canonibus sex, pag. 1631 Epistolam Præfectorum ad Nestorium, & Nestorii ad præfectum Antiochum, pag. 1632 Epistolam Joannis Antiocheni ad eundem Præfectum, pag. 1633 ejusdem epistolam ad Imp. Theodosium, & alias sequentibus paginis, denique pag. 1721 synodicam Ciliciæ Episcoporum ad Imp. Theodosium. Cetera Synodici illius Cassinensis ad historiam illorum temporum aliquantum; ad Ephesinum Concilium, quod nunc unum spectari oportet, nihil attinet. Pag. 1445 addita ex P. Garnerio in Præfatione ad Marium Mercatorem epistola Dalmatii archimandritæ ad synodum Ephesinam; & pag. 1447 epistola synodi ad Dalmatium: utraque Græce & Latine. Pag. 1347 ex editione D. Baluzii, & MS. Colbertino, Cælestini Papæ Commonitorium episcopis & presbyteris euntibus ad Orientem, pag. 1721 Præfatio Dionysii Exigui in epistolam Procli CP. pag. 1751 ex D. Baluzio, canones duo Concilii Regensis. Additæ præterea breves ad quædam Concilia subnotationes, emendationes vero plurimæ, ex manuscriptis libris: ex conjectura autem, ubi in codicibus manu exaratis constat error.

Tomo II addita Paraphrasis Arabica est Canonum Chalcedonensium, pag. 614, ex Beveregio, pag. 784 & seqq. subscriptiones Græce & Latine Episcoporum LXXXI in Concilio CP. anni cccclx, ex Leunclavio & Larabecio, pag. 951 Fragmenta duo epistolæ dogmaticæ Anastasii Papæ, ex D. Baluzio. Pag. 971 Præceptiones Theoderici Regis ex codice manuscripto emendatæ nunc prodeunt, quæ prius erant inquinatissimæ. Pag. 1046 Tractoria epistola Viventioli Lugdunensis Episcopi ad Episco

pos provincię Lugdunensis, ut ad synodum veniant Epaonensem, ex MS. Bibliothecę PP. Augustinianorum Tolosę.

Tomo III in Concilio CP. sub Mena vetustam interpretationem restituit Editor ex MSS. codicibus usque ad actionem quintam: cum altera, quę ex Frontonis Ducęi emendatione est, apud Zonaram exstet, quem idem Ducęus edidit. In Concilio V additiones sunt multę, quas ex MS. D. Joly, Cantoris Parisiensis Ecclesię, D. Baluzius edidit. Adnotationes varię in margine Concilii V. Pag. 217 usque ad 244 Vigilii Papę Constitutum, pro damnatione trium capitulorum, ex Bibliotheca Colbertina, & editione D. Baluzii, pag. 283 & seqq. Canones quindecim Concilii CP. II adversus Origenem, Gręce, ex Bibliotheca Cęsarea, edente Lambecio libro VIII pag. 435, qui sunt Latine hic redditi, pag. 479 Canon II Concilii Toletani III multo auctior ex Isidoro, pag. 524 & seqq. Suggestio Episcoporum Isirię Mauricio Imp. de tribus Capitulis, pag. 1018 Fragmentum prolixum geminum, additum ex MSS. præfationi Concilii Toletani XI, pag. 1079 Lacuna Gręca prolixa suppleta est ex codice Regio 1026, unde & prius Cotelierius acceperat, in epistola Agathonis Papę ad Imperatores, pag. 1479 & seqq. Concilii VI altera translatio longe accuratior, ex vetusto MS. codice, & pag. 2059, Synodus Antiochena, de sacris Imaginibus.

Tomo V ad epistolas Nicolai Papę I adnotatiunculę plurimę in margine sunt positę, ut & alibi passim, haud sane contemnendę. In fine eduntur non membratim discerpti, ut prius, sed continuo opere, libri Photii de synodis; Nili Rhodii similiter de synodis; Anonymi de sex synodis; qui in Collectione Regia MS. cod. 2731 fol. 219 appellatur Κύριλλος ἐπισκοπος ἱεροσολύμων & inter varia sacra edita a Stephano le Moyne, tomo I. pag. 68 Germano CP. tribuitur: denique Libellus Synodicus, ut appellant, cui nonnullę in margine adnotationes emendationesque adjunctę.

Tomo VI parte I addita sunt Acta Concilii Ovetensis, ex Collectione Conciliorum Hispanię Cardinalis de Aguirre, pag. 205 Synodi generalis Rodomi habitę canones sedecim, ex

Collectione Conciliorum Rotomagensium, a Domn. Franc. Pommeraye Congregationis S. Mauri edita, pag. 213 usque ad pag. 344 Pseudosynodus Photiana, quam benevolentissime ex codice Vaticano jussit describi S. D. N. CLEMENS PAPA XI, & ad Editorem deinde transmitti, qui eandem Latine reddidit, pag. 653 Synodus Turonensis, anni 925, pag. 765 Concilium Tudertinum, anni 1001, pag. 1073 Concilium Viennense, anni 1060, pag. 1075 Concilium Beneventanum anni 1061 multo emendatius, ex Synodico Beneventano nuper edito, pag. 1117 Beneventanum, anni 1062, ex eodem Synodico, pag. 1141 Rotomagense, sub Maurilio, anni 1063, ex Collectione Conciliorum Rotomagensium supra laudata. Eidem Tomo VI parte II p. 1303 accessit canonum Concilii Remensis anni 1148 collectio priore auctior, ex editione Domni Edmundi Martenne e Congregatione S. Mauri, pag. 1600 Canones alii novem Turonensis Concilii, anni 1163, ex eadem editione, pag. 1905 Concilium D. Walteri Rotomagensis, ex collectione Conciliorum Rotomagensium jam indicata, pag. 2053 Concilium Palentinum, anni 1129, ex Collectione Conciliorum Hispaniæ Cardinalis de Aguirre tomo III pag. 340, pag. 2056 Subscriptiones Episcoporum Lateranensis Concilii sub Alexandro III Papa, anni 1179, ex Spicilegii Dacheriani tomo XII, sed emendata. In Indice præterea, qui volumini ei præfigitur, summarium est Concilii Compostellani, anni 1114, a Card. de Aguirre editi, & Ovetensis, anni 1115. Aliæ etiam synodi Hispanicæ ibi indicatæ: Constantinopolitanæ etiam quinque.

Tomo VII accesserunt multo plura: pag. 127 Concilium Rotomagense, anni 1223, ex Domni Martenne jam laudato opere pag. 238, pag. 185 Rotomagense alterum anni 1231, ex eodem, pag. 241, pag. 199 Remense, anni 1231, ex apographo P. Sirmondi, pag. 260 Additio ad Concilium Remense, anni 1235, cum Concilio Provinciali habito apud Silvanectum, ex apographo ejusdem P. Sirmondi, pag. 580 Concilium Viennense, ex editione Lambecii, pag. 585 Decreta Hungarorum, ex eodem, pag. 587 usque ad 614 Statuta synodi Ecclesiæ Claromontanæ, anni 1268, ex codice MS. Collegii Parisiensis Societatis J E S U, pag.

pag. 963 usque ad 1066 Provincie Burdegalenſis viſitatio, facta ab Archiepiſcopo Bituricenſi anno 1284, pag. 1421 Epiſtola Joannis Papæ XXII ſuper negotio Epiſcopi Catalaunenſis, pag. 1453 Decretum Inquiſitoris in partibus Tolofanis adverſus libros Talmudicos, anni 1319, ex apographo P. Sirmondi, pag. 1469 & ſeqq. emendationes in Concilio Palentino, anni 1322, ex editione Cardinalis de Aguirre, pag. 1535 Concilium Tolofanum anni 1327, pag. 1657 & ſeqq. in Conſtitutione Benedicti Papæ XI emendationes non contemnendæ, pag. 1603 in Concilio Rotomagenſi anni 1335 emendationes ex codice manuſcripto Becceſi, quem jam laudatus edidit Dominus Pomeraye, O. B. pag. 1675 in Concilio Noviomenſi, anni 1344, Mandatum Officialis Remenſis, & pag. 1676 Ordinatio Archiepiſcopi Remenſis, ex apographo Sirmondi, pag. 1911 Epiſtola Bonifacii Papæ IX pro Eccleſia Pariſienſi, pag. 1691 Epiſtola Germani Patriarchæ CP. ad Gregorium Papam, Græce, pag. 1965 Concilium Salmantienſe, anni 1325, ex editione Cardinalis de Aguirre, additis in margine non paucis emendationibus, pag. 1975 Conſtitutiones ſynodales ſub Andrea de Albalato Valentiniæ diœceſis, anni 1225 & ſequentium, ex eadem editione Conciliorum Hiſpaniæ Cardinalis de Aguirre, & pag. 1985 Conſtitutiones ſynodales ſub Arnaldo de Peralta, anni 1261 usque 1273, cum nonnullis in margine adnotationibus.

Tomo VIII Variæ lectiones in Concilio Piſano additæ ex MS. Pag. 209 Concilio Conſtantiienſi præfatio præmittitur ſynodi Baſileenſis, quæ Conſtantiæ Acta juſſit colligi. In his edendis, quos MSS. codices, quasque editiones ſecutus ſit Editor, ipſe indicat pag. 211. In unaquaque ſeſſione unum in conſpectum varias editiones ſubjicit, ut, quid in unaquaque ſit geſtum, appareat ſimul. Ex Actis ejusdem Concilii, quæ nuper fuere in Germania edita, quinque voluminibus, addidit ſelecta quædam: cum reliqua vix quidquam habeant, quod non hæreticum ſcriptorem, noſtri quidem Editoris clariſſimi judicio, redoleat. Pag. 272 & ſeqq. ex Annalibus Rzovii addit epiſtolam Concilii Conſtantiienſis ad Wladislaum Regem Poloniæ.

Tomo IX addita est pag. 1498 Damnatio propositionum Petri de Ofma, anno 1479 a Sixto IV Papa facta, pag. 1545 Alexandri Papæ VI Constitutio de baptismo Ruthenorum non iterando, pag. 2153 usque ad 2188 Concilium Cameracense, anni 1586.

Tomo denique XI accedunt de novo pag. 147 Alexandri Papæ VII Innovatio Constitutionum de præsertione animæ Beatæ Mariæ Virginis in sui creatione & in corpus infusione, a peccato originali, pag. 155 & seqq. Innocentii Papæ XII Epistolæ ad Episcopos Belgii, pag. 1675 ejusdem altera Constitutio, quæ incipit, *Cum alias*, pag. 159 Clementis Papæ XI Damnatio libelli inscripti, *Cas de conscience*, &c. cum ejusdem epistolis ad Regem Christianissimum, & ad Archiepiscopum Parisiensem, pag. 163 ejusdem Constitutio, quæ incipit, *Vincam Domini Sabaoth*, pag. 1631 ejusdem novissima Constitutio, quæ incipit, *Unigenitus*, cum nonnullis Appendicibus, pag. 179 & seqq. usque ad pag. 172 Synodus Hierosolymitana anni 1672 adversus Calvinistas, Græce & Latine, pag. 173 Dionysii Patriarchæ CP. responsio super Calvinistarum erroribus, anno eodem 1672, Græce & Latine, pag. 183 usque ad pag. 346 Pseudo-synodus Palamitica, Græce, ex editione P. Combefis ex Ordine Prædicatorum, sed nova interpretatione Latina. Hunc tomum appellat Nicephorus Gregoras historiæ suæ lib. XXI cap. V, postquam prolixiorē retulit de eadem synodo narrationem, a libri XVIII cap. VIII usque ad libri XXI cap. IV, ubi quæ sint acta in synodo, sic refert, ut, quas inibi partes egerit, non omitat. Edidit ea Græce, ac Latine vertit Vir pereruditus D. JOANNES BOIVIN, unus e custodibus Bibliothecæ Regiæ. P'ag. 1671 Synodi Gerundenses duæ, nunc primum editæ ex manuscriptis, ferius quidem, accesserunt. Prior est anni 1068, altera anni 1078.

Neque vero hic commemoramus Emendationes plurimas tum Græce tum Latine factas, quibus ad mentem scribentium revocatur oratio, & legentibus sit intellectu facilis. Manuscriptis codicibus usus est Editor in primis e Bibliotheca Collegii Parisiensis Societatis JESU, in qua sunt collecti dudum a P. Sirmundo plurimi, præter varias lectiones, quas in Concilia pleraque Gallicana collatione plurimorum exemplarium manu ejusdem

dem descriptas servat. Nam Concilia ipsa Gallicana omnia vetera, quæ Labbeus postea edidit, descripserat ipse perquam accurate. Alios cum appellat codices, quibus nisi sunt Labbeus & Baluzius, hos eorundem fide, quam certam tutamque putat, laudat. Regios sæpenumero præterea, Colbertinosque consuluit: sed cum eosdem concordare cum suis plerumque animadvertit, suos appellare satis habuit; denique alios etiam non paucos, qui suis locis indicantur. Ceterum Conciliorum pauciora, quam ceterorum librorum, in Bibliothecis exemplaria manuscripta sunt, sed & plerumque emendatiora: quæ causa est cur pauciores in his, quam in illis, expectandæ lectiones variæ sint. Necessariæ autem emendationes in ipsomet (ut vocant) textu repositæ sunt, ubi sic juberent codices, in fronte fere cujusque Concilii appellati. Quæ sunt autem ex mera conjectura, æ sunt in margine positæ, præmissa vocula, *forte*, vel *leg.* Multæ similiter ex MSS. fide in margine scribuntur; prætermisiss tamen illis, quas amanuensium negligentia in eos codices invexit.

Sequuntur Indices amplissimi sex: in his tres postremi insigniores, imprimis Geographicus Episcopatum, qui labor est hæctenus intentatus iis, qui Concilia ediderunt. Tum quintus Index, qui rerum est & vocum memorabilium: quem Summarium Conciliorum, & doctrinæ Catholicæ ac disciplinæ Ecclesiasticæ Epitomen verius, juxta Nostrum, quam Indicem, appelles. Notarum & observationum, quæ sunt huic operi, si cui ulli, maxime necessariæ, donec illæ in lucem prodeant, quoquomodo vicem præstabit Index rerum & vocum memorabilium, qui in calce operis est.

PROPOSITUM DE MARTYROLOGIO Generali Protestantium conscribendo. Cui additur Sylloge Epistolarum, hoc Opus spectantium. Per THOMAM BRAYUM, S. T. P.

Londini, apud I. Downing, 1714, fol.

Plag. 10½.

Consilium Brayi, duobus Voluminibus (quorum primum jam tribus ab hinc annis lucem vidit, laudatum nobis A. 1712

hoc argumento epistolæ, de quibus, cum ad nos pervenerint, dicemus uberius. Nunc illud insuper notamus, codicem Italianum Albani Cerri, Secretarii Collegii de propaganda fide, qui haud ita pridem inter manuscripta Abbatis Sangallensis repertus est, hoc titulo: *Istruzione per N. S. Innocenzo XI dello stato della religione nel mondo &c.* & varias artes Pontificiorum detegit, de quo heic p. 24, 28, 29 agitur, nuperrime Anglice translatum a famigeratissimo *Richardo Steele* & ab eodem proluxa & eleganti, ut ajunt, præfatione ornatum publici juris factum esse Londini.

**Des Heil. Röm. Reichs Staats-Acta, von
teßigen XVIII Seculo ansehend.**

i. e.

**SACRI ROMANI IMPERII ACTA PUBLICA
Seculi Decimi Octavi, edita a CASSANDRO
THUCELIO.**

Francof. & Lipsiæ, apud Joh. Fel. Bielcke, 1715, fol.

Alph. 10 plag. 17.

Inclaruit jam pridem editis in lucem *Electis Juris* Publici Cassander Thucolius, sive ut plures existimant, vero nomine, Jo. Christ. Leucht, cui nunc animo sedet, Acta hujus seculi publica, Literas summorum Principum, Diplomata, atque Scripta Juris defendendi ergo confecta undique conquirere, & quæ singulis annis contigerint, peculiari plerumque volumine collecta in publicum emittere, unde non mirandum, plura hic reperiri, quæ hinc inde in *Cancellaria*, *Speculo Statum* & alibi dispersa jam dudum prodierunt. Auspiciis operis ab anno hujus Seculi primo ducendum sibi existimavit, cum spes haud vana super sit, fore qui opus Lundorpiæ ab anno 1688 intermissum ad finem usque Seculi elapsi sint continuaturi, unde Supplementi loco Cl. Autoris opera merito censeretur. Scriptis, quæ prioribus hujus Tomo continentur, vernaculo sermone consignatis, seu Gallico, seu Italico, Hispanico, Anglico aut Belgico, imo Latino, interpretatio Germanica ut plurimum est adjecta, nonnulla, quæ

quæ prioribus annis obvenerunt, ob causarum connexionem huc inserta, atque opus universum ob materiarum varietatem in diversa Capita distinctum. *Primum* ob oculos ponit Controversias Religionis in Palatinatu, inter Electorem & Protestantem, mediante Electore Brandenburgico, agitata, qua occasione Jus Reformandi sub examen vocatum, atque ex amnestia restitutos anno decretorio 1624 minime uti posse, per text. J. P. a. 3 & 5 & Rec. Imp. 1654 §. 193, sed in Palatinatu ad A. 1618 esse respiciendum, demonstratum, & jura circa sacra subditis quæ sita fuerint vindicata, quibus tamen a Palatinis acerrime contradicendum. *Cap. II* Querelas Reformatorum in Algovia ob templa ipsis a Campidunensi Abbate erepta continet. *Cap. III* Gravamina Civitatis Wormatiensis adversus Episcopum, instituta supplicatione, cum instructo rusticorum agmine per urbem circumcurrentem, pascua civitatis turbantem, & Curiam Episcopalem, Magistratus sibi titulum tribuentem, exhibet. *Cap. IV* famosum Pactum Hæreditatis Hispanicæ herciscundæ sistit, cujus defensionem Helvetii, neutrarum partium esse cupientes, recusant. *Cap. V* lites ob eandem successionem obortas continet, cui plurima Scripta pro vindicando Jure cum Serenissimæ Domus Austriacæ, tum Gallorum, inseruntur. In horum numero sunt *Obrechtii Excerpta Historica & Juridica de natura Successionis Hispanicæ, & Annotationes de successione Ducis Andegavensis*, lingua Gallica, quorum Continuatio tamen hic desideratur. Ad priora pertinet *Zwanzigii Demonstratio, Ducatum Mediolanensem esse feudum Imperii masculinum*, L. B. ab Audler *Jus Austriacum in Monarchiam Hispanicam assertum*, L. B. a Seylern *Jus Hispano-Austriacum assertum*; præterea notatu non indignum, Hispanorum Reges anno XIV ætatis absoluto majorennem esse quod a multis falso negatum. *C. VI* investituram Neapolitanam a Pontifice non impetratam, motusque Neapolitanos enarrat, exitu felici destitutos, atque sub finem jura Serenissimæ Domus Saxonice a Margareta Friderici II Imperatoris filia, & Alberti Thuringiæ Landgravii uxore, promanantia in regna utriusque Siciliæ subicit, quem tamen locum mirum in modum esse corruptum cuilibet patebit. *C. VII* quædam circa Nonum Electora-

p. 417.

613.

rum finis esse debet, compositæ. Quare earum in brevi veluti tabella repræsentationem lectoribus jucundam fore, merito confidimus. *Prima* exponit *historiam reformatæ in vicinis Dania regionibus, & speciatim in Cimbria, religionis*: estque pro-
 ludium magni operis *Annalium Cimbriae Holsaticorum*, quod ut celeberrimus Autor maturet, ardentissime optamus. In hac primo loco ex monumentis non inficiandis documenta profert superstitionis crassissimæ in illa regione ante Reformationem regnantis & omni turpitudinis genere Ecclesiam inquinantis. Has Ecclesiæ corruptelas indicio Lutheri tum agnovit Christiernus II Daniæ Rex, agnitasque tollere in animum induxit. Sed successori demum ejus, Friderico I, ea obtigit felicitas, ut omnium Europæ Regum primus emendando divino cultui fundamenta jaceret, novisque doctoribus potestatem faceret inde ab
 p. 29 seq. anno 1525 Evangelium strenue docendi disseminandique. Is a Nostro laudatur, quod non vi oppresserit Papæorum religionem, sed liberum duntaxat aditum Lutheranæ doctrinæ patefecerit, doctores ejus a Pontificiorum violentia defendens. Idem Rex, qui simul Slesvicensis & Holsatiæ provinciarum moderator erat, Cimbricis consuluit pariter ecclesiis perfecitque, ut in his quoque veritatis jubar illucesceret. Noster non tacet Pontificiorum molimina bonæ causæ adversa: nec prætermittit turbas a Melch. Hofmanno, fanatico homine, excitatas. In primis Christiani III Regis studium adjuvandi evangelii meritis ornat laudibus, etiam adducens integre & ingenue historiam de Joanne a Lasco, Zuingliano, qui in Dania perfugium quæsierat, contagii avertendi causa regno excedere coacto: nec præterit alia zeli ejus Regis contra Sacramentarios, quos vocat, documenta. Inter hæc mentionem faciens Ordinationis ecclesiasticæ ab hoc Rege publicatæ, in qua sacerdotes *Locos communes* Melanchthonis diligenter lectitare jubentur, in hujus Viri laudes Rev. Autor paulisper digreditur, falsoque ipsi tribui opinionem de sacra cœna cum Zuinglio communem, *idonea sufficientiaque indicia sibi esse* scribit, ac Locos illos Communes de meliore nota Theologiæ cultoribus commendat. Ceterum de rebus actisque Regia istius integrum Opus moliri *Christianum Reizerum*, Jctum Haf-
 nien-

49 seq.

30.

69.
no seq.

niensem, virum in patria historia apprime versatum, discimus ex pag. 82. Narrat etiam doctissimus Autor, Kiliense monasterium sectæ Franciscanæ fundatum fuisse ab Adolpho, Holsatiæ Comite, ab eodemque instructum templo ex stipe, quam ipse tantæ dignitatis monachus ostiatim corrogavit. In eo & sepul- tum esse Adolphum illum, hoc ornatum epitaphio:

p. 34.

*Quondam nostrorum pater & speculum Dominorum,
Laus Holsatorum, Comes Adolph, regula morum,
Hic situs est, flos florum, & honos, & gemma bonorum,
Cui dedimus sertum nostrorum more Minorum,
Ne pravorum animæ noceat fraus demoniorum.
Oramus, Deus utque receptet in alta polorum.*

De fraternitate Calendariorum quædam affert lectu digna. Subinde etiam immiscet, quæ historiam Academiæ Hafniensis illustrant. P. 102 sqq. edisserit, quam irriti fuerint conatus in Holsatiam introducendi Formulam Concordiæ, quam vocant, obnitente scilicet receptioni ejus & subscriptioni Paulo Eizenio, quem propterea in suspicionem Calvinismi venisse tradit, a qua tamen eum liberat. Persequitur pluribus fata hujus libri in Dania, historiamque de eo ab Rege Daniæ in ignem projecto peritus falsi coargui posse negat. Finita prima hac Dissertatione, exhibentur authentica aliquot Documenta maximam partem adhuc inedita: ex quibus nominabimus Diplomata Indulgentiarum templis concessa: Confessionem Evangelicorum A. 1530 Regi exhibitam: Epistolas aliquot Lutheri: Christiani III Edictum contra Anabaptistas & Sacramentarios: Institutionem fraternitatis Calendarum in Munsterdorp: Eizenii Epistolam ad Wilhelmum Landgravium, cui rationes exponit, cur Formulæ Concordiæ subscribere non possit.

p. 37.

Altera Dissertatio Summe Rev. Muhlii est *de libertate Academica*. Scilicet A. 1707 publica Principum constitutione (quæ infra p. 257 sqq. integra exhibetur,) concessa Kiliensi Academiæ commendataque fuerat libertas in sentiendo ac docendo. Ea res commoverat Schwarzius, quem *dicacis impotentisque animi Theologum* vocat Noster, ut publica eaque satis acri censura Constitutionem illam exciperet. Hinc animum induxit

209.

Muhlius, vindicare libertatem illam, ejusque rationem ac limites definire. Constitutionis eam partem, quæ huc pertinet, ita Latine reddidimus: *Nulla Facultas (Academica) certis principiis & opinionibus adstringitur, quatenus illa ab auctoritate humana dependent, sed cuius doctori libera inquisitio quarumvis opinionum, veterum, novarum, permittitur. Et quia in nonnullis Problematibus, item interpretationibus Scripturæ, & aliis, nondum a tota Ecclesia definitis, Theologis quoque sua debetur libertas, hinc ad evitandas rixas cuius Theologiae Professori sua Scripta & Disputationes sine censura Decani typis vulgare licitum esto.* Doctissimus Autor hinc enarrat mala, superioribus temporibus nata ex turpi ingeniorum servitute. Explicat etiam causas, cur doctis ista libertas omnino sit permittenda, & philosophiæ eclecticæ causam eleganter perorat, simul accurate describens humanæ præjudicium autoritatis, ejusque damna. Speciatim damnat morem, quo superiori ævo autoritas Aristotelis legibus sancita erat in Academicis. Nec minus Theologis liberum judicandi docendique arbitrium relinquendum esse docet in iis, in quibus fidei summa non vertitur, quæque in libris nostris symbolicis non sunt decisa. Theologos enim nonnisi Dei auctoritatem sequi debere, nulli hominum sua credulitate addicta. Esse quoque multa adhuc in sacro codice, nondum explicata & ad liquidum perducta. Ad ea porro respondet, quæ contra hanc libertatem Academicam obijciuntur, eamque a licentia probe distinctam vult. Nec illos sine nota dimittit, qui ceterorum ordinum homines, Philosophos, Medicos, Jurisconsultos vetant literas sacras exactius scrutari, Theologisque inconsulte dictatoriam asserunt auctoritatem.

p. 273.

Excipit hanc Dissertationem Muhliana *Invitatio ad commentationes publicas de eo, quod justum est circa religionem & libros nostratis Ecclesiæ symbolicos.* Hic maxime in eo est, ut demonstret, Principibus (quos tamen, exactiori quippe literarum sacrarum cognitione carentes, non esse idoneos controversiarum judices, fatendum est,) etiam religionem civium & salutem æternam curæ esse debere, adeoque eorum esse, veram religionem ordinare, scripta Symbolica condere, ad eaque jurejurando (cujus

(cujus justitiam magno conatu asserit,) cives adstringere, contrariaque docentes relegare. Subjuncta est Melanchthonis Oratio de calumniis Osiandri, & scripta symbolica ipsa & morem p. 297. iisdem fidem adstringendi infectantis.

Sequitur Celeb. Autoris duplex Oratio, quarum prior *de origine & dignitate Cancellariorum Academicorum*, (quo quidem de argumento steriles sunt Conringianæ Antiquitates Academicæ,) posteriore *de dignitate & officio Procancellarii Kiliensis* agit. Subiecta est *Henr. Meibomii* de eodem argumento Dissertatiuncula. 313. 323. 358.

Hinc offert se doctissima Dissertatio *de martyribus Ecclesiæ Evangelicæ*: cumque in his emineat Henricus Zutphanienfis, A. 1524 d. 11 Dec. ustulatus, annexa est longa Dissertatio *de vita & gestis ejus*. 369. 401.

Agmen claudit *Historia cænobii Bordesholmensis*, ex variis plurimisque diplomatibus, bullis, tabulis, & literis, quorum hic quoque non exiguus exhibetur numerus, adumbrata. Hæ tamen primæ duntaxat illius historiæ lineæ sunt. Nam se majus Opus in animo habere, idque meliori temporum occasione reservare, diserte profitetur Autor eruditione non minus quam dignitate eminens. 473.

**ORATIO DOMINICA IN DIVERSAS OMNI-
um fere gentium linguas versa & propriis cujusque Linguae
characteribus expressa; Editore JOANNE CHAMBER-
LAYNIO, Anglo Britanno, Regiæ Societ.**

Londin. & Berolin. Socio.

Amstelodami, typis Guil. & Dav. Gœrei, 1715, 4.

Alph. 1 plag. 17.

QUo labore alii plures, nominatim *Petrus d' Avity, Claudius Duretus, Barthol. Georgieviz, Conr. Gesnerus, Jo. Bapt. Grammaye* Batavus, Sec. XVI extremo, *Hier. Megiserus* A. 1603, *Jo. Micraelius, Andr. Mullerus, Georg. Pistorius, Jo. Reuterus, Livongav. 1662, Angelus Roccha, Schildberger, Georg. Stiern-
bielm, Casp. Waserus, & Jo. Wilkins* olim defuncti sunt, eundem denuo aggressus est V. C. *Jo. Chamberlayne*, illorum apparatu

in colligendis Orat. Dominicæ variarum gentium formulis, ita usus, ut majori instructus ipsorum diligentiam multum superaret. Cum enim locupletissima & plenissima omnium *Andr. Mulleri*, quem a patria *Greiffenbagium* vocant, collectio esset, quæ Londini 1700, 4 & *Berolini* 1703 eadem forma cum Autoris vita & accessionibus edita centenario absolvebatur, præsens, dimidia parte auctior, 152 repræsentat, ita quidem, ut singulæ formulæ literis cujusque gentis propriis, quod in prioribus vel penitus, vel maxima ex parte desiderabatur, exhibeantur, subjuncta lectione genuina, ipsi linguæ convenienti. Qua in re operam suam commodavit Cl. *David Wikins*, *Meinela Borussus*, qui pro *πολυγλωττία* sua, qua valet, tum id, quod diximus, præstitit, tum vero etiam in præfatione longiore, de linguis ipsis, in quibus oratio illa sanctior exstat, earumque conditione strictim differit, fontesque indicat, unde illæ sint haustæ. Notari quoque hic par est, nonnunquam hanc precandi formulam ex diversis ejusdem linguæ, v. c. *Germanicæ*, *Malabaricæ* &c. dialectis legi, si in plures sit diffusa. Quamvis itaque nulli industriæ pepercerit Cl. Editor, vel sic tamen accessioni locum relictum esse exemplo nobis constat, qui Orationem Dominicam antiqua *Melitenensium*, & aliam *Hinnorum* lingua, singularibusque characteribus, expressam, & alibi frustra quærendam, viderimus. Accedunt insuper dissertationes variæ eruditorum Virorum, quæ vel de Linguis ignotioribus, vel de Gentibus Populisque, quibus receptæ illæ fuerunt, commentantur. Sic Dissertatio I, a *Guilielmo Ep. Carliolensi* scripta, de linguis diversis earumque affinitate & originibus præcipit usque ad p. 21. Hinc Illustris *Leibnitius* idem fere institutum persequitur, in literis Vindobona datis, ubi inter cetera p. 29 profitetur, in schedis suis, a quibus nunc nimis remotus sit, esse nonnulla, quibus forte ille orationum syllabus augeri posset. Cl. *Surenhusius* in dissertatione p. 31 proxime sequente disquirat, Hebræane an Syriaca lingua oratio Dominica fuerit a Servatore concepta, & pro posteriori recte pronunciat, ex quo consequitur, Hebræam, quam habemus, formulam recentioris ætatis esse, quam ipsa etiam dictio, prout in Evangelio Matthæi Hebræo, a Seb. Munstero edito, exstat, luculente prodit. Quod
ut

ut recte V. C. monet, ita non videmus, cur Munsterum e Judæo Christianum fuisse pronunciet p. 32, quem Ingelsheimii Christianis Parentibus anno 1489 natum esse exploratum habemus. Forte itaque & huic Munstero insignis Hebraismi, quem ab Elia Levita hausisse se gratus aliquoties commemorat, peritia fraudi fuit, sicut eadem effecit, ut *Nicolaus Lyranus* itidem præter rationem pro Ex-Judæo haberetur. Observat præterea *Surenburius*, Orationem Dominicam compendium aliquod precum, quas Judæi quotidie recitandas שמורה עשרה vocant, complecti, quod instituta comparatione evincere conatur, ab illorum sententia forte non alienus, qui Cabbalæ Judaicæ vestigia in ea sibi deprehendere videntur. Sequitur *Gulielmi Wottoni* Dissertatio p. 37-75, de *Confusione Linguarum exstructoribus Turris Babylon. insula*, quæ communem illam de linguis revera, divini Numinis auspiciis & nutu, eo tempore confusis sententiam adstruit, repudiatis illis, qui eum Cl. *Vitringa* & *Jac. Perizonio* totam rem ad dissensionem animorum, inter turris conditores excitatam, revocant. Denique p. 66 eos sibi confutandos sumit, qui ex Confusione illa Babylonica ullam linguam novam enatam negant, sed vel omnes ex Hebræa sensum & fluxu temporis derivatas, vel destinato consilio ab hominibus formatas fuisse contendunt. Postea conspicitur erudita V. C. *Davidis Wilsunsi*, quem antea laudavimus, dissertatio de *Lingua Coptica* p. 76-125, in cujus origines, incrementa & hodiernam conditionem inquirat. Eam itaque, quæ olim Ægyptiaca audiit, *Copticam* postea non a *Chibth*, prius Ægyptiorum Rege, nec a *Coptis*, Coptitarum in Ægypto secta, sed a Copto, totius Ægypti urbe & Thebaidos Metropoli dictam arbitratur, deinde vero breviter ostendit, quas variis temporis intervallis mutationes subierit. Qua data occasione apparatus variarum vocum veteris Lingux Ægyptiacæ a Cl. *Hadriano Relando* communicatum affert, easque ex hodierna lingua Coptica illustrat, & p. 112 justum tractatum de *derivatione veteris Lingux Ægyptiacæ* pollicetur. Hinc p. 112 peregrinas quasdam voces usque ad p. 119 exhibet, quas Lingua Coptica ex Arabica, Hebræa, aliisve linguis adoptavit. Sequitur tandem ipsa Orationis Dominicæ Copticæ Analysis. Huic proxima est

est præstantissimi & πολυγλώττης Maturini Veysserii La Croze commentatio erudita, quæ ostendit, totius Asiae Orientalis literas a Syriacis oriri, unis Armenicis & Sinensibus exceptis, quarum ille potius originem Græcam agnoscant, hæc v. ro ad Ægyptiorum hieroglyphica revocanda videantur. Testatur inter reliqua p. 127, constitutum sibi aliquando fuisse, ipsam illam συλλογὴν Orationum Dominic. quæ Lond. cl. Idæ prodierit, ampliatam observationibus suis illustrare, eademque opera origines & literarum, & linguarum dialectorumque, quibus gentes utuntur, eruere, eo animo, ut demonstraret, omnes fere omnium gentium literas ab Ebraicis antiquis & recentioribus, Samaritanis scilicet & Assyriis, oriri. Idem Vir doctissimus p. 133 de Armenicis literis credi jubet, eas ad Græcarum imitationem expressas esse, annitente Mesrobe, quem divino tantum beneficio in literis Armenorum inveniendis usum esse Moyses Choronensis lib. III c. 53, cujus verba Latine afferuntur, fabulatur. In sequentibus idem de aliis quibusdam linguis, quarum specimina in illa Collectione exstant, affert, aliis non observata, speciatim vero de Gothica Lingua monet, eam præter rem Gothicam appellari, & potius ad Francos veteres referendam videri. Adducit hanc in rem varia argumenta, quæ nobis quidem nec repetere hic nec investigare nunc licet, ab aliis autem curatius considerari decet, præcipue cum ea, quæ a Cl. Wilkinsio in prælatione in contrariam sententiam disputata sunt, rem non conficere videantur. Progre-
dimur ad Cl. Jo. Joachimi Schræderi, Professoris Marpurgensis, dissertat. quæ a p. 143 ad 149 decurrens, ex Moysæ Choronensi, Armenorum Historico & Geographo Seculi a C. N. quinti, descriptionem Armeniæ Latine proponit. Calcem occupat Cl. Jezreel Jones dissert. de Lingua Schilhenfi, quæ & ipsa catalogo vocum quarundam Schilhenfium & explicatione Latina clauditur.

COLLECTA ARCHIVI ET CANCELLARIÆ

Jura, quibus accedunt de Archicancellariis, Cancellariis ac

Secretariis Virorum clarissimorum commentationes,

accurante JACOBO WENCKERO,

Argent.

Argen-

Argentorati, sumptibus Jo. Reinholdi Dulsscekeri, 1715, 4.

Alph. 5.

Diximus de Cl. Wenckeri Apparatu Archivorum in Actis superioris Anni Mens. Novemb. p. 517, jam ejusdem *Collecta Archivi & Cancellaria jura* sequuntur, quibus prius opus continuari videtur. Autores primum nominabimus, quorum monumentis hæc Collectio absolvitur; post hæc ex notis, quas Cl. Editor adjecit, quædam addemus. Primus comparet *Balthasaris Bonifacii J.C. liber de Archivis*, Venetiis 1632 prima vice excusus, post *Abasveri Fritschli Tractatus De Jure Archivi & Cancellarie* sequitur, Jenæ 1664, 4 & in Opus. variis Noribergæ 1690, fol. editus. Tertio loco quædam ex *Schilteri Institutionibus Juris publ.* de Probatione per Archivum adjecta sunt, quem *Francisci Michaelis Neveu de Windschlee* & illustris *Lynckeri* dissertationes de Archivis: Excerpta de Jure Cancellariæ & Archivi, item de Imperatricis Cancellario & Archivo ex doctissimi *Mulzii* Representatione Majestatis Imperatoriæ, nec non ea quæ de nomine, officio & dignitate Cancellarii celeberrimus *Thulemarius* Tr. de Octoviratu cap. XIII dixit, item *Georgii Adami Struvii* Dissertatio de Cancellario Principis & Jo. *Schilteri* Commentatio de Secretariis excipiunt, quibus tandem etiam *Bernhardi a Mallinkrot* Tr. de Archi-Cancellariis S. R. Imp. adjungitur, quem etiam hoc anno Cl. Struvius edidit, (vid. Act. hujus Anni p. 124) Noster autem suis notis illustravit. Adjecta sunt porro *Caroli du Fresne Domini du Cange* Series Archicapellanos Palatii Francici, ex ejusdem Glossario Medix & Infimæ Latinitatis desumpta, Joannis *Weinckens* Commentatio de Eginhardo Caroli M. Cancellario, ex ejus Eginhardo Illustrato deprompta, & ea quæ *Wagenfeilius* in Dissert. de S. R. I. Officialibus Cap. VI de Vice-Cancellario Imperii collegit. Sequuntur *Francisci Lanovii* de Sanctis Franciæ Cancellariis & de Cancellarii nomine, officio & dignitate, schediasmata historica, atque ejusdem Catalogus Cancellariorum Regum Franciæ a Meroveo usque ad Ludovicum XIII, *Mabillonii* Artis Diplomaticæ L. II c. XII & XIII, quæ de Cancellariis Franciæ, Notariis & Cancellariis Romanorum Pontificum, item Episcoporum, Abbatum atque illustrium per-

p. 1.

11.

50.

62.

82.

109.

133.

190.

211.

624

608.

614.

726.

735.

761.

- sonarum agunt, *Wagenfeilii* Dissertatio de Imperii Archivo, Aurea Bulla & Liplanis, *M. Christ. Heintz. Brömelis* Epistola de Archivo Arnstatiensi Swartzburgico ad V. Cl. Casp. Sagittarium, *Justi Fontanini* loca & argumenta de Archivis & Tabulariis Ecclesiarum Monasteriorumve eorundemque custodia ex ejusdem Vindiciis Antiqu. Dipl. desumpta, *Mabillonii* Supplementi de Re Dipl. Caput II, quod easdem res explicat, *Meibomii* Oratio de origine, dignitate & officio Cancellariorum Academicorum Helmstadii A. 1612 habita, & ultimo *Chevillardii* Tabula Cancellariorum & Custodum Sigilli. Hæc sunt scripta, quibus hoc volumen absolvitur, de quibus, quia jam longo abhinc tempore edita fuerunt, nihil dicendum erit; ex notis vero, quas Cl. Wenckerus addidit, quædam huc transferemus. Notat, falli eos, qui statuunt, Rudolphum & Fridericum II Imp. publica leges cavisse, ne instrumenta & acta judicialia Latina lingua conficerentur, quum Clerus, qui scripturarum confectioe nutriebatur, & magno suo emolumento cancellis & secretis aulae infidebat, obliterit, quo minus Latinæ linguæ usus in conficiendis tabulis aboleretur. Nec proferri adhuc potuisse diploma Teutonico sermone his temporibus conscriptum, sed omnium Imp. usque ad Fridericum III infinita diplomata Romana lingua adhuc consignata extare. Comites Solmenses olim Civitatis Imperialis Wezlarientis perpetuos factos esse Cives, ex Conventionibus de A. 1351 & 1363 apparet, quæ vernacula conceptæ sunt lingua. Sic Cuno de Berghheim Nobilis Alsatius, Rudolphi Cæsaris in Alsatia officialis, civis Argentinenfis fuit, ut ex ejus literis ad Senatum Argentinensem cognoscitur. Cur Comitatus Imperii de A. 1356 tamdiu procrastinata sint, Carolus IV in literis ad eundem Senatatum de A. 1356 exponit; ratio quippe fuit, quod Casimirus Rex Poloniæ Imperatorem Pragæ invilerit, qui postea Albertum Austriæ Ducem ad se vocavit, quare ad Metensia Comitatus statim venire non potuit. Moguntinum Electorem Imperii Archivum, in quo omnia Germanici Imperii documenta continentur, custodire admonet, & unicum Instrumentum Pacis Westphalicæ excipit, ejus ἀρχὴν Εὐφροῦς Electori Saxoniz, ut in suo chartophylacio custodiat, non obstante Directoris Moguntini

tini contradictione, traditum fuisse observat. Occasione Archivi Augustæ sive Imperatricis Cl. Autor *Hedami* in Hist. Ultraj. fol. 153 Diploma adducit, ejus initium: *Matbildis Dei gratia Romanorum Regina &c.* subscriptio vero hæc est: *Signum Domini Heinrici V Imp. invictissimi. Philippus Cancellarius vice Adalberti Archi-Capellani recognovi. Datum A. 1125 anno Domini Heinrici V Regni quidem 26, Imperii vero 15. Actum est Wacheningen.* Ex literis Jacobi Sturmii ad Mart. Bucerum apparet, fœderatos Principes A. 1545 Jo. Sleidano stipendium 250 florenorum per biennium constituisse, ita ut munus describendi Historiam renovatæ religionis illi injungeretur, simul & si quæ alia re fœderatis usui esse posset, faceret: Christophorus Carlwizius etiam promisit, se curaturum apud Principem Mauriti-um, ut is centum florenos hoc anno addat. Wenceslaum Imperatorem A. 1361 d. 27. Febr. non vero d. 17 Martii, natum esse, contra *Bobuslaum Balbinum*, ex ipsis literis Annæ Imperatricis, Caroli IV conjugis, Wenceslai Matris, ad Senatum Argentinensem datis, probatur. Sequuntur varix literæ Augustarum diversarum, ex quibus observatur, quod illæ plerumque peculia-rem Protonotarium sive Cancellarium, qui postmodum etiam Vice-Cancellarius dicebatur, ad literas suas expediendas vel sub-scribendas habuerint. Notatu digna sunt verba Heinrici VIII Angliæ Regis in literis ad Argentinensem Senatum A. 1523 datis: Non facile dixerimus, quanto affectu eos omnes prosequamur, quos in Lutherana refellenda heresi nullos labores, nullam invidiam, nullumque discrimen, detrectare animadvertimus, ejus hominum generis, ubi primum venerabilem ac religiosum virum fratrem Thomam Murner, ordinis Minorum conventualium, sacra Theologia Professore, ac Juris utriusque Doctorem, haud immerito can-seri audivimus, hujus videndi hominis, coramque colloquendi in-genti desiderio repente affecti sumus, utque ad nos accederet, cura-vimus, qui profecto opinionem, quam de sua integritate, eruditio-ne atque modestia conceperamus, non solum confirmavit, sed etiam sua præsentia longe superavit, adeo ut gratissimus acceptissimusque ejus nobis extiterit adventus, qui quum nuper ad vos redeat, vo-luimus vel his saltem literis nostram erga eum benevolentiam te-

Ecc 2 Ari,

- flari, proinde vos ex animo rogamus, ut eundem fratrem Thomam præter id, quod ultro facturi estis, nostro quoque intuitu & contemplatione carissimum commendatissimumque vobis suscipere, omnique vestro studio ac favore complecti velitis, in quo rem nobis optatissimam præstabitis.* Fuisse A. 1300 Jus Civile Justinianeum æque ac Canonicum in frequentissimo usu in scholis atque foris Germaniæ, Cl. Autor ex variis documentis probat. Auxit idem variis iisque notatu dignissimis adnotationibus *Mallinkrothii* Tractatum de Archi-Cancellariis Imperii, ut proinde hæc editio aliis multo sit præstantior. Hastiludia & Torneamenta in urbe Argentina sæpius celebrata fuisse, ordinationes inclyti Magistratus illius urbis probabile reddunt, quæ a Cl. Wenckero exhibentur. Varia etiam acta ad Imperium Wenceslai & Ruperti spectantia & nonnullæ constitutiones vel Senatus Consulta a Senatu Argentinensi promulgata inveniuntur, ut alia taceamus.
- P. 153.
190.
256.
389.
399.
435.

CORPUS CONSTITUTIONUM MAGDEBURGICARUM novissimarum, cum Censura Regiminis Provinc. Magdeb. editum opera D. CHRISTIANI OTTONIS MYLII, Synd. Civ. Hall.

Magdeburgi & Halæ, apud Seidelium & Rengerum, 1714, 4.

Alph. 12 plag. 5.

CUM non ignoraret Consultissimus Editor, quantum intersit legem scriptam omnibus innotescere, ac quotidiano rerum usu experiretur, constitutiones in Ducatu imprimis Magdeburgico seorsum vernacula lingua publicatas, quarum ingens copia, quæque vix ullo hætenus pretio comparari omnes potuere, nondum satis omnibus perspectas esse, consilium suscepit haud pœnitendum, atque concessione Regia impetrata, ex archivis & actis publicis & privatorum quorundam apparatu edicta omnia indefesso studio collegit, collecta inter se contulit ac publici tandem juris fecit, quæ deinceps proditura sunt, eadem formâ Supplementorum subinde titulo editurus.

Continet autem hoc opus Constitutiones ab A. 1680, quo Ducatus Magdeburgicus, mortuo AUGUSTO Administratore, ad Brandenburgicos pervenit (nam quæ antehac usque ad A. 1673

A. 1673 publicatae sunt, jam pridem editae prostant) usque ad A. 1714, in Ducatu illo non minus ac Comitatu Mansfeldensi, quatenus hic Magdeburgicae Superioritati subest, promulgatas, quibus Rescripta quaedam decisiva adduntur, in quibus sunt quidem & plurimae Constitutiones universaliores, quae ipsam etiam Marchiam, Principatum Halberstadensem, & alias Provincias Regis Borussiae concernunt. In VI vero Partes divisit opus Cl. Editor & praemisso repertorio contentorum cujuslibet partis principaliorem Constitutionem posuit primam, eamque allegatione subsequen- tium edictorum, quae ad hujus vel illius loci explicationem vel limitationem facere possunt, illustravit, cui reliqua deinde edicta secundum seriem temporis subjunxit.

Pars Prima agit de *Causis Ecclesiasticis* & iis, quae inter eas referri possunt vel iis accenseri & adjungi. Inter LX Constitutiones, quas ibi reperies, primum locum occupat *Ordinatio Ecclesiastica*, quae juxta edictum publicationis de dat. 13 Nov. 1685 ad instantiam Statuum Provincialium auctoritate Electoris FRIDERICI WILHELMI, facta revisione antiquae Ordinationis de A. 1652 & monitis dictorum Statuum desuper auditis, a Regimine Provinciali concepta est, & easdem quidem cum antiquiori Rubricas habet, in nigro autem hinc inde discrepat. Ex sequentibus constitutionibus commemorare liceat illam de dato 21 Dec. 1685, quae d. Ordin. Eccles. Cap. V §. 18 de *Sigillo Confessionis* ita declarat, quod sc. Minister verbi divini delicta contra Principem & Statum Publicum perpetrata & attentata revelare teneatur, non tamen nisi ad specialem & immediatum Principis jussu & quatenus salus publica periclitari potest. Nec minus notatu digna sunt *Universitatis Fridericianae Privilegia* A. 1697 publicata. Eminent etiam constitutiones, quae de *Cura Pauperum* tum Provinciae tum imprimis Civitati Halae sunt praescriptae, & ex, quae de *Cultu Sabbathi* agunt. *Ordinatio de Causis Ecclesiasticis militum*, das Militair-Consistorial-Reglement, de A. 1712, exhibet personas, ex quibus Consistorium militare formari debeat, earum officium & potestatem & huic subjectas personas & causas atque processus formam, & quousque militibus matrimonia permitti debeant &c. Duo quoque edicta de di-

sciplina academica allegare non poenitebit, unum de dato d. 15 Maji 1695, quousque scilicet famosissimas tabernas, quæ vulgo dicuntur Thee- und Coffee-Häuser frequentare liceat, alterum sub dato d. 28 Mart. 1702, prohibens, ne alibi ob duella relegati in aliqua Universitate Potentissimi Regis Borussia recipiantur. Et ut de reliquis Mandatis taceamus, colophonem tandem imponit edictum de dato 25 Jan. 1713, quo constitutiones de Religione Reformatorum A. 1662 & 1664 in Marchia promulgatz publicantur. Hæc de prima Parte.

Sequitur Pars secunda de iis, quæ justitiam ejusque administrationem etiam in *Cambialibus* causis concernunt. Ea continet LXII constitutiones, ex quibus prima est *Ordinatio Processus de A. 1686*, eadem cum antiquiori habens capita, uno saltem omisso, de cessione Jurium & actionum, id quod ordinationi politicæ deinde fuit additum. Prolixum foret omnia referre, in quibus forma Processus fuit mutata, illud tantum observamus, quod revisores a Saxonico jure, ex quo antiquior procedendi forma desumpta fuerat, magis jam secedere cœperint. Hanc excipit ipsius Declaratio de A. 1696, quæ communiter dicitur *die neu verbesserte Process-Ordnung*, & pariter multa secundum seriem Capitulorum dictæ ordinationis declarat, ampliat, limitat, abrogat, nova addit, & novum quoque Caput sc. LI de Advocato Fisci subjungit. Cum autem hæc nova ordinatio minime plenam Processus formam depingat, sed, uti dictum est, antiquiorem in hoc vel illo puncto saltem augeat vel minuat vel declararet, & ita una absque altera non sufficiat, sed ambæ semper conferri debeant, nisi quis impingere velit, hinc Autor hujus collectionis laudabili consilio singulis capitibus & paragraphis prioris ordinationis annotavit, si quid, & ubi per illam ordinationem revisam de A. 1696 & per constitutionem de A. 1713, de qua mox, aliquid mutatum est. Tertium locum occupat modo dicta *Constitutio*, quam Potentissimus Rex Borussia FRIDERICUS WILHELMUS, amore extinguendi prolixas & innumeras partium lites flagrans, mox ab initio sui Regni A. 1713 sub titulo *Allgemeine Ordnung die Verbesserung des Justiz-Wesens betreffend* non solum in Ducatu Magdeburgico, sed &

& in reliquis Provinciis publicari jussit, & quæ malitiæ judicium, advocatorum, clientum fræna injicere studuit, severam animadversionem iis minatus, qui obtentu commodi Regii privatorum juribus quocunque modo vim inferre præsumserint. Luculenter quoque hæc constitutio distinguit, quibus in causis Camera vel alia Collegia, Commissariat, **Steuer- und Accis Amt, Jagd-Canzley, Post-Amt** &c. cognoscere possint. Succedit *Ordnatio Cambialis*, quæ A. 1703 publicata XLII articulos continet, tum & alia, quas recensere nihil attinet.

Parte Tertia præmittitur *Ordnatio Politica* de A. 1688, quæ ab ea, quæ antea ab A. 1652 viguit, rubro & nigro hinc inde maxime differt, & ex præfatione seu publicatione ordinationi præmissa sub dat. d. 3 Julii 1688 notandum, jura Saxonica tum demum admitti, quum Ordinationibus in Ducatu Magdeburgico antea promulgatis neutiquam repugnant. Ceterum longum foret Edictorum, quæ hic exhibentur CCLXXVIII, contenta recensere. Inter novissimas constitutiones, quæ sub Imperio moderni Regis emanavere, eminent eæ, quæ de Duellis, Commerciis, temporibus venatoriis & universali introductione ponderis & mensuræ Berolinensis loquuntur.

Quarta Pars de *Re militari* agit, & LXV constitutiones complectitur, inter quas sub num. I, II, III & IV novissimi reperiuntur articuli de disciplina, annona, expeditione, stipendio ac hospitalione militari &c. **die Kriegs-Articul, Marsch-Verpfleg-und Einquartierungs-Reglement**, de A. 1713.

Pars Quinta sub rubrica **von Cammer-Steuer-Münz-Post-und Bergwercks-Sachen** CLXXII leges exhibet, inter quas prius est, quæ dicitur **die A. 1686 publicitte General-Steuer- und Consumtions-Ordnung in denen Städten des Herzogthums Magdeburg**/quæ sub distinctione capitum exhibet taxam accisæ de vino, cerevisia, frumento, mercibus &c. & reliqua, quæ observari debent, secundo autem loco reperitur, **die Post-Ordnung** de A. 1712. Hæc ordinatio de Juribus Postarum non solum Ducatum Magdeburgicum, sed omnes Provincias concernit & agit de Officio Magistri, Scribæ & reliquorum officialium rei veredariz eorumque Privilegiis, viato-

viatoribus, diversoriis, tabernis, rhedis, cornubus & insignibus veredariis & veredis, nec non de eo quod iustum est & licitum circa literas & res earumque obfignationem, oblationem, taxam & pondus, vel circa Postarum vias, securitatem & cautionem tempore pestis observandam &c. & huic ordinationi adhærent aliæ specialiores de re veredaria decursionum in Clivia, Marchia, Pomerania & Westphalia. Sequentia edicta vel species & figuras monetarum probarum & reprobarum exhibent, & reliqua quæ ad rem nummariam faciunt, vel de Re Veredaria adhuc varia disponunt, e. g. *Die Fuhr- und Land-Rutscher Ordnung* vel de accisa & ejus augmento, maxime ratione urbium Magdeburgi & Halæ, varia determinant, vel de vectigalibus, tributo seu censu munerum (*Marinen oder Chargen Gelder*) nitrariis & coquendo sale nitri, privilegiis eorum, qui nova extruunt ædificia, fodinis, & chartis lusoriis signatis agunt, vel Commissarios belli & exactionum instruunt de ipsorum officio, ut alia taceamus.

Tandem sequitur Pars Sexta & ultima, quæ sub rubro Miscellaneorum varia continet edicta, quippe præmissis statuto Hallensi, *die Regiments Ordnung* de A. 1687, constitutiones LXXI diversi generis subjiciuntur e. g. de Peste, Privilegiis & juribus eorum, quos Rex Galliarum ex Gallia, Palatinatu vel aliis Provinciis expulit, novo Calendario, commerciis Guinenfibus, formulis & gestibus Judæorum orantium suspectis, successione conjugum Hallensium &c.

Adjectus est ultimo loco Index rerum utilissimus.

DANIELIS CLERICI, MED. DOCT. HISTORIA
Naturalis & Medica latorum lumbricorum intra
hominem & alia animalia nascentium.

Genevæ, apud Fratres de Tournes, 1715, 4.

Alph. 2 $\frac{1}{2}$ cum fig. ænear. tab. XIII.

TRia esse vermium genera, quæ in corporis humani intestinis hospitantur, Ascaridum scilicet, teretium, & latorum, Græci & Latini observarunt Medici. Arabes teretes parvos seu graciles, & latos statuerunt, quos ultimos alio nomine cucurbitinos

tinos vocarunt, cum quibus tamen horum interpretes ascarides confuderunt. *Petrus* vero *de Abano* aliqui pauci eos ita inter se quandoque colligari observarunt, ut catenam efforment unius animalis seu vermis speciem præ se ferentem. Dux species vermium latorum ab *Arnaldo Villanovano* distinctæ, sed non descriptæ sunt; quarum hæc longorum & latorum, illa brevium & latorum seu cucurbitinorum sit. His tertio accedunt longi & rotundi, seu teretes, quarto curti & rotundi, qui Ascarides Græcorum sunt, quinto maximus quidam lumbricus, alias solum seu cingulum dictus. Putat tamen *Gabucinus*, *Arnaldi* lumbricum maximum nil aliud esse quam sacculum cucurbitinos vermes quandoque involventem. Circa lumbricorum latorum naturam atque inter se discrimen multa in Medicorum posteriorum scriptis confusio annotatur. Quidam enim cucurbitinos lumbricos Arabum figmentum esse putant; alii, quicquid de lumbrico lato narratum est, nugæ esse ajunt; alii duo latorum genera admittere videntur, sed ea invicem quo pacto distinguant, nesciunt. Alii, quorum agmen ducit *Platerus*, duo quidem latorum lumbricorum seu tæniarum genera expresse distinguunt, ac vermem latum longumque a cucurbitinorum catena re ipsa diversum describunt, sed catenam hanc, tæniam secundi generis ab ipsis vocatam, pro uno etiam prælongo verme contra *Petri de Abano* sententiam habent, vermemque Arabum latum brevem seu cucurbitinum nil aliud esse ajunt, quam tæniæ corporis fragmenta cucumeris semini similia. Alii demum, qui vermem eundem cucurbitinum viderunt, ipsum vel pro ascaride vel pro monstroso quopiam alio verme habuerunt, ita ut cucurbitinus diu ignoratus sit, vel in obscuro jacuerit. Hæc singula Clarissimus Clericus prolixius & ipsissimis Autorum verbis prioribus IV capitibus probat. Posthæc *Eduardi Tyson*, cujus dissertatio ex Anglico idiomate in Latinum versa hic legitur, item *Leeuwenhoekii*, *Nicolai Andry* de lumbricis latis & speciatim de *Plateri* Tænia secundi generis, solum ipsi dicta, sententiam capite V exponit. Præ reliquis vero *Antonii Vallisnerii*, cujus Cogitata & Experimenta circa ordinariorum vermium in corpore humano generationem in Actorum Supplem. T. V Sect

VII^o pag. 279 communicavimus, vermium cucurbitinorum & tæniæ *Plateri* secundæ seu tæniæ degeneris *Spigeli*, tubulique cucurbitinos interdum involventis descriptionem, qua *Andry*, *Tysonis* & aliorum, tæniam istam pro uno verme habentium, opinio refellitur, in *capite VI* allegat, maximeque deprædicat. Inde in *capite VII* ad tæniam primam *Plateri* revertitur. Quamcunque autem solertiam adhibuit in evolvendis Autoribus, qui de hac vermibus specie scripserunt, nihil tamen solidi reperit. Hinc allegatis in *capite IX* & *IX* illis Medicis, qui corporis vermibus istius truncum aut descripserunt, aut se vidisse dixerunt, vel caudam aut caput conspexerunt, suas communicat oblationes, imprimis quæ caput & caudam concernunt. Variis tum argumentis in *capite X* probat, plures tænias in hominum intestinis quandoque reperiri, hasque per generationem se multiplicare, & unum esse revera vermem, non plures instar cucurbitinorum, vivacesque admodum existere; inter latentis talismodi tæniæ in intestinis signa famem caninam neutiquam referendam esse, imo eorum nulla pathognomonica aut perpetua, vel quæ aliis morbis communia non sint, dari; gravioribus symptomatibus ægros haud vexari, imo nullum eorum existere lethale. Atque hæc postquam de lumbrico lato commentatus est Autor Clarissimus, haud absolum esse credidit, quædam de aliis vermium generibus, qui hominibus molesti sunt, ut &, qui in aliis animalibus reperiuntur, quæ eorum sit origo, quæ remedia, addere. Agit itaque *capite XIII* de tænia canina, aliisque canum & felium vermibus; de teretum in hominibus lumbricorum inter se differentiis, & anatome; de vitulorum lumbricis teretibus; & illis, qui longi & tenuissimi extra intestina fuerunt reperti; de *Ascaridibus*; de *dracunculo* seu vena *Medinensi*; de *vermiculo* affectum, bovinum dictum, inducente; de *vermiculis Americanis*, pedibus hominum molestis; de *Syronibus*, mortem inferentibus; & *Sironibus oculorum*; de vermibus cum urina excretis; de vermibus ulcerum, vasorum sanguiferorum, spermaticis, crinonibus, cerebri, narium, ossis frontis, oculorum, dentium, aurium, cordis, pulmonum, hepatis, lienis, umbilici vermibus & eo, quem oinao nuncupant; item de vermibus villosis, monstrosis, agit.

agit. Prolixus hinc in *capite XIV* est in inquirenda verinium origine variasque hac de re Autorum opiniones allegat, & vermes in humanis corporibus stabulantes non solum semper noxios non esse, sed utiles quandoque & necessarios, in infantibus potissimum, *adiposities* laborantibus, evincit. Ad remedia denique *cap. XV* progreditur, quorum ope molesti interraneorum nostrorum hospites ejiciuntur; quorum varias recenset classes. Sunt enim, quæ manifesta gaudent qualitate, propter quam, cur vermibus ea infesta sint, ratione assequi possumus; sunt, quæ vi quadam occulta & specifica, id est, quorum ratio perspecta nobis non est, etsi de effectu experientia testetur, hoc præstant. Sunt etiam, quæ certis tantum vermium generibus expellendis enecandisque inserviunt; sunt denique, quæ omnia perinde fugare vel interimere queunt. Quarum singula allegare prolixius foret.

GEORGII WOLFFGANGI WEDELII COM-
pendium Chymie Theoreticæ & Practicæ, methodo
analytica propositæ.

Jenz, sumptibus Joh. Felicis Bielkii, 1715, 4.

Alph. I plag. 5.

Compendium hic sistit Chymie Medicinæ Clarissimus Wedelius, cujus in omnes fere Medicinæ partes opera eruditissimæ abunde prostant, & ab omnibus avidè expetuntur; de Metallica autem Chymia nihil ipsi nunc negotiū intercedit. Dividit illam in Empiricam & Dogmaticam, seu Practicam & Theoreticam, vel rationalem; seu spectatam, prout circa principia rerum, secunda saltem, & principiatâ seu producta certa occupatur. Hinc quatuor oriuntur libri, in quos dicenda includit. In Libro igitur I Theoriam principiorum Chymicorum pandit, in qua Sal, seu clavem & condimentum rerum, sulphur, tanquam sigillum, centrum, & pacem optimam rerum, mercurium, qui est elater nixtorum, semen, quod promptuarium universi vocat, & formentum, directorium omnium, sub examen vocat, & in eorum essentiam, affectiones, vires, & usum sedulo inquirat. Tum Chymicorum principia cognoscendi & curandi sistit, de-

que productis seu effectibus & operationibus Chymicis agit. Duplex autem est methodus, qua Chymia docetur, & traditur, analytica altera, altera synthetica, quarum illa a fine ad media procedens τὸ ὄτι & partes compositas magis scrutatur, hæc τὸ διότι, a mediis ad finem, partes componentes examinans. Quamquam autem res eodem recidat, quocunque modo Chymia explicetur, facilior tamen & practica magis judicatur esse methodus analytica. Optime etiam in hoc sequitur Clariss. Wedelius principiorum Chymicorum signaturam, utpote naturæ unice conformem, indeque desumptam. Uti enim Mercurii character hoc modo notat, quæcunque etiam fixa visa, evaporabilia esse vel fieri, igni & quidem ad σύγκρισιν seu capturam clauso, exposita: ita prima statui potest commode operatio, Volatilium, sensu latiori dictorum, Evaporatio. Et ut sulphur alias inflammabile, ita hoc sensu signat igne fixanda, adeoque secunda operatio essentialis & classica emergit, Accensio. Sal vero media centraliter, æqualiter, separanda signans, Solutionem & Coagulationem, ceu tertiam operationem constituit. In Libris igitur sequentibus de Evaporatione, Accensione, Solutione & Coagulatione agit Autor; ita tamen, ut sub Evaporatione distillationes aquarum, spirituum, oleorum, flores, sublimata, & salia volatilia complectatur; sub Accensione calces, cineres, salia alcalica fixa, crocos, regulos, vitra, præcipitata, & coagula mercurialia comprehendat; sub Solutione & Coagulatione essentias, tincturas, extracta, elixiria, gelatinas, vitriola, sulphura, feculas, magisteria, liquores, crystallos & præparationes Chymicas compositas rimetur, & de Postulatis Chymicorum agat. Ex quo ultimo capite speciminis loco quædam nunc communicabimus. Circa Chymicorum quorundam asserta duo cum primis notat Noster, primo, quod hyperbolicis elogiis sua inventa ornent; secundo, quod eadem occultent tanquam arcana, & possidere magis se arguunt, quam demonstrent. Quibus addit, quod sint aliqui ἀπειθεῖς, nec fundamentis artis vel Philosophiæ imbuti Empirici. Hinc quædam dubia, quædam falsa omnino, quædam autem vera sed non nisi ænigmatica descripta proflare. Circa quintas essentias monet, audire tales

Para-

Paracelso subtiliora & specifica medicamenta, virtute seminali sui simplicis prædita, quod nomen hodie ad spiritus oleosos seu olea ætherea deductum non adeo inconueniens est. Cum autem notum sit, ignem esse destructorem seminum, frustra esse & statui *παλιγγενεσιον* plantarum ex cineribus, in salibus vero vel aquis destillatis & decoctis quoque congelatis efflorescentias & figuras illufisse ignaris autumat. Neque etiam e diuersa combinatione & immutatione particularum definite vel mercurium vel alia principia enasci, admittit, unde mercurium currentem e regno vegetabili vel animali, prius non ingressum fortitum, nondum demonstratum fuisse. Neque ex regno animali vel vegetabili lapidem philosophorum seu tincturam universalem recte quæri putat, non obstante regnorum symbolismo quoad materiam universalem, cum differant seminali principio. Sal vitriolicum figens, & sulphur illigans ac malleabilitatis principium, in metallis nullo modo negari posse existimat, quin id ipsum variis experimentis demonstrari, vel auri fulminantis exemplo. Si panacæarum nomine veniant remedia polychresta, lumine puriori serenare spiritum vitalem, vel alterare eminentius fluida corporis apta, non neglecta inquisitione ulteriori mixtorum & morborum, talia heroica ex cinnabarinis, antimoniatibus, solaribus, mercurialibus concedit. Cumque metalla gaudeant suo semine & fermento, & ex his potissimum solem, cum sulphur maxime sit diffusivum principium, & fixari aptum, non absonum esse, transmutationem metallorum statuere, sibi persuadet.

Jacob Leupolds, Mechanici zu Leipzig, andere Fortsetzung des Tractats von der Luft-Pumpe.

h. e.

JACOBI LEUPOLDI, MECHANICI LIPSIENSIS, *Antliæ pneumaticæ illustrate Continuatio secunda.*

Lipsiæ, sumtibus Autoris, 1715, 4.

Plag. 2 Tab. æn. 4.

E ff 3

In

TAB. VI

Fig. 1.

IN hac Continuatione secunda Autor industrius & ingeniosus primum exponit modum, quo objecta in vacuo sursum & deorsum moveri possint. Artificium patet ex adjecto schemate, in quo *ab* est filum orichalceum crassius, longitudinis unius circiter pedis, *cd* ansa mediante clavo *e* filo *ab* affixa, *fg* cylindrus orichalceus cochlea *hi* instructus, ut ad campanam vel operculum aliquod firmari possit, *kl* coria madefacta & foraminibus sectioni fili horizontali congruentibus pertusa, *mn* cochlea cum catino, ut coria comprimi possint & aqua desuper affundi queat, *o* denique uncinula objecta elevanda aut deprimentanda receptura. Docet deinde, quomodo eodem machinamento uti detur ad vitra evacuata obturanda, veluti si quis phosphorum *Bernoullianum* parare voluerit, & quomodo, vase vitreo altiore evacuato, plumula cum numo aureo una demittatur, ut descensus, demta aeris resistentia eodem temporis articulo peractus, in oculum incurrat. Utrumque ex inspectione figuræ manifestum. Describit præterea instrumentum in Actis hisce Tom. V Supplementorum Sect. 9 p. 404 representatum, quo Mechanicus Anglus *Hauksbee* igneam quali pluviam in tenebris produxit, simulq; docet, quomodo structura ejus variari possit, ut phosphorus ille mercurialis non temporarius sit, sed perpetuus. Illa autem ignea pluvia reapse idem est cum phosphoro *Bernoulliano*. Fieri sane hodie assolet, ut idem experimentum sub multiplici sæpius forma exhibeatur. Machinam ad compressionem aeris a se olim excogitatum & in Actis A. 1708 p. 355 descriptam ita nunc aptavit, ut omnia experimenta in aere compresso fieri possint, quæ in vacuo fieri solent. Tempestive autem monet, ne incauti pulverem pyrium ope Speculi caustici in aere compresso accendant ob damnum præsentissimum inde metendum. Cum *Hauksbejus* antliæ lux pneumaticæ Tom. V Supplementorum p. 403 a nobis descriptæ non vano consilio baroscopium applicaret Nosler nunc docet, quomodo etiam antliis antiquo modo constructis idem commode applicari queat. Ostendit etiam, quomodo campana evacuata admotis carbonibus calefieri possit, ut aqua in vacuo perinde ac spiritus viri ebulliat & rana insigniter intumescat. Omne fluidum, modo leniter ca-

lesi-



Fig. 1.



Fig. 2.




Fig. 3.

lesiat, instar Spiritus vini ebullire, sine novo instrumentorum apparatu docuit *Wolffius*, quemadmodum annotatum est in Actis A. 1714 p. 480. Præterea *Leupoldus* novum quoddam infundibulum exhibet, vi cuius aqua subducto aere per poros corii & ligni filtratur: In his Actis A. 1711 exstat p. II experimentum *Leibnitianum*, quo docetur, grave in fluido descendens non gravitare cum fluido vi gravitatis totius. *Leupoldus* suadet, ut etiam tentetur, num corpus leve in ascensu per fluidum cum eodem graviter. Commendat igitur cylindrum cavum cum appenso pondere aqua specificè leviozem & cera fundo tubi aqua pleni affixum: quodsi enim carbonēs candentes vel candelam ardentem fundo admoveas, cera liquefacta corpus separabitur atque ascendet. Reliqua experimenta, quæ commemorat, ludicra sunt. Sub finem annexit pleniorē descriptionē antiæ pneumaticæ, quam in Actis A. 1713 p. 95 exhibuimus.

**HISTORIA CAPTIVITATIS FRANCISCI
I Galliarum Regis, nec non Vitæ CAROLI V Imper. in
Monasterio. Addita relatio Vitæ Mortisque CAROLI
Infantis PHILIPPI II Regis Hisp. Filii, Autoribus PRU-
DENTIO DE SANDOVAL Episc. Pampelone &
LUDOVICO DE CABRERA DE CORDUA
ex Hispanica Lingua in Latinam conversis
excerpta.**

Mediolani, 1715, 8.

Alph. I.

PLuribus susceptis itineribus id egit Clariss. Adamus Ebertus, horum interpres, ut juxta variarum gentium arcanam historiam, earundem sibi linguarum cognitionem compararet, eo animo, ut dignis aliquando sua diligentia monumentis Orbi Erudito bene consulere. Inde redux in patriam factus quinquaginta Relationes ex Parnasso publicavit, quibus arcana in ministerii Comitum ac Ducis Olivarii, Richeliique & Mazarini Cardinalium, Clarendoniique Comitum & Greiffenfeldii, aliorumque prodidit, quæ partim ex ore Virorum fide dignorum, partim e schedis Vettiis,

netiis, Romæ, atque alibi repertis acceperat, spe insuper facta de edendis LXXXIV libris historiæ Europæ, ad pacem usque Noviomagensem, Commentarioque in Annales Taciti. Hanc implere impeditus est suscepto, jussu superiorum, docendi juris in patria Francofurtana Academiâ munere, quod ad sublimiora tendentem continuit. Interim Grotii de Jure belli & pacis libros prælegit, atque Juris Naturæ, Gentium & Civilis præcepta tradidit, & fata regnorum Hispaniæ, Galliæ, Angliæ, cunctique occidentis, exposuit, collectis ex omnium gentium scriptoribus, Victore Siri imprimis, Sandoval & Cabrera, memorialibusque Franciæ, illustrium virorum exemplis, ex quibus Juris prudentiam ubique accuratam novam condidit, quam dissertationibus, præcipuos regnorum eventus complectentibus, & ad dictam pacem illam Noviomagensem continuatis, complexus est. Hinc Tacito manum admoventes, ex illo Sciani Messalinæque, Octaviæ & Senecæ interitus causas suppliciorumque genera elegit, quæ dissertationibus itidem Gallorum, Hispanorum & Italicorum ac commentariis collatis descripsit; & utroque opere manu exarato Bibliothecam Brandenburgensem locupletavit, in qua præterea adservantur illa, quæ ex peregrinarum gentium linguis in Latinam pleraque conversa sunt historica, integra nempe Sandovalis & Cabrera Hispanorum opera, Herberti Comititis Angli vita Henrici VIII in vernaculam missa, nec non vita Ol. Cromwelli a Th. Hobbesio scripta, in Latinum, tum & Caroli I epistolæ ad conjugem, in Gallicum sermonem transfusæ. Post Antonii Geropoldi Trutinam Imperii Ottomannici, Italico idiomate scriptam, Latinam fecit, & Laurentii Gratiani opera ex Hispanico; quæ secutura promittit Zavaletæ & Antonii Perezii opera, & Cominæ Memorabilia, cum Vitriarii scholiis. Nec ita tamen captus est his amœnitatibus, ut quidquid arduum in Jure esset, non attingeret; imo in eadem Berolinensi Bibliotheca recondita sunt in Carpzovii Jcti definitiones commentaria, in Brunnemanni & Gailii consilia observationes, & in Mevii decisiones. Ex tot Viri doctissimi lucubrationibus, Potentissimi Borussia Regis, & summi aulæ Mareschalli de Prinzen beneficio, eruditioris censuram nunc subit hoc interpretationum specimen, ex Sandovalis & Cabrera vastioribus voluminibus decerptum,

ptum, dignum sane, quod Latinum prodiret, quo pluribus ejus legendi facultas esset. Id asserere non dubitamus, satis ad ingenium Hispanorum scriptorum versionem exornasse Autorem; in dedicationibus vero ad tres in orbe Monarchas, Imperatorem, Regem Galliae & Borussiae directis se ipsum sublimi dicendi genere superasse. Ex ipsis autorum operibus, argumenti non minus gravitate quam jucunditate Lectori commendandis, quoniam nova non sunt, nihil addimus.

JO. MATTHIAE GESNERI, ANSPACENSIS,
Institutiones Rei Scholasticae; accessit Praefatio JO. FRANCISCI BUDDEI, Theol. D. &
P. P. O.

Jenz, apud Jo. Felicem Bielckium, 1715, 8.

Plag. 18.

HAud male de Republica merentur, qui, pro eo ac decet, Scholarum rationibus consulunt, & literarum incrementa in illis bonarum mentium domiciliis re ac consilio juvare nituntur. Quam laudem Celeb. Buddeus in Praefatione, quae praefixa est huic libro, & de causis corruptae rei Scholasticae agit, Cl. Autori nostro attribuit, illumque hac in re abunde suo officio fecisse satis, judicat. Ipsae autem Institutiones rei scholasticae sex potissimum capitibus absolvuntur, in quorum Prooemio exploratio sui ipsius non solum cuilibet, qui in Musarum castris versari cupit, sed praecipue futuro doctori Scholastico commendatur, & damna, quae ex illius neglectu propullulare solent, ostenduntur. Duos vero in hoc explorandi negotio fugiendos Cl. Autor monet scopulos, nempe, tum nimiam audaciam & confidentiam, qua quis viribus suis tantum adscribit, quantum alii, etiamsi & Argo ipso fuerint oculatiores, in illo perspicere nequeunt, tum nimium timorem, & meticulosam diffidentiam, qua quis viribus suis diffusus justo abjectius de semet ipso judicat. Hic *ὁς ἐν παρό-*
δῳ illorum recte errorem rejicit, qui Theologiae solum studiosos ad instituendam juventutem natos aptosque esse putant, ac reliquos bonos viros, ac si docendi dexteritate prorsus destitue-

rentur, e numero docentium excludant. Capite I dotes, quibus a natura futurus Præceptor instructus esse debet, exponit, ubi & præter mentis idoneas facultates membra in corpore integra requiruntur, quoniam Præceptor insigni aliquo corporis vitio notatus perfacile in contemptum & ludibrium apud petulantem juventutem adduci queat. Hinc &, ne ex immoderata legendi scribendique cupidine & nimia animi perturbatione vegeto corpori vis inferatur, Ciceronis illud: Cura, ut valeas, omnibus literarum cultoribus sedulo commendat, vitia linguæ, & alia, quæ aut naturæ defectu imperfecta, aut consuetudine depravata, arte & industria corrigenda esse pluribus argumentis suadet. Utrum vero in eligendo Præceptore ad æqualem sanguinis & cholæræ crasin seu temperamentum Sanguineo-Cholericum respiciendum, illis qui penitus artis hujus arcana inspexerunt, relinquimus examinandum. Cap. II Sect. 1 de Eruditione futuri Præceptoris agit, cui propter arctissimam disciplinarum connexionem Polymathia commendatur, & postquam aliqua contra illos, qui veteres tantum autores in scholis legi volunt, & contra horum adversarios, quibus recentiores modo placent, disputata fuerunt, media Autor via procedit, & veteres propter stylum, recentiores propter Philosophiæ & morum cognitionem in scholis cum fructu retineri contendit. Sect. 2 de linguis in genere, tanquam instrumentis scientiarum, quibus doctus hoc seculo carere nequit, inscribitur, ubi & docentibus & discantibus regulæ quædam generaliores suppeditantur, quæ in addiscendis linguis suam omnino utilitatem exerere possunt. Sect. 3 ad linguam Latinam procedit, necessitatem ejus monstrat, cujus & ubi initia & progressus explicuit, initium lectionis a Parente Latinitatis faciendum suadet, ita tamen, ut ne reliqui postmodo negligantur, qui quo ordine, quave methodo legendi, pluribus explicat, in primis autem futuro Præceptori M. Fabii Quintiliani lectionem assiduam commendat, quoniam vix ullum putat esse e veteribus, e quo plus vel doctrinæ, vel sapientiæ possit hauriri. Post prima institutionis rudimenta morem illorum improbat, qui statim e vernacula quædam in Latinum sermonem transferenda proponunt, quia

quia inde orationi tironum hoc imineret periculi, ut cum initio tota a genio Latinitatis abhorreat, imo & solæcismis & barbarismis plane scateat, difficulter postea ad rectiorem faciem reducatur. Sect. 4 eadem fere ratione de lingua Græca recte addiscenda præcepta tradit, id quod Sect. 5 de linguis orientalibus & imprimis Hebræa agere instituit. Sect. 6 ex linguis Europæorum hodiernis præcipue Gallicam, Anglicam, Belgicam, Hispanicam & Italicam propter egregia inventa, quæ illis linguis in publicum eduntur, addiscendam suadet. Sect. 7 de arte Oratoria, Sect. 8 de Poesi agit, cujus duæ partes, sublimitas cogitationum, & leges metri constituuntur, ubi data occasione Anagrammata, Chronosticha, Acrosticha aliæque hujus furfuris nugæ ingeniis relinquuntur, qui otio & patientia abundant. Sect. 9 ad antiquitatum studium hortatur, quarum potiores fontes indicantur, & regulæ quædam, quibus in eruendis illis uti debemus, adducuntur. Sect. 10 de Historia, & quæ ad illam referuntur, sc. Geographia, Chronologia &c. agit: Historiæ necessitas, & in suas species partitio, una cum regulis in ipsa historia legenda tenendis, assertur. Sect. 11 de studio Mathematico, disciplinarum Mathematicarum antiquitate, & aucto subinde earum numero tractat, utilitatem ejus adstruit, & quantum futurus Præceptor ex disciplinis Matheseos tenere debeat, exponit. Sect. 12 Philosophiæ, reliquarumq; disciplinarum tractationem, in scholis, uti vocantur, inferioribus, non absolute necessariam esse, existimat, Præceptorem tamen, qui ordine & ratione alios docere, ac aliorum vitam fingere debet, illis neutiquam carere posse affirmat. C. III in mores, quibus Præceptor præditus esse debet, inquirat, vitia, quibus in scholis degentes fere obnoxii sunt, indicat, sumpta inde occasione de libris obscænis, castratis, centonibus, Christianis agit, & ultimo loco de Decoro Præceptoris ratione sermonis, gestus, vestitus observando quædam annectit. C. IV, postquam de illis rebus, quibus Scholasticus doctor instructus, esse debet, dixit, jam quomodo in ipsa institutione versandum, docet, & regulas instituendi generales suppeditat, ubi primo loco ponit, quæ ad ingeniorum explorationem pertinent, mox de

ordine discendi atque docendi differit, tum distinctas Præceptorum & discipulorum provincias ostendit, & denique de pœnis scholasticis, erga quos, quando, & quomodo illis utendum, inculcat. C. V agit de publicæ & privatæ institutionis differentia, commoda & incommoda, quæ utramque comitantur, enarrat, utra vero alteri sit præferenda, difficile dictu esse arbitratur; quod si tamen Præceptor, qualem ante descripsit, inveniri possit, privatam institutionem publicæ antepondere non dubitat. C. VI, quomodo Princeps instituendus sit, docet, ubi omnia ex scopo Principis derivantur, ejusque propterea institutio ita attemperatur, ut Principis populiue salus ubique obtineri possit, quod quomodo commode fiat, Autor integro capite demonstrat.

AUGUSTINI GRISCHOW, AMPLISS. SENAT. Phil. in Acad. Jen. Adjuncti, Introductio in Philologiam Generalem una cum succincta & selecta Bibliotheca Scriptorum Philologiæ Generalis & Specialis; accedit Protheoria JO. FRANC. BUDDEI, Th.

D. & P. P. O.

Jenæ, apud Ern. Claud. Bailliar, 1715, 8.

Alph. 1 plag. 8.

QUantum ex ipsa hujus libri Præfatione apparet, scopus Cl. Autoris fuit, ut methodicam & systematicam tractationem omnium, quæ mens humana circa orationem generatim, citra respectum certi cujusdam idiomatis spectatam, meditari & philolophari potest, concinnaret. Cujus instituti Celeb. Buddeus in Protheoria libro huic præfixa triplicem usum demonstrat. Primo, quod hoc pacto utilia ab inutilibus accuratius discernantur, deinde homines & eleganter loqui & recte cogitare discant, & tandem causæ linguarum melius eruantur, illarumque præceptiones rite formentur. Quod autem ad ipsius libri tractationem attinet, omnia, quæ in illo continentur, ad tres potissimum classes commode revocari posse videntur. Nempe prima classis primarium libri scopum respicit, & Philologiæ cujusdam generalis designationem tradit. Altera subsidia literaria, quæ primario scopo inservire possunt, adducit, & tertia demum varias

rias meditationes miscellaneas, quæ rem clarius illustrent, & Autori Scholiorum nomine veniunt, suppeditat. Longum nimis & a more nostro prorsus alienum foret, si forte singula, quæ in unaquaque classe occurrunt, copiosius excerpere vellemus. Ut tamen nonnihil de Autoris conatu legentibus constet, pauca tantum & præcipua delibabimus. Nimirum Cap. I generalem Philosophiæ conceptum format, qui redit ad habitum mentis accuratius scrutandi res omnes, earum proprietates, principia, causas, effectus, & habitudinem variam ac conditionem, tum quæ in rebus actu deprehenditur, tum quæ sub variis eventibus, rerum variarum concursu, tentaminibus, & casibus naturalibus, artificialibus, moralibus per humanam vitam usu venire possunt, tum etiam quotiescunque in inventis ingenio, arte, & cultura aliquid perficere studemus. Hic ostendit, philologiam etiam partem quandam philosophiæ constituere, cum non adeo pauca circa sermonem philosophemata, quæ scitu digna, utilia & necessaria sint, occurrant. Ex Philosophorum autem & eruditorum numero illos excludit, & Linguistas vocat, qui memoriarum auxilio unius pluriumque linguarum cognitionem sibi comparaverunt, voces phrasæque addidicerunt, neq; tamen illarum vim atque naturam cognitam sibi reddiderunt & perspectam. Cap. II Bibliothecam, uti vocat, Selectam aperit, ubi tum Scriptores Philologiæ Generalis, qui de Linguarum historia, illarum harmonia & cognatione, efformatione sermonis mechanica, illius natura & indole egerunt, recensentur, tum & qui artis Criticæ præcepta, Grammaticas Philosophicas, Hermenevticam Philosophicam, Juridicam, Theologicam, & alia conscripserunt, enarrantur. Cap. III partes machinæ locutoriæ, modumque formandi sonum explicat, simulque adjicit expositionem efformationis quinque vocalium simplicium A. E. I. O. U. ex quibus secundum diversimodam sonorum modificationem, pro diversitate applicationis labiorum, linguæ, dentium &c. decem consonantes formaliter inter se differentes deducuntur. Inter Scholia notabiliora, quæ inserta sunt huic capiti, in primis habetur §. 31, ubi philosophiæ mechanicæ ratio exponitur, & adductis simul ejus cultoribus, fatis, Scriptoribus, ex structura vari-

arum corporis humani partium Dei existentia demonstratur; & contra illos qui hanc philosophiam ad Spinozismum viam sternere existimant, disputatur. §. 35 lepida Jo. Petri Eriei Prof. Patavini sententia recensetur, utpote qui Adamum in *Ὀνομαθεσία* animalium ex cantu avium vocales, ex voce terrestrium animalium consonantes, ex aquatiliū mutas, denique ex brutorum rugitu & grunntu reliqua linguæ elementa desumfisse arbitratus est. §. 38 n. 3 conjectura de lingua primigenia initio tantum ex XV literis simplicibus composita proponitur. Cap. IV originem sermonis oralis & scripti primam a Deo derivat: sequuntur deinde varia de oratione ac scriptura primigenia & universali, de ejusdem, quæ sensim subsecuta est, imutatione, de repentina *γλῶττοσυγχύσις* Babelica, de tachygraphia, steganographia, decifratoria, illarumque indole & usu. Ex scholiis ad §. 46 de Characterē Noetico, Semiologia, seu variis loquendi generibus, e. g. oculi loquio, maniloquio, quædam differit; ad §. 54 n. 3 examen exegeticum verborum Gen. XI, 1 ff. instituitur, & illorum sententia, qui hoc dictum de animorum consiliorumque consensu turbato & confuso exponunt, ex verborum proprietate rejicitur. Cap. V fundamentum sermonis sistit, quod saniores mentis cogitationes, ac appetitus purior constituere dicitur. Hinc agitur etiam de proprii sermonis varietate pro diversitate operationum mentis, nec non improprii, uti vocatur, scilicet tropici, allegorici, mystici, parabolici, apologici, mythici, ænigmatiçi, emblematici, symbolici, paræmialis, schematici; porro de sermonis diversitate, qui ex voluntatis, propensionum & affectuum indole multum trahere solet: propterea explicatur, quid sit, & quomodo differat sermo apertus, nudus, simplex, seriū, sincerus, familiaris, comis, complimentosus, amatorius, jocosus, mimicus, sententiosus, apophthegmaticus, argutus, aculeatus, satyricus, diffamatorius, & quæ sunt alia, quæ subtilius cogitata reperiuntur. Scholion ad §. 57 n. 3 autores, qui de sermone brutorum scripserunt, recenset; ad §. 65 amplissimum

mum Scholion de Stilo Christi Parabolico adjicitur, & loca simul Matth. XIII, Marc. IV & Luc. VIII explicantur. Ad §. 78 de illustribus Societatibus, quæ sermonis culturam perficere studuerunt, agitur, illarumque præcipue enumerantur. Caput VI illa præcipue complectitur, quæ in institutionibus stili aliae tradi solent, virtutes & vitia sermonis inter alia Autor examinat, in subjectis vero Scholiis brevem & succinctam linguarum historiam exhibet, & de diversitate stili quædam inspergit. Cap. VII sermonem moraliter considerat, & tum indolem characteristicam sermonis ambiciosorum, voluptuosorum, & illorum qui emendationibus mentis viribus gaudent, tum officia sermonis erga Deum, res divinas, semet ipsum, & alios homines, tum regulas prudentiæ & decori circa sermonem observandas inculcat.

LACONISMUS PHILOLOGICUS DE GENUINO fontis Oderæ loco sitoque, CAROLI FERDINANDI de SCHERTZ, ceu fluminis accolæ.

Wratilaviz, typis hæredum Baumannianis, 1715, 8.

Plag. 2 cum dimid.

Quum circa genuinum Oderæ fluvii ortum labi Viros eruditos videret Vir Excellentissimus, C. F. de Schertz, Dominus in Spanau, Eylau, Deschna & Shladezko, Illustrissimo Cardinali Schrotenbachio & Episcopo Olomucensi a Justitiæ Consiliis, Vir promovendæ rei literariæ apprime studiosus, ipse tanquam fluminis accola errorem hunc ex animis ipsorum evellere, præsentis opusculo voluit. Oderam ergo a Slavico vocabulo *Odere* vel *Odzazyri* nomen habere dicit, quod est *detrabere, avellere, spoliare*, quia multum terræ rapacitate sua solet abripere. Falsæ deinde Helmoldi, Dubravii, Comenii, Casp. Schneideri, Becmanni & aliorum sententiæ adducuntur, quibus vera opponitur ab Autore, oculato teste, profecta. Nimirum juxta Olomucium, Moraviæ metropolim, sita est orientem versus villa *Haslich*, a corylorum ibi succrescentium copia nomen sortita, cui prope adiacet mons suillus, *Sauberg*, ab aprorum venatu non infrequenti sic

Pag. 5.

7, 8.

10, 11.

sic vocatus. In ejus montis apice & fere meditullio inter ob-
umbrantes fagos profilit Odera, ex humo uvida, non lapide, pro-
veniens, primo exiguus, post ad rivi magnitudinem perveniens,
& sic porro magis ac magis excrefcens. Opellæ huic adjecta sunt
Carmina quædam cabbalistica, chronosticha, & alia ejus gene-
ris, nec non Corollaria quædam Juridica de jure fluminum, &
Oderæ cum primis, agentia.

*Historische Beschreibung gelehrter Leute,
welche zu Nordhausen geböhren.*

h. e.

*NORDHUSA ILLUSTRIS, SIVE VITÆ
Clarorum Virorum Nordhusæ urbe Imp. oriundorum; Autore
M. JO. HENR. KINDERVATER, Kelbrano,
Ecclesiæ S. Blasii Nordhusæ Pastore.*

Guelferbyti, apud Godofr. Freytag, 1715, 8.

Alph. I pl. 7.

Liber iste ordine alphabetico concinnatus & in quatuor clas-
ses divisus, vitas continet Virorum centum sexaginta quin-
que, quos Nordhusa in lucem edidit. Præcipui ex ipsis sunt
Jo. Gigas, Petrus Mullerus, Jctus Jenensis, Sigfridus Sac-
cus, Justus Jonas, Joannes, pater, Cyriacus cum fratribus,
Spangenbergii, filii, Conr. Frommannus, G. G. Titius, alii.
Reliqui magnum quidem in orbe literario nomen consecuti
non sunt, quum tamen meritis suis Ecclesiæ pariter & Reipubl.
profuerint, justum est illorum quoque apud posteros memo-
riam conservari. Inseruit Autor Reverendus epistolæ quas-
dam Lutheri, Melanchthonis, Gigantis, & aliorum partim ine-
ditas, & Syllabum quoque Rectorum, qui in schola Nordhu-
sana bonas literas docuerunt. Præfationem præmisit Vir Sum-
me Reverendus Georg. Serpilius, Superintendens Ratisponen-
sis, in qua nomina & vitas Ministrorum Ecclesiæ Ratisponen-
sis inde a Reformationis tempore ministerio suo fun-
ctorum succincte recenset.

Supplement. Tomi VI Sectio V proxime prodibit.

ACTA ERUDITORUM,

publicata Lipsia

Calendis Octobris, Anno MDCCXV.

HISTOIRE DES ORDRES MONASTIQUES.

i. c.

HISTORIA ORDINUM MONASTICORUM

*Religiosorum & Militarium, item Congregationum
Secularium utriusque sexus.*

Tomus II.

Parisiis, apud Jo. Baptistam Coignard, 1714, 4.

Alph. 5 pl. 12 & Tab. æn. 211.

Non pauci quidem sunt, qui de historia Ordinum Religiosorum quædam scriptis mandarunt, sed nullius opera comparari satis potest illi, quæ in novi hujus operis historia Ordinum Ecclesiasticorum fuit adhibita. Quidam, ut *Middendorpius* in historia Monastica Coloniz 1693, 8 vulgata, non nisi disciplinam & regulas monachorum descripserunt, pauca de origine attingentes. Alii, in quorum numero sunt *Paulus Morigia*, *Silvester Maruli*, *Petrus Crescentius*, *Itali*, *Aubertus* etiam *Miræus* in *Originibus Monasticis*, non solum prætermiserunt haud pauca, sed etiam de sola ordinum fundatione fuerunt solliciti, ac nihil de vitis illorum, qui eos instituerunt, tradiderunt. Copiosiores fuerunt *Annibal Canale* & *Ludovicus Beurrier*, quibus, sicut in Præfatione Autor contendit, id constitutum fuit, ut pietatem atque sanctitatem illorum, qui ordines religiosos instituerint, omnibus ante oculos ponant & alios ad eorum imitationem invitent. Hæreticis vero, eodem judice, propositum fuit in monachos invehere convitiisque

H h h

cos.

eosdem afficere, cujus criminis inprimis *Hospinianum* accusat, profitetur tamen, se nolle hæc generatim intelligi, quum alios in exponendis Monachorum rebus gestis magna fide nec sine laude versatos esse concedat, quo nomine inprimis *Marshamius*, *Dodwold*, (rectius forte *Dodsworth*,) *Dugdale* & *Leibnitius* commendantur. Hos sequi debuisset, ut Noster judicat, *Schonebeckius*, qui in *Historia Ordinum sacrorum* (vid. A. E. Suppl. T. II p. 103) ab Hospiniano aliisque nulla fide dignis scriptoribus deceptus, quam sæpissime peccavit, quod nonnullis exemplis ab Autore probatur. Idem Philippo *Bonannio* accidit, qui *Schonebeckium* non solum nimis incautus secutus fuit, sed ex suo etiam ingenio errores auxit, vid. Suppl. Tom. VI Sect. 5 p. 235. Quum itaque Autor noster multa adhuc in monasticæ historiæ rebus deesse videret, ipse arduum hoc opus aggressus fuit, & quamvis nomen suum non prodiderit, nec id in Diario Parisiensi sit publicatum, constat tamen R. P. *Helyot* Autorem illius esse, qui opere hoc omnia persequi voluit, quæ ad monasticæ historiæ studium facere videbantur, vestitus etiam monachorum ea, quæ potuit fieri industria, designari curavit. Sex Partibus illud absolvetur, quarum prima Monachos Orientis & qui ex his regionibus originem traxerunt, describit. Secunda Canonicos Regulares Ordinis S. Augustini persequitur. Tertia explicabuntur ii, qui ejusdem Patris regulam fuere sequuti. Quarta Pars nominabit Ordines tam ecclesiasticos, quam militares, qui S. Benedictum autorem venerantur. Quinta complectetur ordines, qui professionem S. Francisci adsumserunt, item, qui particularibus regulis utuntur. Sexta omnes comprehendet tam Seculares, quam Militares, quorum mentio antea injecta non fuit. Affirmat tamen R. Autor, quod de excellentia & prærogativa Ordinum inter se, quæ controversiæ ab aliquot seculis magnos motus excitarint, dijudicare nolit; interim perstringit eos, qui suorum ordinum origines ab antiquissimis temporibus derivant. Præfationi adjectus est Catalogus omnium autorum, qui de rebus monasticis aliquid memoriæ prodiderunt, quod infinitum summa laude dignum est.

Sequitur jam dissertatio *præliminaris* viam pandens integro

grò operi, qua R. P. *Helyot* de origine & antiquitatibus vitæ monasticæ agit. §. I contendit, *Therapeutas*, quorum Philo de *Vita Contemplativa* mentionem injicit, autores fuisse vitæ monasticæ. Qua in redissentientem invenit Virum doctissimum, *Bernardum de Montfaucon*, qui in eruditis observationibus, quas Gallicæ suæ versionis libri illius adjecit, contrarium probat, illa præcipue ratione inductus, quod seminarum societate libere usi fuerint; interim illos Christianos fuisse, putavit: cui Anonymus quidam se opposuit, & utrumque ideo negavit, quod non probabile sit, Philonem acerrimum Judæorum fidei defensorem, Christianorum societatem laudavisse. Sed respondit ad hoc dubium Montfauconius, Christianos judaizantes, quales Therapeutæ fuisse dicuntur, eo tempore adhuc pro Judæis habitos fuisse, quæ porro controversia scriptis nonnullis agitata fuit. §. II probare annittitur, primis statim Christianæ ecclesiæ temporibus fuisse quosdam, qui vitam quandam solitariam monasticæ similem egerint, & sub *Asceticorum* nomine latuerint, unde perpetuam quandam successionem monachorum aut Eremitarum probari credit, quam a S. Marci usque ad S. Antonii tempora, ne quidem per crudelissimas Christianorum persecutiones interruptam fuisse, §. III contendit, & contra secus sentientem Thomassinum, qui Monachorum ordines multo recentiores esse putat, §. IV defendit. §. V in duas classes Monachos distinguit, quarum una Cœnobita inhabitat, altera in loca deserta secedit, quibus alias divisiones addit, monstratque, *Cœnobitas*, qui sub Regula vel Abbate vivunt, alios multum antecellere. Horum Patrem vel primum Autorem §. VI nominat S. Antonium, quem alii cum Tillemontio illum Eremitarum Autorem vocant, Cœnobitarum Patrem S. *Pachomium* prædicantes, quorum argumentis Noster §. VII respondet. §. VIII probat, S. *Syncreticam* Monialium Conventus primam instituisse, cujus vita separatim conscripta extat, & S. Athanasio a Viris doctissimis tribuitur, quibus R. P. *Helyot* adsentitur; alii dissentiunt, quorum rationes Noster expendit. §. IX describit, quam altas radices vita Monastica tam in Oriente quam Occidente egerit. §. X probare conatur, Monachos eandem vitæ & morum integritatem conservasse, qua pri-

Pag. 2.

4.

10.

22.

25.

30.

36.

39.

48.

52.

58.

- Pag. 65. mis Christianæ Ecclesiæ temporibus fuerunt, & §. XI hanc dissertationem concludit, quædam insuper de regimine ordinum Religiosorum monens.
68. Cap. I de Vita S. Pauli agit, quem primum Eremitam fuisse credunt, sed Noster alios jam antea nominavit, qui solitariam vitam exercuerunt; & hac occasione primorum Eremitarum vestitum explicat. Cap. II S. Antonii vita sequitur, scripta etiam, quæ sub ejus nomine circumferuntur, nominantur, quem A. 305 Cœnobîa instituisse & Monachorum, qui ea inhabitant, autorem fuisse ferunt. Hanc S. Syncleticæ vitæ descriptio C. III excipit, quæ Moniales instituisse dicitur. *Maronitæ* C. IV describuntur, qui S. Antonii regulam professi a S. *Marone* dicti fuerunt & Latinæ Ecclesiæ fidem A. 1182 amplexi sunt. Horum Monasteria, item vita severior, describuntur, variique ritus, quos observant, explicantur. Eadem methodo S. R. Autor de Monachis *Armeniensibus* p. 95, *Nestorianis* p. 106, *Jacobitis* p. 109, *Coptis* vel *Ægyptiacis*, horum monasteriis principalibus ritibusque variis, p. 114, 122 & 129, *Abyssinis* vel *Æthiopicis* p. 133 & 144 agit, probatque, non extare ullum ordinem Militarem S. Antonii in *Æthiopia*, qualem ex recentioribus non pauci finxerunt. S.
147. *Pachomius* Congregationes religiosas ordinasse multaq; in vita monastica a S. Antonio instituta mutasse dicitur, cujus vita c. XIV exponitur: & notatu digna sunt, quæ c. XVII de fatis & vita
154. *S. Basilii Magni* Archi-Episcopi Cæsareensis & omnium Orientis Monachorum Patriarchæ ejusdemque institutione novi ordinis religiosi afferuntur. Sequuntur reliqui Monachi, qui unquam in Oriente exstiterunt, etiam illi, qui in Russia regulam S.
169. Basilii secuti fuerunt, qui Italiam & Hispaniam adierunt; Moniales quoque describuntur, qui tam in Oriente quam Occidente eandem regulam professi sunt. Cap. XXXI Ordo equestris, quem Constantini vocant, exhibetur, quem a Constantino M. institutum fuisse, recte Autor noster negat, & *Papebrochii* verbis utitur: *fallunt aut volentes falluntur, adulatorio studio placendi abrepti, quicumque militarium Religionum principia ante sæculum duodecesimum requirunt.* Ordinibus, qui S. Basilii Regulam in Oriente secuti fuerunt, *Equites Hospitalenses Ordinis S. Lazari*

zari Hierosolymitani annumerantur, cujus ordinis historiam Noster exponit; & a Cap. XL usque ad finem hujus Tomi de Carmelitis agit. Controversiam imprimis recenset, quæ superiori anno inter Actorum Sanctorum auctores, imprimis vero doctissimum Papebrochium atque Carmelitas acerrime ventilata fuit, quum Papebrochius negasset, S. Eliam ordinem illum instituisse, cui varia scripta opposuerunt Carmelitæ, atque ex *S. Scriptura, Summorum Pontificum, Sanctorum Patrum, Geographorum & Doctorum tam antiquorum, quam recentiorum auctoritatibus, traditionibus & rationibus* ostendere voluerunt, primum sui ordinis autorem utique Eliam fuisse, quæ controversia a Summo Pontifice Innocentio XII die XX Novembr. 1698 sopita fuit, qui silentium disputantibus imposuit, cui Decreto & ipse R. P. *Helyot* refragari noluit. Id tantum monet, in Decreto quodam, quod pro sua sententia adducunt Carmelitanorum defensores, in quo *Elia & Elisei* mentio injicitur, *Enochum* quoque nominari; ut adeo inde a temporibus ante-diluvianis Ordinis sui historiam repetere valeant. Sed quum a prima statim ordinis sui origine tria vota essentialia eos præstitisse, statuant, probatio successionis perpetuæ hujus Ordinis difficillima videtur Autori nostro, quum Scriptura nihil de Carmelitis memoriæ prodiderit, qui arcam Noë intrarunt, neque fieri potuerit, ut quidam ex filiis Noë, qui omnes uxores habuerunt, liberosque reliquerunt, ordinem illum amplexus fuerit.

Pag. 257.
282.

299.

307.

2.

10.

T. II de Canonicis Regularibus imprimis agit, qui Augustini Regulam profitentur: Equestres etiam ordines tangit, quibus cum his quædam intercedit affinitas. Cap. I S. Augustini Vita comparet, in qua delineanda se imprimis RR. PP. Benedictinos societatis S. Mauri in editione operum Augustini secutum fuisse profitetur R. Autor. Duo monasteria fundavit Augustinus, ex quibus non pauci prodierunt ejus discipuli, qui aliis in locis monasticam vitam introduxerunt, ut proinde autor & institutor monachorum in Africa recte dicatur. Meminit etiam controversiæ in Italia motæ ex eo, quod d. 1 Octob. 1695 corpus quoddam inventum fuisset cum inscriptione *Agostino*, unde multi crediderunt id S. Augustini corpus fuisse, quam sententiam peculia-

Pag. 12.

18.

ri scripto P. Baudinus defendit, cui titulus est: *Tumulus S. P. Augustini magni Ecclesie Magistri ac Augustini Ticinii Regii protectoris Dissertatione Historico-Canonica illustratus*. Canonico-regularium origo C. II exponitur, quam ipsis Apostolis tribuunt. Rev. Autor post Thomassinum illorum autorem facit S. Augustinum rationesque exponit, quibus iidem innituntur, quum de præcedentia cum aliis ordinibus religiosis controversant, & veterem eorum vestitum accurate describit. Sequuntur variaz Canonico-regularium divisiones ordinesque, qui S. Augustini Regulæ adhærent, tum nonnullorum sanctorum priorumque Virorum, e.g. Bartholomæi Columnæ p. 27, Chrodegani Episcopi Metensis p. 63, S. Auberti Cameracensis p. 76, Beati Yvonis Episcopi Carnutensis p. 100, Norberti Archiepiscopi Magdeburgensis p. 164, vitæ describuntur, quibus singulis inhærerere ab instituto nostro alienum foret.

D. SALOMONIS DEYLINGII OBSERVATIONUM SACRARUM Pars Tertia. Appendicis vice accedit Dissertationum Academicarum Trias, cum figuris æneis & indicibus necessariis.

Lipsiæ, sumptibus heredum Frid. Laackischii, 1715, 4.

Alph. 2 plag. 21 Tab. æn. 6.

Primum & Secundum harum Observationum Librum recensuimus in his Actis A. 1709 mense Febr. p. 55, & 1711 p. 405. Nunc tertium atque ultimum exhibemus Volumen, in quo conficiendo S. R. Autor, Collega noster perindustrius, pristinum servavit institutum. Multa Scripturæ loca, quæ interpretes exercuerent, enodavit. Plurima more suo ex erudita Græcæ Romanæque gentis historia illustravit, vocatis in subsidium antiquitatum monumentis, marmoribus atque numis. Ita verba Genes. III, 8 בָּן יְהוָה אֱלֹהִים מֵהָאָדָם exponit de sonitu DEI, ambulante in horto, h. e. de tempestate horribili, & de tonitru fulgurante, & observat, solemne DEO subinde fuisse, inusitato quodam aeris motu præsentiam & adventum suum significare. Quod exemplis ex sacra historia petitis confirmatur, notaturque, harum rerum famam ad ipsos etiam gentiles dimanasse, qui Numinum

minum præsentiam & apparitionem non sine ingenti aliqua locorum prævia agitatione fieri dixerunt. Cap. 2 disputat de loco vexato Genes. IV, 7, quem rejecta *Lightfooti, Jo. Clerici, & Jo. Marckii* interpretatione, ita explicandum censet: *Nonne si benefacis*, h. e. si pœnitentia acta in semen mulieris credis, & fide sacrificium atque munus tuum offers, sancteque vivis, est tibi *elevatio faciei*, læta, hilaris & bona conscientia, fiduciaque, ita ut *non concidat facies tua*, ob conscientiam scelerum: nonne autem, *si male agis*, impie vivis & animo, vera fide in semen mulieris destituito, more hypocritarum offers, *peccatum*, & quod ei consequens est, peccati pœna cum tormentis conscientia, *ad forer cubat*, tanquam bellua, aut canis ferox, insidias tibi struens, teque dilaniaturus, *cujus appetitus, & incurstatio est in te, sed tu dominaberis illi*. Cap. III urbem Hanoth Gen. IV, 17 a Kaine ædificatam in illa hominum paucitate nil aliud fuisse docet, quam tenuem casarum collectionem, quæ lapsu demum temporis in urbis magnitudinem excreverit. Cap. IV in Babelis origines inquirat ad Genes. XI, 9, & confusionem linguarum, & quinam ædificatores turris, quale eorum consilium, eventusque fuerit, examinatis doctissimorum Virorum conjecturis, ac *Jac. Perizonii V. C.* opinione, ex Mosis historia explicat, ratus, duplicem extruendæ urbis & turris rationem reddi Ps. 4: primo conditores gloriæ cupiditate & separationis metu conspirantes, tali monumento nominis sui gloriam voluisse ad posteros propagare: deinde etiam sui cœtus dispersionem impedire. Hæc duo spectantes dixisse: *Ædificemus nobis urbem & turrim, UT faciamus nobis nomen, ET ne dispergamur in superficiem omnis terræ*. Describens transitum Israelitarum per mare Idumæum Cap. V, vindicat fidem miraculi, a Mose descripti Exod. XIV, 21, contra irrisores, aliosque dissidentes, & rationibus ex doctrinæ temporum & fiderali scientia petitis, ostendit, illam trajectionem ordinaria maris detumescencia fieri nequaquam potuisse. Cap. VI aquas amaras, ligni injectione a Mose mitigatas Exod. XV, 22, considerat, differitque de aquæ Niliacæ dulcedine, & ligni in aquas amaras injecti virtute, quam naturalem fuisse negat. Cap. VII descripta manna historia, vasculum aureum, quo

manna adſervabatur, ex numis Hebræis repræſentat, & in origine ſabulæ de capite aſini, in adyto Templi Hieroſolymitani dedicato, inquit. Cap. VIII ad Exod. XXXIV, 30, 35. vultum Moſis radiantem & cornua capiti Moſaico in numis adjecta contemplatur, radiosque illos, non de rubore & calore vultus, quod Cl. *Hardtio* viſum eſt, ſed de ſplendore eximio cœleſtique exponendos eſſe docet. Cap. IX de aqua expiatoria, cineribus vaccæ ruſæ mixta, agens, plurima N.T. loca illuſtrat, docens, peccatores dici *νεκροὺς* Eph. II, 1, 5 & Coloff II, 13, atque peccata *ννεὰ ἔργα* Ebr. IX, 14, ad indicandam deteſtabilem eorum ſeditatem, & inquinamentum, quale cadaverum apud Judæos erat. Cap. X multis argumentis contra *Jo. Marckium*, aliosque evincit, Balaamum, divino afflatu vaticinatum, veri nominis vatem, ſed hominem avarum & flagitioſum fuiſſe. In loco vexato Gen. XLIV, 5, quem multi de *κυλικομαντείας* & vaticinatione ex ſcypho perperam expoſuerunt, duplicem interrogationem eſſe obſervat (1) nonne hic ſcyphus eſt, ex quo bibit herus meus? (2) & nonne hic ſcyphus a vobis ſurtim ſurreptus & apud vos inventus eſt, quo *נחש נחש* obſervando obſervat, & evidenti indicio cognoscit & experitur herus meus, ſcilicet *הנביע אתם תנכתם* quod vos furati eſtis poculum, notante *Jarchio* ad h. l. & quod vos eſtis fures ac homines peſſimæ notæ. Cap. XIII verba Hiobi III, 5, *כמרירי יום* *atratores diei* explicat de Mathematicis, qui dies quosdam ad negotia auſpicanda inidoneos, & ad res gerendas cavendos, notarint, eosque veluti atros atque inſauſtos damnarint. Cap. XIV Meſſiæ divinitatem & victoriam Pſalmo CX decantatam a nuperi Critici detorſionibus vindicat. Cap. XIX cladem atque vaſtationem Ægyptiis denunciataſſam Jer. XLII, Ezech. XXIX deſcribit, & vates Hebræos cum ſcriptoribus Græcis, qui prorſus diſſentire videntur, conciliat. Cap. XIX rationem reddit, cur quatuor duntaxat Perſiæ Reges ab Angelo Dan. XI, 2 memorentur, refellitque *Jo. Clericum*, qui locum in mendo cubare ſuſpicatur. Nam non dici, tres tantum Perſiæ Reges in univerſum adhuc futuros eſſe, ſed tres adhuc fore *עומדי* ſtantes, potentes, ac robore præſtantes. Cap. XXIII perilluſtre oraculum Chriſti.

sto adserit Malach. IV, 2 & ex Theologia gentilium declarat, quare Sol Psalm. XIX, 6 instar herois viam currere dicatur, quoniam videlicet in sacris Mithriacis Mitra, sive Sol miles vocabatur & habitu militis effingebatur, perinde ac Mars armorum Deus, qui idem fuit cum Sole, si Macrobio & Juliano fides. Cap. XXV occasione loci i Marc. XV, 6 rem numariam veterum Hebræorum examinat, rejectisque numis, qui literis quadratis insigniti sunt, ostendit, Hebræos ante Hasmonæorum tempora argentum non signasse, sed Simeonem Ethnarcham primum, impetrata a Syriæ Regibus venia, procudisse numos, quorum nonnulli hodiernum prostant, & ab Autore nostro in Tabula exhibentur atque explicantur, tanquam genuini, quod contra V. C. *Jac. Basnagium* tuetur, qui negavit, inter Samaritanos numos, vulgo ita dictos, genuinos reperiri. Ubi simul convincere conatur, istorum numorum literas non esse Samaritanas, ut vulgo credatur, sed Hebræas, & Judæis Hasmonæorum tempore usitatas. Numos enim illos non a Samaritanis cufos esse, sed a Judæis, veri autem nequaquam simile esse, Judæos literis Samaritanis in publicis ejusmodi monumentis usos, propter acerrimum odium publice privatimque proditum contra Samaritanas. Joannem quippe affirmare Cap. IV, 9, Judæos & *συγχράσαι τοῖς Σαμαρείταις*, nihil cum Samaritis commune habere, quod de literarum & linguæ communione æque intelligendum putat, ac de communione sacrorum, matrimonii, convictus, civitatis, aliarumque rerum. Tandem receptam de literarum Assyriacarum seu quadratarum divinitate & ultima antiquitate sententiam, internumque valorem modeste examinat, & in dubium vocat. Cap. XXVI de Joannis Baptistæ natalibus, educatione, victu, moribus, munere, ac supplicio, ejusque loco atque causa eleganter disquirat ad Matth. III, 4 & XIV, 12, & *Bern. Lamy* opinionem de duplici præconis captivitate refellit. Cap. XXIX indagat, quale tempus per *καρπὸν σύκων* Marci XI, 13 intelligendum sit? Ubi examinatis doctissimorum Virorum sententiis docet, æstivam anni tempestatem notari, qua ficus in Palæstina maturescere & colligi solebant. Hoc ficuum colligendarum tempus, in mensem *Sivan* incidens, in Mischnice

Tractatu *Nedarim* Cap. VIII § IV dici קץ *estatem*. Ad quem Mischnæ textum *Maimonides* adnotarit, קץ quidem notare *estatem*, sæpe tamen apud vulgus tempus notare, quo ficus essent maturæ & comedi possent. In codice כורים de *Primitivis Fructibus* Cap. III sub initium statim, ficus, uvas, & malogra-nata conjungi dicique simul atque eodem tempore protrusisse fructus primitivos. Colonos ficus virides simul cum uvis *recen-tibus*, aliisque fructibus primitivis, quotannis Hierosolymam at-tulisse, in eodem codicis Mischnici capite §. III tradi. Inde col-ligit Autor, ficus in Palæstina omnino certum anni tempus ha-buisse, quo fructus ferrent maturos, quod notari vult contra Cel-Hombergkium, qui existimet, *nullius utilitatis esse de tempore fi-cuum loqui, cum nullum in natura sit dabile*. Quibus præmissis declarat, quid Servator isto ficus repente arefactæ prodigio si-gnificare voluerit, quare item innocenti arbori maledixerit, eamque perdidit? Cap. XXX ex Hebræorum ritibus ostendit, Servatorem Lucæ II, 46 non in ipso Templo Hierosolymitano proprie sic dicto sedisse, quod nemini licuerit, immo ne Regi quidem, nisi ex familia Davidis esset, sed in Synagoga Templo contigua. Qua occasione de pervetusto more Doctorum He-bræorum in scholis sedentium, stantibus coram iis discipulis, agit, & locum Act. XXII, 3 explicat. Cap. XXXI multis rationibus e-vincit, mulierem peccatricem Luc. VII, 37, & Mariam Magdale-nam, e qua Servator septem dæmonia ejecit Luc. VIII, 2, nec non Mariam, sororem Marthæ ac Lazari, Joh. XI, 2, diversas omnino mulieres fuisse, & enarrata controversiæ origine atque historia, docet, Servatorem bis duntaxat a muliere unctum esse. Cap. XXXII monstrat, τὸν στρατηγὸν τῆς ἑρῆς Act. IV, 1 aliisq; in locis, non fuisse Ducem Romanæ cohortis, sed Judæum, Leviticorum excubiatorum Templi Præfectum summum. Vocem enim στρατηγὸν apud Græcos ea ætate non amplius habuisse significa-tionem militarem, sed ad regimen civile proprie pertinuisse, & Prætorem Urbis ac magistratum civilem notasse, postquam Græci, amissa libertate, sub Romanorum imperio esse cœperint. Apud Athenienses τοὺς στρατηγούς fuisse annonæ publicæ cura-tores. Alibi eos Prætoris munere functos esse suspicatur. Et quem-

quemadmodum Romæ fuerint Prætores Urbani ac Peregrini, ita in eam propendet opinionem, apud Græcos etiam diverſi generis Strategos fuiſſe, Urbanos & Peregrinos. Plures certe in una eademque civitate paulo ampliori olim fuiſſe, veterum Autorum teſtimonio, numerorum item marmorumque fide confirmat. Cap. XXXIV ex variz doctrinæ apparatu illuſtrat verba Johannea Joh. I, 12, 13 & in reconditum eorum ſenſum diligentius inquirens, obſervat, Joannem Filios DEI ἐκ αἱμάτων fieri negantem, Judæos notaſſe, qui jure ſanguinis & nativitatís, quod Abrahamo orti eſſent, gloriam υιοθεσίας affectarint, Joh. VIII, 39, 33, 41. Porro Græcos Philoſophos ἐκ θελήματ^{ος} σαρκός carnali præſumptione inflatos, contendiffe, ſibi cognationem quamdam cum Diis eſſe, & ſeſe ope ſapientiæ carnalis DEI ſimiles & filios DEI evadere poſſe. Alios paganos autoritate pollentes, quos Scriptura viros appellet, hominibus deſunctis divinitatem tribuere, & filios DEI creaffe, Joannis præſertim ætate, qua conſecrationis ritus non infrequens fuerit. Hanc ἀποθέωσιν Joannem ob oculos habuiſſe putat, & pernegaffe ἐκ θελήματ^{ος} ἀνδρός autoritate hominum τέκνα θεῶ γενέσθαι, ſed ex DEO naſci. Cap. XXXVII λύσις τῶν ὁρίων τῆ θανάτ^{ος}, Act. II, 24, exponitur ex voce Hebræa כליים quæ vincula & ſines notat Pſalm. XIII, 5. Cap. XXXVIII τὰ περίεργα Act. XIX, 19 explicantur de artibus turpibus & magicis, & ἐν τῶ περιεργα πράττοντες de magis & veneficis. Cap. XXXIX tumultus a Demetrio quodam concitatus ex Act. XIX deſcribitur, & ex numis, marmoribus, gemmis aliisque antiquitatum monumentis præcipua illius hiſtoriæ capita illuſtrantur. Plures Aſiarchas v. 31 memorari cenſet, non quod plures ſimul hoc munus Ἀσιαρχίας adminiſtrarint, ſed quod illo tempore forte adeſſent, qui ſacrum Aſiarchatus munus geſſerant, eodem plane modo, quo Summi Judæorum Pontifices in Evangelio dicantur, quorū Pontificatum antea adminiſtraverant, Luc. III, 2, ubi Caiphas & Annas duo dicantur S. Pontifices hoc ſenſu, ut Caiphas revera fuerit S. Pontifex a Grato Pilati Prædeceſſore conſtitutus, Annas vero Ex-Pontifex. Ita unum quotannis fuiſſe Aſiarcham, ut appareat ex fine Epistolæ de Polycarpi martyrio ſcriptæ. Magnam Scribarum in

Asiaticis urbibus auctoritatem fuisse, non solum ex v. 35 hujus capituli XIX Actuum, sed etiam ex marmoribus atque numis probat. Negat tamen contra *Henricum Hammondum*, γὰρ ποιεῖσθαι ejusmodi in ludis sacris toga alba indutos, & aurea corona ornatos, adoratos fuisse, instar Apollinis. Nam quæ *Hammondus* ex Joanne Antiocheno afferat, fabulosa esse. Cap. XL investigat, qua ratione Pauli Apostoli parentes jus Romanæ civitatis acquisiverint, excussisque doctorum Virorum conjecturis, verisimili ratione docet, emtione cives Romanos factos esse. Frequentem enim emendæ civitatis modum eo tempore fuisse, Romanorum Ducum, solam pecuniam spectantium, vitio introductum. Apostolum igitur vi hujus juris habuisse libertatem agendi secure, & intrandi Asiæ Græciæque urbes, nemine prohibente. Inde esse, quod Paulus gentium Apostolus constitutus Gal. II, 8, Asiæ minoris, & Græciæ urbes secure obierit, & Evangelium prædicarit, civis Romani privilegio munitus. Ad juris hujus beneficia refertur etiam immunitas a flagellis, & supplicio crucis, cujus fructum tulit Paulus ab ipso Nerone, Tyrannorum crudelissimo, qui Petrum cruci adfixit, sed Paulum, Autore teste de *Mortibus Persecutorum* cap. 2, tantum interfecit, quia scilicet Romanus civis & immunis erat a supplicio crucis. Locum Rom XII, 1 de Christianis DEO in victimam offerendis illustrat ex Hebræorum apparatu sacrificali Cap. XLI, & Cap. XLII ostendit, Apostolum verbis ἐνδύεσθαι χρίσθον Gal. III, 27 in animo habuisse inaugurationem Pontificum Hebræorum, quæ sub Templo secundo solemni vestium sacerdotalium induitione peragebatur. Cap. XLIV loca Eph. V, 18, Col. III, 16, & Ap. XV, 3. ex vetustis Græcorum & Hebræorum moribus erudite illustrantur. Cap. XLV ex ingressu S. Pontificis in Templi penetrale, ubi supra aureum arcæ fœderis operculum θεόν & τῆς χάριτος erat, non Christo, sed DEO Patri, secundum Autorem nostrum, tribuendus, locum Ebr. IV, 16, eleganter explicat, & contra *Jo. Braunium*, atque *Jo. Coccejum* vindicat. Asserta nuptiarum dignitate ex Ebr. XIII, 4, plurimis veterum Doctorum exemplis ostendit Cap. XLVII, non indecens esse sacri ordinis viris ducere uxores. Cap. XLIX describit vestium candidarum usum apud veteres Hebræos,

bræos, & lucem affundit verbis Ap. III, 4, VII, 13, ubi cœlestes animæ vestibus albis indutæ sistantur, tanquam candidati gloriosæ resurrectionis. Sanctos enim a Judæis dici resurrecturos cum vestibus albis, impios autem nigris. Solum R. Jochananem in *Bereschit Rabba* sepeliri voluisse vestibus **בררוקא** colore Derocæ tinctis, hoc est, ut Autor noster contra *Menassen Ben Israel* ostendit, neque candidis neque nigris, sed alius coloris. Hæ vestes in codicibus Talmudicis *Niddat* & *Schabbath* vocantur **האוריריים** *bauliriim*, quam vocem nemo hætenus intellexit. *Stephanus le Moine* locum in mendo cubare suspicatus, legit *baourilim*, & de cœruleis vestibus exposuit. Noster autem in textu Talmudico ob codicum consensum nihil mutans, inonstrat evidenter, **האוריריים** non esse Latinorum cœruleus, sed Græcorum *αλουργός*, quod cœruleum notet. Ultimo Capite considerat divinum mandatum Apoc. XVIII, 4 de secessione faciendâ e Babylone Mystica, h. e. Roma Anti-Christiana, quod multis confirmat argumentis & testimoniis veterum, ac Ludovici in primis XII Franciæ Regis numo, quem explicat, notato *Jo. Hardiani* errore, & adulandi studio. Ob argumenti similitudinem tres adjecit Dissertationes de fletu super Thammuz Ezech. VIII, 14, de Ascetis veterum, & de voce *δικαιοῦν*. Nunc Christologiam Mosaicam atque Propheticam meditatur, ad quam conficiendam perpoliendamque vitam atque otium S. R. Autori aprecamur.

A PLAIN EXPLICATION OF THE FIRST EIGHTEEN

Verses of the first Chapter of the Gospel written

by St. John.

i. e.

EVIDENS EXPLICATIO PRIMORUM XVIII
commatum Capitis I Evangelii Johannis. Cui annexa est
Scripturaria Demonstratio Veræ Deitatis D. N. Jesu Christi,
ad confirmanda illa, quæ ex prioribus quatuor commatibus
in antecedenti Explicatione breviter observata & illata sunt;
occasione Rev. Clarkii Doctrinæ Scripturæ de SS. Trini-
tate. Autore **GUILIELMO LORIMER,**

V. D. M.

lii 3

Lond.

Londini, apud Jo. Lawrence, 1713, 8.

Plag. dimidiat. 8.

Pag. 3

4 sqq.

24 sqq.

Quo consilio antehac in *XII* prima commata Capitis I Evangelii Johannis V. Cl. Jo. Clericus *Animadversiones*, & Elias Benoit *Dissertationes Epistolicas tres* ediderint, ex Actis A. MDCXCV, p. 345 sq. & A. MDCXCVII, p. 498 sq. notum. Rev. Lorimerus, ut in propatulo est, eo scopo illa explicanda sibi sumsit, ut Demonstrationi veræ Deitatis Jesu Christi fundamentum substerneret. Initio dividi posse ait Caput I Johannis in tres partes, quæ appellari possint tria testimonia de infinita Jesu Christi excellentia & dignitate. *Primum* esse Johannis Evangelistæ, *secundum* Johannis Baptistæ, *tertium* variorum Discipulorum ad Christum vocatorum, partim mediate a Johanne Baptista, & si unum respicias, ab alio, partim immediate a Christo ipso. Horum tria testimonia in hoc convenire, quod Jesus Nazareus æque Christus Dei sit, ac Christus *θεῶν-γενετός*, divinam & humanam naturam in una persona mirabiliter valde unitam habens. In parte prima Johannem Evangelistam testimonium perhibere (1) Deitati Jesu Nazareni, & personalitati ejus a Patre distinctæ, vers. 1, 2, & hoc ipsum probare & illustrare vers. 3-10, (2) incarnationi ejus vers. 14, hujusque fini vers. 11, 12, 13, & huic testimonio addere declarationem gloriæ & excellentiæ ipsius tanquam mediatoris, & beneficiorum, quæ populus ejus ab ipso & per ipsum accipiat, vers. 14-18. Hæc ipsa vero pars est, quam Autor jam specialius exponit, hæc quidem methodo, ut, sensu verborum Theologicæ magis quam Philologicæ declarato, singulis commatibus porifinata ad doctrinam fidei & elenchum maxime spectantia subjiciat. Ex his autem quædam recensere, supervacaneum putamus, cum præcipua, quæ in medium afferuntur, aliis etiam Interpretibus jam observata sint. Hoc indicare sufficiat, quod summa perspicuitate tam in hac Explicatione, quam in sequenti Demonstratione veræ Deitatis Verbi æterni Autor omnia tradiderit. Hanc ergo quod attinet, probat hic & confirmat, quod ex Joh. I, 3 breviter observaverat, nimirum quod æternum substantiale verbum sit verus Deus: quod non sit alius distinctus Deus, neque coordinatus

dinatus neque subordinatus Patri, sed quod sit idem Deus, eandemque cum Patre Deitatem habeat : quodque differentia unus ab altero non sit in Deitate ipsa, sed in modo habendi eandem Deitatem : quod, licet Pater & Filius sint duæ distinctæ personæ, tamen sint unus & idem Deus. Provocat autem ad verba ipsius Filii Dei Joh. X, 30, *Ego & Pater unum sumus*, iisque rite expositis, ex v. 33 ostendit, Judæos ipsos inde conclusisse, quod Filius se unum eundemque cum Patre Deum dixerit. Inde vero hoc format dilemma: vel Judæi recte intellexerunt verba illa optimi Salvatoris, vel minus recte. Si prius affirmetur, necessario inde sequi ait, quod Filius cum Patre unus Deus sit. Si posterius, in magno illos errore versatos esse. Tum vero Christum non potuisse non eosdem verbis clavis & perspicuis illo liberare, non Patris solummodo, & sui ipsius, sed etiam Judæorum causa. Jam vero defendisse ipsum, quod dixerit, ejusmodi quidem verbis, quæ manifeste satis eandem rem involverint, ob quam blasphemix accusatus sit, & hinc Judæos rursus operam dedisse, ut ipsum caperent, Joh. X, 39. Processisse autem propter statum humiliationis gradatim, & defensionem inchoasse argumento a minore ad majus, v. 34, 35, 36, postea vero in præcipuum causæ suæ patrocinium allegasse miracula ad confirmandam doctrinam suam, quod in ipso sit Pater, & ipse in Patre, (quod idem esse observat Noster cum antecedenti phrasi, qua Filius se & Patrem unum esse dixerat) a se facta v. 37, 38. Quod vero Christus non expressis terminis affirmaverit, se esse Deum, unum Deum cum Patre, hoc primo quidem ideo factum esse Noster existimat, quod sciverit, Judæos tum temporis veritatis illius non capaces fuisse, atque adeo, si illam plene explicaret, magis magisque contra ipsum debacchaturus esse: deinde, quod in statu humiliationis plenam gloriam suam manifestare noluerit, sed vixerit in mundo tanquam magnus Princeps *incognito*, ut dicitur, donec opus redemptionis consummatum fuerit, clarius se manifestaturus per Spiritum Sanctum Apostolis post resurrectionem, ascensionem, & gloriosam in cælis exaltationem, juxta promissionem Jo. XVI, 13, 14, 15. Et hanc etiam ipsum implevisse, & per Apostolos revelasse, quod ipse sit, in quo habitet omnis plenitudo Dei-

Pag. 25.

26.

27.

28 sq.
30.

31.

32.

33.

34 sqq.

Pag. 36.

38.

Deitatis corporaliter: quod sit verus Deus & vita æterna: quod sit magnus Deus, Deus super omnes, benedictus in secula, Deus Israelis, magnus Jehova, qui ab initio fundamenta mundi jecerit, & cujus manuum opera sint cæli: quod creaverit totum mundum, materiale & intellectualem, & omnia ad illum pertinentia sive visibilia sint, sive invisibilia: quodque mundum non creaverit ut ministerialis & instrumentalis causa, sed ut causa principalis, efficiens & finalis, cum per ipsum & ad ipsum omnia facta sint, & ipse fuerit ante omnia, & omnia per ipsum consistant, ipse denique sit magnus Jehova, qui est, qui erat, & qui futurus est, omnipotens, Alpha & Omega, initium & finis. Hæc vero omnia fusius Noster exponit, & ab adversariorum strophis vindicat. Sic e. c. cum Clarkius, quem celebratum Arianizantem Trinitarium appellat, in Doctrina Scripturæ, a nobis etiam in Actis A. MDCC XIII p. 258 sqq. recensita, p. 87, 88 adseruerat, verba Rom. IX, 5 æque significare posse doxologiam ad Patrem, ac descriptionem Christi ipsius, & præterea in gratiam Unitariorum de usu vocis *εὐλογῆτος* septem Scripturæ loca allegaverat, doctissimus Lorimerus ostendit, illum in omnibus illis falli. Quamvis enim concedat, quod in quatuor illorum sit doxologia, nempe Psalm. LXXXIX, 52, 2 Cor. I, 3, Ephes. I, 3, 1 Petr. I, 3, tamen observat, in illis omnibus vocem *εὐλογῆτος* positam esse ante *κύριον* vel *θεός*, more in doxologiis solemnibus; sed Rom. IX, 5, *θεός* reperiri ante *εὐλογῆτος*. Reliqua vero tria loca Marc. XIV, 61, Rom. I, 25, 2 Cor. XI, 31 extantia, ad sensum *θεοεὐλογητόν* Rom. I. c. firmandum inepte plane adducta esse, non minus solide declarat. Deinde, cum Clarkius innuerat, quod, licet concedatur, Christum ab Apostolo I. c. appellari Deum super omnia, tamen inde probari non possit, quod sit supremus Deus, unus & idem Deus cum Patre; siquidem Pater excipitur 1 Cor. XV, 27, primo quidem Noster respondet, quod verba Clarkii insinuare videantur, ac si nonnulli illorum, qui Christum esse Deum super omnia credant, etiam statuunt, quod sit Deus super Patrem, & propterea Apostoli illis in memoriam revocare debuerint, Patrem exceptum esse ab illis omnibus, super quæ Christus Deus sit. Sed ita se neminem nosse fatetur,

qui

qui Christum Deum esse super Patrem existimet. *Secundo*, quod per *omnia*, super quæ Christus Deus sit, intelligamus omnem creaturam, quam ipse creaverit. Si vero jam aliquis quærat, cur Apostolus 1 Cor. I. c. talem exceptionem fecerit, Noster ex Theodoro ad h. l. responsionem suppeditat. *Tertio* denique, quod Clarkius perperam provocet ad 1 Cor. XV, 27 ad illustrandum sensum Rom. IX, 5; siquidem Apostolus in his duobus locis non loquatur ad idem. Nam 1 Cor. XV ipsum loqui de Christo homine, & tamen non simpliciter ut homine, sed Θεωρώμενος, qui redemptionis opere consummato ad omnem gloriam & dominium exaltatus sit; in loco autem Rom. IX, 5 de æterna Deitate Salvatoris nostri tanquam expresse ab humanitate distincta. Ultimo Rev. Lorimerus ad quinque respondet Objectiones contra veritatem, quam hætenus defendit, adductas. *Prima* est, quod Christus ipse Matth. XIX, 17 increpet illum, qui ipsum appellat bonum Magistrum, Deum solum esse bonum affirmans; atque adeo ipse Deus esse nequeat. *Secunda*, quod Pater dicatur Fons Deitatis, atque adeo Filius nec idem esse Deus, nec eandem cum Patre Deitatem habere queat; sed potius non possint non esse duæ Deitates, altera Patris, altera Filii, & hæc quidem secundaria, derivata, distincta & dependens a Deitate Patris. *Tertia*, quod Filius voluntate Patris genitus sit, & propterea essentiam habeat a Patris voluntate dependentem, atque adeo pariter nec Deus esse, nec eandem cum Patre Deitatem habere possit. *Quarta*, quod in Symbolo Nicæno dicatur, quod æternus & unigenitus Dei Filius sit Deus a Deo; atque adeo sint duo Dii, dependens & independens Deus. *Quinta*, quod pluralitas personarum in Deo subvertat omnimodam simplicitatem Dei, & inferat compositionem in Deo. Nos speciminis loco subjungemus saltem responsionem doctissimi Autoris nostri ad primam & secundam objectionem, unde de reliquis iudicium ferri poterit. Ad *primam* ergo quod attinet, probabiliter supponi posse existimat, quod ille, quem Christus increpaverit se bonum appellantem, fuerit ex Secta Phariseorum. De his vero notum esse, quod vires liberi arbitrii extulerint, & putaverint, quod homo, si velit, a se ipso bonus esse possit. Etiam si ve-

Pag. 49.

50.

51.

52.

ro homo ille de se ipso ita non sensisse videatur; tamen ita illum sentire potuisse de Christo, quem pro mere homine habuerit. Jam vero illum ita de Christo sentientem, illique cultum quandam religiosum, qualem Cornelius Petro exhibere voluerit, præstantem juxta Marc. X, 17, Salvatorem, qui penetralia cordis ejus rimatus sit, jure objurgare potuisse, dicentem: *Cur me dicis bonum? Nemo bonus, nisi unus, nempe Deus*, i. e. novi, quod me nudum hominem existimes, & tamen credas etiam, quod vere bonus homo sim, & bonitatem meam non nisi mihi met ipsi debeam; sed quid me eo sensu bonum appellas, cum sic nemo bonus sit, nisi unus, hoc est, Deus. Ad rem ulterius illustrandam Autor & de variis Philosophis probat, quod hominem a se ipso bonum esse posse, statuerint. Sic adducit verba, quæ sub persona Cottæ Cicero libr. III de Nat. Deor. profert: *Virtutem nemo unquam acceptam Deo retulit, nimirum recte: propter virtutem enim jure laudamus, & in virtute recte gloriamur. Quod non contingeret, si id donum a Deo, non a nobis haberemus.* Et paulo post: *Num quis, quod bonus vir esset, gratias Diis egit unquam?* Et paulo post: *Judicium hoc omnium mortalium est, fortunam a Deo petendam, a se ipso sumendam esse sapientiam.* Ut alia ejusmodi loca ex Senecæ Epist. XXXI, Ariani lib. I c. 29, & lib. IV c. 1, & Epicteti Enchirid. c. 71, allegata jam taceamus.

Quantum ad secundam objectionem, negat, consequentiam æquivoca loquendi forma, cujus altera orthodoxa sit, altera hæretica, nixam. Verum & orthodoxum sensum ejus hunc esse adserit, quod Deitas ab æternitate in Patre sit, tanquam prima persona in ordine & modo subsistendi, & Pater Deitatem ab alio non habens, ab omni æternitate generaverit Filium in unione & communione ejusdem Deitatis. Et Patrem dictum esse fontem Deitatis, (non quidem in Scriptura, sed ab hominibus) quoniam ea ipsa Deitas, quæ Patri & Filio communis sit, sit a Patre in Filio, incomprehensibili quadam communicatione. Hoc sensu concedit, quod Pater dici possit fons Deitatis; magis tamen approbat, si diceretur fons Trinitatis. Obiter autem hic Calvinum defendit contra illos, qui imputant ipsi, quod deroget gloriæ Patri, Filium *αὐτοθεὸν* esse contendens. Nimirum vocem *αὐτοθεός*

θεὸς triplici sensu capi posse observat. (1) Illam intelligi posse de positiva efficientia Dei, & sic Patrem ipsum non esse *ἀυτεθεόν*, recteque Bellarminum increpare Lactantium, quod dixerit: *Deus fuit a se ipso procreatus*. (2) Accipi illam sensu negativo, & sic Patrem solum esse *ἀυτεθεόν*, quippe qui ab alia persona non sit. (3) Sensu positivo formam aliam a formali causa mutuato; quod hoc modo declarat. Essentialem formam rerum, ait, rebus essentiam suam & naturam dare, constituere illas in essentia sua specifica, & distinguere ab omnibus aliis rebus, quæ diversam naturam habeant. Hoc non facere illam propria quadam efficientia, & sic proprie non esse causam, ut causa efficiens; illam tamen rationem nobis suppeditare, qua agnoscamus, quod res ejusmodi generis & naturæ sit. Sic ergo, ut ad applicationem veniamus, internam essentialem Dei formam nihil aliud esse posse, quam Deitatem ipsam, qua Deus sit, & distinctus ab omni ente, quod non est Deus. Illam esse substantialem essentiam Dei qua talis, & fundamentum quasi esse omnium absolutarum perfectionum Dei, & quasi esse subjectum, cui tribuerentur a nobis omnia absoluta attributa divina. Et in Scriptura illam exprimi per proprium Dei nomen, יְהוָה, & אֱלֹהִים, & אֱלֹהֵי אֲשֶׁר אֱלֹהִים. *Sum quod sum*, vel, ut Noster melius & significantius reddi posse existimat, *Sum quia sum*, vel *Ero quia ero*. Sic enim evidentem magis rationem essentiae & existentiae Dei nos habere credit; nam ideo illum esse, quod ejusmodi naturæ sit, ut non possit non esse. Vocem אֲשֶׁר autem eodem sensu venire observat 1 Sam. XV, 15. In hoc igitur formali sensu filium esse *ἀυτεθεόν*, cum unus Deus sit cum Patre, & eandem æternam Deitatem cum Patre habeat. Et eodem sensu tantummodo Calvinum Filium *ἀυτεθεόν* pronunciasse, ut pateat ex verbis ejus in Instit. lib. I c. 13 §. 23 & 25. Sed in viam Noster jam rediens animadvertit, falsum sensum locutionis, qua Pater fons dicitur Deitatis, & se hunc, quod sint plures Deitates quam una: quod alia sit Deitas Patris, alia Filii, & quod una Deitas sit fons alterius Deitatis: quodque secunda Deitas dependeat a prima. Orthodoxos vero nunquam locutionem illam eo sensu, quo gentilium Polytheismus in Ecclesiam introducatur, usurpasse. Nec

Pag.

54

55

formam verborum illum sensum ferre. Non enim dici, quod Deitas Patris sit fons Deitatis Filii, sed quod Pater sit fons Deitatis. Quæ ulterius Noster deducit, & ad reliquas etiam objectiones non minus solide & erudite respondet.

EXERCITATIONUM SACRARUM DODECAS, quibus *Psalmus XLV* perpetuo commentario explanatur; Autore **FRIDER. ADOLPHO LAMPE**,
Ecclesie Bremensis in cætu Stephanienſi
Pastore.

Bremæ, sumtu Phil. Godofredi Saurmanni, 1715, 4
Alph. 3 plag. 15.

ETſi multi Scripturæ interpretes peculiarem operam in Psalmo hoc explanando infumserunt, vidit tamen Rev. Autor, integrum Psalmum pro suggestu expositurus, inventis aliquid semper addi posse, præsertim in illo inexhausto Scripturæ S. thesauro. Ratione ordinis ab omnibus discessit, cum hypothesin sibi hætenus peculiarem sequatur, qua non tantum ad priora N. T. tempora sed concatenata serie ad omnia canticum referendum esse, fonticis, ut putat, rationibus inductus statuatur. Ita tyrõnibus exemplar dare voluit, quousque in tractatione prophetiarum progredi iis necessum sit, qui aliquatenus pro dignitate earum myſteria aliis edifferere tentant. Nec ponitet Autorem profanorum quoque Autorum passim ad illustrationem adhibitorum, non tantum ut ornatum operi conciliaret, sed etiam ut temporis, quod juvenis in antiquitatis & literarum elegantiorum studiis infumſit, fructum aliquem ferret. Varia autem ad sensum S. Scripturæ hieroglyphicum spectantia eum præcipue in finem immiscuit, quod ab orbe erudito & Christiano desiderari viderit *Theſaurum Sacra Scriptura mysticum*, quo jactis feliciter a Philologis fundamentis, ipsa myſteria salutis in singulis verbis & phrasibus, æ præcipue in *Metaphoris, allegoriis, typis, emblematis* recondita, sive in forma *Systematis*, sive *Lexici* plenius enodentur. Hoc enim ad cognitionem uberiores dogmatum fidei perneceſſarium esse, idoneumque futurum, ad *Pseudo-Mysticos* ævi nostri refellendos. Cessaturam etiam omnem sollicitu-

licitudinem de comparanda sibi sufficienti rerum copia in dicendo pro concione, si sensui mystico eruendo magis ineumbetur. Descripta rerum pertractandarum summa, prolixum ostendit campum, quem in tali Thesauro conficiendo emetiri oporteat, & B. Neumannii aliorumque institutum improbat, de singulis singularum vocum literis mystice explicandis, non negat tamen in certis circumstantiis literarum usum mysticum esse, quales sint literæ nominibus Abrahami & Saræ insertæ, & *Tau* inscriptum frontibus electorum. Ceterum non diffitemur, insignem utilitatem ex Thesauro ejusmodi emblematico & allegorico expectari posse, suatoresque sumus, ut hunc laborem suscipiat in se doctissimus Autor, datisque certis principiis, atque regulis ad determinandum sensum mysticum secundum intentionem Spiritus S. indubiis, ac rite demonstratis, Theologiae cultores in studio emblematico & typico ita instituat, ne lusibus ingenii, quod vulgo fieri solet, vage indulgeant, aut irrisorum ludibrio sese exponant, sed ut verum sensum mysticum & a Spiritu S. intentum scite eliciant, & adductis rationibus evidenter demonstrarent. His præmissis Autor Psalmum ipsum aggreditur, & æque latere putat, a quo, & qua occasione fuerit confectus. De Salomonis certe cum Ægypti Regina conjugio cogitandum non esse. Huic enim typo nec sponsum, nec sponsam congruere. Sponsum victoriis esse inclytum, qua laude Salomon caruerit. Et eam potissimum sponsam induci v. 11, quæ ex Judæis, sive secundum carnem, sive mysticis, Regi Messiae adducenda, cujus typum peregrina Salomonis conjux gerere non potuerit. Refellit interpretes, & sigillatim *Jo. Massonum*, qui in *Historia Critica Republicæ Literariæ* Gallico sermone conscripta, non tantum statuit, omnes Psalmos certas occasiones externas habuisse, sed etiam sensum literalem habere qui primo intendatur. Hanc enim regulam ad omnes Psalmos extendi non posse, ad eos præsertim, qui mere prophetici sunt, & tantum de futuris Ecclesiæ fati agunt. Multas etiam occasiones oblivione temporum sepultas esse. Saltim de hoc Psalmo, quem illustrat, non apparere, quo referri possit. Nec quidquam obstitisse putat, quo minus occasione externa commotus, sed a Spiritu DEI evectus altius Regio-

AB. VII
Fig. 5.

rum vatum animus, statim in sublimiorum mysteriorum contemplationem abreptus sit. Nec Davidem arrogantiae sæpe notam effugisse, vel in ipso Psalmo CX, quem illustratum dedit doctissimus *Massonus*, si suas laudes tam splendide ebuccinandas in jugi Templi cultu tradidisset. Porro *sedere ad dextram DEI* in Davidem non quadrare, neque Davidem dici posse sacerdotem. Genus dictionis Psalmi XLV Autori nostro non est Dramaticum, sed ecstasicum, quod in multis Psalmis contra aliorum hypothesin præfert, quia & antiquius, & natura sua longe sublimius est. ששנים nova & speciosa conjectura de *cymbalis*, instrumento in Musica veterum & præcipue Phrygum Phœnicumque frequentissimo, exponit, eorumque formam declarat ex Achate inedito Viri S. Rev. D. *Theodori Hasei*, & pictura expresso in Fig. 5, in quo cymbalista cernitur, cymbala eleganter fabrefacta manibus pulsans, idque sub concentu lyrae. Quam gemmam ad Cotytia sacra referendam esse suspicatur, & sub persona stante cotylas pulsante ipsum Cotytum, Thracum Deum, quo Phurnutus Cupidinem designari putat, sub sedente vero Venerem cithara ludentem adumbrari credit, remque loco Strabonis Libro X egregie illustrat. Digressionem inde instituta de Musicis organis in Templo adhibitis, probat variis argumentis, illa typum fuisse cultus spiritualis, quod a DEO instituta partem cultus ceremonialis confecerint, sacrificiorum holocaustorum appendices fuerint, & in vaticiniis ad N. T. pertinentibus frequens eorum mentio fiat. Occasione styli varia ad scribendi rationem apud veteres pertinentia notat, Judæosque scripsisse docet in chartis hœdinis, quas Pergamenas vocent, non a Pergami urbe Troadis, ut volunt, temporibus Eumenis & Ptolemæi primum inventas, sed jam longe ante in populo Judaico notas. Quod inde certum sit, quia libros suos ספרים *volumina* appellarint Psalm. XL, 8. Vocem כף mavult vertere *calamum*, quam stylum, quia ille scribendi modus, & apud Hebræos usitator, & ad prompte velociterque scribendum aptior sit. Divisionem generalem Psalmi fundari putat in hypothesi de duplici N. T. convivio, quorum alterum in exordio, alterum in fine N. T. instituendum sit. Pulcritudinem Messiae prædictam & præfigur-

ratam

Fig. 3.



Fig. 2.




Fig. 1.




Fig. 4.




Fig. 5.



ratam ad omnes ejus relationes pertinere contendit, sub quibus in hoc Psalmo fistatur. Per *Michaelem* Dan. X, 13, 21, XII, 1, Filium DEI intelligit, non Spiritum Sanctum, quod nuper placuit Celeb. *Honerto in Viis DEI* p. 954. Filium DEI sæpe in nomine Patris, jam in ipso Protevangelio, loqui affirmat. Ipsum quippe Servatorem Ioh. V, 37 asserere, *Patrem de se testatum esse, nec tamen ejus vocem auditam esse unquam.* Inde colligit, in visionibus & apparitionibus divinis, quamvis verba efferantur, quæ sunt verba Patris, vocem tamen non fuisse Patris, sed Filii. Contra Cl. Hulsium negat, Cherubos in propitiatorio fuisse typum Filii & Spiritus S. Formæ pulcritudinem in Iesu Nazareno contemplatus, demonstrat, Servatorem nostrum omni-gena pulcritudine divina, humana & mediatoria conspicuum fuisse. Labris Messiz designari putat ejus doctrinam. Et quando gratia in labia effusa dicitur, respici suspicatur ad illos, qui infusis oleis & aromatibus labra fragrantia effecere. Verba Pauli Rom. IX, 5, *ἐπὶ πάντων Θεός*, e versu *tertio* hujus Psalms, quo formosissimus esse Christus super filios hominum prædicatur, repetit, & verti vult: *Deus super omnes Patres, & quoscunque illustres homines.* Messiam bellatorem currui infidentem descripturus, de curruum bellicorum apud veteres variis generibus, & usu quædam affert, observans, currus communes adeo vulgati usus olim fuisse, ut altera pars exercitus, quæ nunc equestris est, tum eurulis esset. Dextræ Messiz *כַּרְמִי* *terribilia* adscribi censet, cum allusione ad stupendos in subjugata olim Canaanee eventus. Plurimæ hujus generis observationes in hisce Exercitationibus occurrunt, ex ipsa earum lectione plenius cognoscendæ.

CASPARIS ABELI HISTORIA MONARCHIARUM Orbis antiqui adaucta.

Lipsiæ & Stendaliæ, sumptibus Ernesti Henrici Campii
Bibliopolæ Palæo-Marchici, 1715, 8.

Alph. 2 plag. 9.

CL. Autor, Rector Scholæ Joh. Halb. meritisimus, a teneris annis studio historico deditus, ægre semper tulit, historiam
vete-

veterem tot fabulis, crassisque erroribus oppletam, & tantum non obrutam esse. Quos pro virili sublaturus & exstirpaturus, primo quidem Dissertationes quasdam Latinas, deinde vero 1707 integrum Tractatum, quo multæ Monarchiæ, quæ in oriente a Nimrode usque ad Cyrum floruerunt, describuntur, lingua Germanica edidit, laudatum a nobis in his Actis 1707 mense Novembri p. 496. Quam recensionem cum Vir illustris *Gisbertus Cuperus* vidisset, adeo Autoris consilium non aspernatus est, ut potius duabus prolixis Epistolis, quas Noster una cum responsionibus suis huic libro adjecit, lausor exstiterit, ut materiam tam doctam & elegantem Latina lingua publicaret. Obtemperaturus Cl. Autor, non solum versionem Latinam libelli Germanici adornavit, & illustri *Cupero* inscripsit, sed universum etiam argumentum ex professo, ut ajunt, pertractavit, altiusque repetitum optimorum autorum testimonio confirmavit duobus Libris, quorum primo omnes illas orbis antiqui Monarchias representavit, quæ sub unius Assyriacæ nomine vulgo comprehenduntur. Altero autem res gestas priscorum Europæorum delineavit, & quasi adumbravit. Nos ex Libro primo, cujus capita & argumenta jam olim exhibuimus, nunc tantum excerptemus opiniones quasdam singulares, quibus hic libellus abundat. Pro certo habet, primos homines non statim, eaque ipsa die, qua Paradisum intrarunt, deliquisse, sed plures in eo dies, imo forte hebdomades, atque menses, non vero annos, uti *Walleyus* autumat, in summa transegisse felicitate, antequam eam amitterent. Cainum in orientem processisse suspicatur, & forte penetrasse in extremam Sinenfium regionem, in quorum annalibus memoria ipsius adhuc superesse videatur, per Noachum forte, ejusque filios & nepotes conservata. Græcos ex uno diluvio concinnasse duo, cum duabus forte vicibus de eo audiverint, primo a Lelegibus, eorumque ductore Ogyge, & deinde a Deucalione & Hellenibus. Facere sibi *Genes. XI, 4* *σῆμα* esse censet cum *Jac. Perizonio*, turrim nempe præaltam, a priscis hominibus ædificatam, ne pastores pecorum in vasta illa planitie prorsus aberrarent, & in alias oras, reditus ignari, dissiparentur. Ægyptiorum Dynastias, quas *Pezronius* æque ad ante

Pag. 25.

26.

33.

44. 491.

45.

48.

ante eum *Marshamus*, in ordinem redigere conati sunt, ne-
quam genuinas cenſet, ſed confuſum potius quoddam chaos eſ-
ſe variorum, peregrinorum, vanorumque nominum, in qui-
bus etiam Græca exſtent, quod unum ſatis ſuperque fraudem
prodat. Sacerdotes quippe dolosus omnes iſtas aut certe ple-
rasque conſinxiffe, Regumque catalogis non ſolum totas eo-
rum Genealogias inferuiſſe, quod Sinenſes quoque feciſſe vide-
antur, ſed etiam ipſorum nomina ter & quater, varie tamen im-
mutata, aucta atque contracta, repetiviſſe, ut immanis iſte Re-
gum atque annorum cumulus eo melius expleri poſſet. Non
aliam Ægypti vetuſtiſſimis temporibus conditionem fuiſſe ar-
bitratur, quam Palæſtiæ, vicinarumque regionum, ubi quævis
civitas proprium Regulum habuerit. Cumque hac ratione
plurimæ Dynaſtiæ eodem tempore in Ægypto diverſisque ejus
partibus ſimul fuerint, ſubruto quaſi fundamento ſua ſponte
concidere illam falſo jactatam antiquitatem. Dynaſtiam Pa-
ſtorum, Taniticæ inferendam, cum *Perizonio* ad ſolos Iſraelitas
reſert, hancque ſententiam ab illuſtri *Cupero* erudite impugna-
tam, modeſte tuetur, ita tamen, ut Joſephum, ejusque fratrem
& filios non pro veris Regibus habeat ſed pro Regum Tanitico-
rum Miniſtris ſtatus primariis ſeu Pro-Regibus, ob eam vero di-
gnitatem ab invidis vel etiam ignaris Ægyptiorum hiſtoricis,
poſt aliquot demum ſecula indicem Regum ſuorum conſignan-
tibus, ei falſo inſertos. Per שליו *Selavim*, quorum carne
DEUS delicatam Judæorum gulam explevit, cum *Olao Rudbe-
ckio* piſces volantes intelligit, quandoquidem Iſraelitæ non tam
carnes, quibus ditiores non omnino caruerint, quam piſces de-
ſiderarint. Et Moſem indignabundum dixiſſe, num omnes pi-
ſces maris congregari debeant ad tantum populum ſatiandum.
Sefoſtrin, quem *Perizonius* nuper ad Judicum Iſraeliticorum
tempora, dominante Iſraelitis Jabino, Cananæorum Rege, re-
tulit, nimium tribuens Græcorum conſenſui, eum Trajano bel-
lo antiquiorem facientium, Noſter ad Salomonis ætatem reſert,
& Sefacum eſſe putat; qui Rehabeamum ſubjugavit I Reg. XIV,
25. Jerobaamum, ſuis rationibus conſulturum, in gratiam Se-
ſaci Ægyptiorum Regis, Patroni ſui, Ægyptiorum ſuperſtitio-

Pag. 108.

110.

110.

798.

132.

132.

147.

166.

Pag. 235.

nem zmulatum esse, quando duas aureas buculas Apin & Mn-
vin civibus suis adorandas proposuit. Capto Manasse filio
Hiskiz, & Babylonem deducto, ubi tunc Rex Assyriorum Al-
farhaddon sedem suam habuerit, primates Judæorum interim
eum S. Pontifice rempublicam administrasse, impetumque
Holofernis, Assyrii Ducis, fortiter repulisse. Ad hoc enim tem-
pus refert historiam Judithæ, quam in comædiæ formam con-
scriptam esse censet. Et ejus quidem fundamentum veritatis
consentaneum esse, circumstantiarum vero plerasque confictas,
vel aliter exponendas esse, contra *Montfauconium* observat. Per
Juditbam enim sensu figurato Rempublicam Judaicam desi-
gnari, cujus maritus Manasses Rex mortuus dicatur, quia paulo
ante ab Assyriis in captivitatem abreptus pro mortuo quasi de-
plorabatur. Per *Betbuliam* ab hoste defensam Judæorum li-
bertatem, castitatem, & integritatem intelligendam esse. Ne-
que enim ullam unquam istius nominis civitatem in Israelita-
rum regione fuisse. Sahnassarem & Senacherimem pro uno
eodemque Rege, & Sardanapalum pro Senacherimis filio ha-
bet, quem non alium fuisse putat, quam Ninyan.

399

376.

393

485.

486.

487.

488.

490.

493.

Liber *Secundus* tribus Capitibus constat, in quorum primo
de rebus Græcorum vetustissimis ante Olympiades disserit.
Græciæ nomen ex lingua Celtica derivat, ratus id ex antiquo
Celtarum vocabulo *Refe* gigantem olim significante, forma-
tum esse. Græcos Iones olim appellatos fuisse putat a primo
illorum conditore *Javans*, filio Iapeti. Quod vero Græcis prior
ille *Jon* non tam notus fuerit, hoc indicare, non ipsum Iavaniem
in Europam se contulisse, sed in Asia Minori, eaque sorte illius
regione, quæ olim *Maonia*, postea vero *Ionis* nuncupata fuit,
substitisse. Mære *Ægæum* dici ab 𐤀𐤍𐤁𐤏𐤃 *insulis gentium*,
cum *Hillero* observat. *Sicyoniorum* Reges rejicit, non dubitans,
eos vel plane confictos, vel certe multo recentiores esse. Idem
de *Argivorum* primis Regibus, quos nonnulli ipsis Sicyoniis an-
tiquiores faciant, nec non de omnibus vetustissimis Græciæ re-
bus & Dynastiis, dicendum arbitratur. *Leleges* vel ללך-לך
Lech-Lecha mutua adhortatione, qua quisque socium ad iter in-
vitat, vel a Græca radice *λέγω*, tanquam *λεκτους*, vocitatos es-
se ere-

se credit. Cariam *Dodanim* seu Dorienſium patriam ſedemque
 primariam fuiſſe arbitratus, ſuſpicatur, *Leleges* tam ex *Elife*, Pag. 494.
 quam *Dodanim*, filiorum Javanis adhuc in Aſia reſiduorum,
 progenie fuiſſe. Ab illis autem tum alios, tum præ cæteris *Lo-*
eros & *Lacones* deſcendiſſe credit, perinde ac *Hellenes* quoque,
 qui antea regiones Aſiæ verſus Hellespontum habitabant, ei-
 que nomen dederant, quod Mythologi fruſtra ab Hellene vir-
 gine in eo ſubmerſa derivent. Hos *Hellenes*, ab *Elifa Javanis*
 filio ita nuncupatos, *Pelaſgis* & *Lelegibus* ſuperatis, tota propo-
 modum Græcia potitos eſſe, ſimulque nomen ſuum ita propa-
 gaſſe docet, ut omnes Græci non alio tandem, quam eo inſigniri
 vellent. Cum S. Rev. *Læſchero* non audet omnes Ægyptiorum
 ac Phœnicum colonias ex Græcia plane eliminare. Pro cer-
 tiſſimo quippe habet, *Uranum*, *Saturnum*, *Jovem*, *Anaces*, nec
 non *Inachum*, *Cadmum*, aliosque ex Ægypto & Phœnicia acces-
 ſiſſe. At vero cum *Bocharto* de omnibus *Titanibus*, nec non
Deucalione, *Prometheo*, *Amphione*, *Tantalo*, & ceteris priſcæ
 Græciæ Heroibus id prædicare velle, nimium putat. Multo
 minus a ſe impetrare poteſt, ut *Huetii* & *Cræſſi* ſententiam ap-
 probet, qui omnes fere Græcorum fabulas ex Scriptura deſum-
 tas eſſe, imaginati ſunt. *Titanas* vetuſtiſſimos Græciæ incolæ
 judicat, ab hoſtibus ſuis Ægyptiis & Phœnicibus ita nominatos,
 quia *Ionum* nomen a יון *Javen* luto limoque derivantibus, יו
Tit in Phœnicia, & טיט in Græca lingua ei non male re-
 ſpondere viſum ſit. Quod autem ad *DEOS* attinet, qui cum
Titanibus iſtis bellum geſſiſſe memorantur, animum induxit,
 eos ex Ægypto & Phœnice adventaſſe, divinumque honorem
 vel ipſos ſibi arrogaffe, ut ſimplices indigenas eo facilius ſub ſu-
 am redigerent poteſtatem, vel a ſeris demum poſteris, cogno-
 mina eorum אלים *Aelim* גיבורים *Gibborim* ita interpretan-
 tibus, præſertim cum idololatria & ambitio apud eos jam inva-
 luiſſet, illo affectos fuiſſe. Equidem Græcos Deos & *Titanas*
 ab uno ſtemmate deduxiſſe, ejus autem cauſſam non aliam fuiſ-
 ſe credit, quam quod non Dii ſolum, ſed & *Titanes* ex oriente,
 & eodem fere temporis tractu, in Græciam tranſierint, adeoque
 primi illi Græciæ cultores *Pelaſgi* illos non magis diſtinguere
 norint,

495.

496.

488.497.

- norint, quam veteres Americani & Indi Europæos nostrates. Interim tamen tantum revera inter illos discrimen fuisse, quantum inter Hispanos & Hollandos sit: & Titanes ex Asia minori, Deos vero ex Ægypto & Phœnice processisse. Quod ut eo melius intelligatur, historiam primo Deorum, deinde etiam Titanum aliquanto accuratius pertractat. Fata regnorum illorum atque familiarum, quæ *Inachidis* seu *Anacais* aliisq; Phœnicibus & Ægyptiis originem suam debnerunt, expositurus, de Argivo imperio initium facit, eique reliquos minores Principatus Peloponnesiacos, qui in illius quali clientela ac fide fuerunt, subjicit. Inde vero ad Regna extra Peloponnesum, e. g. *Atheniensem*, *Thebanorum*, *Orchomeniorumque* progreditur. Quibus absolutis denuo ad res Æolidarum enucleandas se convertit. Cap. II simili industria præscas Italorum & speciatim Latinorum res perlustrat, & Cap. tandem III de rebus Scytharum, Celta-
 719. rum, aliarumque gentium, Europæ septentrionalium, agit.
 742.

ANTONII PACCHIONI REGIENSIS, MEDICI & CIVIS ROMANI, DISSERTATIONES BINE, AD SPÉCIATISSIMUM VIRUM D. JOHANNEM FANTONUM DATE, CUM EJUSDEM RESPONSIONE ILLUSTRANDIS DURÆ MENINGIS EJUSQUE GLANDULARUM STRUCTURÆ ATQUE USIBUS CONCINNATÆ.

Romæ, apud Franciscum Gonzagam, 1713, 8.
 Plag. 10.

DUM Auctor Clarissimus Dissertationis suæ de duræ Meningis fabrica & usu, Romæ A. 1701 in lucem emissæ & a nobis in *Actis* A. 1703 p. 360 recensitæ, novam parat editionem a variis mendis repurgandam novisque schematum accessionibus illustrandam, ad industrium interea Fantonum, ab hoc rogatus, in præsentium binarum literarum primis Specimen eorum perscribit, quæ cum de duræ meningis singulari conformatione, vasibus & usu, tum de lymphæ cerebri glandulis, usu & motu, in opere ipso uberius aliquando est consignaturus. Quod duram namque meningem concernit, hanc primum nec cum aliis pro simplici, nec cum Vieussenio pro duplici habet membrana, sed eam in-

inæqualis crassitie ex triplici fibrarum strato atq; lacertis componi, & per extimam superficiem reticularem cranio hinc inde affigi, pro certo reputat. Meninx nempe dura cum musculus ipsi sit sui generis membranaceus triventer & quadritendineus, sive ex tribus ventribus resultans, quorum duo superiores cerebrum, tertius autem inferior & posterior cerebellum contineant, atque quatuor tendinibus ita constans, ut tres eorum ad cerebrum spectent, mediusque falx messoria audiat, quartus vero cerebelli proprius & falcis antagonista Caudex æque nominandus veniat, ac utrumque duræ meningis segmentum, cerebrum inter & cerebellum extensum, Interseptum horizontale salutandum. Quarum partium mobilium diversas in singulis stratis describit fibras, varios lacertos atque extimi strati corticem reticularem variamque cum calvaria cohæsionem, vel non cohæsionem, glandulis autem conglobatis, quas alterutri sinus sagittalis lateri insidere & vasa lymphatica per meningem piam dispergere, in peculiari detexerat *Epistola, Romæ A. 1705* edita & in *Actis* pariter *nostris* A. 1706 p. 217 exhibita, glandulas etiam similes addit sinuum lateralem, ibi cum primis cum lacertulis vasisque lymphaticis conspiciendas, ubi sinus laterales cum longitudinali congregiuntur. Ad vasa hinc duræ meningis accedens, nervos, quos antea omnes negaverat, nunc non unos, sed multiplices indigitat, vel ad cerebri, vel ad cerebelli meningem pergentes, licet nonnulli eorum exactius indagandi videantur; usumque demum duræ meningis, veluti musculi membranosi, explanans, postquam Mayovium de motu ipsius correxit, motum mixtum eidem vindicat, constructionis & restitutionis alterum, alterum elevationis & depressionis, priorem in toto ejus ambitu exteriori, tam ad cerebrum, quam ad cerebellum, posteriorem vero in intersepto horizontali cerebrum inter & cerebellum, successive & alterne peragi, utroque interim naturalem liquidi in corticalibus cerebri & cerebelli glandulis secretionem promoveri lymphamque ex glandulis duræ meningis proprios intra canales exprimi. Qualis motus tametsi in animalibus vivis vix oculis subjici posset, ex miranda tamen meningis fabrica varioque chordarum & nervorum apparatu non minus ac ex

actione ejus læsa in epilepticis, Malpighio & Mayovio attestantibus, veniret omnino colligendus. Sed ad cerebri lympham quod attinet, hæc ubi in dictis sinuum glandulis conglobatis secreta & per lacertos pyramidales expressa utramque meningem, ne exsiccaretur, humectarit, æque ac illa, quæ in glandulis plexus choroidei & pone cerebellum segregatur, extra calvariam per diversas vias amandari perhibetur, prout vel cerebri esset, vel cerebelli, in quantum illa ab anterioribus ventriculis per infundibulum in glandulam pituitariam, porroque in venas jugulares internas juxta Lowerum effunderetur, hæc autem a quarto ventriculo ad calamus scriptorium & ad spinam deflueret, post lenem spinalis medullæ irrigationem denuo in sanguinem per venas resorbenda. Quem nihilominus usum tam duræ meningi, quam sinuum glandulis & vasis lymphaticis matrem piam perreptantibus, Noster adhuc tribuerat, experientissimus Fantonus in responsione sua tanto magis impugnat, quanto magis conjecturis minusque demonstrationibus uterque videretur inniti. Quoad duram enim meningem desiderat ante omnia, quod in ipsa illius portione, cujus intuitu musculus triventer ea statuitur, nec fibræ vere carneæ & musculares, cen verum motus animalis organum, iisque analogæ, quæ in intestinis aliisque partibus tunicatis occurrerent, nec saltem evidentes motiones, quales in minimis insectis cernerentur, etiam si in eorum membris nihil carnei in sensum hebetem incurreret, fuissent ostensæ. Deinde dubitat, num cerebrum ad liquorem spirituosum fecerendum fibris carneis æque indigeret, ac reliq; secretionis organa, vel si vis etiam compressiva in illo requireretur, annon compressio naturalis & structura mechanica, quemadmodum in plantis & nonnullis animalium partibus, ac in cerebro ipso, manifesta innumerarum ejus arteriarum diastole & systole sufficerent, maxime cum meninx, dura cranio passim adhærens, neque universum cerebri ambitum, neque intimam substantiam & medullium; multo minus medullam oblongatam & spinalem, posset comprimere. Malpighio denique promptus quidem concedit, in affectu epileptico duram meningem convelli, negat tamen, structuram ejus muscularem inferendam inde esse, quoni-

am

am tunc naturaliter simili contraheretur ratione, ac vel pergamenzæ humidæ ab ignis calore crispari, vel folia plantarum ab halitu ovulorum, postquam hæc ab insectis fuissent in iis deposita, contrahi & convelli solerent, nec a statu morboſo ad naturalem progredi semper liceret. De glandulis autem finuum & lymphaticis ductibus matris piz detectis sienti Autori gratulatur, seq; ipsum Parisiis A. 1697 in sinu longitudinali dissecto leviterque divulso acervum glandularem cum aliis fortuito vidisse gloriatur, ita lympham ab istis glandulis & tubulis lymphaticis versus sinum magis, quam cerebri ambitum fluere, nec tam meningibus humefaciendis, quam sinui lubricando & sanguini crassiori diluendo inservire, verisimilius magisque naturæ legibus consonum affirmat. Commmercium siquidem vasorum lymphaticorum, quod cum glandulis dictis per fibrillas, veluti excretorios earum ductus esse assereretur, ab ipsa harum tenuitate reddi dubium, ceterasque membranas humore irrigari, qui ab innumeris ipsarum poris, nequaquam a lymphaticis, proficisceretur. Quia, si interna duræ matris superficies lymphaticorum liquido veniret adspargenda, lymphæ ductus pariter externos adjici debere, a quibus externa ipsius superficies non minus madesceret, cum huic interim usui tubercula, quondam a Vesalio prope verticem in dura meninge annotata, eo certius vacarent, quo luculentius Dn. Littre in sexagenario quodam non modo structuram eorum glandulosam, sed & utramque meningis superficiem ab eorundem lymphæ humectari, nuper cognovisset. Ast singula hæcce Fantoni dubia Noster in altera ad ipsum Epistola ita diluit, ut ad fluidi quoque spirituosi in cerebro secretionem organi alicujus externi comprimentis, speciatim duræ meningis, necessitatem & aptitudinem, motus e diverso arteriarum cerebri pro eodem fine insufficientiam, solennem tamen laudatæ meningis motionem oculis cernendi impossibilitatem, insignem vero status præternaturalis prærogativam, tam ad matris duræ contractionem, quam ad lymphæ a sinuum glandulis externa versus magis, quam in sinus ipsos, progressionem confirmandam, pluribus demonstret, atque inventionem præterea istarum glandularum & lymphaticorum meningis piz vasculorum in

binis Literis, quas idiomate Gallico ad Dn. Mery datas cum hujus responforiis subjungit, sibi vindicet.

D. S. S. OBSERVATIO DE POLYPO OESOPHAGI vermiformi rarissimo, a nimio Pulveris Hispanici sternutatorii, vulgo Spaniol, usu excitato.

CAupo quidam in pago Possessis prope Pirnam, Joh. Gottfried Grose / Vir annum quadragesimum tertium agens, temperamento sanguineo, habituque ad cacochymiam admodum proclivi, ac sat notabili corporis mole gaudens, mirumque in modum pulveris sternutatorii Hispanici, vulgo Spaniol/ deliciis effascinatus, anno superiori 1714, circa tempus vernale, dolorem quendam urentem, a nimia dicti pulveris aliquando facta per nares attractione in medio œsophagi percepit, inopinatoque non ita multo post deglutitionem non nihil animadvertit impeditam. Quamobrem auxilium quærens, Medicum quendam convenit, & de dolore, nunc quidem sopito, at in deglutitionis impedimentum mutato, queritur, cujus affectus causam, in pituitosa quadam ac viscida materia, interioribus œsophagi partibus adhærescente, Medicus ponens, convenientia pro ista incidenda atque educenda ægro præscribit remedia, irritato tamen successu, maloque indies indiesque adhuc ingravescente. Hinc ad alium se confert, ejusque opem implorat, simulque affectus causam, infra suo loco paulo specialius afferendam, sibi probabilem, ipsi refert, quam vero hic flocci æstimans, aliamque subesse asserens, ægro remedia, pro nescio quo acido, spasmodicam fibrillarum affectionem hanc generante, corrigendo atque eliminando, equidem exhibet, at iterum absque successu sperato. Nullum igitur secunda vice effectum salutarem, hætenus tam anxie exoptatum, æger observans, in auxilium rursus vocat alium, & quidem medicum rusticum, qui, prioris vestigia legens, pituitosam acremve materiam genuinam hujus impeditæ deglutitionis liberioris causam existere, pariter asserit, certo citoque, ut id genus hominum solet, impedimentum hoc se ablatum, deglutitionemve liberiores redditu-

diturum, pollicetur. Varia hinc ægro porrigit, quorum usus, insignis licet pituitæ fueriteducta copia, plane denuo fuit inanis atque nullus, cum nec minima levaminis cujusdam pars ægro inde fuerit allata. Deserens ergo & hujus hominis medelam patiens, naturæ & tempori sese tantum committere animum induit, sponteque sua fortean hoc malum iterum cessaturum, firmiter sperat. Interim vero Peniculum ventriculi, vulgo *die Magen-Börste* / de quo instrumento multa hætenus audierat, consulit, istud applicat, ejusque ope sat notabilem equidem educit pituitosæ materiæ copiam, nullo tamen inde subsequente levamine. Ad quæstionem, num ex applicatione peniculi senserit dolorem? respondit: cum quidem se non sensisse, interim tamen difficilem, imo in ventriculi cavitatem ejus penetrationem omnino impossibilem, ob quoddam ingula obstaculum perceptum, plenarium peniculi ingressum prohibens, fuisse. Paulo post loco sperati effectus salubris, magis magisque malum augeri animadvertit æger, adeo ut solida tandem alimenta haud amplius assumere valeret, sed liquidis tantum, v. g. lacte, juscule avenaceo tenui &c. famem sedare corpusque nutrire cogeretur. Imo, tantum demum hic affectus sumisit incrementum, ut recensita jam liquida tenuia libere exinde deglutire haud valuerit, sed mediante calamo stramineo ista absorbere necesse habuerit miser. Quam primum enim paulo liberius largiusque ea sorbere voluit atque deglutire, statim ea cum sonitu regurgitarunt, præsentaneam ægro suffocationem minata. Tandem hic, de cetero sanus, liberaque respiratione gaudens, denno Medici auxilium implorat, petitque, ut sibi suppetiæ ferantur. Hic, in affectus hujus admirandi causas occasionales paulo curatius inquirens, variaque ex eo quærens, inter alia quoque hæc sequentia, de quibus superius jam nonnihil fuit adductum, audit: ægrum nempe nimis in usum vocasse Pulverem sternutatorium, eundemque dubio procul miserandi hujus mali primam extitisse causam occasionalem. Et, quo evidentior veriorque causa hæc appareat, factum fuisse refert æger, quo pulvis hic, præsertim siccissimus summeque volatilis, corpore aliquando calefacto, & sudoribus prope diffuente, naribus co-

M m m

piole

piose intrusus, fortiterque inspiratus, non solum in asperam arteriam, verum etiam in fauces & gulam usque penetrarit, tum eamque frequentent, nec non in gula ardorem, una cum dolore primum obtuso, sanguinisque sputo, excitavit. Ex quo tempore statim dolorem haud levem, & hoc evanescente, deglutitionis impedimentum fuisse exortum, ulterius confessus est æger, sancteque affirmavit, nunquam in vita simile, nec etiam vel levissimum in œsophago percepisse deglutitionis impedimentum. Hæc omnia Medicus percipiens, excrescentiam quandam cartilagineam, ex læsione œsophagi obortam, adesse, ægrumque in extremo vitæ periculo constitutum pronunciat, cuius terminum, inevitabile nunc fatum, cui æger solum relinquendus erat, ipsi accelerare visum fuit. Ob nutritionis debitæ enim defectum corpus obesum adeo fuit extenuatum, ut magis τὸ Σκελετὸν quam hominis vivi faciem repræsentavit. Ultimo liquidorum etiam ne guttulam quidem amplius assumere potuit, quo evenit, ut post aliquot dierum spatium, mense Aprilis anni currentis, fame sitique incredibili emaciatus atque fractus, misere tandem perierit. Cadaver quo aperiretur, causaque tam stupendi affectus detegeretur, vivens adhuc æger petiit, hac tamen conditione, ut absque sumtibus sectio institueretur, quod etiam ita factum fuit. Aperto itaque nunc cadavere ventri-

TAB. VII culus A in Fig. 4 partesque internæ a statu naturali adeo remotæ non fuerunt inventæ, excepto tantum œsophago, qui a B us-

Fig. 4. que ad C nonnihil contortus & Pharyngem versus solito tenuior atque acuminior apparuit, & quidem adeo, ut apertura ejus D, alias satis ampla, vix pisum admittere vila fuerit. Quo autem, quæ intus forte laterent, nunc quoque detegerentur, ille incisus fuit, quo facto, insignis ad omnium stuporem conspectui sese præsens delineata stitit excrescentia carnea, per medium Fig. 1 & 3 d.d.d. divisa, quæ in media œsophagi parte eaque postica, qua spinæ dorsi adjacet, initium (circa quod aliquid cujusdam materię eruoris inspissati ad instar cernebatur) sumens, ad Pylorum usque fere sese extendens, longitudine spatium sex digitorum transversalium, crassitie vero lumbricum insignem, tam in α quam in β æquabat, cujus etiam faciem aliquo

aliquo modo mentiebatur. Substantia hujus excrescentiæ, rectius Polypi, erat carnosio-fibrillosa atque mollis, color vero ex albo rubicundus. Cultro anatomico & quidem facillime, cum vel digitorum jam attactui cederet, auferebatur Polypus hic rarissimus, quo ablato, pedes ejus, vel potius radices, quibus se in gulæ substantiam insinuaverat, in conspectum veniebant, quarum vestigia bb ob nimiam brevitatem suam, multo elegantius in œsophago aperto, quam ipso in Polypo, utpote qui arcte tunicæ interiori adhærebat, conspici poterant, uti ex Fig. 2 luculenter patet. Et sic impeditæ deglutitionis causa, de qua nemini hactenus quicquam in mentem venerat, detecta conspiciebatur, dignaque judicabatur, quæ rarioribus Medicorum observationibus infereretur, publiceque proponeretur. Hæc itaque fuere, quæ historice saltem recensere volui, paulo specialiorum hujus casus evolutionem atque phænomenorum rationes in peculiari dissertatione propediem daturus.

TAB. VI

Fig. 2.

*ACADEMIÆ CÆSAREO-LEOPOLDINÆ
CAROLINÆ Naturæ Curiosorum Ephemerides, sive
Observationum Medico-Physicarum a celeberrimis Viris,
tum Medicis, tum aliis Eruditis in Germania & extra eam
communicatarum, Centuria III & IV, cum
Appendice.*

Noribergæ, sumptibus Wolfgangi Michaëllis, 1715, 4.
Alph. 4 plag. 1 Tab. æn. 15.

TUm demum de humano genere, judice *Pitcarnio*, Medico hujus ævi celeberrimo, merebuntur Medici, si Astronomorum institutum sibi imitandum proposuerint. Perfectio nimirum Artis salutaris perinde ac Astronomiæ non a luxuriantium ingentorum fabulis atque commentis, sed ab observationibus accuratis & genuino ipsarum usu pendet. Ad observationes accuratas non sensus solus sufficit, sed mentis etiam acies ingenique dotes haud vulgares & quem in *Hipparcho*, insigni illo Astronomo, *Ptolemaus* prædicat, laboris atque veritatis amor requiruntur. Unde parum solliciti sunt Astronomi de observationibus cumulandis, quibus observantium turba corporis

oculis solis videns nescio quam famam penes inperitos aucupatur; sed in iis acquiescunt, quas Viri ad scientiam promovendam nati exquisita industria venantur. Usus observationum sine mentis perspicacia & ratiocinandi habitu nullus est. Unde Astronomi de intellectu perficiendo ante solliciti sunt, quam ex observationibus siderum leges & jura poli in apricum producere laborant. Et hinc iisdem felicissime utuntur, ut, quamvis scientia per paucos promoveatur, promotam tamen esse constet, nec ignoretur, quantum unusquisque ad illius perfectionem contulerit. Certum nimirum observationum debita industria factarum indicium est, si sæcundæ deprehendantur: quantum vero iisdem tribuendum sit, si, multis earum voluminibus editis, Arti vel Scientiæ nihil perfectionis acceperit, nobis silentibus statuent intelligentes. Hoc certe lapide Lydio probantur observationes, quocunque tandem chimerico autoritatis involucri involvantur. Non dubitamus, quin *Pitcarnius* sibi consentientem habeat Academiam Cæsareo-Leopoldinam Carolinam: quod enim Medicinam non hypothesebus, sed observationibus perficere conetur, novum observationum Volumen, quod hic sistimus, loquitur. Ex eo more nostro speciminis loco nonnulla in medium proferimus.

Mich. Bernh. Valentini duplicem intestini ilei invaginationem, & in alio cadavere situm stomachi prorsus inversum describit, ita ut orificium dextrum in sinistro latere cum sinistro in linea fere perpendiculari locatum conspiceretur, unde phthisis orta. *Job. Georg. Hoyerus* herniam sympathetice curatam, & ulcus cancriforme per sympathiam factum commemorat. Puer nempe herniosus per quercum teneriorem mediante cuneo ligneo fissam ternis vicibus tractus atque retractus, verbis quibusdam *Hoyero* ignotis superadditis. Quercus postea ligamentis sedulo deligata, stercore vaccino cortici læso illinito & cuneo sub eadem defosso. Post semestrem spatium fissura consolidata & cuneo putrefacto puer convaluit. Contra veterinarius lacte ex mamunis fœminæ pauperculæ expresso ulcus antiquum verminosum equi eluit: quo persanato, mamilla dextera fœminæ simili ulcere prorsus insanabili correpta, ita ut non solum ea penitus

aitus fuerit consumpta, sed ipsa fœmina tandem extincta. Eodem Autore senex septuagenario major, cum suasu Medici a fumo Nicotianæ aliquandiu abstinuisset, visum notabiliter debilitari sensit; sed iterato usu illius amissam oculorum aciem brevi recuperavit. *Rud. Jac. Camerarius* lapidem monstrat figuratum ex cubo & octaedro compositum. Superficies nempe terminatur sex quadratis & octo triangulis æquiangulis. *Maximil. Preussio* referente, mater lue venerea conspurcatissima fœtum edidit purissimum. *Josephus Lanzonus* vires aquæ vitæ prædicat. Sine unguentorum apparatu sola impositione spiritus vini & mundificatio, & incarnatio successit. Simples contusiones eadem curatas non semel vidit. Hæmorrhagiam contumacem ab evulso dente molari in rustico sola ea cohibuit. Scabiem adolescentulæ sola lotionem cum aqua vitæ curavit. Vomitum in muliere gravida immanem usu spiritus vini externo & interno per plures dies continuato compescuit. Eidem cessit erysipelas phlegmonodes, tumor genarum cum dentium dolore, impetigo in facie & collo. Vir tandem quinquagenarius ab hæmorrhoidibus cum modica inflammatione, cataplasmate ex cepa cocta & aqua vitæ parato, intra biduum liberatus. *Antonius Vallisnerius* post profligatam China China tertianam abscessum in capite ac inde mortem consecutam esse notat: alio tamen exemplo ejusdem usum salutarem in febre tertiana mali moris comprobat. Idem hydropem desperatam in moniali annorum sexaginta vi diuretica decocti *sassaparas* sanavit, & in aculeo scorpii tria foramina lateralia, hæcenus controversa, se vidisse testatur. Describit etiam raram quandam locustam carnivoram. Tigridis speciem, quæ felis magnitudinem non adæquat, in scenam producit *Jo. Georg. Volkamerus*, qui idem pepo-nem monstrat odore ambræ una cum rariori castaneæ Brasiliensis specie. *Just. Frider. Dillenius* puellum lingua duplici, altera alteri incumbente, præditum sistit. Idem araneum majorem variegatum atque crucigerum scatulæ foramine unico superne perviæ inclusum ultra trimestre spatium sine alimento vivere observavit, ipsoque mortuo in tela circumtexta lapillum exiguum, grano milii non decorticati æqualem, rotundum &

albicantem, cum appendice fusca reperit, instar leguminis friabilem. *Vitus Riedlinus* sternutationem creberrimam & vehementem, intra quinque dies minimum ter millies repetitam, opeluti fornacum aceto mixti & plantis pedum applicati sustulit. *Job. Adamus Genselius* fidem habet puellæ 20 annorum asseveranti, quod in somno inscia & inanimadvertens ex coitu subreptitio conceperit. Idem commemorat hæmorrhoidum fluxum in hæmorrhagiam penis commutatum. *Elias Camerarius* recenset fossilium conchyliorum in uno lapidis frusto repertorum congeriem. Idem miratur fœminam gravidam annorum 40, quæ fœtum nonum gerens tantam alabastri molem, quantam mariti dorsum gestare sustinuerat, comedit tanto cum appetitu, ut subinde per biduum a pane abstinerit. Memoriam quoque gravi occipitis percussione adeo læsam esse testatur, ut juvenis, cui hoc malum acciderat, nihil eorum, quæ ante fecerat aut sensu perceperat, recordaretur. *Samuel Grassius* testatur ex matre ante quatuor horas mortua (cum interea abdomen fotibus spirituosus, balsamo embryonum vinoque generoso aromatico cum culcitris calidis continuo fotum fuisset) fœtum in diem usque tertiam auram vitalem ducentem excisum fuisse. *Josephus Lanzonus* observavit, in cranio militis pleuritide extincti & mulieris febri maligna defunctæ defuisse futuram rectam; in surdo a natiuitate apoplexia extincto tympani membranam fuisse crassiorem ac densiorem; in adolescente asthma denato totam pulmonum substantiam sero plenam; in quadragenario fato simili rebus humanis exempto lapillos in dextro pulmonis lobo; in corpore canis venatici unicum renem; in phthisico totum succum felleum saxeum, qui per aliquod tempus aservatus Euro spirante mense Novembri in viridem liquorem sponte dissolutus; in cadavere servi pleuritide extincti lienem rotundæ figuræ, substantiæ alioquin sanæ; in lepore denique tres renes, duos nimirum in dextro latere eosque minores, unum in sinistro, sed justæ molis. *Godofredus Klaunius* fide aliorum refert, arsenicum a Batavis in Barbariam missum incolis inservire ad fertilitatem agrorum promovendam, non tam quod glires magno numero frugibus ibidem insensos necet, quemadmodum ipsis videtur, verum etiam, quod Nostro probabile videtur, in pri-

in primis cum in Sileſia in prato caſæ, ubi arſenicum præparatur, vicino gramina late progerminare ferantur, quia ſalinæ & ſulphureæ particulæ ad fertilitatem conducunt. Magnetiæ in ſecundandis ſceminis & pulchra prole formanda aliquid tribuit *Immanuel Weiſmannus*. Seminis virilis ad maſſam ſanguineam reſreſſum defendit *Sigismundus Schmiderus*. Idem putatitium pronunciat ſulphur cum pluvia interdum decidens vernali & æſtivo tempore. *Job. Melchior Verdries* maniam in puerpura ex vini abuſu contractam commemorat. Obſtetrix in partu difficili ad decoctum ex Sabina herba (qua vulgo ad fœtum eji- ciendum utuntur) ter confugiens, fœtus cum animabus partu- rientium ejecit. Exemplum arſenici ſine inflammatione ne- cantis affert *Mich. Ernest. Ettmullerus*. Fontem mineralem Tungrenſem deſcribit *Gerardus Arnoldus de Vincquedes*. Se- cale toſtum eſſe *Cafée Europæum*, nec Arabico quicquam cedere, ſuo & amicorum palato probat *Joh. Jac. Dillenius*: eodem ar- gumento Theam roſeam commendat *Godofredus Thomafius*, paratam ex foliis fruticum roſarum. Quæ in boum contagio A. 1713 & 1714 in Ducatu Ferrarienſi fuerint obſervata, *Joſephus Lanzonus* recenset. Boves cibum reſpuebant, aures ſubito col- lapſæ procidebant, pili erigebantur, tremor pene univerſalis ade- rat, oculi lachrymas effundebant, per nares multa lymphæ copia exibat, alvus ſolvebatur & in aliquibus puſtulæ ſub cute prod- ibant, ita ut crederent aliqui, variolis boves ipſos affici, tandem- que brevi ſeptem dierum ſpatio magno cum mugitu moriebantur. In cadaverum ſeſtione viſcera reperta ſunt ſana, niſi quod in aliquibus omasum pene ſphacelatum viderit Noſter. Non- nulli ruſtici boum mortuorum carnes abſque nocumento come- derunt. Multa fuerunt experta remedia, ſed incaſſum. *Schmi- derus* puellam ſiſtit ſtupenda ſalacitate vexatam, cui Clitoris fuit tantæ magnitudinis, ut haſtam virilem mentiretur. Idem pyra in ſummitate denuo florentia & roſas duplices triplicesque monſtrat; *Volkamerus* vero caryophyllum ſpicam frumenti re- ferens. Idem deſcribit arborem Cafée ferentem & ramum de- lineari curavit, quem liberalitate Illuſtris Domini L. B. a *Mun- nickhauſen* Magnæ Britanniæ Regis & Electoris Brunſuiceniſis

consiliarii intimi ex horto ejus Swebbertiano prope Hamelense
 22 Fortalitium exstructo accepit. Folia inania castaneis per-
 23 quam similia sunt, flos vero perfectus, elegantissimus & odo-
 24 ratissimus monopetalus ex oblongo tubo quinquésariam di-
 25 visus; nuclei bini sibi impositi pericarpio succoso inclusi bac-
 26 ciferis arboribus & Jasminorum sive Gelseminorum classi fru-
 27 ctum Caseæ accensent, & *Gelseminum Arabicum*, foliis casta-
 28 neæ, flore albo ingenti odoratissimo pronunciant, omniaque ha-
 29 ctenus circa hunc fructum ejusque arborem exorta dirimunt
 30 dissidia. *Gotthfr. Heldius* Chinam Chinæ antipodagricum
 remedium sine pari expertus. Ranarum in pisces curiosam me-
 tamorphosin, quæ in Surinamia, Americæ Provincia, fieri solet,
 describit *Rosinus Lentilius*, qui ranas istiusmodi in pisces muta-
 31 tas Amstelodami apud *Sebam* phararmacopæum & in Musæo Dn.
Vincentii Harlemi vidit. Cum sterces equi non castrati parti
 affectæ applicatum & cum hydromelite mixtum hæcenus sola-
 32 tium extiterit pleuriticorum; succi inde expressi usum inter-
 num non sine successu in simili affectu plus simplici vice com-
 mendavit *Gerhardus Arnoldus de Vincquedes*: unde ut medica-
 33 mentum delicatolorum palato etiam probaretur, hoc modo
 34 idem parare docet. Colligatur, inquit, quantitas sufficiens
 35 stercoris & urinx equi non castrati, sicque invicem mixta im-
 36 mittantur cucurbitæ vitreæ, capacitatis & altitudinis sufficien-
 37 tis, quæ probe obtusata sepeliatur tempore hiemali in simo e-
 38 quino per mensem, æstivali vero exponatur radiis solaribus per
 39 dies totidem, quo tempore præterlapso ad destillationem pro-
 40 cedatur, imposito cucurbitæ alembico rostrato, applicatoque
 41 recipiente juncturis apprime clausis, ea tamen cum cautela, ut
 42 cucurbita nonnisi ad tertium sit repleta, imponatur arenæ,
 43 ignisque primum substruatur lentus, augendo eundem per gra-
 44 dus & pergendo quousque liquor exstillatus nullum amplius
 45 præ se ferat saporem salinum. Hinc destillatum seponatur
 46 & caput mortuum abjiciatur, materię vero superioris nova
 47 pars eodem modo destillationi subjiçatur, repetendo id usque
 48 dum sufficiens quantitas liquoris prolecta fuerit, qui omnis in
 49 spiritum volatilem rectificetur, & si ulterius corrigere eum &
 50 exal-

exaltare animus sit, addita rasura ligni sassafras, rectificatio, reparatur, sicque una cum spiritu ascendet sal volatile. *Mau-* chartus experimenta defendit de lachrymis vitreis in Actis A. 1712 p. 346 in dubium vocata. Et amor veritatis cogit, ut ultro fateamur, a fractura lachrymarum vitrearum aliquoties a nobis facta damnum illatum fuisse non quidem fundo, sed parieti tamen propiori vitri tenuioris, cum animus nobis esset contrarium docere. Idem quoque denuo confirmat, quæ de pinguefactione boum per inflationem annotata sunt loco citato. Chartam masticatam sclopoto majori explosam cranii perforati & mortis subitanæ causam extitisse, testatur *Laurent. Heisterus*. Idem sistit infantem anu clauso & sine intestino recto natum moxque ideo iterum denatum. Vermes quoque describit in ventriculo columbarum repertos, quibus mortem intulerant, & remedium adversus eos prævaluisse aquam, in qua argentum vivum probe exagitatum fuerat, potam. *Lochnerus* sæpius se risisse testatur vanam, quam vocat, & futilem præsagationem, qua ruricolæ albicantes Nicotianæ plantas leti futuri præagas pronunciant. Sed cum talis planta in agris ipsius effloruerit & hinc mors filii ipsius in Academia Wittebergenfi subsecuta fuerit; opinioni vulgi tandem adhæret. Attamen dubio procul perspicuens Vir oculatus, omni quidem veræ prædictioni respondere eventum, non tamen ideo prædictionem vagam necessario esse veram, quia eventus respondere videtur, cum casu fieri possit, ut eadem sæpius se mutuo subsequantur; ingenue fatetur, se credere, quod his vaticiniis agricolæ sæpius fallant & fallantur. Appendix non exiguum operis partem constituit. Sed operæ pretium non est, ut singula commemoremus, præsertim cum in eorum numero habeantur, quæ opus utique commendandum parum commendant intelligentibus. Eminent vero Epistola *Lancisi* de morbo, interitu & funere *Horatii Albani*; responsio *Leibnitii* ad objectiones *Schelhameri* contra ætiologiam barometri non satis intellectam; *Doppelmaieri* animadversiones nonnullæ circa eclipsium observationes; *Læberi* Epistola de locustis; *Lochneri* mantissa ad schediasmata de parreira brava; vitæ deniq; quorundam Medicorum, *Janissii* puta, *Schulzii* & *Gulielmini*.

DOROTHEI ALIMARI, MATHEMATICI
Veneti, Longitudinis aut Terra, aut Mari investigandæ metho-
dus, adjectis insuper demonstrationibus & instru-
mentorum Iconismis.

Londini, sumptibus bibliopolarum in platea
 dictæ the Strand, 1715, in 8.

Plag. 13 Tab. æn. 1.

EDitor operis se vocat *Sebastianum Riccium*, Autorem vero
 Matheleos apud Venetos Professore, & opus viris illustri-
 bus atque clarissimis inscripsit, qui Senatus Magnæ Britannię
 consulto Autorum longitudini locorum demonstrandæ ope-
 ram navantium censores constituti sunt, *D. Thome Vambrochiz*
 & *Montgomeriz Comiti*, *R. P. D. Philippo Herefordiz Episco-*
po, *R. P. D. Georgio Brissolii Episcopo*, *D. Thome Baroni Tre-*
cor, *Thome Hanmer Baronetto*, *Jacobo Stanhope Secreta-*
rio Regio primario, *Francisco Robarts Armigero*, *Isaaco*
Newton Equiti & Societ. Regiæ Præsidi, *Guilielmo Lowndes*
Armigero, *Guilielmo Clayton Armigero*, *Johanni Flam-*
sted Astronomo Regio, *Edmundo Halley Geom. Professore*
Saviliano, *Johanni Keill Astronomiæ Professore Saviliano*, *Jo-*
hanni Sanderfon Mathem. Professore Lucasiano, *Rogero Cotes*
Astronomiæ Professore Plumiano. Autor, ut videtur, persona-
 tus idemque cum Editore, huc usque plurimos in longitudine
 determinanda frustra defudasse arbitratur, quod plurimum cir-
 ca media, parum circa principia congrua studuerint. Ipse pri-
 mum ad pyxidem nauticam tanquam sacram anchoram confu-
 git &, quanvis in ea sibi reperisse videatur, obstaculis plurimis
 superatis, quæ ad scopum assequendum conducunt, eaque de re
 Tra statum integrum MSC. jam elaboraverit, non tamen in hoc
 invento acquievit, sed ulterius ex altitudinibus Solis observatis
 differentiam meridianorum determinare aggressus est. Hanc
 posteriorem methodum hac quidem vice uberius exponit & lau-
 dat eum modo à bitrorum censuræ submitte. Fundamentum
 ejus in hoc consistit. Supputetur juxta Tabulas accuratissimas,
 e. gr. *Rudolphinas*, ad Meridianum primum pro arbitrio statu-
 endum, v. gr. ad meridianum *Insulæ Ferreæ*, pro singulis die-

bus

bus longitudo & declinatio Solis in ipsis scrupulis secundis, ut differentia utriusque diurna ad datum quemlibet diem haberi possit. Observetur in loco dato altitudo Solis meridiana & inde eliciatur cum longitudo, tum declinatio Solis, ut in Astronomia docetur, quo differentia longitudinis & declinationis in primo meridiano & in meridiano observationis innotescat. Inferatur tandem ut differentia prior ad integrum æquatorem graduum 360, ita posterior ad arcum æquatoris inter utrumque meridianum interceptum, qui est longitudinis quæsitæ differentia. Monet, non absimili modo utendum esse motu Lunæ stellarumque fixarum. Hæc quidem facile unicuique elementorum Astronomiæ gnaro in mentem venire possunt: sed ardua res est determinare veram loci, ubi navis hæret, lineam meridianam, & altitudinem Solis non obstante motu navis adeo exacte observare, ut habita refractionis atque parallaxeos ratione in ipsis scrupulis secundis satisfaciat. Huc ergo operam omnem impendit Autor. Excogitavit eum in finem varia instrumenta, a quorum descriptione tractationem suam orditur. Inter ea primo loco comparat pyxis magnetica, sed variatæ tantisper constructionis. Ordo nempe rhomborum inversus, ita ut omnes, qui in communibus pyxidibus ad ortum jacent, locentur ad occasum & contra. In meridiana vero pyxidis linea versus boream & austrum ad angulos rectos statuatur duo perspicilla seu eorum vice duæ exiguæ acus sutoriæ. Secundum instrumentum deservit ad solaris altitudinis dimensionem in ipsis scrupulis secundis, non obstante navis motu. Ejus constructionem & usum quatuor distinctis figuris repræsentat, sine quibus descriptio vix ac ne vix quidem intelligitur. Tertium observationibus Solis respectu parallaxium & refractionum æquatis destinatur, constans unica regula e buxo vel alio ligno solidiori parata & utrinque dioptris instructa, & legitime divisa, in qua umbra styli altitudinem Solis indicat. Quartum denique est horologii quædam species, stellæ fixæ reditum ad eundem meridianum indicans. Si enim, dum navis solvit, index horologii ad lineam meridianam ducatut, dum stella aliqua in meridiano hæret, nocte sequente cum eadem in meridia-

no loci, ubi navis hæret, conspicitur, index in circulo in suos gradus & scrupula diviso differentiam meridianorum ostendit. Postquam instrumenta descripsit & usum eorum docuit, prolixè ostendit, quomodo longitudo loci determinari possit, si neque poli altitudo, neque meridianæ lineæ fuerit cognita. Observare jubet Solem vel orientem, vel occidentem una cum arcu inter eum & lineam meridianam magneticam intercepto, atque duas Solis altitudines super plano horizontali una cum arcubus inter verticales Solis & lineam meridianam magneticam comprehensis. Docet deinde, quomodo ex his datis lineæ meridianæ vera loci, ubi navis hæret, amplitudo Solis ortiva vel occidua, altitudo poli, declinatio & longitudo Solis, declinatio acus magneticæ, tempus observatarum Solis altitudinum sive a meridie, sive ab ortu, vel occasu eliciatur. Præcepta singula exemplis illustrat, ut nihil obscuri relinquatur. Monstrat etiam, quod loco longitudinis Solis uti liceat ejus ascensione recta. Et quia calculus molestus est, ideo addit, quomodo horologium disponi debeat, ut omni tempore distantiam a primo meridiano indicet. Hinc tandem vim methodi suæ his verbis exponit. In promptu sunt, inquit, habendæ ephemerides diurni motus Solis & Lunæ in longitudine, exaratæ in gradibus, minutis & secundis ad meridianum primum, vel alium quemcunque --- & tabulæ ascensionum rectarum plurium stellarum fixarum --- in gradibus, minutis atque secundis, ad tempus observationis faciendæ; item tabulæ ascensionum rectarum Solis ad singulos eclipticæ gradus pariter in gradibus, minutis atque secundis. Sit & optimum horologium exprimens tempus discessus & reditus alicujus stellæ fixæ ab uno ad eundem meridianum in horis 24 & harum quamlibet in minutis sexaginta, & horum quodlibet in secundis pariter sexaginta. Sint & in promptu instrumenta propria ad iter navis, quam certissime fieri possit, dimetiendum: habeatur demum & pyxis nautica optima cuspide munita ---- Antequam Sol vel Luna ad meridianum loci observationis deveniat, inveniuntur eorum ascensionum rectæ in gradibus, minutis atque secundis, ad ipsorum luminarium loca in ipsis ephemeridibus expressa in meridie antecedente & in meridie subsequente obser-

vatio-

vationem, servata semper in Luna latitudine, quam in meridiano ephemeridum obtinuerit... Observetur Sol vel Luna in meridiano mundi & eodem temporis momento aptetur index horologii ad ipsius meridianum & decurrere permittatur --- Expectetur dein adventus alicujus stellæ fixæ cognitz ad meridianum eundem, & momento eodem observetur tempus elapsum inter transitum Solis, vel Lunæ, & stellæ per eundem meridianum, convertaturque in gradus, minuta atque secunda æquatoris, eritque arcus iste differentia inter ascensionem rectam Solis, vel Lunæ, & stellæ in ipso observationis momento. Propterea si subducatur ab ascensione recta stellæ, nota remanebit ascensio recta Solis vel Lunæ, pro ratione scilicet eorum alterutrius in meridiano observati. Hic duplici ratione uti possumus ad inveniendam loci longitudinem, vel scilicet --- inquirendo loca Solis vel Lunæ in ecliptica aut zodiaco, eaque conferendo cum eorum locis in ephemeridibus expressis, ut eorum resultet differentia, qua mediante & mediante eorum planetarum motu diurno in longitudine optata loci longitudo habeatur; vel adinventam ascensionem rectam Solis vel Lunæ comparando cum ea, quam in meridiano Ephemeridum retinere compertifuerint, ut earum resultet differentia. --- Tum fiat ut motus diurnus ascensionis rectæ Solis vel Lunæ ad integrum æquatoris circulum, ita adinventam superius differentia ad arcum æquatoris interceptum inter meridianum primum seu Ephemeridum & meridianum loci observationis. Sub finem difficultates nonnullas solvit, quæ methodo suæ obverti possunt, & coronidis loco methodum tradit plerisque in locis horam æstus marini fluentis vel defluentis deprehendendi, in motu Lunæ, cum quo connectitur, fundatam.

JO. JACOBI LEHMANNI, PHIL. M. EJUSQUE ordinis in Acad. Jen. Adjuncti, Nova & compendiosissima methodus discendi doctrinam moralem cum

Præf. JO. FR. BUDDI.

Jenæ, apud viduam Meyerianam, 1715, 8.

Alph. 2 plag. 3.

N. n. 3

Cum

Cum temporibus non adeo remotis vera eruditio *senfim* restauraretur, non pauci erant, qui in emendanda quoque & restauranda versabantur Philosophia. Deprehendebant autem præsertim ii, qui in examinandis morum atque civitatis disciplinis occupabantur, quod in his tantum juris quæstiones proponerentur, quarum syllogem juris naturalis nomine deinceps discitentibus commendarunt. Totam inde *Ethicam* pariter atque *Politicam*, in quantum juris absolventur quæstionibus, ad jus naturale merito retulerunt. Sistebatur ergo hæc disciplina satis superque restituta, sed deficiebant ab hac distinctæ *Ethica* & *Politica*. Mox percipiebant restauratores, dari regulas quasdam, quæ nec ad Theologiam, nec Juris scientiam, neque Medicam pertinebant artem; quare quo minus Philosophiæ eas adferrent, nihil obstabat. Illarum ergo sylloge *prudentia politica* titulo insignita est. Præter has regulas jurisque præcepta dari deprehendebant porro doctrinam de emendanda & præparanda voluntate amplissimam, quæ in disciplinæ ordinem redacta *Ethica* veniebat nomine. Circa has vero novas quasi disciplinas observavit Cl. Autor, quod non adeo distincte proponantur a cultoribus suis; hinc ut circa genuinam constitutionem atque differentiam prudentiæ politicæ a ceteris disciplinis distinctæ suas in peculiari libello afferret meditationes, iniiit consilium. Itaque id unum hic dedit operam, ut doctrinam de emendanda & præparanda voluntate ceu peculiarem & a Jure naturali atque prudentia politica probe distinctam traderet.

Pag. 1. Hinc ut rite præparatus accederet ad institutum, in *primo* capite egit de eruditione, de philosophia, deque morali disciplina generatim, ut innotesceret, quid sit, certe esse debeat vera eruditio, deinde quid sit, & esse debeat vera philosophia; quid item disciplina moralis? Præsertim vero in eo occupatus est, ut genuinum veræ philosophiæ restitueret cognoscendi, ut vocant, principium. Mens ejus breviter huc redit. Duo præsertim dari ejus generis principia cognoscendi, alterum Theologiæ, Philosophiæ alterum. Illud esse revelationem supernaturalem; hoc vero esse ipsas res harumque speciatim naturam, proprietates aliasque circumstantias. Hoc modo rationem

feu intellectum esse facultatem tantum cognoscendi tam Theologiam, quam Philosophiam; hoc tamen discrimine, ut intellectus in acquirenda Philosophia naturalibus, in Theologia vero supernaturalibus instructus esse debeat viribus. Postquam porro Philosophiam divisit in tres partes, præparatoriam, theoreticam ac practicam, quarum hæc jus naturale & prudentiam politicam; illa physicam, & theologiam naturalem complectitur; illa tandem vel emendat intellectum & dicitur Logica; vel voluntatem, atque dicitur disciplina *Moralis*, ultimam deinceps in tractatione tertia describit, quod sit pars philosophiæ præparatoriæ, quæ præparat & emendat voluntatem, ut idonea reddatur ad exercendas actiones, quas jus naturæ præscribit & prudentia politica, atque ut ipsam felicitatem veram tandem acquirat ac conservet. Capite *secundo* & quidem tractatione prima fundamenta quædam ponit, doctrinis de summo bono & summa felicitate inservientia; tractatione secunda deinde speciatim agit de summo bono, id quod *DEUM* esse, tam ex Scripturæ S. dictis, quam ductu Philosophiæ sufficientibus commonstrat rationibus, simulque objectiones huic sententiæ a quibusdam oppositas refellit, adductis & gentilibus & Christianis, hisque tam antiquioribus, quam recentioribus, eandem foventibus sententiam. Tractatione tertia tandem proponit doctrinam de summa felicitate, quæ consistit in *conjunctiōe cum DEO*, cujus vinculum, teste Philosophia, est *amor*, &, teste Scriptura S. *fides*. Tota hæc tractatio quatuor absolvitur quæstionibus, quid sit vera & summa felicitas, quotuplex sit illa, quæ ad philosophiam pertineat, & quid disciplina moralis conferat ad eandem? Capite *tertio* fundamenta ponit doctrinarum de summo malo & summa miseria; deinde positis characteribus, & examinatis per classes omnibus rebus, tandem summum malum esse statuit *philautiam pravam*; summam vero miseriam, de qua in tractatione tertia agit, ponit in *privatione DEI*, cen S. B. cujus medium est *odium* erga DEUM. Tota autem hæc doctrina quatuor pariter absolvitur quæstionibus, quid sit vera & summa miseria, quotuplex sit illa, quænam ad philosophiam pertineat, & quænam pars præsertim per moralem disciplinam evitetur?

Pag. 56.

82.

105.

III.

169.

109.

213.

245.

Pag. 280.

301.

463.

540.

607.

624.

660.

680.

750.

763.

tetur? Hæc duo capita non ideo præmittit Autor, ac si proprie ad Ethicam referenda sint; putat potius has doctrinas pertinere ad tractationem quandam generalem de eruditione, utpote cujus finis est summa felicitas, ejusque contrarium summa miseria. Interim duplicem ob causam hæc non omittere voluit capita, partim quia eo majori fundamento & distinctione ostendere potuit, quodnam genuinum sit Ethicæ negotium, partim quia hæ doctrinæ cum morali disciplina præ ceteris propinquum habent nexum. Capite *quarto* agit de præparatione generali; ubi ostendit, quid sit præparatio ipsa, & investigatis omnibus, quæ in voluntate observantur, monstratque, propensiones & affectus voluntatis præsertim emendandos & præparandos esse; quorum naturam consistere putat in propensionibus vehementibus: inde voluntatem ad *ordinatum amorem*, ex quo *vera virtus* derivatur, & ad *ordinatos affectus* præparandam esse docet; postea monstrat voluntatem præsertim ab *inordinate amore*, ex quo *vitia* fluunt, *inordinatisque affectibus* purgandam esse; tandemque media emendationis atque præparationis ostendit eorumque applicationem. Caput *quintum* agit de præparatione voluntatis speciatim; & sectione quidem prima ostendit Autor, quænam in sola voluntate, quæ alias quoque pura dicitur, sint emendanda; *secunda* examinat pericula, quæ voluntati in concursu cum intellectu puro metuenda sint, & in quibus sit conservanda voluntas, ubi speciatim doctrina de Conscientia fufius proponitur; in *tertia* exponuntur pericula, quæ voluntati ab intellectu impuro, phantasia & sensibus imminet; *quarta* considerat ea, quæ in ipsa voluntate mixta deprehenduntur emendanda, ubi præsertim affectus sensuales fufius examinantur, & medela genuina paratur; *quinta* constitutionem corporis examinat, ea præsertim expendens, quæ pericula voluntati creare possunt. *Sextum* tandem caput de cognitione propensionum & affectuum agit. In omnibus capitibus præsertim id agit Autor, ut ostendat, quid ad veram emendationem & præparationem voluntatis conferre possit Philosophia, & ubi nam desinat natura, gratiaque incipiat.

ACTA ERUDITORUM,

publicata Lipsia

Calendis Novembris, Anno M D C C X V.

MARTYROLOGIUM USUARDI MONACHI,
hac nova Editione ad excusa Exemplaria XIV, ad Codices
MSS. integros XVII atq; ad alios ferme L collatum, ab addita-
mentis expurgatum, castigatum & quotidianis observatio-
nibus illustratum, opera & studio JOANNIS BA-
PTISTÆ SOLLERII Soc. Jesu
Theologi.

Antverpiæ, ex Typographia Io. Pauli Robyns, 1714, fol.

Alph. 4 plag. 12.

Joannes Baptista Sollerius, Societatis Jesu Theologus, inter Historiographos Sanctorum insignem famam adeptus, postquam de Patriarchis Alexandrinis Dissertationem Chronologicam, deque Raymundo Lullo Doctore Illuminato commentarium justum exhibuit, & utrumque opus T. V Junii inseruit, operam hand contemnendam Ecclesie præstitit, Usuardi Martyrologium edendo, illudque variis lectionibus & observationibus oppido eruditius illustrando. De quo opere antequam dicamus, monendum, id ipsum Serenissimo Principi ac Potentiss. Domino Joanni Wilhelmo Comiti Palat. Rheni, S. R. I. Archidapifero & Electori &c. dedicatum esse, cujus ut & Arcis Bensbergæ effigiem æri inscriptam in ipsa operis hujus fronte dedit. Nempe Vir eruditus in hac ipsa arce, regio splendore ad artes architectonicas mirifice extructa, benevole exceptus, & ad contemplationem rariorum librorum, picturarum, numorum, admissus, grati animi debitum persolvit, neque solum hanc benignitatem insigni eloquentia extulit, sed & reliqua Principis heroica facta ad pacis, belli, patriæque religionis decus

O o o

spe-

ſpectantia laudavit, inprimis vero illius in Raymundum Lullum impenſionem commemoravit, quem, divini & humani amoris ſpecimen, naturæ & gratiæ prodigium, miro, nec olim conſeſſo elogio maſtat. Ea ad Principem locutus, in Præſatione inſtituti ſui rationem pandit: nempe Uſuardum inter Martyrologos antiquos celebriorem jam a Bollando editioni deſtinatum fuiſſe. At dum nativæ ſimplicitati purgatum ab acceſſionibus eum reddere ſtudet, hancque operam diſciliſſimam videt, ideo quod plerique Codices Hieronymi, Bedæ, & Adoniſ nomina præ ſe ferrent, multaque Uſuardo darent, quæ ad ipſum non pertinebant, faterur Solleſius, Bollandum a propoſito ceſſiſſe, tracto ſecum Henſchenio, eſſi alter ambove in verſandis Martyrologiis peritiſſimi eſſent. Hiſitaque ex arena digreſſis ſeſe illud opus eſſe aggreſſum, idque jamjam agere, ut Uſuardi textum priuſ integritati reſtituat, Codicum varietatem, characteres, ætatem, fidem, auctoritatem explicet, Martyrologiorum aliorum cum Uſuardo comparationem inſtituat, ut Lector quilibet non imperitus uno quaſi intuitu doceatur, ad quam Martyrologiorum ſeriem citato magno numero Codices ſint reducendi. Iſſe in Præſationis fronte poſteaquam explicuit, ejuſdem Cap. I monet, eſſi multa a Baronio, Molano, Bollando, Henſchenio, Papebrochio, Floruntinio aliſque præclare dicta ſint de Martyrologiorum origine, incremētis, diverſitate, in eo tamen omnes deſeſſiſſe, quod ſingulorum Autorum ætatem, characteres deſcribendo, eo non penetrarint, ut eosdem inter ſe componendo explorarint, quæ primigenia Martyrologiorum capita, quæ quaſiſve ceterorum ex prioribus derivatio aut geneſis, quæque inter Martyrologos omnes connexio, conjunctio, propinquitas vel conſanguinitas exiſtat. Atque ita exiſtimat ad tria Capita omnes Martyrologos reduci poſſe, ſive ad autographa, quæ ex nullo alio fuerint tranſcripta. Ex hiſ primum & vetuſtiſſimum eſſe Eufebii, vel potius Hieronymi, ſi illud verum ſit, ſive a poſteris falſo ipſis adſcriptum. Secundum habere locum celeberrimum illud a Venerabili Beda compoſitum, idque purum vel puro proximum, non quale Plantinus edidit, quod a Floro Eccleſiæ Lugdunenſis Sub-Diecono auctum fuit. Tertium quod Ado.

Ravennæ repertum in sui Martyrologii fronte collocandam putavit. Hos Martyrologiorum Patriarchas dicit, qui deinde Rhabanum, Adonem, Ufuardum, Notkerum, Wandelbertum procrearint. Ejusdem Capituli Articulo primo probare satagit, Martyrologium Hieronymianum, licet ab Eusebio compositum non sit, nec Hieronymo satis tuto adscribatur, tamen Gavanti Bonndique judicio antiquissimum & Reipublicæ Christianæ utilissimum esse, ideoque temere a Valesio oppugnatum, melius a Florentinio in Editione illius A. R. S. MDCLXVIII defensum, quin certo constat Seculo VI illud esse antiquius, Gregorioque Magno notum, Eulogio Alexandrino Patriarchæ commendatum fuisse. Quantopere vero hac de re perquisitus fuerit Sollierius, inde constat, quando ait: *Id querimus, id volumus, id asserimus, Martyrologium istud omnium esse primum & vetustissimum.* Et mox: *ominino satendum est, magnam confusionem, barbariem, inanes repetitiones diebus pene singulis occurrere, quibus quoque modo constituendis, explicandis, combinandis, distinguendis nimium quantum laborat Florentinius, tum nostri Majores, qui toti in eo sunt, ut ex dubiis certa, ex male compositis simplicia, ex luxatis integra, tum Palæstrarum, tum ipsorum Martyrum nomina effermentur.* Sectione secunda hujus articuli de Hieronymianis Minoribus MSS. ex scriptis codicibus agit, idque in gratiam Cl. Castellani Paris. ad D. Mariz Canon. A. MDCCXI defuncti. Refert, Martyrologium Hieronymi Hybernicum Tamlastense a P. Colgano promissum, sibi a Livino de Meyer Collegii Lovanienf. Rectore transmissum, ultra meritum commendatum esse, cum præter sanctos Hybernos habeat additamenta nova, omnique ordine careat. Mox Rhinovienf. sed mutilum, Richenovienf. nitidum, Augustanum mutilum, & Labbeanum, Corbejenf. brevif. stylo paucis Sanctis ornatum, Castellano magni habitum: Casinenf. duo, quorum prius non satis parum, alterum magis ad Hieronymi autographum accedat: Barberinianum parvum, quod singulares elogiorum formulas Sanctis addit: Barberinianum secundum: Vaticanum diffusum, & illustre Henschenio dictum, ridente Sollierio, nec meritum agnoscente: Suecanum

idque vetustissimum atque præclarum, a Castellano in Bimestri suo, sed non sine hallucinatione memoratum: Sancti Maximi Trevirense valde contractum: Vallicellianum, quod stylum Hieronymianum brevitate sequatur: Trevirense S. Martini immixtis rubricis e variis collectum: Colonienſe S. Mariz de Gratia characteristicis suis magis distinctum: Romano Gallicum meris compilationibus constans: Aquisgranenſe ad Hieronymi stilum accedens: & aliud S. Petri Vaticanum, quæ omnia formulam Hieronymianam exprimant. **Articulo II** de Bedæ & Flori Martyrologiis conjecturas novas promit, ostenditque, Bedam ab A. 673 usque ad A. 735 adeoque 52 annos vixisse. Florum A. 830 scripsisse. Martyrologium, quod sub Bedæ nomine Plantinus 1564 edidit, ipsius non esse, sed ex Adone compilatum, verum illius foetum ab Historiographo S. Henschenio ante T. 2 Martii publicatum esse. At quum magna lis eruditos intercedat, num illud ipsum Martyrologium Bedæ adscriptum, ita ad ipsum pertineat, qua ratione Henschenius & Papebrochius illud ediderunt, distinctis iis, quæ ad Bedam, iisque quæ ad Florum pertinere videbantur, Sollierius suam mentem exponit, non sibi videri, rem a Duumviris illis recte expeditam esse, sed multo accuratorem secretionem denuo esse instituendam, ut agnoscat, quod Bedæ, quod Floro proprium. Etiam si vero agnoscat, totum illud negotium in tenebris jace-re, hac tamen via sese putat indagasse, quid ad unumquemq; illorum pertineat. Nempe quum legisset, Bedam Martyrologium, quod libero sermone scripserat, carmine reddidisse, existimat, Sanctorum descriptiones, quorum nomina in Bedæ Martyrologio metricè continentur, pertinere ad Bedam, reliquas omnes quæ in illo Metrico non continentur ad Florum referendas esse. Cui invento si insistendum, certum utique istud adminiculum foret, ut, quod Bedæ, quodve Florus in ea re præstitit, rectius agnosceremus. Sed illa Lectoris judicio pro modestia sua committit, inque ipso Ussardo Bedam & Florum juxta illam editionem Papebrochianam citat. **Articulo III** de Wandelberto agit Monacho Prumiensi, qui in diocesi Trevirensi scripsit. A. 842 Martyrologium edidit Metricum,

eum, quod sub titulo Ephemeridum falso Bedæ adscribitur, Tomoque I operum inseritur. Is admodum jactabundus ait, se Bedam & Florum & authenticos libros secutum Martyrologium conscripisse, quem tamen Sollerius ait magis ornate, quam vere illud dixisse. Etiam si enim quosdam Sanctorum suorum ex Hieronymianis schedis deprompserit, ceteros tamen aliunde accersitos sua ipsum autoritate adjecisse, ac libero nimis calamo versatum esse, nisi forte id ipsum interpolatoribus sit adscribendum. Wandelberto porro aliquam cum Usuardo familiaritatem intercessisse, vix asserere audet, tandemque magis ad dubitationem vergit, quum Usuardus fontes suos indicando Wandelberti nullam mentionem faciat. Mox B. Rhabannus Maurus sistitur, ex Monacho Fuldensi Archiepiscopus Mog. qui dimissa Abbatia Fuld. 845, dum privatus viveret, Hieronymi & Bedæ & Flori operibus sua addidit, congestis temere, quæ ad Fuldenses seorsim pertinerent. Laborat inæqualitate, ideo, quod aliqui Sanctorum jejune admodum describantur, alii longis elogiis vestiantur. Usus illius potissimum in Germania fuit, neque limites transgressum ullo judicio constat. Nemo ipsum, nisi solus Notkerus sequitur. Notkerus Rhabanum excepit, S. Galli monachus A. 870, mortuus anno 912. Vide Papebrochium d. 6 April. p. 576. Ejus martyrologium Canisius in Antiqu. LL. publicavit, idque ipsum Florentinius sæpe secutus, diu nescius, quod id pene ex Adone Viennensi descripsisset, quod si vero ille Hieronymianis, Rhabanianis & Adoninis spoliatur, ad nihilum prope redibunt, quæ ex ejus Martyrologio sunt reliqua.

Cap. secundo de Martyrologio veteri Romano, quod Parvum Romanum dicitur, & a prima editione Rosweidianum, agit. Baronius putavit, illud Parvum Romanum Gregorio M. notum fuisse, eumque illud ipsum Eulogio Epistola supra citata indicasse. Cumque illius nanciscendi desiderio Baronius teneretur, Heribertus Rosweidus, putans, se id ipsum in Carthusia Colonienfi reperiisse, illud cum Adone vulgavit A. 1613 & Paulo V dedicavit, cui applausit Sanssajus, atque ferme apothecæ donavit, mox animo lubrico, dum istud Martyrologium suis de-

Dionysio Areopag. opinionibus adversum vidit, turpiter recantans, diris quodammodo deveyit. Senferat & Joh. Fronto, Kalendarii Romani editor, tum & Henr. Valesius, & Bollandus, Rosweidum fuisse deceptum, neque characteres in celebri ad Eulogium Epistola exhibitos, in Martyrologium a Rosweido editum quadrare posse, cum Gregorii testimonio constet, in eo volumine non indicari, quid quilibet sit passus, sed tantummodo nomen & locus & dies passionis ponatur. Etsi vero neget Sollierius, Martyrologii Rosweidiana Gregorio M. Pontif. mentionem esse factam, attamen adstruit illud venerabile & perantiquum, idque ipsum esse, quod ab urbe Romana Aquilejam cuidam Sancto Episcopo missum: & Adoni deinceps præstitum, ab eo in capite sui operis positum fuit. Jam quum Valesius singulari dissertatione & Hieronymianum & Rosweidianum Martyrologium fuisse aggressus, depugnassetque, ante Sixtum V nullum in Ecclesia Romana fuisse proprium martyrologium, Sollierius Artic. 2 hujus capituli, etsi jamjam Florentinus suum Hieronymianum vindicasset, pro Rosweidiano, seu Parvo Romano in aciem descendit, ostenditque, tale martyrologium annos abhinc mille extitisse, ideo, quod Concilium Cloveshoviense, sub Cuthberto Dorobernienfi habitum Anno 747, tum Abbates Franciæ in conventu Aquilgranensi, ad martyrologium Romanæ Ecclesiæ provocent, quod cum de Bedæ & recentioribus accipi nequeat, restare ait, Romæ aliquod martyrologium ante Sixti V tempora extitisse. Et ea quidem auctoritas tanta Mabillonio visa, ut in Præf. ad Sec. IV Bened. se ea propemodum constringi passus sit; multo autem apertius Claudius Castellanus suum suffragium pro Rosweido tulit, agnoscens, id ipsum pro vero Romano parvo agnoscendum esse. Hinc articulo secundo ad Frontonem & Saussajum & Florentinum versus, inter quos, cum Saussajus martyrologium Rosweidi merum Bedæ indicem asseruisset, Florentinus, ideo, quod illud in uno tantum codice reperiatur, dubitaret, Sollierius illa tela imbellia dixit, majori impetu Bekium Rosweido inimicum ipsique chronologicis rationi-

tionibus insultantem refellit, eumque nec argumentum, de quo tractandum erat, nec libros, quos manu versabat, satis cognovisse, redarguit; cui solatio sit, Saussajum ad calcem articuli non melius exceptum, hocque de ipso iudicium esse latum: Opera ejus Paris. in summo esse vilipendio, & Martyrologium Gallicanum ab eo editum plausura mendaciorum continere, in quo Bailletum suffragatorem habet. Deinde §. 2 p. 30 adversus Florentinium agit, qui Parvum Romanum ex Adone depromptum opinatus fuerat, ideo, quod annum a Kal. Jan. ordiatur, & vocabulo Papæ frequentius utatur, quod ex mandato Gregorii VII factum putat, quem promiscua illorum temporum & martyrologiorum consuetudine refellit, quæ a Sec. VIII fastos suos a Kal. Jan. coeperit, tum ipsomet Martyrologio Hieronymiano, quod ipsum Papæ cognomento frequentius utatur. Quinimo tanto fortius colligit, Rosweidianum Romæ scriptum esse, ideo quod Papæ titulo frequentius inhæreat. Articulo tertio probare nititur, Adonem, Romanum Parvum suo martyrologio præfixisse, idque se ex diuturna & laboriosa collatione deprehendisse fatetur, inque ea re Adonem sibi præluxisse: porro ostendit, Adonem sua ex Hieronymiano non deprompsisse, æ. martyrologium, quo usus Romæ fuerit, Ravennam missum, atque in Capite Martyrologii positum esse. Articulo II id ipsum ex characteribus propriis, stylo, genere, ætate demonstrat. Nempe, quod raro Sanctitatis elogio utatur, vigiliasq; raras notet, quod vetustorum martyrologiorum sit insigne. Porro ait, si Romanum Parvum ex Adone fuerit excerptum, ipsum tot dies vacuos relicturum non fuisse, sed eos ex Adone impleturum.

Cap. III de Adonis & Uuardi propagine ex Romano Parvo differit, quorum illud Aloysius Lipomanius edidit primus. Vitam ejus ex Mabillonio transcribit. Hinc de Uuardo Monacho Pratenfi, sub Carolo Calvo anno 875, qui Adonem excepit, quique sua ex Adone sub Floxi nomine latente pleraque deprompsit. Quod ex Uuardi

Præ-

Præfatione adstruit. Artic. III de Editionibus agit Ufuardi-
nis, Lubecana 1475, quæ sub titulo Rudimenti Novitiorum
prodiit, Belgica sub tit. Jacobi de Veragine 1480, Colo-
niensi 1490, Parisina autore Johanne Munerato 1536,
Veneta per M. Belinum de Padua, typographo Jo-
anne Spira, 1498, Greveniana anno 1515, & 1511, Lo-
vanienfi per Joh. Molanum procurata, 1568. Arti-
culo IV. codices Ufuardini MSS. recensentur. Pra-
tensis, multis lituris, evasionibus, superinductionibus, adje-
ctionibus, detractationibus, mutationibus resperfus. Codex He-
rinienfis, quo usus Sollerius, qui ad Sec. XI spectat. Tor-
nacensis ad Sec. XIII pertinens. Rosweidianns ad Sec. XII.
Antwerpiensis, Marchianensis, Aquicinctinus, & Centu-
lensis. Articulo V Extracta & Lectiones variantes, Articulo
VI editionis fides, ratio, ordo demonstrantur.

In fronte uniuscujusque Mensis cruciatus Martyrum æ-
neis incisi laminis apparent, non multum discrepantes ab
his, qui apud Gallonium conspiciuntur, ut ita nihil plane
omissum sit, quod illam editionem summo opere gratam red-
dere queat. Tacemus de observationibus eruditis cuique
dici subjectis, quas integras a Lectore cupido delibari volu-
mus & suademus.

BIBLIOTHECA COISLINIANA OLIM
Segueriana, sive Manuscriptorum omnium Græcorum,
que in ea continentur, accurata descriptio, studio
& opera D. BERNARDI de MONTFAU-
CON, Presbyteri & Monachi Benedicti-
ni e congregatione S.
Mauri.

Parisiis, apud Ludov. Guerin & Car. Robustel, 1714 fol.
Alph. 9 plag. 2 cum fig. æn. pl. 6.

Quam

Quam bibliothecam magnis quondam sumtibus collegit Vir illustris Petrus Seguerius, Franciæ Cancellarius, eam hæreditatis jure jam possidet Vir Excellentissimus & Illustrissimus Henricus Carolus du Cambout de Coislin, Dux & Par Franciæ, Episcopus Metensis. Is Reipublicæ literariæ se gratissimum facturum sperans, si Græcorum codicum, quos ea bibliotheca luculentissimos habet, Catalogum satis amplum conficiendum pariter & edendum curaret, rem cum Autore Celeberrimo communicavit, qui laborem istum suscepit, præsentique volumine publico usui consecravit. Quamvis enim bibliotheca laudata non Latinis solum & vernacula lingua conscriptis, sed & Hebraicis, Syriacis, Arabicis, Copticis, & Slavicis quoque codicibus superbiat, Græci tamen præcipue doctorem virorum attentione digni sunt habiti. Numerus eorum ad quadringentos pertingit, quos inter multi sunt ex monasteriis montis Atho eruti, quales alias rarissimos, sibi; nondum visos, in Palæographia Græca testatur noster Mont-fauconius. Est autem iste Catalogus ad eum modum confectus, quo Lambecius Bibliothecam Cæsaream Vindobonensem recensuit, ita ut singulorum codicum ætas indicetur, folia numerentur, & ubi ante latuerit, aut a quonam librario scriptus sit, & quæ alia forte occurrunt, adnotentur. Partibus constat tribus, quarum *prima* codices primæ magnitudinis in folio, *secunda* in parvo folio & quarto, *tertia* in octavo continet. Singula pars in capita sex vel septem dispescitur, ita ut 1 Codices Biblici & Catenæ, 2 Synodi, libri Canonum & Rituum, 3 Patres & Scriptores Ecclesiastici, 4 Historici sacri & profani, 5 Juris Canonici & Civilis scriptores, 6. Philosophi, Medici, Mathematici, Geographi, 7 Poetæ, Grammatici, Lexicographi, Rhetores & Oratores enarrentur.

Ex jam dictis facile constat, non nudam in hoc volumine titulorum exhiberi recensionem, sed ad morem Lambecii multa moneri, tum quædam hætenus inedita, collationes item quorundam codicum cum editis auctoribus occurrere. De singulis pauca quædam speciminis loco addemus.

Primo statim loco memoratur Codex antiquus Octateu-
P p p
chum

- chum & libros quatuor Regnorum continens, ex quo vetustissimam capitum divisionem, eamque in Pentateucho & libris Regum duplicem, descripsit Noster. Utraque vero singularem prorsus usum habet in evolvendis sacrae Scripturae locis, prout quidem variis temporibus aliter atque aliter allegantur. Variantes vero lectiones, quas ex hoc & octavo Codice adduxit, tum Appendici Hexaplorum Origenis A. 1713 editorum, tum ipso etiam operi inseruit. In Codice octavo, quo quatuor Regum libri cum variis aliorum interpretum lectionibus, aliquot item Patrum Commentariis continentur, frequens est Severi Antiocheni Patriarchae, Acephalorum principis, ejusque operum mentio, quorum titulos Montfauconius cum cura excerpfit, tum quoque ex aliis Autoribus & Codicibus Catalogum omnium scriptorum Severiani, quantum potuit, locupletissimum confecit. Codex LXXIX complectitur Eclogas sive selecta ex operibus S. Joannis Chrysostomi, in quo notatu dignae sunt tres imagines Nicephori Botoniatae Imperatoris CP. ob habitus, coronae, & sceptrorum figuras ex istorum temporum more depictas. Ultima ex istis Imperatorem sistit, quatuor ministris primariis stipatum, quorum haec sunt nomina. 1. Πρωτοπρόεδρος & πρωτοβεσιάρης, cujus munus erat curare vestes Imperatoris. 2. Πρωτοπρόεδρος & ὁ ἐπὶ κανικλείς, Praefectus caniculi, qui caniculum seu vas liquoris phœnicei vel cinnabaris ministrabat. 3. Πρωτοπρόεδρος & καὶ δεκανός, Decanus, quae dignitas non Palatina est, sed Ecclesiastica. Miramur Codinum, qui de officiis aulae CP. p. 9 Decanum inter Ecclesiasticos quidem, sed non primo loco, recenset. Nisi forte dignitas post Nicephori tempora, cujus usui Codex laudatus inserviebat, immutata, nomen vero servatum fuit, quod alias frequenter accidisse certissimum est. 4. ὁ πρωτοπρόεδρος & καὶ μέγας πριμικήρης, cujus munus praecipuum erat sceptrum Imperatoris gestare. Porro ex duobus Codicibus enarrantur tituli & initia epistolarum Theodori Studitae quingentarum, quarum vix dimidia pars a Sirmondo edita est, pleraque etiam lacerata, quae ex his codicibus suppleri possunt & emendari. Idem fit de operibus Georgii Palinae Archiepiscopi Thessalonicensis, quorum hypotheses.

heses & argumenta prolixè recensentur. Codex CCII quinto vel sexto seculo scriptus epistolas Pauli complexus est, sed mutilus in nostram bibliothecam pervenit. Videtur in Palæstina vel Syria scriptus esse, nam Calligraphus testatur hoc exemplar se contulisse in Bibliotheca Cæsareæ cum Codice ipsius Pamphili manu exarato. Constat saltem foliis XIV; nam reliqua ab insulso quodam monacho ad compingendos alios libros sunt adhibita. Omnia tamen quæ in iis continentur, impressa edidit Cl. Montfauconius, quia Codex integer ἐν σίχαις conscriptus erat, quorum nos quoque specimen ex initio epistolæ ad Titum affereimus :

Pag. 25L

Παῦλ Ⓞ δὲ λ Ⓞ Θεῷ,
ἀπόστολ Ⓞ δὲ Ἰησοῦ χριστοῦ
κατὰ πίσιν ἐκλεκτῶν
Θεῷ, καὶ ἐπίγνωσιν
ἀληθείας τῆς κατ' ἐν-
σέβειαν,
ἐν ἐλπίδι ζωῆς αἰω-
νίης, ἣν ἐπηγγείλατο
ὁ ἀψευδὴς Θεὸς πρὸ
χρόνων αἰωνίων. &c.

Additum quoque est specimen characterum ejus, qui antiquitatem seculorum dictorum procul omni dubio redolent. Occasione codicis CCLXVII, qui magnam partem operum S. Maximi complectitur, inseruit Cl. Autor conspectum operum Maximi, qualem ediderat Combesifius.

262.

307.

Anecdota vero opera vel fragmenta quamplurima in hac bibliotheca reperies, ex quibus quædam notabimus. Ex codice XXIII eduntur Severi Archiepiscopi Antiocheni, de quo supra, Concordantiæ Evangelistarum circa ea, quæ in sepulcro Domini, quo die resurrexit a mortuis, contigerunt; item de Sabbatis, & varietate exemplarium S. Marci Evangelistæ. Ex Codice XXXIV affertur Styliani, cognomento Mappæ, Neocæsareæ in Euphratesia Metropolitæ, opusculum de Trinitate, ubi minutatim omnia, quæ ad tantum mysterium spectant, explicantur. Ex Codice XXXIV epistola Nicænæ Synodi II ad Alexandri-

68.

88.

96.

Pag. 202.

287.

346.

457.

514.

421.

521.

611.

nam Ecclesiam circa sacras imagines. Ex Codice CXXXVI prologus ad Historiam Byzantinam Joannis Scylitzæ, longe prolixior eo, qui præmittitur historiæ Georgii Cedreni, & non pauca de Scriptoribus historiæ Byzantinæ nova & notata digna continens. Ex Codice CCXXVIII nobile & insigne fragmentum Stephani Byzantii de urbibus, non ex Epitome ejus, sed ex ipso Stephani opere integro. Hoc fragmentum non semel typis excusum fuerat ad fidem hujus MS. sed ex apographo Sam. Tennulii, mendis multis & gravissimis referto, nunc vero a Montfauconio nostro ex hoc ipso codice emaculatum prodit. Ex Codice CCLXX eduntur aliquot quæstiones Photii, item ejusdem historia Manichæorum ab ortu hujus hæreseos ad suum usque tempus. Ex Codice CCCXLV specimina multa & ampla ex Lexicis numero 15, quorum titulos adscribemus. 1. Apollonii Sophistæ Lexicon Iliadis & Odysseæ. 2. Phrynichi Arrabii five Arabis apparatus Sophisticus. 3. Collectio Vocum ex variis Auctoribus. 4. Timæi Sophistæ voces Platonis. 5. Anonymus. 6. Vocum Herodoti Lexicon. 7. Mæridis Atticistæ Lexicon, quod nuper in Anglia excusum est. 8. Vocabula juris. 9. Collectio vocum Luciani. 10. Vocabula rhetorica. 11. Vocabula Octateuchi. 12. Vocabula Alexandræ Lycophromis & argumentum operis. 13. Lexicon Grammatices. 14. Vocabula quæ in Officio Græcorum occurrunt in festis per annum. 15. Opusculum de syntaxi, ordine alphabetico. Ex Codice CCCXLVI liber Tacticorum editur, ab Arriani, Æliani, & aliorum Tacticis multum diversus. Denique codices Coislinianos tres contulit Autor cum editis, Dionis Epitomen a Joanne Xiphilino confectam, cum editione Henr. Stephani: Annæ Comnenæ Alexiada cum editione Regia; & Cl. Ptolemæi Geographiam cum editione Lugduno-Barava a. 1618 in lucem emissâ. Accessit ultimo loco Operi splendidissimo Index rerum admodum copiosus, ex quo de utilitate ipsius operis judicium fieri facile poterit.

MENSIS NOVEMBRIS A. M DCC XV. 485

IRENÆI FRAGMENTA ANECDOTA,
quæ ex Bibl. Taurin. eruit, Latina versione notisque dona-
vit, duabus Dissertationibus de oblatione & consecratione
Eucharisticæ illustravit, denique Liturgia Græca Jo. Ern.
Grabii & Dissertatione de præjudiciis Theologicis
auxis CHRISTOPH. MATTHÆUS
PFAFFIUS.

Hagæ Com. sumt. Henr. Scheurlerii, 1715, 8.
Alph. 1 pl. 18.

CL. Editor, qui non solum *Dissertatione critica de genuinis*
N. T. lectionibus, Amstelodami A. 1709 edita, verum etiam
publicatis *Lactantii* aliorumque reliquiis, in Taurinensi biblio-
theca repertis, (Vid. *Acta nostra* A. 1713 p. 70) clarum consecutus
nomen est, nunc ex eodem MSS. codicum præclaro thesau-
to producit *Irenæi*, cujus novissimam eandemque optimam e-
ditionem A. 1712 p. 173 recensuimus, fragmenta quædam non-
dum publicæ luci exposita. Eruit autem hæc ex Græcis aliquot
Catenis, quas vocant, ubi Irenæi nomine præscripta se offere-
bant. Neque vero verendum est, ne forte Irenæi nomen per-
peram hisce fragmentis sit adjunctum, cum, iudice Editore,
(1) gravis illa & maiestatem quandam præ se ferens scribendi ra-
tio, qua utitur Irenæus, hic quoque adhibita sit: (2) insignis tum
styli, tum rerum convenientia cum iis, quæ Irenæus in *libris*
contra hæreses dixerat, deprehendatur: (3) codices, ex quibus
hæc desumpta, fidem suam ad nauseam usque tentatam ita pro-
barint Cl. Editori, ut omnia Patrum loca, ibi citata, in editio-
nibus impressis invenerit, adeoque dubitari non possit, has quo-
que Irenæi citationes esse fideles fideque dignas. Equidem
Scipio Maffejus, Marchio Veronensis doctissimus, in *Diario E-*
ruditorum, quod Venetiis Italica lingua publicatur, Irenæo hæc
fragmenta abjudicavit: sed rationes ejus minus firmas esse, in
Præfatione ostendit Cl. Pfaffius.

Quatuor autem sunt, quæ hic exhibentur, Irenæi fragmenta,
eaque parum longa. In primo (cujus hiatum voce *εὐμαρής*
inserta explemus, repudiantes Cl. Editoris τὸ *εὐμαρής*.) Ire-

næus docet, Christianismum veramque Theologiam non consistere in rerum difficilium scientia & doctis Disputationibus, sed in studio sanctæ vitæ & imitatione Christi. In *secundo* de oblatione eucharistica veraque ratione S. Cœnæ differit. In *tertio* castigat eos, qui de ciborum delectu aliisque externis rebus disceptantes ea, quæ maxima sunt, fidem & caritatem, negligunt. In *quarto* denique finem & scopum incarnationis Christi paucis exponit. Singula multiplicem differendi materiam præbuerunt doctissimo Editori, ex cujus notis ad fragmentum *secundum* hoc unum docemus Lectores, eum cum Masueto acriter disputare de vera verborum Irenæi sententia, illo in Romanensia castra rapiente Irenæum, Pfaffio contra Lutheranis eum associante. Credibile autem est, fore, ut uterque videatur Reformatis τῇ ὑποθέσει δαλεύων fuisse. Nam cum hi sibi persuadeant, Ecclesiam trium priorum seculorum verba illa Institutionis metaphorico cepisse sensu, longe facilius ipsis futurum est, Irenæi verba hujusce fragmenti sua cum sententia conciliare.

Pag. 161.

Progredimur ad subjectam a Cl. Pfaffio Dissertationem *de oblatione eucharistica in primitiva Ecclesia usitata*, qua ostensum it, veteres in celebratione Eucharistiæ duntaxat panem & vinum, non corpus & sanguinem Christi, obtulisse, simulque *Hikesii*, *Zephyrini de Pace*, *Bossueti*, aliorumque, qui hanc panis vini que oblationem pro proprio & propitiatorio N. T. sacrificio habent, sententiam refellit. Quæcunque hic disputat, ad sex capita reduci possunt. Scilicet probandum suscipit *primo*, ritus celebrandi Eucharistiam a Christo transumptos esse ex iis, qui illo tempore in usu apud Judæos erant, maxime ex ritibus Cœnæ paschalis: *deinde*, in Scriptura *novæ oblationis* terminum non reperiri, quam Christus novissima cœna instituerit, multo minus dici, quod in eadem corpus sanguinemque suum Deo Patri in propitiationem obtulerit: *tertio*, in tribus prioribus sæculis panem duntaxat vinumque, sed ante consecrationem maxime, oblata fuisse, & quidem precibus consecratoriis: *quarto*, secundum Liturgias tum Græcas tum Latinas nonnisi panem vinumque tum ante tum post consecrationem offerri: *quinto*,
termi-

terminos oblationis propriae, vera & propitiatoria valde æquivocos esse, multisque logomachiis occasionem præbere: sexto denique, sacrificium corporis Christi repetitum, quod in Romana Ecclesia creditur, ab oblatione eucharistica veterum plurimum differre. Inter hæc alia quoque notatu digna se offerunt, ut §. 4 de more prisco, vinum eucharisticum aqua miscendi: §. 35 & 36 de precibus pro mortuis olim usitatis: & id genus plura.

Pag. 351.

Succedit Dissertatio de consecratione eucharistia in primitiva Ecclesia usitata, qua ostenditur, eam in precibus olim, maxime vero in ἐπικλησες Spiritus S. constitisse, ab Ecclesia vero Romana postea mutatam fuisse, totam consecrationem ponente in solis verbis Institutionis. Ordinem hic sequitur Cl. Autor eum, ut doceat (1) Christum precibus & peculiari benedictione, cujus formula non sit litteris prodita, sacramentum eucharistiae instituisse & consecrasset: ejusque exemplum secutos esse Apostolos: (2) Liturgias Græcas omnes per invocationem S. Spiritus consecrationem perficere: (3) Patres, etsi sanctificationem symbolorum virtuti Spiritus S. adscribant, tamen in eo discrepare ut modo verbis institutionis, modo precibus invocationis, adscribant consecrationem: (4) in Liturgiis prisca Latinis consecrationem precibus perfici: (5) Græcos in Concilio Florentino simulasse concordiam cum Latina Ecclesia in hoc argumento: (6) effectum consecrationis esse præsentiam realem, quæ non nisi in usu se exerat: (7) ministros consecrationis esse Sacerdotes, qui recitando verba Institutionis & adjungendo preces Deum commoveant, ut unionem sacramentalem perficiat.

479

Huic Dissertationi subjungit Liturgiam Græcam a Jo. Ern. Grabio ad normam veterum Liturgiarum compositam. Scilicet antiquæ Ecclesiæ reverentia tanta infederat Grabio, ut, cum in consecratione S. Cœnæ olim adhibitam fuisse sciret invocationem S. Spiritus, ipse quoque hodie eam crederet necessariam, eamque ob causam, quoties sacra communione utebatur, acciperet sacramentum a sacerdote, peculiarem adhibente liturgiam, liturgiis veteris Ecclesiæ magis conformem. Hoc supra jam narravit Cl. Pfaffius, nunc addens, Grabium, postquam a

346.

500.

Spencero

Spenero publico scripto meliora edoctus animum in castra Pontificiorum transeundi mutasset, eodemque *Spenero* suafore Angliam petiisset, ibique, quam in Romana Ecclesia quæsiturus antea erat, Episcopatus successionem invenisset, ab eo tempore a Romanis partibus semper alienum fuisse, idque & viva voce & scripto satis declarasse, adeoque in communione Ecclesiæ Anglicanæ mortuum esse, etsi privatos intra parietes peculiarique forma adhibita sacramentum Eucharistiæ acceperit. Ceterum Grabianam illam Liturgiam Cl. Editor & versione & notis instructam exhibet.

Pag. 529.

Tandem sistitur *Dissertatio de præjudicatis opinionibus in religione dijudicanda fugiendis*: ubi de præjudiciorum Theologicorum causis, varietate, affectionibus, effectu, remediis tum veris tum falsis, Pyrrhonismo itidem atque *ἑποχῇ* Theologica, agitur, nuperusque etiam *de libertate cogitandi* libellus examinatur. Hunc libellum nos quoque anno superiore,

229.

menſe Majo, recenſuimus, itemque animadverſiones in eum eruditiffimas Cl. Bentleji, in eo tamen errantes, quod rumorem ſecuti Tolando eum tribuimus, cujus verum autorem eſſe *Antonium Collinum*, Anglum, Tolandi amicum, (huic enim Tolandus *Livium* ſuum *ἀντιρρητικὸν* dedicavit,) ex eo tempore comperimus, idem confirmante hic Cl. Pfaffio, ex cujus *Dissertatione* bonæ frugis pleniffima non nihil repetendum ducimus. In limine ſtatim monet, doctos inter homines omnium minimam operam evellendis præjudiciis dare Theologos, ſed opinionibus receptis cæco aſſenſu ita adhæreſcere, ut, qui errores inveteratos reſellere audeant, eos hæreſeos iuſamia protinus adſpergant. Quid? eos negare, ſua in ſecta eſſe præjudicia Theologica. Quod quidem Noſtro facetum videtur: cum tales ſupponere neceſſe ſit, aut ſectam ſuam eſſe infallibilem, aut nunquam erraſſe. Obſervat etiam, Reformatores Eccleſiæ, niſi depoſuiſſent præjudicia a doctõribus ſuis hauſta, nunquam perventuros fuiſſe ad veritatem. Ceterum inter remedia contra præjudicia primo loco commendat *ἑποχῇ* theologicam (quam ſtolidum vulgus pro Diabolica tentatione venditat,) judiciique ſuſpenſionem: hinc diligentem Scripturæ ſacræ lectio-

535.

536.

[537.

573.

583.

596.

nem

nem, cum studio linguarum, artis Criticæ, & Historiæ Ecclesiasticæ conjunctam: denique sincerum veritatis amorem, nulli parti addictum. Qua occasione perversam Studii Theologici methodum notat, qua vulgo theses publice receptas prius docemur, ac tunc demum dicta S. Scripturæ quæruntur, quibus dogmata pro veris jam supposita probentur: cum contra a studio exegetico initium sit faciendum, & hinc demum construendum Systema theologicum. Digna quoque memoratu est regula, quam veritatis theologicæ studiosis præscribit. *Ubi, inquit, convenire atque in unam descendere sententiam non possumus, qui veritatem quærimus, id unum superest, ut illibata caritate nos invicem toleremus; cogitantes, scientiam hujus sæculi esse imperfectam, debilemque fratrem, qui dissentiat, patienter ferendum esse.* Inter falsa præjudiciorum theologicorum remedia primum locum concedit Pyrrhonismo theologico, quo tota religio Christiana in dubium vocatur. An autem recte fecerit, cum simpliciter eum tribuit hodiernis philosophis, alii judicent. Nobis sane videtur solidissima philosophiæ cognitio adeo necessaria iis, qui præjudicia theologica exuere gestiunt, ut, Cl. Autorem minus recte omisisse hanc inter remedia a se prolata, judicare non vereamur, approbantes Scheckianum illud, ab *Hornio* in præfatione ad *Historiam philosophicam* laudatum: *Ego quidem sic judico, tum demum fore quietas ac beatas Ecclesias, si aut philosophi veri dent operam theologiæ, aut theologi philosophentur pie.* Ceterum dum Pyrrhonismum illum theologicum refutare conatur eique remedia quædam opponit, etiam nonnulla reponit *Collino* superius memorato, ejusque fundamenta paucis subvertit. Hisce recensionem nostram finientes merito recordamur monemusque, eodem hoc anno Argentorati quoque publicatam esse Argentoratensis Theologi celeberrimi, *D. Jo. Henr. Barthii, Diatriben Theologicam de Præjudiciis, quæ sunt veritatis impedimenta: quæ & ipsa lectu dignissima est, veritatisque cognoscendæ viam reddit pluriorem.*

JO. FR. BUDDEI HISTORIA ECCLESIASTICA V. T. ab Orbe condito usque ad Christum natum, variis observationibus illustrata.

Halæ Magd. impensis Orphanotrophei, 1715, 4.
Alph. 6.

IN Prolegomenis Summe Reverendus Autor intuitu duplicis regni divini, & naturæ & gratiæ, historiam in civilem & ecclesiasticam dividit, posterioremque fata aut Veteris aut Novi Testamenti respicere docet. Ea, quæ Veteris Testamenti est, partim œconomiam fœderis divini sub Patriarchis ante legem, partim œconomiam post legem a Mose latam ad Christi usque adventum complectitur. Et has tradere duas V. T. periodos secum constituit. Fontes, unde derivabuntur, non unus sunt generis. Primum quidem præcipuumque locum tenet Scriptura Sacra, cui tamen Scriptores Judæi, aut etiam Græci & Latini, qui de rebus Judæorum commentati, itemque alii, quæ Gentium, quibuscum olim Judæis varia negotia intercesserunt, historiam condiderunt, non sine insigni aliqua utilitate junguntur. Sunt etiam inter veteres ac mediæ ævi Scriptores nonnulli, qui commentariis & chronicis suis historias V. T. illuminarunt, quibus illos addidisse, qui ex recentioribus Annales sacros & Compendia composuerunt, aut de ritibus & antiquitatibus Reip. Judaicæ, de veri falsique cultus dogmatumque verorum & falsorum historia, de vitis illustrum in V. T. virorum, & de Chronologia scripserunt, dignum erit operæ pretium. Neque tamen illi etiam plane sunt negligendi, qui historiam civilem, litterariam & philosophicam commentationibus suis illustrarunt. Omnium vero horum Scriptorum accuratus variisque observationibus doctis ornatus in Prolegomenis catalogus textitur. Quo peracto sistitur Periodus I ab Adamo usque ad Moysen, cujus se Sectio I a condito mundo usque ad diluvium extendit. Originem enim ecclesiæ antecessit origo totius universi, quam licet non æque ut Epicuræi, Stoici & Aristotelici in æternitatem commutent Christiani, variis eam tamen atque diversis intuentur oculis, philologice alii, alii physiologice, hæc

theo-

theologice, illi mystice, & cabbalistice, isti denique historice. Rectissimum ille iter ingreditur qui diligenter secum perpendit, 1) scopum præcipuum Mosis esse ad verum Deum, rerum omnium conditorem agnoscendum homines perducere, 2) licet universi originem describat, magis tamen ad nostram respicere tellurem, 3) Mosén non tam structuram & compositionem corporum, quam eorum originem & causam efficientem, Deum, designare voluisse, 4) creationem esse mysterium juxta assertum Pauli Ebr. XI, 5) neque etiam in historia creationis temere a sensu litterali esse recedendum. His bene atque sapienter monitis, sex dierum opera divina explicantur, non prætermisissis iis, quæ alias circa ea disputari solent. Quod vero tempus, quo condi cœpit mundus, concernit, anno 1656 ante diluvium, sive circiter quater millesimo ante Christum natum eum esse creatum, relictis quæ de Dynastiis Ægyptiorum, de Chaldæorum observationibus cœlestibus & denique de antiquitatibus Chinenſium opponi solent, asseritur. Ecclesia vero esse incipiebat, cum primos homines ad imaginem suam concederet divina benignitas. Religionis, qua Deum colebant, summa haud inconcinne per rationem fœderis inter Deum & primum hominem ejusque simul nomine omnes ejus posteros initi explicatur. Conditiones ex parte hominis erant dilectio sincera, fides & obsequium, quæ Deus per status felicissimi continuationem immunitatemque a morte compensaturum se pollicebatur. Sed exploranda simul erat hominis obedientia per arborem scientiæ boni & mali, quæ reliquarum naturalium arborum una erat, nomen inde sortita, quod indicare debebat, num etiam mandatis divinis homines morem essent gesturi. Arbor vero vitæ, in medio horti statuta, collabascens corporis vires reficiebat. Nam immortalitas in statu integritatis homini a Deo non absolute concessa erat, sed cum usu mediorum ad propagandam vitam ordinatorum. Quæ de institutione Sabbathi & matrimonii huc pertinent, brevibus edisseruntur, cum jam sint fusius in Inst. Theol. Mor. exposita. Sedes Ecclesiæ ante lapsum in paradiso erat, de cujus situ variæ eruditorum sententiæ sub examen vocantur. Lapsus vero primorum paren-

82.

97.

104.

Pag. 114.

122.

155.

159.

tum infelicissimus ita narratur, ut Deum ejus causam non esse appareat. Iis enim viribus dum hominem Deus instruxit, ut evitare peccatum potuisset, si modo voluisset, simul eum a peccato retraxit, modo naturæ humanæ convenienti. Primus autem ad lapsum gradus struebatur per inconsideratum Evæ cum serpente colloquium, tum sequebatur incredulitas, hinc voluntatis a Deo ad se ipsum conversio, tandem in actum externum per fructus vetiti considerationem comestionemque erumpens. Serpentem illum seductorem naturalem fuisse genio aliquo malo oblectum docetur, rejectis Aben-Esra, Sebastiani Schmidii, If. Abarbanelis & Io. Clerici, qui diversum statuunt, sententiis. Restaurata autem fuit ecclesia, quæ funditus jam videbatur deleta, per promissionem de semine mulieris, quo operum fœdus in fœdus gratiæ commutavit. Sedes ecclesiæ post lapsum extra paradikum fuit procul dubio in Syria & Mesopotamia. Nam a paradiso arcebantur primi parentes per flammam gladii vibrantis, hoc est, per ignem e cœlo emissos, seu ex terra sulphurea & bituminosa excitatos prope Paradisum. Potuit autem flammæ istius, ab Angelis excitatæ, duplex effectus esse, tum ut homines a regressu in Paradisum arcerentur, tum ut ipse Paradisus per eam sensim consumeretur. In ecclesiæ ipsius propagatione mox regnum lucis & tenebrarum se ostendebat, hoc in Caino, Iabale, Thubalcaino & Lamecho, per quos tamen an doctrina etiam corrupta fuerit & πολυθεΐης atque idololatria introducta, incertum est; illud in Setho, Enocho, aliis. Enoschus restauravit verbum divinum impiosque a piis secrevit. Parum enim commode vox ליהוה ab Antonio van Dalen & aliis per *profanatum est* exponitur, eo animo, ut idololatriam ab his temporibus repetere possint. Paraphrasis quoque Onckelosi quam afferunt, *tunc in diebus ejus supersederunt filii hominis ab invocando nomen Domini*, neutiquam illis favet: intelligi namque rectius de Atheisimo vitio potest. Henochus non tantum pietate, cujus intuitu vivus in beatorum sedes transferebatur, sed etiam literarum laude claruisse dicitur. Agmen tandem eorum, qui ante diluvium vixerunt, claudit Noachus, cum quo Periodi I Sectio II, quæ a dilu-

diluvio usque ad vocationem Abrahami porrigitur, incipit. Aquæ autem pœnam summa hominum antediluvianorum provocabat impietas, ad quam cum Cainitis denique etiam præcipientes devolvebantur Setithæ. Hoc est, quod innuit Moses Gen. VI, 3, ubi per filios DEI Setithæ intelliguntur, quemadmodum per filias hominum, filia Cainitarum, cum quibus illi inibant matrimonium, unde prognati **בְּנֵי שֵׁט** hoc est, viri fortitudinis laudem consecuti. Imitabantur enim **נַפְלִיִּים** per quos Gen. VI, 9 Moses designat non gigantes aut apostatas, sed invasores violentos & magnos latrones. Erat autem hoc diluvium universale, etsi Isaacus Vossius, Eduardus Stillingfleetus & Jo. Clericus pro particulari habeant. Dubium enim, quod de aquæ copia non sufficienti movent, ejusmodi est, ut solvi possit. Diserte ait Moses, *magna abyssi fontes erupisse*, Genes. XXVII, 11. Dari autem abyssi fontes seu aquas subterraneas, haud obscure colligere licet ex Cohel. I, 3. Velle vero negare, suffecisse aquarum subterranearum copiam, nemini sane mortalium satis cognitam, plane temerarium foret. Accedebat etiam, quod cataractæ cœli aperirentur, hoc est, nubes omnes in aquam vi divina condensatæ maximam pluviae copiam effunderent. Quod si vero nec sic omnes tollantur difficultates, nihil obstat, quo minus dicamus, miracula quædam divina hic intercessisse. Deinde urgent, si universale fuisset diluvium, statuendum etiam esse, animalia singulis orbis partibus propria in arca fuisse. Unde tanta multitudo exsurgit, quam capere arca non potuit. At vero animalia, quæ regionibus quibusdam videntur propria, ab aliis, a quibus differre videntur, revera specie sæpe non differunt, sed discrimen illud ab indole regionum provenit. Restituto tandem orbe Deus dominium in res creatas renovavit, pœnam homicidii capitalem constituit, signoque peculiari iridis securitati hominum prospexit. Religio Noachi a religione Patriarcharum antediluvianorum non erat diversa & præcepta illa Noachidarum, quæ celebrantur, summam quandam juris divini continent. Dubia contra hanc sententiam, olim jam in introductione ad hist. philos. Ebræor. p. 14, 15 propositam, mota hac occasione solvuntur. Postquam

Pag. 169.

180.

194.

Pag. 203.

enim evictum, quod hæc præcepta revera summam juris divini complectantur, cogitandum esse monetur, quod Noachus non humani tantum generis restaurator, sed etiam religionis propagator fuerit. Hinc nullum est dubium, quin præter fidem in Messiam etiam summam legum divinarum posteris suis quam diligentissime inculcaverit. An vero eam numero præcise septenario incluserit, aut totidem verbis conceperit, hoc quidem non asseritur. Et his observatis, objectiones sua sponte corruunt. Præter religionem sine dubio variaz queque & floruerunt & inventæ sunt artes, inter quas ratio plantandi tractandique vites ad vinum ex uvis exprimendum, referenda. Qua ipsa vero & Noacho & Chamo peccandi suppeditabatur occasio. Chamum enim improbum fuisse & diversum ab eo, qui Melchisedechus in libris sacris audit, contra Petrum Jurizum asseritur. Neque etiam Summe Reverendo Auctori placet opinio Hermanni von der Hardt. Ille enim, dum se adulterii vitio polluisse Chamum asserit, rem affirmat, cujus nulla non solum in Scriptura apparent vestigia, sed unde novæ simul difficultates oriuntur. Quæ enim Canaanis in eo culpa, quod ex incestu natus esset? Rectius illi sentiunt, qui Canaanem delicti paterni participem fuisse contendunt, forte quod cum puer petulans & protervus avum indecore jacentem vidisset, id Chamo patri extra tabernaculum nunciasset, atque adeo primus Noacho dormienti procaciter illusisset. A posteris Noachi gentium atque populorum, qui huncce orbem incolunt, primæ origines derivandæ sunt, de quorum itaque dispersione, cum turrim Babelis frustra molirentur, & ex ea orta linguarum confusione, aliarumque, quæ exinde successu tamen temporis orbem universum occuparunt, gentium prima origine, magno eruditionis apparatu disseritur. Occasione vero Nimrodi atque Assuris de Babylonici atque Assyriaci regni ortu disputatur. Ab Ebero denique Ebræos descendisse constat, in qua Semi posteritate purior Numinis cultus quam diutissime floruit; cum contra aliz gentes idololatria turpi, cui dispersio illa occasionem dabat, abriperentur. Curiosa sunt & multa eruditione referta, quæ hac occasione de origine idololatriæ S. R. Autor in-

spect-

spergit. Postquam enim præcedenti Lectione, eorum sibi displicere sententiam monuisset, qui originem idololatriæ ad tempora antediluviana referunt, ipse eam tandem opinionem ingreditur, ac si illa demum post diluvium introducta, antequam Abrahamus patrios lares deferere a Deo juberetur: licet de auctore primæque idololatriæ specie nihil omnino certi affirmari possit. Plane enim nullum, certe lubricum fundamentum est, quo illa omnia nituntur, quæ de Serugo, filio Regu, primo idololatriæ inventore narrantur. Veri admodum simile est, Solis, ac Lunæ, planetarum cultum primam fuisse & antiquissimam idololatriæ speciem, ut patet ex Job. XXXI, 26, 27. Ut vero præci mortales Solem & Lunam pro Diis colerent, ea facile ratione fieri potuit. Divinitatem quandam agnoscendam statuentes, insigni pulchritudine & maiestate eam præditam esse, haud sine ratione credebant. Sed cum ad immaterialia & invisibilia non assurgerent, inter res creatas nihil, cui rectius divinitatis notio conveniret, deprehenderunt, quam Solem ceteraque sidera cœlestia: quæ animas incorruptibiles & immortales aut esse, aut habere, non tantum homines plebei, sed & Philosophi, Platonici cum primis, crediderunt. Alter inter idololatriæ species locus conceditur rerum sublunarium cultui, earum præcipue, ex quibus aut utilitatem capiebant, aut a quibus sibi metuebant mortales. Nam aerem & ignem & aquam, oceanum & flumina & terram inter Deos relata a Gentilibus constat. An vero imaginum ac simulacrorum cultus vetustior sit cultu religioso hominum, dubium est atque incertum. Ocasio interim, qua colere pro DIIS homines cœperunt, hæc fuit. Progenitorum generis humani, eorumque qui se cœtibus integris duces atque antesignanos præbuerant, magna apud posteros celebritas erat atque veneratio. Ab his cum magna in homines profecta essent beneficia, facile alii ad superstitionem proni, in eam ingredi sententiam potuerunt, eos aliquid divini habuisse: unde tandem omnino credere potuerunt, eos a cœlo descendisse ad egregia opera edenda, & his perfectis eo rediisse. Homini-
bus deinde jungebantur Angeli seu Dæmones, licet antiquior
haud dubie fuerit simulacrorum & imaginum cultus, ideo in-
ventus,

Pag. 247.

248.

Pag. 263.

ventus, ut Numina sua quodammodo sibi præsentia redderent, quanquam huic causæ aliæ adhuc accesserint, hoc loco diligenter memoratæ. Sectio III, quæ a vocatione Abrahami usque ad Mosen progreditur, primum fata Abrahami exponit. Is varia divine consilio suscepit itinera, quorum socium habebat Lothum, quem quidem ad evitandam servorum discordiam tandem dimittebat, sed salvo & intemerato amicitiae vinculo, cujus novum dabat documentum, cum eundem captum libertati restitueret. A qua victoria redeunti panem illi & vinum offerebat Melchisedechus, de quo eruditorum variæ referuntur resutanturque sententiæ. Illis vero calculus adjicitur, qui ingenue, quis Melchisedechus fuerit, se nescire profitentur & curiosius investigare sibi religioni ducunt, quæ S. Scriptura nobis non revelavit. Quoniam etiam Deo pangere cum Abrahamo fœdus placebat, sigilli loco addidit circumcisionem, cujus originem ab Ægyptiis repetendam non esse, multis defenditur rationibus. Ut vero pietas Abrahami, per tentationem immolationis proprii filii satis probata, abunde elucebat, ita improbitatis eadem ætate exemplum singulare præbebant Sodomitæ & Gomorrhæi, quorum pœna atque per ignem destructio ita explicatur a Jo. Clerico, plane ut nullum agnoscat miraculum. Quando enim Deus *depluisse sulphur & ignem ab Jova* dicitur, fulminis hanc circumlocutionem esse putant, per quod venæ bituminis istius regionis accensæ fuerunt. Cui sententiæ variæ a Summe Reverendo Autore difficultates opponuntur. (1) Si ex causis mere naturalibus hæc ita evenerunt, utique non minus evenire potuissent aut etiam eventura fuissent, etiam si urbium harum incolæ fuissent pii & sancti. At Deus Sodomitarum ceterorumque impietatem hac ratione punire voluit, & procul dubio ita punivisset, etiam si nulla soli aut ad flammam concipiendam, aut ad terræ motum concitandum fuisset dispositio. Deinde præcipuum Jo. Clerici fundamentum non satis firmum videtur. Contendit, verba: *depluit Dominus sulphur & ignem ab Jova*, esse circumlocutionem fulminis, quod dictis quibusdam Scripturæ comprobare annitur. Sed in his ipsis Scripturæ dictis ad hanc Sodomitarum pœnam, alluditur. Neque etiam opi-

niones

niones Jo. Clerici & Hermanni von der Hardt de genere mortis uxoris Lothi admittendæ censentur. Nam uterque verbis divini Scriptoris vim aperte infert. Diserte Moses dicit: *facta est statua salis*. Cur esset ita locutus, si nihil aliud dicere voluisset, quam eam flammis ignis subito extinctam esse? ut opinatur Dn. von der Hardt: aut quis hæc verba legens in eam devenire sententiam potest, monumentum aliquod a marito aut posteris ei erectum? ut sibi persuasum habet Jo. Clericus. Certe si hiece sensus esset, necesse est, Moysen data opera ita locutum, ut divinando saltem mentem ejus aliquis assequi posset. Vera tamen causa est, cur a plano & obvio verborum sensu recedant, ne miracula admittere cogantur. Sed ut ad Abrahamum revertamur, is mortua Sarah Ketharam duxit, & liberos suscepit, Isaac tamen bonorum & promissionum divinarum manente hærede, perque posteros suos Jacobum & Josephum veram ecclesiam propagante. Horum igitur fata prolixè narrantur, ita, ut simul fax illustrioribus & vexatissimis Scripturæ locis præferatur. Exemplo esse potest difficillimus illo versus 10 cap. XI. IX Gen. qui ita explicatur: per verba *non recedet* non qualiscunque concussio sed plena overfio & destructio intelligitur, in explicatione vero vocis שֹׁבֵר duplex extremum vitandum censetur, alterum Judæorum est, qui pro baculo sive virga castigationis eam accipiunt, alterum eorum qui ἀξίωμα καταλύον intelligunt. Sceptri nomine hoc loco generatim summum imperium, τὸ κύριον in Republica, denotatur. Voce מִשְׁפָּט legislator seu Magistratus significatur, qui non tantum habet jus leges ferendi, sed & latas interpretandi & secundum eas jus dicendi. Sed quid sibi tandem illa verba volunt מִבְּרֵי רַגְלֵי *a pedibus ejus*? Rejēctis & Jobi Ludolphi & Wagenfeilii opinionibus, Sebastianum Schmidium Dn. Autor sequitur, qui τὸ εἶναι *ab inter pedes alicujus* pro eleganti & modesta descriptione nativitatis habet. Adeoque sensus est: erunt iudices & legumlatores interpretesque ex tribu Judæ orti, donec veniat Schilo, hoc est: quando veniet Christus, tunc Reip. instabit ruina atque perniciēs. Evoluto itaque oraculi sensu, difficultates, quæ circa ejus applicationem occurrunt, ad VI capita

reduēt, commodè admodum atque perspicue solvuntur. Postquam ergo quæ Jacobo, Josepho, & Jobo, cujus ætas in hæc tempora incidisse creditur, obtigere fata, expositum, de Patriarcharum hujus ætatis religione, cultu Numinis externo, matrimoniorum regiminisque domestici ratione, eruditione & scriptis, quæ illis tribuuntur, disseritur. Quo facto additur historia regni tenebrarum hujus periodi, ubi post Sabzeos, de quorum idololatria Spenceri hypothesis pluribus sub examen vocatur, Teraphim Labanis, ut idololatrici cultus documentum exhibentur. Multa quidem & hic eruditi disputant, & tamen ex variis Scripturæ locis haud obscure colligendum, Theraphim fuisse idola, seu imagines vel statuas potius cultui idololatrico destinatas. Verum cum etiam Philosophi subinde erroribus suis sapientiæ nomen obtendant, atque ad augendam confirmandamque impietatem plurimum conferant, de iis quorum ætas in hæc incidisse tempora creditur, ut de Mercurio deque Zoroastre non obiter sed ex instituto agitur. Tum sequitur Synchronismus & quæ de Ægyptiis, Babyloniis, Assyriis, Phœnicibus, Ismaelitis, Idumæis, Argivis, Atheniensibus, Cretensibus atque Phrygibus, memoria atque æternitate digna invenimus, in medium proferuntur. Periodi II. a Mose usque ad Christum duæ in hoc tomo sectiones exhibentur, quarum I. ea complectitur, quæ a Mose usque ad Josuam contigerunt. Statim itaque post vitam Moysi fata Israelitici expenduntur populi, quem post multas variasque afflictiones, tandem ex Ægypto pertinax ille Pharaodimittebat: quæquam eum facti statim poenituisse, persecutio illa satis docet, cujus occasione misere periit in rubro mari, per quod Israelitæ sicco pede transiverant. Nullum iterum hoc loco admittit miraculum Jo. Clericus, fluxui maris felicem hunc Israelitarum transitum adscribens. Quod vero quo minus admittatur, obstat, 1) quod Moses nullam hujus rei mentionem injiciat, & 2) hæc opinio neque cum verbis illis: *aqua illis erat instar muri a dextra eorum & a sinistra eorum*, neque cum Chronologia & Astronomia conciliari possit. Dum autem iter suum Israelitæ prosequuntur, varia & inusitata Deus in eos conferebat beneficia, aquæ amaræ dulces fiebant, coturnices quoque & Manna

Manna illis dabantur. Quantum quidem ad coturnices, quid per *לח* intelligendum, eruditi disputant. Jobus Ludolphus peculiarem fovet sententiam, ac locustas eo vocabulo designari putat. Sed probabilior Dn. Autori ea sententia censetur, quæ coturnices intelligit. Duriusculum namque multis videbitur, vocis *לח* significationem genuinam tempore captivitatis Babylonice deperditam & neque Onkeloso neque aliis Interpretibus orientalibus intellectam. Deinde licet non inepte agat, qui in carnis hujus æque ac Mannæ suppeditatione miraculum intercessisse existimaverit, de coturnicibus si non omnia pleraque tamen ita explicari possunt & hoc loco explicantur, ut ad miracula ubique confugere necesse non sit. Et his observatis eorum historia sequitur, quæ usque ad mortem Aaronis evenerunt, cujus occasione difficultas quæ mirum in modum Interpretes vexat, facili ratione solvitur. Nam Deut. X, 6 Aaron in Moserah mortuus dicitur, cum tamen ex Num. XX, 22 constet, eum mortuum esse in monte Hor. Tantus ac tam insolubilis hic nodus videtur & H. Grotio & J. Clerico, ut aut in loco Deuteronomii aut Numerorum turbatum ordinem stationum judicaverint. Aliter S. R. Buddeus sentit, cui verisimile, integro isti tractui in quo mons Hor fuit, nomen Moserah seu Moseroth fuisse. Hinc sine controversia dicitur Aaronem & in monte Hor & in Moserah, seu tractu illo in quo mons Hor situs erat, mortuum esse. Mortuo Aaroni in Sacerdotio succedebat filius Eleazar, sub quo secunda multa, multa etiam adversa fata Israelitæ usque ad Moysis mortem experti. Hoc loco omni, qua alias involvuntur, obscuritate difficultateque detracta, ea perspicuitatis ordinisque concinnitate omnia leguntur, ut, an in vastissimis ad V. T. commentariis major illis unquam lux affusa sit, merito dubites. His itaque expositis religio Israelitarum hujus periodi adumbratur, tum eorum cultus externus, matrimoniorum statusque domestici atque civilis ratio & denique litterarum cultura. Quemadmodum vero opposita juxta se posita magis semper elucescunt, ita statim veræ ecclesiæ hostes atque idololatricæ piis sanctisque junguntur. Agmen ducunt Egyptiorum Magi, quos inter Jannes & Jambres præcipue

Pag. 592

642

752

commemorantur. De Bileamo multa disputantur. Da. Autoris sententia hæc est: Bileamum, priusquam a Balako evocaretur ad maledicendum Israelitis, fuisse hominem probum, verique Dei cultorem sincerum, cui ideo Deus se patefacere singulari ratione consuevit: at per dona a Balako oblata ita captum, ut a pristina pietate deflecteret & insigne ac in omne ævum memorandum horrenda *ἀποστασία* exemplum præberet. Neque solum Ægyptiorum, sed & aliarum gentium idololatria se contaminarunt Israelitæ, Molochi & Baalis Peor cultum recipientes. De utroque cultu docta digressione prolixè agitur, in qua tamen potiora huc redeunt. Nimirum quantum ad Molochum, ejus cultum non in februatione sed in vivicomburio hominum constituisse. Si vero quæzatur, quisnam sub hoc Molochi emblemate ex Gentilium Diis celebrioribus latuerit? eorum præfertur sententia, qui Saturnum Græcorum Latinorumque Molochi Syrorum & Ammonitarum respondere contendunt. Et cum Deorum Gentilium nomina partim ad cœlestia sidera partim ad homines virtutibus meritisque egregiis conspicuos, aut gentium quoque vel humani generis conditores referri soleant, quodnam sidus, qui ex antiquitate heros Molochi seu Saturni nomine exhibeatur, quæri solet. Responsio hæc est: inter Planetas Solem, inter heroas aut gentium vel humani generis conditores Noachum vel Abrahamum, aut etiam utrumque simul denotari. Molochi autem cultu Israelitas in deserto se polluisse, diserte docet Amos Propheta c. V, 25, 26. Quod vero ad Baal-Peor attinet, cum ex Num. XXIII, 28 constet, Peor nomen montis fuisse apud Moabitas, admodum probabile videtur, Baal-Peor nihil aliud significare quam Deum aliquem qui a Moabitis in monte Peor cultus est. Sed quæ hucusque de fati & populi Judaici & Moabitis dicta sunt, fide divini scriptoris nituntur, adeoque etiam exotericorum de Mose, ejus scriptis & rebus gestis testimonia afferuntur, additis simul iis quæ de aliis gentibus, quæ in hac periodo floruerunt, notatu digna leguntur. Sectio II hujus Periodi a Mose usque ad Samuelem progreditur. Post mortem Moabitis Israelitæ duce Josua Jordanem trajiciebant, Hierichunteque urbem cum incolis omnibus debebant, sola fer-

Pag. 766.

774

servata cum suis Raab scēmina, quæ exploratores Iosuz hospitio exceptos occultaverat. Raab illa vocatur רַבִּי וְיָמִי unde meretricem fuisse colligunt alii, alii vero hoc vocabulum idem designare ac cauponariam putant. Cl. Auctor ita existimat: quia haud infrequens olim fuit, ut mulieres cauponariæ corpore etiam quæstum facerent, fieri potuisse, ut cauponariæ etiam meretrices dictæ sint. Inde vero non sequi, quod omnes meretrices fuerint, adeoque & Raab scēminam honestam esse potuisse. Inter reliqua quæ fortiter atque præclare Josua fecit, illa victoria ad Gibeonem eminet, ad quam prosequendam sistere Solem ac Lunam jubebat. Sunt inter Judæos, qui tantum abest ut miraculum hic agnoscant, ut potius phrasin poeticam adhibitam existiment. A qua sententia parum remoti H. Grotius & Io. Clericus. Verum non temere sibi quis persuaserit, imperatorem in fervore pugnæ constitutum, & cupiditate hostis persequendi flagrantem, poetice fuisse locutum. Ipse enim Scriptor sacer addit: *Moratus vero est Sol & Luna substitit.* Quibus verbis eum poetice loqui voluisse, nullo indicio constat. Scrupulus iste, quem verba: *& non fuit talis dies antea vel post, ut obediret Dominus voci viri,* movent, si comparentur cum miraculo Hiskiz 2 Reg. XX, 11 & Es. XXXVIII, 8, ita solvitur, ut moneatur, in textu Ebræo non dici, non fuisse tam longam diem, sed saltem talem diem, qua scilicet ejusmodi quid factum, ut voci viri Dominus obediret. Post mortem Josuæ nunquam defuerunt viri fortitudine & pietate insignes, qui Israelem a calamitatibus suis auxilio divino liberarent. Non minima autem inter illos fama est Jephthæ, cujus votum interpretes admodum fatigare constat. S. R. Auctor nec votum Jephthæ damnat, nec esse ejus filiam immolatam, credit. Sensum enim verborum hunc facit: quicquid egressum fuerit mihi obviam e foribus domus meæ, id erit Iehovæ, hoc est cultui divino consecrabitur, ut perpetuo serviat Domino, si scilicet homo sit, aut in holocaustum offeram, si sit animal quod ex lege immolari possit. Vi ergo hujus voti tabernaculi ministeriis certis addicta est Jephthæ filia. Verum ne longiores simus quam licet, id solum adjiciendum putamus, quod & in hac periodo methodus Autori consueta servetur.

etur, His enim omnibus enarratis ad statum ecclesiæ internum externumque accedit, ab hoc ad regimen civile & domesticum, quod litterarum artiumque bonarum per hæc tempora facies excipit. Tandem idololatriæ incrementa & in gente Ebræa exempla proferuntur. Tota denique tractatio cum Synchronismo aliarum gentium concluditur. Quo vero illustrior historiæ hujus usus faciliorque redderetur, quadruplex accessit Index, chronologicus, geographicus, locorum S. Scripturæ, quæ aut explicantur aut illustrantur, & denique rerum memorabilium.

מפתח התלמוד הגדול

Sive

CLAVIS TALMUDICA MAXIMA, EDENTE
HENRICO JACOBO van BASHUYSEN, qui R.
MOSCHE סגורת התלמוד *sive usus Talmudicos*
& duas Dissertationes adjecit.

Hanovix, in Typographia orientali sumtibus Autoris, 1714, 4.
Alph. 3 plag. 22.

Merita, quæ Cl. Bashuyseus in literas gentium Orientalium & Rabbiorum adhuc contulit, non mediocria sunt, de quibus præclara ingenii monimenta satis abundeque testantur. Multum illa amplificat opere hoc, quod inscripsit *Clavem Talmudicam Maximam*. Constat illa variis libris, quorum primus est doctissimi quondam Judæi R. *Josue Levita* הליכור על עולם *itineramundi*, quem Cl. Constantinus L'Empereur notis & versione illustraverat, nomine *Clavis Talmudicæ* 1634, 4; secundus auctorem habet Rabbium *Eliakim Panzi Radin-gini* מפתח הגמרא *Clavis Gemarica*, qui vitam & lucem debet Cl. Christiano Henrico Ritmeiero; tertius R. *Mosche* סגורת התלמוד cui adjecit versionem. Hæc opera ita collegit, ut omnia in paragraphos divideret, errores operis emendaverit, & notis quæ erant obscuriora illustraverit. Princeps momentum, unde operi huic magna autoritas accedit, duæ dissertationes sunt, quas Autor noster præmisit. Altera disserit de constitutione operis Talmudici. De Talmude non solum

solum pagani, sed ipsi professionis christianæ homines sinistre judicarunt. Gregorius IX Pontif. R. A. MCCXXX omnia Talmudis volumina adjudicavit flammis, quod posthæ etiam conatus est Innocentius IV A. MCCLIV item Julius III A. MDLIII. Paulus IV, duodecim Talmudicorum voluminum millia flammis addixit; & multo etiam plura Pius V. Quæ tristiora facta dependent ab ignorantia illorum hostium, qui has litteras non cognitas habuerunt, ipsi autem Talmudis auctoritati nihil detrudere possunt. Ut istam infringant, opponunt primum fabellas, quibus liber Talmudis sit refertus, sed monet Cl. Autor, ne Apologi & ipsæ allegoriæ ac parabolæ adnumerentur fabulis; illas habere Talmud, quum eis nec sacre Codex careat, sed fabularum non multum apparere vestigium. Deinde obijciunt, Talmud plenum esse nugarum: concedit quidem Autor noster, Talmud non plane a nugis posse absolvi; sed heic ad id esse attendendum, num plures nugæ, quam seria ibi extarent, quod negat. Porro affirmant, Talmud esse confuse conscriptum; complecti res risu dignas & demum esse blasphemum. Autor noster ipse fatetur, Talmud hinc inde confusum esse, sed ita, ut plura, quæ confusa videbantur, lectione clavis suæ sint clariora futura, quod enim non multi sint, qui intelligant Talmud, inde fieri, quod alio stilo Judæi olim ac hodie nos usi fuerint, atque alius sit sacrarum pandectarum, alius Talmudis. Talmud esse ridiculum, non potest negari; sed & Christiani, ait Autor noster, aliquando emiserunt libros ridiculos, in quibus sunt bona mixta malis. Talmud esse blasphemum, nec affirmare, nec negare Bashuyfenius sustinet; quamquam id tamen confiteretur, multa Christo & regno contumeliosa putari, quæ non ad Christianos, sed paganos spectent. Verum ne quid dissimulare velle videatur, suadet lectori harum litterarum studioso lectionem Cod. Talm. עבדך ויהוה hoc est de Idololatria, in quo inveniet verporum calumnias erga Christum & odium contra Christianos, cum blasphemis manifestis, qualis sit illa, tractatu ם de Idololatria fol. 16 Col. 2, sine & initio fol. 17 Col. 1. Judæi quoque spiritum emittunt, quoties verbum דין pronunciant, recitantes illud עליון. Pergit Autor noster ac contentu Talmudis ad meritas, quæ ei debentur, laudes, & quo nomine

mine a Christianis legi mereatur, docet. Hoc fiat, ut dogmata Judæorum sciamus; nos facilius expediamus in vocibus ἀπαξ λεγόμενος, ubi קָרָן Num. XXIV, 17, quod alii male vertunt, *destruet*, cum rectius ex Talmude *congregabit* verti possit; ut explicentur phrasæ variz difficiliores veteris Testamenti, ut discantur ritus cum in se, tum quatenus ad eos typi & prophetica phrasæ alludunt. Quod autem phrasæ N. T. petita sit ex Talmude, inde quoque illustranda, id exemplis quibusdam demonstrat Bashuyfenius, e. g. Matth. XV, 5 de voce Δῶρον; Ioh. XVI, 2. ubi quid Iudæi per Synagogam intellexerint, & quid eorum excommunicatio, ex Talmude utique sit discendum. Imo propter ipsos stricte dictos Hebraismos N. T. studium Talmudis debet commendari, prout locutio Matth. XXVIII, 1, Luc. VI, 1 sine beneficio illius non possit explicari: imo ipsissimum *regnum cælorum* Matth. III, 2 est phrasæ Talmudica. Nec minor ratio peti potest ab Adagiis N. T. quorum pars bene multa ex Talmude & libris Judaicis petita est, e. g. Matth. XXIII, 24. Quod si etiam nugæ, ridicula, fabulæ, blasphemiz essent in Talmud, ideo tamen legendum est, ut inde Judæos redigamus ad ruborem. Talmud ipsum complectitur Misnam & Gemaram. Datur duplex, Hierosolymitanum & Babylonicum; illud A. C. 230, opus R. Jochanan, qui non est ille Rabban Jochanan Zaccades, Hillelis discipulus & Simeonis, qui Servatorem ulnis excepit, conscriptum; hoc clarius & celebrius A. C. 500, quod originem debet Raf dicto, qui fuit discipulus R. Judæ & postea Raf Ase & tandem Maremar, ejusque collega Mar. Extremo hujus prioris dissertationis commendat adhuc media Talmud intelligendi. Consultum esse existimat, si discatur ordine; eligatur præceptor & magister peritus; incipiatur a Tr. versis in Latinam linguam, quales in Misnam plures; usu quoque heic venit cognitio doctorum Misn. & Gemaricorum, quæ cum ex hac clavi Talmudica, cum Ottonis historia D. Misnicorum peti possit. Altera dissertatio agit de conversione & reductione Judæorum, quam utramque multis argumentis corroborare operam dat. Quod ad conversionem Judæorum pertinet, provocat ad varia Scripturæ loca, quibus patet quod præcipua poena futura

futura fuerit conversio gentium Iudzis, post eorum demum conversionem revocandis in sinum ecclesiae, e.g. Ezech. XVI, 60, 67, XXXVI, 24 - 27, Daniel. XII, 2, Hof. III, 5, Ioel. III, 20, 21, Mich. VII, 8, ut de aliis locis, quæ collegit, taceamus. Alteram quæstionem, num Iudæi redituri sint in terram Canaan, an templum ædificandum & cultus ceremonialis sit revocandus? dicit problematicam, non necessariam, & miratur, extitisse, qui ob hanc sententiam & aliam ei ut plurimum annexam de millenario glorioso, quæ etsi falsæ, essent tamen tolerabiles, modestos & amicos fratres excommunicaverint, ut ipse loquitur. Profert varia testimonia ex sacro Codice, Psalm. XXXVI, Ies. caput ultimum, Ier. XXXI, Hof. III, 4, Amos IX, 11 - 15, Zachariæ XIV, 10, 11, & imprimis XII, 6 hujus Prophetæ; quo loco non solum reductio, & Hierosolymorum reædificatio arctissime, ut in plurimis locis aliis, conjungantur, sed etiam emphaseos causa addatur, eam urbem ædificandam esse *in loco suo*, quo hodie non sit ædificata, sed in alio loco, ut ex sepulcro Christi probari possit, ut adeo in hodierna structura hæc vaticinia nondum impleta sint atque adhuc impleri debeant. Sed si quæras, num ædificabitur Hierosolyma cum templo, an sine eo? Respondet Cl. Autor: nonne & Christiani ibi agentes exstruerent templum? Cur ergo non Iudæi, (non corporale quidem, verum spirituale) Christiani facti, & sic simul naturales & spirituales Iudæi? Addit adhuc Autor officium Christianorum ratione hujus veritatis, & modum conversionem ipsorum promovendi; item ordinem procedendi cum convertendo. Integro operi addidit tres Indices; primum vocabulorum & phrasium Hebraicarum clavis hujus Talmudicæ; secundum rerum & verborum Latinorum; tertium locorum S. Scripturæ.

ELITERIS CHRISTFRIDI WÆCHTLERI, JC.

ad J. B. M.

Quum ante quinquennium Marburgensis JC. Jo. Fridericus Hombergius novam Novellæ Justinianæ primæ translationem susteret, varia circa historiam Novellarum mense Junio

1711 p. 264 sunt allata. Nunc ubi in Enimundi Bonafidii Jus Orientale, & Jus Græco-Romanum Jo. Leunclavii incidimus, de historia Imperii Orientis, deque Interpretibus tum illorum temporum, tum recentioribus, iterum quædam dicenda. Seculo IX debemus *πρόχειρον νομικὸν* eorum JCtorum, qui vixerunt sub Basilio Macedone, ejusque filiis, Constantino & Leone, *πεποίηται τοῖς περὶ τὸν βασιλεῖον καὶ Κωνσταντῖνον καὶ Λέοντα*, ait Harmenopolus. Erant Basilio Imp. filii quatuor, Constantinus, Leo, Alexander, Stephanus. Constantinum & Leonem consortes Imperii pater diu habuit, ac postea etiam Alexandrum. Stephanus, Patriarcha CPolitanus. Illud ergo *πρόχειρον* loquitur de Constantino, filio primogenito, qui ante patrem obiit DCCCLXXIX ætatis XIII. Basilio deinde successit Leo VI, Philosophus, qui filium suum, Constantinum IIX, anno DCCCCX consortem Imperii Orientis fecit, obiitque anno statim sequente. Hunc igitur Constantinum IIX, nepotem, a Constantino, filio Basilii, non distinxere Dionysius Gothofredus & Marquardus Freherus, ille in variis Lect. ad Harmenopulum, hic in Chronologia Juris. Deceptus etiam ab iis Josephus Maria Suarezius, per tumultum dixit, *πρόχειρον* hoc prodiisse nomine Basilii cum filiis suis, Leone & Constantino sive Alexandro, modo sub nominibus Leonis & Alexandri, sive Constantini. Extat sane etiam *ἑκλογή τῶν νόμων ἐν συντόμῳ, γενομένη παρὰ Λέοντος καὶ Κωνσταντῖνος*, ex universo scilicet Jure Justiniano, καὶ ἐπιδιόρθωσις εἰς τὰ φιλανθρωπότερον, Tomo II Juris Græco-Romani. Sed hæc recentior paulo est, Leonis VI nimirum & Constantini IIX filii. Leo quum absolvisset magnum illud opus βασιλικῶν, successissetque ei Constantinus IIX, edidit præterea ἀνακρίθασιν ejusdem Operis, sub initium seculi X. Aliud autem fuit autoris incertū *Νόμιμον τὸ κατὰ σοιχεῖον ἑκλογή, καὶ σύναψις τῶν βασιλικῶν & βιβλίων, σὺν παραπομπαῖς κατὰ σοιχεῖον*, quem titulum libri e Codicibus MSS. exhibet nobis Carolus Labbæus. Juvatque hic annotasse querelam Jo. Thomæ Freigii, JC. ad Jo. Martinum Oltingerum, in epistola Friburgi scripta 1576, & præmissa Professioni Regiæ Rami, eodemque anno Basileæ excusa: *Ερ-*

τομὴν βασιλικῶν ἀπὸ τοῦ Ἑλληνικοῦ εἰς τὸ Λατίνον μεταφρασθεῖσα, & max-
 imis laboribus correctam, sub alio nomine exiisse video. Forte e-
 ditionem Leunclavii Basileensem 1575 pungere voluit. Nam
 & Leunclavius in appendice adnotationum suarum, eodem an-
 no: exhibuit mihi typographus interpretationem hujus eclogæ
 nostræ Basilicorum, tentatam a quodam, cujus ego nomen de in-
 dustria non edendum existimaui. Quisquis ille sit, censuram
 satis gravem ibidem passus est, etiam tecto nomine. Sed integram
 tamen præstaret adhuc extare interpretationem istam. Neque
 enim, quod Leunclavio non placeret per omnia, ideo plane fuit
 supprimenda. Freigius certe quum Basileæ 1582 paulo ante mor-
 tem ederet qualemcunque suam Synopsis Pandectarum, nihil
 amplius de versione illa sua, nihil etiam de censura Leunclavii.
 Seculo XI jam veluti declinante Michael Attaliates, αἰθύπκτ
 ἢ κερτῆς, scripsit ποίημα νομικὸν, ἥτοι πραγματικὴν, ad Imp. Mi-
 chaelem VII Ducam, & jussu ejus, σύνοψιν, inquit, ὡς αὐτὸς συνόψεως
 μέλλον ποιήσασθαι. Huic Attaliatæ σύγχερον fuit Michael
 Psellus, ejusque scholia quædam Græca in eundem adhuc ex-
 tant. Quale illud ad Tit. XLIIIX: διπλὴν δὲ τετραπλᾶσιον ὁ
 ἀπὸ ναυαγίου ἀρπάσας πρᾶγμα, δέσποτα, εἰς πρᾶττεται δι-
 καίως, Inno geminum quadruplum, mi Domine, jure ab illo
 exigitur, qui rem ex naufragio rapuit. Non tamen recen-
 sentur hæc Scholia a Caveo inter scripta Pselli. Quod si is au-
 tor est etiam Dialogi περὶ ἐνεργείας δαιμόνων, & libri περὶ χρυ-
 σοποιίας, (nam duo sunt Michael Pselli,) magnum jam illius
 studii etiam in præcæ Ecclesiæ aula habemus exemplum. Noster
 enim Psellus sub ipso etiam Imp. Michaelē Seniore, Stratiotæ,
 fuerat unus ex supremis aulæ ministris, & Legatis ad Isaacium
 Comnenum. Zonaras Lib. III in Michaelē Imp. isto, εἰδόν-
 ται πρεσβεύοντες ἄνδρες τῶν ἐκκρίττων τῆς συγκλήτης βελῆς,
 οἱ δὲ ἦσαν - - Μιχαὴλ ὁ σοφώτατ ψελλῆς, τῶν φιλοσόφων
 ὧν ὑπκτ. Circa medium seculi XII post Mich. Attaliatam sub
 Emanuele Comneno Imp. Constantinus Harmenopulus; de
 quo ante, nomophylax & judex Thessalonicensis, novum plane
 & splulentum scripsit πρόχειρον Juris Civilis, librorum sex, di-
 stinctum ab ejusdem Protheoria Sacrorum Canonum. Eodem

seculo inclinante Theodorus Balsamo, Patriarcha Antiochenus, sub Isaacio Angelo scripsit in Canones Apostolorum & Nomo-Canonem Photii, atque etiam συναγωγήν, *Collectionem* rerum ecclesiasticarum ex Codice, Digestis & Novellis Justiniani solius, cui Paratitlorum nomen imponere voluit Leunclavius. Hæc cum in Oriente, isto quidem, quo suspicor, ordine, quem alii turbant, agerentur, in partibus Occidentis Otho II & Lotharius II seculo decimo & duodecimo similiter in jure Justiniano post longam noctem cœperunt iterum elaborare quodammodo. Sed Libris istis per aliquot secula nihil de constitutionibus Imperatorum Orientis, quastandem Enimuudus Bonafidius, Valentiz in Delphinatu Professor Juris, & Collega Cujacii, Hebraice etiam & Græce doctissimus, anno ætatis suæ XXXVI Græce collectas, & a se Latine versas, ab Henr. Stephano 1573. libro primo Juris Orientalis, vivente adhuc Cujacio, excudi tentavit, adjectum adhuc fuerat. Idem Bonafidius invitatus post tumultum Parisiensem a Franc. Hotomanno Genevam concesserat, & majore opere eundem ibi librum illustrare aggressus, post biennium fere huic labori impensum, 1574 obiit, atque a Thuano in opere Historiarum ad annum istum, æternum laudis suæ monumentum accepit, utpote Valentiz olim discipulo & Cujacii & Bonafidii: quod Galliz Orientali, seu Vitis Gallorum, qui Orientalium literarum gnari, Paulus Colomesius deinceps inseruit, quodque præter Franc. Hotomannum vix ulli Jctorum contigit. Vivo autem Collegæ adhuc Cujacius etiam prætor maximus extitit, non quidem Libro V c. 20 vel 26, ut alii, sed libro Observat. XI c. 20: Cum igitur Ludovicus Charondas A. 1575 Juris Romani Volumina Parisiis ederet, Bonafidii librum primum iis post Novellas Leonis primus junxit, Græce & Latine Joannem Leunclavium contra momordit inopinatus hic & felix conatus Bonafidii atque applausus Lud. Charondæ, subitoque eodem A. 1575, quicquid Novellarum Græcarum ejus ætatis, vel à Jo. Sambuco, vel Franc. Pithæo acceperat, Basileæ procudi curavit. *Ornare,* inquit in dedicatione ad Thomam Redingerum, *meum hoc opus potuisssem non nullo jure titulo Juris Orientalis, quo Bonafidius usus est.* — *Habet quasdam Novellas Bonafidius,*

fidius, quas nos de industria maluimus omittere. — Præterea delectum habere volui, ne lector inveniret, quas editas esse pretium operæ non magnum duceret. Sed & translationem Nostri strinxit Leunclavius: *Qui conferent nostram cum Bonifidiana, deprehendent, quanto majori studio melioreque fide nostra sit facta.* Julius Pacius tamen quum 1580 novam Juris Romani editionem moliretur, Bonifidii librum primum denuo Latine post Novellas Leonis annecti voluit, questusque simul, typographum ad Græcum textum adduci non potuisse. Inde secuta est 1589 Editio Dionysii Gothofredi in 8, ubi idem iterum factum videmus. Leunclavii ergo editionem Novellarum Græcarum quum præteriri toties cerneret Marquardus Freherus, opus adhuc longe majus Leunclavii, Jus Græco-Romanum, duobus Tomis 1596 (quia fidei ejus commendatum a moribundo veluti fuerat,) Francofurti in lucem misit. Hic autem pene nihil omissum fuit e libro primo Bonifidii, ordo tamen iterum plane mutatus & transfusus, & loco argumentorum, textus passim integri recitantur, Juris tam Canonici quam Civilis. Sed & liber Bonifidii secundus sanctionum Pontificiarum, & liber tertius Responsorum, Epistolarum & sententiarum patriarchalium, aliorumque Patrum sacrorum, per Librum tertium & quintum Tomi I Leunclavii sparsus & non pauca ibi prorsus aliter excerpta sunt. Post decennium autem, A. 1606 Carolus Labbæus, egregius vindex famæ Gallicanæ, totam Leunclavii Synopsin Βασιλικῶν sub examen Codicum MSS. acerrime revocavit, ac Decem præterea Constitutiones novas Græcorum Impp. Leunclavii, quas ille & in Novellis suis, & Tomo II Juris Græco-Romani omnium maxime emaculasse videbatur, scdissimis hucusque, in ipso textu Græco scatuisse mendis & lacunis, demonstravit, & novam etiam passim Versionem non potuit non subjicere. Ex decem illis tres tantum extabant antea apud Bonifidium, prima, octava & decima: in sola autem decima Bonifidii Versionem juxta cum Leunclaviana taxat Labbæus, ostenditque, novellam istam dimidia parte truncatam hætenus esse & mancam, prout scilicet eam Balsamo in Nomo-Canone Photii retulisset. Hic autem meminisse vicissim decebat, Labbæum notarum, quas ipse Bonifidius libris suis adjecit, ibique in mul-

tis locis dubiis & difficilibus rationem & lectionis & versionis suæ reddidit. De Notis adhuc recentioribus loquitur forte Antonius Teisslerius *Additæx Eloges de Thou prem. part. p. 415: Edmond de Bonne-Foy étoit Médecin & Jurisconsulte. Biblioth. du Dauphin. Il y a de lui, Notæ in tres libros Juris Orientalis, & une lettre Latine dans le livre des Paradoxes de Laurent Joubert.* Post alterum decennium Jo. Meursius, cum in edendis Lugd. Batav. operibus Constantini IIX Porphyrogennetz 1617 versaretur, easdem illas XIII Novellas, quas in appendice Synopseos vel Eclogæ, huic Imperatori tribuit Leunclavius, Græce & Latine addi jussit. Tomo enim II Juris Græco-Romani deest XII & XIII. Apud Meursium vero videas etiam emendationes Jo. Leunclavii ad textum Græcum harum Novellarum, deinta X & XI. Sed Antor illarum emendationum ipse est Jo. Meursius, non omnino Leunclavius. Adeo respondent emendationibus iis, ejusdem Meursii aliz ad Constantini Tactica, aliz ad librum de administrando Imperio, per singula. Sequuntur ibidem quatuor adhuc Novellæ ejusdem Imperatoris Græce & Latine, sed illas cum Caroli Labbzi commentariis transcribere maluit Meursius, nihilque de suo, vel de Leunclavianis etiam curis, quæ textum qua versionem, adjunxit. Hi jam eruditorum conflictus & quasi certamina circa Jus Græcum recens, quandoquidem soli debentur Bonafidio, mirum est, solam interpretationem libri primi illius Latinam, quam nunc aliam plane faciem, textu Græco passim suppleto & restituto, necesse fuit accipere, in tot Editionibus Gothofredianis (excepta edit. Belgica 1665, quæ etiam textum Græcum a Charonda acceptum, dissimulato tamen nomine Bonafidii, exhibet,) adhuc hodie retineri, imo plane insuper haberi. Certe seorsim merebatur exscribi textus ubique Græcus cum utraque versione, cum notis etiam quasi variorum, Bonafidii ipsius, Leunclavii deinde, siquidem extant, quas promisit in dedicatione ad Redingerum 1573, Labbzi, & Meursii. *Dicit aliquis, inquit Antonius Augustinus in præfat. Epitomes Novellarum Juliani, quid mihi cum Juliano? Nam cum probationem res desideret, aliunde mihi quærenda autoritas & probationis genus est.* Similiter multi hodie, *quid mihi cum Græcis istis Inpp.?*

Respondet Augustinus: *hanc rationem cessatoris potius & otium amantis, quam studiosi alicujus Viri fuisse crediderim: qua sola posset maxima librorum atque hominum pars negligi.* Plura inde non repeto, vitandæ invidiæ. Esto etiam, Novellas Bonifidianas ab editionibus, si quæ futuræ sunt, plane refecari, quid fiet cum Ecloga & Synopsi Leunclaviana βασιλικῶν, quam ad singulos Titulos continuo crepat Dionysius? Utique qui Labbæi censuras non vidit nec legit, quantivis pretii judicabit esse istas remissiones Gothofredi. Nunc totum textum Græcum, totamque interpretationem, ad normam MSS. Labbzanorum aut refigi & concinnari atque suppleri etiam oportet, aut frustra habemus eruditissimas ejus lucubrationes, atque in luce cœcutionis. Et utinam reliquisset ille nobis similes ad universum opus Basilianum correctiones. Si enim & istud mallet omnino abjicere, velut inutile foro, vereor ne incidamus in animadversionem Senis istius Atrienfis in Ædibus Legum venerandæ majestatis apud Jo. Ludovicum Vivem Tomo I Opp. *O quam filie feritinnio copi cupedia, & quæ ibi sequuntur verba plura castrensia.* Tum vero concludit is denique, *nullus perscrutari domum hanc legum rite potest, qui pleno veram tersamq; Latinitatem & antiquariam hanc, quin & Græcam indolem, modice saltem non imbibierit.* Hactenus de Libro primo potissimum Bonifidii. Secundus & Tertius uti ad Juris magis Canonici quam civilis studia spectant, ita Codicum MSS. linam neque a Labbæo, neque ullo forte alio hactenus, certe eadem cum accuratione, nondum persenserunt. Nam similem apparatus illorum, qualem is habuit, similemque acrimoniam discernendi suspecta a solidis, non deprehendimus alibi. Fuere certe in Bibliotheca Palatina non pauca MSS. Græca, quæ huc pertineant: *E βασιλικῶν LX libris electa secundum alphabeti ordinem, ab α scilicet usque ad ω.* Novella Romani Senioris, Imp. Novellæ Constantini Porphyrogeneta. Novella Nicephori. Leonis Novellæ LIV. Basilii Porphyrogeneta Novellæ. Annotavit hæc Fridericus Sylburgius num. VII & IIX. Deinde n. XIII & CCXLIX similes sequuntur Codices. Porro n. LV Basilii, Leonis & Alexandri Imp. *Promptuarium seu Epitome juris utriusque, illu-*
priori

*riori forma digesti, titulisque XL comprehensi. Legum seu Juris epitome a Leone & Constantio Impp. selecta ex jure Justiniano, & titulis XLIII comprehensa. Jam n. 369 Constantini Harmenopuli Hexabiblos. Ejusdem sacrorum Canonum, seu sacri juris epitome, librorum quinque. N. 371 Alexii Comneni Novellæ duæ. N. 384 Theodori Balsamonis, nomophylacis & chartophylacis magnæ Ecclesiæ, in Canones Apostolorum, Conciliorum & Canonicas Patrum epistolas enarratio. Sed hic erepta habemus pro amissis. Forte tamen Italiæ, forte Galliarum divitiæ Codicum horum recludentur iterum posteritati. Illud addo, Labbæum ipsi etiam Cujacio tribuere in titulo censuram Decem illarum Novellarum, de quibus supra, perinde uti Bonafidio & Leunclavio. Atqui a Bonafidio quidquid editum est 1573, id tunc primum editum fuit. Hunc librum quum ad Josephum Scaligerum mitteret, respondit is 18 Kal. Dec. 1606: *Heri vesperi tandem libellum tuum Juris Orientalis accepi. Præfationem (quam certe non reperio) statim devoravi: quam mihi admodum placuisse ex eo arbitrari poteris, quod nunquam e manibus emisi, priusquam ad calcem pervenerim. Sane optima est, & multi, qui nihil aliud quam scribere profitentur, non possent præstare, quod tu in hac adolescentia summa cum laude præstitisti. Natus erat Carolus 1582, adeoque habuit tunc annos forte XXIV. De eodem Scaligerana: Labbæus écrit fort bien en Grec; c'est un honeste jeune homme, docte & infatigable. Pergit epistola Scaligeri 351: Noli dubitare, quin Germani τὰς ἐκλογὰς τῶν βασιλικῶν cum istis tuis supplementis edituri sint. Nam diu est, quum exemplaria illius unice editionis non reperiuntur. Ego interea constitui cum tuis illa omnia conferre. Loquitur de editione Leunclaviana 1575 Basileensi. Diximus autem, eam rem plane aliter cecidisse. Sed & veteres glossas verborum juris, quæ in Basilicis reperiuntur, emendatiores jam & accessionibus non pœnitendis locupletatas Carolus paraverat. Easque iteratæ Editioni palam obtulit Philippus Labbens, Parisiis 1654. Nov. Biblioth. MSS. p. 131. Iterum frustra. Saltem vero istud doleo, Philippum hunc nobis non singulos Codices Regios, qui ad**

ad notitiam juris attinent, recitasse. *Infinitus sm*, ait p. 130, *Nomina minutatim percurrere velim. Certe hic obstreperit bibliopola, monetque, ut tandem manum de tabula tollam, & spicilegium aliquod secuturis, si Numen faverit, editionibus non invidiam.* Forte non favens habuimus Numen. At quando Codices Theologicos percurrerat Labbeus singulos, tunc nemo obstrepebat. Sed illud male habet: *Codex 740 Glossæ juris, & alia ad Jus Græcum spectantia, per otium expendenda.* p. 281. Otium hoc adhuc hodie ferendum est. Et p. 383: *Sunt & quedam alia, ad Jus Græco-Romanum spectantia, in Codicibus Naudæanis 65 & 76, quæ alias non omittentur.* Ecquando? Erat autem Philippus noster Presbyter, non Juris amans neque peritus. Hinc qualescunque illæ exeufationes p. 130, 271, 276, *jam editam esse maximam illorum MSS. partem a Joanne Leunclavio, Tomo I & II Juris Græco-Romani.* Et jactat sane Freherus, eum sua ex variis Europæ Asiæque bibliothecis eruisse. At vero Leunclavius codices Regios istos nunquam vidit, neque ex iis quidquam edere potuit, ceu toties evicit Carolus noster, ad vitæ finem adeo Patronus Parisiensis. Deoque sit laus, quod Glossaria ipsius Latino-Græca & Græco-Latina, quæ Ægidio Menagio moriens (1657) commendaverat, lucem tandem 1679 Lut. Paris. tecto nomine editoris adspexerunt, illisque adjectum est specimen emendandarum Veterum, de quibus diximus, Glossarum Græcarum. Quumque ibi extet etiam inscriptio Thuanæ, 5. Kal. Sept. 1666, sola adhuc desideratur præfatio, Scähigero tantopere laudata, ejusdem anni.

**JOHANNIS CONRADI BARCHUSEN COL-
lecta Medicinæ Practicæ Generalis.**

Amstelodami, apud R. & G. Wetstenios, 1715, 8.

Alph. 1 plag. 9.

CUM Medicina observatione rerum homini aut nocentium, aut opem ferentium, ad culmen fere summum pervenerit, per immoderatam vero recentiorum philosophandi, novasque hypotheses fabricandi cupiditatem, & quæstum faciendi studium moram impedimentumque passa fuerit, quo minus amplius ad apta dignitatem, majoremve perfectionem consecuta hætenus fuerit, e re tyronum Medicinæ futurum credidit Clariss. Barchusen, si ea, quæ ad Praxin Medicam generalem attinent, ex

variis in Medicina celebribus Autoribus collegerit. Hunc igitur Tractatum in IX dispescit capita, in quorum I de munis Medici & de signis tam diagnosticis, quam prognosticis agit; in II temperamentorum & partium læsarum notas explicat; in III morborum differentias, tempora, crisin, metastases & recidivas tradit; in IV methodi medendi leges generales suppeditat; in V signa ex universi corporis habitu, motu & decubitu, ut & de functionibus voluntariis desumpta explanat; in VI in signa, quæ actiones tam animales, quam vitales & naturales suppeditant, inquit; in VII de corporis excrementis differit; in VIII quæ in corporis superficie fuerint annotata, communicat; & in IX ex partibus corporis exterioribus prædictiones format. Sub calce libri Dialogus de optima Medicorum secta legitur, ex quo in gratiam Lectoris pauca excerpemus. In hoc scilicet, postquam in Medicinæ originem, ejusque in sectas divisionem inquisiverat, Empiricam Sectam omnium optimam esse evincit, viamque demonstrat Autor, qua ad eam cum ratione conjungendam pervenire liceat. Veteres siquidem Empirici *αὐτοψίαν*, historiam & *μετάβασιν* magni fecerunt. Autopsiam appellabant, quod aliquis proprio motu sæpe numero observavit; Historiam dixerunt esse rerum circa idem objectum probatarum narrationem; Metabasin comparisonem affectus cum alio affectu, remedii cum remedio, loci cum alio loco esse voluerunt. Convenit itaque inter Medicos, finem primum Medicinæ esse mederi, quem qui assequi cupit, non opinari, nec disputare, sed scire & experiri debet, quid natura aut facere aut tolerare queat. Nec tamen opus est, perfectam corporis humani cognitionem a priori ante sibi comparasse, quam Medicinam facere quis aggrediatur; cum magna sit differentia inter machinam seu automatum atque corpus humanum, a summo artifice, DEO, conditum, quoniam in illius cognitionem arte, in hujus vero nullo modo pervenire licet. Præstat igitur loco hujus scrupulosæ & operosæ investigationis in morborum naturam & curationem inquirere. Morborum quippe genus & differentias ex signis cognoscimus, quæ in sensus incurrunt, quorum ope deinde judicamus de iis, quæ in obscuro posita sunt. Observatione namque morborum & remediorum continuo instituta Medicina inventa est, & actorum observatio crebra peperit experientiam

tiam; quin imo eadem si diligenter fuerit continuata, sola facit ad artis incrementum & perfectionem. Absit tamen, ut ratio exulat omnis, quæ potissimum versatur in juvantium & nocentium natura investiganda. Nec Indicatio, quam quidem Empirici negligebant, sine usu est, ea præsertim, quam nobis causæ evidentes subministrant. De cetero monendum adhuc restat, amplissimum Indicem rerum memorabilium huic operi accessisse.

MEMOIRES DE LITTERATURE.

i. e.

COMMENTARIJ REI LITTERARIÆ

Tomus I.

Hagæ Comitum, apud Henr. du Sauzet, 1715, 8.

Plag. 14.

CUM de libris novis, quæ magno hodie numero prostant, Diaria satis avide evolvantur, non minorem se apud eruditos gratiam initurum credidit Commentariorum horum Autor, si de veteribus libris dicere institueret, qui vel a raritate, vel a præstantia commendari mereantur, aut omnium quondam oculos in se converterint. Longe enim plura & notabiliora de his referri posse, quandoquidem & fata tum prospera, tum adversa, quæ auctores quidam ob libros a se editos subierunt, & de libris ipsis judicia eruditorum, censuræ, refutationes, apologiæ, variorum item editiones, auctæ, emendatæ, truncatæ, corruptæ, nec non alia sexcenta veniant commemoranda. Hæc sedulo observata ab Autore in præsentem opere, etsi materiam ipsi præbeant uberissimam, ulterius tamen progredi, integraque subinde opuscula inferere, quæ ad historiam, rem literariam, librorumque editiones spectant, tum etiam quorum præstantia simul & raritas desiderium sui dudum apud eruditos excitarunt, ipsi visum est.

De binis itaque Guil. Postelli libris rarioribus primo hoc Tomo dicturus præstantissimus Autor, Vitam ipsius præmittit, quam multi delinearunt, Crucimanius vero amplissimo Commentario exponere in se recepit, quanquam nihil ejus adhuc comparuerit. Diligenter hic inter se comparavit Autor Scriptores de vita Postelli, quos inter præ ceteris usui ipsi fuit paucis alias cognita Historia Monasterii S. Martini de Campis, edita Parisiis 1637, 4, Autore Martino Marrier, ejusdem in hoc monasterio conclavis incola, quod ante ipsam Postellus inhabitaverat.

Pag. 3.

Hinc enim nostro innotuit tempus mortis, & Epitaphium Postelli, aliaque de eo singularia, pars item vitæ ipsius ex fragmento Codicis Thuanei: hinc imaginem quoque Postelli ad vivum expressam cum versiculis quibusdam ei adjectis desumlit. Miramur autem, non innotuisse Viro diligentissimo B. Itigii nostri cum cura elaboratam de Guil. Postello dissertationem. His itaq; instructus adminiculis Cl. Autor non tantum vitam Postelli accurate recenset, sed varios quoque errores ab aliis circa idem argumentum commissos emendat. Sic Theod. Beza in Historia Eccles. ad A. 1553 tradit, Postellum Jesuitarum sacris jam fuisse initiatum, cum Viennam perveniret, cui Ordini tamen paulo post demum est adscriptus. Idem sibi ipsi contradicit, cum refert, Postellum A. 1552 Roma Parisios rediisse, quem paulo ante sub tempus mortis Carassæ i.e. Pauli IV Pontificis (quem anno 1559 obiisse constat) Romæ e carcere liberatum esse affirmaverat. Jesuitis etiam accenset Postellum Stephanus Pasquier in Oratione contra Jesuitas, quem tamen non nisi Novitium Ordinis sui fuisse Renatus de la Fon in Defensione Jesuitarum contendit. Videri vult Autor Conatum literariorum (*Essais de Litterature*) legisse librum Postelli, quem *Virginem Venetam* inscripsit; suorum vero eum facere lectoribus, ex eo demonstrat Noster, quod Latina lingua exaratum eundem esse dicat, quem lingua Italica conscriptum esse conslet. Dubitat etiam Noster, utrum recte dicatur Postellus ob portentosa, quæ publicavit, dogmata, inclusus esse Monasterio S. Martini de Campis; sed cum nec ipse dubiis suis multum tribuere videatur, nos iis non immorabimur, præcipue quod ad singula facile responderi queat. Variant quoque circa tempus mortis Autores, quos plerosque redarguit supra laudatus Martinus Marrier, hoc ejus Epitaphium, mendose in Observationibus Halensibus T. III (quæ a variis Viris elaboratæ uni Cel. Thomasio minus bene hic tribuuntur) & ab Ant. Teisserio relatum, asserens:

POSTELLUS POSTQUAM PERAGRAVIT
FLURIMA PASSUS

PRO PIETATE POLOS PARISIIS PETIT.

OBIIT SEXTO SEPTEMBRIS 1581.
MOERENS PONEBAT ADRIANUS, TARTRIER MEDICUS.

Maxime autem omnium occupatum tenet Nostrum ætas Postelli, cui alii 130 aut 110, alii 95 aut 96, plurimi vero 100 circiter annos tribuunt. Mart. Marrier in Historia Monasterii de Campis ait, eum annos 76, menses 3, dies 9, vivendo absolvisse; cum quo consentit etiam Thevetus in Vitis Virorum illustrium; edocuit vero Nostrum Vir magnus & fide dignus Parisiis degens, habere se in manibus Testamentum Postelli ipsius manu die 2 Decembris anni 1567 exaratum, quo fateatur is, se die 25 mensis Martii proxime præterlapsi annum ætatis 57 esse ingressum; unde colligere licet, eum anno 1510 natum post annum æt. 71, nonnisi menses 5 dies 12 supervixisse. Nihil tamen hic audeat definire Autor noster, qui inter varia in laudem aut vituperium Postelli dicta id etiam commemorat, Epistolas ejus omnes Parisiis custodiri a Viro docto, qui editionem earum molitur, pluraque scripta ejus anecdota Cel. Baluzium possidere.

Pag. 22.

28.

30.

33.

41.

2. Alterum locum occupat rarissimum juxta atq; eruditissimum opus Postelli *de Orbis Terra Concordia*, Basileæ ap. Jo. Oporinum 1544, f. impressum, cujus liber I antea minore forma excusus fuerat, cujusq; ope hæreticos, gentiles & Mahometanos facile confundi posse Spondanus existimavit. Hujus libri analysin cum instituisset Autor noster, duo potissimum in eo reprehendenda esse monet; tum quod dogmatibus Philosophiæ Scholasticæ innutritus Postellus obscurius fere animi sensa explicet; tum quod numero potius, quam pondere argumentorum certare videatur. 3 Eodem quoque obscuritatis vitio laborat, quod tertio loco sequitur, *de Nativitate Mediatoris ultima & toti Orbi terrarum in singulis ratione præditis manifestanda Opus; Autore Spiritu Christi, Exscriptore Guilielmo Postello, Apostolica professione Sacerdote*, impressum Basil. 1547 in 4.

4 Notatu digna sunt, quæ ex libro Henrici Stephani, *L' Introduction au Traité de la conformité des Merveilles anciennes avec les modernes, ou Traité préparatif à l' Apologie pour Herodote*, inscripto referuntur, cujus duodecim omnino editiones, omnes, unam si excipias, a se visas, recenset Noster. Excuderat maximis sumptibus Herodotum Stephanus, cui ut nocerent monachi, Historicum ubique ut fabularum minime verisimilium architectum tralucebant. Horum calumniis obviam iturus Stephanus, ostendere libro hoc instituit, iis gemina, si non deteriora, patrum memoria accidisse, totq; detestanda undecumq; collegit & stulta hominum pessimorum facinora, quæ humanum in universum in ruborem dare possent. Præcipue in hoc thez-

- tro scelerum execrandorum non postremæ partes sunt monachorum, quos hoc facto mirum quantum irritaverat Stephanus; quamvis vivicomburium eum fuga evitasse, crematumque esse ea de causa in effigie, cum Alpes transcenderet, gratis a Corn. Tollo, Robertum patrem cum Henrico filio confundente, asseratur. **Pag. 40.**
- 44.** Ceterum licet multa liber hic contineat otiosa & nihili æstinanda, etsi stilo etiam conscriptus sit nimis diffuso, auctorque nonnulla iterum iterumque repetat, fatendum tamen est multa ibi legi singularia & alibi haud temere reperiunda.
- 60.** 5. Sequitur vita Franc. Seraphini Regnierii Desmarets (qui A. 1713 octogenario major decessit) ab ipso in gratiam Academiæ Florentinæ *della Crusca*, cujus ille, sicut & Academiæ Gallicæ, fuerat membrum, conscripta; digna illa quidem lectu, sed quam repetere hic spatii, quo circumscribimur, vetat angustia.
- 76.** 6. Subjungit Autor recensionem Arithmeticonum Diophanti Alexandrini s. potius Præfationis iisdem a Claud. Casp. Bacheto Meziriaco editioni Parisiensi anni 1620 præmissæ, quod eandem multis licet rebus memoratu dignis refertam, in sua editione Tolosana anni 1670 recudi non curaverit Fermatus.
- 90.** 7. Hanc excipit Vita Æsopi ab eodem Meziriaco conscripta, adeo rara, ut, licet tæ minimum impressa, a Cel. Bælio tamen diu frustra sit quæsitæ.
- 104.** 8. Hinc de Arrestis Amorum agit Autor noster; quo opusculo Martialis Arvernus sæculo XV varias quæstiones ludicas & amatorias ad imitationem societatis cujusdam in Gallia *la Cour d'Amour* dictæ decedit, in quas serio & arduo conatu Commentarium scribere aggressus est Benedictus Curtius Symphorianus, eruditum illum quidem & magno juris apparatu instructum, sed qui inter nugas difficiles suo quodam jure sit referendus.
- 116.** 9. Belli deinde Jobelinorum & Uraninorum Historiam quoniam texere conatur Autor, cujus hæc fuit origo. Benferadius, celebris Poeta Gallus, cum illustri cuidam fœminæ Paraphrasin in Jobum mitteret, addebat versiculos nonnullos ad eandem, qui magno cum applausu ab omnibus fere legebantur; erant tamen, qui Vetturii carmen in fœminam quandam, cui Uraniæ nomen dederat, præferre auderent. Qua super re non modo omnis eruditorum ordo, aulæq; ingenia elegantiora in partes discessere, sed carminibus etiam ab utraq; parte divulgatis decertatum est, unde postea illi quidem *Jobelini*, hi vero *Uranini* a Gallis dicti sunt.
- 135.** Sub numero 10, 11, 12, recensentur Opera Marci Hieron. Vidæ ex editione rarissima Cremonensi 1550, 8, in quibus varia notantur; Macaronica Merlini Coccaji, sub quo nomine Theophilus Folengus Mantuanus, monachus Benedictinus, latet, & P. Ant. Vieiræ Jesuitæ Orationes Sacræ ex Hispanico in Italicum sermonem translatae,
- 139.**
142.

latæ, quæ versio emphasin auctoris aliquando non satis assequi, Nostri iudicio, videtur.

13 Affertur deinde vetus Inscriptio, non ita pridem Lugduni Gallorum eruta; quæ cum florentissima Galliæ ingenia adhuc exercuerit, (cujus rei fidem faciunt varix nuper Diario Trevoltienfi Mense Majo & Junio insertæ Dissertationes,) visum est eam integram hic oculis Lectorum subjicere.

145.

D & ET & MEMORIÆ & M
AETERNAE & HYLATS
DYMACHERO & SIVE &
ASSIDARIO & P & VII & RV & I
ERMAIS & CONIVX &
CONIVGI & FARISSIMO
& P & C & ET & S & AS D &



Hujus

Hujus Inscriptionis binas Autor noster exhibet interpretationes, alteram summi cujusdam Viri, alteram vero Domini Moreau de Mautour. Nos priorem, quia brevior est & Latino sermone constat, hic repetendam duximus, quæ ita se habet: *Quid petis, V. Cl. multa a me scribi ad hanc inscriptionem, quæ se ipsa satis aperit, quum primus versus habeat lusum sæpe a Lapidis positum transferendo vocabulum, quum intelligi debeat DIIS MANIBUS ET MEMORIÆ ÆTERNÆ.* Nota autem + quum varie possit explanari, simpliciter nunc videtur poni pro genitivo *HILATIS*, ut ab tertio versu demum incipiat vera inscriptionis ratio & formula, quæ exigebat dativum, quem ab ejus arte inchoat, *DYMACHERO SIVE ASSIDARIO*, ut fuerit gladiator, sed duplicis generis. Nam postremum sumo pro *Essedario*, prout jam in ipso *Lipso* (in lib. Saturn.) ista varietas ostentatur. Prior autem se ipse explanat. Hic igitur sive *Dymacherus* sive *Essedarius* habuit *PRAEMIA SEPTÊM, RUDEM UNUM*, ut constet inter premia & rudem fuisse; nisi quod possis etiam velle *Rudes* duos, quoniam ista vocalis, quæ sequitur, pro gemina ii solet poni, ut constet præter *Rudem* fuisse alia premia pecuniaria, &c. Infimus versus explanari debet, *PONI CURAVIT, ET SUB ASCIA DEDICAVIT*, ex more. Vale.

Pag. 151.
157.

165.

172.

180.

14. 15. Post varia ingeniose dicta ex Balsaci Dialogis excerpta, tres Epistolas adhuc ineditas exhibet Autor noster, de abdicatione *Christinæ Suecorum & Vandalorum Reginae*; binas scilicet *Canuti Suecici* ad Regem *Christianissimum Legati*, cum responsione *Reginæ* ad priorem. 16. Collectio deinde *Scriptorum de Memorabilibus & claris mulieribus*, quam *Jo. Ravisius Textor Paris. 1521, f.* in lucem edidit, tanquam opus rarum, recensetur, variaque fabulosa & ridicula ex *Jac. Philippi Bergomensis*, qui præcipuus fere istorum *Scriptorum* est, commemorantur. Communicat denique 17. Autor Epistolam ad se scriptam, quæ editio *Quintiliani* cura *Sim. Colinæi Paris. 1541, 4^o* excusa valde extollitur, *Raynaldi, Maridati & Solerii de Pileo scripta*, quæ laudantur, unum eundemq; *Theoph. Raynaudi Jesuitæ librum* esse docetur, in editione tamen quæ *Solerii* nomen præfert, valde mutilatum & figuris æneis admodum ridiculis oneratum; vatii præterea *Chevraei errores* notantur, verusque *Longolii, Casauboni & Meursii locus natalis* ex ipsorum scriptis indicatur. 18. Agmen claudunt variae observationes litterariæ jucundæ pariter atque utiles, quæ sane palatum lectorum movebunt, desideriumque subsequendum, quorum spem facit Autor, *Tomorum operis elegantissimi*, cui etiam chartæ typorumque nitor perbelle respondet, apud peritos ejusmodi deliciarum aestimatores excitabunt.

ACTA ERUDITORUM,

publicata Lipsia

Calendis Decembris, Anno M DCC XV.

Das Teutsche Reichs-Archiv.

i. e.

ARCHIVUM IMPERII ROM. GERMANICI,
collectore JOANNE CHRISTIANO
LUNIGIO.

Tomi XIII.

Lipsiæ, apud hæredes Frid. Lanckisii, 1710-1714, fol.

Alph. 181 plag. 19.

A Liquoties in Actis nostris Cl. Lunigii laudata est industria, qua Germaniæ res illustrare adhuc studuit, inprimis vero magnum opus, quod Archivum Imperii inscripsit, elucet, de cujus Tomis, separatim hoc quinquennio editis, etsi prolixius subinde agi potuisset, integri tamen operis, quod nunc demum prostat, conspectum exhibere maluimus. Dividitur illud in partem generalem & specialem, quarum illa tribus, hæc decem voluminibus absolvitur. Parte generali S. Rom. Imperii leges fundamentales, Aurea Caroli IV Bulla, Pax religiosa & profana, Capitulationes, Comitiorum & Deputatorum Recessus, Osnabrugensis, Monasteriensis, Neomagenensis, Rysvicensis Pacis instrumenta, aliaque a tempore Aureæ Bullæ Caroli IV usque ad Invictissimum CAROLUM VI Imperatorem hodie regnantem promulgata, continentur. Has variæ Imperii, Judicii Cameralis, & Aulici, Criminales, Monetariæ & Politicæ Ordinationes sequuntur, quas Matricula Imperii, acta etiam præsentium ab anno 1663 duranti-

um Comitiorum Ratisbonensium, quatenus publicum Imperii flatum concernunt, cum Imperatoriis edictis excipiunt, in quibus inprimis dedit operam Cl. Lunigius, ut accurate omnia & a mendis purgata excuderentur. In Aurea Caroli IV Bulla edenda Thulemarium secutus est, qui cum originali collatum, reliquisque editionibus accuratius exemplum dedit; cui etiam Capitulationem Maximiliani II Regis, quam & Geldastus & Limnæus & Carpzovius non nisi corrupte dederunt, debemus. Communicavit præterea cum Cl. Editore Cancellarius quidam per multos errores, ab editoribus Recessuum Imperii commissos, quos Noster emendavit, sublatis etiam sphalinatibus, quæ Ericus Mauritius aliique observarunt. Ordinationem Judicii Cameralis, quam quarto §. mutilatam dedit Editio Hanoviensis vetus, integritati suæ restituit. Eminent præterea Extractus ex Libro Archivi Ulmenfis, anno 1562 studio Melchioris Schererii Liberarum Imperii Civitatum Registratoris & Spirensis Urbis scribæ, ex authenticis actis confecti, quo gesta in comitiis Imperii ab anno 1356 usque ad annum 1500 continentur, cujus copiam sibi factam grata mente prædicat Editor. Denique Juris publici Germanici Examen, quod A. 1710 Latina lingua, forma, quam vocant, octava, editum Jac. Brunemann, Jcto, Assessori Scabinatus Regii in Pomerania Borussia & Syndico Provinciali, debetur, & brevitate rerumque selectu commendatur, Descriptio Electionis Imperatoris, Comitiorum, Judiciorum Imperii eorumque concurrentis Jurisdictionis accesserunt.

Pars Specialis Fœdera, Manifesta, Armistitia, Instrumenta pacis, recessus, concordata, uniones, & conventiones in rebus tam religiosis quam civilibus, pacta familiæ, statuta primogenituræ, litteras investituræ, expectativas, pacta dotalia, reversales litteras, venditiones, obligationes, cessiones, renunciationes, testamenta, codicillos, statuta ordinum tam ecclesiasticorum, quam politicorum, capitulationes, ganerbinatus, tractatus commerciorum, & stapularum, privilegia, diplomata, aliæque I Imperialem regiamque domum Austriacam, II Jura Electorum & omnium Statuum Imperii, III Electores & Principes ecclesiasticos, & IV seculares, V Prælatos & Abbatissas, VI Comites & Ba-

rones

rones S. Rom. Imperii, VII civitates immediatas, IIX nobilitatem immediate Imperio subjectam, tandemque IX civitates Hanseaticas & majores municipales concernentia complectitur, e quibus vel rarissima monumenta enumerare prolixum foret nimis & ab instituto nostro alienum, tantum abest, ut specimina afferre ex opere tam vasto liceat. Et propositum quidem fuerat Cl. Auctori hac ratione colophonem operi imponere; enimvero quum deprehenderet, se diplomata, quæ ad Status Germaniæ Ecclesiasticos eorumque jura spectant, uno opere complecti, non posse obtinere, nec prompte adeo, quæ de Episcopis & Abbatibus immediatis desiderabat, consequeretur, novum inde *Spicilegium Ecclesiasticum Archivi Imperii, sive Germaniam sacram diplomaticam* magna cura magnisque sumptibus colligere cœpit, quod proxime absolvendum, Pontificum, Cæsarium aliorumque diplomata, fundationes, donationes, statuta, privilegia aliaque documenta complectetur, quibus christianæ religionis in Germania fata & Archiepiscoporum, Episcoporum, Teutonici & Joannitici ordinis, Abbatissarum & Abbatum jura & historia illustrabuntur. Hoc *Spicilegium* aliud *Sæculare* sequetur, in quo documenta varia rarissima, maximam partem inedita, quæ amplissimo commercio literario collegit, invenientur. Quo labore finito Indicem generalem accuratissimum totius vasti operis concinnabit, separato Tomo edendum, quo efficiet, ut ad usum accommodatius reddatur tot Voluminum opus eximium. Ceterum non uni labori intentus est: nam dum *Spicilegia* illa, quæ diximus, sub prelo sudant, prodiit hoc ipso anno opus non minus elegans sub titulo; *Europäische Staats-Consilia*, duobus haud modicis in fol. Voluminibus, de quibus dicemus alio tempore; & jam Nobilissimus Auctor totidem Voluminibus (quorum primum jam prelo absolutum est) *Deductiones* jurium summorum Imperii Statuum, maximam partem rarissimas, ac publica autoritate conscriptas sub titulo: *Grundfeste Europäischer Potenzen Gerechtsame*, magno haud dubie Eruditorum fructu, edere parat, nec alia posthac cimelia invidet Germanis nostris, quæ ut feliciter absolvat, serio precamur.

*PHILIPPI A LIMBORCH, SS. THEOL. INTER
Remonstrantes Professoris, Theologia Christiana. Editio
quarta ab Auctore recognita & aucta. Accedit Relatio hi-
storica de origine & progressu controversiarum in Fæde-
rato Belgio de Prædestinatione.*

Amstel. apud Rod. & Gerh. Wetstenios, 1715, fol.

Alph. 10 plag. 8.

QUamvis operis hujus contenta jam pridem in Actis A. 1686 p. 515 enarraverimus, atque in iisdem A. 1713 p. 41 ex Cl. Clerici Oratione funebri, quam novæ huic editioni præmissam fuisse animadvertimus, Limborchii vitam & scripta communicaverimus, e posthumo tamen tractatu de origine & progressu controversiarum in Fæderato Belgio de prædestinatione, qui huic Editioni accessit, nonnulla addere non abs re duximus. Ante vero quam id fiat, monendum erit, quod ipse Autor secundam A. 1695 & tertiam editionem A. 1700 adornaverit, easdemque partim emendaverit, partim in multis locis, quibus dogmata quædam aut pluribus illustranda ac dilucidius explicanda, aut aliis iisque novis argumentis, vel doctorum virorum testimoniis confirmanda putaverat, auctiores reddiderit, curam vero præsentis editionis, quæ quarta est, Gisbertus Ostens, qui sacro prædicandi Evangelii munere fungitur, in se suscepit. Præterea significandum esse arbitramur, quod Theologia hæc Christiana apud Belgas Britonesque in tanto pretio fuerit, ut illam in vernaculam traduxerint. Jam quod ad opus posthumum attinet, originem controversiarum in eo primum indagat Limborchius, & Augustinum fervore disputandi cum Pelagio abreptum sententiam de absoluta prædestinatione, quam doctores primitivæ Ecclesiæ hactenus ignoraverant, proposuisse ac eandem animose defendisse docet. Postea de illo argumento hinc inde in Ecclesia disputatum fuisse asserit, donec post tempus Reformationis Lutherani ad exemplum primorum Doctorum Christianorum prædestinationem conditionatam tueri, Calvinus vero, Genevenses, & nonnulli in Germania, Helvetia alibique non tantum Augustinum sequi, sed & illius

illius sententiæ novum articulum, quod scilicet vera fides non possit penitus amitti, superaddere cœperint. In Ecclesiis Belgicis licet semper prædestinationis conditionatæ patroni fuerint, variasque propterea molestias æquo animo tulerint, neminem tamen eorum ex instituto hanc materiam exposuisse, pluresque adeo adversarios præter ipsum Jacobum Arminium discipulos ejus habuisse prolixè commemorat. Quum enim is ad Ecclesiam Amstelodamensem vocatus, aliquando in explicanda Pauli epistola ad Romanos versaretur, ac in capite nono de absoluta prædestinatione nihil omnino deprehendi pro concione affirmaret, Petrus Plancius eum coram synedrio accusavit, sed Arminius litem statim composuit, & ad Plancii objectiones respondit. Quum porro Theologiæ Doctor & Professor in Academia Lugdunensi constitutus in publica quadam disputatione doceret, divinam prædestinationem esse decretum, quo Deus fideles in Christum & in fide perseverantes justificare & salvare, infideles vero damnare statuisset, paucis post mensibus disputationem illi extra ordinem opposuit Franciscus Gomarus, in qua sententiam suam de prædestinatione hominum, ante lapsum consideratorum, assertum ivit, & pro objecto prædestinationis creaturas rationabiles, damnabiles, creabiles, reparabilesque venditavit. Ob hæc contentiones convocanda fuisset Synodus Nationalis, si modo de tribus potissimum capitibus, videlicet de controversiarum in doctrinæ negotio iudice, de norma, secundum quam judicandum foret, de revidenda tum Confessione Belgica tum Catechesi Palatina, inter Gomarum & Arminium convenisset. Haud equidem multo post ab Ordinibus Hollandiæ vocati in Confessu inter se invicem contulerunt, sed irritò successu, tum quod Gomarus controverſiam multum exaggeraret, tum quod Arminius vix finito colloquio in gravem morbum incideret, atque ex hac vita emigraret. Post obitum Arminii Uitenbogardus & Simon Episcopus de auctoritate Magistratus Christiani circa sacra adversus Gomarum & Antonium Walzum disputarunt, ac penes summum Magistratum supremam circa externum Ecclesiæ regimen potestatem esse contenderunt. Interea dum Ecclesiastici omnes cum Arminio idem de prædestinatione sentientes Eccle-

siis expellere ausi fuerant, nonnulli ex Arminianis libellum supplicem, titulo Remonstrantiæ, a qua postea Remonstrantes appellati sunt, Ordinibus Hollandiæ obtulerunt, suamque sententiam quinque articulis comprehenderunt. Ast huic Remonstrantiæ Contraremonstrantiam opposuerunt adversarii, unde & Contraremonstrantes dicti, qui nihil magis quam schisma moliebantur, & de idonea ratione universalem unanimeinque secessionem formandi deliberabant. E contrario Remonstrantes mutuam dissentientium in articulo prædestinationis tolerantiam urgebant, prout Ordines in Collatione Hagienfi antea decreverant. Agitata fuit hæc controversia inter Jacobum Taurinum & Triglandium, donec in Synodo Nationali, cum Hugo Grotius multis rationibus Magistratui Amstelodamensi, ut consilia pacis & tolerantiae amplecteretur, persuadere frustra conatus fuisset, edicto Ordinum Generalium Remonstrantibus publici conventus religiosi serio interdicerentur. Nihilominus, cum illis privatum religionis exercitium concederetur, novæ controversiæ de separatis Remonstrantium cœtibus, de libertate conscientiarum, ac de hæreticidii ortu sunt. Cumque confessionem fidei suæ ederent Remonstrantes, controversia de auctoritate confessionum renovata fuit. Tandem concludit Limborchius, Remonstrantes cum Contraremonstrantibus, nisi sua, quam veram credunt, abnegata sententia, nullam habere posse unionem, neque eos schismatis olim facti & ad hodiernum diem continuati ullo modo reos esse, etiamsi post suam a Contraremonstrantibus in synodo Dordracena factam condemnationem separatos cœtus religiosos celebraverint.

**ANNOTATIONES PHILOLOGICÆ IN NOVUM Testamentum, ex Polybio & Arriano collectæ
a M. GEORGIO RAPHELIO.**

Hamburgi, apud Christ. Liebezeit, 1715, 8.

Alph. 2 plag. 4.

Difficiliora vocabula Græca in N. T. dilucidius juxta genuinæ eorum significationes ex Auctoribus Græcis enarrare pergit Maxime Rever. Raphelius, Ecclesiæ Luneburgensis ad D.
Nic. 'ii

Nicolai hodie Pastor, & quemadmodum antehac Xenophontis dictionem, uti in Actis A. 1709 p. 109 diximus, ad sacros usus transferre conatus est, ita cum Isaaco Casaubono voces nonnullas, quæ in divinis literis rariores sunt, in Polybio frequentes esse docet, suasque annotationes hortatu celeberrimi viri, Jo. Alberti Fabricii, publicæ luci nunc exponit. Polybio adjungit Arrianum; quandoquidem exantlatis laboribus Xenophonteis Arrianum statim legerit, & quædam notatu non indigna in eoprehenderit, consiliumque olim ceperit de adornanda librorum ejus de expeditione Alexandri M. nova editione, quæ studiis juventutis potissimum inserviret, ac ita comparata esset, ut ex Bœcleri consilio Arrianus & Curtius inter se comparari, & hac ratione una opera utraque lingua excoli posset. In Præfatione conatum suum adversus dissentientes prolixè defendit, moremque sacras paginas ex profanis Autoribus illustrandi non novum sed antiquum esse exemplis probat, ac in evolvendis conferendisve divinorum oraculorum cum Polybii & Arriani locis eo imprimis respicere se voluisse monet, ut modo verborum locutionumque natura explicaretur, modo constructio dubia testimoniis comprobaretur, modo Græcismi ac Hebraismi vindicarentur, modo elegantia sermonis Biblici ostenderetur, modo sententia sacræ similis afferretur, interdum etiam aliquid ex veteri historia depromeretur. Dabimus ejusmodi observationum aliquot specimina; sic τὸ κάρφον, Matth. VII, 3, Polybio est minutulum quoddam lignum, quo nota quadam insignito pro tessera militari utebantur Romani. Ad cap. IX, 35 Stephanum refellit, qui κώμας munitas dari negat. Ἀσελγεια, Marc. VII, 22, quam Interpretes de lascivia sive impudicitia accipiunt, ei est injuria, quæ famæ & fortunis alterius vel corpori animo malitioso infertur. Hebraïsmum cap. X, 26 occurrere perperam arbitratus est Grotius, quandoquidem Noster Arrianum particulam καὶ ita usurpare observat. Hammondus Act. III, 13 κατὰ πρόσωπον Πιλάτου contra voluntatem Pilati interpretatur, sed coram Pilato exponendum esse, ex Polybio demonstrat Raphaelius, atque ex eodem ad cap. VII. 43 Deorum simulachra τύπες vocari animadvertit. Ποιεῖν χρόνον, cap. XV, 33 phrasin pure

Græcam esse, & ἀκροατὰς, Rom. II, 13 non tantum auditores, sed etiam lectores appellari, itemque κατὰ καιρὸν, cap. V, 6 suo tempore, quando Deo commodum visum fuerit, denotare monet. Συγκλείειν εἰς πίσιν, Gal. III, 23, significare ad fidem adigere, eo necessitatis quem redigere, ut ad fidem tanquam sacram anchoram confugere cogatur, ait. Ad Phil. II, 6 animadvertit, ἀρπαγμὸν ἡγήσασθαι esse rei vehementer desideratz & amatæ potiundæ occasionem oblatam avidissime arripere, neque pati, ut ullo modo ea elabatur, nullam moram interponere, sed statim rem optatam persequi, & eam studiosissime cum summa lætitia occupare, eaque perfrui. Singulas hæc annotationes luculentis Polybii & Arriani testimoniis confirmat, ac interdum loca N. T. quæ in Opere Xenophonteo exposuit, ulterius ex his Scriptoribus illustrare conatur. Ceterum in votis habemus, ut labores, quos in LXX Interpretes, quorum orationem cum Novi Fœderis sermone comparabit, conferre cœpit, continuare atque cum Eruditis communicare velit.

M. JO. CHRISTIANI BLUMII, S. T. B. ANIMADVERSIONUM SACRARUM, ad commata quædam Fœderis Antiqui selecta, Pentas secunda.

Lipsiæ, impensis hæredum Lanckii. 1715, 8.

Plag. 9.

DE prioribus quinque ad antiquum Fœdus Animadversionibus in Actis A. 1711 p. 331 dicere cœpimus; jam sequitur Animadv. VI, in qua Cl. Auror, Collega noster honoratissimus, edictum divinum, Exod. XIX, 24, de non facienda in montem Sinai promiscua irruptione expositurus, memorabile discrimen in V. & N. T. obvium ostendit, causasque prærogativæ, qua fideles post Christum natum gaudere possunt, studiosius considerat. Βίασμὸν optime per fervens desiderium ad promissum Messiam accedendi, ac incredibilem conatum cum vehementia quadam, vi & audacia conjunctum, explicari posse arbitratur. Per כהני־־־ Levitas, quos Deus loco primogenitorum inter filios Israelis sibi conciliavit, intelligit, & licet illi peculia-

cularibus ceremoniis tanquam ordinarii sacrorum administri eo tempore introducti nondum fuerint, *προληπτικῶς* tamen eosdem in commate memorari putat. Animadv. VII ad Jos. II, 1, de ablegatione Ebræorum ad explorandam terram hostium verba facturus, in legatorum nomina, numerum, dignitatem officiumque inquirat, & *רחב*, apud quam legati in præcipua civitate Jericho diversari debebant, revera meretricem in statu ante conversionem fuisse censet, aliorumque argumenta, qui pro hospita eam venditant, sub examen vocat. Quod inhonesto *πρότης* titulo ea, etiamsi credentium numero jam adscripta fuerit, ab Apostolis adhuc insigniatur, cum in finem factum esse credit, ut sacri Scriptores partim ad pristinum vitæ genus respicerent, partim novum pœnitentiæ exemplum suppeditarent. Animadv. VIII locum Ezech. XXIII, 15, non tantum de idolo Babylonico interpretatur, sed etiam illud *נכסר*, cujus in libro Regum & apud Jesaiam mentio fit, appellari conjicit. Hinc de forma ejus humana, colore, quem purpureum fuisse opinatur, & ornatu reliquo tum capitis tum corporis multa differit, & ubi ad Chaldæos progreditur, Marshamum confutare conatur, qui originem Babylonis ad recentiora tempora, ad ætatem nimirum Nabonassari, referre haud erubuit. Animadv. IX occasione loci Dan. X, 13 statum Judæorum sub imperio Persarum enarraturus, & dura eorundem fata expositurus, de commoda tituli *שר שלכות פרס* interpretatione sollicitus est, nec alium, quam Ahalverum, Xerxis etiam nomine apud profanos Autores celebrem, indigitari posse evincit. Quorsum inter alia unum & viginti dies spectare ait, ubi Angelus loquens annorum regni Ahasveri procul dubio rationem habuisse existimandus sit. Per Michaellem vero intelligit Christum, qui templi ædificationem ad finem perducendam curaverit, & relictos in Oriente Judæos ab omni malo liberaverit. Animadv. X vaticinium Zach. XIV, 4 illustrare aggreditur, & Prophetam ad ultimos duos exaltationis gradus, videlicet ascensionem Salvatoris in cœlos ejusdemque ad dextram Dei Patris sessionem, respexisse, ac montem olivarum, unde Christus ascendit, omnium primum unicumque indicasse observat. Sen-

tentiam Whistoni, primam ascensionem ex Bethania ultimamque ex monte Oliveti factam esse autumantis, examinat, ac de incrementis Ecclesiæ Christi nonnulla in genere subjungit, specialiora autem in peculiari tractatu de propagatione Evangelii per omnes provincias inde ab ascensione Domini usque ad nostra tempora pollicetur.

BERNHARDI RAUPACHII COMMENTATIO
de officio Ministri Ecclesiæ ex mente & exemplo
Patrum Apostolicorum.

Kilonii, literis Barth. Reutheri, 1714, 8.

Plag, 15.

EXemplis clarissimorum Theologorum, qui doctrinam de sacro ministerio dilucidarunt, excitatus doctissimus Autor, eandem materiam ex instituto pertractare, suasque meditationes verbis Patrum Apostolicorum, quibus vel sparsim ac breviter nonnulla hanc in rem movent, vel suo, quid agendum sit, exemplo monstrant, comprobare allaborat. Sigillatim ergo de divina ministerii origine, vocatione Ministrorum Ecclesiæ, ordinatione Ecclesiastica, Clericorum ordine a reliquis Ecclesiæ membris distincto, Episcopis & Presbyteris, virtutibus & nominibus præconum Evangelii, prædicatione verbi & usu sacramentorum, cura docendæ veritatis Evangelicæ, prudentia in censendis hæreticis, ratione in tradendis vitæ Christianæ præceptis corrigendisque hominum moribus, publicis Christianorum cœtibus, Catechismo, domestica visitatione aliisque copiose differt, & varia testimonia ex Clementis Romani, Ignatii, & Polycarpi scriptis adducit. In fine Jo. Rivii librum de officio Pastoralis Ministrorum Ecclesiæ in pagis subjungit, eumque Misenæ A. 1548 primum, & Coburgi A. 1697 denuo excusum esse monet.

INSTITUTIONUM IMPERIALIUM EXAMEN
Theoretico-Præcticum. Autore ALB. FRID. BER-
NEGGERO, Consiliar. Aulic. Hohenl.
Barttensteinensi.

Frank-

Frankfurti, sumtibus Johannis Adolphi &
Joh. Guiliel. Rœnnagelii, 1714, 8.

Alph. 3 plag. 15.

Cum in studio Juridico Definitionum atque Divisionum non ultima habenda sit ratio, in quibus addiscendis illud imprimis crucem figit novis Justinianeis, ut eorum, quæ primo semestri magno studio ægre memoriæ impresserunt, postea ubi ad altiora, ipsaque adeo Pandectarum Volumina processerint, nulla sit recordatio, novosque rerum conceptus aliis penitus verbis involutos non sine dispendio temporis sibi formandos habeant; inde a multis hætenus tale compendium in Institutiones Juris desideratum est, quod in ipsa etiam Pandectarum tractatione suum præberet usum. Horum igitur desideriis Consultissimus Dominus Autor præsentis libello satisfacit, dum in explicatione Institutionum secundum ductum causarum per quæstiones succinctas instituta, Compendium Juris Schüzio-Lauterbachianum, in omnibus Germaniæ Academiis magno applausu receptum, ejusque Editionem, quæ anno M DCC I prodit, exacte sequitur, omnesque ejus *Descriptiones & Divisiones*, quæ ad Institutiones pertinent, retinet, loca parallela ex ipso compendio notat, loca obscuriora ex Collegio majori aliisque Lauterbachii Voluminibus supplet & illustrat, multa denique ex prælectionibus Illustris Harprehti aliorumque addit. Adeo ut illi, qui ductu Compendii Lauterbachiani Digesta aliquando sunt pertractaturi, isto labore non solum salutariter uti, verum etiam eodem carere commode non posse videantur.

Tradit vero in Proœmio Præcognita Juris Civ. atque Canonici, ubi qu. 22 de Novellis earumque Versione triplici agit, inter quas versionem vulgarem usu & praxi adeo receptam existimat, ut licet textus Græcus alium ostendat sensum, ab eo tamen in foro recedere haud liceat. In Tit. de Aut. Tutor. meminit effati Maximiliani II Imperatoris, quo Tutores Gerhaber Austriaco idiomate, nostro Gernhaber, appellare solitus fuit. Porro quoad Dona Patrinorum, vulgo das Pathen-Geld/ distinguit, an ea fuerint modica & ad peculium adventitium, an vero opima & inconsueta, maxime si Pater excellentioris est

pag. 7

185.

440.

Xxx 2

digni-

- pag. 1043. dignitatis, & ad peculium profectitium referenda autumat. An ultimo supplicio affici possint, qui res furtivas ab altero ablatas receptant, occultant, deque illis participant, disquiritur tit. de Ohl. ex Del. qu. 43. & variis ex rationibus affirmatur. Cur vero durior vindicta placuerit in furtis manifestis quam nec manifestis, sequens adfertur ratio, scilicet quia in illis major esset impudentia atque violentiæ inferendæ suspicio, quam quidem in his. Pœnam adulterii capitalem consuetudine tolli posse persuasum sibi habet in qu. 43 tit. d. *Publ. Judic.* Et licet lethali-
 1054. ter vulneratus demum post decimum, vicesimum vel tricesimum diem, imo plane post tot septimanas decedat, hoc tamen
 1141. pœnam ordinariam non impedire, qu. 82. Denique ædituum, *den Kirchner* / sacrilegii criminis reum esse, si ipse arcam sacerarum eleemosynarum effragat, vel aperiat. Quod si tamen ipse ex Eleemosynis a se collectis & nondum in ejusmodi arcam illatis, sed v.g. ex sacculo, *den Klingelbeutel*, aliquid retinuerit, esse sacrilegium, quoniam tum quodammodo adhuc in ejus fuerit custodia.

A. A. PAGENSTECHERI, JCTI, ADMONITORIA ad Pandectas. Ed. quarta auctior.

Groningæ, apud Joh. a Velsen, 1715, 8.

Alph. 2 plag. 15.

Est Celeberrimi Autoris eruditio, quam luculentis dudum specimenibus comprobavit, illudque ex merito positum a doctis huic libro pretium (quippe qui post triplicem Groningensem, Marpurgensensem, & Coloniensem Editionem exemplis magno numero divulgatis, quartum recudi debuerit) ut ejus commendatione ultro supersedeamus. Cum tamen hac nupera editione plurimis eruditis accessionibus, quæ non modo Juris sed & politiorum literarum studiosum oblectabunt, prodierit locupletatus, pauculis quibusdam ex additarum solum rerum larga segete specimenibus id monere consultum duximus. Principio quidem accessit Epistola nuncupatoria, qua Illustriss. L. B. de Prinzen gratias agit eas propter, quod Augusto Borussia Regi auctor extitit, quo Celeb. Autor luculentis conditionibus ad obeundam

dam in Academia Viadrina Antecessoris provinciam & Consiliarii Regii dignitatem vocaretur. Liber ipse vero cum ad *septenam* Digestorum divisionem compositus sit, ejus quoque in recensione hac seriem sequimur. Parte igitur I §. 1 vocem Pandectarum illustraturus, observat C. Apicii L. IV de re Culin. inscript. fuisse *pandektus*. §. 67 docet distinctionis bonorum in *acquisita* & *hereditaria* ingentem in Provincia Groningeni usum. §. 206 *dolum bonum* illustrat exemplis ex Horatio aliisque depromtis. Cum Partem II perlustramus. §. 44 docet, non modo Ventri tres partes servari, si quis uxore gravida decesserit, adeoque ventris coheredem *quartam* tantum petere posse, sed & legibus obstantibus ei sententiæ novis solutionibus satisfacit. §. 92 Servitutum *altius tollendi* ea in re constituit, ut ædes vicini nostris sumtibus, non vero vicini, ut alii censent, a nobis tollantur. In §. 117 monet, contra communem Jctorum sententiam, *actionem fonerariam* non esse ipsam actionem *Negot. gestorum*, aut ejus speciem, quia actio funer. oritur ex quasi contractu cum defuncto inito. Sepelire vero defunctum non esse Neg. gestionem a defuncto gerendam, quia cum quis mortuus, quo sepulchro inferatur, ipse curare non potest. Accedimus ad P. III, ubi §. 6 quæst. 3 vocem *remittere*, & quid sit *jusjurandum remittere*, ex Senec. II de Ben. c. 31, cum de *vicibus mittendi & remittendi pilam* loquitur, illustrari videmus. §. 25 ridicula Bartoli sententia, quod *actio Triticiaria* a Monacho Franc. *Triticio* nomen acceperit, refertur & exploditur. §. 68 p. 304-316 totus insertus est, agens accurate de SC. Vellejano, & præter cetera, l. 2 ff. de Reg. J. illustrans. Ita & §. 79 lux affunditur l. 5 §. 4 ff. de Præle. Verb. tum & §. 121 ad *relocationis* negotium illustrandum nonnulla addita sunt. In P. IV plurima materiz *sponsaliorum* titulisque de *matrimonio* agentibus accedere, uti ex collatione §. 93, 95, 105, 107 108 &c. apparebit. Observanda inprimis Cl. Autoris sententia, qui §. 109 statuit, si vidua, quæ statim mortuo marito alteri nupsit, intra menses novem partum enixa est, partum utriusque mariti debere censerit: conf. idem de Jure Ventr. p. VI §. 44. In P. V inserti sunt plurimi longiores §§. veluti §. 10, agens de quæstione, an *cæcus* testamento facien-

do possit testis adhiberi, ubi l. 9 C. de Testam. illustratur. Item §. 35. ubi negatur. per exheredationem jus suutatis abscindi. Pariter §. 86 ad argumenta nuper suggesta contra sententiam, quod fœminæ testes sint habiles in codicillis, respondetur. Ita & §. 156, agens de autore regulæ Catonianæ, totus insertus est. Parti quoque VI varia accessere, uti §. 94, ubi observat, falsum esse fratrum filios, cum Thiis carent, hodie semper in capita succedere. Sic & §. 122. agente de donatione conjugum reciproca, asseritur, posse donatarium ad vocationem præstare tertio contra donantem. Denuo etiam §§. 123 & 144 inserti sunt, quorum ultimus, ad sex paginarum numerum excurrens, egregia de tabulæ cessione picturæ animadvertit, & l. 45 ff. de Usur. l. 38 de A. R. D. l. 5 §. 1. Eod. ei sententiæ obstantibus novis conjecturis satisfacit. Denique in §. 232 ostenditur usus practicus tituli ff. de Ripa munienda contra Cl. V. P. Cressium. Septima atque ultima parte §. 9 in materia fidejussionis quinque notabilibus additionibus auctus est. §. 34 attexuit quæstionem de fure rupto laqueo superflite etiamnum vita decidente, negatque eum de integro suspendendum esse. Apparet quoque novus §. 57, agens de gentilium rebus pretiosis quas sepulchris indiderunt. Pariter & §. 70, 74, 103 & 131 inserti, quorum primus de DEO termino, alter de Delictis culposiis gravique pœna eorum qui Bacchum, ut agebat ille, cum Najadibus nequam adulterio miscuere; tertius exhibet 5 corollaria ad materiam de adulteriis. Quartus autem continet arduam quæstionem, an homo, quem ex gravissimis indicis reum criminis esse appareat, cum ipse tamen facinus confiteri nolit, possit mortis affici supplicio? cujus affirmativam tute- tur Celeb. Autor, eamque non solum multis consentientium Dd. suffragationibus confirmat, sed & monet, se ipsum A. 1712 de hoc jure consultum, impertivisse responsum suum, juxta quod homo confiteri culpam renuens, nihilominus capite plexus est.

REGULA NOVA EAQUE UNIVERSALIS IN-
veniendi differentiam Potentiarum duarum quarumcunque,
sed ejusdem gradus, quarum radices sive unitate, sive quo-
cunque numero alio differunt, reperta a CHRIS-
STIANO WOLFIO.

Casu,

CAsu, ut arbitror, a veteribus primum animadversum est, cum scilicet per summationem terminorum in progressionibus Arithmeticis numeros figuratos venarentur, numerorum quadratorum, quorum radices unitate differunt, differentias esse numeros impares summe radicum æquales. Sed nemo hæc docuit, quomodo generaliter inveniri possit differentia duarum potentiarum quarumcunque ejusdem gradus. Quare cum in theorema istiusmodi universale inciderim; e re esse duxi, ut supplementum Arithmeticæ hæcenus desideratum publici juris facerem. Dico itaque, si n fuerit numerus, $n+d$ alius quicunque, m exponents dignitatis, ad quam uterque numerus evahendus, & A, B, C, D, E significant terminos seriei respective antecedentes, differentiam dignitatum numerorum istorum fore

$$(n+d)^{m-1} d + \frac{m-1}{n} n^m d + \frac{m-2}{2n} A d + \frac{m-3}{3n} B d + \frac{m-4}{4n} C d$$

+ $\frac{m-5}{5n} D d + \frac{m-6}{6n} E d$, & sic porro in infinitum. Quod si ra-

dices unitate differant, hoc est, si fuerit $d=1$, erit differentia

$$(n+1)^{m-1} + \frac{m-1}{n} n^m + \frac{m-2}{2n} A + \frac{m-3}{3n} B + \frac{m-4}{4n} C$$

+ $\frac{m-5}{5n} D + \frac{m-6}{6n} E$, & sic porro in infinitum. Me non

monente apparet, seriem in casibus specialibus abrumpi, quam primum numerus ex m subducendus ipsi m fit æqualis, ita ut

pro quadratorum differentia sufficiant termini duo $(n+1)^{m-1} + \frac{m-1}{n} n^m$; pro differentia cuborum tres $(n+1)^{m-1} + \frac{m-1}{n} n^m$

+ $\frac{m-2}{2n} A$, & ita porro.

Demonstratio. Potentiæ superiores procreantur, ducta qualibet proxime inferiore in radicem. Quare si radix fuerit $n+d$, potentia superior componitur ex proxime inferiore in differentiam radicem d ducta & ex eadem per numerum minorem n multiplicata. Unde si dignitas maxima ipsius n seu numeri minoris subducitur, differentia præter potentiam proxime

me inferiorem ipsius $n+d$ per d multiplicatam, hoc est, præter $(n+d)^{m-1}d$, constat ex natura potentiarum ex serie $\frac{m-1}{1} n^{m-1} d$

$$+ \frac{m-1. m-2}{1. 2} n^{m-2} d^2 + \frac{m-1. m-2. m-3}{1. 2. 3} n^{m-3} d^3 + \frac{m-1. m-2. m-3. m-4}{2. 3. 4} n^{m-4} d^4 + \frac{m-1. m-2. m-3. m-4. m-5}{1. 2. 3. 4. 5} n^{m-5} d^5 + \frac{m-1. m-2. m-3. m-4. m-5. m-6}{1. 2. 3. 4. 5. 6} n^{m-6} d^6 \text{ \&c. in infinitum.}$$

Æquipollet vero hæc series alteri $\frac{m-1}{n} n^m d + \frac{m-1. m-2}{1. 2 n^2} n^m d^2 + \frac{m-1. m-2. m-3}{1. 2. 3 n^3} n^m d^3 + \frac{m-1. m-2. m-3. m-4}{1. 2. 3. 4 n^4} n^m d^4 + \frac{m-1. m-2. m-3. m-4. m-5}{1. 2. 3. 4. 5 n^5} n^m d^5 + \frac{m-1. m-2. m-3. m-4. m-5. m-6}{1. 2. 3. 4. 5. 6 n^6} n^m d^6 \text{ \&c. in infinitum.}$

Quare si seriei hujus terminus primus dicatur A, secundus B, tertius C, quartus D &c. erit differentia potentiarum $(n+d)^{m-1} d + \frac{m-1}{n} n^m d$

$$+ \frac{m-2}{2n} Ad + \frac{m-3}{3n} Bd + \frac{m-4}{4n} Cd + \frac{m-5}{5n} Dd + \frac{m-6}{6n} Ed$$

$$\text{\&c. in infinitum, Q. e. d.}$$

Regula hæc, usum haberet insignem, si cui Canones numerorum quadratorum & cubicorum ulterius extendere consultum videretur. Nec minorem habet utilitatem in Canonibus jam conditis examinandis: immo utilis quoque est, si quis ope Canonis numerorum quadratorum & cubicorum potentias radicum alteriores investigare voluerit.

G. G. L. DE ORIGINE FRANCORUM

Disquisitio.

Hanoveræ, apud Nicol. Færster, 1715, 8.

Plag. 3.

Facile

FAcile agnovimus Ill. Leibnitium ex illa ingenii felicitate, ac lectionis apparatu, quæ in quantumvis brevi dissertatione e-lucent. Explodit primum ridiculam illorum opinionem, qui Trojanas origines Franci assignant: errore forte ex fastis Pro-speri Tironis nato, qui ad A. IV Gratiani: *Priamus quidam, in-quit, regnat in Francia, quantum altius colligere potuimus.* Quem Priamum ex Pharamundo, in Pharamum contracto, corruptum suspicatur. Nec verisimilior est Fredegarii, Otfridi monachi, Aimonii & plurimorum qui hunc sequuntur ambitio, partem Francorum Troja egressos in Macedoniam ivisse fingentium, quibus Alexander postea partem victoriarum debuerit. Tum Gregorii Turonensis sententia sistitur, qui Francos primum cum Sicambriis confundit, & deinde novo errore primas illorum sedes in Pannonia quærit. Denique & Ægidii Lacartii (*La-sbary*) conjecturæ examinantur, qui in libro de coloniis Galliez gentis, Francos suos ex coloniis Gallorum, quas trans Rhenum miserant, deducit, aliosque e civibus suis Viros doctos, nimio pa-triæ amore captos, assentientes habuit.

Illustri Autori nostro veram gentis patriam primus in-dicavit locus Geographi Ravennatis, ~~Scriptoris~~, ut apparet, ex Gothiis orti. Est ille L. I c. XI: *quarta ut hora noctis Norman-norum est patria, quæ est Dania, ab antiquis, cujus ad frontem Al-ber, vel patria Albis, Maurungania certissime antiquis dicebatur, in qua patria Albis, per multos annos Francorum linea remorata est.* Maurunganiam, vel Muringaviam, sive Muringiam ad mare Balthicum fuisse, ex Paulo Diacono constat: & nomini sa-tis convenit. In ea itaque regione, quæ Eidora forte & Pani fluviis terminanda, aut ad Viadrum usque proferenda est, *Francorum* linea sive gens olim habitavit, ac inde in citeriores regio-nes, & tandem provincias Romanorum sensim successit. Au-toritatem Anonymi Ravennatis auget Ernoldus Nigellus, Au-tor Francus, in carmine inedito ad Ludovicum Pium. Ubi enim de Haraldo Dano agit, qui in aula Augusti Christiana sacra am-plexus fuerat, cognatas Danorum Francorumque gentes facit. Pertinent huc imprimis versus, ubi de populo Danico:

Pulcher adest facie, cultuque statuque decorus,

Unde genus Francis adfore fama refert.

Victus amore Dei, *generisque misertus aviti*

Temptat & hos Cæsar lucrificare Deo.

Tertium præterea testimonium desumitur ex illorum narratione, qui Francos primum ad paludes Mæoticas quærent. Illas enim veteres nonnunquam cum mari Balthico confundunt: ejusque rei exemplum manifestum præbet Procopius, qui lib. I belli Vandalici, Vandalos primum circa Mæotidem confedisse refert, quos a mari Balthico venisse, ex Tacito aliisque constat.

Postquam vero patria egressi fuerunt Franci, novas illorum sedes inter Albim & Visurgim Ill. Leibnitius collocat, idque præcipue probat ex præfatione legis Salicæ, cujus novam editionem adornat omnis rei historicæ & patriæ inprimis peritissimus Eckardus. Illam vero Legem non tum demum, cum jam in Belgica confedissent Franci, ut Chifletius & Godefridus Wendelinus voluerunt, sed longe ante conditam, ejusque Versionem tantum Latinam, eamque sæpius interpolatam hodie nobis superesse ostendit. Memorantur in præfatione præcipui Francorum pagi, secundum editionem Heroldi, *Wisogewe, Bodogewe, Windogewe, & Salageve*, quorum deputati ad sanciendas leges convenerint. Pagum vero illum Salicum ex donationum, quæ cœnobio Fuldensi factæ sunt, monumentis Carolo M. anterioribus, aut æqualibus, ostendit fuisse circa Salam, Franconicum fluvium, qui in dextrum Mœni latus prope Gemindam influit. *Bodogeva & Wisogeva* ad fluvios *Boda*, qui ad radicem montium Harzicorum fluit, ac *Wiseram*, Latinis Visurgin, fuerunt. *Windogeva* modo situm non æque facile est definire, nisi forte probari possit *Unstrutam* olim *Windristam*, omissa terminatione *Windam* quoque dictam fuisse. Itaque tum a Boda fluvio ad Salam usque in Franconia habitaverint Franci, successerintque Longobardis, Cheruscis, & Cattis, sed maxime Hermunduris, vel potius cum iis, qui per anteriores migrationes nondum exceſſerant, in unum corpus coiverint. Novam autem profectionem seculo tertio post Christum, circa Valeriani tempora instituerunt, atque in regionem Cattorum, Sigambrorum, Bructe-

Bructerorum, Chamavorum, Amfibariorum, aliorumque vicinorum populorum penetraverunt, succedentibus a tergo Thuringis, qui reliquias gentis in Hermunduris vicinisque locis oppresserunt. Ita illis in Gallias patefacta est via, sed stabile primum in illis imperium Clodoveum condidisse Ill. Autor R. P. Danieli assentitur.

GODOFREDI, LUDOVICI S. THEOL. DO-
ctoris, Coburgi Illustr. CASIMIRIANI Directoris &
Theol. Prof. P. Historia Gymnasiorum Scho-
larumque celebriorum.

Pars IV.

Lipsiæ, sumptibus hæc. Lanckis. 1714, 8.

Plag. 21.

Quod augurati sumus, cum Partem III Historiæ hujus schola-
sticæ in horum Actorum Suppl. T. V Sect. III p. 117 sqq.
referremus, fore, ut Cl. ejus Autor impleto nominis LUDO-
VICI omine laborem hunc literariæ rei perutilem novo specimi-
ne continuaret; id nunc edita hac *quarta Scholarum Historia par-*
te evenit. Exhibet illa historiam Athenæorum, I Trarbaco-Spon-
heimensis, II Idsteinensis, III Turkheimensis, IV Weilburgensis,
V Magdeburgensis, VI Altenburgensis, VII Darmstadini, VIII
Weissenburgensis; cum prolixiori recensione vitæ scriptorumq;
I *Christ. Funccii*, II *Georgii Rollenbagii*, III *Josephi Clauderi*, unde
quædam dehibebimus. Natus fuit Funccius Dietmansdorffii pro-
pe Fribergam A. 1626, inde primo Collegæ tertii Fribergæ A.
1652, deinde Con-Rectoris in eodem Gymnasio A. 1657, porro Re-
ctoris Altenburgensis Gymnasii A. 1660 & denique ab A. 1666 in
Gorlicensium Gymnasio eidem muneri præpositus, A. 1695
d. 19 Jul. decessit ac plurimos reliquit ingenii fecundissimi fœ-
tus, qui hic accurate recensentur. Inter alia & illud notatur,
quod A. 1677 d. 10 Jul. ab Augusto Saxonix Duce in illustrem
Carpophorum Societatem SCINTILLANTIS nomine adopta-
tus fuerit. Funccii vitæ historia scholastica *Trarbaco-Sponhei-*
mensis ad Mosellam dein subjungitur, in eaque tum conditio &
fata

fata illius Scholæ inde a primordio ad nostram usq; ætatem referuntur, tum Rectores ordine, succincta singulorum vitæ enarratione addita, enumerantur. Brevior huic annectitur *Scholæ Idsteinensis* Nassovicæ in Wetteravia historia: ad cuius Scholæ florem post *M. Hechlerum*, A. 1658 clarum, Dn. *M. Gaertnerus*, ultra 40 annos ibidem Rector, plurimum contulisse perhibetur. *Turckheimensis Scholæ*, in Palatinatu inferiore A. 1705 institutæ, uberior in posterum descriptio promittitur. Succedit *Weilburgensis Lycei*, quod in Wetteravia est, Historia ad nostram usque ætatem continuata, in qua Chytræi, Sluteri, Weinrichii, Mulleri, & Schlosseri cum primis merita prædicantur. Secundus, cuius vita in hoc Fasciculo fufius tradita fuit, Rector est *Georgius Rollenhagen*, Vir sua ætate usquequaque celeberrimus, qui in Marchia media *Bernavia* A. 1542 d. 22 Aprilis natus, cum Wittebergæ in primis Melanchthoni & Ebero ac Lipsiæ Pseffingero adhæsisset, Halberstadtii primum, deinde Magdeburgi scholæ præfectus fuit, simulque sermones subinde ad populum habuit e suggestu: quippe historiæ de morte Moïsis & Pentateucho explicandæ immortalis fuit, communiorabili ante obitum & concionem illam suam ultimam sermone cum conjugē sua habito: *Moses ist nun todt: Ich weiß nicht, wo ich ihn noch lassen und hinbegraben werde.* Obiit nimirum A. 1609 d. 13 Maji, cum identidem *Melanchthonis* Symbolum ex Phil. I, 23, *cupio dissolvi & cum Christo esse*, in ore habuisset. Etenim non probatus tantum *Theologus* sed *Juris* etiam ita peritus fuit, ut multis turbato isto tempore salutare in angustiis consilium suppeditare consueverit: *Philosophiæ* ac rei etiam *Medicæ* non inexpertus habebatur, qui & discipulos suos in *re herbaria* institueret, eisque in campos ac sylvaseductis simplicia monstraret, & præsentissima remedia adversus pestem aliosque tum grassantes morbos præstaret. *Oratorem* eum & *Poetam comicum* Orationes ejus, Carmina & Comædiæ typis expressæ probant: e quibus in primis ejus festivitas ingenii, cuius & alia plura monumenta proflant, luculenter apparet. Ob tam variam eruditionem tantamque ingenii præstantiam *Serveſtam*, *Lipsiam*, *Wittebergam*, *Helmſtadium* & *Frankofurtum* ad Viadrum ad
obeam

obeundas Professiones, ad Ecclesiæ munus Brandenburgicum in Neapoli, quin & in aulas, sapientis & lautis propositis conditionibus, fuit invitatus. Sed ut illa munera modeste deprecatus, ita aulicæ vitæ ac fortunæ lubricitatem, inconstantiam atque pericula toto animo averfabatur, malle se, inquiens, sub *serio virgineo* res sibi suas Magdeburgi habere, quam in aulis inter *apros urfosque* degere: illam mansuetiorem quippe Virginem si qua forte aliquando re offenderet, posse se precibus blande adhibitis delinire; his vel verbulo semel offensis actum de sua fortuna conclamatumque fore. Quum ipse alio discedere Magdeburgo noluerit, multos tamen ad se videndum nominis celebritate venustateque ingenii, inter alios & *Taubmannum*, venustatis illum primum condum suumque in aliis admiratorem censeoremque prudentissimum, Magdeburgum allexit. Vulpio quippe in Chronico Magdeburgico narrante, *Taubmannus*, ut Rollenhagii eruditionem facetamque docendi rationem propius ipse degustaret, derasa sibi Dresdæ virili barba, Magdeburgum abit, & Rectori Rollenhagio desiderium suum Scholam frequentandi aperit, ac rudem se admodum & plumbeum in examine exhibet: quare indignatus Rollenhagius; *quid de Te igitur, inficete caudex*, inquit, *faciam? quinta classi inferendus eris.* Tum vero etiam atque etiam precari Taubmannus, ut primariis se adderet, & de hospitio quodam liberali sibi pauperi quippe ac indigentissimo prospiceret. Favet precibus Rollenhagius; at Taubmannus stipiti se similem aliquamdiu gerere, donec jam satis præceptoris delitiis innutritus de discessu cogitaret. Itaque suppeditata forte a Rollenhagio carminis elaborandi materia, illam per omnia genera singulari arte variatam, subscripto nomine suo, tradit hospiti domumque redit. Quibus lectis fugientem insequitur Rollenhagius eumque demum affectus ac suavissime amplexus ad reditum hortatur. Verum renuit Taubmannus & *satis est*, inquiens, *me audivisse Rollenhagium, te vidisse Taubmannum*, valere eum jubet ac Dresdam revolat. Inter scripta *Rollenhagii Batrachomyomachia*, in Germanicos rhythmos transula & ad temporis illius mores accommodata, imprimis magno erudito-

rum plausu excepta fuit. Vitæ Rollenhagii *Gymnasii* Magdebi-
cui is Rector præfuit, Historia subjungitur, in qua Rectorum
vitæ ordine recensentur. In quibus ut multa occurrunt cognitu
jucunda atque utilissima, ita hic vel unicum excerpemus, *quod*
Majore Rectore completa sint in Monasterio Magdeburgensi, quæ
Jo. Hilten Isenacensis vir pius & Franciscanus Monachus ad
Guardianum illius Monasterii Magdeburgensis longo ante tempo-
re vaticinatus scripserit: Claustrum Minorum Vinariense fiet
armamentarium, Wittenbergense granarium & Magdeburgense
Schola juventutis. Restat tertii etiam Rectoris fusius hic enar-
rata vitæ historia, *M. Josephi Clauderi*, Poetæ celeberrimi, qui
A. C. 1536 Patre *Jacobo Claudero*, ad ipsos usque LIV annos
Mosbachienfium Pastore, natus & cognato *Georgio Claudero* civi
& mercatori primario creditus est, ut mercatorum negotiis de-
inceps assuesceret. Sed cum semper in animo hæreret nostro
optimæ matris consilium, literis se totum dedit, atque ita paula-
tim profecit, ut *Neostadii* primum *Con-Rector*, deinde *Altenbur-*
gensis Gymnasii Rector, ac deinceps etiam in Ecclesia Altenbur-
gensis Ecclesiastes constitueretur. Singulari vero in conjugio libe-
rorum ἐὺ-γεγεῖα^α usus, filios *D. Josephum Clauderum*, Archiatrum
Saxo-Altenb. *D. Jacobum Clauderum*, Magni Hülsemanni gene-
rum, Superint. Delitianum *M. Israellem Clauderum* in Gymnasio
Coburg. Eloquentiæ Histor. & Poeseos. Prof. & *D. Gabrielem*
Clauderum, Archiatrum Saxo-Altenburg. & Colleg. Naturæ cu-
rios. collegam, reliquit. Rectoris hujus olim Altenburgensis
vitæ *Gymnasii Altenburgici* subnectitur historia, eaque a primor-
diis inde ab A. 1529 ad nostram usque ætatem fuscè deducitur,
Rectoresque hujus Gymnasii omnes eorumque scripta & cona-
mina literaria, *Con-Rectores* item, imo & *Præsules Ecclesiæ Alten-*
burgensis, non sine jucunditate lectoribus exhibentur. Pari ra-
tione *illustris Padagogii Darmstadini*, nec non *Scholæ Weissen-*
burgensis Nordgoia historia & fata enarrantur, e quibus plura
referre non licet. Ceterum Autori Summe Rev. vitam vires-
que ad continuandam hanc Scholarum Historiam appreca-
mur.

JOH.

MENSIS DECEMBRIS A. M DCC XV. 543

JOH. HENR. BOECLERI BIBLIOGRAPHIA
*Critica, nunc demum integra & emendatius edita, quam
ex reliquis scriptis Bœclerianis auxit, Præfationem item,
Animadversiones & Indices adjecit JOH. GOTTL.*
KRAUSE.

Lips. sumtibus heredum Jo. Grossii, 1715, 8.

Alph. 2 pl. 20.

QUam frustra hætenus nobis spem de emendatiori operis
hujus Bœcleriani posthumi, quod sub titulo *Bibliographiæ
Historico-Politico-Philologicæ curiosæ* mendose satis editum pro-
stat, editione procuranda fecerant, Jo. Henr. Felzius, Pand. &
Jur. Can. Argentorati Prof. Jo. Frid. Pfeffingerus, Equest. Acad.
Luneb. Inspector & P. P. & Hier. Aug. Groischupsius, quondam
nostras, eam nuper demum implevit Vir eruditus, & qui jam du-
dum, tum duplici Germanicarum Ephemeridum opere (altero
ausführlicher Bericht, altero **Bücher-Saal** dicto) tum
splendida Scriptorum Polonorum collectione (de qua vid. Acta
nostra Suppl. T. V p. 424) tum diversis præterea aliis limatis-
simis lucubrationibus præclare satis de re literaria meritus est,
Jo. Gottl. Krause, qui illius revidendi, emendandi & supplendi
curam in se recepit, & que eo majore cum successu præstitit, quod
præter omnem expectationem in exemplum Prælectionum
harum Mssum, etsi non emendatissimum, expresso tamen exem-
plari longe auctius, opportuno fato incidisset. Hoc igitur sub-
sidio adjutus nihil prius habuit, quam textum quam emenda-
tissime edere, quem hucusque, præter centum alia, corrupto-
rum imprimis nominum propriorum monstra deformabant, ita
quidem, ut nisi interdum de mente Bœcleri aliunde consti-
tisset, elusa sæpenumero fuisset omnis eruditi Editoris indu-
stria in inquirenda vera lectione. Non minor cura fuit dige-
rendi librum in meliorem ordinem, dum multa in eo adessent
non solum alieno loco dicta, sed etiam in methodi, ab ipso Au-
tore in tractationis initio delineatæ, leges graviter delinquentia.
Accedebat, quod in prioribus Editionibus Tituli argumentorum
singulorum vel omissi vel inepte concinnati parum commodi
Lecto.

Lectoribus promitterent; maxime, cum libellus non nisi paragraphorum numeris distinctus, evolventium patientiam non raro ad indignationem usque exerceret. Utrique malo ab Editore nostro medicina facta est, paginis enim numeri additi sunt, libellus in capita, capita in paragraphos divisa, tituli que ad oram cujusvis paginae adjecti, ut nihil desiderari queat, quod ad editionem hanc commodiorem & utiliorem reddendam requirebatur. Restant alia eaque majora forte momenta, ob quæ nova hæc editio antecedentibus multis modis præferri meretur: colligere enim facile poterunt ex locis haud paucis illi, quibus priores *ἐκδόσεις* ad manus sunt, Bœclerum plura Auditoribus vel tradidisse, vel certe tradere voluisse, quæ ad integrum Systema Bibliographicum absolvendum pertinent, quorum tamen in expressis huc usque exemplaribus nec vola apparuit nec vestigium ullum. Præclara igitur fuit Cl. Krausii felicitas, qui, ut supra monuimus, apographum Mstum nactus est, cujus ope non solum multa a prioribus Editoribus omissa suppleri, sed addi etiam aliquot integra capita poterant: ut adeo, si cum antecedentibus conferatur recens hæc editio, novus plane & nunc denique vere ingenuus tanti parentis fœtus videri queat. Jure igitur & merito Titulus quoque mutati in tam multis libri mutari potuit, quoniam antiquum rubrum nequaquam cum nigro quadrare videbatur. Ceterum non negamus, in multis adhuc augeri potuisse opus utilissimum; quin certi sumus, hoc ipsum quoque Cl. Editorem, rei huic perficiendæ ex paucis aptissimum, in se suscepturum fuisse, nisi præmeditato ille consilio abstinere maluisset a conatu, qui facile apud malevolos ambitionis speciem præ se ferre poterat: a qua vero modestissimus Vir tum ipse multum alienus est, tum omnes etiam alios alieni laboris superciliosos interpolatores odisse solet. Nihilominus ille nos, si valetudo atque otium voto responderit, perfectius ejusmodi opus bibliographicum a sua manu in præfatione expectare jubet, quod eo majus apud solidos rei literariæ cultores desiderium excitabit, quo plures sunt, qui de similis laboris defectu conqueruntur, quoque notior est Cl. Editoris in hoc studio dexteritas. Neque tamen interim vitio vertendæ sunt

B. Bœ-

B. Bœclero, quæ hic restant, lacunæ, cum ille apud se (ut ex Misto exemplari satis luculenter cognovit Editor) non tam constituerit plenam autorum omnium notitiam suppeditare, quam viam præire Auditoribus, quomodo Collectanea de bonis omnis generis libris commodissime conficienda sint. Alias peculiare hoc præ multis habent scripta Bœcleriana, uti se ipsa optime explicant, lucemque sibi invicem scernerentur clarissimam & certissimam; laudabili igitur instituto judicia in hoc volumine de Autoribus lata ubique cum aliis Bœcleri sententiis ex reliquis ejus scriptis petitis collata sunt & confirmata. Imo & istos Auctores quos hic forte præterierat Autor, ex aliis ejusdem operibus excerptos, passim Editoris industria adjecit, sicque & majus libro suo decus conciliavit, & lectorum commoda liberalissime promovit. Unum restare videbatur: ἀμαρτήματα nempe illa, quæ non tam Amanuensis aut Typographo, quam ipsi Bœclero tribuenda videbantur; dum, quod in extemporaneis licubrationibus fieri amat, multa passim offenderent eruditæ aures, quæ accuratius omnino sollicitiusque erant pensitanda. Verum his quoque mederi sibi proposuerat Editor, nisi, quo minus perficeret, nundinæ ingruentes prohibuissent. Quare non nisi pauca reliquorum specimina ad calcem libri adjecta legimus, quæ, ne tædium Lectori nudus mendorum perpetua serie sublatarum aut correctarum Catalogus crearet, eadem, immixtis subinde e re Literaria monitis, lectu jucundiora facere conatus est.

Nos ex illis, cum Bœcleri textus ipse jam in omnium manibus sit, pauca delibabimus, quæ palatum movere queant Lectori ad reliqua curatius perlustranda, in quibus plures egregias de Autoribus Latinis, Græcis aliisque observationes deprehendet. Sic p. 846 disputatur contra Bœclerum, C. IV §. 7 asserentem, Eustathii scholia in Homerum IV Tomis in fol. cum indice, integrum volumen adimplente, Venetiis prodiisse; cum tamen Eruditis vix alia, præter Romanam & Basileensem, innotuerit Editio. Indicanter eadem cura illi, qui versionem Latinam Eustathii publicare huc usque sustinuerunt, inter quos Vinc. Marinerus a Nic. Antonio in Bibl. Hisp. suam absolvisse

perhibetur; Octav. vero Ferrarius aliam inchoatam, V. C. Fabricio teste, reliquit, Quid Caperonierius, Theol. Lic. ab Acad. Parisiensi stipendio ad hoc conductus, in sua Commentariorum horum ad Codd. Mstos Bibl. Regiæ emendatorum novaque versione Latina & notis criticis instructorum, editione præstiturus sit, dies docebit. Sunt certe adhuc multa reliqua, quibus bene de Homero suo mereri possent Hellenophili: exstant enim aliquot in eum scholia inedita, quæ eruditæ manes obstetricantes expectant. Inter hæc cum primum fere locum occupet egregius ille Commentarius, cujus specimen a Contr. Hornejo ex P. Victorii Codice publicatum exosculantur harum literarum Cultores, multis procul dubio pergrata erit addita hic observatio, de Codice integerrimo in Bibl. nostra Paulina, cujus custodia Cl. Editori jam per aliquot annos a Bibliothecario demandata est, asservato. P. 851. quædam in medium afferuntur de Editionibus Ovidii ab Excell. Fabricio in Bibl. Lat. omiſſis, iisque omnium antiquissimis, quæ salivam movent, ut publice Virum doctum compellandum esse censeamus, ne diutius ea, quæ de reliquis etiam Autoribus Latinis sibi annotata esse ipse h. l. fatetur, intra privatos parietes premat, sed quam primum cum orbe erudito communicet. P. 871 mentio fit Commentarii *ἀνέκδοτος* de rebus Turcicis a celeb. J. H. Bœclero olim conscripti, cujus Editionem ut Cl. Vir ab Editore nostro laudatus maturet, nos quoque cum aliis multis optamus, Syllabum denique contentorum addituri, quo plenius, quid sibi ex opere hoc promittere queant Lectores, constet.

Post Præfationem igitur ampliore, de instituto & præstitis, sequuntur Eruditorum de Bibliographia hæc censuræ atque judicia, quorum plurimis priorum Editorum incuria notatur, Bœclerianus contra labor non parum commendatur. His Index scriptorum Bœclerianorum ab Editore adhibitorum succedit, multa industria confectus. Tabulæ porro synopticæ, æque affabre concinnatæ, Lectoribus omnem libri ambitum in compendio ob oculos sistunt, & has denique, quem integrum transcribimus, Capitulæ index excipit. Unde discimus agi Capite I de Artibus vulgaribus & popularibus, Grammaticæ
nempe,

semper, Gymnaſtica, Muſice & Graphice; II de Grammaticis, Scholaſticis, Lexicographis & Criticis; III de Rhetoribus, Oratoribus & Epistoſtographis; IV. de Poetis artiſque Poeticæ ſcriptoribus; V de Scriptoribus Chronologicis, Geographicis & Genealogicis; VI de Hiſtoricæ artis, Hiſtoricæque univerſalis ſcriptoribus; VII de Scriptoribus Hiſtoricæ Eccleſiaſticæ; Capite VIII ad undecimum de Scriptoribus Hiſtoricæ antiquæ, Judaicæ ſcilicet, Græcæ, Romanæ & Byzantinæ. Mox tranſiunt ad hiſtoriam recentiorem facta a Cap. XII ad XXIV reſenſentur Scriptores Hiſtoricæ Germanicæ, Belgicæ, Britannicæ, Daniicæ & Suecicæ, Moſcoviticæ, Ruſſicæ, Tartaricæ itemque Polonicæ & Lithuanicæ, Hungaricæ & Tranſylvanicæ, Turcicæ & Saracenicæ, Hiſpanicæ, Francicæ & Gallicæ, Helveticæ, Italicæ, Aſiaticæ tandemque Africanæ & Americanæ. Cap. XXV Scriptores Hiſtoricæ literariæ; XXVI Vitæ; XXVII Hiſtoria varia; XXVIII varia Philoſophorum opera exhibentur. Hinc ad Matheſin progreditur Autor, ordineque Chronologico Capite XXIX reſenſet Scriptores Arithmeticos; XXX Geometricos; XXXI Muſicos; XXXII Opticos; XXXIII Geodæticos; XXXIV Aſtronicos; & XXXV Scriptores Aſtalogicæ Apotelesmaticæ. Sequuntur Cap. XXXVI Scriptores Chronologicæ & XXXVII Geographicæ Mathematicæ, qui ſimiliter atque Capite ſequenti Mechanici, maximam partem ab Editore ſunt adjecti. Reſenſitis poſtmodum Cap. XXXIX Scriptoribus Logicis ſubjunguntur Cap. XL opera Philoſophorum tam antiquorum quam recentium, ſpeciatiſque Cap. XLI Scriptores Phyſici; XLII Metaphyſici; XLIII Ethici; XLIV Politici; XLV Oeconomici. Tandem adjecta quoque legitur Cap. XLVI de Theologia, XLVII de Jurisprudentia, & XLVIII de Medicina brevieuſcula tractatio, quorum priori mantiffam obſervationum Bœclerianarum de Scriptoribus Sacris & Eccleſiaſticis, alteri vero Bœcleri conſignationem de Scriptoribus Juris publici præcipuis Editor noſter ſubjunxit. Sub calcem libri, præter Animadverſiones Editoris ſuperius laudatas, Index quoque Autorum locupletior accedit.

D. JACOBI WELLERI GRAMMATICA,

*Syntaxi & Accentuum ratione aucta a LAMB.**BOS, Ling. Græc. in Acad. Franeq.**Profess.*

Amstelodami, apud R. & G. Wetstenios, 1715, 8.

Alph. 1 plag. 6.

pag. 379.

383.

391.

DE Welleri opere non opus est, ut aliquid dicamus, præterquam quod superioris editionis exemplar recensuerunt Viri Clarissimi & Græce doctissimi L. Bos & H. Pollius, quorum alter in Academia Franequerana summa cum laude Græcam linguam proficitur, alter in schola Daventriensi Rector jam multis annis optime de juventute meretur. Sub finem vero Cl. Bos adjecit doctrinam Accentuum regulis quibusdam concinne comprehensam, de qua plura referre nostri non est instituti. Succedit ejusdem Syntaxis Græca, perbrevis illa quidem, sed talis, qualem hactenus desiderarunt nonnulli, qui linguæ Græcæ indolem paullo penitius introspexerunt. Nimirum, postquam Vir Cl. in Ellipsis Græcis ostenderat, plerasque ejusdem linguæ constructiones ex ellipsi ortum trahere, idem quoque in Syntaxi docet, difficiles antiquiorum quorundam tricas multis parasangis deferens. Tandem quoque Cl. Greven, Rector Scholæ Grœninganæ, temporum Græcorum formationes in tironum gratiam multo clarius, quam fieri solet, exhibuit.

Der Griechischen Sprache teutsche Grammatica.

h. e.

GRAMMATICA LINGUÆ GRÆCÆ GERMANICA lingua in usum Scholarum conscripta.

Guelferbyti, apud Godofr. Freytag, 1715, 8.

Plag. 22 $\frac{1}{2}$.

AUctorem hujus opusculi novimus esse Virum Summe Reverendum Jo. Fabricium, Theologum Helmstädiensem & Abba-

Abbatem Regiæ Luteræ, qui de juventute quoque & aliis Græcarum literarum amantibus bene mereri studuit. Conscriptum est lingua vernacula, quippe quam familiarius norunt tirones, quam quidem Latinam nondum satis recte perceptam. Partibus absolvitur duabus, quarum prior docet modum Græca legendi, ubi Capitibus tribus de literis, tono & notis diacriticis, quorum spiritus & puncta referuntur, agitur. Pars posterior capitibus totidem de nomine, verbo & particulis, rationem Græca intelligendi tradit, & plerumque paradigmatis absolvitur.

Hic vero necesse est, ut qui Græcas literas juventutem doceant, Autorem Summe Rev. audiant, ejusque monita sedulo sequantur. Non consultum est, ut præcepta quæcunque, illo ordine, quo se invicem excipiunt, memoriz mandentur, sed principia potius memoriz imprimenda sunt, ex quibus reliqua sua sponte profluunt. Priorem ergo partem pro docentibus potius quam discipulis scriptam esse ait, cujus præcepta suo loco in paradigmatis a magistro applicari debent. Sufficiet ergo, si literas primum norint discipuli, & tum statim paradigmata ab ipsis sunt relegenda. Qua quidem re duplex ad eos usus redundat, ut legendo se exerceant, & paradigmata memoriz firmiter imprimant. In parte posteriore idem observari vult, ne singula, prout sese offerunt, ediscantur, sed quæ singularia sunt, aut alterius cujusdam dialecti, primo omittantur, occasione vero data demum moneantur.

Ceterum nec illud omittere debemus, placuisse Autori nostro methodum, qua usus est Vir Cl. Herm. von der Harte, in Studio Græco: & præcepta singula capiti juventutis esse accommodatissima.

ERRATA.

Pag. 398 lin. 11. pro *Wikins* lege *Wilkins*, pag. 433 lin. 6 pro *Marc.* lege *Macc.* pag. 447 lin. 14 pro *labris* leg. *labijs*, pag. 502 lin. 26, 27 pro *Radingini* lege *Rhodigini*, & ibidem lin. 28 pro *Christiano* lege *Christophoro*.

INDEX AUTORUM,

quorum Libri aut Inventa hoc volumine
recensentur.

I. Libri Theologici & ad Historiam Ecclesiasticam spectantes.

- A** Nonymi *Scrutinium naturæ & loci infernalis.* 107
*Penitentia disciplina in primitiva Ecclesia prioribus
 quatuor post C. N. seculis.* 197
*Meditationes a partium studio alienæ super Clementis XI
 Constitutione, qua N. T. Quesnellii damnatur.* 269
de corpore S. Firmini Epistola excerpta. 322
 Van Bashuyfen (Henr. Jacobi) *Clavis Talmudica maxima.* 502
 Bentleji (Richardi) *Animadversiones in nuperum discursum
 de cogitandi libertate.* 5
 Blumii (Jo. Christiani) *Animadversionum sacrarum Pentas se-
 cunda.* 528
 Brayi (Thomæ) *Propositum de Martyrologio generali Protestan-
 tium conscribendo.* 389
 Buddei (Jo. Fr.) *Historia Ecclesiastica Vet. Testamenti.* 490
 Chamberlaynii (Job.) *Oratio Dominica in omnium fere gentium
 linguas versa.* 397
 Deylingii (Salomonis) *Observationum Sacrarum Pars III* 1430
 Dupinii (Lud. Ellies) *novæ Bibliotheca Scriptorum Eccl.
 Tomus XIX.* 149
 Fabricii (Job.) *Consideratio controversiarum inter Evangelicos,
 Reformatos & Romano-Catholicos.* 132
 Frickii (Jo.) *Inclementia Clementis examinata.* 291
 Ab Hamma (Job.) *Exercitationes Philologicæ sacræ de ara inte-
 riore ejusque mysterio.* 305
 Harduini (Job.) *Conciliorum Collectio Regia Maxima. Volu-
 mina XII.* 377
 Helyot *Historia Ordinum Monasticorum, Tomus I & II.* 425

Henry

INDEX AUTORUM.

- Henry (Matthaei) *Expositio Librorum Prophetarum V.T.* 354
- Heumannii (Christoph. Aug.) *Emendatio libri Tertulliani de praescriptionibus adversus Haereticos.* 299
- Hulsii (Pauli) *Historia Sacra turpitudinis incestae.* 109
- Jenichen (Gottlob Frid.) *Historia & Examen Bullae Clementis XI contra N. T. P. Quesnellii emissae.* 26
- Irenaei *Fragmenta anecdota ex edit. C. M. Pfaffii.* 485
- Lactantii (Lucii Caelii sive Caeilii) *Opera omnia ex edit. Jo. Ge. Walchii.* 273
- Lampe (Frid. Adolph.) *Exercitationum sacrarum Dodecas in Ps. XLV.* 434
- Aliniborch (Philippi) *Theologia Christiana.* 524
Relatio de origine & progressu controversiae de Praedestinatione in Federato Belgio. 524
- Lorimer (Guil.) *evidens Explicatio primorum XVIII commatum Capitis I Evangelii Johannis.* 437
Scripturaria demonstratio verae Deitatis Jesu Christi. 437
- Mabillon (Johannis) *Annales Ordinis S. Benedicti. Tomus V.* 156
- Muhlii (Henr.) *Dissertationes Historico-Theologicae.* 393
- Myconii (Frider.) *Historia Reformationis ab A. 1517 ad A. 1542.* 179
- Phileleutherus Lipsienfis, vide Bentlejus.
- Pfaffii (Christoph. Matthaei) *Dissertat. duae de oblatione & consecratione Eucharistiae.* 485
- Raphelii (Georgii) *Annotationes Philologicae in N. T. ex Polybio & Arriano collectae.* 526
- Raupachii (Bernardi) *Commentatio de officio Ministri Ecclesiae ex mente & exemplo Patrum Apostolicorum.* 530
- Relandi (Hadriani) *Palästina ex monumentis veteribus illustrata.* I
- Röell (Hermanni Alexandri) *Commentarius in principium Epistolae ad Ephesios.* 194
- Schwarz (Jo. Conr.) *Miscellanea Philologica & Theologica.* 359
- Ussuardi *Martyrologium ex edit. Jo. Bapt. Sollerii.* 473

INDEX AUTORUM

II Libri Juridici.

B arthii (Gothofredi) Hodegeta forensis, Civilis & Criminalis.	165
Berneggeri (Alb. Frid.) Institutionum Imperialium Examen Theoretico-Practicum.	530
Böehmeri (Justi Henningii) Jus Ecclesiasticum Protestantium.	111
Gundlingii (Nic. Hier.) Diatriba de Feudis vexilli.	312
Hofmanni (Christiani Godofredi) Specimen conjecturarum de origine & natura Legum Germanicarum privatarum &c.	79
Meinders (Hermannii Adolphi) Diss. de Judiciis centenariis & centumviralibus veterum Germanorum.	317
Myllii (Christiani Ottonis) Corpus Constitutionum Magdeburgicarum.	404
Pagenstecheri (Alexandri Arnoldi) de jure ventris Liber singularis.	116
Dissertationes de Cornibus & Cornutis.	116
Admonitoria ad Pandectas.	532
Plathner (Christ. Frid.) Oeconomia Juris Consistorialis cum decade Questionum.	367
Sigonii (Caroli) de antiquo Jure Populi Rom. Libri XI &c.	203
Trier (Jo. Wolfgang) Animadversiones in Joachimi Hoppii Examen Instit. Juris.	31
Verpoorten (Jo. Burch.) Schediasma de Investitura Allodiorum.	315
E Wzchtleri (Christofridi) literis excerpta.	505
Wenckeri (Jacobi) collecta Archivi & Cancellaria jura.	400

III Libri Medici & Physici.

A cademiae Regiae Scientiarum Anni 1711 historia.	338
Casareo-Leopoldinae Carolinae Ephemerides. Centuria III & IV.	459
Anonymi novum Consilium Barometra phosphorescentia conficiendi.	175
Barchusen (Job. Conr.) Collecta Medicina Practica generalis.	513
Barre-	

INDEX AUTORUM.

Barrellieri (Jacobi) <i>Planta per Galliam, Hispaniam & Italianam observata.</i>	239
Bætticheri (Jo. Gottlieb) <i>Morborum malignorum, imprimis pestis & pestilentia, explicatio.</i>	33
Boulton (Richardi) <i>Tr. de arthritide, Arumis & lue Venerea.</i>	71
Burcell (Job.) <i>Tractatus de Colica.</i>	208
Clerici (Danielis) <i>Historia naturalis & Medica latorum lumbricarum.</i>	408
Feuillée (Ludov.) <i>Diarium Observationum Physicarum, Mathematicarum & Botanicarum. Tomus I.</i>	185
Tomus II.	281
Fantoni (Job.) <i>Responsio ad A. Pacchionium de dura meninge.</i>	452
Geuseli (Job. Adami) <i>Observatio curiosa de conceptione in somno.</i>	122
De Kozanero (Jo. Mich.) <i>Dissertatio de peste.</i>	170
Lancisii (Jo. Mariae) <i>Tabula Anatomica.</i>	349
<i>Physiologica Animadversiones in Plinianam Villam.</i>	334
Langii (Car. Nic.) <i>Descriptio contagii bovini ab A. 1711 ad 1714.</i>	77
Leupoldi (Jacobi) <i>Anthia pneumatica illustrata Continuatio II.</i>	413
Marfilii (Ludov. Ferdinandi) <i>Dissertatio de generatione fungorum.</i>	233
Pacchioni (Antonii) <i>de dura meninge ejusque glandulis Epistola dua.</i>	452
De Penna (I. I. W. Lib. Bar. de Beintema) <i>Λοιμολογία i. e. Historia constitutionis pestilentis Annis 1708, 1709, 1710, 1711, 1712 & 1713 grassata.</i>	124
Pezoldi (Casparis) <i>Observationes Medico-Chirurgicae.</i>	309
Richter (Georgii Frid.) <i>de Sole, quod caloris vulgo tributi causa non sit, Commentatio.</i>	219
Ruyfchii (Frederici) <i>Thesaurus magnus & regius, qui est I The-saurorum Anatom.</i>	310
Schmidt (A. M.) <i>Tentamen Astron. Physicum, quo verum Planetico-Solare Systema proponitur, &c.</i>	328
Schneideri (Salomonis) <i>Observatio de polypo aësophiagi.</i>	456

INDEX AUTORUM.

- Turneri (Danielis) *de morbis cutaneis Tractatus.* 172
 Wedelii (Ge. Wolffg.) *Centuria II Exercit. Medico-Philologicarum Decas IV.* 174
 Compendium Chymiae theoreticae & practicae. 411
 Weidleri (Jo. Frid.) *Exercitatio de Phosphoro Mercuriali.* 326

IV Libri Mathematici.

- A**cademia Regiae Scientiarum *Anni 1711 historia.* 338
 Anonymi *Examen Corollarii III ad Prop. VII Tractatus de Quadratura circuli & hyperbolae &c. Gu. Grandi.* 42
 Nova literaria Mathematica de perpetuo mobili, longitudine maris & quadratura circuli. 46
 Alimari (Dorothei) *longitudinis aut terra aut mari investigandae methodus.* 466
 Bernoulli (Job.) *de centro turbinatationis inventa nova.* 242
 Heinrich (Christophori) *Eclipsis Solis A. 1715 d. 3 Maji Vratislavia observata.* 261
 Streete (Thomae) *Astronomia Carolina, seu nova Theoria motuum caelestium.* 131
 Wolfii (Christiani) *Meditatio de similitudine figurarum praesertim curvilinearum &c.* 213
 Regula nova inveniendi Logarithmum summae sive differentiae duorum numerorum &c. 297
 Regula nova inveniendi differentiam potentiarum duarum quarumcunque &c. 534

V Libri Historici, Geographici &c.

- A**belii (Casparis) *Historia Monarchiarum Orbis antiqui ad- aucta.* 447
 Anonymi *Thesaurus Historico-Numismaticus Anni MDCCV.* 104
 Historia de quatuor Ciceronibus. 155
 Primitiae Silesiacae. 217
 Commentarii rei Literariae. Tomus I. 515

Becleri

INDEX AUTORUM.

- Beecleri (Joh. Henr.) Bibliographia Critica ex ed. Jo. Gottl. Krause.** 543
De Cabrera de Cordua (Lud.) Relatio vite mortisque Caroli Infantis Philippi II R. Hisp. 415
Calvoer (Casparis) Historia Sacra Inferioris Saxonie priorum mille annorum. 97
Fabri (Francisci) vulgo Kœckritz, Sabothus sive Silesia. 227
Grosseri (Samuelis) Historia Lusatice. 145
Helyot Historia Ordinum Monasticorum. Tomus I & II. 425
Jani (Jo. Guil.) Historia Ære Christiana. 152
 Schediasma de veritate historica. 152
 Oratio de vero historiae usu. 152
Kindervater (Jo. Henr.) Nordhusa illustris. 424
Kœckritz vide Faber.
Leibnitii (G.G.) de Origine Francorum disquisitio. 536
Leuckfeldii (Jo. Georgi) Antiquitates Halberstadenses Pars I. 39
Lezneri (Jo.) Descriptio cænobii Regio-Lothariensis. 134
Ludovicii (Godofredi) Historiæ Scholarum Pars IV. 539
Lunig (Joh. Christiani) Cancellaria Imperii Germanici. 22
 Archivum Imperii Rom. Germanici. Tomi XIII. 521
Mallinckrot (Bernardi) de Archi-Cancellariis S. Rom. Imperii &c. 224
Meibomii (Henrici) notitia commendaturæ Supplinburgensis. 134
Ockley (Simonis) Notitia Barbaria Austro-Occidentalis. 222
Rymer (Thomæ) Fœdera, conventiones, literæ & Acta publica inter Reges Angliæ & Imperatores &c. Tomus XII. 49
De Sandoval (Prudentii) Historia captivitatis Francisci Lac vite Caroli V in monasterio. 415
De Schertz (C.F.) Laconismus Philologicus de genuino fontis Odera loco situque. 423
Stieberi (Georgii Frid.) Historia Ecclesiastica Megalopolitana. 40
Thucelii (Cassandri) S. Rom. Imperii Acta publica Seculi XVIII. 391
Vogelii (Jo. Jac.) Annales Lipsenses. 288
Wenckeri (Jac.) Commentationes variorum de Archicancellariis, Cancellariis & Secretariis. 400

INDEX AUTORUM.

Wolffi (Jo. Christoph.) Bibliotheca Hebraea. 265

VI Libri Miscellanei.

Alciphronis Rhetoris Epistola ex edit. Stephani Bergleri. 218
Anonymi Librorum rariorum Collectio. Fasciculus IV. 370

D'Aubignac Usus & leges theatri. 324

Van Bashuysen (Henr. Jac.) Clavis Talmudica maxima. 502

Bentleji (Richardi) Animadversiones in librum de cogitandi libertate. 5

Cellarii (Christoph.) Epistola selectiores & Praefationes. 38

De Croufaz (J. P.) Liber de pulcro. 137

Cypriani (Ern. Sal.) Catalogus Codicum MSS. Bibliotheca Gothana. 18

Clarorum Virorum Epistola CXVII e Bibl. Gothana. 21

Dodwelli (Henrici) de parva Equestri Woodwardiana Dissertatio. 13

Fabricii (Johannis) Grammatica linguae Graecae Germanice conscripta. 548

Responsiones ad nonneminis dubia de orthographia Latina. 15

ad C. A. H. Meditationem orthographicam responsio. 85

Fabricii (Jo. Alb.) Bibliotheca Graeca Volumen VII. 262

Faciolati (Jac.) Oratio de Humanitate. 278

Ferrarii (Octavii) de Pantomimis & Mimis dissertatio. 15

Gesneri (Jo. Matthiae) Institutiones rei scholasticae. 417

Grynæi (Jo. Jac.) Epistola familiares cum notis S. J. Apini. 320

Grischow (Augustini) Introductio ad Philologiam generalem. 420

Hagedornii (Georgii Alb.) Ethica, item Dissertationes VIII Academicae. 277

Heumanni (Christophori Augusti) Meditatio orthographica ad dissertationem Fabricianam. 16

Janningi (Conradi) Epistola de obitu Dan. Papebrochii. 180

Kusteri (Ludolphi) Diff. de vero usu verborum mediæ apud Græcos. 66

Epistola de verbo cerno ad J. P. 66

La-

INDEX AUTORUM

Lactantii (Lucii Caelii sive Cæcili) Opera omnia ex edit. Jo. Oe. Walchii.	273
Lancisii (Jo. Maria) Animadversiones in Villam Plinianam.	334
Lehmanni (Jo. Jac.) Methodus nova discendi doctrinam moralem.	469
De Montfaucon (Bernardi) Bibliotheca Coisliniana, olim Segueriana.	480
Neli (Thomæ) Dialogus de Academia Oxoniensis aedificiis.	13
P. Ovidii Nasonis Opera ex edit. Petri Burmanni.	176
Phileleutherus Lipsiensis vide Bentlejus.	
Philopatris dialogus Lucianus.	140
Pointer (Job.) Relatio de pavimento Romano nuper in agro Stunsfeldensi invento.	350
Purchotii (Edmundi) Institutiones Philosophicae. Tomus IV.	363
Exercitationes scholasticae in varias Partes Philosophiae.	366
Schotti (Jo. Car.) Explicatio nova Apotheoscos Homeri in marmore exhibita.	60
Schwartz (Jo. Conr.) Miscellanea Philologica.	359
Ursini (Georgii Henr.) Grammatica Graeca.	374
Welleri (Jacobi) Grammatica Graeca aucta a Lamb. Bos.	548
Wolfii (Jo. Christoph.) Bibliotheca Hebraea.	265
Wren (Christophori) de urnis & aliis Romanorum reliquiis prope Londinum effossis.	348

INDEX RERUM NOTABILIORUM in hoc Volumine obviarum.

A Aron fil. Eliae & Aaron fil. Joseph crebro inter se confusi.	267	Absolutio in prisca Ecclesia qualis?	129
Aben-Elra refutatus.	492	Acarnas stella declinatio.	188
Abortus circa novi & plenilunium frequens.	34	Acclamatione populi olim electi Clerici.	115
Abrahami fata.	496	Accensio operatio chymica generalis est.	412

INDEX RERUM

Accursius num Græca penitus nesciverit.	372	Aer cur tempore pluvio levior sit quam sereno?	339
Actio funeraria non est ipsa actio negot. gest.	533	inclusus a pondere ac calore atmosphaera non mutatur.	339
Triticiaria num a Fr.	533	Æræ Christiana historia.	152
Triticio dicta?	533	Æsopi vita.	518
Actus humani definitio.	364	Æstus marini hora ut determinetur?	193
singulares num possint esse indifferentes.	366	quantitas.	193. 283
voluntarius quinam?	364	Ætiologia barometri Leibnitiana vindicata.	465
Actuum imperatorum ratio.	364	Affectus non sunt sua natura mali.	366
interiorum enumeratio.	364	num subjiciantur præceptis moralibus?	366
Aculeus scorpii tribus foraminibus præditus.	461	quomodo regendi?	366
Acus magnetica declinatio & inclinatio observata.	283	Affectuum cognitio.	472
Adamus unde lingua elementa desumserit?	422	Affluxus maris Arica in Regno Peruviano quantitas.	283
Adelbertus Archi-Ep. Brem. sanctitatis jactator.	161	Alamannicarum legum historia.	8
Adonis vita.	479	Alchymicorum veterum scriptorum Catalogus datur.	373. 374
Advocati requisita.	166	Alciphron Rhetor emendatus.	220. 221
Ægyptiæ lingue αἰψαῶα promissa.	399	Alciphronis elogium.	218. 219
Ægyptiorum Dynastia.	448. 449	Alga latifolia dentata Razi habet flores & semina.	344
Magi.	499	Altitudines Solis non obstante motu navis in scrupulis secundis ut observentur?	467
Æolidarum res.	452	De Amicitia Epicuri aliorumque sententia.	10
Equationum constructiones illustata.	345	Anatomicæ tabula.	330
quadraticarum affectarum resolutio per logarithmos.	260	Ant-	
Æquilibrium aquæ marinæ cum areometro.	189. 190. 281		

NOTABILIORUM.

<i>Anatomicus Thesaurus.</i>	310	<i>carusa mixta.</i>	438
<i>Ab Andler (L.B.) laudatus.</i>	392	<i>Aquæ congelatio num termi-</i>	
<i>Angliæ Regum jura circa sacra</i>		<i>nus fixus frigoris?</i>	340
<i>posterioribus temporibus in</i>		<i>vita vires.</i>	401
<i>dubium vocata.</i>	162	<i>bonæ gravitas specifica.</i>	190
<i>Angulus turbinationis quinam?</i>	245	<i>marina in diversis locis</i>	
<i>Anguli in tres pluresve partes</i>		<i>gravitas specifica.</i>	189.190.281
<i>sectio.</i>	232	<i>pluvialis gravitas spe-</i>	
<i>Ani imperforatio & intestini re-</i>		<i>cifica.</i>	190
<i>cti defectus.</i>	465	<i>Per Aram auream Christus de-</i>	
<i>Annus natalis J. C. qualis?</i>	152	<i>piæus.</i>	308
<i>Anscharii Saxonis Opera Da-</i>		<i>Aranea per tres menses sine ali-</i>	
<i>ni ac Succæ ad Christiani-</i>		<i>mento vivens.</i>	461
<i>smum adducti.</i>	98	<i>Ex Aranea calculus.</i>	461
<i>Anselmi Scripta.</i>	164	<i>Arbores num tracheas habeant?</i>	344
<i>Antifebrile novum.</i>	343	<i>De Archi-Cancellariis Imp.</i>	
<i>Antiquitatis studium commen-</i>		<i>Tractatus.</i>	401
<i>datum.</i>	203 seq.	<i>De Archivis Dissertationes col-</i>	
<i>Ex Antitypo de natura typi ju-</i>		<i>lectæ.</i>	401
<i>dicandum.</i>	361	<i>Arena instar pluvie decidit.</i>	193
<i>S. Antonius Autor Cænobia-</i>		<i>Areometri descriptio.</i>	186
<i>rum.</i>	427	<i>Argentum quando Hebræi si-</i>	
<i>falso pro autore E-</i>		<i>gnare cæperint?</i>	433
<i>remitarum traditus.</i>	427	<i>Argivorum primi Reges confi-</i>	
<i>Antonii vita.</i>	428	<i>cti.</i>	450
<i>Apollo semineum in morem ve-</i>		<i>Aricæ urbis latitudo & longitu-</i>	
<i>stitus.</i>	64	<i>do.</i>	283
<i>per tripodem locutus.</i>	65	<i>Aristoteles impietatis accusa-</i>	
<i>Apollonius contra Vossium de-</i>		<i>tus.</i>	9
<i>sensus.</i>	327	<i>notatus.</i>	325
<i>Apollonii Dyscoli scripta.</i>	262	<i>Arnaldus (Ant.) Quæsnellii a-</i>	
<i>Sophista Lexicon.</i>	484	<i>micus.</i>	296
<i>Aqua in ventriculis cerebri &</i>		<i>Arnoldus (Godofredus) refuta-</i>	
<i>pericardio naturalis.</i>	342	<i>tus.</i>	40
<i>Aqua expiatoria cineribus vac-</i>			Ar-

INDEX RERUM

Arnoldus (Godofr.) laudatus. 307	Augustini (Ant.) liber de No-
Arsenicum sine inflammatione	minibus Pandectarum pro-
necans. 463	priis desideratur. 373
fertililitatis causa. 462	S. Augustinus duo monasteria
Arterix cystica ramuli ad hepar	fundavit. 429
abeunt. 312	autor monacho-
Ex Arthanita umbilico contra	rum in Africa. 419
vermes applicata convulsio-	autor Canonico-
nes & mors. 173	rum Regularium. 439
Arthritis vaga mira. 309	Aurea Bulla emendata. 512
De Arthritide Tractatus. 71	Auris officuli tertii verus inven-
Asari virtus in peste. 127. 128	tor. 331
Ascarides. 410	Aurium dolor cum auditus diffi-
De Ascetis veterum dissertatio. 437	cultate scarificatione in ver-
Asiarcha unus quotannis fuit. 435	tice sublata. 319
De Asini capite in adyto Templi	vermes. 410
Hieros. dedicato, fabula. 432	Baalis Peor vultus. 500
Assyriaci regni ortus. 494	Babelis origines & confusio
Asthma ex lapillis pulmonum. 462	linguarum illic facta inqui-
Asthmatici pulmones sero pleni. 462	runtur. 399. 422. 431. 494
Astronomia Streetii laudata. 131	turris edificata? 448
S. Athanasio vita S. Syncretica	Babylonici regni ortus. 494
adscripta. 427	Bacchi descriptiones. 354
Atheroma omenti pilosum in	Bachetus, Meziriacus (Claud.
hydropica. 311	Casp.) 518
inter musculos colli	Baco de Verulamio (Fr.) nota-
bovis singulare. 311	tus. 52
Attaliatz (Mich.) scripta. 507	In Bajuvariorum legibus ine-
Auberti Cameracensis vita. 430	ptissima dictorum S. Scriptu-
Avenionis longitudo. 316	ra citationes. 82
S. Augustini vita. 429	Balbinus (Bobusl.) notatus. 403
	Baluzius (Steph.) notatus. 273
	Opera Cypriani pro-
	miss. 92. 93
	Banner-Zetten qui? 314
	Banni vox unde? 313
	Ba-

NOTABILIORUM.

Baptismus maris intransitu per lineam. 193	Benferadii (Isaaci) carmen elegans. 518
Barbaricarii qui dicti? 14	Berglerus (Steph.) laudatus. 219
Barbarus (Hermol.) notatus. 66	222
Bardi qui fuerint? 100	Bernoullius (Joh.) impugnatus. 326
Barometri etiologia Leibnitiana vindicata. 465	Bethulia num notet urbem? 450
Barometricæ observationes. 284	Beza (Theod.) notatus. 516
340	Biblia Vinariensis, Wurtembergensis & Osiandrina laudata. 354
Barometrorum lucentium inventor Bernoullius. 176	Bibliographi Hebraei notati. 267
constructio nova. 176	Bileamus fuit homo probus. 500
historia. 326	a pristina pietate defecit. 500
Baronius (Cesar) notatus. 154	Bilis saxea per deliquium soluta. 462
Baroscopium ad antliam pneumaticam aptatum. 414	saxea consistentia in phibico. 462
Barrelieri (Jac.) vita. 239	Billingi (Hermann) vita. 104
Barthius (Casp.) notatus. 218	Le Blanc (Augustinus) laudatus. 296
Bartoloccius (Jul.) laudatus. 265	Bochartus (Sam.) notatus. 2
Basileensium insignia. 322	Bœcleri (J. H.) Bibliographia curiosa emendata & aucta. 543
Basilidianum amuletum explicatum. 360	Commentarius de rebus Turcicis promissus. 546
S. Basilii M. vita & fata. 428	Boehmeri (J. H.) Scripta. 111
Basnagius (Jac.) refutatus. 433	Bohemicum Martyrologium conscriptum. 390
Beatitudinis formalis ratio. 363	Boilavius (Jo.) laudatus. 270
Becklerus (Petr.) laudatus. 315	Bona Cardinalis refutatus. 158
Beda Vener. æram Christianam restauravit. 153	Bonannius (Phil.) notatus. 426
Bedæ Venerabili Martyrologium falso adscriptum. 476. 477	Bonesidii (Enimundi) elogium. 508
Behægel (Is.) laudatus. 391	Jur
Belboc, Deaster. 147	
Bembus (Petr.) laudatus. 279	
Benedicendi modus & traditionibus Judaorum haustus. 307	
B b b b	

INDEX RERUM

<i>Jus Orientale</i> 506 sq.	C æsar Germanicus emendatus. 360
<i>De Bono summo varia.</i> 278. 363. 364. 471	Casse Europaum est secale co- stum. 463
<i>Bonorum distinctio.</i> 363	ferens arbor. 463. 464
<i>Bonus homo & philosophus a se ipso esse potest.</i> 442	ad Gelseminorum clas- sem spectat. 464
<i>Bovini contagii descriptio.</i> 77. 463	<i>Ex</i> Casse abusu hydrops pecto- ris. 348
<i>Bovum pinguesfactio per inflatio- nem.</i> 465	Cainus in Orientem processit. 448
<i>ex contagio percuntium carnes innocue comeduntur.</i> 463	Calculi remedium. 287
<i>Bourdeline (Claudii) vita.</i> 347	Calendariorum fraternitas. 395
<i>Brownius (Th.) laudatus.</i> 353	Caloris æstivi causa. 218
<i>Bruno Autor Ordinis Carthu- sianorum.</i> 163	Sol causa non est. 219
<i>Brunonis fata.</i> 163	Calvinus (Just.) notatus. 301
<i>Brunshausen cænobii fundatio.</i> 103	Calvisius (Seth.) notatus. 154
<i>Bubonum pestilentialium cu- ratio.</i> 37. 128	Camerarii (Joach.) Epistola in- edita promissa. 321
<i>Bucholzerus (Abr.) notatus.</i> 154	Campana evacuata ut calefieri possit? 414
<i>Buddens (Jo. Franc.) laudatus.</i> 298	<i>De</i> Cancellariæ jure tract. 401
<i>Bullarum decretoriarum Pon- tificum ars & instabilis auto- ritas.</i> 297	Cancellariorum Academicorum origo & dignitas. 397
<i>Bullionii Cardinalis fata fini- stra.</i> 295	<i>In</i> Cane venatico renunicus. 462
<i>Burgundionum leges Romano- rum Jurisprudentiam sapi- ant.</i> 82	Cangius notatus. 313
<i>Burtonus (Guil.) notatus.</i> 371	Canones Apostolici quando col- lecti? 199
<i>De Byzantinæ historiæ scripto- ribus notatu digna.</i> 484	Canonicum Jus B. Lutherus tollendum judicavit. 143
	Canopi declinatio. 283
	Canum vermes. 410
	<i>In</i> Capitonis (Rob.) nomine & fatis multi fuerunt halluci- nati. 372
	Carbunculi caudati. 135
	Car-

NOTABILIORUM.

Carbunculorum pestilentialium curatio. 37. 128	usus antiquissimus. 318
Caria Dodanlm seu Dorienfium sedes primaria. 451	forma. 318
De Carmelitarum auctore con- trouersia. 429	Cerdanus (Lud.) notatus. 303.
Carnes boum contagio mortuo- rum innoxie comesta. 463	304
Caroli M. leges ad privatam ejus notitiam primum composita. 83	Cerebelli defectus in embryone vivo. 341
patria qua? 101	Cerebri defectus in embryone vivo. 341
Carolus M. variorum Episcopa- tuum fundator. 41	vermes. 410
falso habetur funda- tor judiciorum Fehmnicorum. 101	In Cerebri ventriculis aqua na- turalis. 342
num in Inferiori Sa- xonia Episcopatus institue- rit? 101	In Cerebro lymphæ secretio & excretio. 457
Carre (Ludovici) vita. 347	De Cerno verbo dissertatio. 71
Carthusianorum ordinis origo. 163	Cerri (Albani) elogium. 391
Caryophyllus spicam frumenti referens. 463	Chamus diversus a Melchisede- cho. 494
Catarrhus epidemicus. 35	In Chartis hædinis Judæi scri- pserunt. 446
Castanea Brasileensis varior. 461	Chevræus (Urbini.) notatus. 520
Castellanus (Claud.) notatus. 476	Chiffletius (Joh.) notatus. 313. 373
Causarum numerus. 367	Chili regni in America situs ac- curatus. 189
Centrum turbinationis quid sit? 245	Chinæ Chinæ usus noxius. 461
ut determinetur? 249 sq.	in podagra. 464
Centumviralium judiciorum indoles. 317	Chorda ex filamentis contorta quantum pondus sustineat? 346
	Choroideus processus duplex ab Eustachio descriptus. 332
	De Christinæ Reginæ abdic- tione epistola. 520
	Christianismus in quo consistat? 486
	Chrodegani Ep. Metensis vita. 430
	Bbbb 2 Chry:

INDEX RERUM.

ChrySTALLISATIO <i>palingenesia</i> si- milis. 343	consensu Regum in occidente facta. 114
Chylificatio non fit per solam triturationem. 342	Clitoris magna puella salacis. 463
Chymix Compendium. 411	Cicero quare placita Carneadis amplexus? 11 sq.
Chymiam docendi duplex me- thodus. 412	unus adolescentibus sus- ficit. 279
Chymica producta & operatio- nes. 412	filius, creatus Pontifex Max. 155
Chymicorum principia cogno- scendi & curandi. 411	in devia deflexit temporum vitio. 155
principiorum si- gnatura. 412	epistolas reliquit. 155
postulata. 412	Ciceronis elogium. 12
errores. 412	vitia notata. 156
Circuli peripheria num puncto aequetur? 45	Ciceroni libri de Consolatione suppositi. 206
omnes similes. 215	Cithara & lyra antiquorum ut differant? 63
quadratura erronea. 47.	Civitates liberae nec feudum nec allodium vocande. 314
Circumcisio num ab Aegyptiis repetenda? 496	Coagulatio operatio chymica generalis. 412
Claritas insignis per mare dis- fusa. 192	Coccaji (Merlini) nomen ve- rum quod? 518
Clarkius (Sam.) Trinitarius Arianizans. 440	Cochlearix usus in pedum ulce- ribus cariosis. 10
Clauderii (Iosephi) vita. 542	Coddæi (Petri) icon in nummo. 106
Clavicula cariiosa exenta sine brachii motu impedito. 310	Cœcitas a fœtore fossæ liquore spirituoso curata. 341
Clavicularum Salomonis autor quis? 373	S. Cœnæ vera ratio. 486
Clericus (Jo.) notatus. 198. 432.	In S. Cœna præsentia realis de- monstrata. 361
492. 493. 496 Iq. 501.	Colica convulsiva non datur. 209
Clerici (Jo.) scripta promissa. 95	De Colica tractatus. 208
Clericorum electio olim ad Ec- clesiam pertinebat. 114	Collinus (Ant.) autor libelli de liber

NOTABILIORUM.

libertate cogitandi.	488	Consistoria Protestantium num	
refutatus.	489	in locum judicii Episcopalis	
Collyrium Americanum.	287	surrogata sint?	369
Colores objectorum in foco vitri		cur multas causas ci-	
caustici ut videantur?	340	viles tractent?	369
Colorum phenomena.	341	Constantiæ Conjugis Henrici	
Columnæ (Barthol.) vita.	430	VI Imp. concubitus furtivi.	
Columna Soli orienti adharens.			121
	192	Constantinus M. falso autor or-	
Comites vexillis investiti.	315	dinis equestris habitus.	428
a Vicariis investiti.	315	Consuetudo notat saepe jura	
Comnenæ (Annæ) Alexias cum		scripta.	84
codice Coisliniano collata.	484	Consuetudinum definitiones	
Comœdiæ num permixtae, con-		ſtorum Rom. rejectæ.	84
troversia in Gallia.	151 sq.	Contagium boum descriptum.	
ejusdem fabula non			463
ultra decem horas complecta-		Contusiones aqua vita curate.	
tur.	326		46
Conceptio in somno.	122	462	Conversio gentium ad Christia-
sine voluptate & ap-		nam religionem.	41.42
petitu.	113	Judeorum futura.	505
Conceptionis Urbis in regno		Coquimbo urbis in regno Chili	
Chili latitudo & longitudo.	281	latitudo & longitudo.	283
Conchylia ut certis corporibus		Cor non simplex est musculus.	341
adbareant?	340	Scorpii a Luna occultatum.	
in lapide.	462		187.284
Concupiscentia num volunta-		Corallia in spiritu vitrioli dif-	
rium tollat?	364	soluta vitrioli speciem for-	
Confessio rei num necessaria ad		mant.	342
pœnam mortis decernendam.		Coralliorum solutiones novæ.	342
	534	Cordis vermes.	410
Conglaciatio non est terminus		Coriaria, planta.	347
frigoris fixus.	340	Cornua capiti Moysi in numis	
Conjunctio Veneris & Cordis		adjuncta.	432
Leonis observata.	346	signa ubertatis & auto-	
Conscientiæ definitio.	365	ritatis.	120
De Conscientia varia.	472	Bbbb 3	Cor-

INDEX RFRUM.

<i>Cornua notant uxorum lasciviam.</i>	120	<i>ries infinitas expensa.</i>	345
<i>taurorum & arietum veteris religionis insignia.</i>	305	<i>Cutaneæ papilla demonstrata.</i>	311
<i>Corona divinorum mysteriorum symbolum.</i>	308	<i>De Cutaneis affectibus Tractatus.</i>	172
<i>Coronæ Lunares.</i>	192	<i>Cycloides omnes similes.</i>	216
<i>Solares.</i>	192	<i>Cymbalistæ figura in gemma.</i>	446
<i>Corticis Peruviana vis febrifuga in quo consistat?</i>	77	<i>Cypriani Opera promissa.</i>	92. 93
<i>Cortici parum in nutritione plantarum tribuendum.</i>	344	<i>Cyrillus emendatus.</i>	2
<i>Corveyensis Cænobii origo incerta.</i>	103	<i>Czernebock, Deaster.</i>	147
<i>De Coturnicibus, quibus Israelitæ vescabantur.</i>	499	D <i>Anorum Francorumque cognatio.</i>	537
<i>Cranii futura recta deficiens.</i>	462	<i>Dantisci longitudo.</i>	346
<i>perforatio a charta masticata sclopeto majori explosa.</i>	465	<i>Danubianum opus.</i>	95
<i>Crenius (Th.) notatus.</i>	372	<i>Daumius (Chr.) notatus.</i>	18
<i>Crimones.</i>	410	<i>Declinatio Canopi.</i>	283
<i>Crisis.</i>	514	<i>stellarum Crucis.</i>	187
<i>Crodo, Deaster.</i>	99. 147		188
<i>Croulazii (J.P.) Logica laudata.</i>	137	<i>Declinationis acus magneticae observationes.</i>	191. 283
<i>La Croze (Maturini Veysserii) elogium.</i>	220. 400	<i>observanda merhodus.</i>	191. 192
<i>Crucimanius vitam Postelli promisit.</i>	515	<i>De Dedicationibus librorum veterum Latinorum Diff. 38 seq.</i>	
<i>Culicis motus localis.</i>	340. 341	<i>Defensor religionis Evangelicæ dictus Elector Sax.</i>	368
<i>Curruum bellicorum usus apud veteres.</i>	447	<i>Deglutitio impedita & abolita a polypo œsophagi.</i>	457
<i>Curtius (Ben.) vide Simphorianus.</i>		<i>Deitas Jesu Christi demonstrata.</i>	438
<i>Curvarum quadratura per se,</i>		<i>Ex Dente avulso hæmorrhagia ut cohibita?</i>	461
		<i>Dentium nervi & vasa sanguifera.</i>	311
		<i>vermes.</i>	410
		<i>Den-</i>	

NOTABILIORUM.

Dentium dolor cum tumore genarum spiritu vini sublatus?	461	Ductus thoracicus jam ab Eustachio descriptus.	331
Deorum historia.	452	Duellicum judiciorum iniquissimum.	81
Inter Deos quæ fuerint a Gentilibus relata?	495	Dynastiæ Egyptiorum haud genuina.	449
Deylingii (Sal.) scriptum promissum.	437	E Berti (Adami) elogium.	415
Diaboli cum feminis concubitus.	122	Scripta promissa.	416
Diffidatio de duello.	319	Ecclesia primitiva de offensis membrorum suorum judicare potuit.	198
Digestio ciborum non sit sola trituratione.	342	Ecclesiæ quæ vera salus contra hierarchiam Pontificiam?	121
Diluvium num universale?	493	sedes post lapsum in Syria & Mesopotamia.	492
duplex ex uno Graci fecerunt.	443	antiquæ disciplina ut in praxin revocanda?	202
Dionysius Exiguus æra Christiana primus autor.	153	Romane vilipendium antiquitatis notatum.	298
Diophanti Alexandrini Arithmetica recensita.	518	Eclipsis Solis A. 1708.	187
Diphthongorum literæ num divellenda?	16	A. 1711.	346
Diureticum præstantissimum.	287	A. 1715.	261
Dodwelli (Henr.) elogium.	13	Luna A. 1711.	346
vita.	94	Eclipsium observationes.	465
Dolorum ratio.	211	Eduardi IV R. Angl. res bellicæ.	52 sq.
Dominii translatio jure nat. per sola verba fieri potest.	315	res domestica.	58 sq.
Domnizi Presbyteri versus notati.	165	Eizenius (Paul.) Formulam Concordiæ respuit.	395
Doucinius adversarius Noallii Card.	297	Calvinismi suspectus.	395
Dracunculus seu vena Medinensis.	410	De Electoratu nono quædam.	395
De Dramate tractatio.	325	Ellipses quænam similes?	216
		Emmaus duplex.	4
		Empiricorum Medicorum principia.	514
		Emplastrum de ranis cum mercurio	

INDEX RERUM

<i>curio quadruplicato valet ad</i>	<i>Eustachii (Barthol.) Tabula A-</i>
<i>arthritidem.</i>	<i>stronomica.</i>
<i>74</i>	<i>95</i>
<i>cum mercurio</i>	<i>Eustathii editiones.</i>
<i>545</i>	<i>545</i>
<i>Et cum vitriolo Romano valet</i>	<i>Excommunicatio in Ecclesia</i>
<i>ad strumas.</i>	<i>primitiva quando facta?</i>
<i>76</i>	<i>199</i>
<i>Engastrimythi qui?</i>	<i>272</i>
<i>66</i>	<i>Excrementa corporis humani.</i>
<i>Ens an sit univocum?</i>	<i>514</i>
<i>376</i>	<i>Existentia Dei probata.</i>
<i>Entis proprietates.</i>	<i>328</i>
<i>367</i>	<i>Experimenta Wolfii (Cbristia-</i>
<i>Ephemeridum Naturæ Curio-</i>	<i>ni)</i>
<i>forum Collectores notati.</i>	<i>339. 415</i>
<i>465</i>	<i>Fabretti (Raph.) notatus.</i>
<i>um.</i>	<i>61</i>
<i>460</i>	<i>Fabri (Fr.) scripta.</i>
<i>Epidemicus catarrhus.</i>	<i>227</i>
<i>35</i>	<i>Fabricius (Jo.) dati de mutan-</i>
<i>Epidemicorum morborum ra-</i>	<i>da religione consilii perperam</i>
<i>tio.</i>	<i>accusatus.</i>
<i>170</i>	<i>133</i>
<i>Episcopi qui dicti tempore Apo-</i>	<i>Fæces alvi vix dectmam solidi</i>
<i>stolorum?</i>	<i>partem continent.</i>
<i>6</i>	<i>343</i>
<i>priscam disciplinam</i>	<i>Fæcum alvi destillatio.</i>
<i>revocare allaborarunt.</i>	<i>343</i>
<i>200</i>	<i>Sahn-Lehn & Fürsten-Lehn</i>
<i>sceptro investiti.</i>	<i>differunt.</i>
<i>313</i>	<i>314</i>
<i>Episcopis in præjudicium Impe-</i>	<i>Fanon quid notet?</i>
<i>rii jurisdictio concessa.</i>	<i>313</i>
<i>318</i>	<i>Febrifugum novum.</i>
<i>Equini stercoreis præparatio pro</i>	<i>343</i>
<i>usu Medico.</i>	<i>Febris insolita remedium.</i>
<i>464</i>	<i>287</i>
<i>Erasmus (Des.) vivus bibliote-</i>	<i>tertiana China china usu</i>
<i>cam suam vendidit.</i>	<i>profligata.</i>
<i>321</i>	<i>461</i>
<i>Ericus (Jo. Petr.) laudatus.</i>	<i>Febrium intermittentium re-</i>
<i>422</i>	<i>medium.</i>
<i>Erysipelas phlegmonodes spiritu</i>	<i>187</i>
<i>vini curatum.</i>	<i>diversa species</i>
<i>461</i>	<i>unde?</i>
<i>Ethicæ definitio.</i>	<i>77</i>
<i>577</i>	<i>De Febribus intermittentibus</i>
<i>Evaporatio operatio Chymica</i>	<i>tentamen.</i>
<i>generalis est.</i>	<i>77</i>
<i>412</i>	<i>Felicitas summa.</i>
<i>Eucharistica consecratio.</i>	<i>471</i>
<i>487</i>	<i>Felium vermes.</i>
<i>oblatio.</i>	<i>410</i>
<i>486</i>	<i>Felleus succus saxeus.</i>
<i>Eusebius Romanus est Jo. Ma-</i>	<i>462</i>
<i>billon.</i>	<i>Fer-</i>
<i>160</i>	

NOTABILIORUM.

Formenti <i>essentia, affectiones, vires & usus.</i>	411	Fontis mineralis <i>Tungrensis descriptio.</i>	463
Ferrarii (Octavii) <i>stilus.</i>	16	Formulæ Concordiæ <i>receptio cur in Holsatia recusata?</i>	395
Feuda <i>pro duello.</i>	319	Formulæ fidei <i>sub lege necessitatis præscriptæ.</i>	121
Ficoidea.	347	<i>improbata.</i>	121
Figuræ <i>similes quæcunque sunt in ratione duplicata homologarum linearum.</i>	215.216	<i>quando introductæ?</i>	121
Figurarum <i>curvilinearum similitudo.</i>	214.1q.	Francorum Danorumque <i>cognatio.</i>	537
Filelaccus (Jo.) <i>refutatus.</i>	296	De Francorum <i>origine disquisitio.</i>	537
Filii Dei & <i>hominum qui?</i>	493	Freda <i>multæ genus.</i>	319
Finis rerum <i>ultimus quinam?</i>	363	Fredegundæ & Landrit <i>amores.</i>	121
S. Firmini <i>Confessoris reliquiæ inventa.</i>	312.313	Freigii (J. Tb.) <i>querela.</i>	506
Fixarum a Luna <i>occultatarum observationes.</i>	283	Freherus (Marqu.) <i>laudatus.</i>	320
Flamma gladii <i>vibrantis quid?</i>	492	<i>notatus.</i>	506
Fletus <i>super Thammuz.</i>	437	Frigidi <i>humores vomitu rejecti.</i>	310
Flynz, Soraborum <i>Lusatiorum Deaster.</i>	147	Frigoris <i>hyemalis causa.</i>	230
Fœminæ <i>honestiores in urbe Conceptionis regni Chili non nisi noctu in publicum prodeunt.</i>	295	Frisicarum <i>legum collectio privati studio facta.</i>	82
Fœtus <i>ejiciendi remedium.</i>	462	Frœling (Andr.) <i>nomen detestum.</i>	370
<i>sine cerebro & cerebello vivus.</i>	341	Frommanni (Conr.) <i>vita.</i>	424
<i>vivus ex matre mortua excisus.</i>	462	Frontis <i>ossis vermes.</i>	410
<i>pulcri redduntur a Magnesia.</i>	463	Gürsten-Lehn & Tahn-Lehn <i>differunt.</i>	314
Folengus (Theoph.) <i>sub nomine Merlini Coccagi latet.</i>	518	Funccius (Jo.) <i>notatus.</i>	154
		Funccii (Christ.) <i>vita.</i>	539
		Fungarius <i>lapis non est verus lapis.</i>	238
		Fungorum <i>generatio.</i>	233
		Furti <i>pœna quando variet?</i>	532
		Cccc	Gassa-

INDEX RERUM

- G**Affarellus notatus. 169
 Gale (Thom.) refutatus. 350
 Gallæ antifebrile novum. 343
 Gallicana ecclesia in quo Africa-
 na similis? 293
 Gallicanæ ecclesiæ libertas. 27
 271.293.294
 nunc pe-
 ne extincta. 293 1q.
 Gandersheimensis Abbatia fun-
 datio. 103
 Garnier (Juliani) Editio Ope-
 rum S. Basilii. 93
 Gellius (Aul.) emendatus. 17
 Gelsemium Arabicum flore al-
 bo ingenti odoratissimo est
 Caffè. 462
 Genæ sphacelus ex petechiali fe-
 bre. 309
 Gentilottus laudatus. 219
 Geometria ut ætiologica fiat? 218
 Germani sua judicia publica &
 criminalia habuerunt. 317
 Germania in Pagos & Centenas
 divisa fuit. 317
 Germaniæ Acta publica edita.
 521
 Germanorum veterum mores. 81
 Apud Germanos veteres homi-
 cidium non fuit capitale. 318
 319
 Germonius adversarius Noallii
 Card. 297
 Gesnerus (Conr.) notatus. 262
 Gesneri (Jo. Matth.) elogium. 143
 Gigantis (Jo.) vita. 424
 Gladii vibrantis flamma quid
 denotet? 492
 Gladio Reges initiati. 313
 Glandulæ thyroidea textura. 333
 Glandularum mesenterii textu-
 ra. 312
 Globus perpendiculariter e tor-
 mento explosus num recidat?
 328
 Godeschalcus Christianorum
 persecutor ad meliora se con-
 vertit. 41
 Gograviorum origo, officium,
 jura. 319
 Gomorrhæ destructio. 496
 Gonorrhææ virulenta sedes. 341
 Grabius (Jo. Ern.) peculiari li-
 turgia in usu S. Cænæ usus. 487
 animum in castra Pon-
 tificiorum transcundi mutat.
 489
 in communione Ecclesiæ
 Anglicanæ mortuus. 488
 Græci unde Jones appellati? 450
 Doctores plerique a Semi-
 Pelagianismo parum absunt.
 271
 unde dicti? 450
 Grævius (Jo. Ge.) notatus. 207
 Grammatices Lexicon. 484
 Grammaticæ Græcæ novæ.
 548 1q.
 Grandimontensis ordinis origo.
 162
 Grandus (Guido) notatus. 143
 De Gratia dogma a Pontifice se-
 de impugnatum. 298
 de-

NOTABILIORUM.

<i>defensum.</i>	299	Don der Zardt (Herm.) sen-	
Gratiani Decretum authenticam		tentia rejecta.	494 497
<i>autoritatem habuit.</i>	113	Hasæus (Theod.) laudatus.	350
Gravia in fluido descendunt		Haymonis nova editio deside-	
<i>cum eo non gravitant.</i>	339	<i>rata.</i>	90
Gravida alabastræ molem vastam		Hearnius (Th.) refutatus.	352
<i>comedit.</i>	462	Hebræi quando argentum signa-	
Gravidæ vomitus spiritu vini		<i>re ceperint?</i>	433
<i>curatus.</i>	461	Hebræorum literæ in numis non	
Gravitatis Systema Galileanum		<i>fuerunt Samaritana sed He-</i>	
<i>a priori ostensum.</i>	346	<i>bræ.</i>	433
<i>theoria nova pro-</i>		Hebraicorum titulorum ratio.	
<i>missa.</i>	328		268
Grawenhoffensis monasterii o-		Heinsius (Nic.) refutatus.	359
<i>rigo.</i>	104	Hellenes ubi habitaverint?	451
Grenovicensis observatorii lon-		<i>sota fere Græcia po-</i>	
<i>gitud.</i>	346	<i>titi.</i>	451
Gronovius (Jac.) notatus.	316	Henflingii systema Muscæ imm-	
Grotius (Hugo) notatus.	114.	<i>pugnatum.</i>	346
	499.501	Henricus Auceps quas duxerit	
Grynæi (Sim.) vita.	321	<i>uxores?</i>	91.104
		<i>quæ fata habuerit?</i>	
H æmorrhagia penis.	462		104
<i>spiritui vini</i>		De Henrici Zutphaniensis vita	
<i>cedit.</i>	461	<i>& gestis.</i>	397
Hagendornii (Conr.) elogium.		Henrici IV Regis Germ. flagitia	
	375	<i>notata.</i>	161
Halberstadenſis Episcopatus o-		Henricum Scotie Regem Mus-	
<i>rigo.</i>	102	<i>cus quidam cucurbitavit.</i>	121
Hamburgensis Episcopatus fun-		<i>VIII R. Angl. Smeto-</i>	
<i>datio.</i>	102	<i>nus cornibus mactavit.</i>	121
Hammondus (Henr.) laudatus.		Ad Hepar abeunt arteriæ cysti-	
	198	<i>ca ramuli.</i>	312
<i>refutatus.</i>	436	Hepatis vermes.	410
Harduinus (Jo.) notatus.	270	Hernia sympathetica curata.	
	437		460

INDEX RERUM

- Herodoti vocum Lexicon.** [484](#)
Hickeſius (Georgius) refutatus. [486](#)
Hilarii Arelatenſis adverſus Leonem factum deſenſum. [295](#) lq.
Hildeſienſis Epiſcopatus origo. [102](#)
Hipparchi laus. [459](#)
Hircus inter alias ceremonias in V. T. oblatus. [308](#)
Hispanicam ſucceſſionem li- tes oborta & ſcripta edita. [392](#)
Hiſpanorum Reges anno XIV ætatis abſoluto majoreſſes ſunt. [392](#)
Hofmannus (Melchior) turbas excitat. [394](#)
Hombergk (Jo. Frid.) refutatus. [434](#)
Homeri Scholiaſtes ineditus in Bibl. Lipſ. Paulina commen- datus. [546](#)
Homicidium apud Germanos veteres non fuit capitale. [318](#)
Homines pro Diis culti quare? [495](#)
Horæ veterum inæquales. [359](#)
Horatii Albani morbus, interi- tus, funus. [465](#)
Horizontis marini altitudo. [187](#)
Horologii motus in terra motu ceſſans. [193](#)
Huetius (Dan.) notatus. [451](#)
Hugenius (Chriſt.) vindicatus. [243](#)
Hugonis de S. Victore fata. [92](#)
Humores frigidi vomitu reje- cti. [310](#)
Hydatides in ovario ſemina in- gentes. [341](#)
Hydrops pectoris ex Caffèe ab- uſu. [348](#)
Saffaſtras decocto ſa- natus. [461](#)
Hydropis remedium. [461](#)
In Hydropica omenti attheroma pilolum. [311](#)
Hyperbolæ quanam ſimiles? [216](#)
Hypochondriaci a peſte liberi. [35](#)
Ablonſkius (Dan. Ern.) lauda- tus. [390](#)
Janſenius (Corn.) damnatus. [269](#)
Jasminoides. [347](#)
Idololatriæ origo. [494-495](#)
prima ſpecies Solis atque Lunæ cultus. [495](#)
De Jephthæ voto. [501](#)
Jefuitæ de libertatibus Eccl. Gal- licanæ varios egere trium- phos. [395](#)
Igneæ pluvia artificialis. [414](#)
Imaginum cultus an vetuſtior cultu religioſo? [495](#)
cur inventus? [495-496](#)
De Imitatione Chriſti libri quis autor? [158](#)
Imperii definitio. [364](#)
Impetigo in facie & collo ſpiritu vini curata. [461](#)
De

NOTABILIORUM.

<i>De Incestu tractatio.</i>	109. sq.	<i>Judicia Fehmica inventum Cleri.</i>	101
<i>Inclinationis magnetica obser-</i>			
<i>vationes.</i>	282. 283	<i>Judithæ historia in Comædia</i>	
<i>Infernalis ignis non metaphori-</i>		<i>formam conscripta.</i>	450
<i>cus sed realis.</i>	107	<i>Juliz, Augusti filia, lascivia.</i>	121
<i>Inferni locus in Solo.</i>	107	<i>Juliani Imp. vita & scripta.</i>	263
<i>Inscriptio vetus Lugduni Gallo-</i>		<i>Ivonis Carnotensis vita.</i>	430
<i>rum eruta.</i>	519	<i>Jupiter cur Heliconius dictus?</i>	62
<i>Insectorum specimen.</i>	241	<i>Juramenti solemnitates.</i>	167
<i>Intellectus num moveat volun-</i>		<i>De Jure Græco recenti varia.</i>	
<i>tatem & contra?</i>	364		505-513
<i>Intestini illi duplex invagina-</i>		<i>Jurixus (Petr.) notatus.</i>	494
<i>tio.</i>	460	<i>Jurisdictio in præjudicium Im-</i>	
<i>recti defectus.</i>	465	<i>perii Episcopis & Abbatibus</i>	
<i>Involuntarium quid sit?</i>	364	<i>concessa.</i>	318
<i>Johannes Evangelista Βαρεβα-</i>		<i>Justiniani Imp. conceptio per coi-</i>	
<i>gæ appellatus.</i>	7	<i>tum spectri cum ipsius matre</i>	
<i>Johannis Baptiste vita.</i>	433	<i>peracta.</i>	118
<i>Ex Johannis Evang. C. 1 Deitas</i>		<i>Juterhoc vel Belhoc Deaster.</i>	147
<i>Jesu Christi demonstrata.</i>			
	438. sqq.	L <i>Abbeus (Petr.) notatus.</i>	273
<i>Jonæ (Justi) vita.</i>	424	<i>Labia Messia notant ejus do-</i>	
<i>Josephus (Flav.) emendatus.</i>	2	<i>ctrinam.</i>	447
<i>Josue victoria ad Gibeonem.</i>	501	<i>Lac seminarum augmentans</i>	
<i>Irminul quid notet?</i>	99	<i>planta.</i>	287
<i>Isaacus Israelita duplex.</i>	267	<i>Lachrymarum vitrearum effe-</i>	
<i>Israelitæ in servitute Assyriaca</i>		<i>ctus singulares.</i>	465
<i>servorum, hodiernorum for-</i>		<i>Lactantius (Cæl.) ingenio sub-</i>	
<i>tem haud experti.</i>	223	<i>inde magis utitur, quam ju-</i>	
<i>Israelitarum transitus per mare</i>		<i>dicio.</i>	275
<i>Idumeum.</i>	431	<i>opiniones physice fal-</i>	
<i>Judæi num redituri sint in ter-</i>		<i>sas interdum fovet.</i>	275
<i>ram Canaan?</i>	505	<i>S. Codicis loca male</i>	
<i>Judæorum nomina propria.</i>	268	<i>interpretatus.</i>	275
<i>conversio.</i>	504. 505	<i>Lactantii (Cæl.) scripta.</i>	274
<i>Judaica annos computandi ra-</i>		<i>opera ab hostibus Chri-</i>	
<i>tio.</i>	268	<i>stiana religionis corrupta.</i>	275
		<i>Cccc 3</i>	<i>Lale-</i>

INDEX RERUM

Lalemandus adversarius Noal- lii Card. 297	Legis naturalis præcipua sum- ma. 365
De Lamberg (Job. Phil.) in nu- mo exhibitus. 106	Lepra in S. Literis habetur pro luis venerea gradu summo 175
Lapis figuratus ex cubo & octae- dro. 461	Leucht (Christ.) sub nomine Cas- sandri Tbucelii latere puta- tur. 391
fungarius non est verus lapis. 238	Levia num in ascensu per flui- dum cum eo gravitent? 415
Philosophorum ex regno animali vel vegetabili frustra queritur. 413	Leunclavii (Jo.) de Jure Græco- Romano merita. 106-113
Lapidis figurati descriptio. 461	Lex aterna quanam? 365
Lapides signo crucis notati. 285	naturalis quanam? 365
Lapillus aranei. 461	Salica quo tempore lata, in- certum. 81
Lapilli in pulmone reperti. 462	Germanica primum lin- gua consignata. 81
Lapsus priorum parentum. 491	Lezneri (Jo.) opus historicum in- tegrum desideratum. 137
492	Libanii Sophistæ scripta. 263
A Lasco (Job.) historia. 394	varia Orationes edit. 263
Latitudo maris ex solis altitu- dinibus Solis determinari potest. 285	Libertas cogitandi doctis com- mittenda. 396
Latitudines variorum locorum. 188	sapius frenata. 7. 396
Leibnitius (G.G.) laudatus. 137	Libertatis definitio. 365
398. 426	De Libertate cogitandi libellus examinatus. 488 sq.
Leges emendatæ aut illustratæ.	non Tolando sed Collino tribuendus. 488
L. 25 t. 4 ff. de insp. ventre. 116	Lien rotunda figura. 462
L. 3. §. 9 ff. d. jurejur. 117	Lienis usus. 212
L. 1 §. 1 ff. de insp. ventr. 117	vermel. 410
Nov. 115 c. 3. 117	Librorum lectio ut instituenda? 279
L. 3. C. de inoff. testam. 118	copia pueris in for- mando stilo nocet. 279
L. 3 C. de in integr. restit. 119	Lineæ homologæ quanam? 216
L. 9 §. 2 ff. de minor. 119	
L. 27 ff. de V. O. 119	
L. 25 §. 1 ff. quando dies leg. 119	
L. 69, 70, 71 ff. de judic. 167	
L. 133 ff. de V. S. 167	

Lingua

NOTABILIORUM.

Lingua duplex in puero.	461	Longitudines locorum vario-	
primigenia quot literis.		rum.	188
composita?	422	Lotharius Imp. falso putatur au-	
humana non habet cor-		tor juris Justiniani publice	
pus reticulare ut bovina.	311	docendi.	136
Linguam sequuntur mores.	139	Pandeſtas Pisanis	
Linguarum historia.	423	donat.	136
confuſio in extru-		quando mortuus?	136
ſtione turris Babel.	399. 422.	Lothi uxoris mors.	497
	431. 494	Luciani vocum collectio.	484
Lipſiæ longitudo.	346	Luæ venerea matris non nocet	
ſata diverſa.	289 ſeq.	partui.	461
Lipſienſis Senatus privilegium De Luæ venerea Tractatus.	71		
	168	Lulli (Raym.) elogium.	474
Lipſienſes, colloquio ibidem in-		De Lumbrico Lato Tractatus.	
dicto, Luthero minime favere			408
viſi.	290	Lumbricorum humanorum diſ-	
Lipſius (Juſtus) num clam abie-		ferentia & anatome.	410
rit Jena?	21	Lunæ theoria ad maris longitu-	
Λιός ποτα & Opera Muſica		dinem inveniendam idonea.	132
differunt.	352	& Solis cultus primus ſpe-	
Lithophyton terreſtre digita-		cies idololatria.	495
tum nigrum.	344	in Sublunaria effectus.	34
Locuſta carnivora.	461	Lunularum Cyclico-paraboli-	
Locuſtarum anatome.	465	carum ſimilium datamque	
Logarithmus ſummæ & diſſe-		rationem habentium conſtru-	
rentiæ numerorum ut inve-		ctio.	217
niatur?	257	Lunig (Jo. Chr.) laudatus.	22.
Logarithmorum uſus in reſol-			315. 522
vendis æquationibus qua-		Lufatia quid notet?	146
draticis affectis.	260	Slavorum quondam &	
Londini Longitudo.	346	Soraborum ſedes.	146
origo obſcura.	348	ut ad Auſtriacos perve-	
Longitudo maris cur hætenus		nerit?	146
non inventa?	466	Electori Sax. concedi-	
ut invenienda?	47.	tur.	146
	466 ſeq.	Luthero ſpectrum ſe obtulit.	122
		Lyco-	

INDEX RERUM

Lycophronis <i>Alexandra</i> vocabula & argumentum operis. 484	scripta. 226 sq.
Lymphæ in cerebro secretio & excretio. 454	Malum summum. 471
Lyra & cithara antiquorum differunt. 63	Mammæ ulcus cancriforme laetè per sympathiam contractum. 460
M abillonius (Jo.) per preces capitis dolore liberatus. 157	Manbota mulctæ genus. 319
Veritatis studiosus. 158	Mania puerperæ ex vini abusu. 462
Ordinis sui vindex. 158 seq.	Manlii (Christoph.) rerum Lusat. Commentarii laudati. 145
<i>sic</i> Eusebii Rom. nomine latet. 160	Mannæ historia. 431 seq.
Mabillonii (Jo.) vita. 156 sq.	Mappæ Palestina notata. 4
scripta. 158 sq.	Marchiones vexillo donati. 313
Machina compressoria aeris. 414	Marshami (Jo.) elogium. 426
Maculæ cælestes in hemisphærio australi. 284	Martyrologia varia. 475 seq.
Macularum Solarium observationes. 187. 188	De Martyrologio Protestantium edendo consilium. 389 seq.
natura fictitia. 327	Mathildis Comitissæ res gestæ. 165
Magdeburgicus Ducatus originem Ottoni M. debet. 103	Matrimonii institutio. 491
Magdeburgici Ducatus Constitutiones. 404	Mechoacon radicis purgantis analysis. 342
Magi Egyptiorum. 499	Medica autopsia, historia & metabasis quid? 514
Magnetiæ vires singulares. 462 seq.	Medici munia. 514
Mala aurata singularia. 345	Medicinæ perfectio ab observationibus pendet. 459
Mallia & Mallobergia loca iudicii. 318	origo. 514
Mallincrotii (Bernh.) mirafata. 225 seq.	in sectas divisio. 514
memoria felix. 225	Medicorum Secta Empirica optima. 514
	Empiricorum principia. 514
	Medii resistentia determinata. 346
	generis verba apud Græcos quid denotent? 67
	Me-

NOTABILIORUM.

Medullæ spinalis defectus in embryone vivo. 341	Metalla habent sal vitriolicum figens & sulphur illigant. 413
oblongata processus duo um cerebello commissi, ab Eustachio descripti. 332	Metallorum transmutatio est possibilis. 413
Mel suffitui admiscere cur pro- hibitum? 307	Metastasis morborum. 514
Melanchthonis Loci communes laudati. 894	S. Michaelis Canobii prope Lu- neburgum fundatio. 104
Melchisedecus non merus homo. 197	Mindenlis Episcopatus funda- tio. 102
quis fuerit, igno- ratur 496	De Ministri Ecclesiæ officio com- mentatio. 530
Mellis usus in Damonum sacris. 307	Mæridis Atticistæ Lexicon. 484
Memoria percussione occipitis læsa. 462	Molinistæ ut in angustias redi- gendi? 271
Menynx dura triplex habet stratum fibrarum. 453	Molochi cultus. 500
Menyngis dura ejusque glan- dularum structura & usus. 452	Monachi Orientis. 426
glandula in si- nubus naturalibus. 453. 455	Monasticæ vitæ origo. 472
nervi. 453	autores Thera- peuta. 427
motus. 453	Mons oliferus trium luminum mons dictus. 4
Mercurius in regno vegetabili vel animali non datur. 413	Monstrum biceps. 193
Mercurii observatio rarissima. 132	Moralitas actuum in quo const- tat & unde innotescat? 365
essentia, affectiones. vires & usus. 411	Morborum metastasis. 514
character. 412	recidiva. 514
Mercurialis aqua ad vermes ventriculi columbarum. 465	venereorum reme- dium. 286
Mesopotamia sedes Ecclesiæ post lapsum Adami. 492	malignorum expli- catio. 33
	epidemicorum ra- tio. 170
	tempora & diffe- rentia. 514
	Morinus (Jo.) refutatus. 296
	Morus (Henr.) refutatus. 107 sq.
	Dddd Pe

INDEX RERUM

- De Mosis vultu cornibus radi-*
ante. 432
scriptis & rebus ge-
stis testimonia exotericorum.
 500
scopo in historia crea-
tionis. 49
Motus num voluntario adver-
sus? 364
objectorum in vacuo
sursum & deorsum factus. 414
Telluris diurnus expe-
rimento dirimendus. 328
Theoria nova promissa
 328
Muhlii (Henr.) Annales Cim-
briae Holfatici promissi. 394
Mulleri (Petri) J.Cti Jenens.
vita. 424
Mumia humana quid? 170
Munsterum e Judeo Christia-
num fuisse, falso traditur. 399
Musculi occipitales ab Eustachio
ante Fallopium depicti. 333
capitis complexi. 333
Musculorum mastoideorum de-
scriptio. 333
sterno- & hyo-thy-
roidum termini ab Eustachio
ante Morgagnium descripti.
 333
arytenoidaeon de-
cussatio ab Eustachio de-
scripta. 333
Musica organa in templis adbi-
ta. 446
Musicum systema Henflingii
impugnatum. 346
Myconii (Frid.) fata & vita. 379
N
Arium vermes. 410
Navigatio seculo aureo
ignota. 359
Nausea ut curata? 173
Nepotii dicti peccatores. 432
Nervi optici incurvatio ab Eu-
stachio ante Varolium descri-
pta. 332
acustici duri reptatus ab
Eustachio descriptus. 332
Nervorum decem paria ab Eu-
stachio descripta. 332
Newtonus (Is.) defensio. 346
Newtoni (Is.) errores emen-
dati. 346
Nicotiana aciem oculorum ju-
vat. 461
alba leti futuri pra-
saga. 465
Niliacae aquae dulcedo. 431
Nivis liquatae moles quantum
decreseat? 340
Noachidarum praecepta. 493 sq.
In Noallium Card. Papalis &
Jesuitici odii causa. 297
Nomina propria Judaeorum.
 268
Norberti Archi-Ep. Magd. vita.
 430
Noribergae longitudo. 346
Northani eruditi. 424
Nosocomii conditio qualis? 171
 Notio-

NOTABILIORUM.

Notiones juris selectæ.	365	Oderæ fluvii origo.	423
Notkeri Martyrologium notatum.	477	Officia hominis explicata.	366
Nubecularum australium declinationes.	187	Olearius (Gedofr.) laudatus.	263
Nullitates infinitæ num aggregant quantitatem?	42 seq.	Omao, vermis.	410
Numus C. C. Augusti anigmatiscus.	175	Omenti atheroma pilosum in hydropica.	311
Numi Leopoldi Imp. consecrationi dicati.	105	Onyx quid?	306
in Josephum Imp.	105	Optici nervi textura.	333
in urnis condebantur.	353	In Oratione Dominica Cabbalæ vestigia deprehensa.	399
Objectorum motus in vacuo sursum ac deorsum factus.	414	Ordinis equestris autor falso habitus Constantinus M.	428
Observationes Astronomicæ selectæ. 132, 186 sq. 261, 281 sq. 386		Ordinum monasticorum historia.	425 seq.
barometrica. 192		Organa Musica in templis adhibita.	446
284		Os tibiæ extrinsecus cariosum, intrinsecus solidissimum.	312
in India Occidentali factæ.	185. 281. 346	Ottonis M. vita.	104
Observationum accuratarum indicium.	460	justitia.	104
in Medicina		Ovarii hydatides ovula mentientes.	341
necessitas.	514	Ovidius emendatus.	177. 178
Observatorum virtutes.	459. 460	S. Pachonii vita.	428
Ex Occipitis percussione laesa memoria.	462	Palæstina in medio orbis posita secundum Judæos.	2
Occitanix historia.	93	Palatino Septemviro soli jus investimenti per vexillum tributum.	315
Occultatio fixæ a Luna facta.	187	Παλρυγγνεσία quid notet?	195.
Oculorum vermes.	410	Palpebrarum inflammatarum sensibilitas unde?	196
Syrones.	410	papilla nervæ innúmera.	311
Oderæ fluvii nomen unde?	423		311
		Dddd 2	Pana-

INDEX RERUM.

Panaceæ unde desumenda?	413	unde?	312
Pandectarum vox illustrata.	533	Penumbræ corporum a Sole il-	
Panodorus primus nativitatem		luminatorum.	345
Christi in annum Julianum		Pepo odore ambra.	461
XLV contulit.	153	Pergamenarum usus antiquissi-	
Papales Constitutiones a Ponti-		mus.	446
ficibus ipsis sprete.	297.298	Pericardii aqua naturalis est.	
Papebrochii (Dan.) vita.	180	sq.	342
Parabolæ omnes similes.	216	Perpetui mobilis inventor.	46
Parabolicus Christi stilus.	423	structura ex-	
Paradisi situs.	491	terna.	46. 47
InParadiso quam diu Adam fue-		Perronii Card. levitas notata.	
rit?	448		295
Parallaxis Lune.	345	Peruviani regni situs.	189
Pareira brava.	465	corticis vis febrifuga	
Parent notatus.	243	qualis?	77
Partheniastrum.	347	Pestilentia a peste differentia.	34
Partus Casareus in mortua.	462	Pestilens venenum in aere num	
Pasma, genus morbi lethale.	193	fluctuat?	116
Patriarcharum fata.	498	Pestis explicatio.	33. 114. 170
Patrinorum dona quæ ad pecu-		essentia in quo consistat?	
lium profectitium referenda?			78
	531	Pfaffius (Chr. Matth.) notatus.	
Pavimenta tessellata inventa.			485. 486
	349. 350. 354	Reformator sequitur.	
	5 Λιδο-		486
species differunt.	352	Pfaffii (Christ. Matth.) παλινο-	
Paulus Apostolus unde civis Ro-		diæ.	376
manus?	436	Philopatris dialogus quo tempo-	
S Pauli vita.	428	re scriptus?	142
In Pedum ulceribus cariosis		Luciano	
Cochlearia usus.	310	derogatus.	40
Pels-Adel unde dicatur?	117	sq.	
Penduli turbinantis definitio.		vindica-	
	245	tus.	42
Penis erectio in cadaveribus		Philosophi ob cogitandi liberta-	
		tem male excepti.	7
		Graci	

NOTABILIORUM.

<i>Græci cognationem sibi cum Diis esse contendunt.</i>	<i>435</i>	Planta lac fœminarum augmen-	<i>287</i>
Philosophia an apud nos exstet?	<i>367</i>	<i>visui inimica.</i>	<i>287</i>
<i>definitur.</i>	<i>421</i>	Plantæ per Galliam, Hispaniam & Italiam observata.	<i>239</i>
Philosophiæ compendium.	<i>367</i>	<i>num trachæas babeant?</i>	<i>344</i>
Phosphorus Hombergii quomodo inventus fuerit?	<i>343</i>	Plantarum nova genera stabili-	<i>347</i>
Phosphori mercurialis historia.	<i>316</i>	<i>refuscitatio ex cineribus non-ens.</i>	<i>413.</i>
<i>rationes.</i>	<i>327</i>	<i>Americanarum descriptio.</i>	<i>285</i>
Phrynichi Arrabii sive Arabis apparatus sophisticus.	<i>484</i>	<i>succus nutritius ascendit & descendit.</i>	<i>344</i>
In Phthifico bilis saxeæ constantiæ.	<i>462</i>	Pleuriticorum solatium stercus equinum.	<i>464</i>
Phthisis causa extraordinaria.	<i>460</i>	Pleuritidis remedium.	<i>464</i>
Pica gravis.	<i>462</i>	Plutarchus explicatus.	<i>10</i>
De Pileo scripta unum Theoph. Raynaudum autorem habent.	<i>520</i>	Plumulæ & numi aurei aque celer in vacuo descensus.	<i>414</i>
Pili quid sint?	<i>311</i>	Pluvia arenosa.	<i>193</i>
Du Pinus (Lud. El.) sua scripta recenset.	<i>152</i>	<i>artificialis ignea.</i>	<i>414</i>
Piscatoris nota notata.	<i>22</i>	Pluvix subitæ sub tropicis.	<i>192</i>
Pisces <i>volantes.</i>	<i>193</i>	Cum Pluvia sulphur non decidit.	<i>463</i>
Placenta uterina cum vasis uteri per anastomoses non conjungitur.	<i>311</i>	Podagræ causa.	<i>75</i>
Placentæ uterinae integumentum exterius unde oriatur?	<i>311</i>	Ad Podagram China China.	<i>464</i>
Placita, loca judicii.	<i>118</i>	De Pœnitentiæ stationibus in prima Ecclesia.	<i>199</i>
Planetarum a Luna detectorum observationes.	<i>345</i>	<i>disciplina antiquitatum monumenta.</i>	<i>103</i>
		Pœnitentiarii origo.	<i>199</i>
		Polypus œsophagi vermiformis, ex pulveris sternutatorii abusu.	<i>456</i>
			<i>Poma</i>

INDEX RERUM.

Poma quæ ex parte sunt pira.	345	postolorum?	6
Pontifex num faveat Semipelagianis?	270. 298	Privilegia Universitatis Fride-ricianæ.	405
Pontificis fulmina ut avertenda?	271	Probabilitas à morum doctrina exulare debet.	365
Pontifices Romani possunt errare.	270. 293	Processus species recensita.	166
Pontificum bullarum decretoriarum ars, methodus & instabilis autoritas.	297	ordinatio in Borussia.	406
A Pontificibus ipsis Papales Constitutiones spectatæ.	297. 298	Præno vel Prove Obotritarum numen.	147
Pontificii Cleri doctrinis anti-qua jurisprudentia corrupta.	85	Ptolemæi Geographia cum Codice Coisliniano collata.	484
artes in obtru-		Pulchri definitio.	137
dendis bullis Papalibus de-		requisita.	138
tectæ.	298	Pulchritudo corporis humani in quo consistat?	138
De Postello (Guil.) singularia.	515 seq.	eruditionis.	139
Potentiarum duarum ejusdem gradus, quarum radices differunt, differentiam inveniendi regula nova Wolfii.	534 seq.	Physices.	139
Præceptoris futuri requisita.	418 seq.	virtutis.	139
Præcipitationum Chymicarum rationes.	342	linguarum.	139
De Prædestinatione controversiarum in Belgio historia.	524 sq.	artis Musica.	140
Contra Præjudicia Theologica remedia.	489	Christi divina & humana.	447
Preces pro mortuis.	487	Pulmonis humani divisio & forma diversa a vitulino.	311
Presbyteri quinam tempore A-		Pulmonum substantia sero plena.	462
		vermes.	410
		Purchotius (Edm.) notatur.	365 sq.
		Purgantia Americana.	186
		Purpuræ novum genus detectum.	340
		Pyra denuo florentia.	463
		Pyxis magnetica novæ constru-ctionis.	467
		Qua-	

NOTABILIORUM.

Q uadratura circuli erronea. 47 sq.	Renes tres in lepore. 462
curvarum per series ex- pensa. 345	succenturiati humani cer- tam figuram non habent. 312
Quesnellii (Paschasti) scripta & fata. 28	peculiares habent vasorum sanguineorum extremitates. 312
In Quesnellium (Pasch.) odii Papalis & Jesuitici causa. 295 sq.	Renum succenturiatorum in- ventor Eustachius. 330
	Reus an affirmanda negare sal- va conscientia possit? 167
R aab fuit mulier cauponaria. 501	Rezii (Jo.) sinistra fata. 295
Radagastus, Slavorum & Sora- borum Mars. 147	Rhetorica vocabula. 484
Ranarum in pisces metamor- phosis. 464	Rhus myrthifolia Monspeliaca. 347
Ravilii (Jo. Textoris) collectio scriptorum de claris mulieri- bus recensita. 520	Ringelheimensis monasterii o- rigo. 104
Raynaudus (Theoph.) scripto- rum de Pileo autor solus. 520	De Ripuariorum legibus tracta- tio. 81
Recidivæ morborum. 514	Rivii (Jo.) liber de officio pa- florali in pagis recusatus. 530
De Reformandi jure. 113.392	Röell (Herm. Alex.) refutatus. 194
Refractionis stellarum quanti- tas. 188	Rollenhagen (Georgii) vita. 540
Reges vexillo investiti. 313	& Taubmanni fata. 541
gladio initiati. 313	Romanæ Ecclesiæ vilipendium antiquitatis notatum. 298
Regium titulum proprio motu sumendi jura vindicata. 393	Rosæ duplices & triplices. 463
Reinesius (Th.) refutatus. 317	Rosarum fruticum folia consti- tuunt Theam roseam. 463
Reizeri (Christ.) elogium. 394.395	De Rosweidi (Heriberti) Mar- tyrologio Romano parvo con- troversia. 477 sq.
Relandus (Hadr.) laudatus. 390.399	Ruinarti (Theod.) vita & scri- pta. 160
Relandi (Hadr.) scripta pro- missa. 94 sq.	Rusticæ rei scriptores Latini laudati. 362
Renunus in cane venatico. 462	Rut-
Renis structura. 331	

INDEX RERUM

Rutgerfius (Janus) refutatus.	359	impostoribus cufos edet.	62
Sabæorum idololatria.	498	Scientiæ speculative num pra-	
Sabbathi institutio.	491	cticis præferenda?	367
Sabina fœtum cum animabus		Scorpii aculeus tria habet fora-	
parturientium ejicit.	462	mina.	461
Sacci (Sigfridi) vita.	424	Scribæ ex imperitia libros falsis	
Sachsenburgum olim duplex.	92	autoribus tribuunt.	141
Sal quid?	411	Scribarum in Asia autoritas	
Salis essentia, affectiones, vires		summa.	435
et usus.	411	Scribendi apud veteres ratio.	
character.	412		446
Salacitas puellæ stupenda.	463	Scripturæ S. loca cum Polybii	
Salefeldensis monasterii origo.		et Arriani locis comparata.	
	162		527
Sanguis piscis calidus.	193	Scripturæ S. Loca explicata aut	
Satellitum Jovialium eclipses.		illustrata:	
	186. 187. 283	Genes. III, 8.	430
cum fixa		IV, 7. 17.	431
conjunctio.	284	VI, 3. 9.	493
Saxones unde dicti?	98	XI, 4.	448
quos Deos coluerint?	99	9.	431
Saxonix Elector Defensor Reli-		XXIII, 9, 17, 18.	316
gionis Evangelicæ nominatur.		XXVII, 11.	493
	368	XXXV, 22.	121
Saxonicarum legum historia.	82	XLI, 45.	197
Saxonum Principes num Regi-		XLIV, 5.	432
bus Germaniæ olim subiecti?		XLVI, 21.	2
	103	XLIX, 10.	497
Scabies aquæ vitæ lotionc cu-		27.	196
rata.	461	Exod. III, 1.	197
Scaliger (Jo.) durus censor.	372	XII, 26.	357
Sceptro Episcopi investiti.	313	XIV, 21.	431
Schöpfen-Buch liber quan-		XV, 22.	431
do scriptus?	319	XIX, 22.	197
Schottus (Jo. Car.) numos ab		24.	528
		XXX, 34.	360
			XXXIX,

NOTABILIORUM

XIV, 12.	433	XIX, 10.	174
XXXIV, 30, 35.	432	XXXIII, 11.	174
Levit. II, 11, 12.	307	XXXVIII, 8.	508
XVIII.	109 14.	XLIII, 23 & 24.	307
XXI, 12.	196	LIII.	357
Num. XX, 22.	499	LVIII, 10.	174
XXIII, 28.	500	Jer. VI, 20.	307
XXIV, 17.	504	XXXI.	505
XXXIII, 51.	1	XLII.	432
Deut. X, 6.	499	XLIX, 13.	357
Jos. II, 1.	529	LXVI.	505
XII, 11.	1	Ezech. VIII, 14.	437
XV, 21-32.	3	XVI, 17, 19.	307
Jud. XXII, 9, 32.	2	60, 67.	505
1. Sam. XV, 15.	443	XXIX.	432
2 Sam. VIII, 18.	197	XXXVI, 24-27.	505
XVI, 22.	121	XXXVII.	358
1 Reg. XIX, 9.	355	Dan. X, 13, 21.	447-529
XIV, 25.	449	XI, 2.	432
2 Reg. XX, 11.	501	XII, 2.	357-505
1 Chron. VI, 15.	2	Joel. III, 20, 21.	505
VIII, 8.	2	Amos V, 25, 26.	500
XVIII, 17.	197	Obad. XII, 13.	357
XXIV, 8.	2	Zach. XIV, 4.	529
Nehem. VII, 52.	2	Mich. V, 2, 3. VII, 8.	505
Job. III, 5.	432	Zachar. XII, 6.	505
XXXI, 26, 27.	495	XIV, 10, 11.	505
Psal. XVIII, 5.	435	Malach. II, 7.	197
XIX, 6.	433	15.	357
XXXVI.	505	IV, 2.	433
LXVIII, 28.	196	1. Macc. XV, 6.	433
LXXXIX, 52.	440	Mattb. III, 2. 504. III 4.	433
CXXXVII, 7.	357	VII, 3.	527
Cant. Cant. VIII, 6.	308	14, 21, 22, 23.	360
Coh. I, 3.	493	IX, 35.	527
Ef. VIII, 8.	355	XI, 2, 3.	302
XVIII, 17.	355, 56	Eccc 2	XV,

INDEX RERUM

XV, 5.	504	Act. II, 24.	435
XVIII, 15-17.	198	III, 11.	196
XIX, 28. 195. v. 17.	441	III, 13.	527
XXII, 19.	175	IV, 1.	434
XXIII, 24.	504	VII.	43
XXVII, 45.	2	XV, 33.	527
XXVIII, 1.	504	XIX, 19. 335. XIX, 31.	435
Marc VII, 22.	527	32. 5. XIX, 35.	436
IX, 43, 44.	107	XXII, 3.	434
X, 26.	527	XXIV, 15.	358
XI, 13.	433	Rom. I, 25.	440
XIV, 61.	440	II, 13.	520
XV, 33.	2	V, 6.	528
Luc. II, 46.	434	IX, 5.	440. 441
III, 2.	435	IX, 17.	2
VI, 1.	504	X. 9, 10. 360. X, 18.	2
VII, 37.	434	XII, 1.	436
VIII, 2.	434	1 Cor. X, 14. 59.	361
XVI, 23.	108	XI, 18, 19.	302
XXI, 35.	2	XV, 8. 194. v. 27. 440. 441	
XXII, 30.	195	2 Cor. I, 3.	440
XXIII, 34.	2	V, 17.	195
Joh. I, 12, 13. 435. v. 3.	438	IX, 13.	197
IV, 9.	433	XI, 31.	440
V. 28.	304	Gal. II, v. 8.	436. 9. 270
V, 31.	358	III, 23. 528. III, 27.	436
Johan. V, 37.	447	Eph. I, 3.	440
X, 30. p. 439, v. 33. p. 439,		II, 1, 5.	432
v. 39, p. 439, v. 34-36, p.		V, 2.	308
439, v. 37-38.	439	V, 14-16. 199. 436. 18.	436
XVI, 13-15.	439	Phil. II, 6.	528
VIII, 33, 41, 39.	435	Col. II, 13.	432
XI, 2.	434	III, 16.	436
XVI, 2.	507	Scrotum prodigiosa magnitu-	
XVII, 3.	195	dinis.	341
XIX, 36.	357	Secale tostum est Caffee Europæ.	
XX, 21, 22.	198	um.	463
		De	

NOTABILIORUM.

<i>De Secretariis scripta.</i>	401	<i>Sigeberti Gemblacensis scripta.</i>	164
<i>Secretionis vera ratio.</i>	341	<i>Signa diognostica & prognostica.</i>	514
<i>Sedendi mos Doct̃orum Hebr̃eorum in scholis.</i>	434	<i>Sigonius (Car.) Ciceroni libros de Consolatione supposuit.</i>	206
<i>Segregatio in primitiva Ecclesia.</i>	199	<i>notatus.</i>	208.
<i>Seldenus (Jo.) notatus.</i>	198.199		262
<i>refutatus.</i>	200	<i>laudatus.</i>	316
<i>Semen num fungi habeant?</i>	235	<i>Sigonii (Car.) scripta.</i>	207
<i>est promptuarium universi.</i>	411	<i>Silesiorum . florici.</i>	217
<i>Seminis fecundatio in plantis ut fiat?</i>	344	<i>Simulacrorum cultus an vetustior religioso?</i>	445
<i>essentia, affectiones & usus.</i>	411	<i>cur inventus?</i>	496
<i>virilis ad massam sanguineam regressus.</i>	462	<i>Similitudinis definitio Wolfiana.</i>	214
<i>duos meatus in capite gallinaceo primus depinxit Eustachius.</i>	332	<i>principia in Geometriam introducta.</i>	213
<i>vegetabilis fecundatio unde dependeat?</i>	344	<i>Similium definitio Leibnitiana.</i>	214
<i>Senacherib & Salmanassar iidem.</i>	450	<i>Slavi diversis a reliquis Germanis moribus.</i>	83
<i>Sermonis diversitas & ejus causa.</i>	422 sq.	<i>Sleidanus (Jo.) stipendio donatus.</i>	83
<i>De Sermone brutorum Autores.</i>	422	<i>Societates, quæ sermonis culturam perficere laborarunt.</i>	423
<i>Serpens in paradiso genio malo obsessus.</i>	492	<i>Socratis sententia de cultu Deorum.</i>	8
<i>Servitus alius tollendi quam?</i>	333	<i>Sodomæ & Gomorrhæ destructio.</i>	496
<i>Sesostris quando vixerit?</i>	449	<i>Sol inferni locus.</i>	107 sq.
<i>Sicyorum Reges conficti.</i>	450	<i>eclipsatus per nubes visibiles.</i>	262
<i>Sidera curiosius intueri nefas.</i>	359	<i>caloris causa non est.</i>	229
<i>Siderum cultus prima species idololatria.</i>	495	<i>Solis & Luna cultus prima species idololatria.</i>	495
		<i>Eccc 2.</i>	<i>Solis.</i>

INDEX RERUM

Solerii (<i>Anselmi</i>) de pileo libri <i>genius</i> autor.	520	Suffitui mel admiscere num licuerit?	309
Sollerii (<i>Joh. Bapt.</i>) <i>elogium</i> .	473	Suidæ locus emendatus.	29
<i>scripta</i> .	473	Sulphur quid?	411
Solutio operatio chymica generalis est.	412	<i>cum pluvia non decidit.</i>	463
In Somno conceptio.	122	Sulphuris <i>essentia, affectiones, vires & usus.</i>	411
Sophoclis <i>Tragædia Ajax examinata.</i>	325	Summum bonum in quo consistat?	363
De Spangenbergiorum <i>visis.</i>	424	Surditas ex membrana tympani crassiore ac densiore.	462
Spectra dari multi statuunt.	122	Surditatis <i>presens remedium.</i>	341
Speculum Saxonicum improbatum.	84	Suturæ <i>recta absentia in cranio notata.</i>	462
<i>Suebicum recentius Saxonicum.</i>	84	<i>sagittalis defectus.</i>	333
<i>laudatum.</i>	315	Swantowitz, <i>Venedorum Numen.</i>	147
In Speneri (<i>Phil. Jac.</i>) <i>exequias cuncti.</i>	105 106	Swidgerus Pontifex Clemens II.	92
Spermatiorum <i>vasorum vermes.</i>	410	Symbolica <i>scripta a Principibus edenda.</i>	396
Sphacelus <i>αὐτοχρηστία natura curatus.</i>	309	Sympathizæ <i>exempla.</i>	460
Spiritus vini <i>virtutes medicatrices.</i>	461	Symphorianus (<i>Ben. Curt.</i>)	518
Stab=Gerichte/ <i>vox inde?</i>	313	S. Syncletia <i>monialium conventus prima instituit.</i>	427
Stella prima magnitudinis in pede Centauri quādoque duplex apparet.	188	<i>ejus vita.</i>	428
<i>polaris quantocius in mari navigantibus evanescat?</i>	186	De Syntaxi Gr. L. <i>opusculum.</i>	484
<i>marina corporibus firmiter adhaerens.</i>	340	Syria <i>sedes Ecclesia post lapsum Adami.</i>	492
Stellæ <i>novæ apparitio.</i>	195	Syrones <i>oculorum.</i>	410
Stellarum australium nonnullarum <i>declinationes.</i>	187. 188	<i>mortem inferentes.</i>	410
Stellulæ in mari <i>visæ.</i>	192	Tabulæ <i>Astronomica Carolina commendata.</i>	131
Stercus equinum <i>remedium contra pleuritidem.</i>	464	Tabularum <i>Astron. forma novæ.</i>	285
Sternutationis creberrima & <i>vehementis remedium.</i>	462	<i>Labyrintharum cum cælo consensus.</i>	346
Ex Sternutatorii <i>pulveris abusu polyphus æsophagi.</i>	456	De Tachigraphia.	422
Stomachi <i>situs inversus observatus.</i>	460	Taciti libellus de Germanorum moribus <i>caute legendus.</i>	80
Stomachicum <i>egregium.</i>	287	<i>locus explicatus.</i>	312 sq.
Strategi apud Græcos <i>diversi generis.</i>	434	Tacticorum <i>liber.</i>	484
Στρατήγος <i>vocis significatio.</i>	434 sq.	De Tæniis <i>varia.</i>	410
Succi nutritii <i>circulatio defensa.</i>	344	Talmud <i>quando & a quo conscriptum?</i>	504
Sudoriferum <i>Americanum.</i>	287	<i>cur a Christianis legi debeat?</i>	504
Suffiendi <i>modus ex traditionibus Judæorum haustus.</i>	309	<i>intelligendi media commendata.</i>	504
		Talmudis <i>foliolumina a nonnullis Pontificibus flammis adjudicata.</i>	503
		De	

NOTABILIORUM.

<i>De Talmude varia.</i>	502 seq.	Tolando (Jo.) libellus de libertate co-	
Taubmanni (Frid.) <i>Com. in Plantinum</i>		gitandi falso adscriptus.	s. 488
defensus.	372	Tomitru mitigat pestem.	38
<i>& Røllenhagii fata.</i>	541	Topicorum efficacia.	173
Tellier (P.) <i>autor motuum contra No-</i>		Tortura ultra tres vices Jure Sax. El.	
<i>allium in causa Quenelliana.</i>	30. 297	non repetenda.	169
Terræ centrum num locus inferni? 107 sq		Tracheæ plantarum perperam in dubi-	
motus in motum horologii influ-		um vocata.	344
xus.	193	Tractricis proprietates.	345
Tertulliani <i>liber de præscriptionibus</i>		De Transitu Israelitarum per mare ru-	
adv. hæz. contra hæreses omnes cly-		brum.	431. 498
pæus.	299	Per Tripodem Apollo locutus.	65
<i>a librariis male ba-</i>		Triticaria <i>Actio</i> num a Fr. Triticio di-	
bitus.	300	cta?	533
<i>emendatus.</i>	300 sq	Trojanæ origines Francorum.	537
In Tertianæ febri China china usus		Tubera subterranea testiculorum for-	
nunc salutaris, nunc noxius,	461	ma.	343
Tertullianus <i>varioribus vocabulis lu-</i>		De Tungen Dominorum origo.	316 sq.
bentius utitur.	302	Turbinari quid sit?	245
Thea rosea.	463	Turris Babelis cur exstructa?	399. 421.
Theatrales ludi.	325		431. 448
Theodorus <i>Archi-ep. Cantuar. incul-</i>		Tutores Gerhaver Maximiliano II.	
patus.	300	Imp. disti.	532
Theologi omnium maxime laborarunt		Tympani membrana densior in surdo.	
præjudiciis	488		463
<i>debent esse Philosophi.</i>	489	Ex Typo non judicandum de anti-typi	
Theologia ex Philosophia exulet.	365	ratione.	361
<i>vera in quo consistat?</i>	486	Vaporum descensus causæ.	339
Theologicus Pyrrhonismus falsum		Variolæ ut prodeant, quid facien-	
contra præjudicia remedium.	489	dum?	342
<i>bodiernis Phi-</i>		<i>maligna.</i>	125
losophis tribuitur.	489	Vasa secretoria in glandulis lanugine	
Theologici studii perversa methodus		vestita.	341
notata.	489	Vasorum deferentium cum Vesculis fe-	
Therapevte monastica vite autores.	427	minatibus conjunctionem primus de-	
Theraphim quid fuerint?	498	pinxit Eustachius.	332
Thucelius (Cassander) vero nomine Jo.		<i>mesaraicorum communicæ-</i>	
Christ. Leuchte.	391	tiones ab Eustachio depictæ.	333
Tibiz os extrinsecus cariosum intrin-		Vaticinia de nonnullis Germania clau-	
secus solidissimum.	312	stris.	54
Tigridis species rara.	461	Vegetatio singularis.	344
Tillotsoni (Joh) vita.	94	Vernica dicta VVestphalica judicium oc-	
Timæi <i>Sophistæ</i> voces Platonis.	484	culta.	318
Titanum nomen unde?	451	Venedi religionem Christianam abnu-	
<i>historia.</i>	452	unt.	41
Titii (G.G.) vita.	424	Veneris observatio rarissima.	132

INDEX RERUM NOTABILIORUM.

<i>A Venere abſtinentia præſervat a peſte.</i>	35	Virtutum naturalium numerus.	366
		supernaturalium numerus.	366
Venter notat hominem naſciturum.	116	Viſui inimica planta.	287
non habetur pro homine, niſi		Vitra evacuata ut in oſcuro obturen-	
cum de ipſius commodis agitur.	117	tur?	414
an abſq; mari concipi poſſit?	118	Vitrearum lacrymarum phænomena.	465
Ventri quos partes ex hæreditate affi-	533	Vitringa (Campeg.) reſutatus.	399
gnanda?	533	Vitulorum lumbrici.	410
Ventriculus cordis unicus.	193	Ulcus cancroſum per ſympatbiam fa-	
naturaliter habet fermentum.	342	tum.	460
Ventriculi ſitus inverſus.	460	Ulcerum vermes.	410
Verdenſis Episcopatus fundatio.	102	Umbilici vermes.	410
Vermis longitudinis extraordinar.	193	Vogelius (Job. Jac.) notatus.	288.289
Vermes in ventriculo columbarum re-		Volatilia in morbis malignis non con-	
perſi.	465	ducunt.	34
varii generis.	410	Voluntarium quid ſit?	364
Vermium humanorum genera.	408	Vomitus ſpiritu vini compeſcitur.	461
origo.	411	Vorſtius (Conr.) Socini veſtigia legit.	21
Veficæ urinaria fibra carneæ.	332	Urina verminofa.	410
Veficulas ſeminales primus depinxit		Uſuardus notatus.	469
Eufſtachi.	332	Utenſilia quid notent?	360
Cum Veſtibus albis ſancti a Judæis di-		Utile num dici poſſit, quod non ſit hone-	
cuntur reſurrecturi.	432	ſtum?	363
nigriſ impii reſurrecturi		Vulnus ſpiritu vini ſanatum.	461
dicuntur Judæis.	437	Uxores apud Tartaros ab hoſpitibus	
Veſtium candidarum uſus apud He-		proſtituuntur.	121
braeos veteres.	436. 437	W Agenſeilius (Jo. Chr.) reſutatus.	497
Per Vexillum inveſtendi juſ ſoli Pala-			
tino olim tributum.	315	De VVanſlebio (Jo. Mich.) narratio.	20
Vexillorum in judiciis uſus.	313	VVergildum multa genus.	319
Vexillis quando inſignia intexi cepe-		VVeſtphaliæ occulta judicia cur Ve-	
rint?	314	mica dicta?	318
Reges inveſtiti.	313	a Carolo Mnon inſtituta.	318
Comites inveſtiti.	315	VWilkins (David) laudatus.	398
Marchiones donati.	313	VVolſius (Chriſt.) ſimilitudinis princi-	
Cur Vexillis Imperii Principes hodie		pia in Geometriam introduxit.	213
non inaugurentur?	314	VVolſii (ſiani) experimenta no-	
Vexillis num Vicarii Imperii ſeuda		va.	339. 415
conferant?	314. 315	Y Li, urbis in regno Chili, latitudo &	
Vinum eucharifticum aqua miſtum.	487	longitudo.	283
Virgines ante nuptias debirginata.	120 f	Z Ephyrinus de Pace reſutatus.	486
Virium centralium problema inver-		Zutphaniensis (Henr.) vita.	397
ſum.	346	Zythi mentio ſit in Sacris.	174
Virtutis definitio.	366		









